

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

集部  
第二〇一冊



責任編輯：孫言誠 賀 偉

ISBN 7-5333-0615-5



3B24/12

# 四庫全書存目叢書·集部二〇一

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 46 印張

1997 年 7 月第 1 版·1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

# 集部第二〇一冊目次

## 集部·別集類

讀史亭詩集十六卷文集二十二卷(二)

〔清〕彭而述撰  
河南省圖書館藏清康熙四十七年彭始搏刻本

..... 一

道山堂前集不分卷後集十卷

〔清〕陳軾撰  
福建師範大學圖書館藏清康熙刻本

..... 二八〇

石雲居詩集七卷詞一卷

〔清〕陳名夏撰  
北京圖書館藏清初刻本

..... 六〇五

讀史亭詩集十六卷文集二

十二卷(二)

〔清〕彭而述撰

河南省圖書館藏清康熙四十七年彭

始搏刻本

附《四庫全書總目·讀史亭詩

集十六卷文集二十二卷》提

要

讀史亭全集序

天間世而生一人則必其人爲可傳而特其所以傳者或以文章或以事功往往分見以立名而苟求其備則雖漢唐迄今亦且須領乎難之開府彭禹峰先生文章家也而夙抱事功之志嘗自言曰丈夫龍驤虎奮應策功竹帛當萬帝時取封侯而乃碌碌公等偕趙國十九人捧銅盤飲雞狗馬之血則其人必不傳以故丁申酉之季由名進士授百里去官非其志也會遭喪亂盡毀所爲文齧齒殺賊思以殄米脂柳澗之藥因之受英王之聘開府貴州大拓西南疆當是時先生以孱然書生破賊狼江馬嶺間何其壯也然而屢進屢退棲遲戎馬者越十年值王文通公暨經略丞相漢知先生以衆知行省開藩滇池進西粵儀同爲牂牁夜郎諸官長而迄不能如漢樓船暨兩伏波故事因又歎曰生即逢高帝而自知骨相不稱不能割茅土仍不若退爲文章猶得比封君與萬戶侯等而惜乎文章多散亡也先生少以時文名既以詩名又既以古文詞名而時文蔑略即嘗督學三楚大顯經義於天下而棄置勿道若詩古文詞則在靖州殺賊時輜車喪失凡從來文槩之在笥者悉付之烏有乃馳驅行間積其累年所撰著如幕府移文軍柵白事或橫槊而賦或摩盾以起草以至陸賈之爲書司馬相如之爲諭告封章羽布所在都有然且鐵

橋初開關索再開舉凡版圖所入例有記載銅鼓石砧類多刀筆銘勒之製予向歸田時僅錄其聲律謂三唐以還罕有其匹因作還町錄而冠之卷端然終未嘗錄其文也康熙丙戌先生之季子爲予同館官督學兩浙其文教之興得人之盛變庸俗而振閭閻與先生等乃於竣試之暇輯先生詩文彙若干集并若干卷合而成之爲一書予受而讀之上之渾渾噩噩幾於泐穆次亦兀莽奇桀截去郭郭撇轍執而絕塵以奔比之開疆辟土廓然於名城大域之間覺事功未竟反得藉文章而事功以傳予嘗謂古文之衰起於世之摹仿八家者比之元創八比描贖而面頗生人意氣盡矣而先生論文

讀東集序

二

適與余合故曰嘉隆後論詩不必七子唐宋後論文不必八家吾於先生見傳人焉先生真文豪矣哉若夫以事功而兼文章則惟杜當陽者能以平吳功註春秋策書近則王公新建既已平賊平蠻平畔逆樹不世功復能出所爲文與信陽北地相頡頏而究之文以功掩稱其功無稱其文者然則先生超然矣時康熙戊子長至後蕭山後學毛奇齡敬題於書畱草堂年八十有六

序二

青與赤謂之文赤與白謂之章雜四時五色之位彰施之一染謂之線再染謂之類三染謂之纁五入爲緇七入爲緇而後類采備具觀乎人文分陰分陽剛柔迭用其功用固有次矣以言乎天地大文則不然雲之起於山川也無定形也素之行人也周之輪也宋之車也魯之馬也韓之布也齊之絳衣也蜀之倉囷也無心而象焉者也水之趨於壑也無定勢也正出而爲濫縣出而爲沃仄出而爲汎尾出而爲瀆小波淪大波瀾直波徑無心而異焉者也夫惟無心成文辭必已出屏勦說雷同之弊而宣以天地自然之音洵斯文之英絕者矣焉

朱序

峰彭先生先世自臨江徙南陽之鄧州州人目曰樓子彭家先生既成進士釋褐知陽曲縣事絀於不知已貽友人書輒引唐之李衛公宋之張益州明之王威寧新建交相期許卒自副其志持節撫黔陽率麾下殺賊過當未幾輒罷去栖遲黃水者十年易登陴擐甲之身吟風嘯月所撰樂府不盡模倣前人至五七言古近體合乎興觀群怨之旨所謂人所應有盡有人所應無不必盡無者也先生自序詩文凡三鏤板一失於澤潞九仙臺再失於靖州今年冬先生季子直上以右春坊右諭德兼翰林院修撰視學政瀾江試事既畢取笥中存案合刻之手澤存焉不因卷帙之繁而輕議刪定焉竊尊

第十三叔父兵部郎昔忝先生同榜又與諭德君後先  
託身文墨職敦世好拜手作序不敢辭秀水後學朱彝  
尊撰

朱序

序三

夫戡定禍亂者著旂常之績鼓吹休明者恢雅頌之聲  
傑士建勛才流成藝事不兩能人罕兼體依古然已緬  
懷近代青田劉公發名元季成業明初決策揆幾乘時  
翊運而其才華穎豎詞翰斐然方宋諸公莫或能尚武  
宗之世惟新建王公差堪頡頏沂自蜀漢武侯李唐衛  
公有宋韓范諸賢而下踵武並稱指末三屈蓋其難哉  
鄧州禹峰彭公夙有奇負好談兵事舉子時曾爲督師  
熊文燦招賊獻忠既說文燦以擒賊之計文燦不能用  
卒底於敗建舉進士令陽曲無何丁母艱會京城失守  
避亂渡江堅辭卻聘終制沂流抵武昌將歸里值

王序

王師南下以英王疏薦督學三楚補分守永州道北定  
南王平荆湘用師川貴薦公爲貴撫予兵三千行至靖  
州降帥適叛公以一旅羈賊數萬相持歲餘賊不得逞  
乃巡按御史以不救永州劾公落職居數年尚書王文  
通公薦公於朝得旨赴經略洪公長沙幕府洪公表  
公爲衡州兵備道旋移桂林擒賊莫扶豹反公檄土司  
募鄉勇進擊扶豹竄走追敗之西山又敗之麻岡公設  
爲三難破四可擒之論卒縛扶豹平僮亂以功遷貴州  
按察使時廟堂征水西公建策謂烏蒙烏撒鎮雄東  
川與水西唇齒土司隴安藩於安氏昏媾也四府名爲  
內附實陰持兩端以水西之悍而安藩挾四府傳之安

坤誠未易制計莫如先誠安藩據有四府水西乃可傳檄而定也迨後誅坤竟如公策進廣西右布政使移雲南左使公久歷西南荒徼所經皆金戈鐵馬瘴烟瘴霧之鄉關疆展土才略馳發而橫梁賦詩譜鏡歌鼓吹之曲昔人所謂上馬殺賊下馬草露布者公其是歟願以廿年從事疆場不無班生玉門之感願乞骸骨歸會有詔召公改調遂行出滇南一舍許無疾而卒年僅六十公之才抱蓋未盡展也公生武侯之鄉懷衛公韓范之略其出處似青田其著績在新建立功之地而其文武兼資節操磊落當今實鮮其匹竊嘗論之青田新建鳳翥於前公鸞駕於後三百年間分光跂曜世有孟堅子

王序

將月旦表目鄙人斯言不虞河漢也公第五子直上論德戊辰與余同釋褐禮部余官左掖君居同巷數相過從及余歸里後君來視學兩浙既竣事奉其先人之集屬孫子思九詣余請序余爲兒童時讀滇黔二客吟卷即知公名心所慕向今忝爲年家後進得覩全集則名簡末屬有厚幸公之詩文雄奇峭拔如其爲人余顧不暇詳論而特著其不愧古人者以復吾友爲世之讀書知人者告亦見今世操觚之家無有如公者而於公不能不爲之服膺而歎息也若公詩文之工則有目者皆知愛重之矣何煩贅論與康熙四十八年歲在己丑春二月既望年家子青浦王原拜撰

原序

古文人遊滇黔者首推漢兩司馬嘗怪太史公以元封南遊其著作無可考長卿所傳亦惟荅盛覽論賦一篇豈蠻煙瘴雨未足發文人之綺思綵筆哉既而思之以雕題漆齒之衆語言侏儻至今或不知詩書爲何物一使者至輒解及詞賦其事甚異腐遷雖南來無所著至傳西南夸夜郎嵩昆明以及勞漢靡莫之屬皆因是以登於史冊是兩司馬者或人文藉以化導或人事藉以表章功皆堪尸祝百世者也厥後遊滇黔者雖多多淹沒無聞不則托他人一二語以記其姓氏諸葛君名士樹大功其傳聞於世者擒縱兩言耳彼既不欲以文字

馬序

自鳴從行諸君又無能詠歌記載其功績翻不如史萬歲武人猶有石城山絕句自寫雄心烈致焉良可慨矣唐之時駱賓王賈島游滇李白游黔頗有所著詠至段蒙竊據阻聲教者五百年以迄於明王偉何景明吳國倫諸公前後持使節至言論亦散見於當時要不如楊太史慎其居滇久撰著亦最富白古通記譯楚字爲漢音與李元陽張含輩往復唱和備表章化導之事焉又二百年乃今見吾禹翁彭老夫子夫子初授黔中開府值寇亂罷歸已而

王師開六詔起大叅視右方伯事旋復自粵兵使者晉黔臬移滇左司蓋遊滇黔者數而詩文亦屢授梓矣乙

已元夕從諸同官後得讀公新作樂府選體上下漢魏  
歌行字字少陵近體方駕何李更能以才用其法記序  
書傳搏掄出韓蘇而體裁本秦漢洵

開國文章第一大手筆也顧尚秘篋笥不可不亟梓以  
公諸世夫公之詩文多矣不必此始傳乃予亟亟為公  
謀傳此者誠以滇黔處萬里外我

國家不憚數百萬師執訊獲醜西犁緬甸東滅羅施其  
間征討之勲撫治之術與猛士謀臣循吏之勞苦非公  
大手筆為之揄揚則無以彰昇平而垂不朽且不特此  
也方今以古學造士而此邦僻荒服人鮮知書得公集  
以懸之國門奉為模式吾知後之為盛覽李元陽張含

馮序

者項背相望矣所謂人事藉以表章人文藉以化導公  
殆兼兩司焉之功而一身出之彼楊升菴撰著雖富然  
以身既放廢故得恣意於楮墨茲公游滇黔所司者刑  
名錢穀宜平反會計之不暇獨暇出餘力為詩文以表  
章化導於茲地若此是公之才固十倍古人而功亦特  
盛焉予既為之校閱授梓人更僭附數語於左使讀是  
集者知非以滇黔遊稿傳彭公實幸得公以傳滇黔也  
雖然公生長中州負大名少年往來吳楚間於明之所  
以亡與我

朝之所以興見之甚悉集中如憶昔行廣陵行諸篇皆  
以立告誡示法程通於其旨雖天下可也又豈獨滇黔

哉康熙乙巳花朝前五日屬吏馮甦盥沐書於五華僧  
舍

馮序

原序

余友禹峰偉奇磊落人也性豁達多大略頗豪於酒目不可一世曉暢戎事貫甲鳴鏑萬夫皆廢人皆謂班定遠馬伏波之儔而造物者抑之使以鉛槧顯及其紆朱紫綰銀艾崎嶇楚粵滇黔之間所職則刑名錢穀簿書期會之事雖一時赫然著聲績然非其好也顧獨發抒爲古文辭詩歌汪洋鉅麗不名一家言朗如日星變如霆電力大而識沈勿論小篇短什皆有吞吐江河之氣噫繫至此壯矣即使君擁旌建節麾百萬之衆指揮如意先登克敵之樂亦未必踰此予昔待罪嶺西君在桂林遠涉臬轅行矣予貽君詩爲別有云岐路自生車畔草炎荒惟有鏡中霜君得之歎歎諷誦反覆不輟於口者累日子蓋未常不以留滯遲莫太息而悲君之志也今君往矣遺編具存計後之讀者氣奪心惛亦當如諸侯軍壁上觀鉅鹿戰時則君之生平雖千百世猶見也其一時留滯遲暮之感卽定遠玉門伏波五溪究亦如是耳以之悲君何其淺哉何其淺哉康熙丙午季夏北海年弟趙進美撰

讀史亭文集目錄

南陽彭而述西陵甫

卷一

賦

盆魚賦

七星巖賦

悔賦

任運賦

蚊賦

醒迷賦

黃梅賦

短松賦

議

粵西鹽政議

水西條議

征永寧莫賊議

狀

論永寧賊情設堡官事宜狀

論永寧賊情州官領兵事宜狀

征古田事宜狀

論永寧事宜狀

卷二

序

汝宛課士錄序

楚騷箋註序

嶺南公餘集序

白雲山文集序

擬山園文集序

吳次尾甲乙詩序

劉杜三詩集序

袁崇嵐文集序

漢陽守傅夢築詩序

王藉茅詩序

馬頤公詩序	路也詩集序
林君苗詩序	丁赤霞詩序
李淑元詩序	吳惟初詩稿序
太原張瑞儀孝廉文集序	
朱允升文集序	聶易真先生遺稿序
寒谷詩序	楊將軍詩序
張禹木雪案序	
卷三	
序二	
李孝源詩序	湖南趙使者詩序
攸令涼州朱漢城詩序	
黃抑公詩序	胡德輝先生詩序
謝子貞文集序	梁孝廉見賓詩序
陶石章詩序	李磐石詩序
馬君輝集序	鄒恭甫遺文序
楊職方詩序	袁氏族譜序
家譜序	讀史外篇自序
續讀史外篇序	自序
滇黔草自序	南遊文集自序
明史斷略自序	
卷四	
序三	

賀汝南分守戴熾榮撫軍薦序	
戴熾榮分守擢廣西右轄序	
送戴熾榮入桂林序	
送戴熾榮侍郎奉 召歸朝序	
新野令汪崑木擢西曹主政序	
麻容將守禦鄧州序	衡山趙令保障序
楊蓼莪二府篆鄧序	楊公篆鄧序
送李道士歸衡山序	破門僧詩序
卷五	
序四	
宛理任公太翁榮封文林郎太母方晉太孺人賀	
序	送韓燕貽之官瓊州序
賀粵西制府序	其二
賀線伯再鎮廣西晉爵將軍序	
送西粵胡方伯開府南贛序	
代粵撫送胡德輝晉南贛開府序	
送楚觀察陳自修序	余聞宇初度序
樓太公八十序	
卷六	
序五	
鄧人祝樓太翁八十序	
張奎菴初度序	

郭太守初度十三城公祝序	麻將軍初度序	高鄧州初度序	州守陳頑龍初度序	前題	壽鄧守馮公初度序	張將軍初度序	分守汝南樓公初度序	亢撫軍初度序	卷七	序六	長沙誌序	攸縣誌序	靖州誌序	武岡誌序	新寧誌序	平越府誌序	旋吉歷試草序	龍雲師敬益堂序	雲南考卷序	黔考卷序	桃花洲社序	湖廣考卷序	庶草自序	送襄陽劉燃長序	劉母八十序	傅母節孝錄序	廖母內則序	衛母貞節序	卷八	記上	再遊衡山記	湘行記	遊飛來峰記	齊山記	杏花村記	湘山寺記
-------------	--------	--------	----------	----	----------	--------	-----------	--------	----	----	------	------	------	------	------	-------	--------	---------	-------	------	-------	-------	------	---------	-------	--------	-------	-------	----	----	-------	-----	-------	-----	------	------

遊九仙觀記	遊慶祥寺記	叔度園小記	東郭看桃花記	大水記	獅洞記	鳳凰山記	遊巾紫峰小記	柳東桂陽小記	桂陽西石洞記	沅撫軍古柏記	卷九	記中	遊浯溪記	飛雲洞記	桂陽山行記	桂陽遊記	遊薇麓記	飛山記	遊白蓮山記	遊蘇仙山記	半山亭記	神崗至南源羅塘記	桂林山記	陽朔縣觀龍舟記	粵俗記	水西記	遊天台山記	又記	卷十	記下	長沙至寶慶日記	寶慶至沅州日記	自沅抵貴日記	貴州至雲南界日記	一字孔至滇南日記	出滇日記	自貴至鎮遠日記	鎮遠州至沅日記
-------	-------	-------	--------	-----	-----	------	--------	--------	--------	--------	----	----	------	------	-------	------	------	-----	-------	-------	------	----------	------	---------	-----	-----	-------	----	----	----	---------	---------	--------	----------	----------	------	---------	---------

卷十一

碑記上

鄧州重修文廟碑記 鄧州魁樓碑記

重修寶慶學記 永興學碑記

重修祁陽文廟記 重修黃平學宮碑記

重修石鼓書院碑記 衡山重建景行書院碑

嶽麓書院碑記

陽曲縣狄梁公譜系祀田碑記

三堡碑記 重修夏禹王廟碑記

卧龍岡諸葛忠武侯祠碑記

卷十二

讀本集目錄

六

碑記下

貴池迴瀾閣重建關帝祠記

鄧城東門內重修關帝祠碑記

朱陽杜子美祠堂記 雲南右藩公署碑記

偏沅撫軍題名碑記 鼎建黃平州治碑記

重修雙清閣碑記 鄧城南郭重修文達橋記

重修永濟橋碑記 盤江橋碑

開嶺漢將軍廟碑 三星橋碑記

錦雞泉柏亭記 重修馬神廟碑記

重修慶祥寺記 順陽重修仙陀寺碑記

鄧州南寺鐘鼓樓碑記

羈提寺碑 衡府北郭香水遜佛閣碑

麻將軍英武防鄧碑記

汝南戴大參之官粵西右轄碑記

卷十三

傳上

陳御史傳 黃靖南傳

左將軍傳 井丁二君合傳

王茂才之章傳 李三翁傳

田貴妃列傳 吳中丞張夫人傳

祖與祖妣合傳 舅氏王公述塘先生傳

王遊擊及妻李氏殉難傳

讀本集目錄

七

孫令妻妾雙烈傳 胞兄萬里傳

卷十四

傳下

吳義士傳 丁二字先生傳

張豪士傳 歐陽南芳先生傳

陳茂才傳 張孝廉傳

王孝廉傳 徐將軍傳

張將軍傳 頑龍先生傳

俠女傳 道人李皓白傳

破門僧傳

卷十五

紀略	流寇紀略	賊屠鄧紀事
先節母暨長女殉難紀略	王孺人紀略	仕楚紀略
孫渠歸順紀略	徐將軍遺事紀	邵兵紀事
說	白蓮說	海圖說
鐘說	左氏先見說	卷十六
論	春秋十二公	隱 桓 莊 閔
僖 文 宣 成	襄 昭 定 哀	五霸
秦穆公	齊桓公	宋襄公
晉文公	楚莊王	史評上
子房	戚姬	司馬相如傳
平赤眉		

馬融	陳蕃	朱震胡騰	岑暉
誅中官	荀文若	街亭敗	三國
借荊州	劉備	史評下	魏晉
卷十七	鄧艾	二陸	南北朝
潘岳	西晉	桓溫	淝水
庾亮	殷浩	劉裕	江南十勝
唐代宗	李泌	出幸	穆宗
裴度	五代	郭重韜	宋太宗
西夏	安石	徽欽	賈似道
文信國	元論	許衡	左帥
何督師			

卷十八

讀

讀留侯世家

讀陳涉世家

陳丞相世家

周絳侯世家

管晏世家

題跋

書李鑑湖藏孟津先生墨蹟後

書夏人淑詩後

破門書懷素帖跋

破門臨十七帖跋

趙興寧詩跋

書蜀人戴廷對詩後

又

書盤江墨刻後

贊

灘江軍庾贊

芝舫贊

雜記

記遊清涼寺

記衡嶽僧麗中

陳時夏出遺詩記

海棠記飲

記石橋

記馬頌若談方竹

漢上寄譚擬陶記四首

記與慧思飲

記獵

漳水記

石虎記

木芙蓉記

種竹小記

盆魚小記

曹疑塚記

石船記異

記鄧道人事

蓋封之

張一菴閻戎

呂補菴

李官說送林惠軒

夏鳳池

鄭尚清

魯大儒

書袁一倩扇

呂貞一二則

李磐石

想園

獨秀山

胡君召

石荆山

史質輔

丘安寧

張青弁

回鴈說祝李東園

疏

再起接引佛疏

新堤真武殿疏

巴河修地藏閣疏

卷十九

啓

候楚督李公啓

候楚撫張公啓

候湖南按院周公啓

賀李總督生子啓

復線伯小啓

與黃鷗潛方伯小啓

與中州朱學臺小啓

與孫理刑小啓

賀黃布政陞太常啓

迎柯提督小啓

迎雲撫袁公啓

迎雲撫啓

冬至上總督啓

尺牘上

與黃學使彤沐

與王太保覺斯

與黃仲霖督學

又

與王念尼督學

與周元亮

又

與吳天目

與衡州道張宜男

與李保菴

與然石

與吳若谷師

與提學李素心

與戴巖肇

又

又

與庚生

與劉與父

與荆門鄭總鎮

與澤州馬孝廉

請李太公書

十三

與汪翰林煉南

與寶慶李總鎮

回黃公卜

與趙韞退

又

與趙糧儲

復鄖陽趙僉事

卷二十

尺牘下

回柳州道黃公卜

復劉侍郎湛瞻

與楚劉方伯

與胡德輝

與姚亦若

與荊州副使王林州

與駿聞

與貴州巡道陳頑龍

與雲督卞公

與粵東糧道趙霞滑

與侯筠菴

與黃抑公臬司

與史永寧

又

與陳子完遊擊

與馬參將

後卻聘書

與錢志騁同年

與楚錢都閫

與龔芝麓總憲

又

與浙江趙總制

復孫倩溪

與劉元初

與吉太丘

卷二十一

祭文上

祭李孝源文

祭危貢士伯起文

續李太公書

十三

祭張太守文

祭丁隆吉孝廉文

祭羅總督文

祭許菊溪文

祭原任廣西巡撫李公文

祭明遠將軍兼國史院編修羅公文

湄潭王將軍太翁祭文

祭包太母文

祭陳將軍母文

祭楊筠伯太夫人文

卷二十二

祭文下

啓兆告父合葬母文

祭母合葬文

墓誌銘

考隱君文字公元配王太夫人合葬墓誌銘

梁孝廉墓誌銘

丁二字先生墓表

族姪來泰墓表

義僕黃紀墓誌

河東王將軍先人墓碑

行狀

胡翁阿思哈哈番行狀

補祭陳時夏秀才文

讀史亭文集目錄

讀史亭文集目錄

十四

讀史亭文集卷一

南陽彭而述禹碑甫

賦

盆魚賦

乙酉

李淑恒封君旅寓燕陰種魚二甕約百十頭文采錯雜離陸然也六時中輒引客顧樂之子及張其疇各有賦是公意也

若夫天網濺浙潭沲入裔靈淵蒼蔚滌蕩萬里漱壑成浦區別作湖石瀨浮鏡蘭渚抽蒲揚暑鼓鬣品異族殊則有春社潛出丙穴暗入火照北斗娉娉浹漣或食而不飲或飲而不食理五藏與十經首激昂而尾直枕則

讀史亭文集卷一

有丁腸必去乙赤睚獨行厥冠戴石避風宜暑神異入方朔之經文羽鵲音獨憂披山海之帙林湖之鯽洞庭之鮒金盞玉贈閭閻拋殘於吳江散班纖縹劉憑烹鮮於石柱惟王叔之允稱厥德能升亦婢妾以奚辭其性善下下元駒黃驩兗州謚乎神駿吸雲嘶霧琴高因而飛仙將夥够不可單究抑儻慨而不可盡之於語言爾乃雕甍綺疏碧甃藍朱角倬倬以森布藻井懸帶以紫紆瞻瞻國老杖履生情轍轍階階隨顧盼堪娛則有京兆上洛之界寒江盧阜之衝塗足履水伺夜火於抱朴吞啖善變述異紀於桓冲揚標而簷牙皆絳躍焚而玫瑰初紅既含丹以星耀亦凝紫而烟葩霜鱗弄影玉羽

流霞警散文之雲錦徐菴獨乎朝華演漢蘊藻影動瓊  
牕翕習容裔如指蓬壺而駿健吟唱沈浮將佩緹縈以  
輝煌飲瀾灼之玉醴酒會記西華井一有餐蟻蝶以爲根聞其  
無人整神貌以自持頤而樂之終夷猶以頤昕若乃五  
繩漏低金波露墮要眇微波嘜嘜相引珊瑚出蔚琥珀  
灼枕左慈垂竿以潑刺瓠巴報琴以潤淦如出漢水而  
遊西海詹何技窮而任公之巧窘至如隆履宴客烽鼓  
喧聞烏程交瀉激灑膏蘭靚粧細唾飛字蹴蓮金鋪映  
屋作給照筵碑磔傳竿瑪瑙堆盤莫不踈蹕湛滌問遊  
汨旋乍傾是以耳語集頤骨而悟絕絃爛飛煽於墻幕  
帶陰火之潛然又若靈曜灑灑纖羅離陸朝烟曩歷暮

讀書文集卷一

二

燭煜呀呬斯媒判衍斯傾既躍端戲瀨以旁魂亦崩  
雲屑雨而砰訇颯沓矜頤而微桂自憐遷延遲暮而臨  
驚不驚所抱者固託宇以寧此何異蛾眉之殷昭陽而  
錯國者之屹有長城醜類引伸實難觀縷蟠溪啓非熊  
之佐舟躍盟津富春沉羊裘之星龍飛渭里帝胄取譬  
於瑯琊而西昌亦乘便於頽尾豈微物之有關於興王  
而知者不徒取夫樂水臨淵忽羨忘筌志喜江湖免煦  
沫之勞升斗感波臣之起疏碧漪於方塘錦鱗於片  
畧陋蹄涔之一掬非南溟之可徙原夫桃花拍浪題龍  
門之額壯士復仇瘞虎丘之腸馮驩彈鋏以歸來惠施  
臨濠而徜徉亂臭巖慌於呂政前席掩袖於龍陽白服

來豫且之困三街登關西之堂水忌太清淵察不祥中  
孚因而著卦菟齋戲人是將月令之文薦寢曲阜之書  
紀索孝子睹枯而未慕逐臣孽腹而歎故國之難忘賢  
人君子每鴻羅而歎夫網密窮奇餐餐輒天矯而鳴意  
乎跳梁此則關政教之有得失而殊不盡人事之意量  
惟夫茲之爲物也鯨鯢相續爰長子孫鯨鯢不已卵育  
鯢鯢庸庸禹禹無蕪山芒草之慮汕汕罩罩免星見澤  
竭之患平對玉樹之青蔥照芳蘭之葳蕤名王有道封  
淫慝於京觀華林攸貯養天和於期頤忌厲生之橄欖  
是惟遠之錫尚方之金緋其兆允宜

七星巖賦有引

讀書文集卷一

三

巖在桂林江東傍江而起突綴七峯適如星旗  
石豁喝喝青削萬仞下有尙穴剎架崖广入而  
探之豁然無際可十里許鑄剿造化中大有物  
同燕山李梅谷晉江黃抑公晉陵張一菴往觀  
性不耐強半齋出諸君嘲曰能爲賦乎援筆而  
就客酒未關其詞曰

維瀛江之清冽兮翔百粵之上游界五嶺而南通兮神  
畢側立乎東洲蜿蜒扶輿盤礴而上薄夫鴻濛兮伊誰  
莫芙蓉之根若兄弟後先而相遜讓兮爲俯江而盤桓  
伊彼造化瑰璋鬱律離宮太鄉乃生奇僻神物穆以恂  
恍氣冷然而蕭瑟咫尺不見天地玄默於是炬火烜明

蹴躡尸猶人遊地肺萬靈攀愁魚蟲亂響網罟亦稠黃  
金四目雄虺九頭乃粉葩之懸榜見真客之來遊菖蒲  
百本蘭蕙一丘弓矢斧鉞象胥鞬轡車輪喧呀幄帟迷  
離鸞飄鳳泊攫拏虎螭既雁鶩之翱翔胡橘柚之垂垂  
乃若門開母子道闊經緯朝市祖社截紫大起殿廡濺  
廣重檐連屬五室三四步行彳亍夥頤沈沈明堂夏屋  
容大局之七個嬪卿儲焉而如有未足左厥建章右陳  
阿房駢剛赤緹熠熠煌煌千門萬戶相綢繆朱碧關干  
玉瑩篋乍金薤以雷破忽偃僂而若鈎高高下下逶迤  
詰曲白盛夾腮望然四隩霞駁組帳寥豁林麓浮屠睢  
盱跌坐坡陀獅子襪攤豎毛寢訛烏潭龍睡匍匐凌陰  
雪積峨峨爾乃獸簾禽筍羅列絲絃陶甌旋篴鬪高調  
疊或如六瑞在輯率王公侯伯子男而來臨或如六器  
在御舉上下四方而就列後鵠沙蟲相與飛上有犀羣  
下貝璣齊詣志怪禹鼎著奸蛇鬪域來相率鈎連星隕  
鷄退無待而然於是精罷力勑氣喘而汗天戶微裂石  
罅洞半踉蹌而出白雲滿袖如魔初醒如夜初晝神魂  
煢惑失其部伍府吏卒徒更僕再數問今世之何世吾  
生平有目之所未睹客來報曰穆滿河神寶宮斯開傾  
庾創廩貨貝孔偕客又報曰太真燃犀采石江下方良  
晝現或象或馬子曰足矣龍神出水半體則休馬肝不  
食良此之由周禮垂訓天官餘財乃共玩好安能貪冒

於異物不知紀極而遺議夫季倫之與靈寶為擊石作  
歌曰翼軫分野兮界遐荒產此窈窕兮構洞房山川貧  
瘠今此中富有嚙噬崆峒兮上映維斗取精弘多兮何  
必玉府之藏將軍之庫子中道而旁軼兮誠恐夫貪得  
者之顛躓而不能取有大力者負之而走願借山靈為  
封洞口

悔賦

彭子生四十有八年矣感身世之多艱悟盈虛  
之至理早歲失怙曾廢王哀之詩強仕入官終  
慚毛義之檄兼以鳥飛故苑鹿走平原庚信抱  
去國之悲哀江南者一賦鑿齒齋入秦之恨得

讀李太公集卷一

五

襄陽者半人烽火彌天灰遇昆明之劫豺狼滿  
路象入巴蛇之陵既困頓以連年徒崎嶇而行  
路文姬已老再畫蛾眉節度云亡空留燕子同  
虞卿之棄印慚未著書羨內史之歸來聊成誓  
墓坐念平昔把臂強半死生分途過黃公之故  
墟惟有酒壚尚在經山陽之舊地無復笛聲再  
聞短髮日見蕭疎暮齒漸以搖落能詩水部既  
去揚州愛酒山公復離峴首當此花朵爛熳之  
際又值鶯聲曉曉之時坐臥柴桑餘陶潛之三  
徑慨念疇曩擬平子之四愁芳草萋萋念王孫  
而不返邑犬狎狎驚粵雪以頻年偕隱既媿鹿

門壯志復漸麟閣用作短賦以慰牢愁其詞曰

嗟我生之歷艱兮何嬰兒之荼苦值皇天之不造兮乃四歲而失怙嗟老母之辛勤兮啼哀聲之杜宇抑機杼之軋軋兮纖流黃而易糈帶指血而畫荻灰兮篝燈瓦甌謂予不底於弗類兮期無墜前人之遺矩甌勉予不敢即安兮既為其地而弗還如蒙泉之始發兮亦盪觸而涓涓念疏室之艱難兮不遑計其傾仆也將負丘墳累以至於崇基兮夫惟修能之故也從鄧陰之塾師兮且砭砭以窮年恐予力之不贍兮勤薦莖於石田既弱冠而列子矜兮念前途之修阻乃王父母之並逝兮亦舉趾而齟齬遭年事之流冗兮秦寇起於甘涼見川原

讀李本義卷三

六

之流血兮憐焦土之厄夫咸陽荃既受此此離兮僑大堤而延佇唯河雒之繼陷兮求寧宇而無所既賦雪於梁園兮奏明光而上書唯民符之是膺兮歷太行以命車瞻彼汾晉兮傷心三坂之墟平陽曰帝都兮尚有堯時之康衢亡何北堂既頽兮慘淚灑於潘輿度羊腸與孟門兮浮馬鬣之一封逢相國於大任兮且決背於岱宗歎旬始之變現兮機槍犯乎紫極望太行而腸斷兮痛黃花於九日值義師之南指兮殲獬獬乎九江懷故都而不忍去兮將毀芝而入商東來繫纜於黃鵠兮為當塗之所伺遂蒙面而復官兮爰羈旅而整轡朝頓裝於桂林兮夕刷馬乎夜郎彼城郭之生蟬毛兮蠻蠻

茲武岡覽九嶷之嵒嵒兮探五谿之谿聞見洞庭之粘

天無壁兮山鬼夜泣於黃陵之下無赤仄以事權貴兮

知衆嫖之嫉妒將拂袖而賦歸來兮依鶴指吾以舊路

頭練練而將白兮日荒荒兮平原畏義馭之將翻兮影

虧蔽於崑崙癸巳三月七日有數百日報聞安得后羿之善射兮乃狙九而

一存吾既知出身之再悞兮冀桑榆之未晚魏其之屏

居於藍田兮夕失勢而凌奪彼三后而七夫人兮能不

痛夫夏姬弔長沙而尋武陵兮唯予心之惓惓長孺見

溺於田甲兮驍騎來呵於醉尉豈不知任安之可重兮

固亦灌將軍之使氣聞酒伴以無人兮楚些既不可招

獨伊鬱而誰與語兮徒甌哇之嘈嘈感楊柳之旖旎兮

讀李本義卷三

七

四月飛花乃南兵之未戢兮僂屍如麻彼蒼梧之不守

兮又繼之以辰陽義軍十萬同死兮血流渠以湯湯佩

長劍之陸離兮揚雲霓之鴻洞徒下帷以白首兮恥雕

蟲之無用誓將選林慮之最高峯兮燒丹藥以鍊羽翼

或左支遁而右惠遠兮望匡廬而命屐

任運賦有引

予自順治四年冬來守永州越明年奉恭順王

題請開府黔中於二月二十六日就道赴任黎

平路經靖州值叛將陳友龍之變冒矢石犯重

圍僅得不死標下副將賀進才殲焉聞關狼狽

走黔陽淑浦東來復領兵長沙而偏撫線縉業

已移汎沅州告陷黔路遂梗自夏抵秋秣馬邵陵恢新寧新化二邑季秋養病湘潭邵陵又陷賊渠一隻虎合王馬諸賊蜂擁大衆至予同線撫徙長沙賊圍長城三匝攻六晝夜城幸無恙此十一月十一日至十六日事也不意永州已於是月初一日失噫使予在永能保永不失哉求失而予能獨存哉抑中間非永而能死者亦數矣而究乃不死不死而人有後言或者出於如婦之口乎則將應之曰永吾地也乎哉乃作任運賦以自廣焉辭曰

駕吾車於皇路兮三千里而來楚騁鷁首以翱翔兮乃

請東本集卷一

八

解纜乎鄂渚覽洞庭之浩淼兮陟衡山之崢嶸彼玄霜之凜冽兮曰蒞部以零陵親芳草之葳蕤兮望黔陽而宵征弔公綽之遺跡兮過武岡而尋銘時維孟夏載弄夜郎罪人蠢動於靖之疆偏裨失利我師用喪奸雄跋扈遺孽跳梁踰會同之馬鞍兮凌淑浦之黃芽歎風雨之戒塗兮迤邐抵乎長沙甫整義旅誓收桑榆沅州告陷變起須臾於是冒隆暑駐劄陵出奇師恢二城一病郎當藥餌湘水有寇如麻秋風颭起披堅守禦在彼星沙彎弧貫甲蟻蟲爬爬維時永州亦復不守曰師武臣棄印卻走南人有言爲予舊地離茲一載豈曰中棄虎豹九關伊予何畏投井下石誰職爲厲大化流行隨人

賦予默默冥冥無可告語首萬物而獨靈鍾五行之秀氣胚胎無形髮爪墮地啼哭何因性情具備罔不愛五福而鄙六極將誰惡繁華而耽憔悴或貴若萬乘或賤同厮走或家藏金穴或貧居甕牖或黃耆而耄耄或耄艾而速朽得時則鴻毛之遇順風失時則牛戢山而回首燕婉之求爰得戚施短黑而妬乃入宮闈嬖孽季女是用阻饑物之難齊振古如斯彼南陽之將相兮托粉榆而結肺腑伊長平之趙卒兮至今乃鬼泣夫陰雨博浪一椎竟脫虎口大風揚沙赤帝西走魏相綈袍獨憐范叔折脅而逝更無張祿昭關南渡霜染其髭不逢浣婦誰鞭荆屍李陵敗北罪通於天乃下蠶室波及腐遷

請東本集卷一

九

忠而見疑厥有屈原抱石汨羅千載難明少年喜事長沙投賈不死於鵲乃死於馬伏波征蠻下潦上霧玷玷飛鳶惹惹與妙稻康慮禍乃著長生廣陵散盡寶魄孫登二陸歸洛掩其祖烈婉婉長離載離其穴子儀聲妓主上不疑會宗賈禍豆落爲箕淳風有言王者不死乃在後宮郭璞善卜既遇王敦乃盡日中蜀將子龍百戰而壽潭城脫馬銜木入口王戎敗事不關水磴夷甫排墻清談罹罪劉賁下第李郃登科馬周一言遂縉常何鄭五作相李廣不侯揚雄投閣綠珠墮樓諸如此類更僕難周乃若朱仙大捷金牌十二緋袍躍馬在金山寺潭沱氷堅錢塘潮退降帆石頭煙沉鼎沸臥榻之側難

容軒睡此又屠數之有歸故賢哲委之天意

蚊賦

庚寅五月客  
衡陽香木庵

維招提之幽居今何草木之叢茁紅榴灼彼顏垣兮近  
泔池而生才

了齋好集  
中吐於鴟母有巢其曉么磨細小  
水上久明為蚊

與卵胎別利嘴如錐吳鉤是舌呼九族而結響仇衆生  
而作孽匿影白日布陣黃昏乍飛覺雷轉砂礮則有  
簾鈎翡翠冰簟水痕宿衛千戟侍婢如雲乍連娟以修  
嫵羌旖旎而益蓋獻媚未已爭妍方歇海棠如醉銀缸  
未滅爾乃乘缺隙伺左右苟纖路之可通乃一夫之不  
守奪溫柔而作窠與嬋娟而為友喋血相尋歡娛幾時  
纖纖玉手死以為期雖粉黛而不顧乃風流止堪自知

謝靈運集卷二

十

又若龍驤東下席卷三吳樓船南來竹破五嶺繡幕列  
山陵以為房胡牀敷水晶以為屏刁斗不聞萬竈熟寢  
將軍堅臥蝴蝶樹枕爾乃避堅攻瑕藏害腋肘笑舞陽  
之鹵莽排闥直入陋三鼓之崑崙叩放疾走或扼吭而  
拊背或搥胸而擊首於是督護鼓刀僕射拔劍慄刻骨  
以誓肌決雌雄於一戰勅諭軍中勤傳漏箭有物竊伺  
甘夢未便逞其利口徐夫人之七首縷濡銘若劍鋒霍  
將軍之芒刺在背况枕上過師是云節制之兵豈臥榻  
在側可容鼯睡之輩於斯時也韜形藏聲竊窺冥冥去  
若兔脫矯如鴻驚納軀於芥子之末戢羽於游絲之庭  
錦衾穀稠聽言則寤蟲親蟻侶唾而不顧雖食肉之足

鄙乃弋人之何慕至如徭俗土蘭山氓縹緲縫防汝  
難追鯨鯢白首病僧駭瘵繩牀裸體僉父手足木僵任  
一食而告飽如鐵牛之難降乃屢戰而屢卻且支離而  
羸羸則存乎所遭之不同豈不曰老饕之為殃凡厥肖  
翹蟲豸蠅蚋血國三千貪者敗類需需擇夫豐鬣癭癭  
起於禪中猶以柔而害物任一嚼於薄躬未若此之蠶  
尾豹腳馳擊刺而為雄將聚族而殲諸焚毒燎以火攻  
彼王者之好生亦不仁之屏絕等逐梟與驅蠅埃秋風  
而撲滅謹惟情以自持遂輾轉於明發

醒迷賦

有引 辛卯後二月

僧醒迷義陽人浪遊雲海老歸紅崖與朗公友

不續靈臺集卷四

十二

善會辛卯春予新自西粵來晤文明橋上韻辯  
累日陰雨霏微跨馬東去為小賦以贈之

維涓水之潺湲今為漢光之肇迹鬱高臺之嵯峨今乃  
陰后之所宅狐貍聚而棲託鴻鵠鵲弄晴沙而容與  
乎中澤北望丹霞綠崖紅髻南距鹿門峴首疎峙爰有  
蘭奢厥號醒迷胷中五嶽蒼梧為低策孤筇以逍遙翔  
九州而紆徐彭蠡粘天五老峰孤靑鞋九華白舫西湖  
探禹穴於會稽禮天童於海隅乘興歸來徙倚白門牛  
首硯碑燕磯嶙峋談經虎丘之石搜奇瓦棺之閣觀雨  
花之續紛臨浮玉之聳削有懷朗公錫來湍浹石橋如  
虹凌虛而起一爐寒烟梅檀拂几朝粥一盂酌水用飽

為鉢中龍為頂上巢汎蘭蕙以迎風雨蒼復而響條乾  
雀啁兮客至芳草萋萋兮春暮聊烹茗以遲回且刷馬  
而東去

黃梅賦菊野

夢綠梅花如金粟如編貝如琥珀顆如蜜脾綴有侵而  
讓者有俯而背者有纂纂似衆者有珊珊結珮者纖幹  
銅根龍腦蛇蛇染君王之御袍配中央之正位似海棠  
之帶酒微暈半酣折芍藥以留賓遠山初對洞庭有橘  
徒誇千頭之木奴湘浦多蘭不止百畝之樹蕙至若號  
國夫人騎馬仁壽之宮趙家姊妹新粧昭陽之殿莫不  
旖旎可人婀娜婉孌况復朝華易萎嚴飈方厲壽陽睡

讀李太公集卷一賦

三

起驚鴈額之微黃玉環宮中訂裙衩之色異楊貴妃村  
姬半面籬落全開處士一生孤山顚顚珊瑚枕碎陳思  
夢繞乎洛濱胭脂血飛楊廣魂銷於吳會誰復曉此冰  
顏撫茲玉藻識廣平鐵石之腸似魏公斌媚之意者乎  
傳來驛使試問化工庾嶺參橫人在衆香國裏江南信  
早吹來五月笛中將予贈我須拔茅以連茹維柯與葉  
勿懷鄉而戀土

短松賦有引

西粵大觀察黃抑公先生公署獨秀山之隅不  
知自何所移來短松一株盛以磁甕方廣不盈  
尺五粒灑灑居然松也會辛丑再秋同胡德輝

藩伯張一菴閩司暨石荊山諸君酒其次抑公  
索予賦之為走筆作小言頌焉

翳徂徠之遺種兮遷地嶺南彼霜雪之為姿兮飽食煙  
嵐我聞西粵實桂林兮秀凌冬而彌蕃伊蒼梧雲氣之  
蔚鬱兮挺厥根之維盤借灘江之一滴養摩霄於益盎  
吸蠻雨之滋培兮乃婆娑乎前軒爾其茉莉是友藤蘿  
同羣藏之甕間灑濯氤氲如虬未角如豹無文譬之草  
木臭味莫分豈知其身負棟梁之巨材且與雨而作雲  
若夫嚴客玉笋麗珠明璫燕歌吳飲醉月行觴對影披  
離跋扈飛揚或俯或仰奇骨昂藏雖供人世之玩好而  
殊不禁龍性之難降况夫生長巖穴其頂斯圓童童車

讀李太公集卷一賦

三

蓋倚那踰躑躅拔起泥塗昂首矯然此則胚胎之所自具  
而曾不計髣髴之歲年又如風雨搖落百卉隕黃矯矯  
孤幹挺挺擢芳姿本金石韻協笙簧計勝選乎匠石而  
先容者或薦之於巖廊此又根抵之所本有而桃李爭  
妍者不得訖之以為非常亂曰牧長邊陲兮茂對華滋  
琥珀蘊結兮長此鱗鬣感新息之薏苡兮寵謫生夫椒  
房伊紅塵之軌荔枝兮更釀亂乎明皇較此雛松孰短  
孰長倚歎黃公以三寸舌為帝師乎會且求之於赤松  
之旁

議

粵西鹽政議

粵西例食東鹽雖官運久廢向召流商往運自關粵以來源源轉運灌輸湖南衡永寶三府與本省桂林各府歲起引稅以濟國課未嘗虧缺蓋緣地方荒殘戶口寥寥僅能銷售流商所運之鹽耳茲奉粵東撫按兩院以通額一疏題請照江西南贛吉三府事例奉派粵西每歲鹽引一萬八千道載入考成此自粵東當事各為地方起見而揆以西粵今日之情事蓋實有萬萬難行者西粵萬山攢聚猺獞雜居定鼎以前二十年兵火墟里煙寒人民稀少比之他省雖九郡不敵一郡近接東粵又肥瘠不啻霄壤今以一萬八千之引派入西粵湖南三府援江西南贛吉而為之例以粵東之遺引派西粵

請奉大皇帝一議

五

之排商以食鹽之戶口當官方之考成事關軍國率土皆臣東西二粵既無此疆爾界之分則粵西諸郡與江西三府自宜有挹彼注茲之勢顧發謀慮始宜權乎利害重輕與夫通塞緩急之故必使彼此均平略無遺算乃為經久石畫請一一權之大率食鹽之多寡定以戶口為準而戶口之多寡又以荒熟為準今就各府所陳又參諸各縣輿論皆以流商納課奉行日久凋零荒殘事難創舉為辭又據梧州府回稱此地為西粵過廠銷引總處南至左江潯南太思西至右江柳慶北至平桂湖廣合以倉膳二鹽以十七年終歲計之止銷引八千七百餘道若以新引計之尚餘萬道將從何處銷售乎

請奉大皇帝一議

五

若以戶口荒熟定額則郡邑縷析有云不通水路者有云肩挑背駝者有云終歲並不食鹽者有云恐匿入土司交舉者有云恐其鳥驚魚散者強而行之未至富國必先貧民是粵東之引未見銷售而粵西已告困矣至於衡永寶所回俱以行鹽納餉為辭更自不便更張此戶口之必不可行者一也又平桂潯柳慶諸郡踵前代版稅之規合以本朝收稅之額歲計各處約將四萬凡此皆流商而非土著之故也若以此一萬八千之引派入戶口間內則流商必至盡去國家坐失此四萬兩之課矣若以此課仍責之土著之民則民既一力以買引鹽又一力以上引課既有田糧之追比復有鹽課之征輸小民幾何而能當此重困也此版稅之必不可去者二也且以一萬八千之引稅計之歲不過約計一萬八千兩而止以一萬八千之銀派之民間而未必得者今無故而指此四萬餘兩之版稅是棄多而就少也其得失奚啻倍蓰哉以國計言之尤有不可行者三也然則有此三不可行而粵東當事竟以此彰瘆事定考成者何歟曰此為粵東銷引之計而不暇為粵西防厲民之政也在粵東言之甚易在粵西行之甚難其言之甚易者恭不知粵西向來食鹽先有官商官本而後乃有流商流本自有西粵以來從無土著買運之事且土瘠而貧人愚而蠢寧使口體為可廢而不知商賈

爲何物此西粵之所以難行也又察鹽政考一書梧州府買引納餉向來原不入東粵離臣考成之內而粵東按臣以遺引一萬八千坐之西粵實未知西粵之情事與目前之厥稅而爲言者也所當亟賜題請將一萬八千引免入粵東考成則考成自無受累免入粵西民糧民困自可少甦計無過於此者况今銜永寶三府大農條議仍食淮鹽若使三府既去則食鹽分數必減日後厥稅必缺向來懷集富賀編入東省似當議歸本省分引梧州一體食鹽納餉之爲愈也抑某又有請者此事奉行於十八年而來文則云以十七年爲始西粵九府遠隔萬山就中州縣有十八年八月始奉文者又有各府縣來文於臘月始到者山川阻絕既文牒往來之維艱事求折衷又上下僉同之不易謹撮各府州縣之大意而抒管見如此惟執事圖之

### 水西條議

爲請因全勝之兵永除西南之患改土設流以大一統事竊照 本朝一統之業萬里車書臣服億兆惟滇黔僻在天末與楚粵川蜀接連中多苗猺錯居瀾漫山谷往往乘機伺便梗我王化即如水西一種舊稱羅甸之後與烏蒙烏撒鎮雄東川四土府自開關以來相爲唇齒地既密邇世爲婚媾彼此相爲犄角爾我資爲聲援甘爲盛世之蜂蠆不肯入我版圖向者奢安作亂逆我

顏行積年出師乃開兩郡後因堅壘抗我偏師全功阻於廟算兵力不繼事成中驢壯士覽西南之圖猶不免撫戟而長嘆 本朝四海一家士馬如雲欣值 大師直搗者定炎荒惟獨水西一區以彈丸黑子之地爲盜賊逋逃藪狼子野心習與性成今提虎賁之勁旅合兩省之精銳稱師問罪汎掃蠻穴如泰山之壓累卵何難一鼓而稱蕩平所慮賊見王師無敵或遠逃山箐或僥首納款乞饒我師以圖後舉在我受降固爲有名在彼革面實爲得志又恐王師持重暫定水西之反側不遑遠畧且置四郡於度外是賊黨之羽翼不孤肘腋之難肅尚在終非長策愚以爲稱此赫濯之師即當爲一勞

永逸之計況四府名爲土府實是內寇近見黔督撫敬陳苗患一疏中云四府馬不上站糧不全完汲汲慮及於承襲一事以爲羈縻此亦萬不得已之計總爲未嘗用兵言之也今 大兵既已舉行四府與水西同惡相濟何若鳴鞭而收四郡席卷而拓千里假虞滅虢因隴得蜀古之人有行之者况在吾封疆之內至於底定之後設置重臣扼控形要列荒服爲郡縣奠磐石於邊陲如中土南顧鄭襄之例在廟堂自有方畧非芻蕘所敢輕議也謬抒管見倘蒙不棄對非地方幸甚

### 征永寧莫賊議

察莫逆一案負固連年用兵未遂祇以山路崎嶇人馬

難行故得稽旦夕之誅今據該叅所陳模稜說隨全無定見無非以大兵既動彼必先知欲請兵恐為無益之行欲不請又犯養寇之罪故游移其說耳以某觀之此寇未有不剿者也即使此番不能得寇此兵未有不動者也古人云用兵者當置成敗於度外况此舉有成而無敗乎賊之巢穴既在始龍此我兵之搗窠散黨勢在必行搗穴則賊無容身之地散黨則賊有可擒之機然後極力追搜申飭鄉勇擒挈賊之所去我兵能去賊之所入我兵能入勢與賊相終始則勢與賊相死生賊未知有不授首者也若謂兵出賊知世未有兵出而賊不知者况該叅所用之營強半土著即本職衙役兵快豈無

議軍本集卷之四

六

一人與賊相能者則出兵之說安能諱又安在可諱乎與其按兵不動令賊養成氣力支黨殺掠日以為常則何如一舉大創之為愈也且近奉 上諭山寇竊發提鎮將領俱要統兵親勦夫亦謂涓涓不已遂成江河耳若此莫逆恐此日再不議剿則江河之勢成矣某身任地方難稱局外之人屢奉臺略指示曾不出該叅之見心竊恥之再四躊躇惟有用兵為長尚乞早示方畧一力進剿并移咨將軍剋定日期以便從事則汛掃機槍在此一舉矣

狀

論永寧賊情設堡官事宜狀

按廣西一省堡官之設其來已久當以伊祖從征後世因之以官攝理其地種有兵田不納官差止奉調遣自本朝以來因所在設有提鎮所以堡官多廢棄不用然而官田尚在有人耕種即向日未調之兵也現今莫逆負固大兵兩路入窠賊昧死脫逃所在溪山峻嶺五六百餘里綿亘不絕上者雲霄下者地底猿猴絕梯蚰蜒無路自生平所見之山總未有如此之奧險者也今大兵自二十三日搗窠賊之情形去向如坐井底茫然不知坐守窮山追尋無計實非長策又四面各隘不下五十餘處雖有人堵截從未有報賊信者但不係官守理難責成因細訊土老以狼制犢之說不得不暫且行之

議軍本集卷之四

七

復察沿來舊堡原官隨印調所轄之兵量給原官印劄令其隨進剿大兵兼攜毒藥利器身導我兵入山剿捕其各隘原防者令其督率義勇把守隘口萬不令死賊突過一一申飭明白但察某自到任以來並未輕予一人印劄恐致生事端有干憲行今茲因剿寇事宜誠一時權宜之計事竣之後即當議撤未晚也

論永寧賊情州官領兵事宜狀

莫逆作惡多年永寧受禍獨劇凡此編戶誓不共生某思以兵攻賊莫如以賊攻賊故前用覃法歐諸人以大兵攻賊莫如以土兵攻賊故今宜用永寧諸人因與知州定議召募土著合力進剿竝指其切膚之恨以鼓其

同仇之氣乃知州史贊勳素得民心倍加鼓勵今得應召土兵五百餘名暫立千總哨長皆精勇好漢情願入山搜賊以報國家隆恩以除一己禍患——點驗委實可用又見州官幹局可當一面爰令統領分頭搜勦某暫駐永寧居中調度其城守諸事令參將中軍張受圯看守夫刺史而任將帥原古者文武合一之道以公義而雪私仇更今日狼獾報施之常況於陳馬兩將之外又有此旅可以成犄角之勢速建底定之功事出權宜務求實際總之求賊心切市人皆可為兵而報國念淡書生豈真無用理合報明俟有功之日與行間各弁一體優叙者也

征古田事宜狀

賊自破窠以後狼狽奔去我兵窮追前日酉山一戰賊更落膽西窠今初三日我兵又破之義寧之麻岡爾時聞賊在黃沙與其家屬一處急擊勿失此一時也乃我兵轉回始龍某聞之駭異就中云恐賊先逃陽為撤兵再圖後舉某以為此著大差隨三寓手札與兩將中云兵有拙速無巧遲此時賊已窮困再一力追即可立斃未聞現賊不擊而待機會於後來者也一面嚴催並婉諭去後又思馬參將身體肥重不能步行肩輿隨陳將後恐人心不服又為賊聞所笑因止馬參將駐紮始龍一力運糧安塘令陳將合狼鄉二兵撲剿成事之後戰

守同功此番引路開山全得覃法歐蓋始龍原係法歐舊窠其險隘數百里皆法歐熟路以故賊所取途皆不出法歐所料故爾山麻岡兩捷賊隊大敗我兵有所斬獲皆法歐力也某仍飛檄兩將令其急擊弗失仍用法歐作先鋒計賊之伎倆走上下山坂如飛法歐盡知之盡能破之然後以我兵尾其後賊未有不殲者也始龍之未頗多如其不繼然後以州來隨之從永寧運至始龍百里而遙小艦可通有某在督理催趲不致缺乏諸君可以努力行陣矣今本月初六日某各以牛酒犒其軍且催之行後事再報

論永寧事宜狀

某庸劣書生耳蒙明公格外拔識委任行間敢不殫心竭慮冀一鼓而下築鯨鯢為京觀斯為快慰顧賊雖么虺恃山為勢約有難破者數端山路險隘一人徒步單行魚貫而進長驅不能得志難破一也賊每前行輒於高山設立瞭望或留精兵數十人斷後見我兵追急連響信砲以示警息賊即遠遁難破二也又賊善走赤腳登山坂如飛索頭滾懸嵯如履平地出沒草間即蜥蜴猿猴讓其便捷難破三也又賊每行不由正路或被荆棘或履巉巖或由沙水石溝行四五十里不得踪跡難破四也賊有此四難破而某以為有四可擒何也自酉山麻岡二戰而後脅從盡散止有死黨不過三四百人

此即挺而走險急何能為可擒一也自我兵奪賊老窠賊所負攜之糧今已用盡草根木皮何能持久我兵再追數日即可餓殺可擒二也又沿山五六百里隘口三十餘處處處設險嚴兵控扼賊即欲奪關而出潰圍實難可擒三也又賊據山日久每與我兵相對唯恃一走以為長策迫我甫收兵而賊又出矣今與賊約我兵在省所食之糧即在州所食之糧此賊一日不得則官兵一日不撤某誓與此賊爭此一塊土永無歇手處矣可擒四也操此四可擒之術於以治四難破之寇滅此渠兇兩月為期似乎不爽矣因此草澤鼠輩致煩憲臺焦勞下吏之情曷能自安謹粗布賊情如左更煩元老壯猷早示廓清則地方幸甚

讀史亭文集卷一

三

讀史亭文集卷一

讀史亭文集卷二

南陽彭而述禹峰甫

序一

汝宛課士錄序

巖壘先生以左司農出視豫藩政海內知先生者以為淮陽非汲黯莫任聖人實重之其不知先生者惜焉曰皇甫規以西川豪傑恥不在黨人之列公其念此乎不則亦敬與去忠州耳今年仲夏公驅車來宛予晤公官署公較往時燕邸殊為顯邛無幾微芥蒂色予竊心異之以為大農三公也御史大夫貳丞相公落茲二官碌碌走車馬間在他人不知何如伊鬱於懷公若罔聞知

讀史亭文集卷二

自笑曩時從覺斯先生處得與公稱舊識止知公筆札詩畫妙天下尚不悉其胸中浩浩落落如斯也會宛汝居天地中當剝極後熐火晝遊堞不勝雄飛枳廬臂井墟里無煙則為假焉憂之向郡守羣公曰瘠已甚民弗堪也龍門史稱夏人之居張平子所著南都賦中今蓋蕩然無復存已因馳驛上書修河救荒諸大政為地方次第舉而又惻然念曰學校廢而城闕歌朝廷其何賴焉先是郡學原在城內後以封建移東門外且三百年今藩邸成隙地公乃牒當事復還舊基因思國家義旗開天武烈維競良亦文德誕敷今天子上辛辛學命儒臣論道講藝准之明經對策以甲乙科取士其

化成天下之意固已商裔皇皇况河洛爲圖書祖申謝  
方城間汝墳舊地周道在焉昔漢祖起春陵一時龍鳳  
之姿燭煌雲臺白水金山固將相挺拔之鄉也語曰地  
之磽者雖有善種不能生焉非所語茲矣因下檄郡縣  
與博士弟子約期以文章一道爲 國家儲材流聖王  
之豈弟琢名世之圭璋豈有靳焉凡月一試爲文二詩  
若干首於是郡邑士子聞嘒嘒先生名一如文翁在蜀  
司馬相如輩相率受經柳河東在永陽衡山以南進士  
皆從之遊景從雲附人各爲嚴聲先生執鞭恐後矣不  
決旬拔其尤者付梓遂以成帖先生既有言弁之走予  
書曰我聞生長波斯者不以文餘珊瑚爲寶近中國所

讀書文集卷二序

焚蘇合香自崑崙來者則彼中獅子矢耳言乎近者不  
貴也子宛人試爲我評宛文予受而卒業爲之三歎焉  
曰顧不在匠伯哉魂木瘦樹化爲良材勿論鄧林矣又  
往事譬之相馬焉孫陽一顧而駑駘款段皆成馱駟今  
夫宛汝猶昔也而文顧一變則安得不重念吾嘒聲哉  
昔韓昌黎以爲魏晉以還文體指歸氣格不復振起其  
所爲文抒意爲言自成一家而李漢推之曰洞視萬古  
大拯頽風宋興且百年而文章體裁猶仍五季餘習得  
永叔而一張之文體一歸於正今以嘒聲先生詩若文  
鼎峙二公間不謂當世無桓譚若但以今日之宛汝士  
錄論之其起衰救弊之功又焉在二公下哉雖然史稱

韓愈南陽人一曰鄧州人吾且與二三鄉人共勉之庶  
令後之論者勿謂古今人不相及則嘒聲教我矣詩曰  
周王壽考遐不作人嘒聲爲 今上廣棧樸之化異時  
爲宰相進天下士此物此志耳如是則知公者與不知  
公者兩存之可也

楚騷箋註序

離騷之不列六經又不列十三經騷之不幸也然而經  
矣其文字實賡六經而作也天地之氣肇於西北暨於  
東南六經之文河洛先之繼一畫而起者大聖人皆產  
幽冀雍齊之間故雲漢昭回六經爲著而四子之書并  
公穀左氏諸人得綴於十三經之後地氣使然也詩三

讀書文集卷二序

百篇無楚風說者以爲宣尼外之退之也然召南江漢  
之什風雅迭見獨不以國專名何歟毋亦楚荊州分野  
居南天之半又熒惑文明之位祝融君之所秉令也將  
有文事繼六經起者聖人亦聽之乃自刪定後數百餘  
年而楚之屈原生焉此離騷所由作也其文上薄蒼旻  
下極黃壤山川磅礴巫鬼錯雜電駕螭陰陽百出追  
琢鴻蒙胎造化文至此止矣六經而在何以加諸所  
謂寶賡六經而作者是耶非耶世無屈子則人且紛紜  
於齊魯韓諸家而風雅幾於散亂原特於十五國之外  
巖然有以自見開吳越之草昧啟齊梁六代以後之制  
作騷實開先矣怨不怨哀不傷是周轍之末東也顧自

周禮職方而論先荆而後楚楚幅幘甚大氣饒常併吳越自湘以東淮以北西南訖沅湘南海則東南文字之祖者屈原也宜其自成一書不載國風宣尼知之矣列國之書輒軒采之以貢天子衆人之謠俗也原獨出一人手纂爲江漢之風宜不與東魯同時也余幼讀此書而疑之朱註箋草木魚蟲與他經同而未標其旨揚子雲反騷矣悱惻憤懣似矣而大義則乖其餘評定諸家弇州信陽而外疑有缺焉會己亥秋余以朱陵兵使者兼乘茶陵得楊子是編讀之不覺醉酒澆靈均曰我固謂當有是也楊子孝感名士余於丙戌年司江北大文衡會與此君有國士之知今乃屢躓不售一瓊以老以楚人而論楚事宜其詳也且以高才絕學未遇之人而爲憂說畏譏呼籲交錯之人作訓辭宜其恤以婉曲而殫也得是說存之與離騷並傳可也昔人以考工補冬官爲周禮傳書吾意欲以騷經補樂記而禮書中所載之樂參焉可也楊子然吾言乎

嶺南公餘集序

漢高得天下十一年南粵猶隔聲教帝念嶺表古荒服地連閩粵甌駱各數千里一都會也維是蠻貊君長崎嶇山海非士馬所能得志思所以柔之不果會陸賈日於上前稱說詩書上一日忽悟曰吾思所以用之矣乃令以大中大夫入南粵說尉佗下之剖符通璽易風俗

盡用漢法九郡來歸然則開西南文教之祖者賈也自是歲入貢歸約東侯尉罔不臣妾與中國等後之得天者不得置五嶺於度外矣今上開天十八年定粵者再粵西山國尤瘠貧種伶土司雜居以殺戮爲耕鑿往穽輸未靖蘭錡屯扎芻蕘糗脯不能自給取濟江楚鴈舫如織如嬰待哺當事者庚癸是慮日不暇給又土性悍獷黷結芥囊相讐輒推埋作姦利或藏身荏苒人道傍或挺而走沒搖窟抗天子命吏皆粵之習俗使然也菴閭之外巷無居人間左鵠衣鳩面地無他產歲止一穀皂隸供役者如溝中瘠吏茲土者其何道以輯柔百粵資上理乎談粵理於往日人以為詛若談粵吏

於今日人更以爲不祥之器不見往年中丞之疏乎一年之中病疫饑死者凡四十餘人粵吏可爲而不可爲也如是奚啻詛難之者曰君言辯矣公焉得餘諸公篇什何以稱焉曰君不見夫蜡祭乎終歲之苦一日之樂聖人不禁也又詩必窮而後工粵窮地也官粵窮官也即未必工要於詩之理近此嶺外公餘所由作也昔聖人采風十五國不及楚楚最大見於春秋與齊晉比隆不入國風何歟粵楚之餘也地爲十二州星文在翼軫之間今日滇黔肇啟雕題來歸一統車書囊括萬里非復東周之舊矣故宜風也若夫合樂明堂擬成雅頌以襄一代之盛石渠諸公事也吾儕荒陬邊吏在粵言粵

不敢曰芻蕘之獻聊備輶軒之采耳比之往事之使粵者不忘詩書則亦猶行古之道也

### 白雲山文集序

豫之山維嵩楚之山維衡神禹岫嶺藏碑祝融之頂而嵩高之詩推及申甫之所自生蓋以天地盤礴森鬱之氣見於山川鍾為金錫珠玉兕象熊羆其大者則出為人文至如大河以南大江以北山氣略盡地平衍如掌古來圖王定霸金鐵戰爭之區也我讀山經常恨中州鮮山然一嵩焉足以當之至於嵩之麓為伏牛為熊耳為桐柏其西則結為秦嶺武關諸險其東者結為倚帝丹霞諸名勝又其支之伏而中絕如兔起鶻落如陣雲

讀雲山文集卷三序一

六

奔馬望東南一帶進發者則今安陸之大洪與孝昌之白雲諸山是也予遊楚屢矣每攬鬱雲夢之野隨囊以東春陵舊地見有孤峰隆起骨出雲表鬱鬱芊芊疑有異人產其下作而為名世之英宜矣丁亥有滿湘遊繫纜漢上會孝昌人淑夏子來晤攜所著詩文質我我讀而異之曰此我屢遊楚時所行雲夢之野隨囊以東春陵以北見有光怪焉即此也明興三百年來凡文章之自熹微而旦而中天自中天而昇而崦嵫讀人淑論斷可以興矣是不拘拘於為一家言者然而為一家言者莫尚焉昔劉項逐鹿陳勝起兵舊楚謂之張楚如人淑者可以當一軍矣又其甚者我讀吳越世家勾踐之霸

數年閭閻吳麋鹿姑蘇臺幾至牧馬中原而說者謂以楚為事及一當楚鋒乃盡浙江之地而棄之楚之雄風豈吳越諸國所堪附庸哉我聞人淑言白雲山有石崖壁立八千仞是前代鼎革之交所獨守不下者闔閭常以二十萬人攻八年於茲仰關而莫可誰何則白雲山者是不與銅駝俱沒矣夫所謂善戰者能令攻不知其所以守守不知其所以攻至於攻守兩相忘智勇俱困英雄之用武於斯窮矣是明之烈皇帝所不能得之於神州者而人淑乃獨以一書生且以一丸泥封之則詩若文而外人淑將用其所未足吾又何足以知之楚南公曰人淑涓水先生之阿戎也有兄振叔復難其弟皆有著作將成名於後我乃以白雲為人淑先之非私人淑也有起而爭之者則已晚矣

讀雲山文集卷一序一

七

### 擬山園文集序

彭而述曰予叨先生知久先生歿予既哭於其里時長公河東在疚次公藉茅尚羈金門上書請卹典未歸也未幾河東又歿予遣二子往弔之藉茅則走予書曰先大人存日與君善且二十年飄泊東南流離江左死生患難惟禹峰與俱先大人知交徧天下乃其意常在沛公每向人言獨斷斷道禹峰不置今先大人集具在幸禹峰一言弁之夫而述何人敢序先生哉乃不覺摧痛填胸涕泗橫集也良久氣甫定乃為先生位而告之

曰述得從先生遊則在烈皇帝之甲申二月維時述麻衣走大行抵大伍先生客寓劉通政之園爾時述乃出驢背一帙質先生先生展未終卷大驚曰不圖今日復見鉅鹿之戰相得甚歡略似僑札相遇明日即攜手作吳遊東望岱宗南達淮泗或聯舫或並轡議論今昔上下成敗如琥珀引芥間有齟齬先生反以是喜其不阿於是先生從此遂有一禹峰海以內亦駸駸有一禹峰矣先生負夙慧能言前世事讀書一過輒上口乃孜孜如下學焚膏繼晷恒兀兀不輟避地青徐驅鹿車凡十五乘蓬蓬然皆簡囊中多生平所未見者每旅店尊食跌坐手一編不則即磨礪塵吮不律作詩或文詩即十

讀李太史集卷三序一

餘首不止文亦不下三五篇日三竿乃接賓客與外事或爲友人染油墨刺刺不休矣與人交無城府不喜深中取人於其長棄其短論文於其周秦以上不專一家而斷斷戒學者勿隋六朝人坑塹詩必李杜爲宗間稱昌黎卽以下無議矣先生偉貌修髯望若神人能彎弓數百石常有封狼居胥之志而困於珥筆老承明廬優游卒歲先生以爲不幸也海內之知先生者止知其工書以爲掩宋元而上之真行草三百年書法之大成而篆籀八分則上蔡中郎猶且居爲難弟世鮮知之者四十年來薦紳士大夫果愚綺疏無先生一字則以爲其人鄙不足道琬琰照耀先被四遠至其溢而爲山川禽

魚怪石枯卉之類政有專家之士所不能到雲林大癡諸人方之蔑如也其大者則在與楊武陵廷爭用兵一事疏凡數十上欲借上方馬劍斬張禹之頭親知皆搖手喪膽恐旦夕不測而烈皇帝知其忠且諒其無他不問嗟乎若使先生言有効當時聖明能見諸行事則先生今日豈僅以文若詩見哉故吾只以爲先生斯集之成乃先生不得已而有言也先生自以爲不幸也非先生意也然而天下後世則既知有先生矣星漢之晶瑩雲雷之鼓盪莫不覩視聳聽於其下世之人知有先生亦猶是也知有先生之詩若文亦猶是也余州句云漢朝兩司馬當代一于鱗今以于鱗當兩司馬未免過情

讀李太史集卷三序一

九

若舉于鱗余州以當吾覺斯尤覺不及情無已其仍爲覽斯先生之集而已矣發篋疾讀繼以長歌恍若修髯偉貌跨紫鸞驂赤螭喬雲輪囷儼乎巫咸招而營魄聚也而豈今之人哉於戲生存華屋零落山丘西州之慟烏能已已記疇昔之夜夢先生以遺稿屬爲點定予不敢負夢中諾豈敢自居元晏抑謝公之默鑒羊曇而精靈相感召也太史然吾言否

吳次尾甲乙詩序

予之交次尾先生自甲申始先是次尾刑性東南牛耳天下予熱次尾名二十年甲申板蕩避地江左晤先生於蕪陰舟中一見如舊識繼以所親之官虔州寓秋浦

是爲乙酉先生乃棲我橫山別業距先生廬止一弓地朝夕觴石梁老楓下出生平祖構竟讀之抑深服爲天下士大抵似蔡中郎初至吳中異人異書私心自慰先生亦雅好予所撰著亡何侂冑秉鈞疆場孔棘賊潰潼關捲甲南下遂有武昌左良玉之事當是時建業草昧亂政亟行相傳安男子有黃犢詣闕之事爲權相馬士英所阨置之犴狴於是遠近煽動良玉移檄以關東諸侯爲名旌旗蔽江下潯陽皖城一帶烽火千里先生謂我曰此非晉陽之甲也當有所懾而來乎不則非陶侃之誅王敦乃蘇峻之挾庾亮耳遂有從中而起中興自任之意作爲詩歌聲淚俱下間復以詩作識且曰不幸

讀李太史集卷二

十

言而中則國事去矣居亡何遂一一如先生言予是年秋別先生如楚先生竟以是年誓師未竟其志而死予官楚時讀邸報知先生狀曰壯哉悲矣夫下邳續統康樂羞臣霸先承運王琳興戈古來忠義之士何代蔑有然強半資一命階尺土有藉而成耳即事之不成則天也先生以布衣而欲爲舉世所難爲之事是精衛之見也然而悲矣壯哉先生詩書萬卷十七史羅列胸中豈不曉然順逆興亡之故而甘心一擲顧獨念朝廷養士數百年而忍復與舉世相雷同當亦與朝之所不貴也人曰先生之所爲者極難耳先生自視則以爲公孫杵臼我爲其易者耳歲在戊戌客朱陵遺孤孟堅間關

跋涉謁予於回雁峰下出先生甲乙詩爲予讀之感念前遊傷心陵谷殆不覺涕泗之橫流矣投淚援筆跋之簡末囑孟堅不必鐫以示人但寫數通焚之尊公墓下作九歌卒章可也

### 劉杜三詩集序

順治之十三年丙申予叩命察軍樞相幕府始得交所爲驚備孝廉云孝廉爲詩文二十年予遊湖南始丁亥迄今十祀有奇中間耳孝廉名甚稔竟以他事相左未及晤亦未得所爲制作讀之孰是以語於人曰攸有人誰其實予言者孝廉之於予亦如之茲可不謂有數存焉耶今幸識孝廉兼識所爲文則庶幾予之不負十年

讀李太史集卷二

十一

之遊也予初見所評李文正樂府則心異之曰此非詩人也文正在孝武兩廟時逆璫煽禍獨相撐拄保全善類竟摧巨猾若截鼠子視昔漢唐之季黨錮甘露諸君子機未發爲人所制身名俱隳其成敗何如耶世徒知文正才相引少年穎異及文章詩歌盡文正文正不受也不謂百餘年後乃有桓譚令文正之心曉然天下後世如讀歐陽史隨事以嗚呼冠之可以愴心於五代之際矣則樂府者文正之春秋而註樂府者丘明之左傳也二者蓋永相副而行者也其爲詩若文大約不脫轍於古法不蚴蟻於時好如觀日祝融絕頂夜半霞起海日相盪如回風洞庭嘈呖澎湃日月出沒於其中未嘗

爲楚詩楚文也而楚之真詩文在是焉計吾十年遊楚得兩詩人焉其一則襄陽之袁崇嵐也崇嵐奇縱此君博涉有良史才可以並雄可以張楚矣抑吾因論文正有感焉先朝三百年中江陵號才相乃主少國疑太阿獨持而人目之爲擅權能江夏以邊事死法揚武陵視師襄漢一敗不可救而人總目之爲誤國論世者以爲明興浙有三幸青田文成及議禮張公是也楚有三不幸諸公是也噫何不取文正而深思之正德七年流寇殘破幾半天下公有底定功是何讓越絕諸公哉然則士亦有幸有不幸耳呂壽州用韓范制西夏用彥國辨犇丹初心皆用其所仇難之幸臻厥功則三公之名敵

讀崇嵐文集卷二序一

上

袁崇嵐文集序

談詩文於今日有識者莫不掩鼻曰是以梁肉愈疾不則享鷄鵠以鐘鼓行且飛去耳今聖人以一劍開天政如豐沛亭長所云乃公以馬上得天下安事詩書陸賈捲舌而退矣雖然不盡然也蕭相國起家刀筆何以留關中之圖籍且其時屠狗逐鹿焉足矣何必圯上之一編繇是言之漢家右文之主固始於高帝後世乃以除挾書之令歸之孝文置五經博士於石渠閣訂異同

白虎觀歸之宣與章以爲文治當自數傳以後此時尚日不暇給者何沒沒也皇清啟運七年置甲乙科率天下弟子負計偕上公車一一監前代輕之乎抑軒之也故予嘗有言文不可廢八股定當廢此時乃暫行之若曰入英雄於彀中亦猶行古之道也其斷斷乎不可廢者如今之古文辭與詩詞樂府之類是也而八股之客選選中未必有一旦走馬長安獵魏第位上大夫尚不知此等爲何物又輒非笑之借是以藏其鄙昧所在多有於是遇者不必作作者不必遇古與今遂判若鴻溝作古文與作今文者殆隱然若對一敵國矣嗟乎此科目之所以不盡得人也襄陽袁崇嵐夙根羊祜探玄

讀崇嵐文集卷二序一

上

汲塚南粵請纓會是終軍之年博浪搏沙悞中祖龍之副遂唾而不顧掃迹空山讀書凡十餘稔著述滿車強半付之兵燹今所存古文辭詩歌樂府之類具在奪墨壘之赤幟執騷丘之牛耳爾家中郎舌本太香竟陵二士腎氣不足赤壁記幾刪大蘇之壘監國表勝灑劉琨之淚所微恨者唯是詩體險與嫚罵潦倒未盡別裁耳語云作者難識者良不易以揚子雲之祿位容貌不能動人並其所作當世或詆之唯桓君山以爲必傳今世之知有子雲又何君山之多也崇嵐偉岸七尺雙瞳如巖下電肉相殊貴不但似文人而又曉暢兵事仰觀俯察碧落黃泉南窮朱鳥朔暨玄菟如燃牛渚犀如啣燭

龍如明月珠照耀十五城僅僅以詩文名世非其所好  
乃其所深悲也李廣數奇終漢之世乃至不得一侯彼  
崇嶺者真可以已矣抑予嘗過襄陽有感焉人知詩能  
窮人而不知地亦能窮人唐以詩取士而杜甫孟浩然  
或獻大禮賦奔走狼狽偃蹇將軍幕而表署工部以老  
或縮匿牀下莊誦舊詩爲人主放棄而歸彼二子者皆  
襄陽皆不在進士之科乃自有詩人來未有如子美者  
浩然詩名亦復灼灼天壤間袁子不生襄陽則已耳生  
襄陽又何疑焉此吾所以謂地能窮人者也雖然八股  
有時而衰未若詩古文之無窮 皇清放運七年矣草  
昧雲雷之會一元文明之始也襄陽何負於人哉禹峰

讀李太史集卷二序一

古

曰順治乙酉予督學楚中時袁子令江夏得交袁子知  
袁子殊不盡袁子也今年庚寅予繫馬衡湘東岍不知  
袁子何事亦來出新舊若干帙時予弟孔哲在坐兩人  
共讀以爲此集出僉父世間作者不少矣春陵白水真  
人之所誕也漢世祖光復一時龍虎之彥半出南陽今  
我與袁子並產其里澌澌寒流如故也物換星移風雲  
慘淡奔走亂離短髻蕭疎搥摹數編領領未已以求知  
名於後世執是以告人曰經國之大業不朽之盛事誰  
其信之雖然袁子實吾畏友可傳不可傳直付之爾我  
語崇嶺且呼鵲登峯歷落譚封侯將相略當不廢我  
歡歌也

漢陽守傅夢築詩序

辛卯粵來艤舟漢上郎官湖得讀感言一卷是爲漢陽  
太守夢築先生詩謂客曰太守欺予哉往辛壬之歲繫  
馬汾晉與太守各分長民符匭匄道左每走謁達官入  
太原未嘗不過予過予未嘗不留飲極歡暢予時輒得  
爲詩若文詩若文隨筆所成未嘗不出以示太守太守  
閱而罷行酒如前不復一言相及予疑太守固名宿大  
小戰中原且數十年執牛耳雄長諸侯君家弟若孫皆  
以次第登承明朝天衢皆家塾中臯比事太守太守或  
不必以詩見即以詩見或未必感言之作之爲堅而裁  
碩大而能朋如此也太守非欺予者哉客曰予知太守

讀李太史集卷二序一

古

久太守固古所稱吏隱者也曩者文網密長吏飾筐篚  
邀當道一顧是爲長耳又穎楮一途復能於印綬中稱  
不利即今草昧甫闢文明肇矣二千石以下靖萑苻咄  
鴻雁寢興靡暇晷而又漢居楚股肱洞庭南歲以用兵  
五嶺百蠻 聖人方勤南顧大將樓船啣尾而至即有  
詩不令子知固宜也予曰若是則感言胡爲乎梓哉客  
曰古者太守入爲卿相頽川諸人是也出兼將帥雁門  
雲中諸人是也今太守三載秩滿勞 皇帝璽書徵之  
去且有日感言者志所歷抑志所思也若曰今而後即  
以感言告人人必不我嗔且以爲此行將去者而又何  
求多哉嗟乎丈夫生亂離不能封狼圖麟立功名竹帛

而徒以吮毫濡墨取後世名壯夫猶或嘗之若猶是僞  
父無文侏儒飽欲死是吉光可以燭羽號為神龍者剔  
去鱗爪斯可矣昔山簡守襄陽每攜從事遊習池上醉  
以歸鞭葛疆兒今何在哉至今銅鞮諸曲留大堤間蘇  
子瞻守黃有臨臯雪堂之勝子嘗臨其地亦且化為淒  
風蕩為寒雨矣乃前後兩賦自在人間故曰富貴有時  
而盡未若文章之無窮烏知他年漢陽郡乘中不即太  
守感言數詩以傳太守又烏知太守書成不藏之蒿嶽  
絕巖近鬼谷鍊師舊棲處樵子拾瓦礫自穴中得之則  
太守之傳漢陽與漢陽之傳太守俱不可知矣於是登  
大別山頂東望黃岡西眺峴首舉酒屬客曰今試以漢  
陽峙兩雄間當無媿色維時客大醉

王藉茅詩序

孟津先生於文章一道星宿也海內仰之不減昌黎今  
讀藉茅太史所著抑何象賢接武迥出流輩哉予交藉  
茅在十五年前爾時甫弱冠詩名已噪東南然大約冠  
劍離陸猶有雋不疑初謁暴公子習氣三五少年輒畏  
之如虎以為西楚河北之軍人馬輒辟易數里藉茅豪  
自若子亦視藉茅豪自若顧藉茅則獨謬恭子以為相  
遇中原石武鄉之與劉文叔矣蕪之役庾氷東下元規  
西奔子兩人不相聞問輒數年今上丙戌藉茅讀書  
中秘稱太史公子以丁亥薄遊京邸把臂零涕秉燭夜

關搜讀舊文曰逸矣安問青氍毹哉亡何共醉燕市未幾  
即復南遊稱蠻長用尹猗投効歸復數年歲在乙未  
復偕兒輩上長安乃得盡讀藉茅年來制作渢渢乎大  
雅之音哉典刑肅然衣冠甚偉欲求昔所為江左諸作  
如出兩手歎曰賢者誠不可測哉譬之禪無慮臨濟曹  
洞下也總以上乘為第一義襄陽之妙悟退之之讀書  
古人不必兼也兼而有之其在斯人歟雖然吾猶欲起  
孟津先生而問之如太史公者誠不必更讀他人書也

馬頤公詩序

丙子秋杪予謁素園申師於雍丘旅食招提木葉檮櫟  
晨鐘昏磬怒如也偶於下春遊簞簞精舍見頤公手一  
小史盛鬚曼睞容與假山下剴然嘯已乃酌白藥度吳  
飲意殊連連爾時心已旌厥為詩人一臂明月稱歡相  
得遂草草別去既予以牛走服輒晉陽中原板蕩蝮蛇  
封狐蓁蕞千里絕不得頤公消息今年春乃得再晤共  
城以一編請我弁曰泉頌大約明遠儵忽輦組歲隄與  
鳧藻綺石相為功德泉以外無及焉耳予業流寓蕪陰  
頤公俱乃叔布卷亦肅爰止因得盡觀所為近作殆居  
然詩人也且夫詩非一流之業也將以橐籥元化甄陶  
國風古者輶軒采之奏之郊廟下以發摠性情聿歸忠  
孝為正則耳予忉忉不遑益母增悲與頤公同而東暫  
補亡之什一篇三致意焉予固不逮頤公迥甚也陳思

有言曰豈徒以翰墨爲勳績辭賦爲君子哉猶庶幾戮力上國流惠下民建永世之業留金石之功耳顧公幼清服義屏俗穢蕪行且待詔承明已今者草創舊都繩厥祖武奉先泰時間縮酒肅茅鐘鐺再振宮商且重調矣剖解竹以定律爛卿雲而出治不腆蜂蟻肆靖有日朱鷺鏡歌揚厲烈假藉手顧公特一給筆札力耳安在不足以宣昭懿德光贊大業爲執戟之子雲所羞稱乎顧公但執此以言詩而詩真足以重顧公矣昔者司馬江左祖尚清談趙氏臨安醞粹名理之學而卒徃處若葦恢復不振識者歎之其氣不足以取之也夫文章經國威儀之間可以定命有其疲蕭喁喁者則人民愁苦

讀史集卷三序一

六

幅幘感地是爲否象而國應之有其施翕振踊者則九上効靈維皇凝命是爲泰象而國應之此其道且無間於枯草腐甲矣况學士大夫形之謠俗譜之樂章耶子於顧公之詩而徵其隆降乎有勃鬱奮興之象何也其氣有以召之也嗟乎顧公即舍此不言而吾一與之言詩知必爲江南之士所大笑玄言具在靈心不死吾且與顧公坐臥礪礪蒼苔上南望宣城懷謝眺東指采石江邊醉酒問李白耳顧公詩人又何疑

路也詩集序

予爲孝廉交所爲山陰姚東白云東白任使能作歇後詩以諸生遊群帥間先是蚩尤竟天薄海方騷然東白

追逐鐵馬磨墨楯鼻爲某將軍上明光會河陰變作永嘉南渡東白復與子迨遶夏口相歌以哭子旣以夜郎之役投劾歸故山東白爲徐都督遮留辰陽亡何徐公忠於所事東白從此遂不知所終今年夏復楚遊抵潭路也爲我言東白死已噫廿年良友化爲異物子亦衰白不敢談天下事私念東白而在尚堪知予夫昌黎入虎穴解牛元翼之危淮西之役以丞相一書遂定成德之亂後世徒以文人目之耳禹峰此來豈遂無所短長者顧東白不及見耳路也於東白爲子壻亦常知丈人所與遊者海內何人乎勿徒以能詩相禹峰也

林君苗詩序

讀史集卷三序一

七

比遊衡山得兩異人一爲道士李皓白病面修軀腹多經世書自命是魏夫人後身薄李長源不爲一爲吳僧破門善懷素書法如蒼虬相糾結巴蛇搏象其猗猗吞噬之狀若出紙上非是則七十二峰無色已皆與之交投贈有詩若記會歸迴雁峰掉舟湘東旅舍少憩太平黃郡伯寓維是主人煮苦瓜啖客甌閩山茶竹壁間忽有人叩扉是爲某郡伯告我曰山人林硯也童顓短襦腮毛長徑尺簷風戾之颯颯有聲相顧愕袖出詩一冊冊不盈寸如掌且如小兒掌如從僬僥國來否則亦是道州入貢人所登獻方物耳詩嘲而罵解用雲嵐烟樹字大抵似槃瓠山中猗姬胡粉椎髻簪花搗羯鼓唱采

茶歌自是里社伏波祠下女師傳來以降神可以祝巫  
覲可以賽田祖可以呵譙烏鬼可不解音者或指為龍  
標尉王昌齡所作是曰兩失唾竟陵為冷屍奄奄無氣  
此解或是禹峰殘瀋為客拾去不可知然近時詩人解  
此者少矣而後乃今輒得三異人咄咄怪事哉

### 丁亦霞詩序

國朝鄧人以詩著者稍卻前代李文達玉堂賞花獨與  
范希文百花洲漁家傲作並傳則以其人耳不關詩也  
陳處士松詩才最放髣髴李白當年集未成傳誦者亦  
少百年後不可知已若是則宰相之權大於文章三唐  
集中宜獨以進士間李杜不在科目又何以稱焉則斷

讀李本集卷三序一

之曰非通論也亦霞冲齡即登風雅場丙子梁范鍛羽  
南歸予跨款段泥淖中聯鑣十七驛即知亦霞能詩今  
且廿年予遊且倦以老鄧之為詩者不加增而亦霞獨  
能以詩名不少哀詩亦卓犖為一家言不為七子不為  
竟陵往在衡山祝融峰下謂襄陽袁蔚萼曰君才酷似  
文長茲其短處耳亦霞得母類是乎

### 李淑元詩序

今之為湖南吏者何難也餘孽未殲氓獠作梗羽箭銅  
鑊聲息不絕吏其間者一以峙易糗一以靖萑苻一以  
籌睥睨一以起痼瘵如是者四難矣猶能出其餘力從  
事風雅之林作為聲歌與一切古文辭鋒錚佼佼較陸

超潘鑠屈凌賈為於舉世所不為之時人皆攢眉此獨  
嘔肝任世人嬉罵嫺屬甚之欲屠割之斯人夸然不顧  
也以為寧就其官無斷吾舌是非所云敏膽強有力者  
乎如吾淑元李江防其人也江防之言曰少歲讀書恥  
以文士自了甲申以前權關維揚性好客車馬如雲也  
輒為之輒以不愜意焚去不留稿比年來喪亂填胸蕭  
疎短髻反似老而不能忘情未敢供時好請質吾子予  
自惟五載遊楚先校江北士車輪為摧只如促奩老嫗  
操石黛胡粉為東鄰女裝束入宮既已不暇有所作分  
藩芝城突未黔爰有夜郎之役靖州陷子破圍出平生  
圖書並十五年苦心肱篋而去抑子鍛羽驚魂猶記往

讀李本集卷三序一

年筮仕晉陽幾以文字賈禍今以為病竊已不敢多談  
淑元曰是固然矣夫筆墨之不利於官如子所云我輩  
今日似舍此詹詹別無可以寄託者揚雄祿位容貌固  
已不能動人然後世知有子雲庸詎非以太玄法言至  
如杜陵工部學者比如周公制作今讀其集正如雞坊  
中九十餘齡父老談天寶遺事有唐正史所不能盡者  
無已終不以彼易此耳士亦貴立志耳吾今而知淑元  
志矣獨是二載巴陵獨飲洞庭一杯水竟以偃蹇不得  
志齟齬當道而去是淑元作詩之效也而予初未執此  
說以示人亦得放歸田里稱散人庶幾仇我者生我者  
也與淑元合轍矣文章憎命達豈謂是歟

吳惟初詩稿序

子方諸生時即識有吳惟初之名傳為黃山人早受知於吾鄉兩馬先生神熹之交中璫燭熾薦紳士大夫一時聲恭顯勢蠅逐恐後五鹿充宗曷可勝紀間有抗疏直言如楊左諸君子然禍烈矣兩馬獨以冥鴻遊增繳外進不貪李杜之名退不失皇甫之節緣是得以暇日治縹緲業與海內名士往還惟初則俊廚之最著者也為詩生硬短悍不屑襲步邯鄲常持論以為三唐之外別有詩其篇章流雞林間王通上書不售歸老河汾孟襄陽遊長安而還隱鹿門不出古今有同心矣然予於曩讀惟初詩輒疑之時予年方成童計惟初與兩馬遊

讀李本集卷三序一

三

當亦年不下三四十許今兩馬前後下世且三十年同客如惟初者想亦化為異物不則仙去耳豈謂今日復有此人乎會今上之乙未予友許菊谿官長安予因視長兒武闡對酒燕邸見某公碧臚如蠟電蒼髯森森戟列操吳音縱談上座客問諸貴人及負時名諸君制作則憂憂少所許可頷之而已予心異之菊谿告子曰此即所為黃山吳惟初也是與吾鄉兩馬先生遊曾刻其詩以傳者也予曰異哉因訊惟初年若干方艾有奇爾時走新野謁元禮則孔北海歲耳噫予知惟初名在三十年前得交其人乃在三十年後不謂之古人不可得也而况詩乎兩馬先生者一之騏鼎甲官少宗伯

一之駿以民部終各有集行世今世之所稱妙遠堂者其一也

太原張瑞儀孝廉文集序

予年三十為陽曲長時羽書方殷治兵使者冠蓋相望於道長吏每登陴警衆捍茲牧圉間出吟嘯鼓角互答大約與劉越石吹笛之意略同唱和爾汝其人斯在丞相長史男子君嗣則今孝廉張瑞儀其首稱也瑞儀負開府前身鍾康樂慧業早歲南遊凌風吳會浮江淮捫金焦覽六代之山色弔姑蘇之名勝於是執經問字從海內所稱趙伯龍先生者遊如元歎之與中郎業由是大進名日以益噪東南緣是江表知有華子魚重耳一

讀李本集卷二序一

三

歸晉鄙用霸庚午之役遂以義經領鄉薦第二平居捷戶不妄交恂恂若處女孝友嫻睦為邑井坊表急病讓居乘陴咨度輒遇事風發恥居人後伯氏茂才鳳翽尤稱難兄歲癸未予丁先慈艱遊建業中原鼎沸望太原如在天上求過桑乾望故鄉豈可得哉而舊遊歷落黃壚之感復增怛怛今年乙未偶偕兒輩公車走長安晤瑞儀蕭寺髻髻如隔世三生石上精魂夢耶真耶痛定杯闌出奚囊相示哀然成帙時一讀一為叫絕曰此真太原公子也低徊舊事歔歔涕下短髮蒼顏孤燈寂歷漏下三鼓瑞儀告予曰願先生無忘太原乞一言以壽小草可乎曰可但恐予不足為君家重耳揚子雲在當

世著書自命人以為祿位容貌不足動人而輕之予蹉跎半世曳尾塗中其又足為君重耶然平生之交情患難之歲月固不可以不紀因為援筆次之如左為我謝幷州父老以為昔之尹陽曲者其人尚在也而令老矣獨其吟嘯不減曩昔耳

### 朱允升文集序

吳文莫盛於六朝制義莫盛於前代說者以為帝王之興人文隨之非衡言矣獨是古文辭一道則散見各國諸公分任之婁東而下憂憂乎難之以精力有所專寄故也物不並大有繇然矣友人朱允升吳人也在矢崇間與受先次尾諸君子狎主齊盟以丹鉛進退天下士

請參太集卷二

五

天下士從風而靡如邪宮執盤匱隨秦晉壇坫後文體凡三變自予而經自經而史自史而稗莫不以吳下為歸允升諸人實倡之凡允升之身其所為文自制義外如前所云不少概見甲申之變予泊秦淮得讀大樓山房集庶幾一雪此言然在當時推重者尚少又何怪子雲哉歲在丁酉予以上書承明參軍幕府駐潭州匝歲時封稀震鄰樓船橫海之師啣尾而進輜軒之使捧璽書遊嶺外者冠蓋相望於道軍書天使雜沓紛至丞相日不暇給夜分而寢官其地者非羽林則豐沛子弟與周旋笑語留犁刀割鮮啖乳酪不復餘事予每兀坐旅邸手一編門卒輒喚之匪愚則狂會朱允升自邵陵來

欣然把臂稱快昔僑札相遇如舊識吾與朱子固廿年意中人雖欲不傾倒烏可得哉風雨晨夕公餘輒相過從出敝篋相質因得允升古文辭讀之不減曩者在秦淮時因歎曰賢者固不可測哉如是則制義與古文又烏乎分說者又謂戎馬倥傯甲楯為政耳安復事此昔漢祖馬上得天下陸賈每與上前稱說詩書侈然不屑乃趙佗稱帝賈奉使南粵一言而去其黃屋左纁孝武欲開西南巖豈少虎賁鳴鏑之士而司馬相如則以中郎將持節以往固即前日之作凌雲賦者也則施此物於今日未為不宜我與允升從中而起又安敢謂古今人不相及哉婁東其小者也

請參太集卷二

五

### 蕭易真先生遺稿序

先朝辛壬子年三十為陽曲令軍書旁午冠蓋相望不暇及文事然輒好為之纔退聽事則手一編矣時老母呵之以為知人家國事不宜事此予猶不謂然會甌子者至幾欲假此以快其所私然後悔之猶曰此不知此者無怪也蕭易真先生觀察岢嵐詩文一道究心有年自顧獨阿好予奈匆匆牛馬未窺先生制作中心藏之不謂先慈見背國變踵至子山抱離析之悲德林負還播之恨平生把臂遊若黃墟天荒地老風淪雅喪此事遂不可問矣今上乙未之八月家弟孔哲乘使者車觀察汝南予策蹇攜長兒接晤蔡州時汝令蕭眉仙出

家稿若干卷爲予快讀一過則易真先生書也今爲先生家嗣予在晉時令甫成童聞乃公言今之令陽曲者劉文靖也今閱十四年而往矣今談之甚悉茫茫滄桑蓬根萬里逆旅通家出肺腑相示於十五年之久不可知之地亦奇矣語曰秉燭夜闌相見夢裏斯言顧不驗歟念予自夜郎鍛羽閉戶掃除每屈指疇昔晉陽同事諸公藩臬之長以經術飭政治不以風塵吏待予者易真先生與畢湖目先生也畢公諱拱辰丙辰進士掖縣人闖逆之變死晉陽難惜其著述不傳又無人焉爲之子如今之汝陽令者湮沒不可勝道古今有同慨矣或問予曰子序先生文無一言置優劣可乎曰先生之文

寒谷詩序

一人肇興爰啟風會車服尚已文治尤甚觀夫漢武雄材柏梁遂賡李氏起晉陽口嘆風雲乃蔚三唐鴻鈞壇化大雅奮庸顧不關天子哉今聖人以一劍掃群穢論思之暇耽懷圖史一時薦紳先生能言之士翕然從之顧十五國各有風他不具論吾中原自何李後允執牛耳歷落且百祀孟津起而振之近讀譙明與菊谿作

瀕瀕乎正始固二公當璧也菊谿弱冠負文藻名在雞林曳組後口不談詩間爲詩亦從不狎出示人商山吳會遊裝所屆黼黻縹緗多散逸置弗錄寒谷吟燕聲也古稱燕趙多悲歌慷慨之士易水碣石往往異人誕焉菊谿金馬之暇登昭王之舊臺弔慕容之殘戍愴然感焉寒谷吟者志感也非志地也今菊谿旣以京兆奉璽書觀察大江以南湖山輻輳六代繁華攜寒谷吟以往殊不類菊谿曰吾志也建業一水寒谷也然則寒谷吟詎惟傳詩哉要之當代文治之盛見半豹矣

楊將軍詩序

語曰絳灌無文隨陸不武若是乎文武兩途判若鴻溝然渭濱以鷹揚開周祚何以有陰符孫子救韓趙之師直走大梁何以有十三篇次如魏武父子間關馬上無日不在鉦鐺中何以著爲樂府詩歌有文人專家所不及者然則文不武是爲雕蟲武不文是爲匹夫耳桂陽楊將軍生六詔金沙間以名家子奮起爲將蒐乘之暇披古圖籍每對客以揮毫復登高而作賦著爲聲歌燦然成帖予以朱陵之役乘使者車按部郴東得手一編讀之作而歎曰文武曷嘗有二道哉然因是愈以見將軍其藎之有自也憶予以先代丙子登河南鄉試維時滇之楊公翠屏先生適以繡衣持斧其地奉簡書監臨誼得稱北面士子則猶記先生儀觀瑰瑋英姿風發望

而知爲一代偉人未幾以授鉞踵衛霍役出國門瀚海之勳未就齋志以歿爾時中原多事遂無人追念甘陳之業操觚之士計當搜遺事付之史館以彰膚功此事何減維州牛李一案異世尤當相原將軍則先生之象賢也笑馬服君之子徒讀父書慕傳介子之爲人奮袂西行予讀其集竊幸子文有後然予又自慙私念當弱冠時負不羈妄欲合隨陸絳灌爲一人不謂命實不猶坎珂半生而今老矣題柱無緣執戟言歡今晤將軍因憶翠屏先生知己之感徒增歎息顧念今世誠有如予所云文武兼資起祭遵李衛公而下落落千古其卓犖最著者何人乎將軍勉乎哉

張禹木雪案序

彭禹峰曰知禹木先生者固不以其謙辭也哉禹木通才兼資蔚起江漢當其作賦滿湘奪屈宋席暨其綰綬赫連劇陳甘壘能已見於天下矣乃吾讀雪案一書知謙辭中又有先生也先生曰此吾旬日間攝行太守事耳慕召杜之芳軌官廷尉之故里仰希淑問未成降典予滋愧矣夫訟獄何言之易嘗讀周官班史刑法志諸書而知庶獄之設禮之窮而兵之變也周官以五聽八議三刺三宥三赦之法以制驛突懲毒茲其後流而爲呂刑漢高入關以三章定法後乃據撫秦律變爲九章夫聖王豈不念刑之痛而不德哉毋以風流篤厚禁網

疏濶用見刑措之難耳今天下兵革未息刑獄用煩大者原野小者兒鉗鬼薪白粲鉤細毛舉酌以世輕世重之說要亦時會使然一人好生貫索星明歲遺恤刑使者周行天下又大赦頻頒矜宥再三誠不少山甫將明之才以剔釐夫奇請他比之弊不可謂非古先王之遺意也禹木準而行之起已論命肉人死法中凡得九人噫即此可以風天下之治獄者矣夫淳于公逮繫長安有罪當刑漢文帝聞緹縈一言而遂禁肉刑孫卿論刑有云殺人者不死傷人者不刑是惠暴而寬惡也君子以意斷之是蓋未深究夫五聽三宥之說矣夫鬻棺者喜疫酷法者喜周內豈其性然乎業在是也祥刑之

意何居世之治獄者倣雪案行之然後守若令於大獄所關多所平反牒御史臺御史臺劾牘上當守大司寇從而受成錄囚有差一人齋居而決事赭衣掃跡囹圄空虛禮典而兵息由此其遜也則雪案一書誠與周官班史相表裏是路溫舒之所以懲秦失而鄭昌于定國諸人再見於今日也世之知禹木者又將不盡於此矣

序二

李孝源詩序

先朝末葉亂起潢池喋血禁庭其禍始於當國者遙持其議而烈宗憂勞十七年一旦宗社不守究與古之亡國者同歎其後人皆歸咎於臺諫自今論之夫臺諫中籌國是嫻邊略豈伊無人而未必盡如光時亨等之力阻南遷其禍遂不可救者也此其人雖與時俱往後之君子覽其遺編斷簡想見其主臣遇合之際未嘗不憐其遇而悲其心也吾鄧李孝源先生在烈宗時為名給

讀史亭文集卷三

諫澶關未戰以前廟議多以速戰為言惟孝源駁之大意以天下之力在秦關秦關之安危天下之安危時孫督師鍊兵西安將有成效恐氣力未壯意且合江淮各鎮之師併力大舉恐單師直搗一敗將至不可言坐是疏凡卜上皆留中未下而潼關敗大事以去嗟乎烏程武陵義興繼起相踵為姦利蠹日深至陳演魏藻德輩尤庸碌不足數使中書有人袒其議何自而有甲申三月之事先是之數人每為孝源所持意弗善也遂假他差嗾之南行填撫度再後崎嶇嶺海以定策爰立堅請終制不果就未幾病且死時人惜之以為孝源以長源之才而僅得一伯紀之遇且其時疆場之事風鶴日聞

讀史亭文集卷三

而又苦塊之感綱常所係不肖以起復二字取譏天下後世當其時止有一死孝源甘之矣顧孝源身雖死而其言在古人云言之至者不能載之於書如曩者十疏之類是也維是孝源天資英上一切詩賦古文辭援筆立就吾知之於孝源作令時自入掖垣絕口不言詩乙酉而後天限南北並其他著述亦不見歲在壬寅仲氏鑑湖一葉南來訪我伏波山下執二冊掩涕曰君不忘先伯子亦計所以存伯子者乎伯子他文及封章散失戎馬間不可考獨此則伯子所為詩也里門時君為點次今有為類行以傳伯子且拜手地下予聞鑑湖言不覺失聲孝源長我五歲今作古人且十餘年當其身為將相繫天下之重走嶺嶠顧九州其意寧止以文字傳耶竊意丈夫生世上者取封侯立殊勛異域名勒景鐘斯足貴矣若區區但以文字傳非丈夫之志然較推魯無文躡膺仕享庸福於一時與麋鹿俱死則又孰與文字之業可以傳斯人於不朽之為愈也嗟乎弘略而值板蕩騏驥而遭九折敗國亡家自古不少如孝源亦復何憾遺編斯在光嶽之靈綿結不散孝源之常存於天地間恃此也禹峰性癖詩書耽著作好我者多指為仕宦不宜予陽應而嗜之如故久處荒服思得一知我者論定之乃王孟津久死今孝源集其詮次復出禹峰手予又何望哉予悲夫鍾期逝而伯牙不復嗣音也雖然

以孝源之才之遇而迄不一用而僅止以文字傳則予之喟然於空言無補之文不止悲孝源亦因以自悲矣

### 湖南趙使者詩序

古者太史陳詩以觀民風稱輶軒之使即今柱史行部也後世專司糾察然山川風物與夫水旱兵戎輒得借間間謠俗或畧或歌彙而成書以上貢天子則巡方之官殆風雅之宗也其所為詩非詩也季札觀六代之樂而興亡大小豐歉之辨羅列目前師曠審音而知軍實中郎聞琴奏而悟兵機則詩者樂也樂者政也始於房六經也楚詩不列國風說者以為東遷而後楚子荒裔

讀李太史集卷二

蠶食漢上諸姬聖人損而不取乃三閭大夫作離騷上薄關雎殷武而不經宣尼筆削抑楚風之不幸耶不知召公化行南國江漢汝墳皆楚地即今邵陵居衡湘沅澧之南有甘棠遺蹟則楚風固冠列國矣非楚冠之而召公冠之也今上巳亥關東興寧趙先生奉尺一詔乘驄馬按部南楚詰戎兵鋤奸宄起餓殍於桑間禁佻達於城關凡地方利病興革諸大政隨時削牘上請多所報可一時柳往瀟湘星沙沅芷喁喁向風以及三苗之裔黎瓠之種皆有以革其鳥言卉服之習而願見天使莫不喜其來而恨其晚於是按虞典行柴燔陟岳瘞玉既多受祉斌斌乎其猶行古之道也既而出一編示

某則公巡楚之作於是作而言曰此宜繫之楚風者也楚風剽悍鋒疾公詩慷慨負燕趙之氣蓋公生長三韓為真人崛起之鄉類多星辰之士龍虎之英矣昔漢高起豐沛得天下馬上而陸賈每談詩書卒成南粵之功世祖誕白水破赤眉而鄧禹以一書生策杖河北建大議再振東都之業方之公有同符焉是不獨以詩見者也公此詩謂之楚風可也即有他作從乎其大公之此來為天子使統於楚可也抑某讀公是集有感於楚矣皇帝以義旗芟群雄定中原吳越閬閬及嶺嶠皆不數年唾手版圖楚隔洞庭接滇黔與巨猾為鄰計此十六年中凡數變而後定有滇黔為之聲援故也今者

讀李太史集卷二

廟算及師武臣之力滇黔來歸南楚自此無事矣前此巡方者僅得南楚之半而公其全也惟其全故宜以楚繫之也此以後楚有風矣賡蔽帝之章可也彼靈均之書發憤所由作不可以貢天子宜輶軒者所不採矣

### 攸令涼州朱漢城詩序

風氣自北而南三代以上聖人多出西北文章從之六經是也以詩名經者一亦西北之書也秦焚棄短祿勿論已漢興表章六經歷年最長唐以一經取士詩道大行迄宋元明制科之法不一八股最為腐爛宜與青苗之法並戒後世今之聖人猶羈縻勿絕計旦暮且更張之矣然唐以詩取士而碩輔巨卿肩輦相望風雅典型

與三百相輝映安在不曰經術五季之亂此道湮沒朝廷之所尚既別有在一世之鉛槧亦別有所寄以自奮於功名則詩之一道流爲墨客騷人吟弄風月之具經書陷溺詩統失傳抑何億也勝國專力於八股緣所尚不在此故攻之者希然北地信陽歷下并州諸公未嘗不傑然特著也嗟乎三公皆北產也空同產於秦而家中州故登科錄直書河南扶溝人李王後起以中原二子自居王出江左幾幾乎黃池之役與中原爭霸矣然其贈李詩云人龍自起中原臥李稱王云猶作中原二子看然則盤敦牛耳固惟西北雄長哉予成童喜作詩今老矣尚不能窺詩之堂與要之論列古今揚北雅頌

讀書集卷之二

五

不敢自誣則亦猶不失作者之意邇者繫馬祝融軍書旁午鮮所作亦復鮮所遇偶攸令關中朱漢城寄我一編是爲亦菴集噫吾不謂今之世尚有能言詩如令者也令爲文鋒穎精神大於眉目予最器重之竊念東都已事黨錮之禍染天下皇甫威明起涼州獨以不與黨列爲恨史推之曰西州豪傑然則天下何地無人哉令生張掖酒泉之間是古戰場英雄割據之所也自竇融歸世祖而後張氏父子歷國三世奉表建業不忘宗國僞檀赫連勃勃諸人遞據以爲世資又趙繼遷起元昊作難與宋終始韓范借以成名由今思之其地荒煙斷壘沙寒草白想見當年金戈鐵馬偏霸雄姿誠關隴之

上游九野之神臯也其地高涼近西域黃河湍悍遠其西北產爲人物故應挺拔而多氣力厥三代以下文章發源在此故三秦兩漢之書迄今傳焉司馬南遷而後而文字渡江矣要之其枝葉也本固別有在仍是西北人起而收之雖然三代文莫盛於周今世所讀之書皆周文也周公卜洛以爲天地之中文者天地之心也故東都與西京並美焉齊梁小兒不足存也朱子勉是哉

### 黃抑公詩序

不敏述早歲受知於閩之黃源簡先生時先生守南汝多惠政將移山東水利則校南汝士子獲雋焉先生領之離函丈且二十年予以先皇辛卯晤抑公先生於

讀書集卷之二

六

湘東爲訊源簡先生起居抑公爲我言此叔父行也抑公與余一見如舊識自此得稱通家云然爾時草感別去中間不通音塵者輒又十年迨予治兵朱陵抑公適以分守芝山先至以故人爲同官文牒往來無虛日會軍興開滇黔予二人共治易輟逆旅石鼓書院崎嶇金鐵中匝月繼予與抑公先後走滇黔把晤夜郎城頭復如前日今且同作桂林客矣計十五年中抑公遇我何頻也始悟吾源簡先生前此師友之緣未斷故天巧借阿咸補之抑予與抑公命宮運在西南天以宦遊作之合耶此其故予與抑公不知也抑公賦才犀利天下事無足以相難吾嘗日之曰東南間氣經略丞相而後子

其特鍾顧其中微有不同洪先生每不喜人談詩抑公下筆輒言語妙天下抑公不恒作詩亦不易作詩自吾到嶺南而抑公之詩乃著自抑公有嶺南諸詩而詩之號為專家者輒不敢樹其幟以與抑公爭則抑公之為抑公可知其為詩又可知也抑公於書無不關至其吮毫銖心則憂憂乎腕下若無古人者嘗謂人曰三唐魏晉臚然陳者糟粕也古人精神常在面目之外今世之可見者精神也非面目也為文者曷不如是是則抑公之所為詩也昔劉洛陽之謂何仲默曰詩如李杜何用或者疑焉則為折其衷曰洛陽之言為宰相言之也非為詩人言之也吾謂洪公之不談詩當亦猶是若曰事

讀書本義卷二

七

業已見於天下矣不詩焉可也則竊恐抑公自此以往遂絕口不言詩也如是且安在其不同也吾因論著抑公詩而緬然有懷於源簡師則見予與抑公之得稱世誼者文章固先之也哉

### 胡德輝先生詩序

詩者文章家之一物也而諸體備焉毛詩一編詩之鼻祖尚已其散見於六經者約略可數則安得謂詩獨稀毛氏也然論詩於今日詩有不可盡言者盡言之則舉詩必以三百為率是三百外無詩也三百外既已無詩何況漢魏又下及六朝三唐乎此論詩者所以不敢盡言也即以不盡言論詩今之言詩者論古輒言漢魏六

朝論近詩輒言三唐此就世論詩也而非以詩論世也詩自有近體而真詩亡為三百篇罪人者沈約也破三百篇成例者唐制也然而論詩者不必如此也人面不盈尺而千變萬化總無似者古今之大九州之廣見於傳紀彷彿優孟者纔數人今入古廟觀泥土所雕塑及丹青圖畫不及三五則無復區別矣可知造物之靈大於人心之巧論詩於萬世之下必謂各出手眼不彷彿吾不信也亦不能也抑如用兵者人人孫吳韓白則馬服君何嘗不讀父書而敗也論兵者何古法是拘求不敗而止論詩者亦然求可傳而止非謂盡古人而土苴之也亦非謂繩古人而再鑄之也三十年來戶公安而

讀書本義卷二

八

家竟陵盈尺之面安在乎此非薄視古人而反高待今人也吾鄉王孟津當年嘗感風氣之靡與余矢心共挽海內有力之士間有所孤奮以自標置於世駭駭乎丕變矣德輝先生奇穎夙生博極人間異書自弱冠筮仕其宦跡所經上谷銅鞮秦隴秦岱觀錢塘之怒濤覽虞蹟於蒼梧雄邊鉅鎮瘴海蠻雲又足以發其胸臆而筆墨煙雨歛漱江山輶輶所至富有日新之業未曾輕出以示人辛丑夏予自滇來嶺列同官之雅每與公朝夕輒生廣武之歎公一日乃出篋中所作予挑燈夜讀未竟作而言曰有是哉人固不易知知人亦不異也吾初知公在經濟耳夫以曉峭天末鳥言丹服猗落伶族攸

居武彞麻沸饑兒待哺當今十五國行省之難無如西  
粵者勝任愉快匪公莫任我聞公往在河東不逞稱亂  
公介馬星馳手握金僕姑挽發孤先登肉貌無算上黨  
澤潞諸路平又往在武林浙東獬豸蜂起公復單騎往  
下之如河東時則方意公當以功名顯欣逢高帝取封  
侯易易耳今讀芝舫集然後知兼材之難即不謂世無  
其人壯歲不自分量操觚之暇間亦學馬步射妄意立  
功萬里勒銘作頌手撰樂章以紀一代之盛今則全舉  
以讓吾德輝矣德輝勉之元老壯猶匡此王國當不必  
沾沾焉效墨客騷流校時代課工拙以求一字之髣髴  
顧三百篇旨歸具在討論源流每變愈上誠使篆篆皆  
其盛矣

讀李本集卷二

九

### 謝子貞文集序

柳河東文人也自柳州以後文章乃進世儒反其說曰  
嶺以南文教自河東開之是何重視河東而小視嶺南  
也讀唐虞之書南交荆揚秦漢特踵而有之非創也且  
夫十二州之境五嶽柱之他四嶽方域不過千里惟衡  
居楚南吳越既駢盡比景漲海之間視四岳難為昆季  
矣火為水妃故東南海及江漢配焉離火文明風水相  
遇未有如茲之瑰偉者也由是言之凡大江以南英雄  
崛起分裂自擅輔敵國憲藻績人文自三國六代十家

皆百粵之精華也又何疑於西粵哉百之者統詞也統  
物而言之有萬統粵而言之有百一也譬之論人者舍  
全體不論獨於一爪一髮索其瑕疵難乎為丈夫矣况  
交廣在勝國以前未始分也其分為交廣分為東西粵  
者特時王職方之制而祝融朱鳥天之氣候不任偏全  
未始不笑為河東之說者拘墟之見也子貞產粵之全  
州初在零陵郡為楚上游後代乃隸粵今試觀其所著  
論及詩歌益渢渢乎大國之風哉安可以粵人而少之  
又何必追晰其為楚人而羨之哉此吾所謂大江以南  
皆百粵之地也史稱舜巡狩陟方崩於蒼梧之野夫舜  
重華文明而典樂以和神人是詩歌之祖也如是則開  
百粵文教者實舜矣而乃歸功於後世彘彘之文人乎  
然則五嶺之開肇自嬴氏非歟曰此為疏鑿地脉者言  
之也漢武因之命四將軍出桂陽下瀘水大率行師之  
道而非謂前者盡屬荒服也傳曰神農有天下地盡日  
月之表堯舜因之後王德薄漸失故地至楚漢遂有尉  
佗之事載籍復不可考人但以秦漢歸之其言似是而  
非矣韓昌黎之誌河東也明謂河東著作進於柳州若  
曰百粵之為山靈奇超忽各作人物象馬之形其水清  
澈可鑑毛髮瀟湘水底歷歷如搏菹子北地山川有一  
於是乎宜其變也如子貞者其亦不負粵之山川也夫

讀李本集卷二

十

### 梁孝廉見賓詩序

孝廉居新野邑之西偏與吾鄧相咫尺予年二十餘即與之交往無間孝廉以庚午登賢書落第合不干謁州郡性嗜酒得村醪輒醉賦材孔碩舉業能自成一家言鄙記誦杼軸獨運筆下瀕洞浩瀟如星宿蟠冢之水屢則公車會國變罹凶鋒傷面遂避世墻東以白水涯爲土京日泥飲其中絕跡長安後勉彊應干旌抵易水北以病還卒不出老且死此孝廉大較也記余昔同孝廉遊時內黃楊載公先生宰新公與余有臨卽之目授簡暇及孝廉跋馬遊白水村弔雲臺諸將相想見東都締造火德再炎依稀見司隸之章余及孝廉則作大言自觴曰運中葉矣異日中原有事我與君輩從中而起

請參文集卷三

十一

則後之視今當復何如未幾西涼塵起邠鄒鼎去予飄零吳越荆楚間一官傀儡不復時與孝廉衡宇相望如昔年杵臼時予三十年著作以夜郎之役沒於靖孝廉或間歲寄我札予讀而藏之會予以戊子投劾歸返初服十伏臘我過孝廉孝廉過我大率十年中凡握手痛飲狂呼者可五六次而孝廉與子肺腑相照孜孜以古人相勸勉吾兩人自喻而已孝廉喜讀我詩文謬以不利見推予極才孝廉每以孝廉不竟學爲恨予以丙申復南遊孝廉送我構林闕上灑酒而別予棲朱陵復三年是爲己亥五月孝廉子維天攜一卷至爲公求序而公歿矣公歿之日蓋在去冬十二月二十四日也距茲

收歲矣遠隔洞庭死生契濶非令子南來誰知君作古人者噫嘻子尚忍言哉記予爲平生交死者三矣一孝廉張箕疇一諸生陳敬盤最後則孝廉應之知己盡矣聞孝廉歿時囑令子諄諄以遺詩爲慮且哽咽彌留必欲得子序而傳之令子此來公命也在孝廉則以禹峰爲能傳孝廉矣自惟予志大才疎齟齬半生篇章雖多祿位不稱恐當世知予未必人如孝廉且孝廉自操可傳之器而反借先容於不可必傳之人乎時大梁李東園守衡與公同年友文士也爲鵠公詩以行而予序之謂公令子往持若文焚告乃公地下以當公誄可也公詩在天地間不待予言也

請參文集卷三

十一

### 陶石章詩序

予十餘年前遊楚即知陶子石章舊矣時石章甫弱冠宰石首有能聲後以不合當道去楚人至今思之爾時聞石章能詩間從郭中丞處得其一二作以爲諸葛真名士然竊以臆斷之士如此勿慮生今之世大都不宜於官官於此道如矛盾然欲盾之堅又欲矛之利極一人之身畢世而不得一當者也古人於三立之業分而著之正復謂此蓋自姬公而下世之高爵顯仕享庸庸厚福終身者率多不能文者也然文人而立弘勳懋非常則又往往不乏若此者何歟所謂是有命焉不可強而致也此予十餘年前始知石章其持論若此庚子之

役予捧檄滇南崎嶇萬里登臨所及偶有著作輒敵篋藏之不以示人此其意與前略同恐人復以雕蟲嗤之爲不知我者所訕笑耳邇者古寺蕭寂良友乍至挾一編相餉受而讀之嗟乎異哉是予十餘年前所欲見而不得其人者也况詩抑予數年前所欲讀其詩而不得者也况人而今幸甚觀其眉宇咳唾得其半讀其篇章辭訓得其半如是者石章無遁情矣嘗意樂浪元菟間往往多異人棲託彼公孫度管寧田疇諸人當國家多事之秋或以自王或以隱或以終身徐無恥賣盧龍受人間爵祿此其人即不制作亦傳矧夫兼而有之歟且肅慎之矢記於魯史其說與秦誓相同聖人亦逆知後

讀李本集卷之二

十三

世之代有天下爲中國主矣今聖人起春秋二千年後應之比之鎬沛龍虎風雲以其類應如吾曩者所云往往不乏則又安敢謂吾石章不其然乎抑吾又有感於今之說詩者以爲唐以詩取士詩獨工夫十五國風不出制科漢以射策而馬卿揚雄之賦爲詞人祖由是推之蓋洵係乎人而不係乎風尚之間也則兼材之難也定有其人我欲進石章而問之

### 李磐石詩序

開國初年予視學三楚邇游李磐石扁舟來江夏時有勸之官者領之而已忽復別去每向友人數之曰猶龍哉自此磐石或棲身土窟樹屋中或遂飄渺九州四海

之外名可開身不可得而見者二十年歲在壬寅予官嶺外磐石乃自六詔走南交泊舟伏波山下予見而異之鬼耶人耶乃詳其出處之由以爲順治十八年謁承明上書奉部檄移昆明驅車金沙之外見大將軍諮度時事以爲得君晚會且彰啟事當一面矣予又聞而異之夫磐石向之遊楚而隨去者何心隨去而不晤予者且二十年予冉冉以老君且壯而復仕者又何心噫磐石即不言予亦不問要之必今日而後見所爲磐石焉譬之委蘭之女守貞不字將髦矣乃委禽於不知所爲何人而後悔其呈身之晚也磐石之詩有楚粵有滇黔也志地志遊也竊笑予多磐石二十年遊而所遊僅

讀李本集卷之三

十四

此楚粵滇黔也抑豈有加於磐石哉且有所未盡夫楚粵滇黔者將待磐石之楚粵滇黔補之予終未解磐石之意何居也請讀磐石之詩而已矣

### 馬君輝集序

漢唐來諸王大將軍皆有記室輒自辟公府疏其姓名選舉與計偕等軍國重事屬筆視草當事商確後行士進退由此起家爲將相迨其後凌尼矣若夫負奇旣已卓犖側身幕府熟識國家舊事左弭右韃周回萬里磨楯橫槊構成絕業斯亦偉矣今上定鼎海內匡勳大業王公諸征鎮將軍實肇造焉由今觀之非特武功懋也一時從遊之士良多文學之選焉薄遊昆明從友人

處得馬君輝征行記一焉讀之既為序以行已而復得詩文若干卷卒業焉曰嗟乎古參軍祭酒之風未盡亡也夫王粲阮瑀馳聲鄴下劉穆之鮑謝諸人流譽江左高十五被徵哥舒韓吏部稱建封上客諸君文采掩映史冊一時英聲茂實實藉以傳由君輝觀之安可謂今無其人顧君輝有不止於此者當勝國之末天步方艱君輝枕戈盧龍叩司馬門上書身為偏帥屹若長城抑何壯也而今老矣區區以登臨所至彭為詠歌談此道於舉世共棄之時亦復何為我知君輝之志大略彷彿古人而行之者丈夫不能龍驤虎奮立功竹帛當高帝時取封侯而止碌碌公等如趙國十九人銅盤飲雞狗馬

讀李太華集卷二

五

之血此其人必不傳者也幸有立言一途與德若功並不朽丈夫得自立於天地恃此也是君相所不能操而祿命所不能限也安可為雕蟲藉口哉某向來有兩願一立功絕域一著書期表見於後世今蹉跎衰白功名如黃楊計頻年篋中所得誠不減封君與萬戶侯等噫誠如是是亦足矣試執此意以序君輝君輝自喻之勿向他人言也

鄒恭甫遺文序

漁孝廉恭甫魁岍裁決目中少所許可庚辰以前公車同旅次維予亦落落難合一日過余案頭讀予詩乃投分與為深交然其魁岍裁決者自在予心儀之士處亂

世之末流矯矯如此孔北海豈全身遠害者哉否則得一堞而守之張許何足道哉閱數年予官楚庸子乃以公狀來披讀之始知予言不幸而中予為署其尾欲得仇人而誅之以為快庶不萎腰咋舌於朋友之讎者告無罪於古人未幾以量移去此事遂不可知歷今又二十年矣會以兵事羈始安山中忽得一帙於鳳山麓下則恭甫所為詩若文也噫予初不意恭甫之能為文竟已如此讀此文覺恭甫三十年前風雪燕邸掀髯劇談斷斷不下若與人爭辯者惘然而來矣恭甫何嘗死彼其之子亦安能死恭甫哉恭甫自操其不敵之器於金石銷沉之後不與勝國之社俱屋孔北海張許諸公至

讀李太華集卷二

十六

今存也有數作常存天地間恭甫死不足恨矣吾由恭甫而思之當代時藝率多歸吳越自陳大士羅文止諸公出而空明玄與豫章乃獨分一席於壇坫之上楊機部詩搜羅諸史鉅制為工切切不與世人共卧起古文辭則熊雪堂咄咄矣躋吾恭甫於數人之間未知鹿死誰手也計予交恭甫時年甫三十私心方以孫伯符自許一舉而收華子魚劉繇輩恨恭甫知我未盡今復冉冉老去著書雖多每屬應酬登臨之文不屑屑於四子之書有所發明未免抱太倉之悔恐恭甫而在其知我畏敬我未審較三十年以前何如也顧予終有所願告於恭甫而無從者恭甫之文勝於詩彼子固老泉諸公

亦然不惟吾恭甫也吾於恭甫又何譏焉

楊職方詩序

又仁職方之去長安也適予以前後至滇得讀其詩文若干卷夫子之識楊子詩文蓋於楊子髫歲時不自今日也楊子之詩大率手芟蕪蕪靈境獨闢楚之習氣盡掃殊不似楚人之爲詩也至身所經歷多在莫靡豐饌髻跣之鄉此時山高雪冷勢窮微外益梁之神臯漢唐以來或車書罕到或土蕃車里異類之所盤桓犄成都扼六詔稱綰轂抑予嘗思之士子留心帖括風雅一道置爲後車楊君早慧十餘齡已有名字作者之壇今年甫三十倘自此而往益不可量矣今職方方以天下爲

請李本義序二

十七

已任目今兵事少甦房山之積寇已列京觀海上之氛復草薶而獸獮司馬門上書絕少是海內晏安之始也古之樞臣於保邦治政之要道寧爲曲突無爲焦爛往往老成石畫於斯見焉今固非吾職方言詩之日也又况王師露宿境上經年水西以二十將軍辦一巨猾未易是皆職方之責也如是而詩文曷可易言哉乃職方之詩固有即此見邊略即此見廟謨者夫職方之詩若文猶是公安竟陵之間則詩可以不必作若非公安竟陵者則職方之詩文又烏可已哉此吾所謂殊不似楚人之爲詩者也予少年好作老而不厭顧今乃奔走荒微不得與於上林子虛之庭展厥與詞一暢雄風則予

猶詩人之作也哉如職方者可與言經世之學矣職方行矣都御史龔芝麓今之巨匠也職方往質之當不作詩文觀也

袁氏族譜序

袁氏顯於汝南著於東漢之季四世三公其家世與本紀相表裏自本初誅宦官而漢事以去斯時本初即不誅宦官火德亦燬特速之耳要之皆功臣劉氏者也袁陽古棘春陵王氣在焉漢世祖南頓君之豐沛也距汝南密邇袁氏生長帝里之左右世有偉人根茲唐鄧社旣屋矣樂裔不替此袁劉之得姓於申謝間固其宜也予讀崇巖袁氏族譜序而愜然有感也袁本劉姓以入

請李本義序二

十八

贅於袁故袁之袁之者劉之也人文蔚起厥盛有明登賢能書以制科起家爲御史及二千石皆有人而侍御公其獨以直言骨骸顯弘治間繼以忤貂璫連擯棄今襄陽郡乘載其遺章燁燁燁燁方之古人在谷子雲劉更生之間乃子雲長於攻君而未嘗明言王氏視公之直斥逆瑾幾於折檻而請尚方則公猶過之君子讀是書有感焉爾時皇輿清謐止一刑餘爲崇似亦非關東之盜與夫劉石之比而公侃侃言之至竄其身勿恤無他防其漸也若使生公中晚之季其爲長沙之淚監門之圖誠不知何如而天下寧復有今日耶崇巖生鼎革之時負命世才既以無所申於前復不忍以祖宗孤系

之身苟祿於後從野蕪殘燼中繕茲編以紹先業而啟  
來許噫志可悲矣我聞上古之世吹律合姓明乎姓未  
分以前則混乎一人之身也後世乃有賜姓賜姓之說  
自漢高之於婁敬始也由是觀之則姓亦有不可憑者  
矣豈非爾祖之爲之乎劉之爲袁也從乎母從乎母則  
非他姓爲人後者比矣袁焉可也

### 家譜序

古無庶姓炎帝之姜黃帝之姬其始也黃帝子二十五  
人得姓者十有四蓋其重之也後世或以官或以國自  
周衰列國下及兩漢姓乃日繁姓以國者韓陳許鄭姓  
以官者如倉庾司馬之類碩大蕃息詩人所以致歎於

讀史外篇卷三

十

椒聊也如吾彭氏實維高陽之苗裔以其食祿於彭城  
謂之彭祖云噫此彭之所以得姓之始也彭之繁於前  
代見於國史家乘未易更僕而在宋明之際則豫章之  
族實隆隆起焉如忠肅龜年文憲時與其弟華諸公是  
也雖然此在五代時太尉玠先爲吉州刺史因家焉有  
子十一皆顯實開先焉矣是故今在豫章者亦有數支  
或以故遷徙他所散見於天下者皆豫章則皆彭城皆  
彭城則皆吾家一氣之人也往吾祖來自臨江籍于鄧  
及子且四傳族之一而十百經兵火且孔庶而蕩析不  
可勝歎予順治丁亥官永州會家人抱譜至爲作祖傳  
並譜序篋中稿今亦散逸無復存者閱四年庚寅攜長

兒始起自里門走謁定南王繫馬衡麓之集賢書院有  
同姓茂才應秋子鶴年出其家系源固豫章是爲玠之  
子孫與前譜合予乃受書而讀焉天下豈有無祖父之  
人哉亡何鶴年且磨墨求書予乃紀其牒如左蓋不暇  
以詩文相餉耳嗟乎水木之感其曷能不凄然動予懷  
哉宗子且好藏焉後有賢者或且不忘先德重鐫此譜  
以示後昆則斯文之作其誠未可以已也

### 讀史外篇自序

編年一書司馬溫公祖麟經而作也東遷而後權歸列  
國國各有史故聖人以編年一之春王正月大一統也  
班馬之書各爲世家傳紀降而晉魏及南北史皆因之

讀史外篇卷三

十

事屬散紀彙不歸一溫公折衷歷代系接素王則通鑑  
誠不刊之書也故通鑑者春秋之後勁也實功臣也然  
天下大寶古今重器九州分合之勢五德終始之運以  
至正閏相乘於玉衡乾坤之肇位也中外迭主夫金鉉  
陰陽之定理也西京亡於外戚東都亡於內豎固矣若  
夫鼎沸瓜分金鐵交鳴自劉石紛爭而極白板封殖偏  
安島孺至典午南渡而極自有天地中原變局誠未有  
若斯際者也然天地之氣西北常可以舉東南而東南  
不可以舉西北拓跋中衰周齊內盜楊氏起而收之遂  
併江左淫虐是眇雷塘變起晉陽之甲攘臂而復收之  
迨其季也強藩外拒蝨賊內訌桂林之戈漁陽之戍也

廣明之亂平陽之師也亂賊之徒匪族而有種危亡之法殊途而同歸於是北氣漸靡南風日競洛汴太原五代相嬗漢南荆越十家用興方之永嘉之時聰勸遂為前導比之漢唐之日陳橋因而當璧凡此所謂正閭相乘中外迭主皆九州分合之機五德終始之運天地雖大有不能出其範圍者矣然就通鑑論之一人亦有始末一事亦有始末止就歲月之前後不計人事之異同差池交錯從橫莫當如校獵然此方獻豸而彼復接猱又如觀劇然舞絙未已而吞刀吐火諸技又至則宋人本末一書安可少乎本末者所謂一人亦有本末一事亦有本末如縲絲者彼紛出此則縷晰之矣竊嘗譬之

讀史集卷之三

三

爾雅六經之傳註也世無爾雅則六經為宋儒諸家謠舛齟齬者可勝道哉左傳春秋之副本也世無丘明則公羊穀梁輩任意枘鑿者又不知凡幾矣斯予讀外史之篇所由作也外篇者經本末所已載者不著也又近經要東所已言者不著也予不敏竊附於郭象註莊東萊博議之類爾大梁李東園讀是集而題之於是授之梓以行而予為序其意如此

### 續讀外史序

客問主人曰既有讀史外篇周烈王迄南宋金元大紀綱大治亂與夫人材賢奸將略優劣國祚強弱華陞正閭燎若觀火何以續為曰唯其如是則續曷可少也且

續之云者非直續外史也續之中尤有可續者焉抑綴之外尤有可續者焉茲續者概之也曷概乎爾猶曰史不勝讀讀不盡外外不盡續續不盡史故曰概之也如是則續史曷可不作也間有十之二三出於讀史之外者史收之續亦收之偶有觸發不憚再三間有外史所不載而續及焉者十之八九續收之史不盡收之隨手條達印心往哲總之外之云爾外者謙詞也不敢言內故外之續之者又謙之詞也尤不敢輕言史故續之然則史之外尤有史續之外不勝續此又在乎讀外史與讀續史者由是言之并外史命名亦不敢當矣曷續乎爾己亥六月朱陵書

讀史集卷之三

三

### 自序

計有生所作詩文凡三刻兩失之矣一失於澤潞九仙臺在先朝之甲申一失靖州在今上之戊子茲所存者則數年來此物耳澤潞焚者板也尚有墨稿攜以自隨獨靖州為酷並草稿無存矣予時有句云十年知己推黃澍半世文章付靖州惘乎其言之也實錄也茲刻非予意予門人江寧令所為也冷之言曰師前集而在弟子亦欲焚之時當板蕩中多怨誅置之今日不類庾信制作世所傳正是入周以後岑文本隨太宗入高麗一切筆札皆出其手其在江陵者一字無存文求可傳耳可共見斯可共傳矣於是授之梓以告海內之有目

心者不敢曰夔門而後潮州而還也

滇黔草自序

順治十五年王師收滇黔予遊滇黔在十七年夫滇黔何紀紀遊也滇黔在萬里外今始臣服志遊者志王制也先是戊子之役予曾入黔間有所著論淪落兵間不可攷矣茲所紀則庚子辛丑兩年中事也然兩年之中居滇甫六閱月行路強半則又一年事也一年之事何以記爲曰朝廷之於滇黔既三路以開之復更番以戍之又建幕府葢置星羅鎮撫其地計一年中飛輓東南金粟凡八百餘萬此其意未嘗一日忘滇黔也如是則遊滇黔曷可無紀紀曷可無詩此予滇黔草所錄作也

滇黔草自序

王三

說者曰子遊滇並紀黔何歟曰事有相連而舉者此是也登泰山者先梁父道所必繇也今越雋益州及犍爲牂牁西南君長置郡縣受印滇黔又何分吾之爲此所以志一統之盛也合泥龔芝麓貽我詩有句云軍中轉粟青天上使者論功大夏西爲滇黔也相連而及者維楚與粵集中亦及之予何敢比唐蒙相如諸君稱特使建節還報天子後之讀是集者曰此人曾遊滇黔比之壺充國呂越人其亦可矣辛丑秋自題於伏波山下

南遊文集自序

余少孤訓於母氏十五即好學古文辭及詩歌母氏戒之繼所受塾師亦每以爲言故不竟弱冠後乃始專家

爲之顧性豪侈嗜騎射妄欲立功邊塞且自成一家言常又自笑古人功言分途今余發願過耆後將不繼運際興王授鉞黔州貫甲殺賊馬上全帖寄行李中盡失一卧滄江輒十年里居無事得肆業於讀書間所爲古文詩歌之彙往往爲門人所錄出亦既刻而政之當世矣順治十三年從軍長沙補朱陵二年是爲楚移滇落過黔二年是爲滇黔再視兵桂林二年是爲粵此楚粵滇黔之集所由作也竊念人生歲月幾何丈夫年五十頭白牙搖上不能佐天子出政進退天下次不能建節秉旄耀上公於一時顧獨偃蹇遲回卑棲西南將所謂四方之志彼二方置之高閣耶既而思之燕趙冀州少年舊遊故今宜以西南補之且余不出而老於菟裘從何得萬里之遊即欲爲萬里之遊車馬資糧僮僕之費幾累中人之產又何能遊但令七年中得以補我前靖州之所失又何憾焉於是次論七年中所得者公之都閭吳人張一卷二府易水石允淑二君者殫心制作文苑之英合辭曰公前集海內共見今茲所作可當一焉稱後勳焉復爲宋木余乃自惡曰往者春秋之世楚之大夫多卿材散入吳晉可以與王圖霸在楚者獨寥寥又漢業鼎造遺陸賈開百粵一言寤真定尉稽顙北關恐後乃歸而止以中大夫相酌世祖開疆使司馬相如持中郎節諭滇黔迄今文教與中國埒竟以文園令終

滇黔草自序

王三

夫漢家兩帝封侯如置戍長彼韓彭衛霍其著者矣俾二臣不在五等之班豈謂功不出於汗馬遂不裂土歟抑謂二臣實文人而命薄不足以言封拜之事也今予蹉跎連年行將老去與古人門限之語適合勿以所遊之地使然乎吾為名二集以厭之而楚粵滇黔欲專之不能嗟乎今累疊者又若干卷矣既以自慚又以自慰彼楚粵滇黔亦何負於人哉康熙壬寅冬日

明史斷略自序

予讀明史紀事一書掩卷太息曰自古治天下之道盡是矣府事修紀綱懋哉至於國本安危政府理亂或左右近習而鬼物憑焉或顧廚相煽而大命已去究其始思其終未嘗不咨嗟留連於其際也若夫神武開天樞機獨運英艾群雄臣妾海內尚已一傳而雄王嗣藩手拉同氣國有主矣謂天道何帝心厭亂蔚為宣仁何啻文景物大而豐器習則敬斯有土木之事南內之舉亦云再悞而締造有人少保諸人不可誣矣中璫擅權赤子弄兵洪支煽禍革除一機理數或達三代之令主皆數百年保天之祿豈無辟王賴前哲以免諒哉斯言乎世廟繼之大禮說起璵萼之後紛紛拾藩因之起家者多矣一時遷謫諸臣不無過激要亦賢佞得失之林也江陵當國綜練自喜庶尹惕勵疆場救寧弊在攬權然才固不容掩也神宗晚年深宮日久平臺日少以致釀

成三案官府水火邊圉亦多故矣忠賢亂政海內寒心懷宗早歲鋤大奸如摧枯管抑何斷也而逢天殛怒周鼎用沉至與亡國者並垂識者疑焉此無他中書無人貂璫視師臺諫無公忠之實而門戶成不返之勢所以媒成甲申之變者豈偶然哉歷觀前代亡不一局或黨錮或外戚或中官或盜賊明亡於自成是盜賊也而亦黨錮亦中官外戚不與焉有一於此未或不亡古今有同歎乎要而論之吾論靖難之師詳矣屠剝國良天命不又其享國不過其曆則以靖難之故哉

讀史亭文集卷三

序三

賀汝南分守戴嶽舉撫軍薦序

傳曰洛陽天下中四戰之衝宛汝實綰轂之天子命分藩使者一人奉簡書鎮撫之自太守令長下罔不率俾地居子午孔道扼褒斜江黃之喉兵興以來犇蹠無虛日其略有遺種譬寶融西河矣 皇帝立國十年宛職方所載戶口不增物力不蕃廩又間商於武關與桐柏固陵山中叢狐牙孽白晝甘人竄伏嶢峒窟穴與蝮蛇同出沒長若令且斷斷無如何矣宛之張大將軍時鼓

讀史亭文集卷四

洪鑪燎之至則波駭毋亦芻蕘糗脯徒苦閭左耳 天子一日南顧而歎曰吾獨不得良方面救之耳何憂宛汝哉旋顧冢臣曰爾其遊重臣一人往視之冢臣曰俞惟司農臣戴可往 天子報曰可維時我公豈不能引長孺故事不離禁闥一旦別承明廬塞帷就道公曰同為王臣吾何敢重內輕外借口補袞塞賢者路吾恥之於是遂扶輅而南渡滹沱涉易水濟滎澤叱馭發宛維時太守以下倅若令始而疑之郡之薦紳孝秀與夫三老耆夫之屬亦怪之相私語曰公起家侍從位台鼎去天尺五耳一旦乘使者車問封疆訟獄錢穀諸瑣細吏之束脩簞簋與檢行罔治其賢不肖得而進退之地方

讀史亭文集卷四

水旱災青用是鉢於心以時爬搔况近年河伯為虐有瓠子宣房之役羽檄秦楚冠蓋相望每以敝賦之不給為使者羞若是公殆有所不屑矣又公以少年掇巍科負淵奇之目在掖垣所上封事以百數皆切中時弊如劉更生陸敬輿復出彼谷子雲輩有所依毘而為之不足數也公才高富著述文治詩與孟津齊名臨池自成一家人以為米襄陽復出如是而俛首稱外吏手板臺使者前唯唯否不微獨公難之旁觀者為公難之已公顧迫然曰是不足以困我也謂守若令曰吾與公等約法三章耳曰廉曰明曰斷廉則不漁周官六計弊吏廉為首稱漢法懲貪獨嚴終身不齒勿曰廉吏可為而不為也明則不蔽狐鼠乘暗而生鬼魅見日月則遁勿曰太清無魚也斷則不撓稂莠壞嘉禾胥蠹之魚肉小民亦恃有三尺耳若是者吾與二三大夫共之然而惟廉生明惟明生斷三者未嘗不一之矣自此郡縣奉公旨如建瓴然其號為二千石者大抵亡慮如黃霸之在潁川張堪之在冀州其郎官宰百里亦得以江陵朝諤自奮其功名以無逢大吏嗔向之膏腴化為石田今且菑奮朱紱驚邦有累嬰之聲向之探丸為姦利推理走死地不少禁今且盜牛者守劍矣且夫宛汝近楚為士君子者得無以剽悍鋒疾汚染習俗其人不長者顧何以在昔盛時仲華子將黃憲何顓樊英諸君子或奏匡王

之績光竹帛而勒景鐘或隱約不仕愛鼎全璞名聞海內俾天子安車蒲輪無所用之今殆駸駸興起矣語曰莫爲之前雖美而弗彰人文蔚起誰實尸之凡此皆公之自行所學以仰報 天子不求聞達者也且公爲御史大夫時兼攝大農以風憲之司筦度支之寄所任舉與其所颺言於 天子之庭者得其一字人且以爲九錫公豈區區借中丞言爲重乎乃中丞公聞而善曰有臣如此何忍負之宛汝得公則宛汝重天下得公則天下重庶幾與天下公之今 朝廷念西南未開牂牁夜郎若不得相如唐蒙諸人方推轂元老以靖邊陲如公者可以借箸矣吾又何敢以方叔召虎爲中州私也入

讀史集卷四

三

告我后勿令有識歎曰此公何以不在中書 天子報曰如撫臣言吾方召之耳在公誠不必以中丞言爲重而在中丞則亟亟以得公爲重矣郡邑父老子弟聞之爭持一觴爲公壽曰我公行且以三公赴長安撫軍之知我公奪我民也我公於是進父老子弟而謂之曰吾愧無德於汝民獵聲華非吾志雖然願以此觴爲吾守若令共之耳

戴巖學分守擢廣西右轄序

周官雖分內外其實一之也周召內也而有分陝之任申伯王舅也而有藩宣之寄至漢唐以後郡守之賢者入爲三公宰相或以他故出守外郡其意大氏仿周官

不得岐視之矣巖學先生大農也又兼都御史職我聞尚書在天作北斗爲人君喉舌御史大夫貳丞相皆紫微垣下三台位也會巖學先生一旦出叅汝南政海內士人知與不知異之曰是先生佐 天子燮理元化爲宰相者也亦虞先生之出都門而蒞中土也何故彭子從而解之曰是蓋有故焉非 天子意也古將相以直道取阨於時宰去天顏咫尺之地投諸惡地備試艱虞莫不藉口曰某實才匪斯人罔克有濟以故朝而金華夕而巖邊纔離中書便乘驛傳蓋古來繁劇衝斥之地與下溼炎瘴之鄉皆聖賢豪傑之蘧廬而若人者亦遂乘此地以懋建非常勒金石以傳不朽後世得以其地

讀史集卷四

四

名其人至如朝廷之上一旦公道大明願書乘馬隨其後而向來阨我之人餘不足食則君子之道用是長汝南爲中州南徽三十年來戰骨如山城堞焦爛荒煙野火白晝鬼出是亦今日之邊疆也則我公之今日之出叅汝南由此其選也雖然汝南固已過矣又從而粵西之此何以故曰粵西去中國萬里在昔漢逐秦鹿不暇有事南方尉佗稱帝得陸賈片言而番禺來朝又孝武之世女子微側徵貳反皇帝命樓船將軍往靖之而後即安蓋其俗南近交趾西北接吐番夜郎昆明苗蠻雜處叛服不常實衣冠鱗介之區也今 皇帝御宇百粵入王會獨早而滇黔猶在禹貢外 天子曰吾且以方

伯勞來之耳於是冢臣復踵前說而以巖壘先生往時宛中士民思公保釐我民在桐柏固陵數千里間犬不夜吠邑有絃歌田畯有篝車豚酒之樂山澤無鼓祠群狐之嘯二年來恃我公以有此日也今一旦奪我公而南徙小民其何以堪相為灑涕遮道赴都御史臺控訴且邀請於經略相公以入告我后為我民請命願領乎其不能已於斯也即今日之宛汝可以卜他日之西粵矣會經略駐師長沙去京師四五百里使君之命且旦夕下而公不為吾民少留且束裝為南粵行曰君命也雖所以得此者固別有在如吾前說云云而公習安焉一如向者之出都門來宛汝也視他人怏怏於去就之

讀李太史集卷之三

五

際者何如哉公即君奇穎疊出長公未弱冠已舉孝廉又兩尊人白髮杖履善飯公初意欲請歸養而當事堅執不能行且將以簡書議其後是行也與經略相公左右周旋臣服西南諸未下者則新息銅柱諸葛戰壘之間有公名在焉矣則向者之阮我者未必非益我者也今會且召矣朝廷固無分於中外而中外之間亦不足以榮辱公明矣

送戴嶢聲入桂林序

自昔鼎革之際必誕命世之人盤錯之交會見救時之手是故勳羽凌秋而上不避颶風駿馬乘勢而馳直衝絕澗承平者庸人之厚福震憾者英雄之先資也開國

承家安常居危後分茅胙土相必兼將權所以姬公列冢宰之尊東山因而破斧召公總方伯之任南國以之留棠世祖中興之際鄧禹密為雲臺第一以有河北之功太宗建義之年李藥師稱貞觀碩輔獨懋江陵之烈維我嶢聲先生夙具穎根偶謫仙籍徐僕射來自天上東方朔乍落人間迴滄海紫瀾奔走蛟龍於筆下撥香山秀色羅列象緯於胸中赴闕陳言會是洛陽之歲東髮破敵適當公瑾之年如贊皇之於文饒箕裘再振抑老泉之有東坡堂構獨隆作鳴鳳於朝陽屢折朱雲之檻毀白麻於禁地不數馬周之書爰秩大農遂秉都憲蕭相國轉餉於關中功在良平之右劉度支持籌於漕

讀李太史集卷之三

六

運恥言桑孔之流八座凜風憲之司解身豈必識字御史貳丞相之位執法久列三台帝曰我瞻中原為國家腹心之地二十年來不勝憔悴公曰欽茲王命正臣子膂力之時三千里外敢憚馳驅叱馭而渡黃河宋家宮殿魚龍夜寒帷以臨白水漢室園陵狐兔平蕪沒召杜之田豈無太守慘淡風雲之會莫問南陽念力田不如逢年豈君相所以造命抑學書不必學劍為俊傑原在識時西門治鄴全憑水利之功文翁化蜀日奏作人之効既蒐乘以詰戎萬竈龜貉之烟復矯詔以發粟合郡消沴戾之氣豈謂帝簡量移炎荒長沙以南原係三苗之故壘亂靡有常象郡以北適當百粵之要衝匪

公莫任顧天下方伯惟掌圖籍而西粵右轄兼司鹽鐵  
雖哀牢交趾之相連是曰荒服乃煮海鑄山之並用實  
惟國本新息擅伏波之名原以將軍度嶺諸葛勤五月  
之師更以丞相征蠻如公今日有合古人時維七月序  
屬早秋碧梧爭下轆轤搖金井之寒鴻雁初賓葉葭動  
玉露之色過郢城而登宋王之臺大王雄風來浙歷入  
鄂渚而臨庾亮之樓胡牀良月正續紛載酒渡洞庭八  
百里湖光重賡少陵之句騎馬問祝融九千仞山色還  
開昌黎之雲將見智高望風而來歸不用狄青三鼓還  
看佗尉去號而內附全憑陸賈一書奇章公甫離台司  
秦韃迎節度之使柳宗元舊是御史詩文滿瘴癘之鄉

讀史事文彙卷三

七

某等才慚下乘分屬編氓感驪駒之載塗忽憶王孫公  
子思高山而日遠何堪故吏門生顧祖士雅節鎮梁宋  
謳譟既遍於兩河羊叔子榮戟荆襄涕泗猶傳乎三楚  
置子儀於散地計日還作中書召晉公於外藩再來仍  
是相府聊因遠別是用作詞

### 送戴礪榮侍郎奉 召歸朝序

巖榮先生以御史大夫出守汝南藩在 今上之十年  
春其奉 上傳復召歸則於次年之七月朔日離天顏  
出使車蓋一年有奇先是冢宰量移公粵西右轄郡人  
德公至遮道不能行又時論頗為不平公曰君命也不  
可違計歸省畢且治裝南發度嶺有日矣一旦 天語

出禁闥溫然如春命銓部臣俞旨旦夕須公至郡之薦  
紳諸生父老輩則又大喜過望執卮酒往賀尉有辭維  
時張大將軍謂不佞某曰 天子神聖明見萬里之外  
勤宣老成留心政本太平自此可興然而 朝廷有公  
宛汝無公為策所以畱公者且曰中州數年軍興旁午  
繼以水旱我公咨詢柔能為閭左造命如冠羸久病人  
得扁華瘡瘵初起纔思飲食其士子之得從公遊者束  
修匡飭蒸為鬻鬻鬱為國風稍稍有間矣不穀方藉手  
車輔以奏卧鼓之效一旦扶輿日邊如宛汝河某曰先  
生此行霖雨天下宛汝為公過化地公曷能須臾忘之  
哉願將軍不記先生前為我等言之乎曰西南方用兵

讀史事文彙卷三

八

王師之往來宛汝實綰轂之芻糗紛紜亦孔之逋近河  
患頻仍庸調未已宛汝距河千千餘里奔走綴屬宣房  
之築無日嗷嗷征鴻蓋望河伯而灑涕矣又順治之十  
年十一年上帝殫怒兩師不仁宛汝所隸俱大水平地  
深尺餘民生日蹙之數者皆先生所痼瘼乃心赴闕時  
急為吾民請命者也先生此行將並天下而宛汝之矣  
又曷嘗真去宛汝也將軍於是揚解而進曰先生之治  
宛汝前此士民祖餞入粵已有言矣茲言其公之所以  
出與今日之所以入可乎某為略徵史事而祝之先生  
一身耳前此之出豈非帝意哉而顧茲昧昧思之曰或  
者非帝意也東漢甘陵之禍一時號為黨錮者皆賢人

君子也或以貶或以放逐其矜然奮竹帛之光者皆斧鑕之餘也迄今李膺陳蕃諸人終以其嚴氣正性表見於後世與日月爭光唐朋黨之議始於對策牛李兩家輟輟幾四十年此出則彼入某進則某退以德裕之賢而不免與僧孺宗閔同譏春秋責備賢者贊皇能無少編乎宋安石出公著於穎川章惇處大防於安陸熙寧元祐之際以正直而遭逢不偶擯落荒微者大都執政之爲也俯仰古今薰蕕之不同味耶正之不相容漢唐宋此其大著矣故曰公前此之出非帝意也雖然即以帝意論之又豈無說以處此宣帝欲用蕭望之爲宰相先試之於平原又試之於左馮翊若曰變元贊化非先

讀史集卷之三

九

治劇不可武帝時會更五銖錢楚地多盜鑄吏民不相得帝乃以汲黯爲太守曰君薄淮陽耶吾今召君矣合二事觀之則公今日之入與前日之出皆明主歷試之於艱難瑣細之地以爲異日政府地耳以視漢唐宋諸君所遇之時公爲罕覯矣周以冢宰權國用唐以宰相領度支鹽鐵皆此意也自此後天下事無足爲先生難矣又聞客有自長安者爲言 聖人見公手蹟而重之復憶及先臣王文安公鐸遠有是命噫古以文字動人主之知且大用者鮮矣公權書法得陟御座元稹詩章流傳宮中他如司馬相如之賦皇帝歎不與之同時眉山之文天子詔爲奇才今又見先生矣且以見 天子

之重文而公相業之有本也將軍曰善請先生爲我兩人酌一石

### 新野令汪崇木擢西曹主政序

今以名縣宰之所自期與人之所以期名縣宰者慮罔不曰清華之選夫清華者內地也言其去天子近如臺省如銓部如詞林世之所爲四衙門者是也以其居地要津得行其言慷慨論天下事彈劾不避權貴爲名侍御名諫議否則進退天下士以次列清卿否則讀中秘書養公輔望優游金馬石渠間且循例爲宰相是四衙門之榮也外是則他曹有所不屑曰是仍將外轉耳而西曹尤所不欲聞曰刑官也於四時爲秋於五行主殺

讀史集卷之三

十

旣以斷擊爲事失出則有乖士師之職失入則又非祥刑之義情勝於法則爰書無以懲小人法勝於情則大獄止以罔君子此道家之忌在兵而士人之居官惡刑古今之通義也雖然此非可意爲取舍也時至則爲之耳我聞刑獄者天下之大命也得失輕重之間國家之治亂興亡係焉說者曰秦有十失其一尚存治獄之吏是也然原其所以失則用商鞅之效也漢高布衣起山東甫入關中即約法三章與天下更始不一再傳幾致刑措原其所以得者則任張蒼之力也今 天子固崛起之時矣我讀 皇帝詔書於刑獄之間每三致意焉其視司寇一官蓋非他部所敢望也我崇木先生之以

七載新野而有是命好公者皆執前說為公慊慊焉有識者獨為公幸以為非公不能為此官重非此官亦不足以及見公也於何知之即於其治新邑知之新居宛洛孔道郵亭驛絡冠蓋相望龍興以來西南諸國滇黔未下其洞庭以南蒼梧而北猺苗獯鬻為類不一時用揭竿嘯聚侵敗王略天子赫然震怒屢簡六師往靖南服始於定南將軍以迄今經略相公中間貝勒績順等師十年之中蓋四用兵矣此四師者無一不取道於新邑者也新斗大耳其里甲衰耗不敵先代十之一公乘一款段入部屋與父老相勞苦人皆體公意出其毛髮絲粟之力以緩急縣官繼屬勿絕於是王師之過新

讀史文選卷三

上

者一皆兼數人之食其幕府偏裨以及都虞候百夫長皆以公為才吏士馬無餒人人得其歡心而去至於設防駐其地者知公如此亦遂嚴憚公一笠之細有誅勿赦新之民雖日苦兵而若不知有兵吾民何以得此於公哉且如治河屯田二事者近來非常之舉朝廷之上議在必行治河大吏與屯田使者督責不遑意欲旦夕奏效間左間無秉耒矣公手自檢舉奉行較他邑獨為得法人稱便而掾吏執簿相對如履春冰公真神明哉又聞公之造士矣曰新帝鄉龍虎奮蒸之地也雲臺將相強半南陽新實中分之下及子山景行諸人或嘔崎兵間流為文采或清貧自勵自依芙蓉用能聲施後世

安敢謂今無其人士之聞斯言而湧滌磨勵以期遠大者且連翩起矣是數端者皆所謂公之能自見於斯者也又何古循吏之是讓云而吾謂非公不能為此官重非此官亦不足以見公蓋此物此志耳雖然將無所取以實之乎曰有之惟循吏乃可為法官也堵陽張季事漢文為廷尉天下稱平如驚渭橋之馬盜高廟之環人主以為必誅而廷尉以為必宥又如溫長君上書宣帝極言秦漢之得失而其意歸於尚德緩刑能殺者能生者也其後二人子孫皆至大官史著之曰循良之報也則公今日之行舍是言為足為公勸駕哉是吾所謂非公不足為此官重非此官亦不足以見公也如是者何

讀史文選卷三

上

### 麻察將守禦鄧州序

會順治之九年壬辰滇南劇猾騷動夜郎百粵間桂林蒼梧及洞庭以南如邵陵如武岡如辰沅一帶處處望風土崩人無固志於是天子震怒整飭六師簡名王稱撫軍建玄弋之旗暨華蓋之旌用遏蠻方問罪不庭我中州南鄧之區實介秦楚要害西去漢水咫尺即所稱謝羅山巖谷深邃盤鬱連綿可八百里曩年餘孽竄伏其間伺隙而動南漳之役我師左次失一偏裨郎中丞趙公上書司馬門求所以虔劉之以救寧此一方者

行報可下樞部議樞部又下之督臣馬公撫治趙公與豫撫吳公共酌武廓之議僉同於是乃以襄鎮張駐鄖以汝南鎮張任撲勦聽楚督調度而以宛城一郡責之開歸鎮高且檄撫標一營並河北鎮一營總受鈐轄於高大將軍為防禦計且勅之曰維將軍使將軍念曰宛城邑逼楚者惟鄖與新為然記先代之末流寇縱橫渡漢江如飛每取道於筑陽鄖陰之間地名號白馬羊皮諸灘冬水腹堅賊輒竟渡不容舳舻矣以新邑較鄖受敵尤緩此非得一魁宿之將駐要害飭蘭錡嚴邏卒時為偵諜不可而又鄖二十年來凡三屠於寇膏腴化為甌脫人死骨相枕幾無遺種倘復為將者無紀律恃武

藏書

十三

逢逞其鋒悍民何堪也是庸愈於寇乎乃以撫標兵住新而以河北鎮之麻副戎來副戎未來時鄖民岌岌危之曰此麻將軍且不知何許人鼎革九年以來間左蕭條近且略見雞豚得似順治四年時高大將軍鎮鄖則小民實有天幸否則蒼廬一至劫巡相尋我民不得安堵矣蓋先是高大將軍曾以蕩王逆故掛弓鄖之浮圖且半載士卒皆實行唯謹劍戟不聞嚙戩之聲民至今思之若曰庶幾其有此耳亡何麻將軍捧高大將軍檄至至而與鄖之士大夫刺相通則恭韓鞠膾頤折頰不勝謹予獨心異之明日下午令曰嚴刁斗常如遇敵勿模有常額犯民秋毫法不赦既而詳其里居且詢其家

世乃作而歎曰有以也今夫紫塞雁門天下之神臬也將軍生長雲中當昂畢分野為禹貢之冀州與朔漠僅隔一牆嘗試披覽圖經大氏雲中之俗多馭還而感慨如武靈王之自奮於趙拓跋氏之崛起北魏皆能資其山川雄拔之氣起北邊以鞭笞萬里削平方夏較三代以還逐鹿中原者且中分主盟矣且人之生茲土者又習見秦之蒙恬與漢之飛將軍廣魏雲中尚其人宦跡此地莫不有赫赫之聲盪滌雲擾之才其人之功名至今與白登並高桑乾之水俱永則弔古興懷雲蒸颺起安得不曰地氣使然哉所以將軍先世累葉閱閔皆以橫草取通侯磨盾鼻勒石紀功將軍以將門子早歲登

詩書

十四

壇則又曩者販繒屠狗之流與夫人奴隸徒翔貴為大將軍者所不敢相提而論也將軍駐鄖且改歲將兵千人有奇憚漫衍凱與鄖民迥然相安郊垌外若不知有五兵乃時時與民張飲留犁撓酒民亦樂得以一卮相慰勞人觀其鞮鞢革笥之在知為健兒至於尺籍伍符熱服將軍不敢取民間一笠與民為家人昆弟則又依然似鄖民也古節制之師何以過茲昔者程不識嚴肅而李廣簡易若是其有畸趨歟至於畏其嚴而奉其約束與樂其寬而裏其誠信皆足以取勝不至於敗如將軍者我知西山小醜不足平矣蓋在寬與嚴之間也時十年癸巳孟陬鄖之父老弟子采花洲之芳若艸南

陽之菊水爲將軍勞苦志勿讓也不佞代之言僅言其  
守鄧者而已一人之私言實鄧民之公言也若他戰功  
將軍束髮從戎及天步底定江南多懋績異時自有彤  
管紀之不敢累牘也將軍行且以此意達高大將軍爲  
報鄧人念公固未嘗須臾忘也

### 衡山趙令保障序

古者封域南不盡衡山北不盡恒山西不盡流沙東不  
盡東海又五嶽爲天地尊貴神天子五載一巡狩崇望  
祭告百年者就見之以時舉罔攸懈是萬國朝宿湯沐  
之邑也王者坐明堂朝群后立政於此而五嶽以內職  
方視此衡山戴禹貢荊州之域其帝太皞其神祝融岳

讀李文集卷四序三

五

麓邑是爲衡山縣去嶽南三十里沿湘水步口崇巖表  
嶂蜿蜒間左不逞之徒逞逞窟穴其間推理剽劫作姦  
走死地如驚頻年中原多故洞庭以南封豕躑躅九  
重用廬南顧順治五年山東趙君實曳長民符來眎茲  
邑至之日父老冠蓋舉族長跪曰邑新開四年夏平南  
大將軍恭順王奉天子璽書勤王師遠略爰有湖南境  
而衡山一邑爲長沙桂陽零陵要衝芻蕘膺縣官奔  
走實疲於他郡民力維艱又苦無雄堞時睥睨緣以資  
守望萑苻間發衡且隄抗號號不於其鄰於其躬矣侯  
曰善敢不拜乃嘉言惟敬用罔敢失墜墮越以辱一人  
命且貽二三子憂時則有夙盜渠魁藏徙山谷者若而

讀李文集卷四序三

十六

人初以爲今固進士起家直文吏耳寧復嫺戎馬擐鳴  
鏑掄長矛牙孽相角逐侯曰賊技止此耳無足難我者  
於是約縣功曹廣文輩暨前之父老冠蓋謀曰是賊之  
狡焉思啟者嘗我也與哉易與我耳某且分汛守廣積  
儲厲精銳嚴巡緝多調謀俱如約率仗下健兒介馬戰  
場出奇殲散互用則長吏是視自令來以迄五年之十  
月與賊爭此土無虛日賊亦用耗且散亡蕩盡而衡邑  
屹然無恙誰之力歟誰之力歟衡郡所隸十邑今之端  
然魯靈光殿者曰衡山衡山而已他如永如邵如常其  
間所存州縣落落晨星固賊氛充斥何地蔑有哉而有  
令如此民亦勞止汙可小康是誠長子師貞矣漢書度  
尚爲荊州刺史殲桂陽渠帥卜陽潘鴻等秣馬蓐食明  
旦徑赴賊屯乘銳破平之又蒼梧桂陽猾賊相聚攻郡  
縣楊璇制馬車數十乘以排囊盛石灰於車上繫布索  
於馬尾奔突賊陣弓弩亂發賊用波駭潰說者以爲與  
田單火牛意相發俱載往史公他年此事見志乘行與  
二子爭烈矣他如杜甫作石壕吏悲追呼也監門上流  
凶圖苦新法也侯一一箴之汰之不遺餘力而讓德矣  
學博黃生江夏人予弟子也是年十月習侯久祖衆戴  
侯意屬予作文記其事他日勒之衡山一片石不又峴  
首哉去年予過衡山登祝融峰觀日出有記文亦佚去  
衡邑郵亭有近體四首聞爲令所好不忍即去由是觀

之令又不端以材勇擅能吏名矣固文人子且旦夕觀止矣

### 楊蓼莪二府篆鄧序

蓼莪先生之篆鄧事在 今上順治之八年先是 皇帝以冲齡居負宸政猶出居攝不盡為海內所矚今聖人當陽百度維新中外遐邇歡聲雷動自九卿以至百寮庶事罔不恭飭庶幾乎海隅日出山火賁而雷電章矣適會鄧守以報最擢禮曹去河南御史中丞與藩司諸大吏作而謀曰鄧劇州為秦楚咽喉無事民力農重本業陂田漁渠有召杜遺風有事兵革輒先受之先朝末年巨寇起關中出沒盤據二十年相為終始地居

諸事集卷三

七

子午孔道兵戈所必爭之地昔人所為用武之國禍患以來道殣相望白骨如莽 大清定鼎二年二虎餘孽嚙城不潰者僅三版子遺瘡痍初起急借軫恤刺史以帝命來報謀啟事非半載不得即至夫鄧民之望治也如嬰兒之待哺搯其喉乍可止啼恐不旋踵斃耳又若庭羸已極屬氣欲絕非得秦越人為之指爪鍼石立起結脈號太子豈有幸哉維我公生長燕趙去長安僅尺五地得見 天子都邑邸舍方國貢獻羽林武庫之藏與夫 朝廷利弊生民休戚皆從輦轂下討論而熟悉之而又家世蟬聯鼎族冠蓋相望不學為吏視已然事惟公有焉當其筮仕時剖符秦隴鄭國白渠之間至今

有謳思焉南陽五馬與聞二千石事其不足以盡公才也明矣於是御史中丞與藩司使者僉曰非公不可遂以公來公蒞鄧之明日閱城又明日行學又明日行田不設鹵簿不牽拘文義威儀跨一騾裹執轡如組於是城禁嚴肅夜柝漏箭欽欽如敵人在境不敢以無事懈雉堞百尺若增而壯於是宣王宮殿燦然改觀瓠葉蒐首棟棟俎豆士子無輦悅之行皆執一經稱公門下士不減楊伯起之在關西時與虞放陳翼諸儒講明歐陽春秋益其博覽窮究大有祖風於是桑樞蓬戶間聞我公至黨正耆夫相為戒曰公且來為之申表暇迎猫虎鹵濁之地化為膏腴秦秦之區化為稻糧是所謂舉重為雲決渠為雨者是耶非耶之數事者有司之所難也而良有司之所易也即良有司之所易也而篆有司之所難也我公不以傳舍視官不以草菅視民奉此以往於何不臧稱曰三善知不以彼易此矣抑公所為單厥心力民亦勞止尤在河工一事吾嘗讀河渠溝洫諸書有感焉河之為天下利害也中土為甚禹鑿龍門辟伊闕析砥柱破碣石斷天地之性而後即安此古之所謂神人也自周秦以後海水東南風浸蕩數百年九河之故道以失於是漢興之際酸棗不已而金隄瓠子不已而鉅野而且決於館陶而且分為屯氏諸如此類未可枚舉或百年或數十年或數年隄防之築或在百里

諸事集卷三

八

或二十五里水衡之錢動費巨萬迄無成功彼賈讓所謂三策者何居焉或曰隄防之設始於戰國先是皆因其勢而利導之故鮮患齊與魏趙以河相竟故設隄防求各利其本國耳漢武帝天下一統又何不順其水之性乃至作宣房湮寶玉與河伯爭此咫尺之地哉今亦漢武之時也伐淇園之竹以爲健傾曹衛之薪以相屬茫范洪流不知紀極謂中原民力何且如民命何乃汲黯鄭當時輩以耕地千畝一夫爲準自大河南北所屬郡縣視此上之天子勒爲簡書奉爲功令嗟乎此非皇上之不念我中原而棄此民也正其念之深而爲之勞永逸之計也我公日夜總總焉爲民容度凡徭役將發爲之計路程時日屬餼齋糧皆手自經營不假胥役聽事左右無不見其憔悴之容歎息之聲焉此其勢不能不勞民而於勞民之中寓不忍勞民之意則又不可一一得之良有司者矣使公瓜期不至得以褰帷問俗遲之又久得如潁川借恂故事其仰體新天子厲政之初意所以又安我民不自此無窮耶雖然宛去鄧不盈百里公之在穰固足爲穰重即其去宛而重念夫穰也尤足爲穰重也公益未去矣

楊公篆鄧序

宛二府楊公視鄧篆甫四月國之長老有辭縉紳有辭於以德公甚悉會諸生以督學按宛不果行公旣去宛

十餘日諸生梁生丁生謁予言曰維二三子前以文試入宛不獲從耆舊先生後爲我公進一觴今我公去諸子且來無一言以對揚我公之休諸子其何以爲心是佻也予曰是不然前此故有言矣諸子前進曰每見世之守吏一入簿書中人便與士類爲仇凡子衿有不得已事干謁輒傲睨視之蔑如廳事上如帝盈尺之地士如奴反不得與齊民等以故士人下帷明一經者坏園自守旣不屑以歲時見守吏之面間有期期不能言之士或素封不出庭戶一爲里豪猾胥所中不得自明以爲守吏之尊若此士寒微若彼其爲胸臆莫訴也固安之耳嗟乎東橫之下固他日人材之地言路之所從出而厄塞若此則亦爲守吏者之過也如是雖有董江都司馬相如之學之文之士不識大夫爲何物矣豈能於車轍旣平之餘求所以志其不忘哉諸子乃爲予言公所以待士之狀無少長集於賓廡或手一卷相問難或以地方水旱徭役田宅之事捧牘來請公一一以客禮待之長揖不拜無情容無諛語如家人父子如黨塾師之於蒙童小子如主人之於佳賓嚴客公曰吾以養士氣耳且夫士亦何嘗之有失時則爲鼠得時則爲虎今乾坤草昧之際將相王公貴人蟬聯多出遼海乃甲乙取士三年輒一舉行於此見科目之設天地與爲終始噫獨非士哉且鄧固人材之淵藪也西出國門有阜隆

起是爲獨樂之山昔人所爲抱膝長吟也一出而王業成焉管樂方之懸已若夫博望之侯冠軍之里雲樹接而嵯峨相望也士之能崛起爲天下雄安在今不如古是故公待鄧士有敬心焉抑豈惟待鄧士爲然哉而鄧士之恩公曷無已也觀於國之長老與夫縉紳固無疑於鄧士矣公好爲之耳

送李道士歸衡山序

以下方外

順治庚寅客寓衡北之香水菴晤道士李常庚談方外事甚悉生青齊長遊南陽以今上乙酉乃卜棲衡岳之九僊觀修軀黃面風髯鬚髮如澗下松著藍袍揮棕欄扇神峰秀朗巖壑生眉宇間時天氣蒸暑流石爍金

羣屨成雷與道士談殊條然不爲所苦爲出九僊觀圖說乞予言遂鐫之石予謂之曰是名根也道士固介出世入世之間者也道士乃爲予言往歲來衡時癸庚未關辨瑜方隆道士爰出死力以解兩家之爭視其舌尚在衡民迄今尸祝之是豈黃冠之流也哉爲人排紛解難飄然物表仲連之徒歟抑其功成身退爲而不有誠有合於道家守雌守黑之說矣若夫九僊觀自有說不必以此重累道士搜神記固知非干寶不作耳

破門僧詩序

予嘗讀唐書重有感焉何感乎爾曰唐人以詩取士詩之盛在於唐而詩人之好禪與浮屠交互相聲援引重

以有聞於世亦莫如唐若是乎詩人不禪必不成詩畢竟進而之禪而爲禪者亦遑遑資詩人爲名高間復爲詩憂憂然可傳於後世無疑則亦非此二三詩人不爲力也其最著者如盧仝辟居洛陽止一赤腳老婢唯是鄰僧乞米作供養日訂三傳同異豈隣僧外間無人哉又如白樂天初亦犯顏直諫刺名郡自所作詩上自郊廟下及委巷里嫗罔不知名乃歸病東都尋諄諄以如滿塔側爲自老計何見之拓落也他如輞川莊上裴迪而外唯事禪悅靈隱寺中臨海舊尉句湊浙江是則唐詩人與唐詩僧之大氏也詩與禪事不相需而情與勢每至於相緣此其故何也所稱芙蓉處汚泥之中亭亭

然不滓則昌黎伯一人耳史稱昌黎伯於文比於武事有摧陷廓清之功當時天子迎佛骨鳳翔王公以下奔走膜拜至於炙頂薪指鼻大內三日舉國誠若狂焉公以佛骨一表得貶名以籍甚學者乃舉此一節比於子與氏之闢楊墨是誠然矣而亦知此非公意哉蓋公之所駁者佛骨也非佛也佛爲西方聖人不生不滅即使生滅亦超然於輪迴劫灰之外顧安所得骨焉而且遠託中國乎跡昌黎之意當以爲必非佛骨故投之耳且使真佛骨而亦投之此正佛意也若使佛果有骨焉則是中國之人而已彼中國內塚壘壘沙場枕相藉人骨正復不少佛又何足輕重哉則天下從此無佛矣無佛

何以治天下非聖人神道設教意也於何知之曰此其以公之意而知之今夫尋常交遊中有所齟齬不相能於其人則並其人之相與爲厚善而亦絕之且惡之如仇讐焉況於簞殺其父而舐其犢乎當公爲京兆時賈浪僊撞其前導公引爲布衣交如謂公果不事佛則島固佛弟子也於佛則焚之於子弟則友之是葉公之好龍耳曾謂韓公爲之哉當其去潮州上皇帝書言封禪者屢意固可知矣衡山西址舊傳爲公開雲處噫彼子瞻自作文字耳且不如是不足以甚憲宗耳今衡之雲如故也予登山者兩一則皎月如畫雞鳴得觀日出則新霽四望空濶無片翳豈雲亦不必韓公始開哉破

讀史亭文集卷四

三

讀史亭文集卷四終

讀史亭文集卷五

南陽彭而述禹峰甫

序四

宛理任公太翁榮封文林郎太母方晉太孺人賀序

皇帝龍飛之十二年乙未以冊立皇后覃恩海宇凡在京三品以上進爵賜級有差而又孝治天下榮及所生俾外吏有三年報最者例得以子官封其二人南陽司李任公蒞宛且七年治獄政成注上上考往與例合天子乃命中書撰制誥用璽書勞之其詞曰維爾封君某起家大東韜光盛世如黃叔度之在汝南當代挹千

讀史亭文集卷五

頃之波譬龐德公之在襄陽名士羅床下之拜而又義方教子早歲登朝雋不疑平反久傳渤海之聲張釋之決獄再見漢皇之里是父是子爾今日應高駟馬之門移孝作忠予一人豈愛車服之典況乎范滂有母乃成李杜之名溫嶠絕裾空灑關河之淚慈顏永謝內則如生其以封君某爵文林郎如子官母贈太孺人欽哉母廢朕命云云當是時綸音汗渙黃麻重六經之色龍章蹀躞紫泥揚九錫之文維時太守郭公以暨郡丞若倅諸君捐十三城屬吏而進之曰渥哉皇恩丕冒箕裘螭階寵加虎拜敢後唯是我二三兄弟竊吹窳案潔齊蠲吉以敬受一人之休命望象魏遙拜毋滋墮越

爲天顏咫尺羞因酌醴爲太公壽曰鑠哉我公邦家之光古者酬勲之典周禮司勳鑄器君牙之篇祖父成績紀於太常漢高起山東剖符封功臣與山河帶礪同壽且爰及苗裔大約人臣自通籍以後公爾忘私國爾忘家則人君之念其勤勞亦且上及祖宗下及後昆此君臣交感之道亦曰求忠臣於孝子之門也今我東陽先生爲太公冢嗣年甫弱冠登上第理宛六載困園草生異日者出其治郡之餘力上佐天子平允之治我以知天下無冤民緹繫不須上書肉刑不必議復矣且夫天下治亂大獄大兵是也東漢黨錮之禍初起於獄一時賢人君子周內不解其後遂肇兵戎釀爲國運唐

讀史集卷之四

二

貞觀以後周來用事鉗羅靡遺未幾即有天寶之事然則司寇一官國家治亂之所倚仗也而推之於天下之郡城則司理實基之司理之枉直大司寇之枉直也噫可不慎哉而後乃知我東陽先生之理宛爲不可及也先生理宛大都溫厚愷悌之意居多而擊斷嚴酷亦時用之以待城社之奸斷斷不以施之我民居常發憤曰曼倩有言凡爲吏太剛則折太柔則廢威恩並行永終天祿大約止爭一念耳吾之治獄也寧失出勿失入寧使情有餘於法而不敢以法竟戾乎情每見世人居是官者或博鷹鷂之名以行草菅之實則民命幾何矣或漏網於吞舟而威挫於破柱則強梁得志矣二者交譏

吾未嘗不深夜靜思廢箸而歎今試取我公歲所錄囚若干冊所鋤穰莠魚肉吾民爲虎而翼者若干人則公之理宛治行爲天下第一又豈待問哉若是者宛人知公天下知公且大臣知公矣亦公自爲之耳而聖人曰封君之教不可誣也於是推本所自用示褒嘉異日山川土田實始基之上以廣朝廷仁孝之政下以盡臣子水木之情一時太守郡公榮之遂相率鋪其盛且以見世德之隆得觀天王之拜非偶然也

送韓燕貽之官瓊州序

今上十六年己亥五月某以兼攝下湖南陪巡邵陵維時下湖南分藩使者少繁韓燕貽奉天子命晉副使

讀史集卷之四

三

爰有瓊州之行當斯時也楚南右路鎮王將軍與公同舟協恭共造南服暨同城文武將吏編戶中父老子弟薦紳孝秀咸牽犂執爵謀所以遮公轅者願得某一言以志戀戀誠以其遊南楚日久且與公鄰封相望習公政及公生平宜莫如某者於是乃稱觥聽言曰昔姬周將興周召分陝文王之化自北而南召公實尸之按地理志寶即古南國召公布文王之政舍於甘棠之下後人思之不忍剪伐作蔽芾三章即此也距城東四十里有甘棠渡厥植輪囷離奇虧蔽雲日萬曆乙卯而上根幹猶存父老能言之嗟乎六經文章之祖而後世去思碑循良傳與夫種種遺愛如峴首桐鄉之類皆因之而

起者也故甘棠者去思之祖也今公行且去矣公在官甫六月即有政安能遍及彫瘵而二三黃耆顧津津道之殊不可解解之者曰事何論久暫哉傳曰召伯布政總於甘棠之下憩者少息也如是則六月爲已多已計其十二年以前事在戊子夏以撫黔之役駐師邵陵爾時雉堞墟矣餓殍殫相接狐嗥於隍鵬鳴於室又黔滇巨猾烽燧之警與漏箭循環十年之中兩大亂十一年經略丞相治兵長沙寶復開王將軍治之近六詔夜郎底定寶爲腹裏公來與將軍爲埵麓交不設城府表裏相洞達間左戍卒有乾餽愆評語反唇公即跨馬共爲剖決大率將軍治軍如程不識呂子明諸人公則能以

讀史事本末卷五十四

四

古藹相勸勉如人與周公瑾交飲醇醪不覺自醉則成將軍之令名者公也寶民之德將軍者實德公耳昔陸賈論陳丞相及周太尉事曰將相調和則士豫附古未有文武矛盾而地方得相安無事者近來寶城以外雞犬蕃息稻稔繡錯時方小亢桔槔夜相聞是有民然後有寶矣此公之大略首著於善將軍者也下而及於裨將參遊之屬肅肅如也盡寶之介胃化爲敦詩悅禮之徒殊絕南紀矣念惟楚有材兵燹久學校用廢則爲斥大官俸月課制義若干首拔其尤者爲異等鐘鼓之念絕學久湮道統失傳此中舊有瀟溪書院歲久而圯首倡興作維圖與書是用丹雘其有功於教化風俗斯二

者又其大者也抑吾聞之楚爲鬼國人信巫覡昔有妖神能攝人魂魄惡少媒孽其間假爲神憑妄言禍福人有曲直則任意答其臂近竟用斧斧訟者一臂咄咄怪事淫俗罔覺縛而置之於法神亦卒不靈此一事者有西門豹狄梁公之風矣此皆近事之在寶者也今且之瓊矣瓊在東南大海中自昔明王祭典以配公侯至唐天寶中冊爲廣利王號爲祝融今邵陵距南岳百里亦祝融之位也公負光嶽之靈舊爲蓬島客乾坤倪風具胸中其平生宦遊宜其名山巨浸相近云又公前官西寧爲甘涼阨塞之區赫連回紇元昊諸君常用之矣公弔姑臧之故墟想見燕土爲城之經營憑軹靈武舊

讀史事本末卷五十四

五

壤依稀唐世一代興亡之本且北眺黃河瞻青海而凄然於寶融之率土來歸慨慕東都之烈張重華父子之割據屢世奉表建業不忘本朝與夫趙繼遷等之盜有西陲皮幣金繒卒令范韓諸人辦之不足而宋卒以南此其邊情兵略上下古今蓋已吞東南十八九矣瓊島海國此後天使來臨百靈效順宮龜大貝若前若後鰲身蟹眼若出若沒我知來享來王窮海隅日出之邦並路博德楊僕諸人可以不用一公治之而有餘矣此又朝廷之上大冢宰諸人知若秦若楚不足以盡公而必欲置之朱崖儋耳之外與夫朝鮮日本之間爲中國大一統而爲公用所未足者也公行矣甌粵既平海若永

靖 天子拊髀思公公且歸矣吾為公作頌可也於是王將軍合城文武及前孝秀之徒咸為公浮白大醪東門之外而別予亦北征矣

賀粵西制府序

粵西撫軍于先生治粵八年粵人德之今 皇踐祚首顧南陲晉公爵制府仍治西粵壬寅孟陬為公揆覽辰國人遊粵者乞言於予為賀予惟周禮保章氏以星土辨九州之地翼軫鶉尾逾嶺嶠而南為東甌青丘之分安南諸州屬焉今之粵西是也唐虞之世命羲叔宅南交平秩南訛禹貢曰荆及衡陽本其大者言之不盡於衡也周之東遷權出列國魯僖公四年齊侯伐楚楚子

讀史本義卷五

六

使屈完與師言曰寡人處南海此時隸楚秦焚棄詩書典冊缺略世徒以秦漢為肇啟不知不自秦漢始也顧前此交廣合而為一殊易治後世交廣分而為兩殊難治其易治者交中列郡縣有守令地之所產金錫翡翠之屬可借上國之用粵瘠土得其物力貿遷有無稍依之為利而國以立自失交後而粵以孤懸矣又初南粵建號止稱廣未分東西東西分而在彼者稱善地多海舶異物為商賈資饒益在此皆石田雜種部落居之肥瘠遂分星壤太平在十五國不足當邾莒與黔等此西粵之大較也 本朝順治七年開粵閩明年再定民出湯火之餘驚魂甫定蘭綺而外巷無居人又值滇黔震

鄰風鶴時聞亡命或假偽符召號草澤不逞羯獫之徒從而煽之則又大亂自于先生撫軍八年西粵以治至是有每省督臣之設 皇帝南顧良久慨然曰撫臣某西粵山川形勢士馬強弱爾填撫久稱治安無事今茲督臣一席非爾莫任爾其往受乃事無廢朕命公疏辭再三不果予竊惟周禮夏官之職大司馬掌之有事奉天子命九伐無事則仍歸制軍後世疆域多故要地宿重兵或出元臣作長子則今日督臣是也雖然督豈有加於撫哉 皇帝若曰即以其撫之者督之也先是公撫粵時經制未定公為請於朝設三帥鎮其地曰桂曰梧曰柳外有十路裨將治之要害皆有戍公兵略風燭

讀史本義卷五

七

在行間久御諸將帥恩威互濟如指臂腹心內外洞達無城府計每年金粟仰給吳楚凡百餘萬公檄行數千里外越洞庭瀟湘溯流而上過分水嶺舳舻相叩不至乏絕又躬自蠲潔為群吏先公庭外不受私謁群吏奉冰霜唯謹懼以簋簠獲戾土司有訟獄至公府胥吏畏法如斧鉞不敢舞文上下其手其處徭伶及編氓稱是至於賑凶饑興學校寬徭役開維新之路以安反側間道出奇以制鐵橋之勝不煩師武臣力一介行人交趾內附奉表詣北闕下此數者皆公之所以撫粵者效已見於前事矣故曰即以其撫之者督之也說者謂撫與督廣狹不同量凡撫所不能行者督得而專之督所斷

然以為必行者撫不得而問焉今璽書所載文武提撫以下胥歸鈴轄是前日之西粵為撫臣所已行者今日固行之撫臣之所未及行者俱今日督臣所不能辭也即何得不謂督之權大有異於撫哉雖然今粵西督撫前後皆公一人督撫有異公無異也即公之為督撫有異而西粵之賴有公無異也如是又不止以撫之者督之矣漢元鼎之際皇帝雄材事遠略衛霍楊路諸人分道出師間驪萬里置海外等郡公今日者實當斯任但出其緒餘以緝柔百越永奠南極足矣然而區區之粵猶不足以盡公也今值 龍飛首歲公適以是月為懸弧期予鄉人桂林守某君屬予為文為公佐觴予因撮公撫粵時有造於粵者引滿為公進一卮為粵人喜實為朝廷喜也

賀粵西制府序

翼軫而南厥維朱鳥祝融之君位焉厥星熒惑熒惑主小兒訛言故其人易亂而難靖書曰平秩南訛正謂此也其地駱田輟國其利金錫萬革其民一男二女山川險阻趙佗之役邯鄲夫人內屬四路出師歷五世乃定漢中葉遂有捐棄朱崖之議江左立國有時借嶺南兵力遙制中原唐之亂實因桂林戍卒而起雖嶢嶠邊陲乎如人手足盤戾無以成身故聖人必起而爭之今之西粵百粵之一也 本朝開闢再煩兵力厥惟艱哉自

今司馬于公撫此八年喁喁稱治說者曰民亦何常之有張博望使月氏初謂不得要領趙營平辦先零曰至金城圖上方略治粵西者亦然試取公撫粵諸政思之土官猺獞二者互相依亦互相煽得其理則貢租納稅即我編氓稍一處置失宜輒以毒矢藥弩相從事出沒陰崖邃箐間爬梳實難前代之官嶺南者往往以細故釀亂耗財用費兵力數世不止公撫粵之日下令國中曰粵人吾人也有以非事干者罪無赦尚長部落謁軍門則推牛饗之騰歡而去傾心帖服不敢生事又念粵西荒徼人文湮沒則為首建學宮以移風俗於是守令化之郡縣有鐘鼓之聲粵既鄰邊向者猺獞所踞為逋

逃藪公為開向化之路奉明詔牒山谷舊染匪彝概為掃除勿問拔其材武者聞於朝官之故鷹眼之輩率而來歸待諸將帥尤有禮按月給餉以飽卒伍必不須與緩故士皆投石超距唯敵是求而以不用命為恥居常念曰安南本吾內地自勝國宰相失策以致歷代相傳之土宇四千餘里淪落異域有識者悲之况彼既不為我用必為我害遣一介行人布揚 朝廷德意說莫陳諸長下之永稱外藩勿為邊患先是十五年滇南之役一軍從柳慶出夜郎由間道達鐵橋敵人駭喙六詔以開說者謂將軍從天而下矣抑孰知皆公之密謀先導有以出其不意乎此皆所謂要領方略也宜 九重之

上南顧良久督帥一席非公莫任有以哉然此止就西  
粵言之而西粵殊不足以盡公也我先皇開國初年  
公自中秘出守覃懷時南征之師如雲畜牧其地糜費  
巨萬公措置裕如時值儉歲公捐賑築館舍各如法如  
青州事全活萬億人尋分藩弘農靈陝寇起牙孽山寨  
王師進討且盡殲焉公單騎往邊塞門諭以擒渠脅從  
罔治復保全善類無算二事者豫人至今德之比之召  
棠焉他如在秦在晉在楚歷方伯連帥所至皆有能聲  
識者彙辨其爲公侯之器豈待今日哉抑僕猶有進焉  
今 皇定鼎六合混一粵之開在滇黔之前豕蛇震鄰  
故用重兵戍守自滇黔既開西粵便成內地羽林禁旅

讀李太史集卷四

十一

似可量去留以甦民困且以粵兵用江楚糧原因滇黔  
未復爲一時權宜之計今天下金粟強半供西南而樂  
浪至苑置郡無期糜費復與西南等大農幾何不持籌  
嗟無策也粵在今日亂萌既已無自而起則三鎮十路  
爲多或止用督臣之兵或稍留一鎮以藉督臣指臂之  
用歲省金錢億萬矣否則莫若稱此兵力收復安南萬  
世一時也莫陳近日雖遣使入貢然實畏我師借以嘗  
我且緩兵耳彼國與滇相接昔之有事安南者多取道  
西粵及滇今兩地大兵現駐境上一鼓而下兩都直振  
落耳或當密疏 當宁整旅而郡縣之收漢以來九郡  
之數不亦可乎恐後來有議及此者莫謂今日當事不

言也

賀線伯再鎮廣西晉爵將軍序

古將軍之任天子推轂曰圖以外將軍制之圖以內寡  
人制之此不御之權也然古重車戰其時之爲將軍者  
皆以六卿之長爲之即今夏官文武合一之道也兵書  
有上將軍之稱秦漢以還乃以將軍專主其事尤莫重  
於漢武維時以衛驃騎爲大將軍六將軍附之建旄萬  
里之外南粵當高帝時已臣服閱五世以邯鄲夫人之  
故呂嘉再變帝命樓船伏波兩將軍往定之所謂伏波  
者路博德也此進兵西粵之始又東漢之季以徵側徵  
貳之亂上命新息侯馬援底定之亦號伏波將軍此已

讀李太史集卷四

十二

事之見於西粵有兩伏波兩將軍者也今我 大清定  
鼎又見之廣西伯線爲老將軍焉按廣西歸我版圖在  
順治庚寅維時將軍隨定南藩實始開闢之定南忠勇  
蓋世佐命功高得將軍爲繼而南鄙用寧定南之功不  
衰將軍之功見於入關以後及渡江以前者露布時書  
姑不論論其在粵西者與事之關粵西者當王師駐衡  
永日爾時雲貴未下西粵一塊土猶在荒服渠孽馬進  
忠踰伏西延萬山中將乘機伺便犄角我又王進才諸  
逆披猖武靖一帶與嚴關爲聲援曹志建竊據龍虎關  
爲巢穴時有此三大寇相牽制欲長驅搗粵其道莫由  
爾時王謂將軍曰三寇不除吾終不能得志於粵吾固

知非將軍莫任將軍簡銳師授方略先掃曹繼剪馬而武靖巨寇方數十萬非身親剿除不可計鳴鞭所到築爲京觀不旬日之間三寇一鼓而下將軍跋馬圖粵西維時行間士卒望嚴關而歎曰此天險也觀其壁壘橫亘數十里鉦鼓沸天山谷皆應未易敵也將軍嗟曰豎子耳保爲諸君破之躍馬揮戈率健兒五百先登後軍繼之斬獲不可勝計粵城風靡直抵獨秀山下而趙印選胡一清等抱頭鼠竄矣此順治庚寅十一月冬也爰發偏師迅掃遺孽克龍城定象郡平蒼梧下邕州指揮咄嗟之間粵疆全收斯時雖握算在王而先登在將軍此將軍入粵第一功也是時粵之衣冠薦紳髻推搖擢

讀李本義卷四

上

之徒無不剖羊醪酒相慰勞喜曰嶺外小民復沾王化自非將軍誰爲爲之者閱二年壬辰將軍奉命守南寧距省方千有餘里何物小腆乘邵陵之虛搖蕩我邊陲虔劉我士庶遂有七月之事將軍聞信帶甲飲血電發星行破賊桂林城下餘燼再收省會用復嗟乎此時若不有將軍西粵之爲西粵能有今日乎此又將軍之功也 皇帝得捷書喜過望設朝告廟恨得將軍晚命下禮臣議報將軍勲於是刑白馬勞醢書念將軍百戰功晉爵五等封廣西伯在將軍方謙讓未遑而成命難以固辭於是將軍因以伯伯西粵矣此二事者皆其在粵西者也順治十五年 上遣六師及經略丞相三

路收滇雲 廟堂之上念滇黔險遠須得智勇如將軍者出奇兵從間道進發會師於滇黔之喉大司馬授將軍兵符命將軍行將軍昔在南寧時習知滇黔道路中爲土苗所梗深林密箐惡谿峻嶺飛鳥莫度將軍解甲縶馬崎嶇山谷中得達黔之都勻而曩者兩路之師陸續俱至於是鐵橋關嶺一時失險而滇黔入吾囊中矣此又將軍之功此事之關於粵西者也於是 天子多將軍功召將軍所以慰勞之良厚進都統得稱將軍將軍云噫此異數也 本朝之制諸王貝勒固山受命專征始以將軍名之外是者不與焉今將軍顧以屢積戰功得之亦榮矣願將軍矣若使將軍而不粵西如將軍

讀李本義卷五

上

何如粵西之人心何今將軍再至粵西粵西遂復有將軍二者交相得也交相慶也某承乏粵疆不諳兵旅與將軍共事有年習見將軍勞苦功高又西粵殘黎在將軍覆育保全之中是佐某不逮者將軍也某亦以粵西之戴將軍者感將軍也聞 新命幸甚敢率諸屬揚解爲將軍壽將軍坦懷豁達不以齷齪苛禮責人敬接賢士大夫有名大臣風一時藩臬守巡郡邑諸君其感激將軍樂得將軍復與其同不揣無文摠蕪辭以紀將軍之盛俾異日青史傳之視漢代兩將軍後之視今亦猶今之視昔耳

送西粵胡方伯開府南贛序

嶺而南中州清淑之氣至此而窮氣窮則磅礴蛇蟠鬱  
爲金銀丹砂石英鐘乳諸物天地之有嶺天地之長城  
也其人多鳥言卉服往往風氣殊焉好勝而喜亂險阻  
結隊以待將吏處居嶺之上重山枕藉漲海鎮東南既  
駱百粵居之北接豫章蒼梧崎之於西是一都會也往  
者物大而豐牙孽其間師動於疆草薶而禽獮之凡厥  
有年夫然後設司馬兼御史大夫治之一如腹裏而後  
蠶旗在指四望寢謀其最著無如王新建至今薦紳先  
生能言之顧其體統與各省之稱撫軍者稍異大率與  
鄖陽撫治控制四省略同其地綰轂數千里地方視爲  
安危較之專制一方者猶屹屹乎難之矣非得文武兼

讀本集卷四

古

通敏辨閎達之材不以輕授今我皇上冲齡嗣統值  
龍飛之首歲宵衣南顧而念曰頃者安南之來我聞方  
伯臣胡某實始經營之爲虔撫簡材爰命以我公填撫  
其地斯時也嶺南冠帶熊羆虎貔之士莫不灑酒走賀  
爲皇上稱神明兼爲虔慶得帥二三同人執蓋而言  
曰維天維祖宗篤生聖人今者四海一家嶺嶠蟻風叢  
梳爬維艱簡虎臣過蠻方天子萬壽宜爲我公進一  
觴又覽輿圖酌而祝曰維番禺尉佗舊壤藩臣治之新  
罹湯火未得蒙業而安樓船師連年置戍應截鼠子置  
海上至於洪都江糧之困南楚供億之煩息肩何日我  
公之來軍得嚴師作慈母於毗忍使國無鳩乎其爲我

進三爵我公則旋旋焉謝不敏曰余小子履餽是懼念  
地當百粵上游幅輳延袤扼數省之吭而撫其背一方  
警則三方應之諸公何以匡不逮幸以我觴觴諸公維  
時注跼短衣于公幕下者弓韋服矢插房帙首袴靴揚  
解進曰武人不諳祝頌願以諸君子前說爲我公壽父  
老耆舊感公德有泣下者爲公洗爵如前公笑而起  
而答一如所以謝二三同人者帳供桌門外離江兩岬  
觀者如堵盡九郡士女爲公遮道擁留不即解公曰  
大君有命行矣幸謝父老勿稽王程諸公愛我矣于是  
開鹵簿振鐃歌兜鍪前導軍吏捧簡書斧鉞望虔州進  
發而我公行

讀本集卷四

五

代粵撫送胡德輝晉南贛開府序

今上御極康熙龍飛之首歲猛緬來歸大統用集維時  
南贛居江楚上游控制百粵填撫需人於是天子下  
明詔命諸王大臣議求名位克配堪任將帥之選者以  
進舊例邊撫乏人則遠方伯資俸久及地望相符者上  
請近例或出自上意簡公卿作節鉞黃麻一下朝野  
未能悉其人者往往有之至南贛一席聖人拊髀而  
思與群公推轂而請各合符契則唯我粵西左轄胡公  
德輝先生一人而已若是者何也曰是蓋諸王大臣知  
有先生而深宮聖人亦知有先生也夫先生之行能  
見於天下者自守牧至監司自監司至藩臬功自積累

而上而治以所至成聲與世人之驟躡臚仕未嘗歷試諸艱者不可同日而語矣吾姑置他事不論僅論其治粵者夫職方考天下輿圖太史陳列國風今日之西粵是亦邾莒之地而曹滕之民也竟楚而南躡朱鳥之次秦漢以後中原之勢分合不一五管以南或治或不治至勝國初乃即楚上流建置中書行省與東粵分治此西粵省會之始也鼎革前為逋逃蔽窺關號澤之徒因之為利借首事者為名稱而又密通滇黔時出甲楯犯我顏行三十年疆場之事一彼一此朝廷之上殆甌脫視之矣予以順治十二年蒞粵日杌隉是懼自先生以左藩來自浙東與予商度疇咨鯁鯁焉為粵計長久而後西粵能為國家有也先是成粵者屢經風鶴人無固志動以庚癸之呼釐揭竿之變公曰枵腹荷戈責市人以戰孫吳不能為下羽書纂運興萬竈色起而後三軍可用則事以轉餉兼治兵有如此者先是交趾震鄰封豕長蛇實蠶上國公為余言曷遣一一下之於是安南諸國喻風指稽顙勿敢後時耐貢而來者為之擊鮮剖羊豕出金帛以勞之毫不以動公帑其體上德意柔紆遠方又如此者他如勸農桑興學校平獄訟以安土司懲吏卒而馴獠獍凡事之有益於民生者皆燭照而計卜無遺行矣此公之見於西粵者而西粵固不足以及盡公也客曰德輝先生之在西粵既聞命矣南贛

請孝文集卷五

七

之行豈無一言為先生佐觴乎則應之曰吾即以先生之西粵卜之也譬之湛盧太阿隨人持之可以水截蛟螭陸剋兇象矣又譬之堅車良馬得王良造父為之御是處成五父之衢矣何有孟門井陘哉今夫南贛東南一都會也其地東屆福之汀州西至南康南則廣之韶州北則吉安禹貢揚州之域天文斗分是江湖嶺海之樞鍵也先代中葉建節樓其名雖一中丞其實居然制府與鄖襄同其見於漢書者曰以漁獵山伐為業健伉工巧好佛信鬼淮南王安曰贛水之上限以高山人迹絕車道不通天地所以隔外內也領水之山峭峻不可以大艦載食糧下也由是言之君居桂林為一嶺今虔州為一嶺五嶺之間君有其二即以治西粵者治南贛何有哉然吾又思之其權固有所不同而其設施固當有進於是者以四履之地制千里而遙於是引領東望曰今日航海之師露節頻年其何計而使樂浪玄菟入郡縣歸底定乎則又南顧而念曰番禺雖下朱崖儋耳遊魂未息其何計之從而使九郡來歸如高帝時乎又西北而望大庾嶠水直奔豫章越人為變必先由餘干界中此亦邊城之慮矣又况郴陽一帶水道上下擊石林多蝮蛇猛獸萬山噴吼蟻風易叢士馬難以得志皆使君之所有事矣是故虔之治亂數省之治亂也數省之安危虔之安危也是前所云名中丞實一制府之

請孝文集卷五

七

說矣而況今之制府其幅幘之廣狹鞭笞之遠近不過一省其視度又當何如耶先生勉乎哉往者洪都之變王文成實以此官起事得列五等之爵論者以為有明一人今海宇一家宗子磐石萬無意外之虞然公才略素具春秋復當鼎盛之時歟歷秦晉齊魯兩浙之間所在有聲識者早卜其為將相之器矣與新建肩背相望是固然爾予承乏西粵叨稱大府與先生共事且三年欣西粵之有今日先生夾輔之力為多今先生以建飾行因同事諸公之請敢為一言為先生祝轅有出於尋常祖道之外者殆有所感也夫將伯助予是所望於東諸侯矣

送楚觀察陳自修序

康熙甲辰正月上元日聞自修陳公有觀察三楚之命維時藩伯糧儲闔司習公政祖以言屬辭于而述述曰予小子黔臬也自念祥刑一書首及苗民勿以苗之弗類自蚩尤以來已然然刑官者惟是之難故呂刑詳哉言之不得已而闡發於贖刑一事故亦聖人之不得已也予自官黔來寇賊奸宄未全屏息剗則琢黔在苗習為固然而又今之聖人鄙一切權宜之術斷鑊焚贖期與天下更始予今日為黔臬而始悟尚書呂刑之作為苗而發為黔而發也自愧作士無方其曷敢贈人以言顧又念之楚與黔唇齒污水以北漢葉以南蠻人居焉邵

諸侯矣

十八

諸侯矣

十九

陵榔陽猩猩雜處沅沱五溪酉陽槃瓠之遺種在焉又洞庭彭蠡左右實維三苗之國黔固楚之餘也二國猶一國也公行矣抑知三代而上所慮在苗三代而下所慮不止在苗今日亦言獄訟之事而已東周以後士失其職晉為盟主訟者取衷他國不預焉可知訟獄一事天子之權也訟獄之煩簡生民之休戚世道之安危係焉漢之興也止約法三章文景之間幾致刑措自酷吏進而民乃重足以立以致有黨錮之禍染逮遍天下唐之興也太宗釋囚而天下安爰有貞觀之政迨告密啟兵革用興誅鉏無噍類而海內幾搖由是觀之此聖人所以歎無訟之難也楚國自昔稱雄伯江黃隨襄風氣湍悍剽利鋒疾夏口魯山財貨之所盤桓養成姦利為藏污淵藪郢城汨口襄樊水陸之衝駟儉窟穴游魂間謀之所出沒西陵而上近接巫巴荊州用武之國習見豪強陸梁性生朱洲下抵潯陽舳舻萬艘殷殷鞠鞠波駭風涌容易致變執事一人作法官於上控制湖山數千百里之外覽燐聽斷兩無遁情公雖神明費疇咨矣又况皇帝清問功令迫之於上大司寇程限有期臺使者檄催衣冠相望於道欲以數月之間山川之修阻郡縣之往來具備簡孚其於五聽兩造難矣雖然不難也公才長於吏事尤留心典故公務之暇每入公邸舍鹽米瑣細必手自抄錄成書平生所見人一問姓名終身

不忘向在吾鄧時有里豪某慣爲人居間公面詰之曰爾某人住某甲曾于某月日詣廳事遭吾笞榜之輒俛首不敢仰視其他墾荒治河籌兵設防諸大政視此公饒將略能治兵二十年前公會肘斗大印鎮淮淮壩至今思之又曾一試之於嶺南一試之於汾晉曰蚤曰獍曰狸曰獠曰龜無君長違節度公治潯三年以上考賜鹽書句注太行天下之脊也公守太原稱保鄣哉又近奉制書以其將軍分鎮定番公往視事旬日之間建菴間七千餘所藩鎮義從南鄭移漢以畢節爲襟喉牛車負擔用夫巨萬公爲履畝定額肥瘠必均下令流水之源而問左不苦於奔命凡此皆與楚無與而即是可通

讀李太公集卷第四

三

於楚可通於治楚者則觀察一席爲公咄嗟而辨豈顧問哉而述與公交近二十年自刺吾鄧始爾時述初服家居伏臘歲時與公斗酒相慰勞歡如也丙申之歲羈長沙幕府公踰嶺復於軍前草草一晤前三年我自昆明入廣公自晉入黔咫尺沅沚水陸爲隔不復交一語今以爲恨康熙二年我南來赴今官與君良覲最久與公知亦最深輒言爲公佐觴能自己乎念述十餘年來宦游之跡多在西南半壁此後或當中土齊魯之鄉倘邀天幸我兩人邂逅再如今日此亦事之不可知者關珊杯酒能不黯然於是一時同遊諸公呼巨羅滿引葡萄與君決賭雖百盞使君奚辭

余開宇初度序 已下度視

禹峰曰予於今上之六年己丑始得交所謂余公開宇先生云公里居襄北之八十里東嶽祠去吾鄧亦八十里蓋襄鄧必遊之路昔人所稱冠軍之里五劇之鄉也去此蓋不遠矣先朝景運方隆商賈往來如織皆緣是以暨於秦楚人之生其間者多置本業以廢著賈遷爲務以故士君子絕少即有一二翹秀者俛首誦博士弟子言坏居一室日見牛車負販之役甯其氣不能擴於域外之觀所與遊者又三老里胥駟僮耆夫之屬無士大夫薦紳與之爲周旋即有之不過經其地以南北道逆旅主人待之不復能盡歡周旋深相結與爲莫

讀李太公集卷第四

三

逆而去此深山虛落中有人而烟井驛絡之區反無人非無人也有人而人且以尋常遇之故也自予交余公而始知前所見之隘古之豪傑非常之人或避世於墻東或賣藥於壺底或鬻漿而屠狗或販繒而吹竽或廣柳於俠客或傭保於酒家其托業不一其發跡亦不一多不在窮巖絕壑虛無人之境往往於都市京索肉簾餅肆之間遇之此其人一旦得志則鼠變爲虎蛇化爲龍開闢風雲之事與焉至有艱貞晦迹避世無悶與夫高尚其志不事王侯此殆所謂逸民者非耶吾謂今之余公近之矣余公早歲習舉子業不就則慨然念曰天下事豈獨書生能辦哉於是東書高閣投筆焚硯專精

荷頓之術不數年間致牛馬若干谷僮僕萬指黍稷稻  
梗如京則曰誠如是是亦足矣昔卜式蠲貲以助縣官  
之急身值漢武帝雄材主以閭閻徒步之子一旦爵關  
內侯吾志不在官秩散其羨以活溝中之瘠我聞之楚  
之南公云公於儉歲多施予不問其值人待以舉火其  
衆蓋衣德滿方城漢水間矣古之達人數致千金數散  
千金公其遺意歟公有二丈夫子長含章當 本朝王  
師南下奉親王令旨分符宛之中鄉中鄉爲關以東要  
害時黃巾赤眉新熾之餘閭左殘黎多不聊生長公設  
法綏輯吻濡而烏翼之輿誦作焉迄今菊潭丹浦上遺  
老猶能言之皆太公教也次公穎秀能文年甫弱冠戰

讀李太公集卷四

五

楚闡大有聲常以帖括藝爲督學使者所賞拔予每遊  
楚則執經相問難觀其舉止終衣大幘不死秦鹿不止  
非公之積德昌後能有子如此哉公又善願養不談淮  
安之雞犬亦不用葛洪之丹砂惟是節飲食省嗜慾蠲  
忿恚不與世人競長短保合太和安土而敦誠於仁壽  
之理近矣予每至公第則出甕頭鵝夸醉我三爵輒泮  
泮欲睡公曉辨無醺醺意昔人謂劉鄩曰克克兗州量何  
大也吾於公亦云公長予可十齡而予自風塵跛跡以  
來漸就龍鍾公善飯啖能生少子髮未星齒亦不鬻則  
耄耄期願何足以盡公哉予每向公詢所以迪康強飯  
之道而公辭以無他予以私意窺之如吾所稱節飲食

省嗜慾之數者而已果無他也今某年月日爲公生辰  
里人李古城丐蕪言往壽之予因道其與公交者如此  
雖然予固不能盡公之生平而公之生平亦約略盡於  
此則今日之鄧南襄北實一公而已昔龐德公隱居鹿  
門劉表以王公之尊不能取而諸葛亮以名士拜公床  
下習鑿齒雖坐風痺爲符泰所有至比之爲二陸以爲  
得半人歸而作者舊傳其有傷心於南北之際者乎二  
人者襄陽人公之州里皆龍德而隱者也國之典型鄉  
之士則也如公者其繼起者歟僭仰之間令我有古道  
之思矣

樓太公八十序

讀李太公集卷四

五

禮曰六十杖於鄉七十杖於國八十杖於朝杖於朝者  
明乎天子得而尊之也古之人享耄耄致期願天子隆  
之以上庠祝之以嘏嘏明王之治天下由此其選所以  
教天下以孝也然而山谷之癯熊經鳥伸呼吸偃仰終  
其身名不聞於郡縣天子無從而知以黃馘終不得邀  
一命之榮如是則壽亦有時而缺是則上壽非難有令  
子之難也今子上壽合而爲一世之所謂罕見之事士  
大夫引之以爲戰兢之宜五福之錫矣今之南汝大衆  
公樓大翁其人歟太翁生長越絕東南佳勝在焉穴藏  
金簡之書山開王會之圖而又歷薪膽以定霸殲生聚  
以治吳以及廣明之亂錢氏用興黃屋左纛金章鐵券

傳之齊世五代終始如是則風土興行山川雄傑碩德  
名世肩背相望號為珪璋之器流為金石之聲不敢謂  
越無人寶東南一都會矣太翁席勝流卓犖之概好施  
樂善克鍾象賢聞大衆公方成童時太公手課一編焚  
膏繼晷元元無暇時括帖稍倦教之騎射佐以孫子李  
衛公諸書然則上馬殺賊下馬草露布者大衆公也文  
成隋陸武成絳灌者太翁教也先是大衆公於今上  
之二年隨英豫兩王及今浙閩總督大司馬佟公鎮撫  
三楚秣馬鳳凰山上時逋寇一隻虎齧荊州大衆公出  
奇計星行殲渠魁於陣坐視江漢底定兩王得以取次  
下金陵又順治三年復視師定南開閩湖南八郡大衆

讀史本義卷四

五

公不績懋著當事者欲以公填撫偏沅章已上會班師  
不果未幾西鄙有事徇寇起熒煌酒泉間披猖日恣當  
事者遂以公建牙其地西鄙用謚亡何姜叛之變密通  
神京雲中上谷間騷然矣緣是河東上黨一帶所在振  
動城無堅壁岢嵐居萬山之中西控河套東引太原所  
謂天下精兵處也健兒虎鷲之士與亡賴子牙孽其中  
踰跣科頭跣音徒拘賈願奮戰因而咆哮叱咤制札組  
緝從事於鐵幕革挾啖苒之場風湧霧靡被甲冒胄左  
挈人頭右挾生卒塞飛狐之嶺杜倒馬之關神京右  
臂又復岌岌天子拊解簡將帥之臣冢臣爰以公應公  
持璽書誓師徒談笑而橫清之出脅從保良善不遺餘

力而讓能矣元兇用得式歌且舞蓋彷彿裴公之平淮  
杜黃裳之定蜀云茲數事者大衆公英略天授久在行  
間出其囊中之算固百不失一然大氏太公之秘略暗  
授老謀風成不可誣也惟茲宛汝韓魏舊地昔人所稱  
四分五裂之區也先代之末巨寇西來走武關下商於  
燒宛葉屠潁川腹心之地受苦最劇與寇禍相類末民  
生其間幾無孑遺我公攬轡襄帷煦濡卵翼如秦越人  
之治病起人於白骨之餘朝廷之上無宛汝而有宛  
汝者公也方城西鄂諸山連綿熊耳伏牛承平之日爲  
逋逃藪亂後尤甚自本朝定鼎雖不敢大肆鴟張然  
往往白晝狙人於伏莽之間出沒巢穴爲厲孔多公下

讀史本義卷四

五

車廉知之慨然曰此癰也養之必潰又虎也畜之且噬  
人乃一鼓盪之聞之吾友宗耿云公單騎入藪篁中爲  
敵圍三匝時廢廟昏黑公堅壁不戰既而賊計窮公縱  
兵蹂之全賊皆沒其就戎索與反接者活之公曰蔡人  
吾人也何必京觀哉於是宛汝之人額手曰公好生也  
不黷武也以定亂也非佳兵也太約公之蒞官行陣無  
一事不從生民起見實無一事不從太公起見也太公  
之所以教公者有素公之所以奉太公教者無已列而  
觀之在楚在秦在晉在豫幹略標舉不可勝紀戰功最  
多保全甚衆太公之所以貽謀子孫慶流天壤稱仁者  
而享大年豈顧問哉於何知之曰即於太公之身知之

太公今年八十矣是禮所稱杖朝之年天子尊之之時也西方之書曰不妄殺者其後將大有隱德者令名允終由是進之天子就室以珍從曰惟公九十天子巡狩就見之曰惟公百歲今日之舉其足為太公稱觴也時十三城屬吏逡巡執爵而退曰唯唯請為大叅公賀大叅公舉觴晉太公曰二三大夫之意也庸可忽諸於是太公丹艱玄髮揚解軒渠曰請為諸君各進一卮

讀史亭文集卷五 終

讀史亭文集卷五

二六

讀史亭文集卷六

南陽彭而述禹謩甫

序五

鄧人祝樓太翁八十序

我觀世運鼎革之交兵戈倥傯英雄草昧號為興王上佐顯親揚名聲施後世者蓋非一途其中亦有險阻艱難天屬蕩析此其人雖富且貴終身有餘悲如溫太真身入江東懋建非常而遙望太原終抱絕裾之感徐僕射奉使北魏父在重圍而南瞻臺城徒勞蔬食之戚諸如此類古不乏人以見天倫離合之際有數存焉古人雖位極人臣終不以三公易一日之養誠重之也誠重

讀史亭文集卷六

一

之也以觀我大叅公之與太翁可以無憾矣太翁今年八十大叅公年甫強仕有奇計大叅公別太翁膝下二十有餘年矣曩者九鼎欲移龍戰方興長白山鳴鴨綠水沸遼陽傳浪死之歌戍婦斷青閨之夢於斯時也朱雀既剏庾信因之入關江陵甫陷文本折而歸秦亦古來治亂改革氣數使然大叅公無如之何者也當其時篝火狐鳴陳涉為之號澤青袍白馬侯景因而渡江先代雖肇造區夏歷三百年非前事可比然以堂堂皇皇興亡於李自成亦猶是也維時大清皇帝蓋赫然震怒焉謂二三碩輔曰嗟乎在昔江左有變百濟使者望建業而灑涕繫彼廣明竊位雲中節度指三輔以揮戈况

夫明吾與國也敢忘斯義於是縛馬舌出火竈貫甲星  
行誓師百萬直抵上都掃清宮闕得璽書於甄官擒冤  
句於虎谷罪人斯得大仇以雪曆數有歸天命斯在自  
古得天下之正未有如 本朝者竊以爲 聖天子之  
神武不殺除兇湔穢千古無兩要之二三碩輔左右周  
旋之力未可泯也則今之大叅公其一也然而大叅公  
之意常有以自下者猶記順治乙酉及丁亥間公視師  
楚粵用邊蠻方一駐節江漢一秣馬九嶷予時爲督學  
既爲藩司與公稱莫逆交見公眉衡間輒有憂者又入  
其幕中伏枕多淚痕私訊之則以爲錢塘一水未入職  
方二老垂白毛裏各天是用忉忉耳鳴呼是吾所謂天

請益文集卷六序五

二

倫離合之際有數存焉古之人不以三公易其養一日  
者意在斯乎閱八年而公乃乘使者車奉明詔以分藩  
大吏叅吾宛汝政予以故人且近稱部下謁公聽事入  
而問狀始知太公安車方寄寓代州爲公迎養久矣噫  
是公所爲二十年離膝下而今獲見之於險阻艱難天  
屬蕩析之後真堪一痛哉未幾而太公且以晉中來矣  
黃髮丹顏鳩杖苴履望之如月里浮丘諸公即之乃善  
飯饗鏢六博飛揚輒如壯歲年已八十矣由前而觀禦  
兒冰寒雞鹿塞遠南北分飛各餘萬里老父誰憐遊子  
靡依馬頭之角未長雁足之書莫傳此何如時也由後  
而觀車書一統萬國朝宗身爲牧伯父作國老駸達半

生溫清一朝黃麻之泥書方下白髮之嚴君未衰此又  
何如時也然則值興王之景運著竹帛之芳聲風雲感  
召甚早箕裘遇合甚奇我公於君臣父子之間可云罕  
違矣是古人所難得者也此無他古人之天下處其分  
今人之天下處其合故也然則一父子之身而遂關國  
運之離合可易言哉穰人德公無已乞言爲太公壽知  
太公所欲聞無如此者其他大叅公政蹟撫綏摧陷之  
功固已見於前說矣

### 張奎菴初度序

順治十年四月二日爲汝南張大將軍懸弧之期宛之  
薦紳孝秀以及三老農人各製一卮爲大將軍壽且借

請益文集卷六序五

三

能言之士紀其盛例及予予進諸君曰諸君亦何言則  
曰將軍與子大夫爲僑札交且十餘年將軍素履唯子  
稔知之子不應無言且將軍與子同官楚當筆路藍縷  
之時將軍開幕府於鳳凰山上率甲士數萬用過不庭  
大者成禽小者就戎索於時江漢澄清南人不反楚人  
至今像爲軀視之目睹其事亦無如子子不應無言予  
曰唯唯否否將軍鎮宛八年前此覽揆之辰綴文之士  
業亭亦有言矣唯予亦且有言矣奚此之贅諸君則躬  
翩然退而更有請也曰子忘將軍之所以鎮宛者乎曩  
者天未厭亂城無完堞申穰之間斷斷如也白牛以東  
馬園以南幅幘千里石田無所用之自將軍至而流民

日以經屬至今且家有藏中產以上可以具鈞駟誰之賜歟予不應無言予曰唯唯否否此說吾前此亦有之獨是將軍所以治兵爲向言所未盡者今且與諸君昌言之可乎將軍之兵強半出寧南戲下世之所謂不逞者也自得將軍爲主帥如王良造父之於御諸凡蹏蹠蹠蹠之材一入銜勒則轅者轅駟者駟左之右之馳之驟之皆有規矩勿相軼又公之治兵如醫之用藥惡草毒蛇本以殺人而入良藥之手則足以引年其大者無如屯田一事宛城古帝鄉爲前朝朱邸湯沐邑多曠土公率偏裨以下至於百夫長躬墾若干畝火耕水耨各以主伯課其勤惰茶蓼朽而黍稷茂八年以來野無

讀李太公集卷六序五

四

與草博望清水南北數百里皆成膏腴人且曰此召杜之舊壤也公今再放闢之矣夫此羽林孤兒止尺籍日仰給縣官無事則如澤中之麋時蒙虎文以魚肉間左有事則日費太倉之粟如流泉揮赤仄佐撈捕如泥沙稍不得意則揭竿而起矣曰無奈此饑何也此由於平時游手爲亡賴子不知衣食之原也公以屯田當治兵深得兵農合一遺意且令此羽箭秦隼乘此寇盜衰息之時化而爲縛趙爲襁褓則胼胝習勤人有京抵之積天子方有事西南內帑之儲或有時不及期我師不至無穀色則亂無中起又公生長豐沛習見皇帝以馬上得天下每以獮狩之期教以躬獵續武逐伐狐兔風生

火出以爲樂而其實攻圍擊刺之法略具於此則公之餘事耳昔趙充國在金城圖上方略諄諄以屯田爲言後世邊將以爲師而諸葛武侯治新附之蜀羊叔子圖方盛之吳每於屯田三致意焉公今者大抵無慮皆悉此指矣抑予嘗讀史至漢武之際有感焉爾時皇帝方好武大將軍青同六將軍出北邊得河南地築朔方郡嚴助朱買臣等招東甌唐蒙相如之徒啟楚郢黔中凡運饌千里十餘鍾輒得一石當時心計之臣如雒陽賈兒弘羊南陽大冶孔僅止知興鹽鐵之論擬平準之法不惜以天子爲商賈抑何不返本而逐其末也使當時有如公其人者基置星羅於要害邊塞之處令茲良家子弟平時載南畝勤東作一旦有急則芻茭餼糗不苦無出於以削平禍亂臣海內子元元何有哉嗟乎彼時漢興已七十餘年今我皇上開國甫十年而我公能用此法以鎮宛推之天下之爲將者準此法行之我知無病國用之不足如漢武之時矣諸君試執此以爲大將軍賀是吾前此言之所未盡者也將軍且欣然進一爵曰是吾志也而未逮也

讀李太公集卷六序五

五

郭太守初度十三城公祝序

易封建而郡縣秦制也秦制有千百年不可變者此其一端也漢起山東提三尺以有天下踵而行之太守之權與將軍並重李廣之在雁門魏尚之在雲中張綱之

在廣陵李固之在泰山皆以太守而兼兵事後世專其責於撫字以爲二千石牧民官也其權視古爲輕然而祁寒暑雨小民之依於是乎在固已不啻重之矣宛敝國也於中州爲南徼昔周盛時汝墳之化在焉漢自召杜兩公後宛之爲太守者蓋難矣守即甚賢人且曰有召杜在稍有不稱則曰是何可令召杜見也今燕山圖翁郭先生則真繼起者矣公以弱冠登賢書生長三輔習聞冀州平原故事其爲太守之錚錚因地得名者此必有故矣入宛以來見宛之城郭殘毀間左蕭條對父老而流涕焉曰嗟吾民是二十年干戈水旱鳩面鵠形之餘魂也近者滇粵未闢六軍南下統以宛爲襟喉輪

讀李本集卷六序五

六

蹄輻輳戶口流徙民之不聊生者一矣近年河伯肆虐日事修築剗赤子之膏血付濁水之泥沙又郡邑距汴迤邐千餘里庸租爲難民之苦於奔命者二矣有此二難而又天災流行饑饉薦臻民間采稻而食藜藿不飽是三難也如是而爲銅墨之長者猶不啻濡休養與草管俱盡則南陽真不可問矣爲下尺一之令與州縣約曰若不記尹鐸之治晉陽乎與爲繭絲寧爲保障乎若又不記陽城之自註下下乎撫字心勞催科政拙乎凡我公之齋被神明嬰孺部屋者一一皆出於至誠而不徒三令五申之文而又繪監門之圖賦新穀之詩爲魯山於爲之歌爲道州賊退之辭幾於叩關而請補牘而

進矣於是十三城之刺史大令皆奉公教唯謹亡不氷藥自礪如飭簞簞如守女貞懼以自點且曰如負公何當是時民生亦少息肩矣即竭胼胝力出毛髮絲粟以佐縣官亦曰分固應爾有我公之恩勤不敢告勞也近日朝廷遣大吏省察災傷或減田租之半或復本年徭役以受災輕重爲率宛南一塊土疾苦得以上聞膏雨得以下究承流宣化皆我公之仁也不然我公而上有監司監司而上有兩臺使者今巡方已久撤還都御史開牙建節位分懸絕若使民瘼不以關心封殖止以自固上之人何從而知之閭閻其何賴焉向之所爲三難者得我公爲數奏而監司臺使者有所本以達之

讀李本集卷六序五

七

天子天子有所憑以愷澤下國殆駸駸乎其有起色矣八月某日爲公覽揆辰十三城屬吏治一觴爲壽部人彭子聞而善之曰此非十三城屬吏之意而十三城父老之意也父老不能爲言而長民者代之言亦猶行古之道也已夫熊經鳥伸延年之道而非壽國之道鍾乳烏喙沿其名則止以伐性得其理則可以長生此其說可通於爲治矣公保合天和鬢髯丹顏望之飄飄如洪崖浮丘諸仙人其期願所至有不知其幾甲子者矣而諸君所以壽公者不在是曰公固所謂得壽國之道與長生之理者也非曩者秦漢諸公區區以材勇見長者所敢望也謂召杜至今存焉可也

麻將軍初度序

今以老革司兵子若干人雕弓大箭腰裏若干蹄駐要害以防不虞賊方隔巨浸去來不可知其蘆舍儲樸一切取給於地方且與居人習爲一家未有不騷動而怨生者久之而詛出矣又久之而腹誅之矣求其與地方相安十不得一焉不惟其安又從而稽顙奔呼爭執豚肩一卮酒爲當事者壽惟恐不足則執辦香祈冥福恐後又百不得一矣我所以異乎麻將軍之爲之也將軍以去冬來鄧歷茲凡七閱月鄧民若不知有兵兵亦若忘乎身之在鄧也凡鄧人婚嫁喪祭諸大事以及里社報賽烹羊炮羔相過從無往不與軍士與爲勞苦軍士

麻將軍初度序

八

亦出大官醢醢牛酒必與里人共無幾微甲冑之色或與里人誓爲兄弟歡如中表疾藥困阨相爲周旋罔懈勿論逆旅過客難之即族屬姻睦者難之矣其謀者邏卒一布帳置郊垌取火服烟先以讓之行路人南至襄西抵鄧及均鄖數百里而遙房竹蠹動不信宿可達羽檄紛沓健兒如乘白駱駝日行五百里戴星奔命毫不以煩民間冠贏公曰吾念茲一方重困耳本以防盜盜未至而先擾之是與於盜也於是軍士皆能奉行公意唯謹而公之威在軍士德意遍聞左間豈顧問焉昔人謂人與周公瑾交如飲醇醪不覺自醉吾竊謂周公瑾不及見自吾與麻將軍交庶幾近之將軍以將門子自

紉袴起家與突起行伍者不同能自下有儒將風殊不似武人又不以地望驕人猿臂燕頤具封侯相在先朝

從楊武陵以宰相行師立功秦楚行致大將軍會運值鼎革登壇不果六師渡河英豫二王知公爲名將遇以國士念宋州爲中州南北咽喉俾公以副元帥駐其地是時劇寇雖遁逃南逸支黨兩散而草竊在中原者憑險未下公大小凡三十餘戰繫渠魁致關下脅從固治化刀劍爲犁鋤數萬人未幾河北大行一帶蟻虱伏起角特林慮孟門諸山皆響應蜂合懷衛數郡且號號矣天子乃俾公往討之公爲出奇計剪除解散如在宋州時此公將略之大端今日之司馬職方氏知之他時之

麻將軍初度序

九

景鐘旂常載之者也今年春客有自河內來者爲言彼中士民思公具牒數十百紙上控直指以冀公旦夕歸則鄧民之今日勿忘公寧遠在懷人下究之無加於懷人也皆公之有以致之也茲六月念六日爲公誕辰維予初不知聞父老子弟言則喜父老子弟又慙慙求予文以往壽之則又喜喜有以報公得盡之於言也雖然言遂足以報公乎哉世之鵬冠虎幕以有事駐他郡遲之又久求如麻將軍則可矣吾不知麻將軍而外果何如也

高鄧州初度序

今天下尉侯萬里罔不臣妾唯西南一隅沾王化稍後

皇帝咨大司馬方勤六師往治之鈎陳雲旗烜烜獵獵號曰百萬用邊不庭南陽帝子鄉居中州之咽喉爲子午孔道王師之所經臨士馬芻糗軍儲繁費以巨萬計而鄧幅幘尤廣租庸獨劇於十一邑我父母烏程高公戴星臨宛與藩大夫三原王公郡伯易水郭公措置經營略無難色鄧民若罔聞知時敬謹親王大將軍喜甚王師得資其騰飽踊躍去真所稱從枕上過師矣師去我公來某乃得從者舊孝秀後慰勞我公公告我以故則以爲鄧凡出糈若干犒下執事酒脯若干里夫若干視他邑倍之鄧苦矣於是憂民之色况瘁形於眉宇若瞿瞿不自安者予退而念曰甚矣大夫之不忍用我民

讀史本義卷六十五

七

也昔漢武帝方用兵卜式上書願輸家財半助邊且告武帝以爲賢者宜死卽有財者宜輸之後竟賜爲關內侯以旌義夫今西南用兵正卜式急公之日也鄧叨居中土自 皇清膺錄享太平九年人無晨服犬不夜吠卽悉索敝賦以佐縣官誼固應爾曷我大夫不少卽安也乃二三諸生則又言曰大夫之勤我民尤在河工一事夫河之自古爲患不具論獨計我鄧去河千八百里不過此間左彫敝之孑遺更番興作幾一年所非得我公屢牒上告藉手河使者以間得稍休息則吾鄧之死傷流亡監門之圖莫能繪已乃今年封丘孟縣等處又復河決誠恐當事者踵前以勞吾民在朝廷方有後命

斯我公之焦海風夜正未有已耳抑我公生長吳越名邦鍾浮玉天目之秀則蜿蜒奇拔森鬱之氣所謂生而有之者也而又幼嗜異書廣交偉人博覽方寓以內名山大川之雄概於凡古今興亡得失成敗以及 朝廷之沿革人物之豐耗風土之剛柔蠱惡無不了然胸中則一行作吏天下事又何足爲我公難哉在今 皇帝龍飛之二年八閩居海東南天使未通公同大將某奉天子璽書用宣德威於湖山萬里之外陟芙蓉之絕巘捫牛女之星紀間出奇謀秘略爲當事者借前箸以故海舶艤牖山谷蟻聚罔不化鷹眼而懷鵲音皆解甲與熊耳山齊而去左蠹黃屋如真定尉惟恐後此其事

讀史本義卷六十五

七

天子亦知之閩人至今能言之矣至如飭簞簞如冰壺斷兩造則燃犀而覷卜而又仁愛好教化如文翁之治蜀視民如子如翁卿之治上蔡置之循吏傳中曾未敢一二比數也會仲冬某日爲公覽揆辰郡之耆舊孝秀斟菊井之芳醴挹倚帝之天漿爲公進一卮祝曰朝廷仁愛特簡我侯我侯蒞止克宣其猷既有室廬亦有田疇楚楚衣裳惟侯之由是月天子乃駕鐵驪盛德在水雲龜兆吉惟公篤生是月懸弧花洲燦燦流瀾瀾惟子亦隨耆舊孝秀後爲洗爵奠尊而言曰我公之德兮弗而康造我鄧兮惟居允荒昔無難犬兮今有牛羊惟召杜之在宛兮叔子之在襄公處中間兮是曰古

穰豈謂古今人不相及兮蓋左提右攜而相望樂只君子兮壽考不忘維時國人鼓岳堂下而作歌鄙師鄭長里宰鄰長之屬爭持一觴為公壽公醉予與耆舊孝秀輩亦徑醉矣

### 州守陳頌龍初度序

漢唐宋取士之法不一或舉孝廉或以聲律或以制策至先朝則專以明經帖括為本而其博學弘詞於二三場見之較前代為囊括往往偉人輩出如東鹿王靖遠驥濬縣王威寧趙以及王文成于忠肅諸君皆以制科起家奏將相勳竹帛爛焉人豈曰書生白面不能跨馬穿札哉於此見制科之中文武合一之道也我 皇清

讀書本義卷五

三

創有大統崛起馬上在為中國除殘賊是為繼先代統而得天下之正為漢唐宋所不及於取士一法人且曰制科無用將為本朝所輕不則或暫用之以羈縻文士未必久而不窺識者曰不然昔劉季以三尺造漢業自謂不事詩書世傳其溺儒冠乃彼時一聞陸賈數言輒納之不聞有所齟齬汲汲用叔孫通輩經營綿叢之間為後世立隆安在所云禮樂百年哉我 皇得國十年凡輿服旗幟賦役出車諸大政不免視先朝有所損益以昭一代之尚獨取士一道一倣前朝舊制行此八年矣辛壬會大比 皇上豁然欲以文事治天下謂宗伯臣曰二三從龍之彥業以閤閤致天衢基羅星置於方

州之間然國之俊秀子弟從我遊者我能尊顯之若使讀漢人書識漢字不從制科起家人且謂如紉袴何毋亦羞朝廷而薄三韓之士耶維時禮臣曰俞繕疏請

旨定以鄉會兩關一准漢人例名額若干 帝制曰可當是時淮海陳公頌龍先生以前代副戎坐收江南功勒名旗下將以原官赴職方建牙專城一日謂其長公曰我與若生長江南少年習舉子業不第因蟻屈就此良非素志行且擁盾鼻揮戈爭橫草名聖人方臨雍拜老投鞭講藝何如通籍金闕之為愈也於是長君曰善操不律附乃公後入棘闈與海內豪俊鏖戰凡六日夜兩發兩捷如取諸寄遂登賢能書成進士於是頌龍先

讀書本義卷五

三

生乃盡衷其生平制義公之海以內比於武事如晉魏齊梁後得見昌黎真有廓開摧陷之功不則或眉山蘇氏父子再出人間也宜前後售知於歐公耳私念制義一道在前朝工於大江南彼中當六代之餘烈據東南勝概巨浸粘天龍虎盤結又為孝陵豐沛鄉擅三百年之長固宜矣今者 本朝起東海士生白狼鴨綠間人胸中具興王之氣以故發為人文與江南爭勝如公者固以生長之地與所從遊之久而兩美萃焉者也昔庚子山自朱雀之役轉入長安其所著書獨顯於周而不附於梁陸機年廿餘入洛後見張華文乃大進葛洪比之玄圃夜光雖繁於晉而實出於吳合二子以論我

公其他日制作成名爲本朝蘭臺石室所依毘必有所歸矣而豈知我公固淮人而且以副戎始基者哉而其白蟬半生叨曲江末座早齡作令牛馬晉陽壯歲又宦遊南國蹉跎於三湘五嶺牂牁之際銅柱未標薏苡旋興今且老矣自撫衰朽無復四方之志獨是明經帖括一道未盡遺忘偶從坊間見君家父子制義忽動鉅鹿之想今公奉 天子詔書守吾鄧昔讀公文今見公人其何能不欣然慰周饑也時防守麻將軍以及守禦沈君馬君索君張君俱托公宇下飲公醇以公揆覽辰介儀曹李鑑湖屬予爲文觴之諸公乃纚纚向予言公爲人其材而介也如此其爲我鄧民則豈弟而樂易也如

請聖書卷之五

十四

此頃者大水潞城四野白波如在孟諸震澤中人家廬舍五稼飄殺幾盡公騎馬城頭廢寢食率丁男墮其潰城以全乃請命於諸當路爲我民恤災患其租賦所出以供大農度支絲毫不以病民猾胥侵牟乾沒之弊蕩然洗矣而尤以宣王宮殿爲念以爲稷下垂聲閣宮作頌匪異人任待章縫必以禮長老言五十年來州大夫公實鬱儼矣異時河南吳公治平爲天下第一可決也公獨以文字爲說何隘也子曰不然是所謂以文章飾吏治者也豈惟先朝靖遠文成諸君爲然又將見之本朝矣是子所謂制科之中文武合一之道也噫制科取士之法爲不可易已

### 前題

鄧人曰我父母陳公之子吾鄧凡二載有奇我民於其壽則執辦香頂祝之迨此凡三見我父母力邵之曰天清陽無計量地化生無法崖曷有恩勤哉鄧人曰舍此固無以報公也於是率執長里司之屬長跼致詞曰氓生也晚前此承平世祖父休養生息咏歌太平我儕小

請聖書卷之五

十五

人不及見之往者蚩尤竟天旬始出雍梁間突騎東走關東流血我鄧居宛洛孔道綰轂褒斜析郿巨猾出沒必經不腆鄧城與戰骨爭平東望白牛西瞻六門鼓狐晝嘯怪鳥爭喧人生其間幾無遺種不絕如縆所以天下之苦宛爲劇宛之苦鄧爲劇夫人民流亡則土滿土滿則百貨不聚昔之所爲一畝數鍾之田今爲甌脫鹿兔窟其中求所爲僦石之子僅存四壁 朝廷大賦軍國需尺籍百不餘一若是鄧人曷賴焉我公曰人惟不以家事視國耳民非天生地產也在吾嫗嫗撫拍之耳尹鐸之任晉陽專言保障不事繭絲陽城之治道州勞於撫字拙於催科皆所以生吾民也我公於是得此意而用之讀充末衡讀音絢讀充管子言心之營米充動也末衡言耳目也耳目欲端藁齋宙合近里井鄙舍間哀鴻聿歸遺惇是孽漸以有人我公備厥規軸減溜大成爲我民鬻牛給種經營斥鹵中穀芟搶刈別苗莠列疏邀上之租庸調稍稍出三分之一以佐縣官下則恤老羸養孤窮以响濡於苾蒲襪襖間無朝

夕暇鄧迄可小康我公爲烈昔東漢之季經赤眉之亂  
建武御籙班史頌之曰肇有父子更造夫婦我公今日  
之於鄧亦猶是夫且夫士者民表也漢唐宋太學生得  
以上書陳言談國家利弊先王所以待之者甚爲隆重  
我公以名士起家尤雅意作人徭役諸雜差不在兩稅  
之科者一切報復不與俾士子得一意究心帖括之業  
奮翼青冥其中材年邁者亦得暫息肩甕牖訓厥子弟  
以自異於齊民前此未聞他郡縣未聞也剖兩造如觀  
火圖土草生民無肺石之冤間有非種爲嘉禾害鋤而  
去之不後時此輩奸宄或庇身公府藏衛霍牙校中以  
爲城社憑公擊之不遺力勿俾漏網於吞舟以肉吾赤

請孝奉卷六序五

七

子往時臺使者與藩臬掾吏之牒郡縣者莫不霆其怒  
虎其皮以抗禮於聽事至我公則蛇行膝語勿敢肆公  
亦廝養待之若輩且屏息嚮指去又何必南陽朱季哉  
公簋簠必飭日用魚蔬視市價常浮一倍每公出稅舍  
脫粟飯一盂清茗一盞皆行廚自攜不以煩供給其自  
奉淡薄又有如此者公冢君弱冠成進士公教之如諸  
生勿令仕曰少年登第古人所戒務老其材爲異時公  
輔地不似世人汲汲以榮膺爲念公於書無所不窺尤  
精於兵在先代奮身驍騎業致黃金印如斗懸之肘後  
當本朝龍興乃頻首復爲文人以科名起創選今官  
爲將爲儒生又爲循吏公真不可測哉昔卓茂年七十

餘光武下詔封褒德侯魯公再爲三公年八十餘史雖  
不明言君子得以意斷之曰此循良之報也然則公今  
日春秋正富岡陵之頌遲之又久請從此日始矣

壽鄧守馮公初度序

春秋傳曰鄧侯吾離來朝言朝魯也斯時平王東遷文  
侯作命天王失八柄之權魯姬公後稱秉禮之國朝魯  
者朝周也則鄧人之忠葉不爲叨憤地氣然也後以南  
鄙鄧人奪幣一事併於楚國小而屏居蓼鄆之衝不足  
抗大國供蠶食矣往者寇起秦隴蹂關以東羽林之卒  
手挽金僕姑塞螫弧之旗與赤眉角可二十年債帥居  
爲奇貨以鄧爲戍朝夕以魚肉吾民社屋矣餘賜猶嚙

請孝奉卷六序五

十七

我雉堞不潰者三版噫鄧民無遺種矣僅存者百六之  
餘明其與禍患相始終也以中州視天下以鄧視中州  
苦爲劇尚可爲哉今皇帝十有四年歲在丙申天官  
冢宰爰以我江右馮使君來治吾鄧鄧之遺民時則有  
若孝秀某時則有若州長某時則有若黨正某時則有  
若族師閭胥比長之屬謁使君而進之曰維天維祖宗  
不忍棄鄧故皇帝遣使君來先是鄧人先正李公填  
撫虔州與公有舊好先正之弟截截爲鄧人言之鄧人  
意中有公非一日矣非復曩者蒞吾土不知所爲何人  
者比也其責公也詳而望公者奢則聚族而謀曰鉗盧  
淤塞庶草繁廡膏腴石溜何以開之六門舊堤荷鍤成

雲靈兩桑田賢於桔槔何以復之子午孔道申宛之喉  
冠蓋相望芻蕘是需牛車負擔何以省之特犢草馬雞  
豚若干蔥薤幾本鹽米瑣細何以周之則又曰野有狼  
莠罔利嘉禾擇菰六博姦宄攸戢何以除之則又曰里  
有俊民子弟弗率紈袴恣淫自即匪彘不知稼穡笑其  
祖父何以教之凡茲數者皆所為責公詳而望公審者  
彭子聞而笑曰是何足以難明府哉夫當建業不守朱  
析兵敗江總入隋之年庾信歸周之日公也臨江誓衆  
借賓王而草檄奉表勸進遣溫嶠以絨辭凡此舉動固  
可望之委瑣齷齪之人乎迨夫天命有歸大物已定公  
乃慨然於許平仲王景略之為人走北平而上書謁選

讀李本義卷五

文

人而受吏爲蒼生起所謂華子魚自有名字海內之人  
無不知有盛孝章章又不止鄧民爲然矣閱明年丁酉倅  
來爲言鄧民之所以責望公者今且次第舉行有成效  
矣噫是何足以難明府哉觀人者觀其素而已則吾鄧  
之所以責望公者亦以其素也其先世臨江與公桑梓  
相望世有婚媾自始祖徙鄧迄某之身五世矣聞之先  
大父時言豫章風土人物之美文章節義之鄉而峽江  
馮氏尤爲望族桀雋挺出當世論者比之關西之楊汝  
南之表居嘗歎曰安得當吾世而親見之不謂天錫哲  
人來守是邦不腆殘穰待君再造鄧亦何幸哉維時某  
策名幕府羈旅潭州聞公以六月某日爲懸弧辰聊作

與人之誦以佐公堂之饒君無笑曰橘踰淮而北爲枳  
鄭刀宋削遷其地而弗能爲良彭子吾鄉人其於文也  
亦然矣

### 張將軍初度序

宛一都會也東達淮汝南控荆襄北走河洛西引武關  
商於是昔賢所謂用武之地而國家之治亂每每視他  
郡爲先被之漢高帝起豐沛借南陽爲入關路大業以  
成建武中興一時雲臺之英半出白水蓋嵩河居天下  
之中而中原風氣所聚又多在宛是故宛之所係在中  
原而中原之所係在天下也先代末年秦氣煽動蹂躪  
半天下而宛南一帶苦尤劇坐以郡屬多山連綿嶠嶢

讀李本義卷五

文

洞壑迤邐窮窅析鄭多礦往往不逞之徒萌芽其中伺  
衆爲亂以故黃巾黑山之侶以爲窟穴大兵至懸車束  
馬不能入則又退退而若渠乃猖獗如常所以宛民二  
十年來受兵革之禍者十室而九揆以剝復之理小往  
大來之運聖人崛起再造夫婦宛當不至虔劉歸於靡  
種之鄉也居亡幾何天子乃命我張大將軍得以閩  
外權持虎符鎮撫其地是歲丙戌二年也我公生長三  
韓爲新天子豐沛湯沐之區雲龍風虎有開必先略  
如盧綰與漢高故事早歲倜儻有大志兒嬉時輒以射  
爲戲猿臂左右力彎三百斤弓而又好讀陰符黃石諸  
書不好野戰學爲萬人敵其素所蓄積然也先是親藩

南下略江楚南北地維時武昌左寧南侯領百萬之衆  
洶洶不知所爲戈船艦蔽江而下勢且糜爛豫章吳  
會無可收拾公乃於潯陽江干謂衆將曰天命有歸大  
物爰集昔韓淮陰仗劍歸沛公起家於連敖鄧仲華策  
杖從世祖於河北今其時矣於是親王一見若平生喜  
甚自以爲得公晚遂推轂爲三楚大帥當是時隻虎餘  
孽尚跳梁於綠林長坂之間攻南郡急旦夕城且下公  
出奇計自夏口兼晝夜行三百餘里直搗虎穴殺賊四  
萬有奇所得鎧重男女牛馬稱是未幾 天子念中原  
重地如前所云非公不可公遂奉簡書移幕府來宛公  
乃與左右偏裨諸帳下兒約曰宛新出湯火墟里烟寒

讀史本義卷五

三

我兵駐節其地勢必卵翼調護此元元爲第一義於是  
招流亡給牛種延醫藥恤孤寡諸凡皆從我民起見而  
又整部曲嚴號令有取民間一笠蓋其鎧者誅不赦蓋  
至是而宛人有生機矣於是剪封蛇於鄖漸殲短狐於  
光固與爲摧虺與爲塞蟻勿爲滋蔓難圖勿爲養癰待  
其潰數年以來犬不夜吠人無晨服大河以南得以息  
肩人人高枕卧者此又將軍之功也將軍之功在宛宛  
安則中原安中原安然後東之淮汝南之荆襄北之河  
洛西之武關商於一帶可以有磐石之固泰山之安矣  
皇上聖治維新行且論功行賞分茅胙土傳之無窮豈  
區區我民桑戶繩樞所能祝頌其高深哉然我民究竟

不能已於言者良以我公德澤沁入於人心而不能去  
以故父老子弟冠蓋以及耆夫與臺之賤以公攬揆之  
辰皆爭持一觴爲我公壽詩曰躋彼公堂稱彼兕觥蓋  
謂此也且乞燕詞於予以佐觴以予逞爲楚督學時得  
以兄事公今日又從士大夫後稱公部下編氓在公履  
育之中不敢以不文辭於是從其遠且大者爲公贊言  
之挹彼菊潭滿引而進公其無辭

### 分守汝南樓公初度序

今上甲午乙未間南詔黔中之寇枝出東西川延及房  
竹先是豫楚大吏上書設戍兵於鄧鄧距漢水百里賊  
豕突則鄧當其衝故戍兵之設視他郡爲急顧前此受

讀史本義卷五

三

事者爲雲中麻副戎名庠揚將家子治兵有律兵居鄧  
可二年與我民相安亡何麻以陞任去肅州一時民家  
盆盎靡牖不保其初若輩齒斷斷與我民爲難攫室中  
藏爲一快擄捕屢市爲空而又斥候偵調以殘黎爲驛  
卒奴之矣民弗堪也鄧刺史痛心傷之乃微以此意上  
控諸當事未幾樓使君乘傳抵宛則首及戍兵一事單  
馬歷新野走大堤既入吾鄧撒千夫長百夫長飭之曰  
若輩健兒爲朝廷捍牧圉毫不法去賊幾何有三尺在  
尚慎旃哉於是一聞令出如盛夏負米霜罔不收戢歷  
冬涉春民以寧止不啻麻公時父老因公仲春壽辰執  
辦香往祝乞言不佞某維時則進父老而告之曰公當

鼎造之泰運附六龍而東來節鉞凡四出矣一使楚一使晉一使秦今則使豫其使楚也在順治之二年江漢未澄苗猺負固洞庭江黃東接彭蠡南連蒼梧巨寇因而跳梁如歐史所傳馬殷父子之在長沙高季興之在南郡公奉天子命同今閩浙總督佟公出奇師搗其營壘擒渠帥蔡京觀開辰沅邵陵一帶定五溪百蠻之地不減馬新息之勒銅柱而柳公綽之銘武岡矣曩時其為楚督學時所目擊者公在岢嵐居萬山之中西控河湟北引雁門上谷是唐祖發蹟之地五代李國昌父子借兵倡義之區也我公經略之謹器幣蒐軍實河東股肱屹為長城其懋績大略視楚云又其甚者某將軍以債帥肉公所部公執簡與之爭天子直公付某司敗仍用公以原官分藩西陲建牙靖遠夫此乃所稱西羌吐谷渾舊壤也張軌竇融諸人常用之矣高昌薛延陀之戍壘斷隍猶有存者乎其難治又甚於楚晉公一得其要領而撫綏之罔不率俾此二者則予聞之薦紳先生與見之邸報最詳者於是聖人南顧中原進豕臣謂之曰楚粵用兵密邇豫南微聞司馬上書言房竹郎襄間伏寇未靖凡十年于茲毋以糗糧儲峙不繼戎兵罔詰為六軍羞維參政臣某具將相材從先皇帝歷試行間有年其以若往則公之自楚而晉自晉而豫皆出自一人意非若他人之以選人例資地陞轉為

讀李太公集卷六

三

也吾鄧人所感公者一端耳此何足以盡公哉且汝不見方城近事乎方城北山嶢嶢盤紆中如杵臼狹斜路如馬脊如牛角中乃膏腴如仇池往往為綠林窟穴山東鳴鏑逃遁者倚為淵藪乘間出周道驚行人有日矣公唾手跨馬往殲之游魂靡所大河以南無孽食夜析之警異日者不為鐵脰銅馬之先資皆公力也夫禍形秒忽之間而事阻因循之蔽疽蓄癰潰寢不可藥殷鑒在懸惻乎餘疚公真有哉吾鄧之所感公一端其實知公亦一端耳眾父老則捐其謝曰小民之所知者凡以為鄧也予大夫所言者則在楚在秦晉與夫在豫其大者穆如作頌是在申伯之卒章矣雖然自此以往我公方進秩大中丞以節度同平章事圖姓字於麒麟誓山河於帶礪請從此日始則我公之壽豈可量哉凡我與爾之所以壽公者凡以為鄧也

讀李太公集卷六

三

### 元撫軍初度序

予所見古來瑰璋非常之士遇鼎造之運寅亮天工翊贊草昧第見其分光竹帛為羨風雲龍虎之遇不知此中有天焉不關人事也其誕靈有地遇主多奇後世追論者等之豐沛之湯沐南陽之戚里矣若是者吾以得之大中丞亢公云云其十五年前綰長民符於太原聞晉陽長老云公為河東巨族今汾陽蒲坂間每有聞人往來淮泗維揚攜重貲巨萬以佐縣官一日之用下亦急

人緩急不問其價在昔人任俠傳中固約略可得而稱之公生負聖童之異與夫慧業文人之目甫入膠庠名動雞林在公方挾不律三寸喻靡一斛乘茲舞象之年唾手秦鹿取青紫如拾芥行且執牛耳主齊盟鞭策山東諸侯附庸曹檣有日矣乃太宗皇帝天啟龍興略地汾晉公年甫垂髫即為世所知名遂應物色叶于夢卜此正如漢世祖渡河耿弇來自上谷唐太宗入關房玄齡李衛公過於三輔趙太祖西征得張齊賢於洛陽其人始則逆遣終作台衛明良出於羈旅感召捷於呼吸此吾所謂天馬不關人事者也維時先皇帝知公為異人拔公金馬石渠間讀中秘書專主文翰凡宣布

續文獻通考卷六十五

五

中外詔檄一切大著作皆出其手蓋公與先帝所早作夜思揚于文告渙汗之際者十有餘年定鹵簿肅威儀出入叔孫通賀循之間為中國雪恥除兇殄滅寇虐彼李昌國起雲中削平廣明之亂劉裕起丹徒靖孫思盧循之氛功烈固不啻倍之大氏廟堂之密謀禁中之頗牧今皇所以奄有九有不基萬年公力多也今順治十一年聖人南顧中原惻然念曰豫天地之中也於人為腹心人之疾疹中乾先受於腹心而後延之四肢未有中原不治而海隅日出得以乂安者西南方在用兵百粵雖下牂牁未開兩川雖收昆明未靖豈五帝三皇之土宇而忍膜外置之古來大一統之規先從中

原始凡車徒之所往來休養士馬轉餉牧芻之所煩費中原當十之七帝曰非公不可一時諸王貝勒固山家宰諸大臣俱推轂曰有如王言匪公莫任於是公乃持大中丞節填撫兩河顧兩河弊極矣先是闖逆煽亂宛洛受創獨劇乾坤更始喘息未蘇繼河伯不仁宣房日潰焚焚子遺以有限之膏血傾無窮之巨浪不知凡幾矣庶幾少休息我乎曰惟公夫間左衰耗美壤化為石田百里煙寒牛犢買於刀劍以今日而議屯田他省猶勉行之河南南陽誠不可問也所謂有屯地而無屯人也無已其軍屯乎以所在之兵墾所在之田自開歸南汝兩鎮而下視此矣庶其少變通乎曰惟公且攬西周

續文獻通考卷六十五

五

之舊地保無有著作弘深為西漢文運開先如賈洛陽其人者乎披汝南之輿圖保無有風尚高潔玄鑒內朗如黃叔度許子將其人者乎若夫王氣鬱於春陵雲龍聚於白水搜賦材於梁苑訪俠烈於夷門則臥龍鳳雛劇孟信陵諸君子又可得而指數之如是者皆公几案間物也其亦取而屬屬於天子之庭乎曰唯公此數事者我公饒為之然兩河所以望再造於我公豈有涯哉抑古人有言大器晚成馬援屢鑠而定南方鄧艾王濬為晉家成一統之業俱當垂暮事固有不可一概而論者我公今年方三十有奇考之前詰鄧仲華之策杖河北周公瑾之著勳赤壁謝康樂之破敵淝水以若寇萊

公錢若水之爲名將相彼其人皆年未及四十又何以稱焉噫攀鱗附翼及鋒而用如公者殆天作之合矣况夫河東天下之精兵處也李淵父子起兵於此造有唐四百年之基石晉後唐亦皆藉其士馬精強之力於以奠王基而振絕業皆公鄉人也他如龍門之史直接麟經河汾教授爲世大儒裴晉公之業建於淮蔡柳河東之文重於金石與公所謂比肩而生者也然則太行之巖壑橫亘塞外黃河之蜿蜒傾動西極風土道勁人物與衍是帝王豪傑居處之鄉也晉之爲天下烈也豈顧問哉治其猿鶴人耳何足以知公顧念昔年宦遊晉陽知公爲一代偉人今持天子璽書慰勞中土而某猶得以草間未老之身列公部屋之末雖圖麟之志久灰而登龍之願敢後其得同黃髮之老咏歌太平之年者皆我公之賜也特因樓使君之請盟手以代申甫之祝

讀史亭文集卷六 終

讀史亭文集卷七

南陽彭而述禹峰甫

序六

長沙志序 以下志乘

大清皇帝御極之四年爰簡恭順暨懷智二王開闢湖南地維時草竊蒙伏陽德方亨長沙郡在楚稱要害爲交廣黔滇之衝治亂恒由之雲雷之始實藉經綸倍蓰他郡關東張君奉天子命守是邦一切芻蕘脯餽師徒牧圉飭庀惟謹佐王定國以師帥兼長子曰維公伐暇日登熊湘閣四望徬徨乃東指彭蠡北睇洞庭覽九嶷雲物於零陵之南窺五谿杳靄於夜郎之西喟然歎曰偉哉江山之秀抑天下治亂安危之効亦約略於茲地實關焉易曰高宗伐鬼方三年克之春秋傳曰克者力勝之辭也三年言乎久也乃書抑又紀苗民弗恭七旬乃格厥惟艱哉今長沙其古宅也是蠻蠻苗獠之所雜居鳥鬼椎髻鳥鼠穴居以爲隩區者也邇者清皇定鼎大江以北久隸職方吳會浙閩兩粵漸次削平惟長沙一方尚罹湯火且四稔此聖人所以殷南顧憂煩師武臣力也爰蒐故實考天道人事之所由起伏與古來全勝偏安之所以蕩平扞格之故而黃髮無一存者未幾乃得郡舊乘於岳麓斷楮腐篆缺略不全受而讀之金簡玉冊揆出宛委之山亶其然矣徵博士弟子

員某某繕其業計鼎革以前事所未載者十年有奇乃為之剔燈丙夜較雖殺青訂豕魚之譌詳生齒登耗人物黔黔地氣橘橙之產匪茅舊實繁駭異聞綴之於篇為一郡良書今後來守此郡者不致文獻歎於不足是長民者不可以無學也今天子坐明堂朝羣后三年計會之典既聿斯行萬國車書如歸以昭同文之盛豈江漢之詩不載十五國而周家王化之始實肇甘棠今邵陵有古渡焉未嘗慙遺周南也自冬徂夏剗剗告成君為走予曰長安舊雨惟我兩人再晤是邦尚不惜一言以共若役不朽予乃退而為言曰我聞上帝之傍有長沙星於二十八宿列軫翼之外爰有是名他地或如

讀李太史集卷七

二

附庸然殊不盡有也張衡有云長沙一星主壽命明則多壽子孫有慶讀是書而但可曰是文獻所稱哉誠所為天道人事之關其然耶抑不然耶予嘗讀五代史重有感也彼時豈不業已稱制而劉隱馬殷之徒未奉正朔遲之又久至有宋乃歸版圖他如漢祖遣陸賈定桂林南粵諸郡亦必須之十三年之後時方有事中原日不暇給耳今長沙志成乃在順治五年其王化之遲速氣數之隆殺較之往牒不待智者而後辨矣張君其先江陵人具文武材先是守朝歌多異政載別傳茲不悉

### 攸縣誌序

皇清定鼎楚獨後服楚南古黔中地苗民隩區曩者蜂蠆肆毒密通滇黔屢勤王師順治十年上念南服弗庭命洪丞相以經略視師規進取以長沙為治所自此楚南乃入職方攸居潭東偏地接茶陵肩背江右袁臨諸郡為潭東戶稱要害攸以水得名沿革不一或曰一名陰山或曰別有陰山詳前史城舊範土為之先代癸酉臨藍羯偷竊發薦紳文其疏其事易以覽勝國末苦兵災萬事蕩然會經略治之十三年秦人朱某來治是邑招流散字鰥寡鋤莠育良興學校士聞明年政成又閱明年頌聲作於是簿書之暇庀館穀徵文學作攸誌厥成問序於余考禮俗貞慝揆物理疏隸推戶口之盛

讀李太史集卷七

三

衰權國賦之盈虛凡武庫倉庾臺榭及宮牆剝觀卜醫與夫歲時伏臘男女里社婚冠喪祭之儉奢好尚一一如新豐市上雞犬皆識其舊不啻繪圖而出誠良書也噫君子讀是書令可知矣昔漢當焚棄之餘高帝入關鄒侯收秦府圖籍得知天下戶口扼塞然後叔孫董賈諸人從而斧藻之漢家一代文治聿追成周豈非文獻之可徵乎今令居荒僻之邑當草昧肇造而能取久廢之典章文物燦然釐正以有聞於世是役也以宰天下可也嗟乎楚之治亂天下之治亂也今滇黔既開車書萬里長沙為無事之國矣抑知吳越江淮與中原腹心之地連年冠蓋相望牛車負擔飛芻輓餉如織如襍者

不絕於道路乎是朝廷有滇黔而後有楚有楚南北數省可免重困攸雖支邑亦王土也則是書之成是同文之效也予分臬朱陵奉攝潭州之檄已亥秋抄蒐兵過攸獲讀是書而善之曰佳哉是所謂以經術飾吏治者令真其人歟

### 靖州志序

自武岡迤西楓門山皆山矣則靖山國也先為黔中地楚莊王之後名踰者定其地後遂為楚不獨靖也因革載舊乘不必悉自 皇清御宇順治三年定南王實始開闢不久復陷至十五年戊戌 王師三路下滇黔南楚撫軍袁公帥三將軍師直抵沅靖則寶慶以西郡縣

靖州志序

四

再歸車書撫軍力也叠遭兵燹載籍焚棄州志蕩然矣嗟乎無志是無州也雖有通志及輿圖諸書可考然前微軼事安能盡收志之不可已也如是夫延安高將軍以順治十六年奉命駐節黎靖訪故老蒐遺書於苗徭溪崗中得州志殘編一帙將軍讀而喜之遂將敦禮名士綴緝見聞為剗剗之舉時方羽書告警有黎平之役深入苗壘蕩平山寨數百里方在鋪敘入告未即行會歲庚子孟夏予以滇藩使者道經其地將軍出篋中示余曰為我序而傳之此明公昔年戰場也緣予黔陽之役破賊靖州西門外事在戊子距今十三年矣夫趙將戰鉅鹿下漢孝文猶然思之至每飯不忘廣武為楚漢

交鋒處阮嗣宗亦復低回不去至有英雄豎子之歎又無怪乎戰場文所由作也予應之曰予志也時州守六詔楊嗣光捧檄甫至遂欣然竣厥事予不憚珥筆為數言弁其首以昭同文之盛他日太史陳風借輶軒之采如吳州來晉大夫諸人入東魯觀六代之樂與夫易象春秋則靖其猶文獻之國也同事者判官李萃並書

### 武岡志序

郡國之書以備輶軒上之天子彙旨籍成一代之典冊至重也武岡居楚南徼界荒服自順治戊戌滇黔歸乃入版章本朝得天下之要實備於此岡之有志成於康熙二年距得滇黔又七年矣兵燹後戶口稀少城無完

武岡志序

五

堞又值羽檄甫息時之不若閭左倥傯實甚未遑也且遺文剝落散失故老湮沒無所考究欲續前啟後刊磨成書非遲之歲月不可當是時吏茲土者又能休養生息收民於况瘁之餘百凡興作務還舊觀雖物力贏絀不盡如承平而規模宏遠是可書矣會癸卯七月子過嶺而來之官黔州從令君吳公處讀其草本倉卒馬首約略流覽已私心喜之曰賢哉令自予以順治戊子持節入牂牁時岡方麻沸疆場彼此而今乃列其溝塹亭障及方州之辟舉與農桑絲織悉畢具武雖僻壤一統之業實醞釀焉宜其大夫多材庀文獻乎既而思之上此者猶堪念也使非臺使者及司守諸君文治在念

畱神禮俗興革幾何不以為不急之務而草莽委之吾遊天下多矣壯哉州固望國也雖是山川險阻紫紉花苗繡黼推髻之屬雜種羅列而居又與巫黔相隸羅施鬼國烏蠻板楯蠻風相附喜則人怒則獸自前代戰伐亂多治少用武之國也故以武名焉是書之成文教覃敷止戈之義於是為著是亦昔人橐弓臥鼓之先資也異日者上公車會計朝宗獻琛同泗上諸姬奉盤匱於壇坫之上陳厥蒲璧得與典章文物之會一洗藍縷陋習藉此書為聲施矣昔列國之運楚歷九百有奇享諸侯之祚獨長豈非從王之效哉

新寧志序

讀本集卷七序六

六

康熙癸卯予自桂之官黔州經新寧稅公署中諸生挾邑志問序成書矣時維陰雨頓一日登放生閣觴焉作而言曰序之無當於書也其書可傳與否係乎書不關序也諸生進曰子大夫遊楚舊矣楚之山川形勢星物人文久在輶軒宜有言予乃泚筆弁其篇曰予生平轍跡強半楚順治丙戌予為三楚督學閱楚士覽勝江漢戊子分藩雲陵丁酉復有朱陵之役又攝長寶使者篆凡稱楚南地主者再而三又辛丑自滇藩踰嶺道復經此今入黔復經焉楚之戀予不去也輒二十年矣贈人以言贈地以言一也況久要乎且夫官此者不可誣也人一旦辭山草稱長吏綰方寸之印勞簿書政會計事

上官維謹供厥職不暇事經術外此者胥吏行文書譌樂遊賞居其半聞人談筆墨仇如敵兩者皆無當於此書之選者也讀是書見邑政焉邑之元本禮俗具載於書不必予序也

平越府志序

禹貢職方志書之祖構也其言九州十二州或擴而大之亦或空虛無用今乃踐而土之總不外九州者近是至漢武乃設益州益者益其所本無亦益其所本有即嚮者二說是也其言益州者何曰越雋犍為牂牁是也其地荆梁之徵昔為蠻犍所居自今開之故曰益州今滇黔之支郡旁邑是也吾讀平越志而有感焉何感乎

讀本集卷七序六

七

爾曰外之則荒裔部落內之則春秋奉祀恐後於此見聖人之大也平越之為衛肇於洪武之十四年時隸於蜀平越之為府肇於萬曆己亥平播之後繼乃隸黔可見山川啟閉有時雖有聖人不能無端而啟草昧之土宇劃山河而守之究之無軼於九州之外也平越之有志當國末祀僭竊相尋剗屠毀無虛日文亦湮沒不傳久矣先皇帝十五年涼州徐公乃以乘傳至而心訪緝又閱數年乃成嗟乎使者用心良苦夫王者頒正朔會車書陳常藝極茂昭王治非此書莫由而况經營草昧出瘡痍侘傺之後搜葺故乘咨度編摩以昭一王圖籍之盛為荒陬遐壤考戶口上司農大夫之不忘民

事何以加諸予小子讀是篇而善之往者經略丞相治兵長沙徐公方握金僕姑躍馬沅湘饒具蕩平西南之志今一旦釋甲胄嫺簿書而僕僕焉原本山川考覈租調采輶軒撫耆舊抑何博雅君子哉聞之移風易俗不可得之俗吏以經術飭治行往往見之醇儒碩彥之手出而舉車帷問疾苦考雲物燮應水旱機祥以成風俗之書進而敷輔皇猷光贊笙鏞於清廟明堂之間非言辭不為功皆是物也抑又聞之黎氓之俗人鬼雜處巫風流行其人天仲狝狝與夫犴鬼紫姜率皆多力善鬪自設流官開衛所軍民長官冠帶苗裔漸化於禮義用漢法斯比於人矣否則一睢睢盱盱耳何以稱式廓免

讀史亭集卷七序六

龜髻侏儒乎今郡志所載州一縣三衛三所四幅幘不過百餘里其中高山絕壑邃穴深箐居其八九其實蟲蠹耳得與於大國之數周旋盤區於邪莠之間則播州之役楊應龍實啟之夫以一叛人之故而令乃建牙勞墾書其地所以示強盛建置亦重矣由是推之水西而外以至芒部四郡不得已而用兵可以觀風氣焉要之非聖人之得已也高峇曰諸志棟棟矣潛書尤蘊籍哉余介黯無文治刑於黔亡狀得從諸君子後一展覲之如觀樂讀易象焉未幾又有踰嶺之行前此繁馬未久又復匆匆道路不獲徵集合省全書廣搜文獻以付剞劂貽來茲是余之有愧於徐君也夫

旋吉歷試草序

以下時文

予與旋吉交蓋約略二十年矣記歲丁卯小試入宛連床至寺風雨浙瀝手一編口不絕吟既覽夷門轡復同旋舍晨興夕烟與之俱因得盡觀其人與所為文殆恂恂處女外不勝衣走筆則二十八宿盤心胸萬斛珠璣隨地涌出且式穀似之即何得承明著作廬下不虛此君一位會子辰間予以糠粃先售一官牛馬遠寄并州望長河烽火蔽之旋吉亦專守一經兀坐半畝官薑帷蘇維白蘊黃精罔以易初服招之以弓駟儉不受確如也予繼避亂南遊滯淫長干且五年饑驅復起而為吏稱楚江祭酒縱觀雲夢瀟湘鹿門白兆諸奇勝若時時有一旋吉在几案間而旋吉不知也今年夏予奉先慈靈自藐姑歸合防故山旋吉攜弟姪輩唁我草土中生芻光我先壘予德佻福淺夢我貽恨自眎慚仲弓旋吉殆居然與士之稱南州者比繁豈文章一流哉梧葉初飛南樓月色漸次窺人予于役衡永匆匆輟將發旋吉出敝篋中數篇逞時為督學執事所鉛丹以冠宛軍者為予佐行觴三尺秋水固在非張司空則老表斑狸二物幾千年不出知言哉抑是又何足以盡旋吉也維旋吉孝廉冢兄隆吉避地入吳卒於鴻茲五年骨未歸每對予言涕泗滂沱以為古人死不惟其地如李白青山子瞻常州杜甫炙牛白酒腹漲耒陽皆非故鄉也其後

讀史亭集卷七序六

或以子或以女或以孫皆負骸千里重要一丘安在延陵季子博陵一事遂為不刊哉予聞其說而感焉子與君家兄弟友善兄事之即若也微若言固久慮及之只需時耳兩郎君能讀父書無墜薪端其行是予志也旋吉乃為之拭淚掩卷歎曰予兄弟辱大夫交且半生天倫朋友之際砥礪有年蓋不徒以文字知曷即以數言弁我簡端聲帶華衮無寧茲世何必皇甫謐能重三都揚子雲果藉桓譚哉遂略其文姑不言而獨抽繹於天倫朋友之際以見予之相與於旋吉非徒然也

龍雲師敬益堂序

予識雲師在丙戌之春時楚疆版章方歸草昧甫啟人

續雲師集卷七

十

文筆矣雲師負命世雄才奔走棘闥凡四十年洞庭以與雲夢以北無不知有雲師者如雲師又何必以制義見長抑予之識雲師固不盡闕制義也雲師幼攜奇姿出將相之門於玉笈金簡之書無所不窺而又性喜任俠與海內賢豪長者遊不屑以蠹魚自了乃坐念帖括半生士死知已不忍以場屋一日之遇等之空花泡影勒之剗劂以俟後世又何須拖青紫排金闕博取人間富若貴如世俗之所稱高官巍第而後敢以文章名世哉予今而知雲師志矣黃鵠樓頭賢書初成鹿鳴方闌五馬在郊雲師猿鶴盟堅招弓不受獨持敬益堂數藝遮我行馬索片言以壽名山此其胸懷浩浩落落殷遙

孤迥尚可以尋常利祿功名之念相天下之士云爾哉雲師廼祖虎躍天門筮仕我中原裁花鄢陵至今郭外苗菑樂如雲報書在李空同集中空同以直氣亮節高天下詩若文亦復如之為先生所招撫因雲師又可以想見廼祖矣又予常聞之譚擬陶以為雲師先伯氏友夏之所畏也夫友夏與伯敬崛起竟陵於風雅源流之外別異而為淒清寒苦之習遂令寓內三十年來三尺童子人無不喋喋鍾譚者予知雲師久雲師固絕口不為予言雲師若曰彼鍾譚者楚人也豈有雲師而楚咻者哉

雲南考卷序

續雲師集卷七

十一

滇國楚蠻地居西南徼外隸禹貢梁州之域三代因之秦離之後遂復荒落秦常額開五尺道旋罷漢興方有事南北未暇收復其車書上國蘭滄白堊聲教覃敷率自漢武始矣世傳漢武雄材大略臣妾海以內非前代所及不知仍還九州十二州之舊也先皇帝纂圖膺錄混一六合滇最險遠遯之十五年之後自皇清得天下論之滇露王化最晚宜先皇帝軫念殘疆於昆明甫開之日隨發帑金三十萬與民更始若是乎其不忘滇也所謂聖天子明見萬里之外者非歟惟是山川既開人文斯蔚先是大將軍與經略丞相於得滇之日即以學臣請上為報可爰以今大梁李東園乘傳往視

之庚子秋冬乃得校滇中士閱明年辛丑撫軍袁公以補鄉試議謀之督撫趙公曰勿後於是衆議僉同合疏啟事且酌之往例地方新復取照常額減半維時皇上新承丕基體先帝念滇遺意竟得以原額報噫此異數也滇入版圖最後被國恩獨渥可不謂有天焉間嘗卽滇已事論之自漢臨邛銜命之後浸尋至宣元亦遂若滅若沒不復以滇爲事唐自天寶以後曠不可制間爲土蕃鈎染患巴蜀禍延內地矣六朝江左繁名正朔輕重無關焉五代爲段蒙所有輒數百年宋因之至元明乃合嗟乎滇之治亂分合間發草竊割據與罰等有聖人起則囊括之滇以不近中國而不能常自附於中國又以遠中國而復不能自外於中國於此見一統之難而聖人之不易生也東園兩試竣刻滇文以行問序於余余以右藩官滇不數日即有粵西之行不暇作行李戒途次楚靖適逢信使之便走筆寄此若夫文之品目有東園丹鉛在勿俟余言也余言滇事而已

### 黔考卷序

黔居國西南偏不隸九州名始見於戰國地近楚爲楚莊王孫臯所開以爲入滇路則黔之所由肇也秦霸西戎張儀欲以武關東地易黔中郡知其路可入滇併吞六合之心已見於此漢高乘秦弊中國力殫不及收復至孝武乃起而有之念西南荒曠古未通文教不須師

讀史考卷七序六

十三

讀史考卷七序六

十三

武臣力命司馬相如乘傳往收此卽虞書舞干服苗之義也蜀漢定鼎先定南中而後議中原南中者合今之滇黔而言有黔始有滇有滇然後蜀可用此武侯先後立國之模也若是則黔雖瘠實諸國之鈐轄大一統者不得以邊陲部落棄之矣今皇御中夏十五年滇黔始入版圖其復滇也六師三路皆由黔進黔視滇被王化又先經略丞相念曰武功旣收文德當茂古有道之世頒遺經遐荒遣子入太學用以見人文化成四海一家之意況黔爲內地深山密箐種類實繁數文德其敢或後於是上書入告以學臣上請且以今山東賈滌趙公當之詔書報可維時霞滂方備兵江漢乃介馬星馳趨黔受事時順治十六年三月也今十七年庚子朝廷公車徵天下士以明年計偕爰有鄉闈之舉黔遂同十五國風得與盟會計匝歲以來霞滂所錄拔黔中士卷若干將以行諸世而壽之梓余以滇藩之役受而讀之曰嗟乎黔有文乎計中國不見黔中文十有七年矣向者巨猾未殄金虎方耀章甫縫掖之士罹於强暴化爲豺虎中有奇服自好者抑且匿跡墻東隱身牛僧其文弱不能自立則又迫於饑寒填溝壑不可勝數士子有此三變黔無人矣焉用文之今者王師所屆有同時兩銅馬青犢之渠就我戎索一時觀光之彥搜遺書於壁裏探腹笥於老生思樂在奏稷下傳聲黔之所以

有人也則黔之所以有文也如是則霞潛作人之功安可沒哉昔人謂文翁化蜀比之鄒魯今霞潛之於黔也亦然嗚呼天地生長之氣聚於東南肅殺之氣結於西北皇上崛起盧龍三方嚮應不數年而席捲八荒獨西南一隅出尤在懸長纓之繁獨後今者車書通而山川効靈瑞氣蒸而麟鳳斯應可見天地之氣無往不復萬物生長於東北成熟於西南國家一統之業起於東北收於西南亦造化之理也黔之有是錄也是同文之盛也語曰維楚有材黔亦楚也楚有離騷黔何獨無讀是集也為君載半去矣夜郎王豈真不及漢縣哉

### 桃花洲社序

黃孝本集卷七序六

古

制義一道垂今三百年矣其先猶雜選舉刀筆儒士或作相公漸積中葉偏重甲科然奮身為將相尚自有人如新建威寧靖遠諸公皆進士起家得封拜至末流衰極矣詞翰專言詩文衰衣博帶養相體兩臺諸君子專事要脇如九關虎豹逢人而噬尤慣談兵說劍掣邊臣肘挫元帥之氣身居要津家為金穴彼此樹黨名曰聲氣中外交訐滄訛不已浸尋至於甲申而不寤噫流毒曷至此極乎凡此皆科目之效也竊謂興朝定鼎凡事聿新取士一途斷宜改作此不待智者而後辨也今開國十有六年矣前見某給事取士一疏有欲改制執為詞賦者此其意蓋明知此道之無用而欲去也亡何議

者依違其詞以致未果如是則貽害將何所底乎揆厥所由源流始於荆公孰知宋家一代元氣耗於荆公其後強鄰乘之降而江淮又降而海上雖有理學諸公迄不能挽其垂絕之緒則荆公實禍宋矣世知變青苗而不知變此何異代而同符也常令江寧張子刻常邑諸子菽求序於余余不敢以此意正告為婉其詞引新建諸公以壯之科目中豈盡無人哉亦求其所以不愧科目者而已則此篇姑存之可也

### 湖廣考卷序

予奉督部二公題補楚學使之二年乃始得披武漢士而閱之先是銓選有人 綸音久未下為歸計且日夕

黃孝本集卷七序六

主

去既則直指宋公援七省例疏補鄉闈檄予試適逢王師奏凱南郡餘孽號大將軍駐節漢口天事飭地事懋哉爰掃舊棘開地拾瓦礫登進之督諸子匍匐攻入股藝哦聲喁喁出四壁間松籟相答烏啼互起甫經旬合兩郡十二邑士之尤而成書乃為一再讀之歎曰楚師其可料哉曩者蜂蠆頻仍鏑鏑相望金木竹箭空連徒以無存杞梓皮革與卿材而俱盡即有一二踔躔嘉遜之士脯糗維艱鬼中殤宮為鄉民氣索矣底滯不震誠有然者求所為文章之林府嘉麗藻之份份憂憂乎其難之矣乃今觀之夫孰為是鼎鼎爾夫孰為是奕奕爾大都雲夢欲吞江漢長流大別小別之硤碑鳳凰鸚

鵲之跂翼尺幅中無多讓焉仙經曰神山五百歲一開得其石髓食之壽與天相畢此金玉之精也史稱明月之珠藏於蚌中自有蛟龍伏此間之能有諸子諸子之能有茲篇固不盡關人事爾時續紛以變易蘭芷變而不芳屈大夫蓋有為言之也子行矣後予而來者將無北野之歎乎縱有他樂吾不敢請抑說存乎馬肝矣

庶草自序

皇輿敗績衣冠南渡中原大姓強半江隩予以癸未重九先慈不造客殞并州爾時商於道弗骨立心摧合防靡計爰卜兆姑山之阿草感襄事歷羊腸孟門諸險間關星趨而邨邨而清淮而瓜步遂達武林虎吻鯨波狐

續集卷六

上

嘯鬼泣不可為狀一介行李都賦子虛向來穴黎數紙與脫腕薰間行所謂古文詞者遂復一切退棄男兒心血無多汗浹指裂風雨廿年一旦遂為暴客所譏求為覆瓿不得譬之懷人草木臭味寤歎殊淡然每一念至立言者古人不得已之業也非復窮愁不獲以著述自見自悔少作見嗤壯夫詎惟一世哉矧夫鼎沈少海天造草昧向來文字之孽世道受之生心害政有開必先則亦行道置之不復追憶矣亡何今年秋出九華解纜揚子式歸邨鄧迎先慈柩窆里謀丘壑終老勿免不圖復為當事物色簡補一官於焉勒繁顧念鑒衡文司也不文如子濫竽斯任則真辱 朝廷而羞當世之士矣

賈人以例請予謝唯唯且以前言質賈曰不然庚辰之役明公名在天下人與璫而家結綠漢代博求遺經九十餘齡之老尚能口授存周宣於鼓起魯恭於壁民間俊秀薦紳先生猶能言之予謝唯唯未幾殺青成帙為主人徵序主人笑曰別來五六年矣烽燹雜沓經笥縑緇總歸燼燄汝何以自存之物者無一語似與予從未識面者迺然曰此非予草也母乃庶幾乎草乎合次兒二作付之賈人此賈人大屬有心若夫散漫委逸不可收拾者賈人不任其責兒輩或將從而補其缺矣

送襄陽劉燃長序

壬辰臘月廿一日襄陽劉子燃長銜雪跨蹇驢謁我樓

續集卷七

上

州之百花洲次劉子予廿年前舊交也噫丁丑之歲鄧城不戒屠於巨猾予自長安放歸故里鮮片椽燕且巢林子同張王兩孝廉賃廡大堤時襄為鄖撫屯兵地甲冑如蝟毛羽書旁午周旋羈旅中者半皆目不辨丁鵲冠之流不則二三馴僮市上紈袴少年耳士子唯劉子閣星汪子鷺每手攜一尊過我或夸猶習池或登覽隆中晨而往暮而歸或不歸籠燈檀溪醉模峴石略同庾信之哀江南渾忘仲宣之在荊州別來且十餘稔每翹首襄雲想結漢水政如昔人所云魂魄亦應戀此耳亡何丙戌之歲予弭節鄂渚校南北士劉子乃走雲夢漢陰一帶復晤我黃鵠磯下我謂劉子曰古棘陽今之東

陽也為光武中興舊地山川蔥鬱綿羊春陵王氣在焉  
盡往觀之劉子遂以廣文官其地適來又七八年予綴  
羽故山猿鶴夢穩回首故人星歷兩散鄭玄已去嗟扶  
風之帳空任安不畱憐平陽之暮冷乃春風閣下雨雪  
流澌尊酒屬客劉子徑醉歲時如流朋曹聚散真如更  
闌燭後得不悵惆後會有作何時乎

劉母八十序 以下附聞

往遊南都見其山川秀拔蜿蜒森鬱風物隱賑士大夫  
冠側注衣長裾吐為文章莫不振厲風發權衡一世其  
士女懿訓內德篋篋簪外教令子成名者聞相接則  
歎曰東南王氣在焉顧不然歟在昔嬴秦亂德真氣出

揚州宜在建業秦政改丹徒為秣陵以厭之數百年而

孫氏實興其地中原夢擾司馬氏猶因之以偏安江左  
閱劉石五季之亂長淮以南華風端存迤邐至鳳陽龍  
起江北一時人物雲蒸霞蔚則山川之包孕天地之所  
愛惜者厚矣若是則圭璋麟鳳之姿不應獨在男子侯  
王將相之傑出不應獨在壽陽一帶千年之內五百里  
之間其蘊崇何隆也進士劉覺岍先生金陵人也其母  
鄒太夫人以予前所稱懿行內德教令子成名者惟太  
夫人則固聲華最著者矣夫人生而靜慧性行淑均有  
關雎風嫺家人之義其素所蓄積然也覺岍之先大夫  
兆熊最晚舉丈夫子者四皆出太夫人覺岍行一先是

太夫人禱置雲而覺岍誕焉以故其家戒殺不嗜五葷  
見世人刲牢特豎鳧鷖等物吞腥啖腐饕餮刀俎輒憤  
懣形於色若將仇焉日用所需惟是果蔬蹲鴟粟粟江  
南之俗羹魚食羸蛤覺岍猶多方勸沮若是人身犯大  
戮不齒名教者然皆違太夫人教也太夫人之言曰西  
方之書有之世所以罹刀兵劫者以不戒殺耳小子識  
之以故覺岍迄今奉教唯謹次孝廉次諸生奉太夫人  
教一如覺岍今年太夫人年八十矣先是覺岍以西曹  
長得以例分藩南粵覺岍念曰古人不以三公易一日  
之養慈親乎萬無母子俱往理吾得菽水侍膝下足  
已且兩弟耳一以薄祿醵廉番禺一以子衿遊學四方

吾為冢子應不敢違杖履志決矣太夫人教之曰是何

言爾不聞得祿以養親者仕宦之榮也先公而後私者  
人臣之義也今南方未定 聖主旰食昔漢高之世尉  
佗自帝南海陸賈一書生耳奉尺一之詔當百萬之師  
未幾南粵稽顙望風稱臣且汝又不見孝武欲開西南  
唐蒙相如諸人身實先之迄今名照竹帛度五嶺開九  
郡豈必將軍哉汝人臣也義不辭難行矣勉之覺岍弗  
獲已灑涕登舟望洞庭進發然其意固未嘗一刻忘太  
夫人左右也今年夏抵潭上丞相書曰顧某實病不任  
官且小人有母以今年八十惟某以不能就養為恨兼  
有狗馬疾願乞骸骨歸錫類之仁是在臺閣云云丞相

讀是請感焉爲具草章故事報可有期維時二三同人聞其事爲咨嗟太息曰非是母不生是子哉夫王陵建鋤呂之勲溫嶠延永嘉之祚功名非不卓絕然而伏劍絕裾千古痛之此其人雖位極人臣隱微不可問矣又潘安仁板輿而迎慈顏毛義捧檄而喜親在此其人或運際隆平祿養易致耳今炎荒用兵蚩尤未退爲人臣者以一身試不測之淵爲萬里之遊曰大君有命則然耳如老母何此覺岍所以確然引退棄此雞肋而不顧者也誠所云不以三公易一日之養者是耶非耶此豈王陵諸人所敢望哉抑吾聞之覺岍伯母今年九十餘太夫人娣姒相對霜髮皚皚善七箸不事杖掖一門之內有兩壽母亦奇矣吾讀天官家言有云河鼓之旁星爲婺女又其旁爲織女皆在吳之分野主布帛裁製絲帛珍寶之屬王者至孝格神明則厥星明女工舉今皇帝方以孝治天下劉公起而應之二母者母亦其即二星之精歟然則攬勾吳之俗觀延陵州來之風又不獨秦漢以來王風江左矣

傅母節孝錄序

讀史至東漢君子傷之曰是何節義之多而無救於國家之亡既而思之亡者有其存者也當其時內豎外戚交訐關東諸君子以討賊爲已任汝南名士爲多四世三公袁本初兄弟實倡之袁氏汝南人諸以母成子名

者如范滂孔融諸君子或身被戮辱而甘心與李杜同歸或藏匿亡命而一身先二子同盡大抵成東漢節義者汝南也成諸君子一時忠孝之烈不與漢社俱屋留爲史冊光諸母力也我讀和鳴太母節孝錄而愴然有感焉和鳴今之汝陽人汝陽古所稱節義之鄉而諸母成子之名因之而著也按婦人之有懿德令子名動天家爲夫爵子爵所不盡者則朝廷得而君之且得援引古諸侯及五等之爵子見存者毋得而太之噫以笄翟之細行不越中饋酒食之間而天子得而君之且太君之婦人盡辭也然婦人之義以節稱婦人之不幸而人子之所不忍言者也太君以十六于歸以二十四稱未亡人且四十年嗟乎節已太君有子四人長者屏翰旣已旬宣青齊表東海仲子和鳴視草中秘讀虎觀書官太原郡丞有能名今守邵陵值滇黔初下悉索敵賦與老兵雜處庚癸是慮和鳴能兢練胥民無悞乃公事德業固有進於是者夫世間婦人以節著以苦節著有矣然大都得令子而名益彰如和鳴兄弟至於繼和鳴起者如渥洼駒如鸞鷟五色毛皆天之所以報太君而太君自食其報也然吾所謂婦人之不幸而人子之所不忍言者固未有若斯者也若夫修澆以事二人蘋蘩以供孝饗固太君餘事婦人所難唯節耳節未有不孝者也予小子少孤奉母教唯謹今老大無所成慈闈復見

背讀孝節錄不覺涕泗之橫集也抑吾因敘太君復有感於東漢之季也夫東漢世祖起南陽一時將相半在南汝至於黨錮禍起汝南人起而倡之而節義之報斯烈今寥落幾千年何將相不常有而節義不絕於世耶且尤在婦人女子也是又汝南之不幸也是可感也

### 廖母內則序

教養君師之責也施之於家則父母分任之易曰家人有嚴君父母之謂也言父可以不言母曰兼之也人不幸父不得終其教而以母任之鮮民之最悼也故古來父教子成名可以不傳謂其不勝傳也亦曰此人之常不必傳也獨母氏則起而收之而人子之心苦而為母

東寧本集卷七序六

三

者之心愈苦於是司風教者錄之史冊以示天下後世之為母者人子常本是義於母氏佐父之不及則母亦父也故可以言父而不言母亦可以言母而不言父也所云兼之矣歷觀古英流名傑或位居台司名垂竹帛成於賢母居多其有負母而隱忍以就功名與借母以行其干祿冒進皆君子所恥名教之大戮也如漢丞相陵溫司馬嶠潘黃門岳諸人其最著也若此者其於人賢不肖何如也廖為長沙著姓今郴衡間往往多有之茂才元愷兄弟三子矜之孝子也時以晤樞相長沙將有六詔之役三子執其母行狀示予且借予一言以傳其母於世予心戚矣尚堪為他人傳其母傳其子而可

矣抑予又何能傳其子自恨少失怙受母氏教養得至長成丁亂離碌碌無所表見今頭顱衰白尚局促若駑駒為萬里之遊獨不悲故園風木哉贈賸遊宦雖異絕裾之情終缺攀輿之奉負阿母尚堪為他人傳母哉予滋愧矣滋感矣

### 衛母貞節序

河東衛猶箴先生以名進士起家屢官黔中督學使以今上二年鄉試竣舊例 皇太后壽則僉舉監司一人賁捧之期在明年仲春黔去京師萬里恐冠蓋不能時至臺使者爰命猶箴星趨就道維時仲冬初五夜藩臬守巡諸君酌酒於華燈之下為公祖餞酒數巡猶箴乃

東寧本集卷七序六

三

垂涕言曰是役也為 太皇太后祝釐也普天率土為我后稱萬年觴展錫類之仁是矣顧私心猶有未盡者小人有母今且髮髯髯亦恃粥耳顧其初稱未亡人者輒數十年今為子者既策名為人臣抑思其所以為子乎因攬泣而起願借諸大夫一言志母兼貽不朽予小子乎諸大夫聞是言有泣下者因詳母狀系出太原之王氏其子歸猶箴之太翁時尚未笄相太翁力學曰士貴以文章得名耳止取青紫博富貴非丈夫也會太翁不祿即世遺藐孤方十餘齡即今猶箴也爾若焚箕四壁人鬼是居毋引刀自誓曰天乎使天不有是子吾何用生抑使天不使二人在堂吾又何用生於是躊躇於孤

兒老親之間欲死不能欲生不可志亦惜矣既而姑姒多方解慰乃焚香泣血曰但得吾子成名及雙親之著不匱吾少緩須臾正復有待也謂猶箴曰吾之不死為若也若能繼父未了之志他日得一命以報死者於地下吾願畢矣又泣慰二人曰媳之所以徒存以有遺孤耳二人庶其瞿瞿杖履祝嬰孺長進則死者猶生也於是課奴婢耕織固有懈於風雨紡車軋軋絡緯寒蠶相為斷續左右土絮瓦燈猶箴兀兀其下歷寒暑無輟蓋數十年如一日也亡何二白相繼告殞太夫人則為鬻釧釵易華琬含飲衣衾之費不敢以家計菲薄儉吾親於窀穸迄於今猶箴已貴坐念母節尚未邀九重之知

讀史亭文集卷七

王

意且聞二三大夫之言為此說以待輶軒之史

讀史亭文集卷七 終

讀史亭文集卷七 序六

王

記上

再遊衡山記

丁亥初登止并發祝融頂有記今夫

去集賢院不二里即為陳白沙胡文定二公讀書處各有屋數間略有樹不偉再即寧波橋上有巨石沒草中刻天下名山四字體何落晉史學遷書又有石沒草潭環道傍衝流而下直至御班橋乃取他道登山水聲甚激俱行石上橋左右石頗巨樹稱是御班橋而上數里舊有萬壽寺相傳宋徽宗遺蹟橋以得名夫徽宗北狩且其時都汴尚未南遷當從玉板橋為是耳橋上有

讀史亭文集卷八

顏菴一捧茶道人臃腫甚少憇水聲灑灑如碾雷人語咫尺不聞又上三里為半雲菴今其蹟存矣再上為小竹竿嶺菴僧種王瓜紅莧桃樹數十株道傍又上為大竹竿嶺鐵佛寺竹樹頗茂自嶺上望兩山傍密林叢生西為上火場其東下火場俱有僧舍其下東望林壑森陰聳秀客曰此紫蓋芙蓉諸峰其西則烟霞天柱諸峰苦無樹丹霞寺丹霞本南陽山名以苑人鄧天然曾棲其地故至今名焉餘則有詩記其事入寺飯僧種有黃豆甫結角此南方所未有四年過此有老人年九十餘今已沒化為異物予初遊衡山詩中有云黎明偶過丹霞寺九十忽逢嘉靖人蓋謂此也寺臺上望湘江盈盈

讀史亭文集卷八

如練凡四五支紆迴亂山記水經注言湘水帆隨湘轉望衡九面到此應轉一語曰登衡望湘湘水九轉惜不令酈道元見耳過丹霞寺而上一曲乃有大樹蔭道周湘南寺有巨泉液其下上書大觀趙岵題絕句一首名貫道泉字淡以寸古人好名殊不似今人草艸也玉簪花發寺簷下娟好可愛時羅克生攜雞酒觴客寺中有造香僧判木屑為粉凡數人自貫道泉而上石磴乃峻與人趾與坐者膝相撞稍上即南天門門皆石墻中乃病道人與夫牛飲山茶無算迤東百步外為飛來船船嵌空架兩石上首尾舳艫俱肖人行其下其南下臨無地岵石三層約圍十餘丈風吼簷簌簌人立其上毛髮皆寒此時方在三伏已似十月天岵藤如蛇虬相攫拏根盤石窟躍而上與石爭怒態開元裴雲鈞月四字寫魯公少為精道茅舍前芭蕉樹一株復西折又至南天門南天門為登祝融及入各山路口以丁亥冬曾一謁嶽未及入山看各禪林今以為恨此番願力專以中山茅坪九龍為主祝融乃其故物於是由南天門迤而西俱下山路路上老木扶疎溪聲如瀉瓶秋蟬虫響如急管繁絃淒切嘹唳迭進更番真是應接不暇漸離燕市之筑聞者泣下越石太原之笛鐵騎北走矣未幾即中山寺寺弘嚴偉岵三面皆楹綠碧相輝朱門白砌略如戚里竹大如椽可數千頭森森如壯士執戟列於階

下取水法用竹筒接山上水批其半通流又一竹直豎  
鑿其節以受灌而下復以一竹臥埋地中復通其內與  
前竹接滿躍而上又一豎竹貯而吐之徐引厨甕間法  
共用竹三節其東西皆豎立其中納藏於土水行地中  
其實行竹中匪夷所思矣飯畢飲月下倚徙堦前領略  
色籟是夜七月十五月上最遲為山所遮約可半天山  
不能藏月月來山間與樹石烟蘿搖曳相浸盪如空水  
晴雪澹冶難名覺涼氣襲人白露滾滾而下追憶曩昔  
廟前歛熱不可當如此境界咫尺錯過不無伊戚也北  
看祝融全為月魄所攝如徑寸珠貯冰壺中洞澈表裏  
絲理皆見是夜鄉僧空印即招住宿彼處以從客願衆

讀史亭文集卷八

三

憇於此夜半禪榻冷風水聲樹聲交度草窗如千輛車  
過如駱駝圖音洽駝鳴聲不可懸名一物因憶住山僧屢  
為予言山中六月每用絮被向乙酉客池州斜川山中  
同劉伯宗約登九華時方盛暑伯宗亦云撫今能無慨  
然次晨遊空印彼岍室室前朽樹作山數花點其上作  
醬豆二瓮曝日中僧城東溫姓自丁丑鄧城為張獻忠  
賊破後流落襄漢間出家於茲予丁亥分藩永州來晤  
戊子駐兵湘潭又來晤是時方冬賊氛暴至僧幾不免  
今談之猶堪色變茲乃得一瞰其精廬言念往昔如夢  
兼訊及故鄉親知為之愴感茶畢看樹王樹王者就衡  
山之樹而稱王也乃為榔樹僧以其膚外見呼為赤膊

榔北與祝融峰對可大十圍高亦可十餘丈在羣山中  
如巨人立羣小兒中跣足坦腹頽然自放意欲與祝融  
爭雄且不爭雄不止者自樹王往茅坪水樹各如前間  
行日中半崖懸崖業百丈私念若與夫錯拇則此身便  
為澗下石他日應傳故事將至茅坪僧偏袒執香躬迎  
道傍坐懸樓上層西窗外柚樹頂與窗平伸掌可摩然  
下去根又且不下十餘丈窗上聽水如在耳然此水實  
出對山坡陀去此蓋二里僧方發午鐘食大衆寺僧為  
予言寺舊為桂藩香火故今懸榜示皆定南王國易主  
矣門外野荔枝結果如渥丹約可摘數十斗午飯畢入  
九龍盆盆背祝融身西泉九道漣沫噴珠萬山皆響寺

讀史亭文集卷八

四

後一流猶巨吳僧寒濤談法華石橋凡五級乃進山門  
僧曰此九五之數也予曰若是則九龍旦夕且飛去矣  
坐橋上飲酌寒不能久耐輒罷去次日尋前路下山由  
下火場殊寂歷去此尺五為羅克生石浪居數石頗瑰  
偉如睡象齣齣未醒海棠牙石縫中與修竹爭茂一石  
平如掌闊以大計予謂克生曰此雲母屏也何以不華  
屋而空谷為外史曰衡山當以祝融為主而中山茅坪  
九龍三禪林次之予丁亥年既專謁祝融矣此菑雖欲  
不三禪林不得也三禪林者何居曰俱由南天門進進  
而西是曰祝融之麓與祝融親無如三者又聞僧言三  
禪林俱開自萬曆天啓之歲在明代始開山矣若唐宋

以來剝觀及名賢所經歷如昌黎開雲鄴侯讀書之處俱在山南如上火場下火場山之南路東西可望俱焚毀僧亦零落方廣路去此尚三十里舊傳林剝最盛亦敗於燹並未及遊然則南天門者楚漢之鴻溝也百年以前門外鼎盛百年以後門內崛起維山盛衰固亦氣數存焉雖然山之遺焉者多矣

### 湘行記

湘與瀟並著長沙而上統於三湘瀟不復名小臣於大不獨瀟矣湘之遊以七月十八日是日爲白露節亭午發舟風大作舟偏側簸水中浪礧旬砰時半醉反以爲快暮抵岢峨古祠下楮樹根半死赤膊挈雲猶二十餘

讀史集卷之六

五

丈鶴巢其頂是日始蟬鳴自四月抵長沙凡五閱月城中尚有木數株獨不聞此物聞此令人作家園想晨抵昭潭遙望山椒瓦屋數間雲鬟羅歷通體綠染極欲扶筇覽其勝復勿勿不果回颺枉渚行十餘里輒昏黑蘆中蚊如蟻螫慄慄甘人亘宵不寐次早風利耳邊微聞謾謾之聲兩岢山背如走馬萱蔻花盛開朱房紫葦綿君遷平仲間如結襦稱好合矣連卷案衍或如覆鐘如欹甌如百萬獼猴渴飲沙際接臂引附其猛者如六駭之搏豹爪牙怒張齧蹠駁獨不偉造物生此爲南岳作宿衛物無兩大顧不信歟同行多米船以飽邵粵健兒詢之長年自丞相駐星沙來三年於茲矣計漢建元中

出師嶺外用遏蠻方樓船伏波諸人罔不取徑於此則湘江一水固南北戰伐之喉也古之有事安南甌粵六詔牂牁間者潭其要術歟五代馬氏以茶鐵致富強小朝廷數十年與劉隱高季興等相終始又吳芮傳五世長沙定王徙春陵後徙南陽遂啟世祖不謂地氣不可也亂後居人渺間有頽垣蒼閭叢生遺民俱住山後秋雨晦時彌望櫺蠹惟見短狐夸猶屬玉飛鳴而已宋大夫曰悲哉秋之爲氣也此語施之於楚尤爲難堪舟中無酒筭致外無他物客况索甚獨其山靈眷戀雲物追隨自登舟來山未嘗頃刻離雨亦未嘗頃刻離安得謂山水無情哉水或清或濁如行河濟間解者曰清者近

讀史集卷之六

六

山細流與石帆水松相映帶久之汨矣總之是湘也岢無不山山無不樹樹爲枿櫚爲綿杙爲柅櫨楫榔樹無不鳥鳥爲鷓鴣爲孔翠爲山鴉其他猿父獼子不可殫述樹間有竹竹間有花花間有雜草碧者丹者聖者綠者玄者不辨何名亦不詳其性情或曰是王芻雷尼揭車射干之屬矣予曩庚寅自粵還開舟桂林由此過時隆冬坐小鬟擁一舴艋竟不知湘乃如此以廿五抵衡州噫予之負湘也久矣抑鄭道元曰瀟者清溪也如是則前云瀟湘二水或妄也

### 遊飛來峰記

是日晨起騎黃驃勒武林門西直抵昭慶寺謂青樵買

小舸貯鼓笋瓜卵諸物謀慧泉釀一瓶舟子策行歷數湖勝幾其一中獨不及飛來峰予乃指西山森邃有巒嵒某某舟子知不能匿具以告因撥棹向六橋取涂之從而致之茲是時方盛夏菡萏競裂紫莖綠房窻窻苞珠綽約便娟令人意迷過斷橋鼎足溪穴梁腋漿行急不及讀忽有雉戛戛突蘆葦間綺頸袞背丹沸叢篁去登岸半里遇老儒黃帽皂蓋踉蹌而來問其姓名南陽舊太守汪公予避齊魯亂來此居山麓下將二年矣予為惻動汪治宛多惠政予垂髫時及耳公名乃傾壺與之酌遙望樊鄴大書心喜欲狂蒼顏僧拉與之偕西行不數武水聲潺潺液丹崖綠壑間丈許孤塔衝北道立

黃孝文集卷八記上

七

予戒僧勿言然已知舍此當別無所為飛來峰者側身徑入石狎獐癭怒如不好客主人作要遮固拒狀度狹斜盈尋石乳浸浸漑沙決踵寒風衰颯栗人全不似五六月時忽一蟬喚絕杪伺之亦不見飛颺竦軀弄枝如投梭機上舞絙索間快哉鼠誰復易此者欲登絕巖殊榛蔽之西行有石洞自下望上罅隙蒼藹剛客尺天僧為予言數年前有採樵人悞墮者竟亦無恙出僧乃指前塔云是智果藏舍利處且言此石根因乃天竺小巔飛來者予不為辨太氏石之外互奇詭如寒玉古鐵以骨勝寸膚不著雖高偉尚不滿志然蒼鷹到此弭毛互猿臨而眩視矣巨靈老拳胚胎域外僧之言是也別去

入靈隱寺樹大數十圍捎雲礙日木魚響經聲出果愚稍進寺門石柱鐫貝文乃大宋南渡建者精楷如拭稍損筆確坐是愈增其古日斜曛前僧仍送予過石下得讀董思白楷額泉聲月色之句取進路歸攜酒盡矣與客入肆中酌大斗而散湖風清切後乃颺颺大作棹返蘇堤北舟裏荷葉中幾不能行久之乃得歸

### 齊山記

出郡城門遙望山色剛一握已行秦公堤湖草荒芊如烟有雜氏刈去云將朽以康田者如農夫之畔勿或數有孤磯跨湖中草樹茸茸如毛甚可亭負擔者髮揜映山紅花迤邐二里柳容澹冶旖旎如麗姝高眠微聞薌

黃孝文集卷八記上

八

澤觸人欲醉予既帶醒到此蓋時復一中之抵山址稍上見巨人跡長可盈尺淡涅石膚中以寸三兒慎甫五歲嬉其上能解語耀我下有洞苔蘚剝落風穴窸然出未及穿入客曰待下山時補遺筭時阿衮示趨捷先我輩往從下眎上目突勒意甚得再上為翠微亭與記翠微亭在齊山之巔殊可商此去山椒尚有百十步爾雅注山半為翠微建亭者固已得之與記訛襲耳因私念此山綠唐刺史齊映得名猶之廬山藉匡家兄弟以傳當其在周唐前不知幾千年如女子乃貞未字既遇二氏人遂以此歸之而二山亦聽焉今二氏安在哉山猶斷耳封髮瞿瞿焉為伊人稱未亡也山陰類地道也於

人倫為婦從一而終二山有焉又有洞在亭左口踞三老儒餐胡牀上塞我路笑曰此殆張公石笋耶取道下聞度曲聲數韻會鳴臂傳觴一少年藝赤履於側相羊躍綸若無人狀客曰此學秀兒殆肖子也予倦甚假寐脫扉中懷作酸生平苦酒此為最於山靈無緣不得淡交愴矣大氏此山以石勝石亦堅肥碧巖然少欹崿嵌空者樹復不滿人意李元方嘗刻石於有待巖謂齊山大小泉凡十一而半巖為勝巖辟之號凡十九而有待為大巖空之號凡十九而上清為最洞之號凡十四而潛虬尤清遠是日似都未見予遊謂何記以俟他日客為皖之張玉華以青葉業旅秀山門外當予輩躑躅石橋悵登山侶斯人應諾而往談九華甚劇山中曲折皆知之噫是豈賣藥之人哉

### 杏花村記

舊址去城可二里猶是郊垌也繁以村名殊不類往有亭今為弁餅斧以克薪屑礫班班石砌似兩月內事上有額模古杏花村四字欹側頽垣間如醉客搖曳欲臥杜公刺史秋浦時故城固不在此耶抑公之以九日登齊山也賦詩峰巔有曰江涵秋影鴈初飛與客攜壺上翠微是曰翠微亭今其亭乃在山腰父老相承沿革舛互而又何疑於茲村乎母亦據撫故實家意存景仰往往於昔賢風緊流連之跡不於其情遽而偏於九達焉

取償之亦是一病獨其所云古者則固不必有疑於今已先是由秀山門行窪塍芊草中茗戰三聖菴淡菁作壁白松滿畦日氣茶烟沈簷篆午殆不知身之為客也已入古佛寺松杉無數多百年間物濤沸雷輶悵啼狐嘯森森栗人肌骨理池王孫較閱戟臺距茲尺五禮佛出乃得一看是役也杏花村為主殆始終於三聖菴已

### 湘山寺記

寺為無量壽佛道場在全州西郭外自湘北涯緣山根行見山龍從而施剏如蹲象如臥龜如螭蛟相怒攫如鸞鳳翔如懸閣遺構絕壁嶽嶽欲下為勢不一大約山之以骨勝無如此者行石砌可一里入寺門甬道光滑

平潤遙望棟宇氣槩雄整想見香火盛時奔走如流泉千官晚仗列戟建章宮耳妙明塔在殿後最高處夾道蓬蒿穢蕪無虫聲草穎交响東西兩廊各一弓二門豐碑如林飛閣淡紅遶山腰佛堂穹窿幢幡綖旛稍後即為前塔塢下為無量壽佛遺骸黃袍漆面軀貌甚偉皮燈光煜煜危坐頰首撮笠銜額如欲落者千年於茲矣按內典佛出唐武皇時幸不在鳳翔恐昇入大內為潮州刺史增價耳登塔甫三層風颯颯來木葉黃者丹者不知何樹不及上下坐樓間茶與僧語念十年兵火彌天燄劫金石火化惟此老殼得免焚割詎不謂佛力廣大哉且皇帝制世服色丕變縹流乃不改舊觀人亦有言

出輪迴之外者是耶非耶九江以南沿湘山無加於金者永州乃獨以柳子厚得名無量佛不得而爭之此又文人習氣所以終墮黨人與毀佛之昌黎同一機杼而不悟也順治七年庚寅十月初五隨定南王入粵札營城西之五里帳中記其事

### 遊九仙觀記

觀在嶽廟北十里靡迤北折行田塍溪流間蜿蜒磴确不可逕西望嶽峰歷歷都可數但不見祝融爲近巒環拱最高者反失所在若是千里內則所見惟祝融耳北望水簾洞瀑布自頂飛下皚皚方畝如積雪如層氷與石相逼砢砢作霹靂聲震栗之氣射人百步外熱客到

讀李太史集卷八記上

十

此如對玉壺道士爲言是爲朱陵洞天鑄瀑水石上爲水所激濺不知若干年字形楷模固無恙時日正午溽暑方熾未及遊不數武入夾道兩山皆峭壁中通一線道礪礪皆石子平溜而下可二丈無齒級乃下鞍扶肩而行將至觀猶不見觀北林深處茅屋數椽意中欲定爲觀殊不類兒子始起已策馬先馳觀門投鞭樹下予乃悟觀方在西隅短松修竹蒨蒨芊芊時乃七月秋桃約數十株纂纂將熟山門前碧塘泓然荷葉如蓋荳架麻圃俱開花娟嬈可愛入座道人乃以山蔬白酒飯啖客抵下春道人爲言此間查不減郡邑前鄉僧爲我言山中無查者何妄也抵暮即堅臥帳中聊避其鋒漏甫

讀李太史集卷八記上

三

下雷雨大作列缺煜煜照屋壁瓔珞葆羽皆見予私儼此物定當退舍披衣而起看山中夜氣簷風殊厲汗體不可當復寢次晨與霽異常時道士策杖引看懸崖在觀西南趾草露未晞朝嗽瞰靄懷新可佳洞裏可容十笏石乳滴下如簷溜約略似鈎鈎朝陽洞之類而讓其大前此埋沒幾千載逢今乃開生面道士又爲予言此觀肇於唐曲江張九齡遊後名乃滋盛今九仙壇石乃九仙飛昇之處見道藏與名山誌又其石槽石牀俱有宋元年號真蹟而樞密院學士孫沔題額字畫飛動猶道逸流泉潺潺自觀東北角來繞菜畦瓜棚而行嗚咽不去先名爲剗石作方孟淵之斧薪作養不費汲綆殆

### 遊慶祥寺記

寺在鄧正西四十里東面文水河有石梁甚壯明高祖唐藩王孫建梁之西有古槐二株幹可十餘圍蔭方畝

下舊有茶菴今圯遙而北折即山門壁半啣於水門內有銀杏樹其一高五丈不結實一可二丈餘結果如顆蒜纂纂與枝葉相虧蔽老僧云此是一雌一雄每微風扇動花氣薰蒸則成實果中之有匹偶者大類禽經所云鴛鴦之類以目交矣稍上檜柏如柱紫微參其下根發石階下如巨蟒膚如赤膊無皮人爪之以驗其動靜全體皆簌簌欲舞予向年遊此有句云紫微知痛癢銀杏有雌雄蓋謂此也佛殿三層在昔二十年前金碧琳瑯近經兵燹僧生死去住靡常稍殘缺不復舊觀矣住持朗然爲我言曩遊南海及閉關隨叢山中事甚悉然脚齒衰不復能遊多應老死此山中耳意味凄然予聞

讀李太史集卷之四

十三

此言而感焉自念二十年來碌碌風塵無晷刻暇流徙亂離周回萬里今日得以投閒之身營老菴裏方自怡快何僧言之柄鑿也語未闌陳敬盤攜麥釀一大甕呼蘆筒飲之予爲諸生時麥秋里社慣多此物爾時年少豪於飲一日或兩三醉以冷水盥其面即解以爲常自宦遊後不睹此久矣因與敬盤復一大醉時將夜半坐佛基上見星辰歷歷可數鷓鴣鳴鳴者俗言榨油郎一名鳳凰阜隸四五月間夜鳴村樹一名夏雞凡所巢處不許其類更巢蓋隼類也尤惡鷓鴣阜鷓諸惡鳥呼羣逐之不懼誠羽族中解多矣於沙門護法最宜晨起盤桓緣壁上青晴沙回谿頭淙淙風醒未即醒僧爲談

寺往事指石梁獻曰此唐敬王布施凡費萬七千金僧祖譚性守其成先是王無子會一日王坐堂皇見此僧袈裟杖履入端門竟入宮問之不答未幾聞者報後宮某宜男矣是爲端王享國最久此事載皇明小說中可見果報之說非盡荒唐唐僧乃爲泣下曰君不見此穹窿如虹者橋乎今王孫舊邸化爲灰劫咸陽鹿走姑蘇臺空古今同歎而不能與國君俱亡有如此橋則在當日安知不以爲無用而聊復爲之孰知天步雖改細物常存後人猶得指名之曰此唐藩橋也橋一日而在是唐藩子孫所借之以傳也且橋至此百五十年矣老衲相傳凡三經水厄甲午爲甚乃有數板落水中者繼此而

讀李太史集卷之四

十四

興之豈止爲一橋哉予曰志之此一說可以存慶祥矣

#### 叔度園小記

叔度別業在白水之壩距郡城三十五里屋東有古橡數十本虧雲蔽日枯枝老硬如龍虎骨斑鳩蒼鷺巢其上喧騰殷殷人語近不聞皮幹溜雨積霜蝕銅土鐵輪困可四十圍是三百外物無疑迤而北多小塘隔籬即菜畦綠縹爭茂青槐兩株復不減前樹陰陰作車蓋井一枚百步外聽轆轤之聲令人作灌園想稍西折入門琅玕森邃有紅花綿結枯柏上高可二三丈爲赤黃色如芙蓉如槿如紫荊不可名叔度曰凌霄花也予猶不謂然疑是祝融峰下石壁秋海棠爲善攫者移來明

聖湖上飛來峰安知不是天竺國一小嶺諸雜花稱是紅蓼尤奇叔度曰此非水族當別是一種以待考書幌皆精絕案有銅餅古色蒼鬱不辨其為何代或曰漢諸陵中物或曰秦政驪山下所藏者千年為金銀水晶之氣所攝本質盡矣指以為銅恐不受予曰叔度藏之神物當自有知者異時波斯胡賈片颿從海上來攜方物入貢叔度出此以質之是燕昭買駿之日也

### 東郭看桃花記

鄧昔稱桃花國也自癸酉寇亂且廿年頓擗荒餘種桃人無復在者城東隅逼湍河土黃墳坐河孺居民稍有存者老樹婆娑逢春輒發含香泣露紅霧羅披遊人馬

讀李本集卷之九

十五

上見之魂醉然俗物敗人意者花亦路人遇之輒無他奇一日刺史陳頑龍自郡城來謂我有挑花在某塢距河半里為訂花期舉網獲細鱗數枚攜釀一瓮往觀三里外望之輒癡忽見殘籬梨花數株如號國夫人蛾眉淡掃開且落落且欲盡予為策杖問之曰是不與桃花爭妍者也不幸與之同時素魂寧馨熟客不問為之歎息乃少坐招提中茗已返轡渡河未至百步有美人袿服靚粧珊珊來遲報客曰幸托弱質流落荒干鉛華將謝老去誰憐不意明公嗟焉念及惠我光塵言既淚下血痕在衣客曰此處何得有人予與客相顧恍惚忽失所在宅曰此非王弼之塚則干寶傳中父婢之墓也

鬼物哉良久與客下馬展瓊徜徉其下挑約略百餘株開落如前所見梨花刺史與予不能作一語意蓋為桃花所攝醉而歸夕陽在馬首間矣同遊者為錢塘沈國菁大梁賀人龍刺史名丹淮人也

### 大水記

水發析鄭以後六月十八夜至臨湍城乃倡尋出岍四奔南佐以刁河猛迅過之平明西城遙望彌數十里勢欲粘天略辨村樹人家結短筏木渾巢其上繫老樹或立危墻高塚號咷之聲與澎湃相聞牛馬野豕鹿裏波浪中枯槎腐薪俱下人家京抵撞無遺間存者墮泥沙中不可食瓦屋皆飛無完堵閱三四日水猶沒人腰

讀李本集卷之九

十六

婦子抱樹根啼無釜甑處先是西城石橋為水啗如怒龍蜿蜒爭傳石板片片而下如落葉頃刻盡矣聞長年宿河下者云是夜三鼓陰雲驟變中見上流如巨人可二三丈高列火如炬又如曙星拖白練如長虹橫亘而來或以為水頭或以為龍神夢中驚愕不辨何物乃反顧昨宵舊岍舳舻已在樹杪聞之長老言自崇禎壬申此水再見矣順治十年再六月二十二聊為小記記之書畢復大雨如注

### 獅洞記

從湘山寺左披登山石磴盤曲竹尾松鬣連蔭道周從東岐得慈慧菴菴前茶樹枇杷各帶娟膩掠客後園松

蔬約百本南方少此因想見家園呼僕挹山泉煮菜汁  
嚼之門人向日葵供胡餅堪一飽北驅一再轉乃見獅  
洞殿剝嶮岬錯立碧髯映林谷跨馬行簷簷中楓葉微  
醉拾級數武乃登閣穿閣入乃觀所爲洞者魁然者石  
耳一穴豁豁欲吞衆山殿閣適梗其喉口中乃傳甕瑩  
潔如掃有鼻孔上見天吐舌蜿蜒數尺東炬小門僂僂  
乃得進濶然如一間屋時衆客已入獅子腹中腹中乃  
見水乳石二座結成佛像酷肖佛亦在腹中距無量洞  
天不遠笑謂此豈舍利藏身處耶冷甚不能耐乃出與  
衆客撫掌大笑過望幾不免獅子口哉沿壁看題署與  
其歲月若東角樓遺有龍眼殼念是定南王昨日舊遊  
處大殿俯前崖顛側欲墮爐火烟寒唯聞山中亂響壑  
濤作怒學獅子吼而已客爲粵臬司王鼎鹽中州禹峰  
某記

鳳凰山記

乙酉二月廿七泊舟此山之隈晨與風遂厲舟子告不  
可行復一意待王九玉日且亭午蓬軒遙看山色茸茸  
僕人遂藉他舟陟西岬山在東不欲易竟也行市中時  
雨初霽潭沒人趾見魑髻貌渥漆作縛袴狀溷渠阮石  
道之左右爰登舴舺得石梯即上山路多松根斧痕猶  
溼木梯錯石蕊間凝悵久之東望孤磯立江中即震宇  
記所載板子磯是也一名反秦粉堞隱雄關其上私念

是昨渡曾經地幾失之今得一爲領略目應無詛吾脛  
東南一山腋林木甚蔥菁青碧欲溼人衣百步外其近  
磯者似墟落樹皆蒼疎如冬宗生族盤不辨何種大似  
井州二月時登絕巖乃有松二三株此山差威儀坐是  
然不能爲此山保已日洗漾與江相射魚舳可數十織  
紅波客曰此俱網河豚時春月甚珍之能以身殺人者  
也按本草一名鱖鯪但用菰菜萋蒿荻茅三物煮之亦  
未見殺人者土人固應解之委蛇叢篁見一夫控候露  
田風起蘋末予謂客曰妖姬頑童冰綃霧縠飲烽嚙鼓  
風生火山客曰雀舌雞骨白苧竹枝鼠藤鹿藿雨菰日  
笠維時九玉哈哈笑曰前說近壯後說近幽壯苦喧幽  
苦寂我則衷之時嵒嶺從北道下見二人晉巾碧錦四  
春核飲酒右數武乃得菴甫入門聞碁聲髣髴子瞻在  
白鶴觀九玉阿郎八歲如小猱綠石筍上折桃花一枝  
歸

遊巾紫峰小記

歲在戊戌正月十六日僧諾諾爲予言巾紫峰之勝訂  
遊侶若干騎驟穿衡山城內出望岳門門墳起傳爲昌  
黎開雲處門外市屋聯綴歷歷如星置虎落雞棲花指  
子疊疊或臥或喧逐不一處人屋角種葱蔬南方霜力  
薄厥類繁殖似北方三月時西南半里即山麓石梯層  
疊盤紆夾道多長松山腰風甚厲望湘江如帶城如弓

烟林巒嶂如小兒痘疹砒砒然又如陣雲輪囷疑有精甲  
百萬藏山谷間欲出山頂爲真武觀觀三極僧寮湫隘  
僧燒山栗煨芋懸榻炭穴中吳衲破門吟一絕予以寒  
疾初愈憊不及和下山尋舊路兩肝酸痛若不勝軀手  
拊奚童著狐裘墜然而下坐輿中夕陽在石壁間矣同  
遊者爲閩之黃抑公衡協高將軍及前僧諸人禹峰曰  
巾紫峰者衡岳七十二峰之一也予自丁亥遊楚至此  
凡十二年住清涼寺最久初不知所爲巾紫峰也知之  
自諾諾始即以諾諾爲此峰五丁可矣

### 柳東桂陽小記

柳四面皆山東尤劇至羅漢嶺斗絕橫亘霸此山嶺半

讀峯臺集卷八記上

十九

東望烟霧蒼茫疑有百萬騎竄其下俯察之則柔蕪如  
掌田畝歷歷如楸枰局一溪澌洄如練紅樹渥丹瀰漫  
川谷憶曩年癸未未走太行出青山峽纔出山門遙望共  
城一帶騰騰白雲芊眠無際久山者忽見平壤如遊子  
歸故鄉如行窮漠海外忽見中國人則大喜過望至赤  
石司夕陽殘霞萬山如醉新月出東山下峰巒可數桃  
花嶺無甚異至文明司山復怒作態如羅漢嶺而詭譎  
過之坐筍輿緣猴路行陟澗上殊不堪下視令人魄慄  
石稜如劒戟古木槎枒但聞亂石流水潺潺作聲急管  
與簾疏越玲瓏密蔭重匝樹如巨蟒疑鬼欲出呼之或  
走上則輿人脰擔車者頷下則車者兩手如握槩兩跗

鐵立厥躬如壁竊意用力苦於負者十步一折塲五步  
一斷橋曰七里坑曰八里隄立名不雅馴不足記記其  
險陜軋茁而已山前後皆徭居抄勇喜鬪負藥弩長竿  
數百羅拜馬前今皆爲我用捲脣一沸山石皆裂離桂  
二十里復見籬落屋甚偉面水一曲石頭伸出如虎豹  
薄如鼉鼉現身隔岬爲太保里坊額儼雅在空山中里  
人榮之事在明代成化太保姓朱名英兩爲秦粵制府  
見國史云禹峰曰山以險著曰蜀道曰孟門曰井陘衡  
以南不著焉非不著也大江以北爲英雄王霸所必爭  
之地戎馬戰塲人耳而目之故險焉桂居楚南炎荒之  
微名王起以省郡爲向背甲馬將相不至故險不及焉  
然則桂陽山亦不幸而不生中原齊魯其險不著止以  
產仙佛見長也亦不得已哉

### 桂陽西石洞記

讀峯臺集卷八記上

二十

洞在邑西十五里官道南二弓遠望之層氷戟戟如雪  
山石逗青霽中由石徑盤屈而上磬礧礧苔滑履不  
任受抵洞口仰視皆甃砌爲雉堞形旁一小扉扁鑰甚  
固洞人他出僕子有力者手大石斧之久乃敢燃炬入  
即聞中暗泉瀉瀉如瀉巨甕堞牖寬豁可容二千許人  
光透入可看半里上懸石乳如蜂房下垂大者如金剛  
杵再大者如車輪皆乾燥下流水潺潺如促織鳴如搖  
環珮上下左右可二丈深不知其幾里水源巖委與之

俱聞山下人言土人避兵其中約略貯數萬人牛馬雞豚諸雜物稱是二里外復有兩門皆外狹而中濶數折然後達洞身即無人守外亦不能入為山澤通氣洞中以為室家恃此也三里外水啣石為澤距數丈必假小舟然後渡厥溪無際前讀貴州印報云王師克某洞中有大舟三隻初以為異觀此世人多可少怪見駱駝以為馬腫背豈不固哉洞中遺穗陳倉柴床竹籬狼戾兩崖下皆亂後人去所餘者因思此中若乘鼎革不出但多積貯其中老且死何必都聚哉顧天下無常不見天日之人故入者出之此山遠近百餘里恃以為長城賊去則甌脫之間兩桂間如此者尚有數處為猺民祖業

讀李太僕集卷八

五

則不復以我法治之歷運會陵谷而不知有兵革之事者也由是觀之楚以南山川遠與綿結到處是武陵源今之世豈無有不知晉魏其人者則此物無怪也又山民為予言此洞在成化中邑中丞朱英疏事用緝以備不虞去此十步廟門石刻云元人避亂之所推而上可知矣然則桂陽當東南楚尾扼江嶺之喉為閩粵右臂中州山川平易羊眠殺伐之氣至此且終若大亂值英雄逐鹿時中原為血國天若不生此等洞壑於噴沓巖壑中為子遺寄生之鄉則人類無遺種是大造之不仁也恐天地之奇有不盡於此者予為此說亦猶洞中之見也同遊者郭師古二子始起始騫遊擊楊一光也

### 沅撫軍古柏記

今皇御宇之十五年王師三路進取雲貴南楚撫軍袁公帥四將軍開武靖沅州則沅州之開自袁撫軍始也沅舊為撫軍治所榮戟所駐綰轂四省兵燹後朱堯麓牙化為瓦礫一草一木非復舊觀撫軍至芟除蕪穢丹堊聿新廳事東偏有古柏一株銅幹鐵膚如虬龍攫拳矗矗于雲顧而異之會方治兵滇黔軍書旁午往來驛使一切飛輓士馬繼屬不絕於道倉猝無須臾之暇與賓客偃仰其下歲在庚子余以朱陵兵巡奉滇藩檄過沅謁公且宿叨公知三年於茲矣公適飲後堂歡留彌日時仲夏廿七日也坐中因及地方險隘及山川風物

讀李太僕集卷八

五

約略舉似以恣劇談公指東近墅曰此中有古柏一株距此尺有咫曷一往觀之此千百年物也余隨公步趨東廊外果見古柏如前所云因為公觴其下審諦良久不知何代大約自有沅以來便有此柏或柏在前而沅名居後亦不可知則為醇酒而問之曰昔張儀為秦脇楚黔中地今為沅幅幘幾何且此地舊屬黔後為楚莊王孫躋據而有之遂稱楚果在何年又尚書所稱七旬有苗格今之苗壘見係何處且漢伏波及唐柳節度諸人俱立功此地照耀史冊當時從何處進兵何處戡擒柏耶為我言之於是袁公浮余大白曰此事固應柏知之耳當為我記之且以賀此柏之遭也乃援筆為之記

歌曰維沅有芷今又有柏虧斗蔽日今氣蕭瑟南望邵陵今名伯有棠讀三閭之遺書今蘭蕙在湘此柏爲之中立今乃柱石乎南楚惟撫軍之威德今彼銅柱乎是友

讀史亭文集卷八終

讀史亭文集卷八終

五

讀史亭文集卷九

南陽彭而述馬

記中

遊浯溪記

已亥六月余以校士卒入祁會分藩關東胡公亦至訂遊浯溪公飭行廚治酒茗先之肩輿出南門邑新突瓦礫焦爛人處煤炭間沿湘西行岨多苦竹虎茨人家煙蘿中種胡麻未綿大似江北風土時天亢陽汚邪龜拆塵沙滿面可五里對岨石壁嶙峋下俯碧潭山勢鉤連或如斷環如渴猊洲石作虎豹牛羊形厥狀殊詭與夫曰浯溪也甫至長年具小舸艤北岨待久矣邑令燕山孫兼符導而前水面可二弓躡衣上不數武即見磨崖碑碑非碑也崖也高二丈濶如之上書元道州中興頌顏魯公書石字大如桴斗威重難犯如細柳之軍中有十字磨滅漫漶時久搨者衆碑四面皆有小碑碑亦崖極多南宋及大元時題額大都瑣細潦草鮮佳者倘石有知望中興碑汗浹踵矣低徊久之攬身石硤南向東折復北面從石梯上得窪尊亭亭新創四楹傑立風來欲飛去余及二三遊侶酒其中看窪尊形如白爲牧兒石子時杵似新鑿者亭東南嶺樹虧蔽不及遠望惟西北堪遙睇下瞰可數十丈山骨戍削令人目眩因憶古來帝王盛德大業必歌頌垂之金石以彰不朽茲巉然

巖懸者非天寶遺事乎嘗讀史見唐家天子以出幸爲家法自玄宗始也其後幸陝幸奉天幸涇源而唐祚以移故以靈武而言中興則中興之變也道州詩中有頌而無規是一恨也毋亦哀定微詞漫郎故宜云爾乎至魯公以希烈之變抗節不屈與張許爭烈其人自足千古况重之絕筆耶嗟乎靈武已矣漁陽之羯鼓已息馬嵬之香魂久散晉陽舊業已付斷燼寒煙不可復認識矣而南楚荒微山角水涯之間尚有巋然片石蛟螭糾盤經千年風雨不散爲墨人騷客臨摹傳流於天下後世之書愧雲屏欽爲璠璣今後之觀者感慨歎歎如遊天寶之世則文字之所關誠大於帝王曆數哉如是則

情定事定後

三

中興頌曷可已也四坐客慨然不樂謂予曰登臨之際興會之所乘也古興亡不一國止有江山無恙耳君何見之晚乎予亦不復置辯爲作下山計矣從舊路西趾大樹蔭畝腰如巨蟒遷而西又轉一臺得佛寺中種茄瓜有石柱鐫云是道州舊宅因顏書前人並立二公祠今貯金仙不爲二公有矣出門東行魁丘墳起暗泉潺湲雜木蔥護微逗石梁僧曰此即涪溪殊不稱其志氣天已暮遂登舟歸同遊者爲關東胡公養忠潯陽孫令斌予二子騫奮隨侍其約遊未果者孝昌戴生天恩也

### 飛雲洞記

黔山多童樹不及寸石亦頑自沉入鎮遠可四五百里

皆然疑黔山止此矣偶鎮遠北道傍忽見山半壁如墻堵百仞蟬岫色態青綠結陣而來馬上神旺同遊者曰此即前所云飛雲洞也嶽嶽歷落萬山飛動予驚悟曰何奇怪乃爾城濮之役一戰而霸何求多爲先登者呼曰此中大有物盍先內而後外爲拾級而登朱門照耀時官題棹折而上有巨象一軀可十餘圍自山椒頰身下捲鼻與簷牙相闕雌雄未決若有待者又晉一階爲平臺爽塏如飛樓數間濶可數丈下臨絕壑有石欄爲遮欄外三峰肺石鼎峙山額溢出飛檄四蔽懸瓠下垂乃族光怪樓中左右壁大且瓌者如陣雲戰馬劍戟相列如怒獅搏豹有鳳翔者有鸞舞者其慧且黠者如獼

情定事定後

三

猴數百累索引手飲澗下如鼯鼯跳躍追逐木末如鸞鳥愁胡攢身欲動其樸而定者爲甌爲釜爲尊彝爲胎銅爲珊瑚或族荇藻或結芝蘭或圓若璧或半若珪種種不可思議洞中兼而有之嗟乎此明堂考王會圖也又折而右有巨蟒塞路猙獰矯首而出石梯再下數武又有一小洞水潺潺流出石乳亂下其詭譎欲過之聞此中二三年大水湧出輒出龍一枚以爲常噫龍神物洞龍宮也變化不測故應爾爾易曰雲從龍非誣也寒神酸骨不可久留尋前路下審視門外半壁大約與門內所見相勝不相學難爲兄弟石唇掀舉窅然宮然乃仰觀門前古柏高四十丈磐錯離奇似在漢孝武以前

唐蒙相如所未見者與柏正對山腰飛泉一股瀉瓶而下不雲而雨灌田無算旁渟爲古潭愴恍若失久之然後始悟黔山之童石之頑蓋有由來殆此洞之故乎此洞尤物足以奪造化之巧罄天地之藏矣彼山靈者尚有餘力以飾諸山哉昔夜郎王謂漢使者孰與漢大即此一洞觀之誠哉是言又予嘗思扶輿精靈所鍾不在人則在物黔中地自莊騫關以王滇誕爲名賢供上國之用者絕少爲此洞所奪無足怪者吾行天下多矣洞之奇未有如此者抑何偏生此於荒陬蠻裔之鄉乎若置此在中原五嶽間爲人耳目近玩反不奇矣抑玉者不貴異物宜秦漢以前之君棄而弗取也嗟乎自孫渠負固黔滇萬里隔聲教之外者十有五年矣今六師式廓盡有西南之地此洞欲自外於天地之間有所不能雖然此洞不見中國人久矣又頗怪見之而不爲異與夫不能傳者則洞亦有幸不幸焉也路經平越乃檢篋中是作質之少叅徐公太守喻公鐫之片石附洞不朽用勅山靈自愛時二子始騫隨侍並記

### 桂陽山行記

桂陽城在四山脚下中有泉四十八東一峰尤聳浮屠冠其上日暮陟顛古刹頽然西望一小山爲芙蓉峰云是蜀將趙雲屯軍處按吳蜀分地以湘水爲界桂陽州先蜀而後吳城內流水滂滄四出家門巷碧玉環憂

復多暗泉響覆草敗瓦間荒寒寂歷不似城中矣出南門見平田千畝穰實垂垂朝風婀娜芳烈襲人令人作太平想詢之則城中泉所灌也路俱石砌不任馬蹄兩岸蒨蒼狹不盈尺五步六步一折如蛇盤如蚰蜒路肩輿隨路紆迴車上人作苦覺倍輿臺下則入雲根多斷橋上則遊木末升絕壁到處是獼猴宅也石大者高濶數十丈小者如拳如胡桃怒者如象搏如獅子奔喜者如狶卧如群狗嬉又有如長大將軍兜鍪披鎧握槊相聞又有如美人遙睇約相待者數弓輒得一泉或咫尺三五泉山民處此雖風魃不能死因悟東南澤國不止左洞庭右彭蠡與夫三湘五溪也自衡而東桂陽南地無寸不山山無寸不水水或在山趾或又在山腰或在山背或在山腦如人之有血與山周流山不童水不腐大河以北太行王屋山非不偉石多敦龐材木不生甚之竟無一毛無他水少故耳推而廣之百粵閩閩諸國可作是觀已亥七月臨武署中記

### 桂陽遊記

昔人論建都云天下常山蛇陣也關中首也洛陽腹也吳越江南足也未有足而可以舉肩背者吾論山水亦然人盈尺之面眼有淚鼻有泗口有涎有時而出無幾也其便溺二道俱屬下部故東南爲天地之尾閭焉桂陽其小者也吾久行桂陽山中忽作一想以爲今之天

下猶是禹貢九州也九州惟荆揚梁在中國南其六州  
名山大川封內嶽瀆皆有名字或千里而一石或百里  
而一水中則眠芊如掌空濶無際故為萬國朝宗之所  
帝王聖賢生焉有英雄起必以中原為戰場登曆數大  
江南置之而已尚書懲荆國風絕楚吳越不入盟會聖  
人之意不事遠略亦可見矣吾觀楚國洞庭以南自衡  
山而外湘東即連郴桂萬山砢礪綿結橫亘殆無隙地  
其民傍山陬水涯而居與猺獞苗頑雜處其人騎單脚  
馬乘筍輿畜鵝鴨織葛績蒲種稻火耕水耨歲止一穀  
其土產金鐵連錫丹漆材木竹箭之屬故聖人羈縻南  
不盡衡山意謂此也自秦漢以後好事諸君始開五嶺

讀史考卷九

五

通百粵置滄海珠崖諸郡啟牂牁六詔下西南夷而荆  
揚梁三州始多事矣其先號為三州者大都有其邊幅  
納其貢賦未如後世之遠且大也吾觀楚南山川巉峭  
汪穢非人所居遊子乘肩輿急行不一舍上若如斯  
蟻緣壁而行下視邃谷唯恐墜下者沿若若之亂龍胸  
臆相結隊四望不見半箭之地如行牆堵中雖有飛騎  
到此化為驚駘山民則出藥弩懸於長坡可以得志宜  
乎為帝王之所唾也且山川雖阻內無平壤可以托國  
昔五季之亂劉隱據嶺南馬殷據長沙高賴子據荊州  
錢鏐王審知諸人據吳閩不再傳而旋失則荆揚之域  
猶不如梁益之險也由是言之則蜀猶可用哉因記桂

陽之行并及之竊附於陳同甫之論形勢云

### 遊嶽麓記

已亥十月二十日亂湘行沙界中皚如霜如殼可三里  
躡細流得西岬衰草蓬蓬僅得路距岬五步石表穹然  
上書嶽麓書院蝕略有字形乘肩輿渡危橋甫三里古  
木十餘本可蔽畝石級參差躡而上頽然四壁者再中  
庭壁有短碣鐫宋儒諸理學格言最上朱張二公祠祠  
亦燕是日同郡守蔣公新是堂諸公酒其中鼓吹之樂  
酣登山背憩八卦亭又陟絕巘得小屋如困覆禹碑碑  
訕螭披拏古氣肅魂魄為嶽麓永鎮衡祝融峰亦有之  
疑禹畱此神物為山壽考否則山且化去矣望長沙城

讀史考卷九

七

粉堞委宛不盈掬中有破邸朱門照雜夕陽間人煙數  
點蒼蒼如鮮痕惜不見盛時十萬戶也望西南小山作  
傀儡微茫綿結無際日下春微見小溝映籬舍或鬱林  
殷賑不可見也迤南山顛為真武祠祠俯瞰郡城亦如  
前予曩客幕府同王御史佐吉郎中允迪張僉事武烈  
諸公遊題有二絕今半存矣小憩其中扶異奴由東北  
面下得陡澗陰森萬鬼搏人謾謾瀟瀟殘葉敗籜填堙  
舊路出澗走數武復見茅屋有浙僧在此說法路偏側  
不任履亦不任車馬五步一跌喘甫定得平壤詢道林  
遺趾不可考乃觀所為李邕碑者碑在書院路南殘缺  
者十之二書似摹聖教序想見唐家一代書祖貞觀太

宗珍重右軍景帖以傳今空山野煙猶有存者同文之盛千載可想未幾仍合書院來路力倦且暮因騎馬歸禹峰曰吾遊此再矣前此未暇記繼因攝篆長沙有聿新之役碑之矣而未盡也按書院始宋開寶中郡守朱洞建李允則周式二公請於朝為藏書所錫以今名歷紹興燬迄乾道中安撫劉洪菁焉孝宗時南軒晦菴兩先生會講地當時學者至千人田五千頃舍至百餘間又廢三百年至明弘治中再建四明陳綱王瑄楊茂元實尸之自弘治迄今已亥又百餘年矣力復舊觀勿墮先緒郡守同事諸公實有力焉珥筆記事予小子豈敢後諸附記於此以補前碑之略則此遊非遊也仍是記

書院也

### 飛山記

戊子黔陽之役道經靖州破賊城西門外見飛山之奇欲一遊覽未果迄今十三年歲庚子仲夏以滇藩役復借道於靖故人高將軍楊太守約飛山之遊是月十九日癸卯初霽同諸君往觀行田遂中可十里即抵山麓山四面石壁鐵立自成輪郭平濶數十里凹內忽起二峰斗絕挿漢惟山南一路可達石砌鱗次嶢峒不任馬蹄以肩輿又不任乃徒步前導而上大抵無慮二弓一折凡十餘折得亭亭半頽又折得泉泉山腰迸下又上再得亭亭三楹有大樹數十本離奇蔽虧行者憩焉又

東折旋又北乃得玉皇殿是山圩頂處也上下殿東西廊階除林園如村落原隰瀾瀾流水潏潏羽人耕牧其上東角一剎竹樹尤美叢桂大如輪距此尚五六里與步兼行得虛館簷牕辭碧多題額鮮佳者再上得三天門距頂猶百餘仞狹險不可登矣予與將軍止其下州守與同遊者或至或不至風高天空萬壑竄然耳邊如聞獵獵之聲四體生粟州守竟陟絕頂及捨身石上掉臂回翔隨風遂欲飛去亭下望之魂悸予笑謂將軍君常將兵數萬先登破敵未嘗心動竟不登飛山絕頂勇怯何似將軍歎曰戰場易與耳為坐三天門上遙瞻近觀約如千辦蓮花青碧一色不可窮際環郭秧梗溝洫

如繡段如楸枰局缺月連鈎不一狀江南火耕水耨民亦勞止大約八九皆山田居一耳將軍指西南諸峰謂予曰昨者黎苗梗化奉使者檄介馬行間崎嶇數百里渠帥卉服烏言生食獐鹿多毒弩藥物之屬犯我顏行幸一鼓下之中有馬伏波及諸葛二公碑何歟予曰以地理考之是也予按東漢之季五溪蠻反世祖命馬援征之時年已六十二據鞍顧盼遂定五溪之亂今會同有雄溪即衆水所會因地得名矣按伏波征南凡兩見一在嶺外謂女子徵側徵貳最後乃有此行史所稱鑠鏖是翁謂此役也諸葛輔幼主定鼎益州雍闓之亂先定南中而後北定中原南中者合今之滇黔而言二

國唇齒滇既亂黔應之掄縱之烈所謂南人不復反者此其聲靈所及乎前事者後事之師也二公功德在人苗民猶且思之則為酌酒鳴將軍太守曰三苗負固三代不臣書記千羽今上御極十五年前戰伐之場而滇黔始為我有此黎靖一塊土固三年前戰伐之場而滇黔之喉也今為內地苗人吾人柔遠能邇是在司牧二君曰有如公言於是下山從道士觀昔人城壑處道士云厥倉舊地有遺粟可愈心疾僕子爭掘瓦礫下果得數十顆依然稻也史稱潘全盛洞酋據有飛山湖南馬王平之山有馬王城云夫馬氏因唐末中原之亂據有潭州與荊州高季興廣南劉隱之數家互相首尾號大楚

不請孝子集卷中

十

計至今且八九百年矣粟非金石安能久存存而不論可也會日且西下山及半太守則又指予曰雲臺佳處在山東腋乃之洞洞有瀑布二僧巢其下水石砰訇逆玉濺珠或出洞中石乳下松蘿陰森積雪峨峨潤澤山下阡斜陌橫皆是物也昔人據之有以哉夫以十三年所未竟之願而一旦償之則飛山與予成久交矣安可以不記高將軍名成旦延安人楊太守名嗣光雲南人同遊王聘及次子始鶚并州判李萃藩

### 遊白蓮山記

自永興入郴未至西三十里官道折而北又三里是為白蓮池騎馬走山脚行田塍中路止一線馬陷泥中衣

履盡溼乃換竹輿山下望白蓮如盎如宴數四面皆赤如肺山椒平潤麓反狹曳而上列嶂如屏宋紹興中有好事者鐫字其上踵之者甚多至山門四望彌際萬朵芙蓉簇簇逼人進山門有圓石大如屋傳為蘇仙奕棋處頂有池一區冬夏不涸應是石髓所化近為緝績且湫渠矣是水阨也民舍雜羽人居籬落數百間沿邊下視令人目眩畜雞豚累累入主人座几案間皆有銘率以仁為歸有枯樹數株俱數圍日斜下山主人遮留至再仍坐石上命觴為談鼎革之交嘯聚渠雄萬甲過之下但目之而已真一夫當關地也使是物能引而伸之便為劍閣仇池生割據心惜容不過千人然兵鋒不及

不請孝子集卷中

十

父老八九十以上丁離亂劇盜干戈如麻得以天年終為郴福地功不小矣予自丁亥迄今戊戌稱朱陵長凡二行部入郴此其始也因憶昔羸秦兼併楚不祀楚將項羽立楚王孫逐秦鹿為宗國報仇抑何光大哉乃王業已成王義帝郴縣正以山川險阻常奉熊繹血食且中原方用兵四分五裂戰場也勿以賊貽君父此項王意也乃江中之戡反蒙以惡名計羽必不為此予另有弔義陵詩並引茲不載因白蓮一山想及郴又因郴而想及昔人王柳之意聊為白蓮記主人為誰曰喻國人壬午孝廉曰國仕貢士皆以道學自任絕仕進家山上於山為久要云

遊蘇仙山記

山在郴之北郭可五里出東門過石橋宮窪如虹橋頭有招提一區僧遮馬意不屬輒去迤邐秧田遙望山身如黛松雲邃綠謾謾風下心增爽刺史曰山峭馬蹄不任受乃易筇輿以布糾結其竿前後扶掖乃克濟甫二里即為山趾曰白鹿洞取道女貞林下路傍白菰甚豐碩佳蔭篩葉鷓鴣叫東山上見一石門高丈許濶如之高刺史為贊記蘇仙事甚蠟與洞內石乳如拳又陰森詰曲匪炬不可入僕子有獷黠者矯而入可五步即返土人云再數武當得他孔出未及試又云去此北高石十餘丈有秦少游米元章題額路荒莽不可得讀回舊

蘇仙山記

上

路上山又二里為中觀是維山腰刺史云下山將酒其中未入掠觀傍上千章十圍獵獵蓬蓬四面風來人肌生粟與人用力如牛裹而上耳邊聞水聲潺潺一線環山而走不及細領癡情為此輩所奪又數折得極巔軒闌聳潔石梯兩層斑駁如鱗碑苔蝸涎缺殘不可句從中雷繞屋西角忽得敞地雜蔬半畝豐碩如前洞紅柿離離形如江北棗味酸澁一石如蒼象昂首突出懸絕崖下之是蘇仙跨鶴凌雲處噫設此山不有此石蘇仙豈不飛去乃此石之在此山若為蘇仙而生者事誠有待耳坐石上望遠適山如群兒觀劇各露圩頂又如後輩見父執拱揖就子姪位唯東南一山倔彊不為禮儀

觀瑰瑋無人臣之度說者曰仍有仙人主之噫兩雄不並世彼東山者何以在蘇仙境內哉予舉酒屬刺史曰彼郴城而西茫然馬鬣者非義帝塚乎計彬居楚南徵重黎子孫熊繹傳國八百年為嬴氏所殘滅王孫起三戶以江東一旅破秦定關中為他人先驅不食其報而蘇仙乃俎豆至今豈帝王有時而盡仙佛無時而窮乎刺史曰大氏彬之山川蜿蜒森拔當中州數千里而南又值五嶺之北不產帝王聖賢則生仙佛是或一道也說在昌黎之送廖道士矣日下春杖奚徒行下山乃觀所謂中觀黃柑如斗僧獻石桃如鵲卵主人饋核雜陳飛白無算黃昏抵東郭觀橘井古柏虬龍石甃霜溜俱是數千年物老道人年可八十許為予言先是仍有一株萬曆中為大風折去是蘇仙手植然不可考矣刺史山東進士高公名燦號督涓廣文袁一鏡州丞王興邦潮陽郭映日皆遊侶也

蘇仙山記

半山亭記

黔山無奇載在前譜可得而記者二一曰飛雲洞在鎮遠之北一曰天台山在普定之東皆夾孔道遂如趙家姊妹並麗一時論者多不及緣以生在僻壤距中國遠或湮沒不傳由是觀之山川之或顯或晦毋亦實有命焉獨不見半山亭乎亭在黔省城南陬嵌崟作勢清醺竇出漾為小池逢雨則怒後面傑臺湧起石梯三層雜

花樹稱是督學東海趙霞湄居焉字之曰半山亭非山也石也然除石無山則亦匪山不石自霞湄以爲半山則竟半山矣視前飛雲天台二者此亭實鼎峙焉黔有此三物黔且日大矣猶恨前二者之不得專主人以傳吾更欲以霞湄實之視半山勿妬也

### 神崗至南源羅塘記

永福迤南可三十里是曰神崗近崗多秧田頑石填砌新漲溢淖深尺餘馬幾躓靴行旋輿群水西滙没人腰股橋崩劣不任崗在山半壁嶢嶢煙一縷四面山來突人作怪笋林立錐書雲際千百爲伍皆精鐵也南源在山胸兩山夾之一屋隆然茅房綴左右巷泥淤塞如山

讀聖文集卷九記中

十四

前秀才龍章尾馬邀之不及赴行胸臆中可十里抵羅塘藤森鬱覆古廟丹綠剝落未審何神民多瓦廬獨不茅於山腹得宦亭青嶂霞舉遠簷三匝主爲先朝零陵令扁額現存貌孤赤脚一身了鳥可歎也陽朔山人多奇之無奇也不似山不似山所以奇也禹峰曰吾行天下多矣陽朔之山米鹽耳其細已甚百里無一人無一稔田皆僮類善盜有不盜者人輒指以爲怪宜其荒服之矣

### 桂林山記

獨秀居省會中突然拔起四壁無依舊在藩府後宮朱樓冠絕頂石道巉巖盤桓而躡古樹蒼藤四匝前後有

崗穴間是大蛟窟宅間歲一現身約十丈廣數圍定南遇難之歲蛟夜出雙瞳如炬身廣大如前照耀山上下宮人駭怖欲死未幾有李定國之事說者以爲山精七星巖傍江而豎以崗勝山無奇者止青巒嶺嶢嶢雲日梵刹竹樹亭子湧山膺是爲佳耳劉仙巖去城南十里折而東丹雘矯然隱山爲宮拾級得三十餘尋俯瞰平蕪長松數百株護門是前客來路此郡城山勢之大都也迤西百里得都狼嶺是爲永寧道筭輿曲折肩卒蜂擁而躋喘以汗逢最險處徒步約得半日塊然無他臃腫而已壽字巖在永東隔小溪爽塏可布十席壽字盈尺邊傍腹裏書小壽字百枚皆篆隸宋人所鐫東面有

讀聖文集卷九記中

十五

趙孟頫書寧壽二字詳其筆意當不贗以爲州之勝地矣南去二十里有穿巖是爲柳州路穿可三十丈高讓是四面皆石人行其中剗然作聲想見吳書中有云歷陽山中石屏七穿駢羅中有黃赤謂之天印發固亦此類陽朔山沿江爲多純石不生樹木野草歲異鳥不棲止多猿猱類十百成群山無故而起峰不及數尋圍不及十餘畝高高下下隨地而敷如塔如老佛如劍棚積舉麻立米鹽瑣細或如筐篋中物方匡廬眞培塿耳伏荔蘇生挺悅爲我言無山不洞自本朝戰伐以來非此山人無遺種此寶融之西河也予作而歎曰以貌取人幾失之矣苟如此則天下之山當無如粵西者造物

之中人為貴時逢劫運大地血國嶺南荒服爭此土幾二十年間左嬰兵戈者獨少則此山之以乎吾不敢復相天下士矣因自念曰吾視師行間九閱月止以莫扶豹一人未殄三軍之士午貫梳爬則不可得可知此地非用武之國矣在昔三國鼎峙交廣為孫氏所占及王龍驤自益州下西陵所在震動賁印綬交廣猶為吳守後交州牧陶璜得孫皓手書後降則粵雖僻壤乎為國家安危所繫不小矣明之亡也奉正朔獨後自順治十年乃歸版圖則守貞之驗哉如是則山之有尚尚之有益於生民固造物之仁也

陽朔縣觀龍舟記

陽朔縣志卷九

七

予率兵捕賊駐馬陽朔朔城夾山中東南枕灘江城中片瓦不存止茅茨數椽荒寂難堪是日晴明買舟順流而下可五里見岸上有樹樹下有屋步邊石級齒齒浣婦泝泝其上予為心喜艤舟訪焉甫登岸見茶亭三間不知何樹綠蔭覆簷村落連綴山左右彌望皆瓦屋則又大喜過望粵西之房無不茅者是夥顧者從何處得來又人家門前鵝鴨雞犬喧呶如鬧市三匝真避秦處也頃之水面六龍蜿蜒而來旗幟鼓吹一龍背上着四十餘人身跨短襦茜衫頂戴平上冠各執畫梁一枚撥動爭進如蝴蝶亂舞萬山鼎沸龍則昂首矯尾鱗甲開張岸上人林立魂魄皆眩又口中作歌歌曰雜糅兮角

粽五色迷離兮照龍宮神之來兮容容肥腩修潔兮願年豐又曰羽葆兮藍黃虎豹遠兮蛟蛇藏蛋種馬人兮石田無租赤跼椎髻兮猺女哺兒歌罷群響雷動碑甸旁魄如王龍驤水軍十萬鼓譟入石頭時也頃之水工告曰龍倦矣士女觀聽亦闌龍遂徐徐而退鳴金收軍各歸處所是日之觀止矣此康熙二年癸卯四月廿七日也

粵俗記

陽朔縣志卷九

七

自入粵來與稠人語多不解兩不解也因思聖人之難也開闢初人各用其土語多類是自聖人以書同文一之然後四海九州之大其辭孔昭物之大齊詩書禮樂之澤取鱗介被衣冠言炳如矣嶺外居洛陽南徵秦漢以還始歸方域聲教之通在諸國後士大夫之宦遊此地者多城居足不到山溪故雜種之生石穴山草間者苦不得漸染媿娥子作兒狄啼蝸鳴耳彼春秋之號為夸狄者今之齊魯燕趙也曷嘗有一非中國哉曷嘗有言語之疵類乖異者哉若再千年而後一統在御王言周洽遐陬我知猶之中國矣雖然有異焉鳥獸之類各有百聲音之不同如之維人亦然曩遊滇黔其所稱蠻蠻摩莫鳥蠻生苗之種率皆搖唇鼓舌不可曉何獨於粵而疑之由是言之佗尉之功大矣今粵中人文強半能為華言固真定人之遺教也哉

水西記

六月八日自貴州出北門六十里抵敷勇衛也城之矣然半圯西抵六廣行深箐中萬綠一氣竹樹沉沉夏蟲嘈雜溪流激動人秋思是為六廣河河繞容初寺觀庾儲皆盈為大軍之廩庾矣行一日得水西水西木城也昔為城苗毀且盡再六十里為六歸河河即六廣也行六十里抵果勇底即安坤老窠羅甸國基也萬厦林林今為王師駐節無片瓦矣四面皆山為宅吉十三所今王軍已壘其六中多崗與箐箐之廣者可三百餘里蠻人以為穴每皮甲精鐵毒弩長鉞相戰則跨果下馬捷如飛其甲我箭不能傷性耐戰尤善用鈎鐮巨矛中

讀李太公集卷九記中

十九

人於百步之內乘夜犯陣萬炬星列曉則散入箐深險木大者如困如輪干霄薄日中多老蛇厲蠶善咬嗜人不屋而居藏身箐茅以蔽風雨或不避習慣以為常人馬到此俱辟易焉此箐之能也崗可千餘有懸巖絕巘下際於河亦可數十百丈有額溢出如蓋蔭崗門門又最小人則斬藤結蘿而上累累婦子相負戴扳援而入初入絕狹少即寬殿或峻石峻嶒或豁爾無底以舟楫渡之以火燭之如行漆夜中過則又平坦樓閣踴然矣縱橫或有數十里連他山者其屢代所畜珍異珠寶皆在焉年高最貴者謂之庚尊才略者謂之暮羅命官取職皆仿天朝之儀他名不雅馴准是庚尊授木杖鳩刻

其上往往宣慰有軍國大事則庚尊以鳩杖往決之但

首示可否而已木皆用番書多不可曉王師用計攻之百日不下又以大炮雷其門及斧斤椎鑿火其山刊木伐石以窮之又劔作木廂之類以牛皮裹其中四角以鐵衣之又復煉鐵為鉅懸石椒上懸絕而下以大石劈其門乃以健兒乘前藤往覓之究亦不得入坐是數月人流腫其中死者僵屍滾下水中至日不可數乃計窮出降此崗之大略也大兵自二月提師入果勇歷六月半取糧於敵境或賊中崗裏仰給十餘鎮無缺乏者黔旅萬餘亦如之至是乃檄黔中萬石運入六廣餘丁自取之計秋成賊糧滿地遵義家口已盡入滇合力一鼓

讀李太公集卷九記中

十九

又加遵義之糧二萬有奇可以成事矣禹峰曰水西僻處黔壤中實蜀滇三省要害也歷漢唐以來未復至明末倡圍黔年餘幾克之後撫臣王三善以議招中計喪師三十萬得會稽督朱燮元始定之然六衛而外皆賊土也兵力亦稍衰矣將軍佐 上定天下開黔滇於十五年之後至康熙三年念水西蠢動圖事機先奉命征討入隴區建奇捷亦偉矣若夫式闢垂成天子將開明堂而受賀予將作頌焉以傳金石可也此不過記一時行間之先聲而已

遊天台山記

天台之遊先是庚子予自楚入滇曾一覽焉意中耿耿

常有此山會甲辰又六月廿八日子復以滇藩過爲償前願是日宿平壩戍守備盧君大濟馳肴榼往觀至三十里外則見孤山壁立戍削遙空者爲下車策馬從田塍中行得小阜有石門又稍平即山麓可策馬而上磴凡數十折乃入山之城門城門內有厦屋數層歷落參差懸峭壁上大樹數十圍其皮半死半生揀雲霄乍入如雞犬巷牛圈馬欄聲聞四遠上面多居人婦子雜沓苗仲之所盤桓倉庾豆釜堆滿房櫺群房連亘高高下下束身而進不可窮拂几經冊儼飭四窓軒敞萬山腰臍間未審此山由來訊老僧曰此某某此某某僧但指方所曰某蜀某越某滇分界而已亦不能詳舉大約皆

不讀羣書卷九記中

三

黔也黔在漢武始開夜郎君長見於漢書其實未開境土尚多今之由黔入滇路大率自明始此山寺之立自萬曆十八年僧白雲始開山卓錫於此今日爲滇黔所必經之路由此得名於人間時時與中國相見皆二祖力也山北四十里有一水名思臘河號曰水西安氏居之相傳爲火濟之後雄長一方自天啟時乃割六衛與明種類實繁幅幘大可千里與此山僅衣帶耳時相抄盜爲番漢之界矣今將軍親帥三軍創其地殄戎首以啟開關以來未有之疆土他日王化歸來壁壘烽燧盡撤則此山可以無事防守矣又問僧自三十年兵燹來孫渠割據民受荼毒不堪命此寺何以無恙則此中

也聚藏畜有以生息此方之性命非偶然矣宜其不爲遊觀之地而封殖之場也又頗怪大變以來都邑郡縣城郭瓦解此寨常存勿以其小而忽之矣山高百餘丈純石無寸土西北二面皆削壁天生石楠諸樹蔭山身周圍皆鑿石砌之高與山等寬平稱是貯可千人井在山足若大盜攻之久則苦渴是亦山民之急智乎

又記

安順迤東三舍而遙有山曰天台傍道而立憑空結撰四壁無依林木葳蕤迥出雲表行人心異之予馬首經過駭矚良久乃解驂平蕪徐步山麓見其半壁戍削峻嶒孤起又兼僧俗錯居瓦屋連雲如結菡萏雖仰面審

不讀羣書卷九記中

三

視神飛山椒矣是日右股方病風濕苦躋勝乃命二卒掖而前始猶坦繼稍峻周圍山腰大樹如蟠喘汗者數乃陟山門層折而上行暗室中捫壁匍匐忽遇暄霽是惟階除是惟果愚欽躬遊廡隱房曲榭乃及廣闊登絕巔焉則已身在雲霄矣乃詢老僧考厥四履南望蒼梧西眺昆明覽五谿之雲物瞻健爲之鳥道曰此四隕神阜滇黔綰綬之會也顧此山有數勝亭然中立不借偏黨有丈夫獨立之概焉此一勝也高臺斗絕攀援莫附倉庾畜牧穰屬而至爲土人生息永絕鈔畧此二勝也有此二勝則此巖然一刹鑿山開道非登眺遊衍之場乃居人生聚之本食貨之源也於此想見國家盛時城

郭之設以及鄉村堡塾之相望無非有備以扞牧圉耳迨其後一無可恃因知此山僧之有功德於州里何必守令哉僧又爲予言近日水西與師繇役煩重老衲負戴佐縣官之急億矣長者能爲一言請命乎予應之曰是烏可已哉且汝不憶天放之已事乎一夫不逞貴陽城下餒肉流血矣止以六衛雖歸水西未復此黔中膏肓亦西南之憂也今將軍提各路征鎮之師迅掃蠻庭庶其蟻穴一空率土悉入職方矣賢者當爲天子死邊陲況國賦哉且汝等坐此窮山得以養安享無事之福者謂非此數仞數椽哉若使水西既下則同軌一統不必人私蓋藏矣即使毀垣撤籬而人無晨服之警也僧謂予言良然遂釋杯盤菓核作下山計矣時甲辰閏六月廿八日也同遊者爲兒子四人

讀史亭文集卷九

讀史亭文集卷十

南陽彭而述禹峰甫

記下

長沙至寶慶日記

庚子三月戊寅別經略次晨肩輿南發守令各弁將祖潭垌十餘里風大作車壁砰訇抵湘潭昏黑舳舻渡北岨浪甚巨不辨天色舟幾覆前令史宗堯念舊畱一日辛巳發潭令復餞三十里竹寺中抵湘鄉薄暮令汪觀寧國進士執詩文相商復畱一日得讀魏石生所選觀始集中多余作癸未西征火魚塘見敗壁爲余題詩事在戊子爲後人胡粉所塗七首刮而讀之爲之一慨歎

永豐昔爲開市石橋如虹多徽商舊邸但餘四壁荆蓁蕭械想見當年華屋亦五劇之衢也甲申早發飯武障司宿渚塘四月乙酉西來人漸稠道傍田皆播種村姬市豚酒茅店下去郡十里所親邵鎮王將軍定宇迎郊外三爵入寶慶城

寶慶至沅州日記

四月己丑天小晴早食太守傅和鳴齋守汝陽人前大司馬公振商孫以蔭歷今官有幹材王將軍祖予西郊飲帳中未數杯輒行宿長煙司距城三十里先是爲孫可望行宮自皇清定鼎可望抗王師八十餘年寶慶城以外即賊壘凡一舍一行宮自邵達滇黔如之噫是

沉沉者王居耶庚寅抵紫陽河四山烽臺屹立五里一  
戌日暮坐河干見漁舸兩枚畜魚鷹五六十以長竿驅  
入水捕魚長年云一鷹可值三五金祖祧相傳以爲箕  
裘供繇役繫名官司與田租埒鷹歿則卜地葬之名爲  
鷹塚云得地氣則其子孫健捕魚理或有之公廨左有  
大樹產芝如斗昔可望東游封爲樹王今禿幹尚刻歲  
癸巳秦國主云云餘無存者辛卯夜雨不止晨尤劇山  
路峭險車輪不勝跨馬行墊隘中山石昂聳多狀石田  
多半麥及蕎北方無異距武岡百里曰西橋鋪州守吳  
從謙來迎日未晡以寧宿此壬辰霧大作跨小黔馬走  
石路如飛過一木橋長可千餘丈踰第十五年前提師

讀史集卷下

二

過此如夢不辨先爲石爲木也田亦多蕪城內外全破  
碎無復廬舍先是丙戌武岡爲舊藩邸西南半壁車書  
來會父老想見威儀倉猝嘖嘖間比之臨安靈武丁亥  
秋間道走粵西憶前遊此公廨傍鸞輿尚在左轟黃屋  
俱置城隍祠中今不可考仍宿前廨嗟嗟武岡固戰場  
也興亡之關而滇黔之喉也城郭人民十年之中一彼  
一此其蕩析死已可勝道哉癸巳晴甚天無片翳憩一  
日行劉國公舊第畫閣丹梯隱房曲間備極儼雅柱間  
偶句如新近爲防兵屯札稍改非舊觀矣甲午早發行  
田陌間兩邊山泉洸洸流出居人推髻赤脚家家栽禾  
彌四十里水聲瀟瀟與石齒相拒路砌石子小者如拳

如升如瓢大者如甌釜如甕南楚俗水耨火耕陰雨泥  
淖草履易行旣非邯鄲道驢足蹇產固應爾爾日晡抵  
楓木嶺郵舍無壁傍北山行蛇路可五里得破屋數間  
買荳豆山中微雨作遂頓是夜簷溜泚泚蛙腹蚓脰吹  
息嘈雜群蟲和之急管繁絃與哀壑怒濤喧喧淒婉不  
可爲狀間以螢火上下樹杪奪扉隙來是山侶之雲門  
樵子之夜光矣未許市井人終身窺見乙未雨不止取  
他道上嶺嶺下有溪青削黨天陡壁絕澗石牙齧齧烟  
霧緬結與人緯率而上選綫受趾行霄漢間側底多猗  
人鳥言卉服王化不屬昔柳公綽定武岡蠻即此子厚  
銘莫考第一日力始過此按史州有楓門及樟木山二

讀史集卷下

三

者必居一於此俗訛爲風摩或分茅嶺悞矣噫此亦武  
岡迤西之劍閣孟門也及四路進兵遂棄此而遁天險  
何足恃哉西下宿會哨坪乃武岡綏寧界從蚰蜒路投  
宿逆旅得衽履如煤洞積石灰如陵云用以殺田蟲有  
牛欄主人聞客至則移挈溪澗茅間中不知去向自兵  
燹十餘年來以爲恒夜蚊甚悍悍人膚如蝟而申尋舊  
踪出官道不數里則又登山山下復有溪高如前絕巘  
雨來稍霽四望大小山頭約千萬餘枚作揖拱退避之  
狀或爲白雲所裹示半面或全體不見俯瞰則空濛一  
氣不辨下界但聞水風之聲鏗鏘噌吰而來如百萬浴  
鐵鑼鼓互奏殷殷訇訇令人魄壯是爲磨石嶺與前嶺

可稱兩雄下春抵雙溪歇可望行宮丙申雨甚劇乘小舫渡溪溪暴長作勢北岸有大觀閣丹楹魁傑據山口上奉漢壽亭昭烈今亦頽敗梁記蜀人劉之復某年立自此入綏寧六十里峰回路折咄咄奔中百轉千回或行山腦或躋或肘急雨奔岼山漲怒吼車輪外不盈尺即無地阨塞如前二嶺似尤有補二嶺之所未足者至綏寧得平地可一弓遂以受城宰居城南樓以應接驛使城荒落如村人煙五六十家燕子來署甚多向來人屋密邇今希少故望屋爭聚夜半聞膈膊聲漢口二蔡生來晤云將隨滇覓母予感其意偕之行丁酉宰萬邦和留一日飲南門樓作六詩戊戌行山中路畧如前入

讀史事本集卷十

靖州熏黑矣陰雨不止為高將軍及州守楊嗣光遮留數日歲戊子予以提兵入黔大破賊兵靖西門外距今十三年矣今復再經其地騎馬觀昔年戰壘登飛山與諸君醉凡五日甲辰發靖州自武岡楓門下西至靖皆崇山險阻到此山稍懈北十里有山石學人立遠望或如老儒頭巾身逢掖者或如猛將軍兜鍪介冑者傍溪行彌日抵會同九十里乃渡仍前水所寓猶十三年前署邑令甘有言滇中事甚悉米價尤翔予此行每逢人輒以米價為問則江東首問米價不為妄矣乙巳發會同山復東路復隘如武岡以西峻微遜耳宿相見坡六十里丙午霖霖路傍崖多絕壁晡抵黔陽縣即古龍標

地今為某將軍幕客駐予佛殿曩年靖州戰後收兵入長沙記自此渡洪江亦是四月天雨淫淫與此日無異爾時義從星散唯阿周是再來人耳是日寂甚思酒不可得倦而臥丁未微晴渡河半晌三十里抵竹坪鋪斬竹伐茅補葺舊舍頓馬姑令送雞酒戊申抵沅張少參石城歡然而晤別來三年矣是日聞張移嘉興已酉赴石城招庚戌偏沅袁中丞留飲禹峰曰自寶至武岡路尚坦山稍遜自武岡過楓門嶺而西皆山無復平地矣中間唯靖至會同稍又坦自此抵沅山險如武岡以後予前戊子經此皆舊遊也所胸憶者唯靖州破賊飛山一事依稀在目耳餘皆恍惚莫辨與初行無異但此番

讀史事本集卷十

行路艱難差勝往時耳抑果憊也

自沅抵貴日記

時四月癸丑新霽發沅過石橋橋上作屋張將軍及少參石城祖西門外三爵別坐車中熱甚沅為滇黔總路十五年王師進取部檄臺使者及州縣務盡削平路可橫一丈斬山堙谷羊眠如邯鄲道雖峻下不一要之非狹斜如沅以南矣止一舍甲寅早發苦霧冒馬首不可行山屋下瞰如在空中傍水涯縈迴輒數里一過飯波州抵澧州宿八十里倦甚同行江右夏坤談天文奇而辨云日大於地可百四十倍此說從西洋來予姑妄聽之驛後古楓樹陰數畝四柱陰森附其下夜蚊如虎摧

帷陷幕飽颺而去五月乙卯早發渡河自沅城下見之至此凡數見從貴入沅自鎮遠下船即此一水五溪之一謂之潯水至沅名芷取屈原沅有芷之義也六十里宿平溪衛城郭甚壯今蕭械無復居人此中有舊紳萬年策予為孝廉時晤習池王孫坐上時公為左帥監軍因變後音塵杳然今詢其里人尚在潛山中聞棄相印謁洪丞相禮甚厚以離城遠未及晤丙辰抵清浪衛衛在山上懸絕閭基猶存今無人守弁某貺菜窮途得此殊堪一醉自平溪至此民皆菜色輿夫鵠形肩不勝輿跨馬行未晡即頓前水復遠郭下丁巳發清浪有小關門石梯直下馬蹄不任拍奚肩行下臨沅水一面絕壁

續修沅水志

卷七

青石千仞有小枯樹數枝為不能棲自平溪而西黔山皆童碑草芊芊不見一樹故稍見有樹者而喜江石相圍山泉暴發鎗鎗之聲不絕於耳每山顛十里建有竹樓戍卒擊柝其上用以防苗通商旅是為制府趙公立法云飯焦溪至鎮遠東門面山山有懸崖崖有尚制數株雜僧弄朱檻上城下見鎮遠河即沅江有虹橋得沅州橋十之八米船上鼓吹亂沸云開龍舟亦山城之繁華矣守令接款甚歡戊午遊東山觀昨所見尚崗斗絕不能上至腰而止守令復畱過五日庚申行出西門傍山行即油榨關關頂純石鑿路行人鐵蹄砰訇線逕除絕關半有題額未綴年月走相見坡甚紆陡又西看華

嚴洞洞中作人馬象兔形窳然寒峭苦穢雜又苦無水有鄴中張侍郎鏡心鐫詩時維庚午距茲三十年計爾時公作給事校黔中畱題時方承平不似今日荒寂也抵偏橋橋可十餘空上是木板偏沅巡撫之設取名於此以為黔楚襟喉兩處駐節本朝開國撫軍居沅督運滇黔餉沅州水舊止通鎮遠而上去偏橋十里有諸葛崗兩山夾立青削萬仞中有巨石不能通舟近為當事鑿開運舟上行猶可百餘里去黔有咫尺萬世之利滇則米不能及全以鐵代之辛酉觀崗如前所云但水勢轟雷兩邊石如輪如屋不可計今但斧稜角碎石填其陡處恐山水大作旋刮去矣聞可望曾以千人役此

續修沅水志

卷七

未竟而罷予為作碑記其事壬戌微雨行三十里飛雲洞洞真奇矣自吾觀洞以來未有過此者西南半壁百仞石皆玲瓏窳窳俯仰侵讓各當人物之形級而南如大厦數間仰視十餘丈石愈作怪不可名狀人心但作一想石無所不有予有詩及記另載洞以不生中國名不甚著又偏邦遐陬通人遊此少鮮有能傳之者間有一二石殊不類張侍郎復有詩及近日趙制府記補憩興隆城堵頽廢居人在荆榛中公署古槐間鵲鵲聲見斑鳩巢其上雛將出窠癸亥宿重安讀殘碑乃壬午因苗變撫軍李若星始成城城下為重安江江濱湛青綠出入苗中不可舟土人云自此入洪江與五溪會倦甚

甲子過觀音坡甚險惡直令武岡西楓木諸嶺難爲兄  
可二十里入清平衛隸都勻府節推及令來晤駐孫郎  
燭爛魁傑臺八九層榴花亭子布置儼雅與靖州署同  
想見此人雄材乃竟踉蹌抑天之所廢耶門外銀杏樹  
如巨蟒枝幹扶蘇雜鳥吟其上近者亦在唐以上乙丑  
大雨如傾盆與高楊談苗中事云此中並無居人皆苗  
苗有九種反側不常今有武將軍爲鈴轄得稍寧息但  
地方苦魃蒸黎饑殍甚多武將軍會稽人以萬曆末從  
總督朱燮元來官黔後因中國亂遂土著於此長子孫  
世爲苗崗所服至 本朝經略定西南奏爲副戎割銀  
印蔭其子云丙寅復陰雨路多凸凹不可行楊老守備

黃志大集卷下

來迎是武將軍舊部云將軍威信及數百里至葛鏡橋  
山兇惡弗類橋在絕澗下三空高數十仞行者生怖父  
老云水出麻哈即前重安江可通洪江前總制府張大  
壯有碑記及詩入平越城內皆石多古剝民屋殘缺者  
尚多皆徐少叅所畱否則火去久矣丁卯赴徐君飲後  
園青李甚佳及蘋婆得一飽戊辰抵黃絲昔爲驛今驛  
廢與老儒談孫渠時事甚悉已巳行冷溪入新添衛一  
小河凡十一渡上偏山下偏石又偏水石大如輪如甕  
如斗如盤鋒者如劍戟與夫草履赤胫行削劣中左右  
支吾苦不可言車中人亦怖不可言城中空濶荒涼敗  
屢殘基羊馬缺剝如行諸衰墓上此距黔省甫兩驛遭

初尤劇庚午行暮抵龍里衛城內有小山陡峻屋其上  
有僧住未登辛未抵貴陽禹峰曰自沅入黔止線路左  
右皆苗疋雜種居之古羅甸國偏橋以東楚猶遙制之  
入滇非此無路彌望皆山山皆不毛行李往來苗慣鈔  
掠自督公趙設哨官十里一戍邏甚謹故稍戢雖有郡  
縣大抵石田朝廷無利焉傍路思南銅仁諸府皆設重  
鎮糜費仰給東南黃平尚未成功歲苦饑流亡殆盡輜  
軒之使目經心瘁矣數年後禁旅撤還或議如曩者沐  
黔國故事兩地息肩車書萬里可謂和樂者乎

貴州至雲南界日記

黃志大集卷下

九

六月丁亥早發出北門行數里見一山孤起峰頭數剎  
烟林掩靄將至又見城東一山如前人云活佛山舊有  
佬佬爲人牧牛遇老猿授丹一粒若赤珠拇大吞之遂  
不食亦不便溺可望以爲妖囚於一室餓半載不死釋  
去後棲此山是日遙望遠近山約略有小樹不似貴陽  
以東童童然也城殘缺豁牙竟無居人驛官亦匿去宿  
郵亭自會城至此五十里路尚坦久雨稍濘兒騫病新  
愈坐車中予跨馬殊不倦戊子早霧至食時霽離威清  
十里地名狗場高燥平善皆黃土與河朔道無異十餘  
里半响望見有雉堞隱現隔一河淖甚是即平壩郡山  
三匝戍樓生几案衛官曹捷秦人以詔使者過樓予旅  
寓門前有石砌泉根流水汨汨多待藻金魚跳珠可愛

有自滇來者言近時米價稍殺南塘之事亦稍衰止爲之晨替已丑早雨出平壩二十里道傍見有異山出兩山脇中獨立亭亭綠樹陰森樓閣隱現自入黔見飛雲洞後僅有此跋馬往觀石磴凡十餘層山腰軒皆村民維椒僧住飛樓曲間丹碧爛然有石臺絕頂溢出短垣時盆花可望遠萬芙蓉羅掌中矣旁女貞石楠樹銅根鐵幹約略千年僧云諸葛征孟獲時有阿烈王據此後走緬甸初名阿烈後改爲天台作二絕近爲居人避亂牛欄雞棲山門外雜穢如家巷從南路入普定是日兩舍平尤在狗場上自沉入黔無此普定昔爲衛改爲安順府宿威清道舊署六柏參天與天台樹爭壽庚寅初

讀李太公集卷下

十

伏太守富平石天璋及鎮帥王永祚盤桓彌日城內老銀杏尤多一山拳起塔其上辛卯始行天雨石路滑甚浦抵鎮寧州安莊驛歇孫渠廢邸但餘朱壁棟梁瓴甓皆易其舊雨淙淙不止州守復他往自寶慶西來及沅至此勿慮數千里郵亭半頽唐草味客來無所凡此一椽一瓦征人不至暴露強半行宮原厥喪國囊起同盟爲之三歎是日作二詩報太守壬辰行白水觀石馬洞過關索嶺有三異焉白水河身高下凡數丈或數尺從峻坂滾下盤渦雪浪排空飛沫二三里六月過此毛髮皆寒寬十餘丈繁官道傍屢見不去一最雄孫有觀水亭在河北岨正面水今亦火去一白馬洞在高山鎮下

四面陡絕遠望之門可容象中有一物皓質匹練大如犂牛昂首振鬣客行山下耳邊如聞長鳴之聲土人云昔年此馬作妖常夜半下瞰人稼爲狹中者懸梯斧其一蹄馬至今立洞門不再下關索嶺則青削萬仞危峰從人睂端飛起與天爲黨想見武侯征南時將軍爲前部開山通道遂定南中成蜀漢富強業其戮力王室不媿家風血食此山揆以祭典宜矣是日宿嶺下玄帝觀癸巳行北口安龍抵頂站三十里險少遜關嶺高下紆折石子齟齬過之中象鼻嶺最巖嵌斷壁起兩邊絕澗林蒼鬱間孫在日曾以關干爲法今已不存大率黔路自關嶺以西始有樹險乃著嶺爲第一關云宿永

讀李太公集卷下

十一

寧守官舍茅屋新竹聞天使自滇將至人馬辟易數里守徐國維主客禮甚殷甲午次官舍以待使過放馬北山洞中間洞可容二三百人未觀守翁邦順前代以裨將守鳳泗談乙酉南渡事甚悉不但雞坊小兒說天寶遺事矣乙未雨未行作關嶺二詩遺州守爲鐫石兩申霽以使者尚未至與太守書佐論孫李交惡事聞制府趙亦將至城頭斗大上漏下濕丁酉晚晴飛檄昆明縣令掃除公廨以待是夜鼓初下使者至一里外喝聲如雷人馬羽箭奔騰而來主人刳羊豕無算霍霍震鄰余居草屋離數弓地永夜喧聒不成寐戊戌雨作出門即大嶺三十里將至盤江泥滑石大雲霧迷離咫尺不辨

屏去車馬徒步躑躅一步一踉蹌江勢兩山相逼急如箭下滾無地鐵鎖橋去水四十丈長如之巨絙七根兩岍鑿石鑄入兩以大獅子縛其上颶颶欲隨過江三十里路稍易竊以爲盤江東山可與關嶺稱兩雄已亥抵新興衛六十里歷鷲鳴納伽牛場諸險如盤江以東坐道傍鋪司聞操吳音自言上世明洪武初從黔國公沐英入滇爾時以三吳從軍之士置貴州迤西至滇十八驛爲郵舍走卒遂爲世業迄今三百年土音猶不變坐公廨看月覺中州月出之際稍居北偏萬頃一碧去天尺五想此地勢西南使然抑人意中自爲之耶庚子中伏行鷄哥嘴軟橋水塘諸路蒼崖如鐔斷壁絕澗高者

讀史筆談卷下

十三

雲表下者地肺因依不可了松樹滿山幹不甚偉然其中古拙離奇差快人意凡兩渡水梁云是盤江上源殊易與黔山自關嶺以西始有樹自新興以西始有松不徒爲松也是日苦熱日亭午炙人背馬脊火燄欲流晡小雨抵普安州路可入九十里自入黔來唯昨日安南至新興新興至普安可謂長站險譎爲動敵與關嶺相較未知鹿死誰手爲問宦遊子當此際而不回車者獨非人情歟州在山上殘礎碎瓦寥寥數間屋黔中城大率皆然不盡爲賊所焚噫誰爲爲之乎辛丑發普安出門五里即巨嶺號雲南坡想此處可以望雲南故名然無他奇止蜿蜒冗長耳過此山稍懈不復樹行蒿子海

子諸舖碎石礪犖泥兩助虐笑謂此碌碌者所謂因人成事者耶六十里抵一字孔是爲滇黔接壤驛官換馬居此名楊忠重慶諸生甚敏辨再一舍即滇南界矣禹峰曰黔古荒服自楚莊王孫臯始開入滇自王此開黔祖也至漢孝武直因之耳長老有言黔之設原以爲滇非滇則黔可不用此語似是而非今黔東南接楚粵西北則滇蜀犄之森林密箐九種蠻夸俱以黔爲窟穴滇山大澤龍蛇實生有楚粵及蜀安可無黔不獨滇也滇爲沃壤貨貝所出天以黔界之所以戒後世聖人不貴難得之貨不貪遠略也自莊躑躅混沌後世遂視爲內地叛服不常甲兵用與國家從此多事矣自平溪而上

讀史筆談卷下

十三

及一字孔而下中間凡二十站千里而遙自關嶺而西崇山峻嶺虧蔽雲日岌者岷者宮者霍者至一字孔而止凡五站盤江尤爲要害度索尋糧其他更無渡處此黔中二天險也善用之亦足以霸先代於孔道設衛所武弁治之又往往安置有罪以禦魍魎比之古者燧燧合浦明乎其外之也居城郭者半流官及廢棄之後十餘里外非吾族也山居十九地居其二故不足以廣生聚近九種之裔惟安龍最強前天啟中安邦彥犯順圍貴陽經年合天下兵力費金錢億萬而後大創然國家元氣亦頗衰耗矣本朝定鼎十五年黔中始入版圖師武臣力兵不血刃猓猓犍佬之屬皆嚮風慕義奉正

朔恐後惟是大軍之後天札不時米價一石至十餘兩城中皆瓦礫荆棘舉目寒烟窮而思搏獵荒天性爲善後之策尤厯當事之慮矣

一字孔至滇南日記

壬寅一字孔西來三十里即滇境甫出一字孔山泥險澁駝馬足不減從前數日一入滇境山勢頓縮覺黔山東來造物生山之力亦殫矣立滇南勝景坊下彌望衆山如羣兒見塾師頰首不敢仰視界忽豁如釋重負小有梗不足當黔山之半山多石笋如人物鳥獸之形古陸涼謂之石門今爲平彝衛至此亭午此入滇路之始癸卯因舊路水沒傍山行紆折樹林中與人指兩旁稻

續纂卷之十

十四

畦皆土司安氏私田平彝安氏與黔中水西安坤同族皆以土司雄長兩省白水鋪飯有殘城行小岡上地皆蕪穢父老云此中上下六七十水從箐裏出寒甚古來不任耕作開種蕎麥剥板燒所掘土一晝夜然後可用此火耕遺法至交水從來處高望盈盈水國烟樹蒼茫一望平曠無際有人家村綴其上約似漢沔自入楚黔來眼無十里之地此無十里之田到此覺別有一天地想造物重山疊障之外特生平壤爲滇南一塊土頗費心機與生蜀同意爲割據資宜哉時六月炎暑風物柔善只似春二三月不似黔中屢山頑硬關人意興耳甲辰馬疲頓交水交津露益合盤江蠟溪二水得

續纂卷之十

十五

名有城城內大有人近苦牧馬民稍從溪山去矣頓三日丁未始行出西門看龍華寺乃黔國公香火氣象雄偉今稍剥落未入行三岔口及響水舖多土山兩滑然山安平俱揖拱官道傍不敢唐突行客兩旁平田自交水而上可四五十里橫亦不下十餘里可謂小江南行將萬里僅見此耳三岔高阜乃孫李戰場此二人成敗之關而一統驅除之資也二人俱獻忠部下初刎頸交稱四府孫長李次之艾早死一劉文秀犯蜀保寧我兵大破之尋亦死孫李稱兩雄孫尤驕號令一出於孫先是張獻忠西克授首可望等踉蹌入黔時黔國公沐天波方有叛部沙定洲之變圍城重匝可望星行解救梟定洲首於是滇黔一時人心以爲有桓文之舉又值甲申國變未有所屬故爲可望所制會舉事者立號西粵孫求封秦王不報遂啣恨自爲之脅所事黔之安龍所易龍爲龍爲陽人聚以虛名召號蠻長後忌定國粵西之役將甘心定國篡心益決定國伺其意乃自粵西精甲間關輦所事入滇孫知事洩急從黔整旅與定國合戰交水下可望大敗東歸經略因上書收滇黔滇黔平定國復跳噫師克在和古之明訓彼餘耳灌泥諸人其初協和舉事兵聲肆夏一旦星離相吞剝不旋踵爲人擒孫李之不成豈顧問哉則交水者二人成敗之關而一統驅除之資也然歟否歟道傍見紅果如硃砂大如

豆纂附小樹可二三尺大者扶蘇丈餘如貫珠瑟瑟綬綬野人云名救軍糧可度荒歲撥嘗之味殊甘又一物紫幹綠葉白花是為土瓜掘地取之如魁鵠亦凶年穀也午抵馬龍州守楊天然年家子蜀長壽人為言乃兄喬然以抗節死可望手憶予庚辰同譜二十年來運值滄桑零落殆盡今予亦衰白浪遊萬里言念前遊如夢為之涕下戊申行烏龍箬板橋一帶傍山溪行微蹇產上聞索嶺可及前嶺之半嶺頭柏大數十圍一根兩幹獵獵簌簌下有碑大書諸葛會盟於此年湮為苔所蝕歲月不可辨雨將至廟貌陰森不堪久坐抵易龍雨大注霹靂異常已酉路如昨至羅峰古槐如巨蟒花盛開

讀李奎章集下

十六

將至楊林山盡下見平川約似交水傍涯村落亦稠土人經煅煉餘百有一存闌闌樓榭菟我近克健兒馬廐是日書佐迂至皆是餓草歇楊林驛復雨庚戌早陰行未數里雨復至板橋離省尚四十餘里行高阜遙望昆明池洗洗煜煜如白虹一道東山腰將抵省一望如長湖恍置身西南天外見彭蠡洞庭矣附郭戎菽黍麻皆如中州誠一都會也順治十七年六月二十七日也禹峰曰滇為黔受惡名久矣自關嶺以至一字孔凡五站路之險見前黔記中皆黔也徒者剪鐸附履騎者鑿蹄受鐵中國人聞滇黔路畏之如虎抑知其全不關滇哉自平彝衛而西滇無譏焉此自黔入滇路爾爾他非所

敢知也地平行多水霑益之交水與嵩明之楊林皆如漢沔秋夏間是維樂土奈師初定道瑾相望斗米至三金天子念遐荒離湯火盡出大軍所俘帑息用還天屬可謂明見萬里外矣維是大將軍屯戍飛輓東南金錢佐六詔庚癸之呼道路艱相屬然墟落烟寒膏腴為馬場長此安窮歷觀往事自漢武建元以後叛服不常李唐覆軔尤烈趙宋棄之大度河外元明相繼視為腹裏本朝踵而有之母亡矢遺鏃之費式廓萬里掩前烈矣雖然豈可不為長久之圖哉

### 出滇日記

予以庚子六月抵滇以辛丑三月辛亥去滇是日早

讀李奎章集下

十七

送弓箭啟行至歸化寺日將午同官李嵩岑崔修菴史質輔家駿閒及胡都閭來餞半醺灑淚而別滿客趙張三君再送之日將哺太守孔同知石通判張候我三十里荒祠中大醉別如前年來老態逼人又性不耐離別古人云并州故鄉又曰黯然銷魂非欺我矣抵板橋宿于子二兒始驚為留滇別去同江西弟祖述返昆陽抵楊林途中遇暴客六人甚悍羽箭滿箠回旋良久向北山而去此物以畜牧為名狙商賈行李匪一日不為所攫已知之矣楊林周生諏同閭將軍張琮拉步至帝祠作三絕癸丑與遠公同行道逢詔使始知春王正月丙辰天王崩戊午太子立屈指殆兩月矣詔始到滇

宿易隆鎮即木密所荒寂破樓數間兵巡使者趙叔文  
酒我破岑寂爲談 先帝升遐事念十八年宵旰一統  
已集古未有如斯者也惜得滇黔詔書謙讓未頒爲遺  
恨耳然實錄自在也甲寅行關嶺即前記諸葛丞相會  
盟地古柏一株如四五蛇龍盤擎空際根大十餘圍右  
有關帝祠林木陰森未及登叔文別是日宿馬隆州州  
守楊天然握手契濶計去年六月過此今九閱月矣時  
序迅駛萬里征塵丈夫以衰白之年浪遊天末不能建  
節秉旄立功絕域爲兒曹笑何爲者哉作鼎湖詩二首  
乙卯至三岔鋪南寧宰程封及曲靖守李率祖陸俞二  
廳官來晤抵交水日尚午二麥垂穗天氣溫熱田家作

讀李本集卷十下

苦似中州是孫李戰處予集中有交水戰即此 大清  
一統之關二子敗亡之喉也天以此覓孫並覓李矣爲  
張遠公作詩序守與予有舊遮留一日丙辰黃昏 今  
皇登極詔至數日之中弔慶迭至薄海哀樂集於一時  
歇古廟中丁巳大風行空山中號號衰草紅花掩映想  
雲南命名與雲中同地勢高故多風抵白水茅屋如煤  
崗坐臥其中不能俯仰程伯建牙兵持赫蹏至白水索  
贈詩中云公有雲南集而無贈建詩後世讀公集者勿  
以爲公失此人哉壯哉伯建能料禹峰爲傳人乎爲作  
白水行戊午早發面日行自雲南起身凡晨皆面日則  
雲南在中國正西是日山始多始有樹苦竹山花蒙茸

馥郁下看淡箬在絕壑大率山皆下昨年自沅至貴自  
貴至雲無日不上地勢計之此三十餘站高低相去奚  
啻百千餘里高與長正等則夜郎以下皆入坤軸矣抵  
平彝衛日甫午草屋數間新經火後是日又作道中詩  
貽伯建十日已未十五里有棹榔鐫滇南勝境滇地盡  
於此山始壯無山不石無石不樹樹皆拱把鮮輪囷者  
陂陀甚遠愈趨愈下亂山鸚鵡叫架上者跳擲互答若  
有鄉關之念午抵一字孔黔驛始此丞逃去所憇草舍  
更破於前是日口占二詩辛酉行娥郎海子鋪山愈頑  
石愈弗類昔人謂黔山土堆糞壤誠非虛語雲南坡側  
尖刺漢狹不容尺兩旁下溪無際四面山頭童然雜出

讀李本集卷十下

不知幾千萬疑是鴻荒以前侯王將相塚墓中國難容  
造物者安置於此又巨靈不散擲此物於中原九州之  
內獨磊落於西南絕微抑所以隔限華彝殆有深意後  
世聖人無故鑿開自擾之耳又黔山木不生草亦不茂  
山山轉轉硤硤渾渾砌若無隙地可以種田人何以生宜  
其爲苗爲獮爲犵狫爲烏白蠻自相君長不知有漢矣  
抵普安州守他出禦弁將守威來謁十二天陰將作雨  
及午晴軟橋一路壁立萬仞如削鐵隔東澗牽馬而行  
立車上下視駭貽如入胥井更兇於昨日雲南坡至新  
興哺守備某送莖豆云定南舊部王爲予知已款款良  
久道間與夫談馬乃事甚悉馬乃在普安境土官龍吉

兆居之蹊鄰民田負租有司檄責之遂負寨以叛總督趙出兵符令馬寶閔鎮二帥擊之兩月潰寨出並其弟吉佐就擒正法於雲南先是二人畜亡命鈔略狙商旅椎埋為姦利時已久自本朝開滇黔置吏稍戢今故智復萌遂不免於覆亡趙督此舉所全衆矣壬戌行江西坡兩雄並立與軟橋爭霸抵安南晤閩總戎談軍前舊事癸亥過盤江視鐵鎖橋山勢見予前記橋為趙公重修斧石裁幢凌空而起上架亭檻頗極人工予為作二絕付遊擊王官鐫石是日宿頂站為永寧州甲子與徐太寰飲言驛遞疲苦夜半驛使至牧如奴矣因憶昨盤江道上僵屍四枚皆走卒也云是喝死其實馬箠也

請參本集卷一

五

太寰者守國維父也泗州人先為史閣部裨將會鼎革絕意仕進胸多用世略遇當道輒昌言之亦鮮能用之者乙丑至關嶺先是予之滇宿關帝祠殘礫中茅屋數椽比來聚族而居有起色矣私念曰次日過嶺嶺以外無復山矣自一字孔以東關嶺以西數站皆天險也上突鬱藍下掘坑呀中國之隘曰蜀道曰孟門曰井陘方之於此未堪伯仲予前記悉之詳矣丙寅踰關嶺雞唱盪沐登山至馬跑泉尚暄暖抵安庄衛是為鎮寧州出山矣守備張汝德祥符武舉為訊故人張給事譙明云已物故張名文光戊辰進士先是國變甲申春予自山右抵輝縣流寇渡河上黨軍懷草木皆兵予與張傾蓋

共城遂成刎頸連轡避亂山東及鼎造公為錢塘令九年入為侍中予以順治十二年冬走長安再晤公旅邸歌哭交集旋別去予官衡州公亦出為池州副使海氛變公適以署臬篆得免今胡為而死且云其死或在金陵或在淮噫計予生平肝膈之交如譙明指不雙屈遂復不得再一把晤如青齊燕邸時良友零落知己略盡可勝悼哉突然四壁淺紅慘淡義王行宮也遙望四山便有隙地山如戰衄之兵轍亂旗靡紀律不整麓邊砌堤插稻埕如疊錦又如瓊浪掩映苗婦仲族髻插山蘭花襲人馬首丁卯雞鳴啟行安順守石崑園郊迎道故至郡城晤總戎陳德執子姪禮甚恭憶及其尊人與予

請參本集卷一

五

有舊談河南前事先是崇禎末葉流寇血中原其先將軍名永福平寇甚久潁汝人多廟貌祠之守汴尤著暨河伯肆虐百萬葬魚腹竟無一人降賊者以故兩河間至今稱陳公父子云是日太守為我刻關嶺詩戊辰宿雞場舖去大路二里在山坳中瓦屋數十間尚有子衿出謁太守送我至此不即去作寄題天台山詩黔中場即中州所云集與墟村民鬻有無不設垣茨五七日羣聚以為常此處有猪場狗場皆以支干取名謂之神羣矣已巳東方甫白行挾斜入孔道晨看天台寺在半天不再登昨日所寄詩即此也是日由平壩抵威清行兩站庚午入貴州時更番禁旅將至舊戍滇黔者及瓜當

代行旅戒途未即行每日赴藩臬諸君召是役也自三月二日以至入貴二十一日皆晴抵貴次日即雨且不止臬司山東王鏌能詩有奇氣予亦作詩訓之為峰曰予以庚子六月過此之滇城內如荒郊比來南期商旅稠疊填城郭矣羽林四旗駐者亦稍稍守法改前習說者皆歸功撫軍卡公云

自貴至鎮遠日記

三月丁丑早發至午憩隆里行凸凹中如平地矣由有關嶺諸地在胸中也詔使雜沓冠蓋相望宿茅舍兵子作主人雜布商而居不奈喧譁門前有小山古廟登之為補遺云戊寅催夫朝食乃行行瓮城乾溪道中有兩

續集卷之六

三

山夾壁石洞銚水從中出噴雪排浪跌成盤渦竟為一河霹靂喧填即近不聞人聲因思層山綿結水不能出則又入山自尋孔穴突然湧出此天地血脉周流如人身然若使有物限之不能入復不能出則山石成瘡塊水成壅滯何以成造物又思天下水皆東流惟滇水向西自黔入滇一步高一步層疊而上幾於雲霄水性就下折入西海故倒流耳水之東流非性也善下也宿新添守禦掃卷間以待夜來大雨已卯泥甚又大其更番有司治塗多鑿砌石板上經雨淖淖馬蹄行膠漆中又不知何來飛泉散漫東西織錯十餘渡安順守曰雲風貴雨有以哉抵黃絲又雨四月庚辰行雨水中至平

越夜復雷雨大作太守鄭巡道徐二君酒焉鄭先為衛輝別駕訊長沙舊守張調鼎起居為言善飯有三男張關東人卜居衛予昔戊子與此君共陳長沙患難交也別來多歷年所聞鄭公言今昔之感滋予戚矣辛巳謁張三丰祠吾鄉多三丰跡此其得道處石盆叢桂爽氣颯颯孤峰突起城在山腰為作二詩守云十里外有手植四時桂大數圍花盛開未及觀壬午取徑黃平州山絕險徒步數里以不在官路故險不著竟可伯仲關索嶺江西坡等處宿打鐵關村嫖娼皆赤脚草履髮髻如雲甲申路愈險抵黃平州州初係衛萬曆末因播州亂改為州隸黔平川一望烟林茂鬱宿城隍祠在半山夜雨

續集卷之六

三

如傾盆學官余夢鯉安陸人為言予校楚時簡拔士多所翔舉已顧落落僅博一袍予曰何獨子不見舊使者江漢先生乎士之遇不遇命也祠前多梓杏樹有黃鸝榨油郎交鳴如見故鄉風土胡將軍茂禎以予告寓此為之盤桓見苗女遊城市身綴海貝椎髻頭邊傍手提魚網市魚蝦城北東二山甚異一名鼓臺渾石上有神祠有泉盛夏不涸可供千人土人避亂於此後為寇殘燬剛存舊址予曾一跨馬從石破中登山腰斗絕不及覽一名銅鏡突然孤起如筆頭公但目之而已數日聞守言大兵往來所需夫役千餘里正呼催甚亟又黃平新開河渠轉黔餉至州則陸運山程險惡峻坂絕谿貯

倉中又恐紅腐追賠是慮驛站馬骨如陵西南民力如此長此安窮日與胡將軍及孝廉張拱北飲高梁蘆筒酒小醉陰雨連旬涔涔在漏天中留凡十四日丁酉乃發由小路雨新霽時夾石狹斜中倍苦往時將至興隆三里有一泉突出山脚上面一片石黑如墨瑩者如脂處處爲乳漿漬下孔中雷闐下澆田阪禁旅新過行營土竈羅溪岍守儲秦傑越人素習儒爲子鐫飛雲洞記者宿前署雙槐如故夏雞來巢無復向來鵲鴿存矣謂去年五月予初過此時也戊戌發興隆兵新過萬馬踏藉疊爲巨埒濁水因依土龍爲梗觀飛雲洞讀前碑至偏橋午劉廣文三奇來晤劉夏邑人以諸生遊將帥間

讀史亭文集卷十 記下

五

不得志曩遇子潭州子爲介黔藩使者博一官在此三年矣當事亦未題授予笑謂古之署官不登除目傳者略可數杜工部實嚴武署之亦未聞命下迄今人輒以官名之止求人能重官耳至大將記室太守功曹皆得自置豈必選人哉樓居爽塏眼界爲濶是處隸楚便有霸氣水自黃平通沅近日爲裨將王可就疏鑿頗有成効詳予記中己亥至鎮遠過相見坡油榨關山石雷兩新破填咽亦難行與張胡二將軍飲是日舊僕阿魁走鎮遠州至沅日記

四月辛未辰舟行鎮遠橋下兩山夾水去如竹箭水清泚可鑒毛髮如在激浦瀟湘間但多磽确耳可十里乃

遣役求亡奴午過清浪城對面見山額架屋數間百仞上搖搖欲墜云是土苗避亂運黔米船滾滾而來風石相觸間飽魚腹戈船下瀨時爲所碎水之爲利害矣壬申過平溪見山寨甚銳石如笠孤起斗絕居人屋其上舟子呼爲狗牙寨向來孫李竊據數十萬攻之不下兩岍山勢色態各出癸酉甫午抵沅禹峰曰鎮遠下沅六站陸行須五日計程纔三百五六十里水行曲折倍之自高趨下舟甚駛行石上磊落砰訇雪浪軒翥林木皆響至沅不過兩日半耳故從鎮遠來者必由之灘之最著鎮遠下則有大王灘二王灘金坪灘清浪下橫石灘刺灘平溪下王侯灘滿天星灘鵝灘是何灘至沅最險

讀史亭文集卷十 記下

五

又莫如王侯滿天星二灘其小者不可勝紀也其鎮遠而上至黃平沅而下至常德由是而推當以是爲率此灘水也五溪之一通志以爲五溪屬黔今半屬楚至會同乃合故曰會同焉昔五溪蠻亂馬援征之即此也今王師駐滇黔東南米運黃平省人力百倍然而逆力艱難間有一失則性命殉之如當事爲久安之計流土布置漢苗妥帖大兵永撤荒陬無事則五溪者存而不論可也

讀史亭文集卷十 終

碑記上

鄧州重修文廟碑記

記曰建國君民教學為先又曰家有塾黨有庠術有序國有學若是則惟國有學非郡縣之謂也其云庠升釋菜祭先師先師無所指猶易之言文言不似後世專祀孔子也學之立郡縣與先師之定為孔子當自漢高帝始嬴秦焚棄詩書愚黔首故鹿走中原而天下不知有君由於天下不知有師也漢起豐沛以馬上得天下曲阜以大牢祀孔子開設學校旁求儒雅然後載籍間出

讀史亭文集卷十一

武宣繼起表章六經訂異同白虎觀漢家文治雲漢昭回皆立學之效也今國家乘乾御極誕應天命起日出海隅之邦臣妾億兆與漢高同皇帝冲齡踐阼念典於學期與海內更始屢下明詔敕宗伯祭酒暨提學諸臣肇修天下郡縣學宮之隋壞者近日邸報見吏科臣張文光有釐定廟號一疏主先臣丘濬至聖先師之議皇帝報可嗟乎神人天啟河洛因而効靈聖主龍興奎壁以之著象觀天文者觀乎人文而已鄧居中原南徼屢經兵燹鄧門之祿已去昆屋之瓦皆飛宮牆數仞鞠為茂草璧水環流有同乾時春秋紀異徒丹桓廟之楹詩人作頌未恤魯僭之宮維時郡守馮公作而歎曰有

讀史亭文集卷十一

是哉我聞古之王者不卜禘不視學明乎學與天地祖宗並重者也今夫君臣父子夫婦兄弟人之大倫也天子非此無以立國士大夫非此無以立身我讀箕疇慨然於彝倫之所以敷所以敘焉我讀學記復慨然於教之所以興所以廢焉故學者人倫之本而吾夫子者率天下萬世共適於人倫之路也象魏不崇不足以幽贊輪奐罔飭不足以錫蒸乃下令曰梓人旂人若者代斷若者職塋塋植其為我與廟貌崇祀典如令甲維時閭師黨正襄厥事斥俸金若干坑音完考工治民注梓之重三坑國中起而左右者為其閱明年丁亥告成當是時肯構肯堂既丹既獲弘訓大貝置於西序鳧鐘音運庚戌治鼓工也鼓在乎東

榮簷牙連雉堞以浮空氣徹文昌之座土圭測朱鳥而定位光分離火之明自此氣運蘊崇蔚為國華安絃操縵士多鄒魯之風折馘獻囚人挺將相之器文不在茲乎傳曰受命於祖受成於學類乎上帝宜乎社造乎禰是誠所謂與天地祖宗並重者矣今日之舉庸可已乎不然城郎浚洙所有明誠用民之力歲不過三日豈為此無當緩急之舉哉大夫乃率倅丞師儒落之其詞曰惟素王宮闕今肆好孔碩列俎豆以勤對越今威儀卒度客屬和曰文教覃敷今爰使君之明作化民成俗今乃歌而吹箏爰記歲時於牲之石成禮而退銘曰天開草昧皇帝崇儒禮所不臣厥維尸師世運升降為汚

為隆尼山宗主萬古長明何以弼教詩書禮樂何以傳心濂閩伊洛昌黎有言長民所祀社稷而外繫惟孔子非聖無法誰放曠肆考亭而後道乃折衷惟我宛鄧西鄂南郡東漢遺鄉三甥舊里賢侯作人媲美文翁猗歟澤宮惟乃之功

### 鄧州魁樓碑記

鄧居豫南偏肉薄舊楚春秋為侯國秦以後郡縣之至東漢世祖起南陽將相挺出鄧乃日大觀厥風氣漢水盪其胸嵩魯拊其背西特商於東絡淮汝平衍膏腴水土甘厚中州之神臯西鄂之隩區也史傳夏人之居謠俗愿慈敦詩說禮然冠軍五劇之鄉世亂失太平最先

續修寶慶學記上

三

復業獨後要其人天性無羈縻不均之行節義廉隅自飭鮮隋行地近周南先代末巨寇起西陲自秦關而東犯光固汝穎鄧為中遠青犢銅馬受禍最剝芟除天札百僅存一間左草昧鍾釜荆棘學校廢而城闕歌上賢能之書者比歲有間講養教於今日吏蒞土者難言之矣今皇上定鼎十有八年關東陳使君捧檄治吾鄧進父老子弟問之曰爾鄧固猶昔日之鄧也軌物倫紀皇風再泐其何道而登進吾民於古往見郡國冠蓋之使頻宮而外建有文昌魁樓諸祠贊風教襄人文予小子豈敢愛焉父老子弟長跼請曰唯唯惟大夫命爰勤龜卜考陰陽建樓於城內之東南甍甍榑枿格梯階

閱數月樓成時予官滇走予為文記之予竊惟天官書按北斗第一至第四為魁魁枕參首斗為帝車斗魁匡戴六星曰文昌宮將相及司命司中司祿在焉魁下六星兩兩相比名曰三能皆上帝之貴臣人間祿命之元也故往往郡邑於類宮之外多建之或曰文昌或曰魁樓義取諸此必於東南者何中國於四海內在東南為陽位陽為文明之象萬物始乎震出乎離猶之天街王國界而街南為華夏樓建於此於地為宜且文昌既兼將相合三台士人祿命在焉使君之意若曰天地之文天地之心也河洛為天地中者心也龜龍之祥應之今鄧距河洛近在畿內昔聖人則之闢為文字之祖則九州之文皆中州之文也將相祿命之說為鄧人祝之實不足為鄧人限之矣往者東漢之季雲龍奮起環紫宮而襄景運亦其驗也若是則斯樓之建誠不可已夫子鄧人也多使君意且聞使君諸政有不朽於斯樓者故樂得而書之以告後來之為牧者鄧人勉乎哉

### 重修寶慶學記

皇清十有五年雲貴始開先是寶郡為南湖西鄙巨猾弄兵城下無虛日守土者視如甌脫至是廼衣租食稅貢於天子而武靖而沅芷皆為我有君子曰武事競矣文德不敷庸貽長吏羞姬周盛時文王之化自北而南寶南國也召公布政爰歌甘棠周家八百年治平寶寶

先應之今景運方新金虎匿彩天下文明之會也相茲  
寶城學宮圯毀俎豆草莽梁木其壞維時分守使者濟  
南韓公右路鎮關中王公文武協和共造斯土迺龜策  
而謀曰學校廢而城關歌其周轍之東乎此曩者王澤  
不下究禍亂所由作也古者建國立學與明堂靈臺社  
稷相左右後先出師類禘祫獻因皆在泮宮則學宮  
者文武合一之道也衡火位也離火文明之象位居朱  
鳥之次翼軫所躔天地以為火太盛故以水濟之左洞  
庭右彭蠡焉水火既濟天地之仁也聖王開天下左弓  
矢右櫜韃耆定既歌迺賦械櫟此物此志也文武合一  
之道亦猶天地水火既濟之道也二公各斥俸薪若干

讀史亭文集卷十一碑記上

五

為多士倡維時直指趙公按部蒞郅子攝星沙兵使者  
篆例得隨驄馬備咨詢列聞而嘆曰甚矣賢者所在人  
國有同心也計余南遊且三年雅意化成共相砥厲孜  
孜以建學為先實為用武之國士子初出繡鬚音原半臂  
諸將服好之餘久不睹司隸威儀毋亦人文訛賊而俗不  
長厚甚之違明詔失聖意是慮今王韓二君此舉是先  
民之矩也顧韓文士也被服儒術緣飾吏事宜矣王將  
軍以金僕姑起家轡龍虎之文而窺道德之淵毋迺越  
俎乎曰非也是文武合一之道也今上四年戊子子填  
撫黔中驅車郅陵時羯方熾鴉音未集子以孤軍駐  
郅東關晝夜接賊烽爾時郅人方匿溪崗中蜂蟄為鄰

鉏耰白挺之謂櫟反苗之始發見蘇系傳鉞戈相依為命衛生不暇

安問禮義今閱十二年而往矣而闡關熙穰商旅雲集  
士子入郡者皆執一經與府主相問難有周南遠風焉  
即此學宮一市而知韓王二君之為政矣古之政出於  
教教者政之源也古之兵出於學學者兵之母也今而  
後梓材丹漆味道之腴若泥在鈞若金受礪密邇滇黔  
車書萬里觀於郅學而知王道之易矣是役也太守汝  
陽傅鸞祥郅令江寧濮萬鑑鳩材庀工厥勞維均例皆  
得書時順治己亥六月也

### 永興學碑記

讀史亭文集卷十一碑記上

六

歲在戊戌舊制以冬杪閱所隸將卒有柳桂之行以是  
年十一月某日抵永興憩公廨次日鹽沐畢謁文廟廟  
在邑西郭古瓦殘砌棧題剝落荆棘中蛛網罩結鼯鼠  
晝遊進諸生問狀則告以楚介江嶺南徼郴萬山噴岼  
先代甲申國變來為渠盜藪本朝定鼎自順治三年  
衛永始入版圖又十年中再亂獮獠黨相攻子遺受屠  
幾盡城郭為墟民間雲棟雕梁化為塵土永為柳桂要  
害渠帥巢此稱雄霸毀聖滅教宮墻棘榛理固然也而  
述愾然太息曰是司土之責也自昔王業草創辟雍斯  
建漢祖馬上倥偬之際大牢祀孔子古帝王治天下必  
自人道始人道者君臣父子夫婦長幼之倫是也聖人  
立教垂訓必以人心為先追琢於仁義道德之途以趨

聖賢之路要使斯世有治而無亂人心有泰而無否陳  
常藝極而天下理此古帝王立學之意與社稷明堂並  
設良有以也曩者金虎方耀喋血禁廷大厦莫支九廟  
斯移揆厥所由學校之官非人而王澤不下究也安可  
不尋其本哉夫教化之盛衰人心之淳漓也教化之興  
滅人心之存亡也今 聖人崛起東北提太阿芟刈羣  
盜拔中原塗炭於衽席之上八紘廓清重譯入貢近漢  
黔以次入鴻臚煌煌乎武功哉而抑知文教覃敷遠人  
慕義嚮風固有自來先是今 上躬親視學命禮臣叅  
會古今以至聖先師為聖廟定稱又嚴重學臣之選俾  
甲科高第有才望郎官署名列進 皇上自為考定此

讀書齋集卷十一碑記上

七

其心何心哉夫兩階以格有苗一變之化也一紙以平  
南粵中大夫之職也孝武表章六經爰開西南諸國宋  
祖右文重科目取江南南漢之地如指諸掌詎不謂異  
世同符哉於是顧縣令閻君之麟曰勉為之令君作而  
興起曰是司土之責也計自捐俸薪若干閱明年己亥  
二月文廟成令走吏報厥績朱陵兵備使者為記其事  
前茲斯廟成毀邑乘不可考矣自今以始後之君子其  
亦知所考知所興哉

### 重修祁陽文廟記

祁陽學先在城南隅漸就圯 今上丁酉燕臺孫斌宰  
是邑蒞學之明日與鄉士大夫約為鼎新之斥俸若干

闢荆榛除瓦礫為建置會晉江藩使者黃抑公相土更  
置之於是灼龜樹表規度方圓取材於山徵工陶埴凡  
聖殿及明倫堂兩廡蘭橈辛櫨朱綴方連層軒廣夏長  
陞陂陀較舊制倍之閱明年學成湖南提學劉公既碑  
之矣予以己亥夏蒐車乘假道祁邑拜新廟作而嘆曰  
知本哉令乎今夫聖人開天建國首重辟雍知本也夫  
六經者五倫之書也聖人者人倫之至也世有孔子二  
帝三王之道備於一身世有二帝三王之道天下萬世  
有治而無亂有安而無危皆是物也 今上寶錄應運  
敷文德嚴學臣之選著為令曰學臣黜陟以聖學舉廢  
為差孜孜以重本之治治天下也祁居大湖南徼綿九

讀書齋集卷十一碑記上

八

嶺百粵地多毒溪惡菁紫花苗徭獠雜種之屬與我  
民蟻聚而舍自盤瓠以來不能剔爬難服而易畔本朝  
定鼎十餘年中反者數起亦足信楚人之難治矣令曰  
吾修其本以勝之而已古之王者聲教四訖車書一統  
盍亦反其本乎其見於經曰荆舒是懲懲者觀感而化  
也又曰舞羽而有苗格格如土之受範金之受治習與  
性成也斯言也知本之言也二帝三王之道治天下固  
千古不易之法也如令者可謂知本矣

### 重修黃平學宮碑記

黃平之名州也自明萬曆壬寅始先是州隸蜀之播稱  
衛以黔千戶守禦之播之亂改州隸黔其有學宮也自

州始又所屬餘慶甕安學皆統於州州治建學流官遠  
商寓厥中蕃子孫荒裔聲教喁喁矣以帖括明經孝廉  
登進宦達走四方多顯者明末遭監寇城復於隍學隨  
以燼今上十有五年王師定黔州守學博爰爲肇啟  
襄事學宮用成時方用兵歲絀不堪舉廢然而宮牆在  
望俎豆不似良有司事也計立學以後址凡三遷初在  
城外以風氣渙散不利土人移之內既燬今復相度更  
置於此正位乎離朱鳥文明枕衣帶水面銅鼓二山文  
瀾復洄峰出雲表龜筮僉同終焉允臧矣君子謂是役  
有三善焉以遵王也以訓俗也以柔遠也 今天子得  
天下以馬上治天下以詩書頒條約學宮妙選學臣極

續東華集卷十一

九

爲嚴重上丁之儀躬率三公六卿習舞釋菜辟雍鐘鼓  
何以加焉故曰遵王民之不匡亂是用長爰簡師儒以  
開鄒魯故曰訓俗又黔僻在遐荒苟攸攸居鳥言卉服  
夜郎君長不知漢大建學明倫文德覃敷道人載鐸蛾  
子時術觀光上國於是乎在故曰柔遠嗟乎由是言之  
何獨黃平爲然哉抑予因之有感於貴州之往事矣貴  
爲羅甸國王之後歷唐宋止稱宣慰其地在水西者隸  
蜀在思南鎮遠者隸楚普安鎮安者隸滇其初三省地  
也不列郡縣止以宣慰繫之曷嘗有文教哉自永樂以  
田氏之變乃立貴州布政居然省會車書朝宗與十四  
國等矣黃平者又貴之支郡也是役也督撫趙卞二公

可其牘守巡張徐二君襄其議其捐資趨事夙在公相  
與有成者則州守學博也予時以滇藩移西粵取道茲  
州從諸生之請而爲之記

### 重修石鼓書院碑記

國家以神武開天建威消萌削平禍亂非兵刑不爲功  
至於移易風俗礪世磨鈍躋斯世三代之隆必自文教  
始矣在昔哲王於揮戈躍馬之日往往不輟論道講藝  
而一二巨公佐王憲邦惇經術圖治代不乏人董膠西  
爲西漢大儒其所建策惟在立學校之官州郡舉茂才  
孝廉文翁化蜀司馬相如之徒遂上公車獻賦漢家一  
代文治始基之我 大清皇帝提三尺劍崛起東海驅

續東華集卷十一

十

雲中義旅殲廣明之劇寇手奏太平膺曆數在元服之  
年版圖甫定即崇祀名山大川遣禮臣行瘞玉典而又  
幸學臨雍孜孜以拜老乞言爲事淵乎人文化成之意  
教思無疆也湖南去京師數千里遠隔洞庭衡郡治在  
南岳鴈峰之麓有石鼓書院一區蒸湘合流躋踞孤峙  
在三國時孫劉湘水爲界諸葛武侯督零陵桂陽諸軍  
曾此駐節唐元和中李寬講肄其地以書院得名又南  
陽韓吏部潮州之役於焉信宿在宋淳熙鼎建敕賜扁  
額歷元明不廢中祀忠武以下漢唐諸君子七人皆以  
過化垂聲見郡史勝國之末屢經兵燹化爲丘墟湖南  
自順治四年版圖冠再亂順治十年 上命南安洪

丞相以經略五省視師長沙時撫軍關中袁公同以是  
年奉命秉節鉞鎮撫南楚與經略洪丞相同心協力以  
討不庭先是公治沅州時方進取以衡爲要地遂駐軍  
於衡治兵之暇蒐故乘覽輿圖念王澤久湮典型如在  
於是斥騶從偕參佐登臨焉慨然歎曰有是哉詩曰高  
山仰止景行行止雖不能至心切嚮往之夫衡岳居五  
岳之南微當朱鳥之首祝融司火政秉鈞南岳離火文  
明之象也南方卑溼水國故應以火濟之譬之國家當  
肇造之世勘亂以武飭治以文水火既濟陰陽不舛文  
武合宜剛柔不競殊途同歸也今夫此魁然矧碑者石  
鼓也哉是皆昔人講貫藏息之地發明聖賢之精蘊開

衡山重修景行書院碑記上

十二

拓萬古之心胸將於是乎在夫昭來茲無如崇先正防  
奇表淫惡之行無如表大道於是考諸祭典按諸舊章  
以爲江山勝矣非名賢聲施即風物不光臺榭崇矣必  
緣典朝綸綍則俎豆斯重於是勒記室以屬草走長安  
而上書曰惟茲熊繹楚國江漢上游當翼軫分野幸荷  
皇上威靈華輅藍縷以啟山林藉使名賢湮沒草莽非  
所以耀德而飭備也天子若曰睠茲南楚幅輳險遠廣  
交附其背滇黔控其喉東偏郴虔一帶萬山巔峴綰轂  
江右苗獠孽牙其中衡稱要害用綏文德洽此遐荒惟  
撫臣是視如撫臣言公於是下令曰二三從事及兵使  
者守若令其爲我鳩乃工庀乃材測圭度景版築陶埴

丹雘之役勿或敢後計正祠及左右廂簷楹砥柱恤恤  
兄入聲闕枚枚厥功告成用凡六百餘鏤鏤棋接綺疏以

流雲蘭楯挾杏梁而度月當斯時也南望蒼梧北眺祝  
融山川鬱結蜿蜒下則江流環注吐漱清徹飛觀搖霄  
漢而上石壁削三面下臨蛟宮估帆戰艘交織其下遠  
睇之如在蓬壺而又俯瞰城陰闌闌殷賑賈人子挾重  
貲市丹鉛連錫余漆梓楠名材之屬廢著長于暇時則  
登臺劉覽見諸生彬彬習威儀經聲喁喁出牖則翩然  
有士君子之思亂來城內屯兵老革獷狽弗類豈其性  
生密邇鐘鼓習見多士歌詠吹雅采齊肆夏遂有以化  
積習而借之於敦詩說禮之途則夫良家子弟漸成鄒

衡山重修景行書院碑記上

十三

魯明珠大貝照耀湖湘之間安知谷子雲周濂溪諸人  
不接踵再見今日歟以視鵝湖鹿洞之勝異世同符矣  
於戲盛哉公饒幹略其他均田招隱詰戎鋤奸諸大政  
見公疏在國書中至於修繕學舍城樓各有專記以順  
治十五年春統四帥兵開辰沅武靖王師入滇黔移鎮  
沅州云

### 衡山重建景行書院碑

景行書院在衡趾前兵巡使者秦人張公肇之亂後圯  
而述以歲在丁酉臘監司是邦會兵事方殷簡閱士馬  
索敵賦應庚癸之呼靡暇晷已亥秋量移滇藩私念舊  
遊開國來凡三陟南嶽曩辛卯夏棲嶽最久知景行書

院為諸生講貫所爰檄衛守李君曰人臣奉天子命唯是教養二事有司首務也今頻年水旱繼大軍後守令及藩臬諸長業已削牘臺使者為閭左請命毋亦唯是天開草昧蓂莢舊俗尚仍固陋顧安得人曾閱而家鄒魯於以上報天子下飾吏治則景行書院之役不可已也維時述先為斥俸若干錢守若令各捐赤仄有差迺鳩工庀材鼎新是圖諸凡童梁雲案與夫宗廟音通廟雅素櫨音皮栢音也之屬以至屠廡音廡廡舍也舍音也慈飭有加而書院還舊觀矣竊嘗論之五嶽天地之三公也衡離位厥宿熒惑祝融帝之於文事為著虞書五月南巡狩柴望答陽也苗頑弗類舞干來格三代以上聖人未嘗以蠻方

衡陽志卷之十一

十三

而棄之也成周立熊繹以子爵采其地數傳至莊王始霸與齊晉爭衡惟楚有材顧不信哉居國南鄉涉江漢阻洞庭距京師二千餘里與滇黔為鄰往者獬豸雄長京觀未築被王化獨後今大師南征渡鐵橋梁孫水下苴咩之城探羅鳳之壘楚荒曠今稱腹裏求德肆夏或敢後諸在詩有之曰高山仰止景行行止此書院取名之義也昔左史倚相三閭大夫訓辭文章照耀史冊皆楚高山也倚在漢屬長沙三國末為湘東郡百粵之喉居榔嶺獬豸上游為古將相治兵督餉仕宦登臨所必經地大者如蜀諸葛丞相南陽韓吏部及張南軒朱晦菴諸大儒過化之區此遊楚者高山也雖曰景行在人

不在地書院何為然古來黨庠術序以及家塾里社共成風俗之書非此道莫由所謂觀於鄉而知王道之易也砥德礪行休嘉碑隱蔚為華國之器是聖人側席而求者也豈惟鄉舉里選歲上公車博取科名云爾哉此予與太守有事書院之意也

### 嶽麓書院碑記

潭傍湘江亂流而濟西岍山角隆起青虹蜿蜒是為嶽麓衡嶽至此而盡七十二峰之一也舊有嶽麓書院勝國之末武蟲麻沸獻賊屠城鄂師繼之盡付灰劫歲在甲午經略丞相治兵長沙予以丙申奉天子命從軍來潭閱明年丁酉陟焉顧瞻遺址嘆曰數文教景往哲

衡陽志卷之十一

十四

司牧責也豈無繼前人而起者是年予官衡兵巡又閱明年戊戌經略西征歲在己亥予奉當事檄兼攝下巡道篆私心幸曰息壤尚在予敢食言乃與潭守司李諸君謀所以重新者潭自戊子甫開十年中再梗王化鐵騎犯城下聚落不保典章圖籍化為異物空山數椽蕩為寒煙蔓草固其所矣今滇黔既下尉侯萬里天心厭亂禮樂用興亦惟是昭宣一人雅化丕變諒俗若使王澤不下究而典型淪於草莽何政令之為也爰下令曰徵名材豫章梗楠勿或不備善搏音也填音也髻音也工音也藝音也薛音也暴音也勿或不良縣音也熱音也規景極星以正堂構相承棟宇偕作各斥俸金若干書院成按書院

之設唐宋為盛在楚南者凡四衡為石鼓以李寬得名  
靖為鶴山以了翁得名在潭者二一在城南為南軒講  
學地一在嶽麓以宋守朱洞得名即此今城南不可考  
矣此再造之顛末也乃與太守諸同事觴於其庭而落  
之為問嶽麓曰自有宇宙即有此山左庭右蠡三苗故  
國何負固不服而舞干乃來漢刑白馬王諸子弟何吳  
芮異姓而獨傳五世西京文人賈誼稱首何懷沙賦鵬  
而痛哭是咎定王襲封爰啟東漢何春陵是徙而火德  
再煥又如吳劉爭霸割據湘水何赤壁既敗而荊州不  
守五代搶攘馬氏用與何敵國用間而謀主兇終繫以  
詩曰繫昔有明運丁百六羣兇四起爭逐秦鹿大湖以

續梁公集卷十一碑記

十五

南連山溪阻巴蛇封稀人肉是脯甌粵是喉滇黔是穀  
屢勤王師草橋敗鯢歲在甲午丞相南征屯田峴首方  
略金城牂牁既下南詔旋開交趾緬甸稽顙而來維茲  
潭州實基太平千戈既息人文當興已亥冬抄賤子來  
遊手闢荆棘講堂是求訂經虎觀給筆蘭臺於鏤奎壁  
雲漢昭回朱陵洞天金簡玉冊思皇多士觀光上國同  
事文武姓名例得並書

陽曲縣狄梁公譜系祀田碑記

縣之治南十里人烟三五十家相傳為梁公故里志乘  
所載父老所傳至今呼為狄村云余每以迎送出郊少  
憩古槐蒼沈荒岡野火欲求公一綫之子姓而問之而

出氓瞠目相對能言之家絕少因慨古來賢達勲烈燦  
著竹帛間三尺童子克曉姓字而異代而下求一血脉  
之人奉其廬兆而香火之而湮沒不可勝數世固有人  
樂稱之以為祖宗而子孫無傳者良可浩嘆哉適前中  
丞范公下檄延搜之不可得會憲長范公驚倚誨余曰  
梁公以社稷功再造李唐天之報施善人克昌厥後此  
理之常無足怪者子為我細諏之雖兵燹歷亂陵谷遷  
流橘枳尚有南北之異矧伊人矣吾少讀黃魯直集而  
見公後有名遵禮者稱其為避五代亂去太原占籍江  
潭間為通議大夫雖家食荊州而墳墓實在陽翟偶所  
睹記已如此況耳目不及者固多哉此公誕育之鄉而

續梁公集卷十一碑記

十六

此姓亦復罕鮮緋衣蕃於閒喜陸氏盛於雲間神明之  
胃樵牧何嫌將相之裔屠沽亦壯且我輩吏此土以仰  
止高山得其一二苗裔而衣冠之子為是弓冶也歟哉  
風教關焉矣余於是榜其說招之百里之內得四人拔  
其老成者二以報公曰噫梁公而後乃今有孫矣夫一  
脉是傳即衰落實甚依然內舉光嗣而百世可知門地  
莫問又何必認譜之武襄哉爰為悉其狀以告執事俱  
報可督學使者乃命余為二生賦采芹具巾幘入梁公  
祠內洗爵奠饌歲時伏臘稱弟子員為梁公奕奕後一  
段佳話至詢祠所緣來則固元輔吳公昔填撫晉時所  
捐貲任租植建於三年前者也守寧公為公門下士因

公意而光大之可謂景行高山善守師說者矣間嘗取梁公之始末而論之平生知已有二人焉其始則閻立本而其終則婁師德也夫立本以觀過知人相公於海曲東南之際至同平章事周旋左右數十年則師德實薦之今公既有專祠私意以二公本主配享然千古具眼梁公自應虛席恐於主客禮不類且已而此義不可不存也抑當時梁公所為誠難耳夫女主昌而太史兆之李淳風以為無如何猶以氣數委也而李勣等以為此家事也一言成之甚矣無賴賊之嘗試人山河也令非公也而太原王氣不既漸滅無餘哉觀夫帝在房州也甲子紀年胥天下而周矣而於公之相也則徵之嗟

讀李太公集卷之十一

十一

乎九月黎開徒占先春之苑六郎荷放幾創一姓之根北晨應聚滿朝之上業已盡化為婦人而瞿瞿國老拜手颺言返廬陵之駕於東宮振鸛鳴之羽於一夢即淫婢亦知其無可奈何而曰還汝太子也公於斯時誠岌岌乎危哉其不死者僅介毫髮耳先正有言曰取日虞淵浴光成池此其功不待羽林五百玄武門下而後見也自東之進而事有可為矣沈沈深淵斷具有老謀蓋從來母后當陽社稷未有不搖動者呂雉武曌禍實相匹然絳侯厚重少文而安劉氏者必勃此在高帝時業已依毗之矣六軍左袒猶易為力至梁公則起家法曹非顧命可比而褫裘縱博未免權術參焉乃以善藏其用

視子房引四皓一事猶或過之持危定傾非絳侯所敢望故君子直謂唐家二百八十年之天下而世界於此一再開闢也今公去此且千年矣掃片席地而追肖之登臨其際者鬚髯儼然其人斯在白雲自慶桃李不言公何以得此於後世哉則公自有所以不朽於後世者而不關後世也於時中丞蔡公御史陳公汪公與夫藩臬道郡諸長各蠲俸銀若干為公置祀田三百畝用以春秋時饗勿墜公緒噫既有其孫則公之統系勿或湮也復有其地則公之黍稷勿或墜也雖勲臣有廟載在祀典聖天子藉以風有位為後世勸者血食千百年而未艾固無藉於此而此間生長之地端然一室應與大

讀李太公集卷之十一

十一

禹泰伯季札伍員諸祠長存天地間矣詎不休哉夫顯名厚實擁權借勢以仕宦為樂者止乎其身沒則已耳至於氣焰蓋代而墓道無題或平生所為不堪正告後世令人經其地欲起九原而唾之如此者蓋亦不少焉是誠不可與公同年而語矣然則後之君子生此地者先賢在望儀型不遠而宦遊此者奔走堦墀英爽憑依則師表之念亦可油然而生已較之青史之取法不既親切明著也哉於是壽之碑以計所為不朽此田者呼兩生而盟之曰此尺寸土皆爾祖梁公之神所式靈皆上臺之德意所宣布也若等象賢輩出以無隳家聲恪守故土視此石若等不肖時有將欲割此田而市之有如

此石君子雖貧不鬻祭器子子孫孫庶幾勿替引之乎  
爰爲作譜系祀田記一時捐餼諸上臺得以貞珉載並  
田坐落四至與始事原狀具悉今後之觀者知所考焉

### 三堡碑記

直指陳公按晉之二年綱舉目張領挈裘振雀無角蛾  
無弓狐無尾虎無偃道有弗戢者視驄馬行部有不率  
者視柱后惠文在隆隆乎保障也哉乃於仲春防河之  
暇駐節晉陽取故乘而問之原本山川相厥形勢知其  
要害扼塞之所在萑苻竊發爲遁逃數而鯁焉憂之爰  
立三堡其一則東北之紅土橋也距省會可八十里許  
爲孟壽孔道土焦鹵不宜水民卜居難以故輶軒商旅

請參本集卷十一碑記一

十九

之往歷非聚衆不得以無事行而單身隻騎屢屢見告  
矣先是亦有以土房數椽築山麓石梁下可容十人爲  
若輩嗔怒不旋踵遂廢去則地勢使之然也公曰此非  
登高望遠爲久大基不可其二若三則坐落城之西北  
爲天門關爲凌井驛兩處一道相連互爲首尾山之東  
盡爲天門去城可五十里山之西盡爲凌井可八十里  
山勢豁豁窅窅僻路一髮夏日蓄冬氣陰森畏人兩崖  
山骨如輪困熊兕不可名狀旁有溪溝陷其脇稍上爲  
石梯層齒積鱗可二丈許攀藤牽蘿爲猿猱而上綠林  
者遂依此爲窟穴如狙伺茂草如鷲伏溪林往往見販  
夫市兒挾重貨輕鈔過此瞭者瞭攬者攬罄所有而甘

心焉得手隨遁速有司發兵擒捕而椎埋之侶已入無  
何有之鄉矣嗟乎自有天地便有此山自有此山而行  
李之往來以性命爲嘗試蓋不知其幾千百年矣公乃  
呼縣官而囑之曰若更此土以有此民也地方有大害  
不殲隱禍不消彌噬臍何及長此安窮乎爲一一悉前  
狀如左余警寤曰誠如執事命但山形巉巖狹斜斥埃  
難置亡命因之爲利又無飛澗流泉可以佐人烟火者  
誠劫徒之戰場而行人之陷阱也明公當何以策此則  
取袖中三處圖繪而譯之曰某處可以伏奇某處可以  
設險事如爲之而不能竟成則已耳未有明知其可爲  
而相沿日久視爲尋常以後人而復諉諸後人而可與

請參本集卷十一碑記一

二十

之淡言天下事者也且若以此蜂蟄之毒無足重慮乎  
沒鯨之波潰於螳穴燎原之勢張於星火安在潢池之  
弄爲可高枕視也且若不讀陰符穀城諸書乎爲虺弗  
摧爲蛇若何微乎危乎無形無聲不可忽也伊可畏也  
且夫晉非無事之國也上谷雲中去塞外僅一牆之隔  
耳不必遠稽前代即如世廟辛丑大同變起倉卒我叛  
軍石天節等出邊引北兵擁十七萬衆自天城徑趨三  
關直抵太原焚掠屠戮之慘古所未聞跡其已事若得  
山之前後凡隘口關喉之處豎以堅壘宿以重兵而山  
川形勢亦復諳熟胸中或出奇以截其鋒或犄角以扼  
其勢或固圉以老其師則彼敵人者輜重不繼多損士

馬勢必不能深入而中宵北走矣亦安能直驅數千里如入無人之境而飽載而還哉若此者非容民不以畜衆非建威無以消萌三堡之設吾所以再四圖維而於伏莽之戎小試控馭以俟後之君子作全鼎一鸞觀云耳於是隨發贖銀一千五百金命奇嵐知州夏公與余董其事鳩工庀材相度基宇計堡於凌井者圍約四十丈高二丈二尺寬丈六堡於天門者圍約八十五丈高丈六寬五尺堡於紅土橋者圍約二十四丈高如凌井天門而寬少讓各爲門一酌守兵於其上先是議取標營兵丁每堡各五十名按月更番即以其賊之寢發定將領之殿最尋以舉事當酌其便莫若取縣之快壯

讀史事本集卷十一

三

精勤者爲輪戍之法如前而月糧之設即以本身之工食給之但須總彙先發不至仍如左右廝役者爲扣除爲那借不得實惠耳是則青衣絳幘之侶何必讓投石超距之能殆隱然一堡一屏捍矣而又其勞逸安肆縣官得而問之不時考核習練務令巡哨得法草澤奸宄蕩然掃迹即爲若功猶是故態復萌拾遺滋害即爲若罪庶幾道路一清而太平可想見乎況行之無弊則他郡效之者必衆即萬一外患猝生在我進足以戰而退足以守欲復如向者之逐狐兔於原野而探玉帛於囊篋不可得也此不亦堅壁清野之一法而久安長治之要務哉至於除溝之害則用大石扼其吭鑿兩峽深入

之用胡粉與煉鐵二者爲攻治法而復折其向來之梯以絕仰攀路其功與修堡相爲表裏而事半功倍之矣其堡之在紅土橋者名曰生民凌井天門者則曰安民曰全民明乎建堡設防之爲民也夫民吾民也盜未始非吾民也民而失身爲盜殲之惟恐不亟誠使荏苒之子計無復逞革面歸農其欲生而安且全之也又豈有異焉是直指意也故因之公諱純德字靜生湖廣零陵人起家庚辰進士臚傳前一日蒙恩召對稱旨次日擢御史臺是年按部晉中奇嵐知州夏揚名字賓實山東昌邑縣人辛丑舉人

先公集臨自庚寅辛卯以後對撫羅疏所作或已刻未刻仍有存者其申酉以前友紀略葉諸刻失之澤源戊子以後則失之靖州此三堡與

讀史事本集卷十一

三

狄梁公二碑楊鶴龍先生於順治乙未由鳳士出長晉藩先公說其訪求遺稿先生得此二碑刻之山西通志中先公曾未之見也聞康熙壬戌同鄉集刺嚴分守冀寧道馮通志歸時得此二記則先公已歿廿餘年矣又陽曲署中先公於去任日勒石牆壁記居任所行事頗詳今此碑遺之京師萬不及附集內并州遺跡付之蔓草寒洲而此二記獨存然僅存則猶龍先生之厚意何可忘哉男始博謹誌

### 重修夏禹王廟碑記

穰西六十里有山隆起從巖山漢水西來發脉順陽聯綿穰之右臂其南者曰杏仁山取其形似中亦多洞昔孟珙屯兵於此里人避亂常居之或曰洞兒山也此一峰孤秀自結數巒與杏仁諸峰相揖讓舊有大禹王廟頗軒殿迴廊曲榭僧廬可十餘間焚香誦經其上不知肇自何年予爲兒時記歲時清明節山有里社之會男女奔走百里外百貨畢集貿易紛紜竟日乃散以爲常

明末崇禎癸酉大寇自河北來中原一塊土橫蹂獨苦  
神人無寧宇廟遂遭兵燹僧屠且病以死山下居人亦  
零落不能為王啟廟貌如昔日自庚辰第後曾鳩工  
庀材一新之未幾又火今年予自粵來得以遊倦返初  
服居里門凡若干日坐念茫茫下土畝畝原隰惟禹之  
緒且祭典有其舉之勿或廢也鄧西之有此山自有天  
地已然乃大禹以前不聞其何名今郡志所載茲山獨  
以王著彼匡氏兄弟居廬山後世得而匡之齊映為池  
州刺史遊南山後世得而齊之而况接帝統開王業功  
在九州德在萬世如崇伯氏之子皇皇乎天下君哉子  
上世祖自臨江來卜居於山南八里茱萸河之西千歷

龍臺本集卷十一

五

代奉禹祀黍稷馨香勿或有缺詩曰維岳降神生甫及  
申魯世家所傳則云啟聖公禱尼丘而生孔子予小子  
以章句起家叨成進士不幸遭鼎革之世碌碌無所建  
明安得附會前說敢曰神實生我而降之神念舊典不  
可缺予既為山下人當纂緒前烈以竣來者彼五元西  
竺兩家名利飛觀都人士爭輸委恐後我輩讀孔孟諸  
書安有舍帝王本紀不信而淫祠是為是誠狄梁公罪  
人矣獨資重飭為之監石以昭來許時維 大清順治  
八年之四月也

禹山廟碑先公庚辰第後火劫石距今庚辰又五十九年於茲若屬  
七十年矣兒時猶記摩挲其下此作則於順治初毀國更新碑不果立  
其庚辰所作集中未載尚俟錄本  
刻入康熙己丑二月男始博謹誌

臥龍岡諸葛忠武侯祠碑記

史稱建安十二年昭烈三顧諸葛亮於南陽南陽西七  
里許相傳為臥龍岡即公躬耕舊處相沿有專祠內貯  
草廬一區周墻重宇朱楹碧樹階除前後碑立如林每  
皇帝御宇輒遣官告祭郡城冠蓋以及負販頂禮祝禱  
無間歲時伏臘蓋公之大業天地為昭三尺童子能言  
之靈之在天地焄蒿悽愴在上在旁不必南陽始有祠  
南陽其發跡之地揆以祭典有其舉之勿或廢也則南  
陽之宜俎豆公與成都並隆固其所也予嘗讀公遺事  
有感焉漢室傾頽奸雄專命郡縣方燃五銖不競秦鹿  
既走晉甲方興昭烈雖王孫然涿郡業履之人耳馳

龍臺本集卷十一

五

驅呂布袁紹曹操之間狼狽於徐州河北汝南之際身  
在羈旅一枝靡棲妻子不保敢問王業此時雖有關張  
萬人敵周旋左右而昭烈英雄無用武之地髀裏肉生  
功業不就所以涕泗橫流也維時公高臥隆中抱膝為  
梁父吟誠如公出師表所云苟全性命於亂世不求聞  
達於諸侯者也先是昭烈自汝南後奔依劉表居荊州  
數年自傷摧折之餘求賢若渴德操元直遂以伏龍鳳  
雛之說慫慂為昭烈言之噫此天之所以助漢興抑鼎  
足之烈將成而火德重炎也昭烈於是引躬式廬駐車  
凡三爾乃握手定交歡若魚水剖以當世之務定於三  
分迄今繹其草廬中數語勸其結好東吳跨荆益以圖

中原後來無一事出其範圍公真神明哉宜司馬懿觀其營陣處所歎以爲天下奇才也獨是爲公惜者當時昭烈與龐統入川公在荊州後來不宜輕去荊州而入川以致有荊州之失既失矣昭烈爲壯繆伐吳曾不聞公以一言止之又致有西陵之敗燒鎧斷後踉蹌白帝抑何憊也若使荊州不失既無西陵之敗一意結好東吳併力破曹曹操遷都避銳之時長驅入洛庶幾國賊授首而高光之業再見矣後來雖屢出祁山斜谷屯兵五丈原而荊州既去關張諸君又歿誠所謂萬牛回首丘山重矣漢業之成於三分公爲之漢業之竟於三分亦公爲之歟適公祠久圯於風雨三韓張大將軍鎮宛與三原王公分守使者太守郡倖司李諸君鳩工重葺新之而蕪詞爲志永久因論列公遺事如左乃若溫公紀年帝魏而屈蜀此其說蓋爲晉地耳司馬其遠祖也朱子作綱目直從獻帝被廢系章武於建安之後其論始定噫得春秋春王正月之旨矣作爲迎神送神二曲令有司以時享焉

漢道陵遲兮帝子心悲投淚揮戈兮恨其力微侯盱衡於海澨兮將依棲乎南土鬱彼春陵兮乃龜背之墳起中興之舊宇戶外履聲兮有人大耳王孫兮征車轉轡侯之出兮三分業業白帝兮王氣氤氳駕木牛兮騰流馬蘭漿拂拂兮甘椒盈把望草廬兮翩然而來下

右送神

曷不攬轡兮故鄉葑豆穰穰兮白水臨觴有兄子瑜兮江東之望兄不來兮弟不往侯老於軍中兮子復疆場濯桓靈兮祀高光上拜三十六王皇仲謀漸滅兮建業灰漳水東流兮銅雀亦頽舊井甘冽兮舊廬新西望成都兮東瑯琊南陽鄧縣兮惟侯之家

右送神

讀史亭文集卷十一終

讀史亭文集卷十一終

三六

碑記

貴池迴瀾閣重建關帝祠記

歲在辛卯予遊金陵以八月八日返棹秋浦舟抵樅陽江對岸候風長干同遊李韓諸子登迴瀾閣少憇時方亭午天空風息雲無片翳水面平如掌遙望四山秋嵐漠漠澄波萬頃龍睡正穩鼙鼓不鳴榜人曰必待東北風始可渡江湖流而上今晚暫泊舟子及同遊閒步江頭適父老三五人懷細帙一束問字於予為重修關帝祠云云指大江中石磯曰此哪吒太子磯也精廬一區

敗於兵燹前楹奉太子香火後即帝廟舊基近郡中之士大夫捐大官俸與匠作聿新舊觀頌公為文記之且以啟佑往來行人并此墟里中黃耄垂髫因莊嚴起飯依俾此茫茫江漢朝宗於海昏墊永息底績無恙不亦休乎予竊惟帝靈之在天地正如蘇子瞻所云如水之在地中地無往而非水天地間無往而非帝也此江東一塊土是帝曩時所欲唾手吞之疾首痛心者也荊州之役天不祚漢坐使封豕長蛇狡焉肆其毒叢千古義士讀帝遺事恨漢室之陵夸慨血食之中隳廢書而歎焉豈英靈如帝聰明正直如帝易世而後肯受吳土之鐘鼓而享吳民之蘋藻乎曰不然帝乃心劉氏者也乃

心劉氏則此江東數郡當時為孫氏父子兄弟之所虎視者而今安在哉帝靈在天地則大地山河莫非帝所式靈莫非帝所式靈即莫非漢室之乾坤也自建安以至今日不知幾人帝幾人王而帝靈之為煊奕震煥自京洛以及通都巨邑窮鄉陬壤無慮成人小子冠蓋負貳之侶莫不人人胸中有一帝而題桷丹堊猶其後焉至震旦以外則不可知矣如是則帝祠之在一吳猶之在荆在蜀在中原總之在天地間耳又何不可者此無他陰陽止此正氣耳正氣所結為日星為河嶽喜則為潤物之甘澍怒則為奮地之霹靂若夫奸宄竊命睥睨瞬息之間時或與正氣爭衡正氣有時反居其負此則如魍魎魑魅依草附木諸怪物遲之又久自必化為烏有矣又安能與正氣爭千古之人心乎嗟乎此帝祠之可以不公在吳而又何必不在吳也即謂帝生前未了之志可也帝閣既成英爽如在俯視三山憑眺天門東望建業西望武昌長江千里砥柱萬年在於斯矣為報郡城守土諸君他日帝閣落成即以此疏易碑可耳

鄧城東門內重修關帝祠碑記

帝之靈在天地間焉往不著南鄧密邇荆襄為帝舊遊北瞰許洛南控樊沔帝之祠宇林莽中謝固較他處獨為有據帝靈於昭于天瀾漫薄海其於當年旌旗回翔

之地其禦災捍患不肖邦家尤式靈焉億萬斯年蘋藻  
馨香心之在人日之在天也明崇禎丙子鄧城不戒而  
述節母王氏同述妻子避難鄧關帝祠下私祝曰得荷  
帝靈免於難當重新帝宇以報帝床時賊鋒逆射血流  
成渠予一家屢瀕死地得無恙而述是年以下第歸來  
母爲言此事竟以兵事里居靡寧負此願且二十年而  
先慈於癸未下世距茲年丁酉亦十五年予又以介馬  
南遊於楚依幕府潭州勿勿且有事於西南則予之未  
嘗須臾忘此也神之聽之能無咎於厥心會室人王氏  
則猶能記母言乃踐斯事 今上之丙申廟貌適再成  
家人報書爲記其事我聞天道無親嘗與善人神明亦  
然惟帝聰明正直與萬古之徽瀆日星同視聽於下土  
扶陽理陰贊襄元化豈區區於一人一家施顯功哉然  
予一室之得邀神貺以自脫虎口不與雉堞俱屠敢謂  
非神之力抑予節母王氏自予四歲失怙稱未亡人平  
時持齋奉佛嚴祀百神尤專吟鑾於帝則帝之庇予母  
以庇我一家也予小子敢忘帝力哉敢忘母氏哉予今  
得稱人祖父而膝下團圓箕裘勿替者誰實尸之予抱  
此念於廿年妻王氏申母志於一旦此周南諸什大夫  
妻能奉其祭祀風詩所由作也然而予蓋慙愧矣予之  
未嘗須臾忘此且二十年矣則祝之曰神休也母志也  
維吾子孫繼續其皇之

耒陽杜子美祠堂記

唐以詩取士由進士以詩名者不具論若夫以詩名而  
不在進士之科者惟李杜最著二公之才頡頏相昆季  
遇亦略同天寶之亂杜艱虞遠行在以伸救房琯不合  
罷去離析終其身老且死李以附會永王璘有夜郎之  
謫自今論之當日朝廷能竟二公之用二公殫心抒蘊  
藉勸旂常於一時李郭之勲必有所分後世知二公者  
不過如李郭而止然且無如後世之並不知有李郭者  
何也乃天意不欲以勲名成二公二公乃別出一途以  
自成名於後世是天意扼於一時者未嘗不豐之於千  
年也則夫士但求如李杜之文之人而止耳至於遇合  
不可知之數有志者不問也然而一時之興亡成敗忠  
佞賢奸國運兵權賊情朝政讀其書燦如列眉不煩更  
搜正史使人感激衰頽憐然於君父之大則二公之爲  
文章未嘗不勲名也此古人稱三不朽而德功二事尤  
借立言以傳也耒陽在衡嶽以南介僻舊有杜祠按公  
本傳及年譜緣以與聶令相善一夜啖牛炙白酒飽而  
死爲水所沒後因皇帝下詔將官之遂爲疑塚云其說  
亦不一要之公詩在天地間氣無所不之無不之則隨  
處皆公何必塚且何必耒陽今耒陽旣爲公舊遊地即  
不塚亦當祠然則耒重公耶抑公重耒也麗士元佐先  
主定西蜀起家於耒耒之人祠之公以詩名歿於耒耒

之人又祠之然則來之祠公乎抑天下古今之有同心之為來祠公也來之有公猶當塗之有李皆以人重其地者也君蒿悽愴馬鬣如在組斯豆斯何必故鄉世之侈功業而無美可彰又無文可傳不應祠而祠者何多也是皆公之罪人矣衡李汝南劉子有新公祠之舉時子治兵朱陵聞而壯之為之記噫世之知先生者獨以詩耳然則先生豈直詩人哉

雲南右藩公署碑記

皇清甲子十六載滇始歸版圖時大將軍受命專征定六詔地遠新出湯火離析焦毀羽林六軍雲屯依棲靡所官屏灰初復半維左右藩舍昔在城內夥願沈沈久

讀李太公集卷十二碑記下

五

非其故十七年庚子述卿右藩命抵滇懇觀中興臺出入黃冠為伍體統未協因察東郭民舍一區原隸官籍棟桷朽蠹近以克薪半圯污泥中因為創續故事改構之報曰可迺移牒左司選文無害吏一人董厥事新之實初也鳩材度工日作凡百餘指自屏廡房櫳寤寔覺雷聲與落別廣為構為樂為窄為礎左斧右斤輪奐維飾以庚子九月廿四日起工以冬十一月告成費凡九百有奇夫而後右藩有公署矣閱明年辛丑春適有粵西之行因念此公署之成民力也曷可以無記迺賜二三僚友於庭落之且即今日滇藩而淡念之用告來者曰夫滇六詔舊壤楚寶攸居夏商前時通王會周後秦開

五尺道楚裔孫躋王其地歷漢唐元明載在職方近王師三路底定長驅金沙滇任土之貢承平纔十餘萬不敵吳越一邑朝廷遣天策宿衛之士更番戍歲費金錢百萬仰給東南時值歲青穀價騰貴斗米至三四千滇藩一官為錢穀總司念此西南一隅萬國將禁旅轉餉互相首尾大敵一日尚在則禁旅一日難撤禁旅一日難撤則轉餉未可中止官此者欲上佐國家之急而下為吾滇圖一勞永逸之計難言之矣昔漢武用兵軍興告匱爰興鼓鑄今天下兵力全在於滇滇銅山頗多帛布刀貝而外錢用最便先是滇甫開礦久封舊銅錢不乏經略初局省會取給於此大理永昌繼行之

讀李太公集卷十二碑記下

六

撫軍再疏其事專隸右藩會大農以為錢局各省久停滇用兵議以三年為期報可顧三年今已屆期矣自子為右藩郡縣銅復告匱予因以為言當事念軍需孔殷滇之情事異於腹裏詔謀商權逕行檄郡縣照滇志舊礦開採各如法且將復請於朝以鼓鑄佐軍與勿限年例為今日滇計誠無出於此者然則滇之右藩今日鼓鑄專官也舍此無可言者抑豈但為滇計哉錢源既開可以少蘇東南民力之困曩者吳楚蜀山錢行天下安在滇而獨不可也予蒞藩甫數月開花箐寶源等廠略有成緒而子行矣後之君子好為之耳抑吾因記滇藩有感焉古方伯之任居連帥右專以治兵後世用以治

賦已非初意且勝國之始謂之行中書省邊疆戰伐大事得與聞自後設都御史巡撫各省而藩司一官迺與度胥等不復言天下事矣噫豈獨滇藩哉

偏沅撫軍題名碑記

廳事之有題名也慎之也猶之史也史出自他人手或出之傳聞異日始爲之事嚴於春秋而褒貶寓於國乘即其人之生平而言之題名者自爲題與夫人之代爲題止詳爵里去來歲月而他不與焉後人即以此而推其人之本末與其爵里去來則其人之燉黜黔皙如列眉矣所爲慎之也猶之史也考之巡撫之設古無其名先代中葉于少保諸人始爲之時疆場多事蒐乘詰戎

讀史本義卷之二十一

七

重臣莫任故每省歲敕都御史一人爲之於以削平禍亂受一人推轂之寄與古來儲貳臨戎及大將軍授鉞等所謂撫軍也偏沅撫軍之設肇勝國之季當其時一夫作難西蜀告警當國者念滇黔楚粵密邇相聯溪尚綿結延袤萬里非重鎮無以彈壓乃於黔楚綰轂地有偏沅巡撫之設猶之西楚之鄖襄嶺嶠之虔州節制之權與總制埒偏橋沅州相距四百餘里中歷四衛駐偏則近黔或滇南川蜀有警則以一軍出夜郎牂牁扼其吭駐沅則近楚或西粵諸苗徭有警則以一軍出黎平武岡折其背璽書所著因時爲緩急俱爲節樓之地此偏沅命名之義也今 皇定鼎海內外罔不臣妾惟

讀史本義卷之二十一

八

滇黔二壤阻王化連年大師南征得而復失自邵陵以西猶爲敵踞亡何 上念西南未靖終非四海一家之意順治十年癸巳爰命經略丞相治兵長沙用規進取時則關西袁公奉命填撫偏沅此時偏沅之土猶未歸朝然而 聖明南顧遂知偏沅一席非公莫任公乃與丞相勛力同心協贊王業選將材簡士馬往來衡寶間設奇扼險經日大舉於是敵用膽破名王來歸十五年戊戌 天子乃張皇六師命丞相進討斯時也公幕府駐衡三路進兵公帥四將軍從寶慶而西直衝賊之中心堅自楓木嶺抵綏靖萬山谿衍敵衆據險公約四將軍以師克在和惟敵是求於是貫甲星行直抵戍壘敵伺公號令如山不可撼遂駭噪而奔公與經略所統之師會沅州城下然後王師長驅收復滇黔而朝廷實有偏沅之地斯時也滇黔雖開整頓方難公念沅爲水陸之鍵守滇黔及更番羽林引弓之士如雲如雨歲糜金錢數百萬皆仰給於東南江淮楚豫之間惟沅衣帶水可以轉運偏橋爲滇黔適中之地公所以駐節沅州兼顧偏橋而糧餉不致乏絕則駐沅所以駐偏也嗟乎偏沅之關係於滇黔何如哉此曩者偏沅之設饒有深意而今上因之授鉞於數年之前蓋爲今日也十七年庚子季夏予以朱陵使者捧滇藩檄晤公軍門公出偏沅題名記屬予序之予所以詳論偏沅之始末如此與公之

所以有造於偏沅之始末如此至公之政治華路藍縷以啟山林鞭弭秦鞬周旋於戎馬之間者楚之南人能言之國史能收之不勝書也予所謂廳事之有題也猶之史也

### 鼎建黃平州治碑記

黃平明初隸衛蜀黔交治播之役從而州之事肇萬曆壬寅設牧定賦名紫郡縣歷三代稱邦治官商流冗土著蕃殖生息闡殷賑桓蒲輯玉與上國諸侯等稱樂土矣勝國末藍孽猗突城為赭尋以孫慙割據穴滇黔黃平芟刈如薙草象魏聽事之所蕩為烏有 今上十五年六師過滇黔黃平以是年入版圖當是時林麓瓦礫虎豹晝遊飢餓載道流離鵠鳩無復生理椎髻綴貝之徒藥矢毒弩牙狙山谷間守是邦者上都杜君單騎至掩涕曰嗟乎州無人矣焉治且治無所矣焉州苗漢雜居辦輸難訓奈何與二三僮僕棲身城隍祠中徐圖所以安輯撫定之者亡何而反側子與兵相勾屠其郭守力收止殺亡何而牧馬之檄又至千萬其羣彌川塞谷維時儲胥槍鼎毫無一存主牧者則又恐喝笞卒吏如霆守乃露次崎嶇蠻棚苗壘間用相開導人感其誠間有持筌豆秬稻相餉者士馬糧糗緣是不乏於是大喜過望不復滋擾民間守曰是亦足矣得少緩須臾吾民其瘳亡何而牧馬者復接踵至矣守為辦之如前如

黃平志卷二 碑記

九

此者凡數次不止民力亦殫守力亦殫矣閱明年兵去民稍稍得安水耕火耨石田中少得升斗自活民以漸有人色守曰則民者威儀易重觀臨之卦難治者苗民書重呂刑之辭爰創堂皇以示匡飭經始某月日斷手某月日州治以成維時某以滇藩移粵西之官經過憇茲旬日因邦人求所以記州治之成者予應之曰唯唯邦人則又為予登臺陳杜君之勞與州之所以難治者曰大夫從滇來今六師駐滇黔為襟喉驛使冠蓋相望中原協餉緣屬勿絕州距孔道一舍其所乘傳飛輓夫馬不貲平越一郡惟州獨劇又今羽林虎賁之士更番代戍凡橋梁道路及行糧草芻不啻數倍正額皆咄嗟立應不敢後時又新開諸葛等尚河口東南米船頓黃平莫敢以紅朽取藍州之難民可知守之難又可知予曰是也今日滇黔天下騷然矣守之勞苦功多人臣之分也拭目西南太平洗甲兵不用使得如杜守者基置星羅於天下為邦伯何難耶隆哉他如賑饑訓士禦侮諸政邦人類能言之予姑弗贅此記其成州治者而已

### 重修雙清閣碑記

閣在邵城北趾邈迤而往可二里二水溪關其下

溪古名水溪關其下

激波枕岫怪石屢屢內隩外鞠

東閣西折而上綺疏朱甍高壁緬然都梁馥遠盛夏涼

颺襲人久之膚粟下窺碧沼頭魚可數曰階曰砥曰滴

皆可見石牒似雜采帖浮圖湧西北有古刹僧住鐘梵  
聲在几席間南則雉堞環列高下在胸西北諸峰魁梧  
不知名湖南自有南嶽為帝餘悉臣妾此山在旬服之  
中附庸足矣予昔戊子撫黔繫馬郤兩閱月強半醉其  
上與山東夏使君揚名俱時亦盛暑得此消渴迨已亥  
重來則此閣化為烏有不可復識矣但有藁音藁藹藹  
音你一名 概然蕪穢音穢 鵲音鵲 鳴而已噫天  
十年一小變計戊子至今一周星耳當時滇黔未開  
巨猾時飲馬郤城下未幾為某將軍棄去城郭蕩為丘  
墟何況茲閣其為陵谷宜矣今經略丞相洪公同王師  
進勦滇黔入我版章寶得復有城郭流民漸歸家室鼎  
造念此閣自無而有與自有而之無應各有數今豈  
無人焉為此閣復還舊觀俾此雙清故物嶄然再見是  
此閣返魂之日也會邵令僕君為予言閣之有無誠如  
明公言先是曾備甄材若干為此舉圖度於心久矣聞  
之形家言閣為郡風氣其有無人文屈伸兆焉曩者軍  
興未起斯閣傑立江表千章偉樹執戟仗下公車歲登  
賢能書自閣去後應鄉里之選者絕少若是則一郡人  
文遂於閣間興廢哉殊不知人亦自奮耳不關閣也獨  
是天下事有不甚急而必不可少者即以楚論鄂之黃  
鶴巴陵之岳陽沔之太白潭之熊湘丹碧羣鳥不與煙  
雲為滅沒豈直資吟眺侈觀美哉仰承平之盛事政教

之修明於斯乎在郤陵此閣曷不若是未有閣以前任  
之可也既有閣而無閣修之可也邵令曰諾即日將與  
此閣從事彭子喜先為之記以勇其成二水者何一曰  
大谿南臨經其北即郤水一曰高平源出首望山與郤  
水合自此而下為茱萸江矣時順治十六年六月也

### 郤城南郭重修文達橋記

考之周禮合方氏掌達天下之道路又司險掌九州之  
圖以周知其山林川澤之阻而達其道道路皆夏官掌之  
此王政也然則王政之所重莫大於道路而橋梁者則  
達道路之一端已郤南郭門外舊有石橋傳曰石絕水  
者為梁又曰石杠謂之倚此是也以通臺隍水而亘洫

讀李本集卷十四記下

十三

涂之窮創自先賢李文達公歷今且二百餘祀會時久  
石泐又暑雨暴漲為所漱淫即水醮辱暫如白音執水  
不任車馬負擔徒步惟艱國門往來輻輳區也史  
稱治陽冠軍樂鄉數道交錯俗呼為五劇鄉况郤南門  
尤屬巽樊要道皇華使龍節虎節而外商賈貿易秦晉  
行李之往來綴屬於道強半塗此誠所謂四達之衢五  
之康也兵興來郡城一陷於丙子辛巳再陷人民死  
傷離析百僅二三室廬燬堆堞丘陵阡陌化為石田民  
無餘力可以興廢舉墜者斯橋之不復舊觀也固其宜  
哉即此通之凡郤之為橋之圯境而待熙者不可勝紀  
已會諸生李其文達公七代孫作而歎曰嗚呼此吾家

堂構貽也維我先公樊元贊化亮翼天工當斯時也玉帛來萬國之同璇璣正七政之位身歷三朝心惟一德用作舟楫利涉大川有如此橋乃一傳再傳後世陵彝衰微矣文貞遺笏不存舊邸贊皇片石幾易平泉賜第化為馬廐門巷不復鳥衣雁齒類泐且如此橋何嗟此雲仍實慚烈祖於是顧瞻周道不忘繩武之思焉爰厭倣其事與昔督若工礪若石烝丞遂遂備格櫓柱輦之劫之既京既輟用底新勞通復舊觀而橋以成彭子聞而善焉代為記其事於以襄文達之功於勿替且以見先賢之有後也為之銘曰

彼穰郭之離明兮有石宮隆繁元老之手澤兮作而成

功棟梁久摧今大厦用頽維茲橋實賴後人兮不與黑劫而俱灰

### 重修永濟橋碑記

彭而述曰永濟橋者吾祖居茱萸河禹山東南趾可八里距鄉西六十里云先王父南溪公倡建之肇於隆慶六年迄於順治十一年蓋八十有餘年矣重修倡始者則其孫庚辰進士而述也述為兒時則已聞橋一泐於水王父再築之仍削斷碑暨舊址無歲月不可考先是王化玉調人烟繡錯野無與草溝洫通行水歸故道即雷雨憤盈蛟龍有時震怒然殺不終日里人又往往伺其損壞而補之先朝癸酉涼寇歛起豕突關以東中原

屠裂山骸川血鄧城不守周餘幾盡子避亂晉楚吳越間羈旅十年會甲申國變神州陸沈乾維用絕山河不殊風景頓異予踰踰歸來而此物化為烏有矣嗟砥柱之無人懸橫流其已甚秦鞭難驅天塹共歎物猶如此人何以堪又兼頻年多雨河伯不仁洞庭方在飲馬黃河又復潰溢論者謂今上起東北以水德王固天道應之歟今大農方括內帑金數十萬塞無窮之巨浸與魚鼈爭宮朝廷之上又斥大官俸賑畿輔青齊一帶皆墊之民夫何不以前寒暑雨聽之造物乎彭子曰天工人其代之有如此水橋梁者舟楫之窮也輔相者天地之道也若涉大川無虞滅頂顧瞻衣帶如履康衢顧力

行何如耳每見王公貴人里豪富兒金碧羅梵王之刹

泥沙填道陵之院曰以資冥福也又遊俠公子市井馴儉一飲蕩中人產百萬資呼盧一快曰人生行樂耳於是客容從而笑之曰吾為天地守財耳孰知多藏誨盜象齒焚身死欲速朽玉匣何用二者交譏何如濟世利民之為功德之彰明較著乎月令有之孟冬之月其祀行又曰謹關梁俾有之曰天根見而成梁辰角見而除道王政之所先而官司之所守也可不不務歟顧又嘗思之杯棬書冊先人之澤存焉是役也無墜前徽無累後人筐篋足矣州黨何為曰是有說焉成大功者必措於俗樹久業者務謀於眾經費浩繁既非一手一足之

為烈拮据歲時要在羣策羣力之互用推此誼也願與  
三老長者共之異日貞珉紀姓名安知不似杜當陽萬  
山一片石抑予由是尚惡焉先王父以豫章一布衣起  
家中土締造箕裘右我孫子多行善事表厥井疆至今  
桑梓遺老能言之而予以一經自腐逢世難拯濟橫  
流既乏作楫之才而偃蹇病軀空負題額之責其  
而興亡盛衰之感存焉矣敢曰祖武克繩庶幾因人成  
事云爾

先公此記作於順治乙未原係纂輯創舉力成之觀記中未詳可見  
後金先曾祖南溪公遺澤不可付之他人據纂輯中止先公於次年丙  
申南下先母王夫人出園廢易費金銀之半伯亞輩伐石為山拮据獨  
力而成今永濟橋所題碑係先公於長沙另撰一通非此作也客僕他  
日補刻以志緣起

### 盤江橋碑

盤江山勢剗然中開萬仞壁立下俯重淵霹靂列缺不  
聞人聲此華弄之險介滇黔之襟喉也舊名鐵鎖橋兩  
岫距十丈練鐵九鑄鑿兩石脇受之上覆以屋如懸度  
焉滇迤西橋多有此不獨盤江也關東趙公總制是邦  
画棟其上以為巨觀歲癸卯河水暴漲腐株頽石蔽江  
而下橋無存焉夫西南軍書方殷使者冠蓋相望於道  
且歲幣公車徵輪租調之役津梁上國王會所同可緩  
圖諸於是咨度於滇黔各當事者眾議會同疏上報可  
議蜀公帑若干諸公各片大官俸有差以某月某日起  
威清使者陳君董其事陳君曰我聞龍性惡鐵曩者雷

續纂本集卷三十一碑記

十三

續纂本集卷三十一碑記

十六

雨交作得毋犯其所忌乎且橋梁從乎木者也語曰山  
有木工則度之爰命匠伯選勝巖阿得其輪囷離奇長  
尋丈可浮河面者若干株斧削繩墨虹霓飛度凡攻石  
攻木塗墍丹雘閱期而橋成合郡之長老孝秀縉紳橋  
上左顧健為之郡右瞻昆明之池穆然念曰此水發牂  
牁而帶駱粵幾千年矣莊躋唐蒙以前中國人烟未通  
自孝武開西南禮樂文章與上國競爽坐間阻遐荒鬼  
國盛戶熒熒夜郎自相君長每每梗我王化六詔而後  
疆域豆分至元明始合近者孫逆割據十五年 朝廷  
遣三路師問罪滇黔鐵橋不守然後金沙蘭滄相繼倒  
戈掃緬甸而定車里萬里無畱行焉我國家一統之大  
業運之十六年而始開此橋實始基之則此橋之興廢  
滇黔之鎖鑰控制於是乎在今又屬有水西之役礪精  
甲掃蠻穴決千年之癰瘤除患肘腋而是橋適成殷殷  
旬旬枕上過師則豈非天時人事景運翔洽之效歟或  
者曰木不如鐵之堅且固也曰固也向之橋鐵在下度  
板其上繩行懸度制非不奇然厠足其間者震撼危懼  
此為欲隔又雨瀑洊至漂板沒如木林蔽江而下橋之  
存者僅矣今別出新構植木屋澣崇牙相齧穹然背起  
比櫛鱗次覆以陶旋如閣道盤空自此險過百年坦如  
五達所謂功儉於昔而利實倍之用告來茲永永銘曰  
天地西來割鴻濛遍挿雲霄萬芙蓉羊腸牛角一綫通

夾山中裂盤西東鐵橋臥波暖宛虹其下通瀝魚鼈宮  
秦嶽漢嶽未可窮石脇呀然鑿虛空六詔健為指顧中  
車徒蹴踏聲隆隆山泉暴長霹靂紅鐵橋屹屹失其雄  
本朝王會車書同鞭筆烏蠻牽楚僮顧此廢墜心忡忡  
芻輓不惜厯大農豫章名材量千緡厥飭安流垂蟠螭  
龍盾十萬虎張弓枕上過師偃雷風雪瀑下瞰驚塊春  
谿如九楹誰之功跣躑負擔來朝宗颺與繩竿爭岑隆  
震疊東川及烏蒙鞭叱鼉鼉杳冲融地維不圻安三龍  
鎖鑰荒服拱 九重

關嶺漢將軍廟碑

自黔入滇蜿蜒程嶢嶢望皆山車馬多行隙中獨安順

迤西當胸而立亘矗雲起則嶺名嶺從關將軍索得名  
將軍而前不可考也余於順治十七年庚子由滇藩逾  
此陟將軍祠拜焉閱四年甲辰復以黔臬至則威清使  
者陳公新其宇弓余文碑其事且言曰此前制府趙公  
意也予往讀史傳漢前將軍赫赫矣今天下方州僻壤  
染盛肥腴幾與有國者之祀社稷城郭之有孔廟等今  
將軍名索漢前將軍子其軼事不少概見荊州之役既  
已父子殉難勿以名索者史失其名歟將中原徐泗宛  
鄧之間為前將軍百戰之地何以竟無將軍在也既而  
思之將軍父子所事者劉氏耳南郡之後劉氏既西將  
軍隨之志稱建興之始將軍從諸葛丞相南征將軍先

驅拔山通道為此嶺開先宜血食於此古之名山大川  
率有神人居之將軍戮力王事蕙懷愴與山川相為  
不朽豈顧問哉爾時中原鼎沸惟西南一隅將用蜀以  
用天下以延火德之基若使雍閩之亂不止則蜀中震  
動衰斜以東不敢問矣孔明先南中而後乃有事於中  
原饒有深意將軍之心與孔明同此嶺之所以傳將軍  
將軍之所以常有此嶺非偶然矣或者曰孔明舍荊州  
不問稱戈瘴毒之鄉與鱗介爭雌雄迨擒縱既成而力  
亦憊矣安能復問高光之鼎乎此大不然譬之千金之  
子方有事於強鄰怨家而垣墻之內乃有伺窺篋篋厝  
火於積薪之上者此之不除禍豈在遠孔明之先克南  
中亦猶是也然則天下之嶺多矣而此嶺獨以將軍傳  
何歟曰此人心之不忘劉氏也今山半有飲馬泉有關  
帝像此又因將軍而思及帝者也帝始終為劉將軍亦  
始終為劉成都雖去後主雖淹沒不傳而人心之帝與  
人心之將軍不可誣也此關嶺之名後天地而不朽賴  
是歟先是孫氏竊據黔滇十有六年大師西征唯此嶺  
成最嚴迨我師直搗而風靡今緬甸車里南交奉正朔  
恐後車書一統此嶺實先之何莫非將軍之靈哉按是  
祠之建肇前代通道都督馬公置守禦所正統麓川之  
後靖遠王公拓之又大司馬松月伍公登詩告成祠之  
起皆以邊圉有警行師克振今 皇清膺命滇黔職方

開於十五年之後總制趙公按輿圖考祀典飭檄柳而  
蘋藻之國之大事在祀與戎其知之矣

### 三星橋碑記

柳桂山國也山下故泉不擇地故又稱澤焉宜居柳桂  
夾輔間山尤衆城黑子周山俯瞰之遊水爲隄厥漳名  
焉遠城西南行石樑檣柱長虹蜿蜒三筵穹然上有覆  
屋數間旅人廢著鼎革後蕩然矣分鎮唐將軍以金吾  
宿衛統羽林兒駐節宜山時則順治十三年蒐乘秣馬  
簡練軍實苗獍慕義來歸番馬象郡賈兒挾鹽鐵丹錫  
膠藤諸物貿境上且相望將軍乃首率部下鳩材木權  
輿而落之時余以衛永分巡奉臺使者檄料宜兵渡雞

讀史文庫卷十一碑記下

十九

水走柳縣值是橋報成檄楣既具丹雘輝煌大拱小閣  
通商惠工客至如歸余作而嘆曰休哉唐將軍之治兵  
也南荒困戈鋌久矣聖人睦焉南顧壁壘錯錯如雨  
柱如臨藍以及宜皆以偏將軍治之爾時滇黔未下猺  
獠方震鄰又恐內地煽亂鑾孽用熾故大司馬綱繆邊  
圉之意甚懸計甚周也此端然者將謂是數椽風雨已  
哉苟將軍不嚴兵如橋何即嚴兵而不愛民又如橋何  
古者井田車兩出於丘甸故相衛相養視之如一後世  
惟府兵近古變而爲驍騎又變而爲召募兵鮮不爲刀  
俎民鮮不爲魚肉於是兵民如讐仇矣况斗大宜城民  
不知兵荒土蓄畬人歌百堵猗猗將軍是聖人之所

拊髀而思者有如此橋矣余承簡書得將軍同舟之誼  
少蘇子遺於東南紆余保釐之責顧安得人人如將軍  
者哉

### 錦雞泉柏亭記

記曰天不愛其道地不愛其寶人不愛其情是以地出  
醴泉白虎通曰醴泉者美泉也又曰君乘水而王其政  
和平則醴泉漙今皇上龍起東北是維水德神靈滋  
液飛潤流甘固五行乘除之理也鄧西郭內北去可一  
弓地舊爲牧場其土黃墳酸棗雜花宗生族繁不知其  
下有泉幾百年矣郡乘亦不載會順治十年癸巳夏居  
人飯驢其間小兒掘地受廢半尺許得水漙然湧出涓

讀史文庫卷十一碑記下

二十

涓弗竭乃走報家翁往伺之居然泓矣因鑿穴而下窮  
厥源又二尺餘見一甕長尺餘方有半涖黝如漆掘而  
上見土蝕沒滅纔有字形乃爲浣剔諦審有古錦雞泉  
數字不載歲時亦不載何人姓氏旁小書但云去城西  
門二十步考郡志外城乃金人所築以威南宋詳其款  
識爲金元時物若是前明則父老必有傳之者若復前  
此不應有外城時西寇震鄰河北麻將軍駐師防鄧謂  
太守陳公曰昔歐陽公守滁州得紫微泉城西因名豐  
樂泉又范仲淹知青州有惠政溪側忽湧醴泉則今日  
此泉殆爲公乎太守曰不然我聞貳師將軍拔佩刀刺  
山而飛泉出疎勒校尉正衣冠請禱而井泉潰彼二者

尚有待公今無待師出地水九淵効靈我知小醜不足  
平矣其將軍哉於是二公文相讓以不有此泉也彭子  
乃舉前說以解之曰維君王哉我 皇治天下十年四  
海率俾眾歸王化甘露降於園寢八荒躋於仁壽有如  
此泉是曩者白麟奇木朱芝寶鼎紛紛無益於人者諸  
祥瑞不敢望矣於是二公適然酌酒屬予曰言有大而  
非夸者此是也請更以一爵進曰錦雞名何昉乎彭子  
曰是蓋陳倉寶雞之說矣史稱得其雄者王得其雌者  
霸雌化為石秦既置祠汧渭間表其符以名縣秦以興  
雄飛入南陽為光武得命之符今南陽雒縣其地也毋  
亦取諸此乎若夫甘菊之井倚帝之漿俱可以延年益  
人壽考下者猶百歲此郡乘所載者今一在鄧城東阪  
一在鄧亦鄧屬也得此泉而三矣麻將軍陳刺史辯予  
言為亭其上手植松檜百本他木稱是以日飲茲泉予  
為列其事如左且即輟泉水而酌之曰爾幸勿忘將軍  
刺史力也此以後世知鄧有錦雞泉者安知不如二公  
前所交讓云爾乎乃錄其柏曰將軍樹亭曰刺史亭所  
以賀錦雞之遭也鄧人彭而述記

重修馬神廟碑記

易之坤曰牝馬之貞行地之象也於天文為辰龍精也  
故以配乾焉在昔聖人取象於河圖之文為之畫卦衍  
易以前民用罔非於馬乎重言之以為在天者龍在地

者馬也是人中龍也周禮六官以大司馬名夏官不復  
以十二象律之矣其在月令之文曰仲春祭馬祖解之  
者曰天駟房星也為馬祈福則祭之然則馬祖者馬神  
也世人不察以為更有物焉為之神非愚則誣鄧子城  
東角舊有馬神廟燬於燹守禦所沈君為起而新之為  
文以告曰維天子大吏為朝廷捍牧圉疆場是問皆窳  
如子倉猝武夫耳然其職亦城隍鎖鑰是寄勿亦夜吠  
晨服為簡書羞何政令之為也彼守土者則俎豆宣王  
之宮棖桷丹雘必飭儆石之子則奔走方社恐後馬神  
一祠是禦侮者專責也語曰北人使馬南人使船予生  
長吳越見一旦海上有事則艤衛餘皇動以千艘決勝  
負於江天之間其淮揚之北則謂之有足之兵戰陳攻  
討厥壯騰驤 今聖人既以馬上得天下駢衛無非紫  
燕天廐皆成雲錦駉騎戒路輶軒清塗方且立馬五嶺  
之外投鞭斷四海之流乃茲茲小醜徂伺房州問風長  
嘶解甲無日詩曰有嚴有翼共武之服蓋為此也聞之  
馬經曰馬食杜蘅則善走繫獼猴於廐辟馬病物理相  
感猶如此也倘猶是為馬祈福廟貌無所無怪乎輶駒  
日盡駿骨全銷望其數馬以對歌魯頌而賦衛風不亦  
難乎乃為鳩工庀材爰作是室君子曰有備無患竹耳  
霜蹄渥洼是產汧渭是息為禁原蠶物不並大吉日維  
戊是禱是禱沈君此舉亦猶行古之道也

重修慶祥寺記

今年自蒼梧來得觀磐山佛像殿宇之勝為無量壽佛道場遺蛻在其處四方頂謁雜沓軫相接不問男女昏旦履舄錯而袂幕相屬也念曰佛固有身哉果有身則凡為佛所遺蛻之鄉真古來香火院鍛鍊金相彫飾土木形為華蓋中嶽葆羽瓔珞其下是敲器耳無取朱甍画棟為也乃征車甫懸里門適以清明節拜掃先壠過穰西普濟橋橋西有刹初甚偉為曩時唐國王錫美地歷今且百年近廢於兵事類唐略盡僧朗公發願將次第聿新復還舊觀且將合眾比丘築講經堂展白氎牀木魚俾一切頑根下器振聾俗如奏鈞天徵一言冊端

讀東華集卷十二碑記下

五

為顏行予唯唯朗公說偈曰維茲鄧西紅崖寺文水遠自析鄧至南陽朱邨漢王孫手蠲帑藏開此地與都世廟龍飛時虹霓蜿蜒石梁具七十二峰飛夢嵐遙看雲樹相虧蔽金碧爛縵走雷霆輪蹄如驛復如織東井鐵騎突闢來山河大地成灰劫子弟關珊鑪火稀龍象塵埃生蠓蟻翹翹畫出獅子號老狐鬚髯如蜩磔伊僧昔在匡廬巔凌風一舸過南海具此願力十五年歸來但有瓢笠在我聞慧業是文人此日開山公是賴子投馬箠太息曰朗公如此此又何必磐山佛像必待遺蛻然後足以悚震旦勤收依哉朗公者安知不是佛之後身而必遺蛻是為今之宣王宮石礫累累俎豆在寒烟蔓

草間者豈少哉乃鮮有人獨念其所自來割慳鄙以襄宮牆視朗公為何如耶且 皇帝御宇制度威儀丕變前規九垓莫不從風而縉衣一流獨無所加損於其間亦足以見佛力之廣大且囊括無外矣語曰活佛不能救世徒虛語耳以今觀之但恐其非活佛耳當世有如來而顧使所稱如來者曾不博風雨數椽坐使青苔生蓮花上將毋鉢曇香界果作杳冥有無觀乎朗公於是投塔曲踞復為說偈當世宰官何人斯現身說法將公為未央青火照蒿萊建章碧瓦空參差滄溟昨日田今日蚊蚋具有駱駝力鹿苑鶯嶺相鈎連燦燦黃金成布置顧子靈簡半生宦遊將勸銅柱未標北山夢穩渺渺

讀東華集卷十二碑記下

五

慈航茫茫彼岍岍朗公多矣

順陽重修仙陀寺碑記

仙陀寺者順陽李氏之所建也順陽在前代為郡沿革不一至國朝隸內鄉稱聚馬山川雄拔風氣遒濶古堞殘隍或高或窪知是昔人烟竈雲屯井牧輻輳之區也寺居李氏之西北隅碧瓦丹楹暈飛鱗次古樹扶蘇豐碑矗矗白晝清梵武當之佛號爭喧黃昏疎鐘香巖之落葉互答先朝三百年來瑰瑋赫奕有如一日是誠鹿苑之奧區驚嶺之祖構也李氏在先朝以冠蓋相傳或待詔於金馬或珥筆於丹墀甲第景從孝秀雲起每每托業於此中以為吮毫濡墨之所以故前後紹述修舉

廢墜勿或陵遲衰微也予為諸生甫弱冠曾與張孝廉洪範遊其地時方盛暑憇其下老僧啜子茗一宿而別爾時氣象已覺頹唐矣會西陲寇變橫蹂中原城無完郭野有莽骨而順陽一帶尤居關陝商洛之喉巨寇出沒無虛日以故兵至而賊去兵去而賊又甚至甚至兵與賊兩相求實兩相避又為賊為兵各相屠戮焚劫各相雄長各不相蒙而民之逃竄流亡者卒莫能定其為誰嗟乎語所云崑峰之焰玉石俱焚大澤既竭龍蛇俱死為順陽李氏且不能自保而謂能為仙陀保其終且仙陀能自保乎吾嘗論及此而未嘗不歎歎太息於先代之所以亡也居亡何李氏有子衿某以歲試入宛謁予

懷素文集卷十一碑記

五

而言曰仙陀寺者固吾子之所舊遊也今茲二十年而往矣念係先人手澤所存感此梁木有如堂構今皇帝御宇南紀朱鳥北臨玄菟西暨流沙東漸於海固不率土皆臣百神爾主矣况茲順陽居中原之要會為秦楚孔道方寓內外執辦香謁太和頂者無不由此其達則仙陀者是誠武當之附庸也譬之登太山者必禪梁父百川朝宗於海者亦必假途於江漢也今有汝僧某定水淵澄義峰山壁乃發願力爰叩檀越為茲仙陀聿昭舊觀煩吾子為文以記其事曷可少哉予聞李子言而感焉佛氏孔孟之所不道者也予孔孟徒也且韓愈歐陽修諸公曾為佛氏作攻輸矣元祭酒魯紳順陽人

也以不拜帝師一節為後世所重吾又何敢為諸公操戈哉李子曰烏謂是哉佛氏不可滅者也彼天竺靈隱檀東南之精廬虎丘香爐據龍象之高座又何嘗化為榛蕪蕩為丘墟哉後世學者雖紛紛言之以為佛氏與吾道如觚角然而聖人之神道設教者不存焉聖人之意不過主於生天下人耳王者治天下以教養禮樂刑政為生天下之具至於饑寒貧窶不能自謀衣食與夫血氣強暴間或至於不能自禁跳而為跡弛走險之夫此二種者一當披緇托鉢而事佛則十方接衆糠覈而食足以安其肢體得以有生而又信因果嚴戒律以慈悲忍辱類焉無復餘志此正所以代王政所不及而與

懷素文集卷十一碑記

五

吾儒之教相夾輔而行者也吾子所云所謂知其一端而不知其又有一端者也禹峰曰唯唯為援筆書其事於左以應李子之求且以見順陽之有仙陀其興廢歲時不可以無考也視予文焉矣時順治九年七月十一日也

### 鄧州南寺鐘鼓樓碑記

竊惟鴈堂鶴舍鳧氏考銑於之鐘鹿苑鷺山韓人設雷霆之鼓故鐘者空也金之樂器有六惟鐘受氣最多鼓者郭也革之取音惟五而鼓尤羣音之長故多羅樹下總持宣貝葉之書摩竭城中震旦開蓮花之座水陸以龍象為宗律呂以鐘鼓為大昔王母列重霄之寶器萬

靈聚睇澤之銅

佛音寶鼎  
佛古通

又春官掌幽箒於仲春蒯浮宣

伊耆之氣不寃不揪紀三平六周景王之無射所以鑄於州鳩或應或懸曰執曰省晉武帝之石鼓因而鳴於張華惟茲申伯之舊地夙稱惟喜之園矧伊穰侯之故里爰多醴酬之沼肇有開士無慚住持苾芻生西天備五德而名草飛錫來誌公望潛山以築室念虎丘聚石之地乃蘭若曼陀之臺顧伊蒲之供既仁祠見助於楚英而稻畦之帔乃方袍又賜於唐武惟是軍持木患日在蓮花漏中白馬黃金盡入獅子吼內欲將槃谷靈臺之弘開必由仙陀寶坊之並建閣黎登座鐸錫與密須相宜共殺煩惱之賊南無嗣音鐸鐸將都墨互荅永冥

讚奉太集卷十一碑記下

三

羣提寺碑

供養之位合三皈五戒之士女為化城福田之方便梵語波羅華言布施共登菩提之岍鐘鳴秋分鼓鳴春分全包陰陽之理禪那聞聲而猛省拔泥黎迦而振響優婆塞壇以遙拜湧率堵波以干雲印度常明刹那不昧曹溪錄裏永畱茶毘之僧華嚴解中盡是菩薩之語行見度越人天以衍妙法抑且絕去聲聞以還真如

竊惟雞園遶還每依靈阜之區鹿苑峻嶒不乏菩提之果故心燈夜炳於方丈十笏傳毘耶之城意蕊晨飛於衆香上方畱娑婆之界旃檀外更無雜樹蔭蔭表不種五印度周回大千之中八功德彌滿七寶之地聿

來迦衛姓受瞿曇號為西方之聖人稱佛二十八祖爰

惟夢裏之天竺取經四十二章無非縫絕紐於馬鳴固亦振頹綱於龍樹然則據如來所自兆猶曰勸衆生以慈悲繹浮屠所由名罔非全震旦於忍辱是即吾儒仁義道德之旨而彼特借為寓言又即聖王禮樂刑政之權而渠善化為隱用者歟鄧西五十里舊有精舍一區肇於至元燬迄明季釋子某某欲以廣長之舌再現莊嚴之象將欲轉法輪而證道朱還擬傳真印以受金姿燃慧燈於間浮立見菩薩開導付法衣於行者即是波羅本來象教重興見優曇生華之日宗支允定欣梵王登座之年世尊拈花妙心傳於迦葉達磨面壁精進豈必少林顧四大本空即瓦礫荆棘皆可處何必金剛雷音之寺五蘊非有更不借文字語言而為用反成擘支小乘之流然拯溺回川必憑五衍之軾大庇交喪須開八正之門成佛生天皆因布施積行金繩寶筏從此見性明心貯兜羅於瑠璃音輪揚獅子之吼藏珂雪於花窟法雲涼火宅之燒蓮社既開雖陶長官許醉虎溪不過非陸道士莫來將八難以全消金九根之永固

衡府北郭香水菴佛閣碑

衡盡南楚是維朱陵湘水東流任龍宮之吐納祝融北映來象域之奔馳福地靈墟已備驚嶺之二三玉勝金繩應開鹿苑者八九矧夫石鼓峰翠噴天籟於層霄花

藥雲渡走錦屏於疊嶂自非寶地香城幾負丹岑碧岫  
有純知法師者南陽浙邑人也積善高門冥緣累世盃  
澄三江之霧杖棲五岳之雲揮慧刃以斬邪關運靈樞  
而開仁路法流引海啟三藏之秘局長焰傳燈拯羣有  
之室炭於是聚礫延沙翹心淨土因之分條擲理努力  
法門念三界罹崩離之酷乃四天沈閣逆之悲仙露明  
珠騰漢廷而皈夢松風水月照東國以流慈於是斧中  
岩以瑤構填下麓以瓊鋪晨鐘夕梵響徹九嶷之巔慧  
日慈雲衣被五嶺之外更創傑閣用妥金仙聿起危樓  
爰貯寶相曩者紀綱廢墜妖災叢生毒龍塞赤縣之影  
匪惟血落星隕醉象驅丹陵之風寧止石言鬼哭十年

續纂卷十一 碑記下

三

以來王風甫靜千八百國佛日應懸殷宗奮鬼方之威  
適叶地水之卦周宣奏荆蠻之績再廣常武之詩於斯  
時也丞相抗表而渡瀘即見雍閩授首將軍揚旌以過  
嶺旋看側戴歸心飛旄驚鳥散之壘彼潁川永昌之芳  
踪接踵而至帝璽耀昆明之水將金馬碧雞之荒裔稽  
顙而來自此洞庭無波衡雲不閉鳳閣凌空拔迷途於  
火宅驚拱碍景朗正教於珠林烟霞之板蕩全收玉房  
跨霄漢而聳峙林壑之交喪肇起瓊臺乳雲氣以懸居  
時維順治丙申之十一月也

### 麻將軍英武防鄧碑記

順治九年壬辰漢江以西有大寇從滇粵來據房山為

穴啗我鄧襄間城邑纂嚴鄧距楚才衣帶水震鄰號號  
河南守土大吏上書司馬以我麻將軍來防鄧事在壬  
辰冬杪戒之曰鄧居國南鄉肉薄舊楚襄樊上游武關  
褒斜之喉蠢茲不腆侵我王略維將軍肆靖之鄧之父  
老子弟焚香祝之曰庶勿以衛我者魚我乎麻將軍進  
父老子弟而告之曰吾家世為將起朔州東髮從戎紀  
律頗嚴不敢以暴掠聞懼辱朝廷法且吾家聲是隕諸  
公但待之以驗吾言背夏涉冬以室以廬為薪為米飲  
之食之民曰兵客也尸囊逆旅實媿主人兵曰民主也  
馬渤弧矢用擾婦子迄於今且二年矣二年之內豈無  
睚眦小嫌反唇攘臂相凌亂領我公聞之則斷不假借

續纂卷十一 碑記下

五

必懲其兵而置吾民於是軍與民皆感公意相親睦式  
好無尤歲時伏臘烹羔炮鯉婚喪報賽缶簫雜奏民攜  
兵手兵拍民肩約為兄弟不啻中表蓋真二年來如一  
日也然則鄧州何以得此於河北軍哉曰皆公也公曰  
少府之金以養健兒勿染吾指以潤吾橐尺藉是問不  
貸三尺枕上過師無犯秋毫鮮菜絲栗市價必平豆觴  
道路斯須必讓公不以病兵兵斯不以病民兵既率公  
之令以愛吾民民尤體公之心以還愛吾兵鄧之父老  
子弟於是醺酒割羊為公壽且曰公真衛我而不以魚  
我也蓋二年如一日也維時漢江西南上自均口下至  
鄧陰三百里外賊聞公御兵得民如此相戒勿入公境

進謝羅山溪處調之者曰我公一日在鄧則漢以南賊不敢問也其爲賊所憚又如此會以今年甲午四月廿二日天子念公勞苦諭樞部臣陞肅州副戎去肅秦巖邊也漢番雜處去中國萬里蓋藉公爲長城矣鄧人遮畱不能勒石記事匪報也永以爲好也公之謂矣州守陳公爲鄧人德公爲之銘銘曰

巨寇斯張窺我漢水磨牙吮血眈眈相視西連巫峽南接洞庭鼓孤躍馬烽燧震驚天子赫怒顧瞻南方謂大司馬爰截陸梁中丞上書爲整勁旅曰麻將軍有力如虎將軍阿祖起家北陲日南樹柱燕然勒碑將軍未至民則驚鴻將軍戾止民恃崇墉維恩與威師帥父母

讀李太華先生集

主

維公與德禹山端水齊斧畫戟今度玉門聲清黃河氣壓崑崙甘陳偉績班班壯猷我公西來爰續其休統萬舊城元昊故壘甌脫無驚我公則喜東國思哀穎川借恂山川悠遠實勞我心爲羊開府爲祖豫州俎斯豆斯爾公爾侯

### 汝南戴大叅之官粵西右轄碑記

甲午七夕前一日予以司李任公見招有白水遊時靈雨新霽道澤不可行驅款段日行一驛既抵龍岡父老三輩遮馬言曰氓愚偏處草間呼犢時穀終歲胼胝爲官家索敵賦供奔走不能知朝廷事如何天子遂一旦舍我宛遷我分守戴公而南爲君門萬里小民勢分

懸絕攀轅不能今脂車載道將問渡洞庭望蒼梧進發盡一言以志我公且以志宛人之不能已於公者予爲進而問之曰州黨知不出壠畝如前所云公方面也去吾民較守令不同守令之賢與否間左被之民之勞悴分焉若監司則異是以故守若令民則稱曰父母而方面以下統之曰公祖明乎去民稍遠猶之家庭之中黃口兒待哺爲活泣饑號寒推燥就溼不問之王父母而必叩膝下於二人也至有監司蒞其地經歲時且去民不知其姓名者矣若是則爾又何以志公且以志宛人之不能已於公者於是父老中祭酒之能言者前致辭曰監司者守令之表也上嚴簞簞則下多循良上密文

讀李太華先生集

主

綱則下拙撫字如影之從表然約略我公之造我宛人蓋有四焉其忘之也一曰治兵自先代之季巨猾起秦隴蹂躪山以東其出沒武關褒斜無虛日於以苦宛視他邑獨劇尋楚粵方用兵名王貝勒固山六師羽林莫不以宛爲孔道日以旁午計所費牛車芻糗及米鹽瑣細奚啻巨萬我公不曰此守令事也務身先爲綱紀之申諭吾民處分諸將皆一一得其要領民間雖煩蓋藏得寧婦子如枕上過師焉一曰勸農宛名杜陂澤之舊壤也自鷄首兵起中原流血隄堰雖在化爲石田公屢牒長吏招流亡撫土著給牛種勤舊畝俾茲博望白水間燕齒莽而膏腴之大山歌矣念學校爲教化之原素

王宮殿昔在東郭風氣不聚首倡羣吏斥大官俸今移於城藩邸國人爲賦魯頌焉昔人有言曰文章經國之大業不朽之盛事披覽往詰見昌黎平子庾開府岑嘉州諸公皆鵬舉此邦著述與天壤俱壽豈謂今日遂無其人於是檄行所部守若令館穀諸生月徵詩文若干衡程唯謹大氏本明經爲帖括一洗軋茁之習如鐘鏞在奏如天球在陳其爲詩也恥凡响戛駿聲置之黃初大層間無媿色皆公師教之則公之興學造士又爲何如哉於是守若令皆奉行公指體此意以長我人風風乎汔可小康矣其忘之也彭子聞而興起曰古所謂經術飾吏治者公其有之抑此不足以盡公者州黨不知

讀本集卷十一

三

也公昔爲名諫議其所上封事讜言石畫劉更生谷子雲諸人不能過也公爲大農總憲其立朝風采麟鳳喬嶷汲長孺蕭望之諸人未爲多讓焉如是者當非汝曹所知也一裴晉公耳憲宗用之而淮西平文宗不用而河朔失一李贊皇也僧孺在位則得一維州而不足宗閔旣去則收復澤潞而有餘甚矣朋黨之爲禍也公將相材用之於宛汝用之於西粵皆非地也秉鈞者何人乎念之哉吾弟與父老言其在宛者而已若夫救荒治河兩大政公削牘上都御史臺爲地方請命者屢矣異時詔付史館纂爲成書行且頒行天下非輿誦所能悉也爲勒貞珉以志勿諉辭曰

維茲宛南舊爲上洛夏人之居民胥忠樸西望武關南連漢渚汴洛北來江黃東阻緄綸突如奔馳甘涼封狐晝嘯夜走天狼白骨青燐瘡痍未起魃潦繼之喪亂靡止帝念中原特簡重臣來旬來宣禁人吾人高牙攸屆齊斧霜寒潢池迅掃間左獲安地棲桑麻人稱鄒魯素齋元化鼓吹冊府昔在中朝度支鹽鐵國需民命九重喉舌今借南藩黍苗膏雨二十七城爰得我所帝曰公才往定百粵陸賈通璽相如持節南詔內附交趾來朝大哉王會玉管蕭韶班馬在塗攬轡駸駸周袞召棠悠悠我心

讀本集卷十一

三

讀史亭文集卷十二

讀史亭文集卷十三

南陽彭而述禹峰甫

傳上

陳御史傳

公諱純德字澹園永之零陵人庚辰進士是年進士三百人愍皇帝臨軒策士欽授庶常及臺省若干人公遂以御史出身巡按山西感帝殊知無時不以報國爲心山右近西北邊公至飭備浚城隍不遺餘力時流寇躡河南諸省郡勢日披猖且策馬問渡澤潞龍門等處公與巡撫蔡公懋德謀幹介馬馳河干沙灘數弓爲遍立斥候率健兒執銅鑼相警寤至冒風雪督人斧冰迤邐

讀史亭文集卷十三

一

千里水腹難堅賊緣是卻立河上竟以不得渡亡何御史職一年輒得報代公遂以壬午秋瓜期入長安天子嘉公按部多邵績命公以原官督畿內學政閱明年甲申三月賊李自成破都城公乃自盡燕京邸舍時崇禎十七年三月二十日也時在京大小諸臣以殉難著者江右李邦華越東倪元璐吳會馬世奇燕趙金鉉孟兆祥父子與河南劉理順凡二十餘人不盡載楚以死事聞則公焉最著公於死之日付家僮永興等太公及若母年且八十餘書中語止言食君祿兒分當死云云毫不及後事公有第一子一子壻二人書未但囑以行善做好人便訖其訂六親者統是噫今讀其書抑何神氣

安閒殊不似遄歸泉下者豈所謂從容就義者非歟子爲公同年友筮仕陽曲巖邑而衝子性不耐事中狹每有所難堪謁公落公教以作吏視已然事子率循獲以罔郵子時年猶少氣有餘簿書餘間有所著或傳記詩歌之類公聞而戒我以文人不利於吏子未之悉耶自此以後則焚君苗之硯瘞不律而成塚矣公在山西念晉陽逼處雲中上谷間邊防匪懈於天門凌井等關作爲堡堞以容民且除戒不虞今三堡記載太原志中是予所作者公既沒之五年予以分藩遊公里公子才偉執遺墨向予而泣曰先君以國難死遺骸燕山水陸萬里才偉貧無以歸葬然大節在人今 新朝定鼎方留

讀史亭文集卷十三

二

心風紀凡先代死節之臣無不闢厥幽光付之青史先大夫其不堪沒滅以終也公或者先爲傳以傳焉予曰是吾志也抑子獨有愧焉柳子厚沒於柳州觀察使河東裴行立爲之還葬於萬年先人墓側韓昌黎作傳極意推之以爲柳子厚所以得歸葬行立之力也長沙陳平子與山陽范巨卿同遊太學未及相見病將亡謂其妻曰吾聞山陽范巨卿烈士也乃裂素爲書以遺巨卿營護平子妻兒身自送葬於臨湘事見於前史公之死所謂重於泰山不但如昔賢子與公同年稱友善其親行立巨卿輩當何如耶抑吾因論次公尤不能忘情蔡公蔡鎮撫山西與公同時且別屬經營於其土者皆同

志蔡以是年二月八日死晉陽難去公忌辰止三十四日耳易曰聲應氣求詎不謂然耶蔡崑山人已未進士異世張許千載同符唯公與蔡崑山之謂矣乃作迎神送神二歌於君傳後將勒諸繁牲之石勿替引之

零陵異人兮氣如虹蓬門桑戶兮廿年中誕膺明詔兮謁丹楓遊鄂渚兮乘回風天子召對兮大明宮角幾疑兮在河東麟鳳翔舉兮潭淵天雄馬南郡兮蜀文翁右秦氛入燕兮天帝醉香山我我兮空鼎願公領風教神今無所愧隨鼎湖歸兮魂不寐唯求桂之叢叢兮荔丹蕉黃抑朝陽之神黃黃兮餽賜翔翔同年友兮蒞是邦攬淚扶涕兮貢神報公左右兮帝旁駕虬龍兮返故鄉神

### 黃靖南傳

公諱德功字虎山關東開原人以部卒起家會東方有事奮起為將面紫骨角硃碑身長八尺肩背隆穹貌若神崇禎癸酉流寇李自成張獻忠等渡河以南屠掠郡邑勢鴟張公率羽林健兒奉命援剿陞辭日帝親勞以金甌劇飲三爵遂以滅賊自誓駐扎光固唐鄧間賊聞風遠遁所戰克捷大有功控弦必命中然後發發若聯珠應接不暇固不洞革穿胸者賊中號曰黃關子云未幾以斬馘功多濠泗陵寢得借以無虞進秩大將軍尋晉靖南伯食邑儀真甲申三月李自成陷北京公聞之灑血誓眾將北發與之同命會南京大司馬史可法擁

### 戴福王為社稷計是為弘光公與焉時可法祖前代遺

戴福王為社稷計是為弘光公與焉時可法祖前代遺意倉卒中立為藩鎮四寧南左良玉駐武昌廣昌劉良佐駐陳睢與平高傑駐瓜洲其後又有東平劉澤清駐淮上公如前以衛京師然斯時李冠固在秦關未殄也閱明年乙酉大兵南下豫王直搗金陵英王自關中驅闖賊由漢沔來良玉水師萬艘蔽江東奔名曰救太子至安慶焚九江江東都會洶洶不知所出公乃渡江而南屯兵蕪湖以障良玉良玉兵當鋒無不縮手倒戈落長江死者無算一步不敢過采石畱都人心稍定而豫王大帥已乘風便帆一夜抵秦淮河上矣權相馬士英棄弘光私逃臨安帝微服出走至公所未及整禦追兵適至公曰豈非天哉門庭之寇既薄於西而北來之眾亦復壓境一人蒙塵有死無二乃舍舟上馬力戰會劉良佐已在北軍謂公曰勿動吾有說鐵已中公喉公素與良佐親密不意遂為所賣知事不濟乃拔刀自刎而死時公有二子在舟公先是騎馬沿岸訊家人所在將手殲之以絕後慮而二子早已北渡藏舟螺磯下是天意也南渡來文臣死難者維揚史可法武臣惟公以祖宗三百年養士之恩而食報止此說者謂成祖以燕王靖難甘心建文殉國良刳若羊豕齒人於劍以其族視白馬之禍更烈彼方鐵諸人何罪至此極哉天人怨恫真情喪亡固應寥寥也若非甲申之變死先帝難

者有倪元璐李邦華劉理順陳純德諸君子二十餘人則後之觀者不知如何短氣此廬陵歐陽作五代史於全節之臣取三死事者十有五而雜傳之中乃取號州司戶參軍王凝李氏之妻為之三歎其意亦良悲矣

### 左將軍傳

將軍名良玉字崑山係遼東人赭面豐軀聲如鐘幼時不知為何人掠賣臨清市上身衣了鳥居人有左姓者與一老嫗居市上以泔糲為業無子謂嫗曰此兒封侯相也易子之遂與嫗之子畜焉左翁往來關東走寧遠鐵嶺間販馬綏化為業歲以為常時關東為重地督撫大將軍建牙者星羅各郡縣翁往來部下與其健兒

讀史集卷三

五

善心艷之因以子登伍籍為某帥牙兵良玉時年十六矣多力善騎射每戰得生口甚多會寧錦之役以功次為偏裨軍中人亦稍稍識之者亡何中原流寇起將軍領部下三千人大戰河北多所斬獲得晉都督皇帝詔曰左某其以總兵專辦河南寇事癸酉水堅賊渡河三日夜不絕將軍尾之破賊郝鄆聞聲名大震於是河以南人無不知有左將軍者會河南饑流民從之者日衆賊衆三十六營有過天星關關天混十萬草里眼諸營渠帥屢為將軍所逼多受降將軍戲下惟西營八大王張獻忠最狡與將軍戰將軍亦其鼻僅得不死不得已間使出謀招安時獻忠按兵穀城西關將軍駐襄陽欲

往蹙之會為總理熊文燦所阻不果賊未幾逸去尋追逐南鄭瑪瑙山下獻忠大敗我兵係其妻擊獻忠隻身跳是時楊嗣昌以宰相視師加練餉三百餘萬民不聊生又斂於公公稍快快獻忠由是不可制後闖將李自成勢復熾破河南府尋圍汴將軍自襄陽救之賊鑿塹百餘里外三匝將軍敗績一日夜走襄陽東下自此敗後群帥畏闖如虎闖亦自恃氣力非將軍所能敵圍汴不去先是天子念曰良玉本戰將計賊中忌憚無如左某者晉爵寧南侯藩武昌時同封者四人為黃得功劉澤清劉良佐後得功死難餘俱降大抵皆從將軍起也將軍居鎮之日號令嚴肅轅門外日梟犯法者數十人

讀史集卷三

六

不止沔陽沙湖間狼藉數百里殺人流血如故將軍坐是法亦稍稍不行當是時朝廷一意姑息將軍受降將又多部劄至輒車駝捆載而來每開營張譙筵數百奉朝命總兵副將一百三十餘人參遊弗計也每三日五日一宴以為常末年病瘳不視事生殺黜陟乃關白餘皆聽其子夢庚良玉既侯平賊將軍印夢庚掌之夢庚臃腫無他間有靈寶之嗜多積書畫甲申三月燕京之變計至良玉雖不救然而大臨三日率將佐哭之極哀會福邸紀元首相馬士英賄政一時將相守令皆出門下良玉惡之又此時阮大鍼謀翻逆案將復刻要典將軍上書力詆其非會一日飲客黃鶴樓上有男子泥足

岑牟告密而至良玉屏左右引樓不去梯此人於幘中  
警聞取出寸紙血書其上云孤萬死南來依托將軍今  
為權相所執命且旦夕若將軍此時不救何以見先帝  
於地下書定王書云云良玉看畢隨時昏絕於地左  
右掖之半晌乃甦良玉亦不言當夜隨傳兵馬下南京  
檄文一出三軍乃知為救太子誅士英也當是時聞賊  
自西安為英王所敗奔關東來即尾良玉兵後又靖南  
侯黃得功守瓜州士英調移蕪湖障左於是豫王一師  
自揚州飛渡江東大兵東西至而左黃兩家猶中拒  
安慶礮礮間會良玉適於是夜病劇嘔血死其子夢庚  
降人皆以是惡良玉救太子非實而畏賊乃真云外史

曰天也天欲成 大清一統之業故一舉而併兩家之  
將得功之死烈矣使良玉而在能降耶 大清兵不血  
刃而坐收鷸蚌之利皆士英有以致之由是言之良玉  
之罪固有所分矣予為諸生時以他事入宛初不知為  
何家賊攻圍幾下忽見有乘驄馬面如血噴者一偉將  
軍引可三百人飛矢運矛馳驟如風賊以喙奔去人從  
城上觀之皆以為神既而審為將軍聞將軍是日從魯  
山來追賊夜行三百餘里至郡北之大石橋見賊馬遺  
矢手揣其溫燥良久謂軍士曰曩尚燠賊距此不過三  
十里急擊勿失拍馬而前黎明已抵賊壘存宛矣說者  
謂將軍明之罪人也其大事在兩下江東一竄朱仙耳

吾著左帥論詳矣論功罪者當酌其平良玉受降太多  
降將負已已負國家罪自難掩要其始豈非良將哉甚  
矣招安之說不可施於垂亡之世也

### 井丁二君合傳

井君名溶字寒泉鄧西陬柏林寺人幼業儒困於有司  
遂棄去為里胥長勤公祖恥乾沒德義動遠近家素溫  
周恤任俠不事封殖交遊多賢達風采修整雖韋帶如  
士君子之容人有不平事怒形於色嫺辭令折衷於理  
不為勝說里有士高材所弛齟齬市兒為人控牒府主  
牙兵如鷹鷂肆攫挐且鬻而食之鄰黨烏獸散遁跡數  
十里咋舌且不則士子一人正因公聞之徒步蹣跚而

來青衣風知公名拱手立公毅然曰某生公輔器也即  
有事當白於庭不得亡狀國憲凜凜三尺具在羣貌縮  
頸汗流去其後此生致身甲科多著述為名臣知人之  
哲人以方鹿門平輿諸君子焉丁君亦鄧人居鄧西郭  
名如浣字穎水性剛多力善騎射痘面刻畫修髯如戟  
身長七尺許少慕荆卿劇孟之為人饒於財為博徒蕩  
且盡尋又取償純袴子弟屢致千金人有急輒散之去  
不問質劑然最負藻鑒賓禮英傑文章之士視諸滿輩  
則隸而叱之若輩亦望風竄不敢陟公廡下時有公友  
謂之曰君疾惡太嚴恐不宜亂世公正色曰是何言君  
不見黨錮諸賢至今在也胡廣中庸縱三公吾恥之况

吾一諸生居草野敢沒生平哉公生同孟嘗其母死弔客數千人偶里中學究為誅辭微涉譏刺公手劍數其門其人長跪負荆請讓乃釋然亦終身銜之不與交崇禎末年羣盜橫蹂中原無虛日公棄子衿握鞭圓料鄉勇為固圍計又不屑以武人進身曰武如絳灌人且羞與為伍吾不為耳古來亂世兵戈蜂起城不可恃則有堡寨可以禦侮以佐中興如晉室南渡祖逖北伐必藉梁鄭塢主以為練兵積穀進取之本宋宣和之變武穆謀人唾手燕雲亦資兩河豪傑太行忠義之士今汴雒既陷秦楚不守賊氛日熾王師曩足此壯士揮戈之日志士畢命之秋也乃即涅水之陽距鄧六十里築一堡

請參本集卷五上

九

署曰明家寨近寨有明先世者實始基之公遂經營於此誓守勿失曰賊來吾與之俱盡而已為起鐵冶治戰具召募死士因水利屯田百餘頃賊來公上馬督陳如將軍令輒與之角賊多敗去我兵逐北斬馘公亦匹馬間有所禽獲率以為常公陽陽曰賊易與耳歲在庚辛壬癸大河以南秦蜀江楚諸郡無不破之城城無不破之寨獨此明寨一塊土恃公為長城賊竟覷視之不奉偽朔繞百里耳會甲申國變乙酉大兵驅賊渠南跳長安巢穴一空群賊瀰漫塞山谷東西唐泌析鄠間縱橫無非賊者圍寨重匝公領兵出寨大戰凡二十夜眾寡不敵遂遇害公之同事守備回紇人海寬

舞榭相救殺數十人不支亦死賊以麻油鑄其軀為燭以泄其憤公死前一日手削一桑版墨書其上曰明家寨丁如浣死所人乃悟命寨之意云

### 王茂才之章傳

茂才子舅氏行也予少孤多病公解醫母至予家為診視投以藥餌隨效予年可十歲某家讌會於雜賓廣坐中議論風發公刮目良久曰此必成名但須力學耳自此每謁公必以德業相匡傷公時教授生徒里中或有時過公塾則拈題課制義與諸子角勝負予方傲睨一世計絳帳下無一可當意者群輩怒欲起而撾之賴公免公無子媵妾甚多正妻張能畜之究亦俱無所出平

請參本集卷五上

十

居蘊藉和藹不與人競長短人或狎侮公亦無所芥蒂早歲銳志舉業乙卯戰北遂決意治生產竟以財雄於鄉里家既素封復多行善事無遠近皆呼為長者會乙酉春巨寇南奔自武關而東鐵騎數百里公與妻張避亂岳山寨寨陷與妻囚繫一處公義不受辱爭先為死賊欲令之踣罵曰我天朝良士豈能踣爾賊子勁旅百萬且至爾輩行當粉齏尚能汚人耶死則死耳此膝難屈賊恨甚無可奈何夫妻俱受戮其後寨民賊中脫者目時其事鄉人至今言之語云平居無直言敢諫之士則臨難無仗節死義之臣非通論哉甲申國變狀元劉理順御史陳純德皆恂雅無他者也竟以死而平居號

為蹇諤丰采者不屬焉然則王君之死世豈有測之者哉獨計士君子不幸而生亂世遇兇人如此而名湮沒者又安可勝道哉

### 李三翁傳

三翁者鄧人名茂英字俊宇少習舉子業遂棄去力耕連辟公府不就喜誦涑水通鑑及陳壽三國志南華諸書鄉人號為祭酒性任俠負氣節里有回冗紕謬事不敢令公知公聞則為寬譬理諭之人輒自愧故人呼為三翁云予四歲失怙公與吾父為刎頸交公見子兒嬉恐墮先業謂予節母王孺人曰是子可就塾矣時公之子榮受業於鄧明經魏師虞先生予往同學朝餐

續李三翁傳上

十一

夕哺繼室朱母親炊爨無倦容四年如一日時予甫成童公見帖括藝而善之曰此凌雲器也鄉人有誹笑者公曰鯁生者何足較哉日學相勉期勿詭於道無濫於義會有時沉飲於家或跨蹇中表處有里社之會公為期期戒之且歎息曰老夫耄矣勿耽於荒庶早見成立勿滋他人詬厲如是者屢予亦尋匡飭罔即愒淫予年十七以童子試入郡及歸而公不起矣朱母亦遂相繼歿有孫黑禹峰曰公獎借人倫蘊義風發殆東漢郭介休許平與諸君之間矣予今年五十矣公玉我為兒時我不能庇公孫將公之所謂識子者何在也里婦有井氏者新寡代為黑娶之使其生男天報善人矣

### 田貴妃別傳

天啓晏駕崇禎帝自信邸承統聰察英斷懲貂璫蝗國嗣位之明日鋤魏忠賢諸大奸賓禮公孤臺省吐氣海宇有更生之望時邊圉多故大內旰食流冠李自成等以驛卒窮餓起延安揭竿秦隴烏合數萬有司處置失宜漸成封豕帝每感然召公卿會議征剿夜分不寐回宮中輒劬皇遽床走皇后以下不敢發一言先是在信邸時有金吾將田康宇者廣陵人弱息選入宮美而艷嫺書史寵冠掖庭見帝忽忽不樂伏蒲進曰陛下聖明國步多艱將相無人致煩睿慮側讀言官疏章有言征南將左良玉梟獍反覆此必跋扈不可用今陛下方倚

續田貴妃別傳上

十三

為長城撲滅羣醜豈社稷之幸乎言已涕泗闌干哽咽失聲帝為動容未幾中官復用事良玉賄左右譽言日至帝詔太常議良玉封爵世守武昌寧南侯同封者三人為某某妃又以為言不省妃曰已矣滿朝可謂無人帝亦終不能用吾言夜觀乾象國運不久吾將委骨泉壤與龍蛻同穴足矣亡何良玉受爵驕奢淫佚掠三楚尤酷倍於賊李自成屠名城滅宗藩所在見告良玉坐鄂渚儀衛驚旗擬於王者不以為意既而汴梁又陷良玉望風先奔一晝夜自朱僊鎮走襄陽蜩縮不敢出會邊報至帝方食失箸謂妃曰不聽汝言致有今日冒昧用賊臣不吝封侯之賞豈意狼子野心負朕如此奈何

妃曰晚矣無可言者乃於是夜人定後以阿錫自縊於  
馭安宮鈿合中遺表有云逆臣良玉終必背主狂賊李  
自成終必亡國官官用事尸位盈庭誰肯忠謀陛下者  
然古來禍患之作以開聖人劉石犯洛而司馬肇基於  
江東祿山入秦而唐宗巡幸於白帝建業為六代之舊  
都陪京乃祖宗所繇置願皇上獨排群議早議南遷或  
令太子監國以繫中外之望藉長江為險阻與神京相  
首尾蕩賊有期恢復未遠萬一都城有變犄角可援是  
亦宗周嫪婦之愚悞也長辭九嬪永錮三泉葬妾燕山  
之麓願化長陵之土云云次晨宮姬報妃死帝為大哭  
失聲詔將作大匠觀以黃腸舍大泰珠襲錦襜褕繡恰

不書李太主傳上

主

襪袿聲鑑飲以水銀如禮宮姬長跼進鈿合以為妃子  
未裁前一日漏三下吮毫書小赫疏逐婢輩出密繕不  
知何事封志此中告婢曰我有不測若持獻皇上親啓  
勿令人知實不知妃子乃於是夜自裁於壁帶黃金缸  
罪萬死帝讀之感痛依其言葬於昌平之鹿馬山命工  
部左侍郎陳必謙營建未畢次年甲申都城失守帝后  
殉社稷士民置輜輶車東華門會大兵至為先帝發  
喪以天壽山遠就妃墓瘞瘞省祭官趙一其實董其役  
移妃棺於右帝居中周后處左遂合窆云云丙戌遊燕  
過涿鹿逆旅遇老尼言此事甚悉言已長歎數四主人  
曰此先皇宮人也國破恥事人為女僧云嗟乎當熊辭

輦古今美談妃以色授尤以忠死烈丈夫不及也國史  
後宮彤管千載帝生前不能用其言死也魂魄相依固  
應追悔地下耳

### 吳中丞張夫人傳

中丞名阿衡南陽裕州人生負奇氣個儻磊落喜談兵  
性奢侈諸生時不治生產擣菹一擲百萬第後多內嬖  
敵體黃夫人奉公命唯謹粉白黛綠趙女吳娃羅列左  
右膝輩事之如帝畏之如虎大約鉛情飾貌容悅一時  
纔離粧鏡則梨花雨後耳最晚得張氏維揚人婉嫵慧  
悟伎藝絕倫能窺書傳大義然性復醇謹不佻公憐愛  
之當公仗節出關羅襦珠琲盈百兩同干旄東征張獨

不書張太主傳上

古

請公命願與髮妻黃氏留邸儕輩嗤之曰是嫗癡甚女  
以色事人不乘芳華闢艷窮棲旅舍胡為張曰不然羣  
姊妹皆從公行主母獨畱妾願侍朝夕左右且郎君入  
歲堪就塾開門軍書旁午此處授經為便云公首肯留  
張及妻子輦下登車去張謂黃曰主人恒中剛決封疆  
事重當有踰盤囊者不去存孤計耳兩郎君皆非張出  
本生母早死張恩勤不啻所生黃多病張為視藥無倦  
容歲在戊寅薊遼震動羽書一日三四至司馬門圍密  
雲三匝張謂黃曰主人休矣郎輩幸在此勿為他人魚  
肉也俄而調事者馳報城陷中丞死矣舉家失措不知  
所出月餘事定張命健足走探消息得真耗乃伏闕上

書願親檢骸骨歸葬並為吳公請恤典恩如何載別傳張髻髻麻衣哭奔喪於盧龍漢之羅襦珠琲且烟霧散得老兵常在公左右者黨葬公於城隍祠左廊下啓視之面色如生但膝髁骨刮去齒擊碎搖落強半舌不存矣張痛哭仆地絕而復蘇者再已而歎曰天乎君得死所矣歛舍如禮載京城西郊古寺旁會朝廷詔工部為公治葬時中州流氛甚熾所在郡邑陷沒宛葉大河以南路絕行人張乃朔公於招提之左塿未幾李自成陷京居人遁散張為黃夫人及二郎君具資糗潛還歸里張剪髮為尼勢面垢衫藍縷百結自毀為業泝澣澣確春自給大氏不離墓側外無一人知者自是公妻子

大清定鼎公所親孟津王尚書

上

絕不通音問八年矣大清定鼎公所親孟津王尚書鐸與公稱刎頸交張諗知王公在都張扣公扉具言此事王公悼情良久與張約曰頃奉秦蜀祭差旋時當過南陽挾君家兒至吾贈之是不難已而王公自關中取道宛鄧見公長郎責之曰若翁遺骨在燕若庶母守之歷有年爾不念何以為子禽犢耳乃與百金醫短轅公復寄手書於次公學士無咎為勾當此事抵京張念曰公之死事在今日不便明言但得殘蛻歸故鄉葬祖宗墳墓足矣時值春初月色朦朧陰雨霏微鼓漏甫下羣動皆息領老僕二人負舂鉤開至偏廟拊拊納骨絹囊中羨翁有篋合一枚貯金珠若干可值五百金傭一小

塞負之行至真定夜張夢吳公如生平告曰吾今日乃得與王尚書會矣幸取道孟津盤桓數日張如言行至孟津知王尚書已薨是年壬辰二月某日則吳公報夢之晨也張乃崎嶇弘農成皋及臨汝一帶抵里葬公方城山麓易以銀鏤輪棺有加裏事畢遂廬一室窻窳側求尼矣噫一女子耳使同群婢之見戀榮辭悴魚軒之官金城不守玉顏委地藐諸灰滅子文無後矣又使旅食京華倉卒失計則婉轉娥眉何處不可偷生而乃陵谷變遷誓死靡移艱貞蒙難托身浣婦用使趙孤長成馬革還葬張之所以報吳公者誠厚矣然則國家不幸當板蕩之秋廝養卒歿呂飴甥豈必俱出男子哉

### 祖與祖妣合傳

祖諱進賢字南溪自始祖資孔公生二世祖沂清清生三世祖倫儒南溪公為倫祖之次子先世自江右來以農起家至公幼穎悟乃始專受一經又阮於有司輒棄去復以明農為務家因以豐每歲得穀或數千斛會年荒盡出之以食鄉里之饑者猶自為起粥場一區親嘗其饑務令沾實惠如此行數次民之仰口待哺者不下百千人間出鏹帛周人緩急有不能償者憐其乏即焚其券益不待孟嘗之客馮驩矣家東有茱萸河發源於禹山之西北隅河不甚大平時寒裳利涉若秋夏山水暴漲則霹靂亂闖蛟龍出沒四方行旅望之有若天塹

祖惻然憫之自為鑄積金數百需工采石於西山之麓  
董其家之亞旅徒御大者牛車小者負擔繼屬不絕間  
一年而橋成蜿蜒若虹任大雨時行馮夷鼓浪然而水  
殺其怒流斯在下矣年四十尚無子祖母井氏念曰人  
生以宗嗣為大婦人不妒是為賢耳為兩娶祖母李氏  
張氏李生伯父橋一女適井氏張生我父諱彬一女適  
李氏祖性通俠好客郡中孝秀縉紳皆樂與之為友吾  
父及伯父又不幸而早世遺乳我諸孫皆尚乳臭各為  
延師授句讀每日自塾中歸祖必命予輩以手指畫掌  
中作字以為嬉鄉黨有爭訟輒曰勿使彭公聞之旋自  
息婚嫁有不給者輒曰有彭公在未幾而遺者在門矣  
祖母尤勤儉克襄外事一犁而外無他財終其身亦無  
餘財也享年八十有四終於正寢今予荷天之祐得衍  
七皂燕子貽孫誰之賜歟能無念我祖哉雖然尤不能  
忘我祖母井矣

舅氏王公述塘先生傳

公諱某字述塘鄧西九重堰人祖籍盧氏先大父某為  
蜀佃江主簿有異政蜀人至今思之公行三兩兄皆諸  
生攻舉子不就以文無害受公府辟赴銓曹官密雲與  
民休息不喜淡文飭簋簞日與諸耆舊名士晏樂及歸  
行李蕭然囊無一錢再移渾源州一如在密雲時值歲  
荒收遺兒溝中賃乳之全活甚眾其平生交某中折有

孤子方襁褓勢家欲奪其母嫁之公為卵翼不遺餘力  
後得長成延宗祧嫗稱完節鄉里無遠近相呼為佛在  
官亦然公坦懷無城府性嗜麪藥家素溫餅疊對環左  
右室人李慈惠佐之公醉後小譙呵夫人褒不為意好  
施樂善內德厥茂督童婢耕織罔懈里為武當香火及  
鄭撫駐節孔道往來驛使達官過其第公每投刺與之  
交歡畱連飲劇而去尤恭視賢士大夫識者比之陳遵  
鄭莊焉里社宴會跨一款段與周旋不醉無歸會崇禎  
末避亂楚鄭後卒於家享年八十有一云歲在丁丑春  
公有四丈夫子長之屏次之翰諸生屏慷慨重然諾能  
緩急人不畏強禦聞人不平輒義形於色或代直其事  
當路人以此多之有古任俠風之翰以下別見有女四  
最後適子性肅謹事祖若母以孝著皆公教也有孫福  
嗣藩出養於屏子少孤節母公姊為里豪所魚肉賴公  
力得無恙子性負不羈好遊獵公時以古訓相勉勵後  
遂得以一經起家順治十七年予從湖南歸舟次洞庭  
為作此傳距公歿丁丑二十一年矣

王遊擊及妻李氏殉難傳

遊擊名之藩以騎射為將官蒞鄭募負性使酒豪於財  
廣交遊急人患難然性癖馬每歲市馬荆湖時水草莖  
豆董其善走者置上閑錦韉金勒鬻膝腰裹奔走仗下  
市駿青齊鳴鞭九陌風生火出以為樂崇禎末年流寇

竊發颺起西陲先是屠掠汾晉澤潞諸郡癸酉冬乘冰渡河河南之苦賊自是年始也遊擊時謝事家居賊突如其來里人皆避匿西山中公笑曰鼠子安足慮為率家僮數十人持戈與賊相角勢窮見執賊知為宿將欲降之罵而死時妻李氏育其孤福又十年渠魁李自成日大陷襄洛尋據西安稱制孫督師潼關敗績益披猖遂陷京都為大兵所追自商於南逸捲土裹鄧李匿石洞中得免賊兵相繼人無粒米皆采稻度生時李子福亦為軍所掠未卜存亡氏於馬櫪間掃遺菽和苦菜吞之忍死以待兒歸里中猾胥某慕其姿欲奪之族戚皆以為言李謝曰吾夫叨一命以仗義死賊忠臣烈女

之訓聞之熟矣兒不歸命也兒歸煩若等報吾死所足矣指故居西園井誓曰此未亡人死所也人知其不可奪緩之次晨有先汲者下視井中則赫然李氏屍也乃群言勸嫁者欲直之牧為李雪冤不果死之本年其子福自岳州歸

孫令妻妾雙烈傳

古人云天地正氣雜賦流形信矣每見兵戈之際義烈舍生女笄猶多於以拯薄俗裨益政教是之取爾順治九年桂林之變坐某將軍棄邵陵賊遂突入嚴關定南王孔先是發兵四處獨率羸卒千餘鏖戰四晝夜知事不濟自焚死時慶遠理官孫斌妻妾與焉按妻朱氏前

楚藩碧山王孫女令安肅人隨父任產潯陽於先朝之末年二十已奮身為裨將朱自于歸奉箕箒謹逮下有恩義順治四年定南開湖湘令知草創難恃捲甲來歸王器之兩署蠟疆一令寧遠一刺靖州皆有卓聲後念慶遠居西粵柳賓衝肉薄牂牁大猾方竊據出沒徭獍反側最為綰轂爰命令以理官往時令欲挾朱偕行朱曰妾聞軍旅之間克全者其唯仁恕行矣勉之且丈夫一行作吏不復顧妻子妾能自織紉操作毋煩君慮倘事不測妾自為計君任虎穴亦宜自為計矣於是與令灑淚而別會是年七月桂城被圍朱語妾魯氏曰吾曩不與若從主人之官者恐以吾等為慮累王事爾今

吾報命之秋也念男女甫乳臭汝且埋身草間延趙氏孤勿死也語畢取尺帛自縊魯氏曰主母以我不能死乎故為甘言且遺孤難保此身難辱決矣遂相對繼維時尚有兩婢一馮氏一雙喜乃抱幼主及弱息而哭曰事急矣兩主母相繼死吾輩何用生於是絕脰一梁同時亦死城遂陷令男桂生半週女慶三歲一時化為異物而令之一門妻妾子女僕婢盡矣冤哉令乎使朱初念不以累夫為慮同車宦遊紅顏黃口無恙也何至自苦苦令且苦妾並苦婢蓋兼忍苦其所生之襁褓兒哉斯古所稱天地正氣雜賦流形不誣矣又吾聞之孝感戴生云維時定南戲下曹總兵家聞其母若妻妾子女

骨肉自盡者十餘人總兵名德先宜與令事並傳異時輜軒采入嶺南志乘可也

### 胞兄萬里傳

節母王生余兄及余二子余生三歲而孤蒙蒙襁褓聞兄五歲父歿而哭之痛幾欲以身就棺中純孝天生也余甫龀就塾師與兄同學兄名萬里余名萬程父命也後余遊庠始改今名余父既早逝母執紼作未亡人賣釵釧易書冊為二子訓句讀每燈火機杼輒二子佔畢其間則母心樂兄十二歲見里社舞鬼師意忽有所感成心疾自此發言輒謬母憐之延醫診視以為九竅之變症葉餌終年得之十四五焉尋亦不復治遂不

如讀史亭文集卷十三

主

竟學余專其業時遭祖父母喪拮据襄事析居兄性嗜獵春夏鴉來臂鷄往捕之時其饑飽又時牽犬逐兔西山下以為嬉生一子適為祖作佛事因名僧謫慧異常不十歲善作偶語客有試者應聲而出若夙構然余時弱冠稱弟子員每自喜曰是兒駒也善畜之余家鄧西鄙距城兩舍偶一日余以小試入州城族兄仕龍自鄉來杖血相視大呼曰僧死矣余正對客酌乃棄杯斃哭眩於地半晌始甦訊其死之故曰雉經也噫此子年甫十四何以至此有迫之者耶後乃知其以他事拂阿母為母所箠楚至是余曰天乎以吾兄之盛德而折其嗣乎兄自是亦絕不生男生女亦不育崇禎中流寇血中

原余先避鄉中臺上賊咆哮攻之不克而去兄素驍果手槍逐之為賊所中傷三處頭面模糊奮身力貫兩賊馬下丙子城破余流寓襄陽兄與同爨時節母念土與兄先歸掃祖宗墓地為我構室余猶未至而母遺者頭適至以為兄以某月日得病死矣余魂魄皆失歲在崇禎丁丑享年三十有四余歸而哭其棺母因兄亡幾死者屢痛定乃從輶車厝諸先人之壙東偏葬焉與僧同兆而述曰余何忍傳吾兄哉猶記余作諸生時泥飲弗檢清明禹山賽神余夜歸迷失道間時麥田氾露花香草肥余躓道左人無顧之者耳邊微聞兄呼半醒郎當掖而歸此時若無兄吾不知人世間更有而述不也

如讀史亭文集卷十三

主

吾忍不傳吾兄哉嗚呼吾兄下世二十五年吾母不祿亦二十年而述冉冉老矣雖子女滿前而生我之人與同我生之人永隔終天化為異物三復明發之篇為之哽咽不成寐傳作於古田行間

認讀音通轉不能言也見昌黎南山詩

讀史亭文集卷十三

傳下

吳義士傳

吳義士者吳之秋浦人也自稱爲延陵後世居池之橫山峰巒奇秀中有流泉古木曉鵲澆澗公生而岸傲負不羈才於書無所不讀一見輒能上口年弱冠蜚聲藝苑品題天下士天下士無不知吳中有次尾先生者次尾者公之別字也公既具軼羣姿坐謂青紫可唾手得遊學姑蘇雲間與一時名流張溥楊廷樞陳子龍等善賈人聞其名以千金贄公爲遊制義公慧識敏手別有

裁鑒一時有人倫之目海內傳誦所錄文一如公所自著名宿新貴得一字以爲九錫而尤畱心朝政每聞邸報凡大興革利弊茶馬邊防儲胥拜除諸大政無不犀利間與當道談及某事宜舉曰此社稷福某事繼緣不宜舉則義形於色持議雲湧電發與當道斷斷其不可當道以其名重用其言上封事釐定報可者稍稍有聞矣崇禎癸酉流寇渡河南公感然憂之著有平寇諸策論皆石畫可奉爲元龜識者以爲身不用於時而徒以空言冀悟人主博當世之採擇此其責不在君則在相矣亡何著作弘多名益震帖括藝獨宗震川思泉諸家冀其必傳不屑鉛華媚人既已憂憂不入俗目而公

氣又睥睨一世凡世所號爲巨公碩匠罔不兒畜之以故棘闈中衡文諸貴人嘗受其齟齬者庸以吳生售爲戒以報却公竟坐是不得一第曾已歷南闈卷輒乙之最後乃以明經與公車會甲申國變扁舟如金陵殷然以中興爲任上書當事言江北三鎮靖南黃得功之忠貞廣昌東平二劉之反覆不可保武昌上游左良玉之萬難恃而其大要則以史可法宜在中書不宜駐維揚爲首議以茲犯權相馬士英忌甚欲殺之公潛脫白門未幾以良玉兵下得解公慨然曰天下事去矣聞大兵抵池乃約鄉人果烈有心膽者刑牲盟曰明養士三百年君臣之義是在今日諸君亦何言維時公設高皇帝位率同事痛哭之閒風響應輒得四五萬人鼓噪呼萬歲且前進曰惟君命公指揮分爲四師是時江南諸郡邑皆已置吏公以一師出東流一師出建德一師間道入金陵一師自帥攻池旌旗壁壘數百里間山鳴谷應旬日內所失州縣新署俱駭嘆亡命或有擒者勢且捲長江吞吳會又徵詞臣金聲與公相爲犄角聲靈震疊尋有長驅江淮之志矣會大兵中降帥某勒兵從新安詭道入出公後公腹背受敵公所領現在兵不及三千圍兵乃數萬公拔營大樓山上與大兵鏖戰自辰至酉所殺過當衆寡不敵兵潰公猶手揮長刀格殺數人力不支得公者欲強之跪公笑曰此膝不屈於

人久矣兵官中有識公者公問曰欲生得我乎抑利吾頭耳識公者不答公會其意乃向帥借一騎曰看一爽塏地取吾頭授若行至梁昭明太子臺畔下馬曰此吾死所也口占一絕云蟒衣玉帶徒張皇四鎮紛紛各散亡采石將軍差不愧英雄好去伴維揚謂黃得功與史可法也乃從容謂所識者曰吾有女年十一已許聘劉伯宗家兒汝能為我察歸之且結草矣伯宗者池州名士也再拜畢引頸受刑神色自若將兵者用竿懸池之南門外天氣方暑異香射遠近烈風颯颯鬚髯磔張飄搖有聲如欲生人以為神不敢逼視云公名應箕著有大樓山房史辯數百卷行於世禹峰外史曰當元之下

讀史文彙卷四下

三

江南也池有趙昂發者以判官死官池非池人也又有二士以投水死池人也止於潔身而已公之死乃以倡義若事之不成則天也視三公為烈矣年餘而陳子龍亦死與公同所謂聲應氣求者非耶名流亦何負人國家哉

### 丁二字先生傳

公諱鉅字二字鄧州人隆準豐下聲如鐘弱冠遊庠小試輒得雋督學使者入中州無不國士丁生者與鄉舉十三中副車者一竟艱於一遇以貢士終老且死余少孤以父執得師事之先生壯歲好乘駿馬黃金寶玉為飾僕童數十人有時或肩輿赴里社輪蹄赫奕義從皆

綺羅自喜知必公在焉豪於酒每賓朋雜沓雄觥痛飲數斗不計晨夕鮮醉或醉歸夜半即起即讀書每科時藝至過坊刻置案頭濃墨點次輒能上口性既通慧坐是亦少竟於學臨文無意為之便高等試棘闈文不加點未燭即出曰恐悞飲且性不耐也出則尋王孫或貴公子爛熳花伎間自以為必入殼沿以為常初業易繼改禮經束帛楚之黃岡謁名士曹之棟為朝夕講論然亦浮慕用相羈縻而已喜看邸報畱心國家大務時流寇猖中原先生每扼腕曰天下事不忍言矣鼎革後易名志字金山猶赴鄉闈者二以解首自期放榜如故生子如滙陝州廣文先公死孫亦無存者公素封多負

讀史文彙卷四下

四

郭之田人有緩急以多金濟之無德色無吝容好客有四君之風每車馬雲屯抵掌華屋之下則公軒然喜具慧眼能識文字於毫髮之微貴賤壽夭一以文決之百不失一余初未執經於公之門忽於某處見余作驚批其尾曰地負海涵此當代偉人也自此遂逢人說項津津不置云其他較量天下士不差累黍中州推為人倫之鑑比之司馬德操許子將云公既以屢刑不售遂放浪於麴蘖涉獵古文辭啟札傳記率筆而成不雕飾亦無所本常語人曰文貴成一家言耳昌黎有言曰作之也易則其行之也不遠吾作之寧易行與不行弗計也以故人有求輒作作亦不存其稿今亦散失無傳者晚

年娶一妾生一女慧適某然止此矣中郎有女伯道無  
兒天道可知耶余自戊子撫黔放歸里居十年無日不  
與先生周旋順治十三年丙申經畧洪太傅治兵長沙  
余奉命走軍前記南來之日先生執余手曰身老矣禹  
峰此行未審何時歸來幸為我先作一墓志余生而讀  
讀而喜喜而瞑目於地下可也余為作文付之計今七  
年余自滇藩量移桂林家童自鄧來者余問先生起居  
答曰先生於去年某月歿矣年八十有四嗚呼言猶在  
耳先生真以饑余南來之歲便為永訣為之廢箸者累  
日每欲為先生作傳曾有簿書未暇茲以勦寇入山繫  
馬求寧夜夢先生若責諾者因起而挑燈拭淚為此他  
日歸而鐫石暨之先生墓道嗟乎而述何人敢忘先生  
哉

### 張豪士傳

豪士宛之西鄂人父為國老重文人豪士生不數歲翁  
為延塾師授戴經豪士一見輒能成誦師大奇之豪士  
偉幹方頤性爽武不可一世弱冠遊鄉校主司試題為  
子庶民豪士入題有云如傷之心法斯在寧爾之告誡  
猶存云云主者取以冠多士聲震膠庠甲子鄉闈為主  
司極賞以後場犯時諱竟乙去坐是遂放浪酒人詩社  
間聞人不平事則豎毛髮操拳往搯之里中惡少聞豪  
士來乃辟易尤好獎拔後學負人倫鑑時天啓中大瑞

魏忠賢用事鄧有小黃門出其幕下額表有容勿近臣  
四字豪士一日醉過其第時昏夜半星躍身棧題上手  
摘而碎之嗟乎爾時恭顯之禍已成在朝正人君子日  
在啗虎春冰中以不保腹背是懼豪士以一諸生將猛  
獸之鬚亦危矣亡何黃門聞豪士名竟置之豪士既已  
不用於世家無僦石或一擲百萬室人交謫不顧也豪  
士為文風雨飄忽匪夷所思方且唾手承明之廬竟落  
落不遇屢蹟棘闥以庚午年復阨於有司嘔血死年四  
十有奇世竟無有知豪士者禹峰曰我觀古來不羈之  
士以其行能表見於世或儒林或文苑得以其身登列  
傳豈必薦紳貴人哉豪士瑰穎拓落生長僻里無聞人  
為之標舉乃湮沒寒蟲蔓草間與碌碌者埒是可痛矣  
豪士名鴻翔字翎修有子三人流徙亂軍不知所終

### 歐陽南芳先生傳

先生諱春自云白河縣人不知以何事出里門遨遊武  
當與黃冠盤桓度不足以為生乃授諸子於鄧西禹山  
陳氏陳俱刀筆起家為掾吏不足以知公余先受學蒙  
師張公好智余將作制藝先生以淺習舉子業辭而去  
會余舅王之章善歐陽先生余祖喜甚乃折柬延入塾  
席余及胞兄萬里俱受業焉井里子弟從遊者亦眾先  
生勤渠每早焚香念經一弓尋常求一笑不得楚夏二  
物督責帳下甚嚴余小心畏懼晝夜黽勉獨不取先生

嗔先生爛熟四子書及尚書註釋小字連圈外者皆誦  
滾滾手抄名人會墨一卷每諷誦之不置亦不見其常  
作文也娶妻井生一子日弄兒懷中後余漸長家析居  
而貧不能留先生先生旋去遊繩氏繼李官營余跨蹇  
驟時求謁問字余為諸生家稍殖又請先生訓吾子始  
起始騫先生教余子如教余丙子余登賢書先生館鄧  
城某家余從某處酒來下馬揖先生道旁會丁丑城不  
戒於寇先生莫知所終或曰遇難云先生泥飲醉後好  
為大言為駢儻所不滿每折辱之先生醒後絕不省錄  
他日遇是人禮之如故又善作小詞能謳歌喜飲蘆筒  
酒此酒秦俗析鄴人能為之染於鄧不忘鄉土先生故

讀家言卷十四

七

有是好云初不知先生何許人竟先生自為名號亦初  
不辨先生為何許人余家近謝羅山山有玄帝香火先  
生一日約余同謁帝至淨樂宮將出里居姓氏附青詞  
視余良久不言問余曰此神可誑否余曰不可先生乃  
盟手書紙曰楊名遠余再三詰之畧舉似亦究竟無所  
言也然則先生之不為歐陽某信矣恐白河之說是亦  
張祿之類也余存之知有先生而已歐耶楊耶奚問焉

### 陳茂才傳

茂才名常字時夏鄧西陬半扎店人儀觀瑰瑋具兼人  
力性風發伉直上世某從洪武軍起濠泗者定後法唐  
府兵遺制散諸羽林充衛所視郡縣大小為屯戍世其

業兵農合一武之善經也公之祖千夫長得以隨鈴轄  
編尺籍於鄧數傳始為諸生公得以家學游庠時年已  
三十矣前屢困學使者不售人或勸之徙業公曰是有  
命第忍之公車復屢卻乃退而攻倚術先是衙門桑  
樞袒褐蔽體藜藿粗給銅臭子輒擲榆之公慨然曰士  
不能治生致溫肥而驕語仁義誠足羞也遂一力明農  
茅蒲發糗與傭人之最下者同甘苦復多心計準天道  
盈歉持籌以權奇贏能令鎔銖無遺算又為市馬駒荆  
沔間伺水草勤剪拂不半歲下乘化為駿馱鄧為武當  
鄉火路貴人經其地倍息貨之數年間遂以殷富與前  
擲榆者比隆矣笑曰世所以賴有財者以其能散耳於

讀家言卷十四

是間里婚嫁喪祭有不辦者取給之一時遂有郭元振  
之目然負氣不能善下里兒反唇相刺李陽老拳必不  
能免輕薄少年賽社之會避席曲跽奉如嚴師曰公正  
人也究亦勿敢犯人在患難急遽中求救公殫心力圖  
之不啻已事形格勢禁則自為解緣是借公為緩急者  
屢矣乙酉闖賊南奔公為所得見公體豐碩意必多財  
煅煉備極公罵不絕口正欲操刀會賊以大兵追至  
各星散得不死腹背間炮烙幾無完膚每對人曰若非  
大兵至則宛鄧一帶人無遺種蚩蚩者為數並髮惜較  
軀命何如為此說者非附會也誠權於輕重之言耳觀  
此則闖賊之流毒天下飲恨入骨髓從可知矣六十餘

精爽不衰側室生一子可七八歲以順治十三年八月終於里享年七十二先妻子呂英諸生嗣

### 張孝廉傳

孝廉諱洪範字箕疇世居鄧西之茱萸河其父舉之公務本業不出里閭鄉人稱爲長者孝廉十餘載寓婦翁李氏家從光化廩生魏師虞先生遊予少孝廉一歲與同學儕輩可二十人孝廉穎悟在予右予亦降心兄事之孝廉先予青其衿里居距繞半舍周旋塾師既久社鼓伏臘無時不拍肩相勸勞離旬日輒思則跨長耳相追尋或徒步往書中有疑難必辨晰當可而止抵其扉脫粟布被風雨夕晨無虛歲歲無虛月自入大學之

讀孝廉傳下

九

年及弱冠後視以爲常予母節孝王孺人見吾兩人能切磋相與有成也亦稱爲眞兄弟爲具酒作食無倦而鄉薦鄧三人予與孝廉及王君之鉉且俱出安陽鞏成我師門大梁傳以爲異曰一門三鄧州云孝廉三上公車不第肆力群籍尤留心於五行志本草諸書談之壘壘頗輔間人爭服其博雅癸未避亂吳楚居停蕪湖一載閱乙酉大兵定金陵遂與予買舟歸里至漢口予乃官楚孝廉抵鄧隱居丙戌秋予自楚歸孝廉時卽稱病神形略憔悴無復向者駿發丁亥猶力疾赴禮閣予以補官在京觀其文甚奇又不第南歸迨予自燕都回孝廉病大漸然猶意疾在孝廉孝廉能醫藥或未必卽

關死生大事也今春繫馬來州未幾有夜郎役起兒自鄧來乃知孝廉以正月十四日死蓋順治戊子五年也嗟乎天奪我孝廉抑何忍哉予在家日多宦遊日少孝廉不死於往時而死於今年平生知已如予者不得撫匱一爲痛哭或經營其後事天奪我孝廉抑何忍哉記予官陽曲孝廉猶來拜我母官署元夜燈火璀璨孝廉大醉事在癸未春我母以是秋殂於晉孝廉自燕京寄弔章與李兵垣俱今兵垣既遠託交廣匿姓名不知存沒王君之鉉死而孝廉又卽其死數年來親朋零落殆盡內心孔悲猶記予與孝廉自吳返楚解纜潯陽中流風大作予舟幾覆孝廉折其桅倒行舟背上三十里予泊江岸昏黑酌酒長號以爲孝廉死味爽孝廉舟來得不死死生眞不可知哉孝廉無子前李氏妻生一女爲予次兒始審婦今生二子曰昌曰湘吾孫卽若孫也孝廉不爲無後孝廉爲人沈審篤摯有君子風寡言笑所交游絕少坐是固用遠於尤悔予受孝廉益最多今欲再求此人不可得已聞病革前二日對予起兒出涕曰我死以不得見爾父爲恨是予所云孝廉不死於往時而死於今年者也則孝廉之於予果何如也秋風客邸瀟湘水寒孤燈夜坐思及孝廉不成寐爲起而作孝廉傳如左爰命次兒始審礪石以勒其塚上或百世後此石不爲仇與勢所踣知有孝廉孝廉未死

讀孝廉傳下

十

王孝廉傳

孝廉諱之鉉字青鎖其先為晉之聞喜人父善廢著牽牛車服賈於鄧因家焉卜居鄧之西陬曲河鋪孝廉為諸生時有閤聲中里人忌齟齬久之坐異籍不得入豫闈年且三十餘丙子乃與鄉薦先是癸酉予為張督學首拔士實先容之為文幽道有致不骫骳於俗初生子閣殤於蕪公屢上公車不第避亂吳中順治乙酉冬杪客鄂渚當事才公欲署為令不果逼於婦胡買舟北歸胡常以奇妬斃公兩姬公大畏憚之抵德安會守兵叛公乃死亂軍中無可考公滑稽善紀怪事條悉原委傾人聽居恒每垂首若有所思似淡中者乃實恂雅無他

不讀書不事名

十二

賜次子仲寅世厥業禹峰曰予得不念孝廉哉然孝廉之得與鄉闈此誼在孝廉未嘗一日忘之也予與孝廉少同學又同出秦師輩公之門每攻予失予以兄事之時予以官楚而不能館公乃致公以婦人之言而死也予負孝廉哉

徐將軍傳

將軍名勇字英吾河東太原靜樂人本姓高長於許因譌為徐少孤生而燕領虎頭異羣兒時寧武總兵許某榆林人五十無子聞公奇異養為子母某氏與其同母女弟俱隨之往廩官署中稍長習騎射許公器重不啻已出會許公罷官歸里將軍年可十餘偕歸姑臧時里

不讀書不事名

十三

黨皆以為許公子也會許公他姬生子視公稍有間亡何許公又死公與其從兄有睚眦嫌遂慨然曰大丈夫自取封侯耳時萬曆末年彗星竟天海寓方有事將軍遂別母與其女弟仗劍遊關東時年十六矣聞劉杜兩將軍之事竊心慕之曰男兒東髮從王遇明主位上柱國此其事優為之行伍中聞公言所然而笑曰若不蓋老馬廐下足矣望富貴談鄂節徒夸耳亡何公年二十以斬馘功晉百夫長次晉遊擊將軍烈宗末叛卒起西涼寇河西汾晉繼躡河北尋渡而南隋名城剝王師所在見告秦楚江豫間騷然矣樞臣徵關外畿內兵入剿公與焉先是鄧撫表繼咸見公貌奇之特疏題公鎮鄖公與巨寇八大王過天星一斗粟革里眼等諸渠帥大小百十餘戰鄖斗大萬山中四面援絕相齟六七年獨得無恙公力也甲申變作弘光紀元公以屢功進都督賜崇玉公見南渡草創權相馬士英官以賄成又武昌左良玉紀律久贖流毒江漢關東諸侯無一人以討賊為念者公自揣孤旅滅寇無力屢用太息會天啓皇清掃清畿甸長驅關陝自秦捲楚而下良玉東逃國賊李自成為英王兵斬於匡山之麓公先是領鄖兵防承天至是乃統所鈴將士降英王王喜曰此翦子將軍也聞守鄖城七年不下者即若也何降也將軍曰除賊大義也復讐大恩也勇等焉往於是王承制乃拜為大將

軍開府黃州開四十八砦丁亥移潭州賊帥一隻虎攻潭率賊十餘萬相持十六日夜矢石如雨陣上人眼生瘡公開突門大戰賊以失利去自此洞庭以南滇黔百粵間人人胸中有一徐將軍矣朝廷嘉乃功又以辰州為滇黔鎖鑰移鎮辰常時賊中有逸出者云賊是日方高會群黨於銅鼓山上調知公旌節屈辰說曰我輩無東門矣飭部下健兒曰此人有威名在先守鄖其後守黃守長長於用兵苦屢戰誠勁敵也吾輩志之用是鍊象兵煅火器凡屬鏐鏑鋪扶掄純鈎三屬之甲縵胡之縵以及藥弩毒矢百倍於前每入犯戰輒不利為將軍斬將塞旗者一年之中以數捷計於是將軍大喜曰此

讀李本集卷中傳下

十三

鼠子不足憂也今須截其頭置昆明耳順治九年七月中賊復大至將軍披甲提刀斬名渠數十人及生擒者舟解武昌總督羅公上其事朝廷賜飛龍曲柄蓋及所御偏裒犀毘留犁刀若干公念益感激不有其身賊憾甚為舉傾國之兵以來於是年十一月二十二又至圍城三匝城上礮石矢鏃如雷礮電赴殷鞠天地為昏山谷震動賊正欲奔亡無路適公裨將張鵬戰西門外中創落馬舉軍喪氣公親上馬大戰手格殺數十百人城東門忽為象坐開彈兵爭進公舉兩刃長鉞直刺象鼻象受傷痛怒噴血如瀑蹴躡狂吼陣馬驚走公遂為亂兵刀割左脇貫中墜馬而死公有子四人妻妾若干皆

自焚辰陷其女弟李氏出萬死中陳情年餘經略相公洪偉之為請卹典天子聞而歎焉奉明詔贈光祿大夫祭祀立祠有差蔭其從子自貴二品官十三年丙申辰開自貴歸其骨葬漢陽山麓傍母塚旁彭而述曰潭州之役事在戊子冬予領黔兵守西門與公同事爾時賊眾城危公已有死之心閱四年乃踐斯言於辰有志者事竟成也是年粵西陷定南王孔有德闔門自殺粵事烈已此其人先朝能竟其用豈不易地皆然哉予既詮次其事做九歌國殤復系之以歌曰維今皇之御宇兮歲在辰維將軍之節鎮兮州亦曰辰象鼻捲山兮

讀李本集卷中傳下

十四

城以崩將軍劇戰殊死兮帝胡不仁大別之山兮我義江漢下走兮蛟龍盤渦將軍魂兮安歸殘骸兮惟母是依恤典優渥兮聖人曰念哉為厲鬼以殺賊兮辰州又

開

### 張將軍傳

將軍名自強秦人少墮綠林為群盜喜殺嗜酒鷹眼狼顧蜂腰猿臂遇陣先登人呼為一根葱年可三十念賊名難以久居解甲歸左良玉良玉時方為名將節未變會改革遊楚總督羅檄為永州道守備予以順治丁亥分藩永是為長官戊子奉定南王疏請撫黔張偕行扈從多力氣貌類兇很實乃純謹無他以是年四月十三

日抵靖州是日坐馬不病暴死甫發黔陽左肅折識者皆云不祥予不之信遂於是入靖叛帥陳友龍扎二十里外予先是持牒講招徠彼亦陽應因不疑抵公署則間有偶語若有云友龍反者三大雨如傾盆邏者陟陴見賊營火光熒熒走報予予方熟睡帳中披衣起將軍亦至牀頭鴟夷酒盈腹予目將軍飲乎應聲兩手據地一飲而盡聞人報曰事急矣靖斗絕蜂蟻攢三匝唯西郭有高厰地可作戰場予遂披甲上馬將軍隨馬尾幕賓陶生挽予裾止之曰矢石無親一為所中齏粉矣我但堅壘不出彼且鳥散且帥居中軍以城為蔽勿出便予笑曰生何怯也人苟生之為見若者必死因大開西

靖州志卷之四

注

門接戰見陣馬雲屯鉅鐵施鑽剝逸如燁風輶車霆發烟塵氤氳彌漫山谷諸將相視錯愕選驍莫敢當先張瞋目奮刀暗鳴霹靂挺身直陷其陣人馬皆辟易落溪澗中賊渠方寢兇持虎鉸鞬屬龍揚威高山頂上將軍控黃額蒲梢揮刀直取其元於萬軍之中得牒者曰此友龍頭也賊陣既亂我軍乘之斬馘一千七百餘級得馬騾器仗稱是役也微將軍子不得生還矣當是時湖南直指某黠於貨忌予功上章求多於予子解官歸將軍落青門數年後復從西粵線伯立功桂柳間坐使酒不為當道所喜究亦不帥亡何將軍遂製蠻靴舞袖日陳紅友濡首彝飲不復以撫仕為念將軍竟死噫古

今善戰不封侯豈直李廣一人哉禹峰曰予時麾下裨將賀進才者初亦黑山種落與張將軍分隊出將軍戰北賀戰南箭不虛發洞賊可十餘人為礮所傷斷其左右臂賀猶忍死歸營以門扉舁之隨予行閱數日乃死是亦將軍之亞矣

### 頑龍先生傳

人之本傳未有作之於生前者此法始於司馬遷或易世後為之以究人之生平而要其終在當世則以為誣然後世亦有自傳者或當世而人代之傳者是不一術頑龍先生之有傳自禹峯始禹峯為人生前作傳亦自先生始此頑龍先生傳所由來也按先生諱丹字頑

靖州志卷之四

注

龍淮安人少而孤太夫人陳氏食貧佐績為延塾師誨以詩書之業公少而跖弛不羈性僻諸惡少為擄捕之會恣情放浪於裘馬杯杓之間無虛日母氏撻之創甫愈輒縱遊如故然性通慧凡六博書算以及陰陽方伎醫藥傳寄之書見輒成誦每歡然有得絲竹在御作為要眇之音輒傾其座人人或以狂生目之公亦以狂自居不復辯會先代末年流寇起中原先生遂廢舉業專心劍術兵法行陣卒致身上將軍部曲三千人授虎符江淮間以禦壽陽梁宋之弗靖者甲申國變南渡草創馬士英奇其材而不獲竟其用金陵沒後公知大事無望乃捲甲星赴輸誠於燕時世祖皇帝尚在負宸多

公來為賜璽書勞之又錫以貂裘鞍馬劍佩諸物他雜物稱是冊為金吾世蔭勒山河公居常鬱鬱不樂又厭薄一時絳灌若不知身之曾著兜鍪者一旦天子下詔開科求異材於宿衛之間公謂子愚曰吾輩逢清時致身華臚亦足矣顧念自成童染翰潑墨取科名以有間於當世今尚可為也於是取舊編揣摩之是年三歷棘闈遂以明經取高第成進士後因訛於本籍被累公庭辯良久出守鄧時中州連年河患行河使者督工甚急他郡或憊不可言獨鄧民稍得更番休息又河東行鹽民間用引冗費稠疊公上書陳厥利害小民得蘇未幾擢守潯州潯在粵之微槩紙遺種為徭徭所居民漁

讀史文彙卷四十四

十七

又遷黔陽參政與予朝夕相晤語康熙三年以湖廣觀察去同官酌酒祖餞送南門外黔民攜老扶幼送者億萬人有泣下者此公之大畧也公性卞急然無他腸與人交無城府能以財賙濟人朋友有緩急輒與之又素爽喜賓客布衣時傾四方賢者為掄社壺漿之費後亦稍稍乏絕及本朝遊京洛宦豫楚晉粵之鄉有老友來訊者為之解推更無留餘歲得俸錢若干命族子掌之宗黨有喪婚不及者取諸此公自弱冠時先娶田氏早逝即誓不再妻本朝陞見蒙上賜婚某人公一見即以女畜之為詳其里氏尋其主還之仍酬之以金

此女泣不肯行令再三遣歸後此女嫁士人其父母為書公姓字俎豆之公今年五十有三與吾交二十餘年所知公盡公書其行事如此會別黔之日公去楚予復去滇公則卮酒奉予曰聞古人作傳必於身後此世俗之論也念今能文章號知我無如子者倘自此別後浪遊天下且我輩髦矣再握手何時幸為我傳之使予呼濁酒自醉快讀君傳即與吾晤且萬一君或先我而往又我或先君而往皆不可知若使此傳不作則後世讀禹峰書者當以陳子不得君一言為恨勿亦垂白肺腑之交而不以一言為贈世人之謂禹峰何如也則傳之作又曷能已也若夫自此以往不死之身與未竟之業或仍出禹峰之手或竟付於不知所為何人是在後傳補之而已

讀史文彙卷四十四

十八

### 俠女傳

俠女姓姚字璫耳陝西某衙人早慧從女史遊頗知書許字里中兒將笄矣會崇禎末巨寇起西鄙甘涼一帶輟耕而起羯獍之徒刑牲飲血屠人城殺二千石以下渠魁米脂人間姚美將攫之軍中相傳且將虛內主以待云時衛城纂嚴人情洶洶不知所為城守錯愕乃趣走女家告其父若母曰一女子與一城孰重衛人士亦以此為言多其金帛願以璫耳易一城父母且首肯無異說乃從容謂女曰賊烽逼父母憐愛汝爾不幸以治

聞城旦夕不守玉石俱焚奈何女曰諸君悞矣父母亦悞女子一身既已許人今某氏方商遊未歸豈有中違之理況爲賊所脅今聖明在上大司馬方勒六軍撲滅鼠輩在旦夕間國法具在一旦此事上聞族矣辱身辱國不祥莫甚焉即使出一女子有益於衛亦合城之羞也云胡不思父母與城守知其意堅不能強乃一意爲守禦計賊至城下堅攻十六晝夜必欲得璫耳後已城中砲石如雨下城愈益圍急於是城守及衛人與其父母泣懇又向女爲言女曰汝輩勿惶吾知所以處之矣於是乃靚妝袷服出就舍衛人喜曰此一物足以釋西伯矣城守尤喜過望向璫耳父母叩首父母泣衛人泣

請參本集卷十四傳下

城守亦泣璫耳微笑曰諸君癡甚是爲近於婦人且女子有行但求有造闔城耳愧身非男子不能彎弓敵甲搃敵人之胸用雪通國讐忿耳歎歎泣下無益也乃登肩輿下帷出衛城南門預令守卒報曰璫耳來矣璫耳來矣先是城守於賊狠攻之時密爲約以璫耳致之故攻稍緩否則璫粉之久矣賊聞璫耳至喜甚開壁自出營迎璫耳賊衆約數萬人聽賊渠令皆解甲稽顙蒲伏車前迎主母恐後將與賊渠接璫耳乃披血滿面昏倒墜車下氣已絕賊大驚曰若何以死人見給不屠城不止璫耳甦醒徐曰我乃璫耳也吾衛守父母以合城之故取償於我我不忍見爾賊欲自裁又恐以他人致疑

貽累吾衛今雙目已用匕首剔去死生惟命所攜匕首現在但無與城守父母事耳賊曰異哉以一女子而能舍其身以全一城吾閱人多矣未有如此女子者於是捲甲而去置璫耳不問衛城以全

禹峰曰使哉號州司戶之妻李氏止斷臂於逆旅主人耳而歐陽永叔猶津津言之彼其人謂潔身可矣與國無預也使女能矐其目用不失身於匪類以全一衛生靈使鬚眉者而盡若此也不肯失身矐顏以汚其名雖百自成何自而有甲申三月之事然則彼之自矐其目其亦不忍見鬚眉者之甘心從賊而不恥也夫

道人李皓白傳

道人名常庚青州人生而好道於書無所不讀年二十餘以公事走長安見宮闕車馬之盛遊公卿間名籍甚已而歎曰京洛縹緲塵化盡勞人富貴幾何朝華易悴從此遂生物外想慕終南五岳之勝以天啓甲子中出遊遇異人潛心五千言之學亡何策杖入武當至均陽滄浪亭遇道者龐眉丹顴年可六七十許號爲四維長者羽流年半百者爲言長者居山多年予爲兒時所見貌已如此人或測之以爲羅念菴云繼遊吳越旅巢窟間尤久後乃結茅隆中與諸葛盧衡相望朱邸王孫師事之丙子春寇攻宛道人陷賊中已而得脫辛巳李自成屠宛渠魁聞道人名羅拜菴下道人曰樂殺人者恒有

陰禍云云所全活甚衆宛人由是感激既而念中原戰場不可居乃遊江漢居黃鵠磯下賊勢披猖武昌復不守時賊帥張獻忠殺人尤酷道人被禍而謁軍門勸以勿妄殺如前在南陽時所全活復如之由是道人名轟楚豫間矣時楚中丞何公及寧南侯左良玉爭羅道士幕下何填撫楚後以國變領督師功最著見本傳左時招降頗衆尾大不掉道士時為開導良玉撫膺痛哭後雖棄武昌嘔血而死人以爲道士所感動然事不可爲矣乙酉弘光紀元權相馬士英當國道士觀象魏以爲金陵王氣盡矣扁舟過洞庭從前楚中丞何公時借箸帳中湖南一塊土奉北朔獨後湘潭之役何公死之道

讀史亭文集卷十四

注

士見諸渠中無可與言者遂隱衡山不出丁亥盧黃兩鎮不相能各樹幟對壘蜂擁數十萬衆村落城邑數百里人洶洶不保其生道士出死力解兩家之爭否則陳餘張耳喋血無已時矣湖南呼爲李道翁相依爲命云道人卜居衡麓之朱陵洞口九仙臺建飛觀數間植北方桃李梨柰諸果物簇簇成林將帥所贈貽買山田若干畝日覽諸子書隨筆各有論著議論風生晤仕路人輒勸以救民爲主然則道士非道士也

### 破門傳

破門者吳僧初祝髮金陵之東山過錢塘謁天童禪師海上乃北走雲中踏五臺覽恒霍太行五門之勝太

嵩嶽之高寒既乃棲衡山南之下火場場有石大如山竹偉與松爭長水流其下雜葍茁其左右朝夕飯一孟冬夏一衲不念佛不禮經懺收拾放心冥神鎖氣落一龕視身如浮鷗如野馬如花間蛺蝶如水上蜻蜒如空中之遊絲坐臥草榻柴扉雲封僧往來上火場者至不知其中有人愛懷素書法得閱其數紙殆居然懷素也先是愛其人思其人之里居走星沙按其遺墨殘潘故老無復在者有弟子二一名寂崇一名如定定亦粗知詩文自居衡山來與羅克生秀才善克生亦能書昔虞伯施稱五絕其一書翰初蓋得力於沙門智永縱觀羲之臨池藝遂屹然東觀石渠間名以成我以知羅

讀史亭文集卷十四

注

子自此蓋未有已也石浪居在飛來船下仰眺天半銀海雪掀風檣斜出如飛鷲跼跼欲墜我謂破門曰爾看此物會須有墮時如破門頭顱何破門曰嘻嘻子亦一笑而別時爲順治庚寅七月子陟嶽還造其廬爲之書

### 讀史亭文集卷十四終

紀略

流寇紀略

流寇起秦西陲隨亂汾晉勢未烈自癸酉始入河南初不過掠村邑不近城郭諸家頭目甚多有所為一斗粟過天星托天王混十萬闖將八大王紛紛不能悉記而闖將八大王最大時總兵左良玉有戰名朝廷望之甚厚賊亦憚之八大王既破泌鄧講招安於穀城良玉屯襄陽兩家請和未幾八大王颺去督師楊嗣昌瑪瑙山一捷八大王僅以身免左良玉違節制縱賊逸去繼乃

破武昌江右諸郡縣自夔入蜀八大王者張獻忠也賊中之梟而黠無如獻忠每屠城滅邑有剽奪則耳斧手諸刑真蛟蜃也闖將自破河南王紹禹內應兵力始強圍汴半載良玉奔軻於朱僊鎮隋宛葉摧鄧鄂良玉東逃自成以襄陽為行都督師孫傳庭練兵於秦與賊戰於偃師長葛互相勝負後因霖雨復戰於穀函督師戰沒賊遂直搗潼關凡甘涼姑臧一帶精兵良馬之處望風而靡然後長驅渡河入紫荆度居庸而神京陷天王崩矣闖將者李自成也攻汴為總兵陳永福射其一目以牛金星為丞相破燕之日縉紳無大小皆極刑拷掠得金銀皆輦入西安幸天厭其惡關門一戰自成破膽

星夜奔秦我兵尾之斬於九江 大清定鼎於燕燕之陷在甲申三月賊之死在乙酉之四月

外史曰古以盜賊亡人國未有如明之甚者也先是崇禎帝念流寇披猖將軍不用命為封四伯爵以寵之左良玉為寧南伯世守武昌尤係天下望自朱僊敗後畏自成如虎部下降將梳爬人尤酷甲申國變使能警衆撞關犁其巢穴自成斷不能得志於燕乃天意去明生自成復生良玉養成自成氣力者良玉也唐通劉澤清等不足數已大兵追賊死九江良玉先棄武昌亦病死於九江觀二人同死之地與同死之時國家將亡豈偶然哉

賊屠鄧紀事

鄧居秦楚之衝自癸酉流寇渡河鄧被苦獨劇先猶劫掠鄧家庄莊既盡乃專攻樓寨子家世為山東南八里茱萸河之西隈祖構樓臺四座高七八丈不等人呼為樓子彭家承平日久以防草竊族姓世業農桑安土重遷不知商賈有老死未入郡城者每賊經過夜以火光為候如東來則隨襄之間先有火光西來析鄧間亦如之春末夏初則入啞岢房竹深處秋冬之交即躡騎營孤獵平原歲以為常官兵左良玉最強為賊所憚欲倚賊以為重後乃憚賊或相持在四五十里兩不相犯即犯亦不窮追謂之打活仗鄧於宛陷最先在崇禎丁丑

二月八日知州掖縣人孫澤盛死之渠魁張獻忠從泌陽來兼程而進土賊張顯吾為先導夜破南關火起官兵出城接戰破關數日復破子城鄧人死者十之八九予時以計偕未歸辛巳冬李自成又陷予時令陽曲云先是丙子二月十四賊首革里眼屠鄧西鄉予族姓約略現在者為予父行及兄弟行不下三四十人或作灰燼樓上或刺賊刃時又大疫膏斧之餘重以凶札相繼化為異物一女十四歲適李氏以義抗節死於兵所謂三四十人者歸焉有矣予以先一日奉節母王負攜妻子入城得不死噫敢謂天幸哉抑若敖之鬼不饒祖宗實佑之鄉之屠吾在鄧鄧之初陷吾以公車入燕再陷

讀李太史集卷五

三

吾以筮仕在晉追記於此以示後世人生不幸亂世而逢鼎革之交得存一綫於兵燹之餘者何難也所得而記憶者曰世卿曰梓則予父行也曰九成曰九思曰九蔭曰九經曰九五曰岐山曰小樓曰維翰曰維龍曰維程胞兄曰萬里則予兄弟行也曰一魁曰月兒則予姪輩行其他不能悉記之今僅存者予一門而外則玉魁一姪耳予始祖自江右徙鄧及予身五世矣當其盛時宗子繁衍里社釀飲高會出門人有馬倉粟能紅稱鄧素封焉乃先皇末造一旦兵起將不用命宗社為墟屠數有歸矣區區編氓則又何足道哉

先節母暨長女殉難紀略 一

母為外祖母賓王公女聘吾父處士為正室年二十四吾父下世時述方四歲王父母年俱七十餘母上事二人下撫遺孤兼以門衰祚薄艱苦畢至述崇禎庚辰成進士乃上書表彰其事會聖旨報可下河南撫按旌表傳書在汴者城陷俱沒於水至南渡紀元是為崇禎乙酉年述再疏其事上請得荷綸音云烈女年十四適里諸生李桂丙子春寇躡鄧郊予攜家入鄧女曰身既歸李氏不可隨父行乃奉厥姑井氏避亂家之高樓上賊攻樓陷人多苟全者女大罵賊碎身而死時有通庠公舉述為連牘母疏中遂得與祖母王氏事并上聞孟津大學士王鐸各為之傳王言及禮部各文移載後

王孺人紀略

孺人世居鄧西九重堰距城六十里其曾祖以刀筆起家為塾江主簿父懋恕公鄉貢為密雲令坦懷古貌人稱長者母李氏惠而好佛舉四丈夫子長之屏次之翰子衿孺人姊妹四人其三皆適士人俱罹於亂予三歲孤孺人父即予母王夫人之兄也念予孤恐為人所魚肉遂許聘於予歸時予年方十一孺人長予二歲年十三矣雖髫齡言笑不苟孝養我王父及王母李張二妣有加王父八十四寢病時方隆冬盛雪孺人奉湯粥唯謹手數瘡十四日無倦容王父鑑其勤謂曰婦良賢當相夫有成振家聲必若也居亡何祖及二祖妣前後告

殞又值年荒無餘財孺人力佐吾母殮葬易釵釧為棺  
柩皆痛哭成禮予時方從鄉塾授毛詩童心未脫孺人  
每攻之日夜與吾母絮一紡塲一風雨寒暑佐予讀母  
於清明元夕或我父誕日忌晨撫棺長號孺人亦哭始  
予既為孤子民間癘殮之徒及悍奴強梁不奉率又加  
以族媼惡詈悍族多人因之屢肆橫逆孺人益自下且  
勸予自下有凶隸將甘心於予孺人持短兵牀第間防  
衛且令予居卧內以為萬一有變予猶得跳耳予嫚遊  
耽翫藥頰頰靡晝夜孺人侍醉不少離俟其醒徐徐以  
老母為言予因是飲亦日少弱冠始遊鄉校友人過從  
者必竭蹶修潔餽核不敢以宴故為予導長者予庚午

讀書本義卷五

五

大病死七日胸間微有氣孺人泣血誓天願以身代得  
不死丙子寇變予與孺人奉吾母居鄧鄉居樓為賊攻  
陷長女甫達李氏罵賊死難孟津王尚書鐸別有傳是  
年族子死於疫者十七八孺人歸掃灰燼餘粟分賙之  
活族子園林前後鬼哭之聲與螢火相亂予又病濱于  
死母亦大病時新穀未登孺人往櫛先熟者舂撮米啖  
吾母自撫田稻而食母尋愈予亦愈是年秋薦予中河  
南鄉試丁丑二月城陷孺人於萬死中奉母攜子得無  
恙時予上公車長安未歸歸來聚於宛復僑於襄又數  
年庚辰予成進士歸里葬吾父老母哭不勝哀幾死時  
賓客會葬者驛絡數千人孺人經營中饋周章駿奔嘔

血髮盡脫辛巳秋予入京謁選筮仕陽曲單車之官會  
是年冬鄧城再陷孺人數日前已同老母與諸兒避兵  
城南之索寨予以壬午春迎母至太原孺人與之俱時  
母年五十餘經變後貌悴而神傷有崦嵫之慮矣孺人  
一力繕湯藥不離牀褥予奔走塵土間無暇晷間以政  
事得失相商孺人務以寬和勉予而又節儉自持不輕  
糜一官物會諸生有犯法者已經督學褫巾猶贊予力  
為申白還厥初服時先帝方督有司以修練儲備四事  
孺人告我曰我婦人無知不曉外事但勿務以官速化  
痺民力耳母病彌留囑後事不及予向孺人言曰婦必  
歸我合葬汝舅之壠爾夫酒人恐忘遺婦志之勿令長

讀書本義卷五

六

逝者魂魄羈太行不歸也事在癸未之九月時李賊方  
自潼關渡河濮州駭亂鄉路阻乃瘞母柩平陽與予冒  
險出羊腸歷青山厓夜昏黑從虎穴中過入東南走齊  
魯吳越夜泊鎮江亂流而濟與潞國刑人關幾死江中  
多孺人小舟匿予潛達關門居蕪湖秋浦者一年山中  
多虎又有土寇孺人率僕婢握干矛篝火夜坐予方酣  
睡輒輟若雷矣丙戌予為楚學使者予念草昧甫闢校  
三楚士寧寬母刻孺人亦象吾指勇予行每傍徨中夜  
往復以母治命為言予丁亥六月乃得從平陽扶母喪  
歸里孺人哭曰媳今日有以報母命矣乃啟吾父墓旁  
合防焉親黨祖送者莫不泣下是年秋隨予過洞庭官

永州戊子二月予奉定南王孔題黔撫會孺人攜諸子先歸客居長沙群盜圍予靖州予血戰而出士馬大創有自烽火中來者孺人泣雙瞳幾枯此時既憂予在靖又欲攜諸子歸里賊鋒如麻江湖梗不可行生不可死尤不可蓋誠進退維谷矣稍定乃得扁舟北發所生五男子女二課諸子無憊態予常笑曰世人嚴父而慈母我家嚴母而慈父矣禹峰曰上諸瑣事婦人之常也待為夫者彰之哉然予少孤性又通脫兼多酒失為吾母王夫人所咎者屢矣孺人每引以為戒漸至於不墮所更不可沒者幾經饑疫兵戈亂離之中生有以養吾母死有以葬吾母多孺人力也今吾母塚上森森柏皆孺人手植也吾今年四十有七孺人亦四十有九回視十一十三時日月幾何俱已衰且白矣里居暇日上念國恩未報跌蹉以老中念父母蚤逝有愧古人一日之養孺人雖勞苦幾四十年俾予有成然予之不成如故也噫予又何忍不彰之哉

### 仕楚紀略

甲申北都構變予時丁先慈艱在晉陽故里為賊所虜破殘毀無居人因之避亂姑蘇武林間是年夏金陵擁戴福王粗具文物朝士鱗集孟津王尚書鐸推轂予於綠撫祁彥佳前欲官之予以讀禮謝去秋間抵秦淮河居兩月遂僑蕪湖時兵科給事中李永茂鄧人與予有

兒女好亦以原官起并帑於蕪為予比鄰冬月故兵部尚書張縉彥親師河南疏予為本省方面予投銓部呈復辭去越明年乙酉春永茂陞南贛巡撫約予同往行至池川予因先慈寄葬平陽永訣之言曰兒須以我骸歸葬汝父側言猶在耳惻惻予心倘自此渡彭蠡入廬州山河迢遞歸來無期我母冤何時飲恨終天奈何乃決意住池時大兵消息猶在大河以北淮揚三鎮無恙武昌左良玉兵號百萬有敕世守駐大江上遊歸鄧之路勢必由潯達鄂由鄂達襄道里甚便居未幾左營兵變捲江而下以清君側誅馬士英為名其實聞潼關不守而聞賊之兵突如其來也方三月下旬池州江上

人心洶洶不知所出予年友胡士瑾及同社吳應箕劉伯宗諸君約予入山池之南百餘里皆山碧波一泓繞其麓縈迴蜿蜒沙石都可見過七里鎮而東南奇峰隱天青黛點點落霞外土人謂之橫山予與鄧兩孝廉王之鉉張弘範遂托焉是年秋聞郡城雖髮令甚嚴總督佟駐節武昌榜文禁止之不知其詐也予乃潛舟中逆流而上以為但得歸故鄉取母靈而歸雖難發猶甘之矣以九月抵武昌賊一隻虎尚跳梁荊州襄陽水程未通雜漢口賈人中避居二別山上十月間乃為故人姚應衡洩姓名於佟物色之亟乃出謂佟公曰某筮仕晉陽母骨瘞平陽遭時多故踉蹌南北賴聖人舉義旗

爲中原雪恥除兇救民水火之中雖陷胸決脰以報生  
成古人不辭顧其所以艱難百折至此者爲母氏合防  
計也若遽與人家國痼厥初心矣往返曉譬百端繼以  
聲泣終弗聽期以葬母後子情稍盡即來楚受事未晚  
而公請視楚學之疏已上矣事在乙酉十月十六日也  
予由鄂達襄之路既已荆棘豺虎不可行又迫於佟公  
之命即披髮入山將置母靈何地不獲已擗踊舟中呼  
母而哭欲沉江以盡家人救之不果死乃受校衡之任  
命下報可選人以予未通說終不果履越明年丙戌湖  
南按院宋一貞謫補科疏禮部移劄催試一乃校武漢  
德承襄鄧六郡士是以有鄉關之役 大清立國三年

續纂本朝五十五

九

比今秋士乃登賢能書予實開先之矣予未及送場乃  
奉赴部酌議之 旨遂得歸故里噫自予以辛巳入都  
迄今蓋六年矣念率土之義既無所逃於天地之間而  
先慈一抔土遠寄千山未就馬鬣何能無憾以冬月北  
行計予南旋時取道山右搬取先靈於四年丁亥補上  
湖南分守道遂從井陘平定州次第抵平陽作文告先  
靈墓負柩南歸由蒲坂渡河歷潼關殺函弘農達汝襄  
宛葉而歸暫厝先君壙之右以七月襄陽登舟八月抵  
鄂十月過洞庭十二月初一日蒞永受事時恭順王孔  
大兵慨粵懷順王耿駐永竈增數十萬士馬糧糗供給  
諸物力費不貲拮据經營兼日夜力用以勿匱恭順王

續纂本朝五十五

十

見予竭蹶王事不懈於位念黔之銅仁黎平新歸撫綏  
不宜無人乃不以予不才承乏填撫其地隨以副將賀  
進才兵二千名予以五年戊子二月二十五日啟行自  
祁入寶武而綏而靖適沅撫線縉移檄請予過沅商確  
時務予又由會同黔陽抵沅甫信宿接恭王令命且勿  
往銅仁叛將陳友龍作梗黎平未靖終屬掣肘予乃以  
前四月十四復至靖將往黎平到任乃友龍輒於十五  
日圍靖先是友龍久蓄異志予初來靖時具啟王前暫  
留令彼復任彼心稍安奈鷹眼未化終不可羈縻遂合  
苗猺諸山尚赤脚椎髻之徒蜂擁靖州城下火砲如電  
戟列如霜予甲冑跨馬左弓矢右短刀督副將閻芳譽  
出城血戰蹂其賊壘我三軍氣大壯賊以却不意守將  
楊文義作內應城以陷標下副將賀進才冒矢石死念  
殘兵單弱復請兵長沙慨黎入貴爲桑榆之舉王又發  
副將熊嘉夢兵二千員名而沅撫遂於後四月初六東  
下張黑神之賊壓沅黔一帶與黎靖之友龍合爲一家  
矣夫沅州者貴州之門戶也沅州不守則貴州無由飛  
渡矣爾時隨奉王令暫住寶慶隨大兵同進之諭遂統  
所部副將分防武崗及恢復新化新寧俱有塘報在案  
斯時也西則陳友龍之賊南則郝搖旗盧鼎諸賊北則  
王馬與一隻虎之賊俱已披猖虎噬紛如蝟毛土賊乘  
隙裹巾揭竿到處見告止有黔兵一旅孤注邵陵左支

右吾且戰且守撐持夏秋間會固山佟標下總鎮張國柱至乃准沅撫咨盡以所部兵將付張征剿予止隨家丁數十人候命長沙一隻虎與王賀各家賊輻輳攻犯長沙予與鎮道府登陴守禦兼六晝夜賊箭如雨銃子落城中如雞鳴卯中人物皆斃予亦貫甲創敵濱死者數矣總鎮入告之疏可按也事在五年十一月初十至十六日永州之陷乃在是月初一予既膺王命入黔只得候命境上隨大兵進發勿論不能分身以辦永且既已交印於呂金聲離永之日即貴州之身矣 朝廷印務豈可私相授受又奪之金聲之手進退維我哉南按院吳達乃執不救永之說欲加之罪噫此固不待辯而

續李太宰奏

十二

自明矣奉 聖旨確察議奏此確察二字所謂 天子明見萬里之外也部覆獨以入貴稽遲奉 旨革職斯處也實拜 皇恩與銓部之明且公矣使銓部知沅州已失貴州無路之由並知恭順王有隨大兵同進之諭恐此尚非銓部意也雖然貴州之處既奉王題又因黎平失陷一事奉 旨戴罪任事敕令安撫地方之旨吾甘之吾任受也永州之訾議乃求多離任之人於一年之後以情理揆之大相徑庭吾終不敢任受矣於六年己丑之二月移文三院并兵馬錢糧各有開由武昌歸里內鄉許君宸同年親誼也適以宣赦使楚聯舫入襄四月七日抵鄧

### 孫渠歸順紀略

可望延安人初為張獻忠梟將復有口人名為一堵墻言其果銳可當一面明末獻忠與李自成等以叛卒起西陲流血中原獻忠盜城猶多輒鑿人眼鼻斧人手慘無極地有秦符生南漢劉龔之風聞可望常諫止之甲申自成陷燕京獻忠遂從湖南常武一帶提師入夔門意以子陽李特諸人自許開 大清兵且至因屠兩川空之不欲留子遺恐為大兵所有計亦愚而窮矣會肅王擴成都獻忠死亂軍可望兼其眾由黔入滇據其地今上七年庚寅子客桂林日得之安龍降人云可望求秦王不報遂自為之是時北軍中乃知有所為孫可望

續李太宰奏

十三

也者已而祖魏武迎許之計接永曆於滇又置之安隆所改隆為龍取龍繫不復隆也盡易其左右而以賊黨伴之嚴兵枳棘不令出入往來文移云皇后二口世子幾名支口糧若干以劉文秀攻四川之保寧為我兵大敗之以李定國馬進忠襲粵西定南為其所乘隨陷衡永寶慶地敬謹王於衡北之草橋戰死凡此皆可望運籌湖湘滇黔十四年以來以與我爭此土者也 天子曰元愍未滅蕩平何期爰以經略五省太傅洪治兵長沙得以便宜承制置將吏於是四鎮駐常兩鎮駐寶一鎮駐永一鎮駐祁線伯駐粵西數千里內四年之間基置星布皆重鎮轉漕吳越歲費百萬緡賊畫地相戒

勿深入日與其黨練精甲象兵聯絡諸司尚諸酋長及土蕃交趾僇羅諸國以圖一當究亦不敢出會定國卻永曆入滇與可望隙大戰於鐵鎖橋可望崩潰由銅仁司南岫蛇路歸我於寶慶攜其妻妾三世子二殘卒四百餘人經略洪公因自潭抵中湘受降仍待以三禮可望自稱孤命記室作降表望燕進發是時順治十四年十一月十五日也野史曰明之喪亡獻忠獨殲首事李自成成之及自成寇燕殺帝焚九廟獻忠遂乘間入蜀意以兩雄不並立奄取一隅聊以自娛可望繼獻忠中國聲教不通人或傳明系未絕可望接永曆為帝以臣自處耳及可望出乃知可望自為而不關永曆也陳勝

卷之五十五

七

吳廣所立侯王將相竟亡秦獻忠之與可望亦如之可望之為明罪人又豈在獻忠自成下哉

### 徐將軍遺事紀

辰將軍徐勇初養於許後譌為徐鎮長沙日許公兒來晤將軍待以郎君之禮甚隆仍薦舉為攸縣令對親友則追敘其已事衛青人奴平陽公主一事在將軍豈肯出哉又予丙申遊衡陽遇一曹姓道士多髯為予言壬辰辰州未陷黔將馬進忠勒兵朱陵有昔降將鄭廉之友持牒泣訴於進忠以為廉昔與將軍及進忠等同盟後廉以與何督師通書徐將軍執送當事刑於市廉妾楊艷遂為將軍所有今生子若干年矣訴畢泣泣復訴

進忠正在宴賓乃瞋目嗾齒憂憂有聲因口碎所持杯於案上罵曰誓殺此人以雪吾恨即日傳令介馬放行壬辰十一月二十二日辰州陷將軍殉難楊不知所終禹峰曰可畏哉以一女子故而城以陷而將軍以死好色之不利於人如此哉使辰不陷而將軍不死其功業所至寧僅以死傳乎則將軍之以死傳楊為之也將軍之僅以死傳亦楊為之也張睢陽食人殆盡不害其為死節將軍之禍因楊氏亦不害其為死節也雖然一肯之微終掩大德君子可不務慎歟

### 邵兵紀事

卷之五十五

七

征南將軍無姓呼邵者誤然人以其無姓或曰以其居官者以譯語邵之邵有弟方貴重位上卿舉朝側目邵為乳兄席寵受今職順治十四年十一月孫渠來歸朝廷大舉進滇黔分兵四路吳平西由蜀保寧責取遵義經略洪由楚長沙責取辰沅邵則由西粵責取柳賓各路期會貴州後又有二王尾常武專取雲南此四路進兵大概也邵姓卞急陰賊不喜見士大夫而又內有與主得一意行恣睢由通津達淮揚船二百用繚夫水手凡四五千兼晝夜醉飽用民督撫以下隸之人把其肘或捫其足跗啗以兒猥肥牛腩爪頤淋漓粲然喜喉中礫礫作聲反是竟日怒不釋或人不幸見之若有父兄深毒刺骨者反唇掀鼻不知是何語輒信信半胸不

休予初率縉夫三千迎之衡山界馬公堰既而以爭旗下房志中丞地方官各各重足駐衡凡十三日雜夫約六千餘人莖豆若干雞豚鹽米若干巷間蘭綺若干衡地畧穡苗地多境垧頻年水旱兵戎比屋流離幸經略轉餉繼屬不至缺乏獨是非分之求選於樺造浮梁徵求諸色匠作梅勒至廝養鮮有饜其壑者一不遂則置辱隨之將軍從而生怨未易了予旅草橋僧窟中手批耳聽口答無暇咎出入戴星究亦不至廢事方悟劉東筦不是俊物然而將軍終不之喜予生平不耐事且未經苦難事竊以為此五十三年隋地以來所僅見者三月五日將軍行予舟尾河洲然後歸前此監司無面相交代將軍者有之自此人始恐後此因以為例不審節旄中更有若將軍幾人也噫衡苦我手衡之苦不可言矣

說

白蓮說

道學二字創自宋儒論者以為南渡積弱實道學先生悞之嘗觀宋史竊以為道學之效原不在一時觀後來間關海上君臣同命節義之報釀為風俗自古來國家養士食士之報未有如宋者始悟道學之得力有在耳孔孟之業在當時何嘗見用然萬世遵行之得之則生弗得則死以萬世而較一時孰顯孰晦哉前代陽明樂

谿河津諸君子踵而行之以絕學為已任得時而駕輔黻明堂弘濟蒼生皆是物也又豈必濂閩伊洛之不異世同符哉抑孝廉兄弟生東南之絕微為楚朱陵荒陬介萬山哈呀中究心窮理根極性命一主孝弟一主仁孜孜矻矻念茲在茲接儒先之心傳蕩一世之羣蒙於是衡以南運會鼎革干戈不擾過山下者如經表閭之里如至田疇之鄉渠雄相戒勿近講堂鄉人沐二子之化緣是亦得稍遠於灾青兵劫則皆二子之道學為之也難者曰道一而已仁與孝弟曷名曰六經談道之祖易又六經祖易始乾元元為善長仁從此出孝弟從此出合世間人盡為仁人盡為孝子悌弟則百家之書可焚而六經之理常著天地間藏之則為空談用之則為實事經濟文章無一不胚胎於理學者也則仁與孝弟理學之大者也世人以為道學耳非道學之悞人乃誤認道學者悞人耳會歲在戊戌予以使者乘傳入郴一觀二子居所謂白蓮池者茶觴半晌而去既入郡明日以書來作為是說答之勉哉二子勿為白蓮話厲可矣

海圖說

禹峯曰六經輿圖四海為極其實惟東海南海為際其西北皆不必至海五代史曰隋唐之地東西九千五百一十里南北一萬六千九百一十八里青瀚二海在西

北者可以不論以讓荒落此天地之大聖人之仁也東  
南澤國海之近南者曰漲近東者曰渤是為我用不得  
其道更為我患外國之在海上者曰淳泥曰三佛齊以  
及暹羅琉球日本毛人真臘新羅朝鮮之數國其珊瑚  
瑋瑁丹砂珍錯諸怪物入貢天家廟廟官府之用厥蚌  
蛤蠹蠕魚螺昆蟲以養卉服海王顧勢有所終不能也  
往者嘉隆之際中國隱受倭害胡梅林功最著大約起  
東粵浙甌延袤迤北亘吳齊萬里港者澳者島者  
烽者墩者海舶得志千百我軍自督帥至都虞侯千夫  
長防亦千百近小腴作蕞致羽林上將軍連年露師海  
上迄未奏功海多洲嶼颿風一日陣數千里其勢既不

請學本集卷十五

七

為田橫又竊附於公度亦盡矣讀德輝此圖視塞下方  
畧撮米成山谷何以異是異日立功樂浪玄菟之間者  
定知非他人矣得是說存之仿元制海運自福州至直  
沽凌風舸飛渡可以省會通河工之半並可以濟會通  
河之窮然歟否歟抑嘗論之崑崙在天地之中日月相  
為隱蔽禹貢九州則東南一部耳其西北一切城郭人  
民應如中州西北二海又在其極處不得而見也今即  
以青瀚為中國西北二海仍從崑崙東南者言之耳辨  
如司馬遷尚不信人間有崑崙宜乎其不傳矣

### 僮說

予兵巡桂林因莫冠慈茲視師行間居永寧山中二旬

有奇彌望皆山下無隙地又山險惡不近情理城門五  
里即無漢人禍發於扶豹一人支黨數百人王師幾三  
千人大創者四賊猶稽誅則伏而念曰不有此山豹何  
能為計永寧之山寬則六七百里綿亘不絕高者星漢  
下者泉壤層層相結如屬肺腑徇山蟻附而行人不能  
並肩止有蛇路微茫一脚錯則化於絕壑矣造物者未  
審何意生此頑然無情之物於嶺外荒服之地止令異  
類橫生椎髻跣足之徒為窟宅喜人怨獸噉人肉而長  
子孫斷不令宰物者遣上將軍率雄師十萬直搗長驅  
如草薶獸獮一為得志造物亦太不仁矣既而思之曰  
聖人之窮也在昔周公念猛獸毒蠱害人尚能以靈鼓

請學本集卷十五

六

毆之以攻說禱之他如以莽草薰蠹物以牡鞠制鼃龜  
焚石貫齒以除水蟲除惡務盡庶物且然而獨無法以  
處此類謂聖人何其見於司隸之掌者不過曰蠻隸養  
馬閭隸養鳥可見禽獸畜之不比之於人也往遊滇黔  
所稱生苗九種及焚爨諸家亦猶是也其山川之險亦  
如之宜其為中國所棄而各以其類還之故曰聖人之  
窮也顧此輩性既殊其情欲嗜好亦異兩足生來不見  
寸縷而登廉利劒戟之石如踏平地掘芭蕉根食之可  
以數日不饑報祖父仇及生平睚眦之恨以死為期機  
毒矢利弩短兵藏肘腋間伺其間而甘之不遺種草澤  
以為居崗穴以為寢眠蜃烟蝦蟇為飲食宴會故其類

皆從犬曰猥曰獐曰狼曰豺大同而小異總之獸質而人皮宜聖人之所不治也然兩階干羽馴格七旬彼苗未格時不且今猥獐之不若哉地以漸而開化以漸而被拭目六合同風俾跂行喙息皆喁喁沾王化且旦暮俟之矣

### 左氏先見說

古人一動一靜皆可以占禍福決生死何其斷也傳曰知人不可學又曰威儀定命由是言之人何難知威儀定之矣吾讀左氏得數人焉大都福善禍淫天道也惡盈喜謙人情也人受天地之中以生無失其中則恒久之道矣其以伐國而知其亡者楚屈瑕伐羅舉趾高心

左氏先見說

左

不因楚武王伐隨心蕩夫人鄧曼皆決其必死其以獻俘而知凶者晉使趙同獻狄俘於周不敬劉康公知其必有大咎又使卻至獻楚捷於周稱其伐單襄公知溫季之亡其乞師而知亡者晉侯使卻錡來乞師不敬而孟獻子知其將亡其見於天王之使者天王使內史過賜晉侯命受玉情過告王曰晉侯其無後乎天王使劉定公勞趙孟於穎館於維汭劉子謂趙孟大庇民對曰老夫罪戾是懼焉能恤遠定公謂其不復年其見於國君者襄仲如齊因齊君語偷而知其必死成公如晉晉侯見公不敬季文子知其不免鄭伯如晉拜成授玉於東楹之東視流而行遠不安其位士貞伯知其必死會

於商任錮樂氏齊衛二侯不敬叔向知其不免蔡侯自晉歸鄭鄭享之蔡侯不敬子產謂其為君也淫而不父恒有子禍滕成公會葬情而多涕子服惠伯獨謂其兆於死所楚靈王會諸侯於申示諸侯侈子產曰汰而慎諫不過十年魯昭公葬齊歸不感叔向謂其殆必失國宋公享昭子語相泣樂祈佐曰哀樂而樂哀皆喪心也何以能久邾隱公來朝執玉高其容仰公受玉卑其容俯子貢曰以禮觀之二君皆有死亡乎其見於卿大夫者晉陽處父聘於衛甯嬴從之及溫而還其妻問之對曰以剛而知其必沒楚越椒來聘執幣傲叔仲惠伯知其滅宗鄭公子曼靖與王子伯廖語欲為卿伯廖以為

左氏先見說

左

無德而貪其在周易之豐弗過之矣成肅公受賑於社不敬劉康公知其不反卻犇享於衛侯甯殖相見其傲而以為取禍之道晉程鄭問降階然明以為不知下人將死齊高子容尊宋司徒侈司馬侯言於知伯曰二子皆將不免周靈王之弟僖季卒其子括將見王而嘆單公子愆期曰視踪而足高心在他矣趙孟孝伯語各偷而穆叔知其必死有以兩國之情相輸者晏子聘晉而以齊將為陳氏告叔向叔向亦以公室之卑告子產此其先知要在國運而一身之休咎其小者矣以上諸君子其灼知無遁應若龜筮俱可謂之異人仍不若吳公子季札為第一云在他或指一事一人而言而札則歷

聘上國齊魯鄭晉觀周以下列國之樂知政知人不可  
以一家之學名之嗚呼大哉

讀史亭文集卷十五

終

讀史亭文集卷十五

下

讀史亭文集卷十六

南陽彭而述禹峰甫

論

春秋十二公

隱公

隱公固讓國之君哉始終不失其正者也春秋不書即位存其實也亦原其心也惠公元配既薨隱桓皆非嫡子而隱為長隱之當立豈顧問哉乃隱公體父之志必以桓公之母為夫人而居已母於下死而書卒止以君氏稱之而已僅居攝以待桓立菟裘終老心亦良苦蓋無日不從惠公起見者也至惠公改葬而已不敢臨考仲子之宮而舞六羽一以示不敢為君之義一以見敬仲子所以敬惠公之義曲而盡矣他如會戎以修先君之好勿事疆域請糴以拯京師之饑無忘天子桓公雖幼能立其國皆隱公居攝之力也當其時如宋穆公不立子而立弟鄭莊公克叔段而隨母州吁弑君而奪國或與隱公類者或與隱公反者雖事屬同時而春秋紀之於前左氏發明於後不厭詳說而推論之即聖人作經之意重辭讓誅亂賊也然終以此得弑不謂之反常乎曰所以甚桓公也以隱公所為如此而猶不免於桓公之弑亦見富貴殫物為後世居攝者之戒也周公居攝猶不免於流言隱公得此宜矣要其讓德不可誣也

故聖人作春秋托始於此

### 桓公

桓公弑兄自立亂賊也春秋諸國忘乎其為亂賊而相率而朝於桓獎亂者得志矣故於滕侯則降而書子於杞侯公穀辯其為紀侯誥齊難志不在朝桓故得免於貶於穀伯鄧侯並書其名比諸失地滅同姓之列惡諸侯皆所以惡桓公也至於旅見之非禮滕薛朝隱已譏之矣考周禮行人諸侯邦交雖有殷聘世朝之文然周天子在而歲事闕如乃儼然旅見於諸侯之廷可乎魯為望國著之所以甚無王也以祊易許其罪尤著鄭有祊為朝宿邑在泰山下魯有許田為湯沐邑在許二者

讀史考卷六

三

皆從王也周天子雖不巡狩而鄭朝宿之邑不可廢諸侯即不朝覲而魯湯沐之邑不可廢廢者所以示無周也皆自桓公發之罪有在矣至如獎亂立華賄納郈鼎不受哀伯之諫繻葛之戰王敗於鄭諸國從之而魯獨不與尚謂有人心乎所以大水日食迭書御廩告灾斯有文姜之禍為亂賊之報也即位有書何歟曰自書之也惟書即位而弑兄之罪與不請命之罪愈昭矣春秋一書編年之祖至桓公而書曰即位奪辭也聖人宗國之文也

### 莊公

元年不書即位以夫人遜齊故也君子曰不仁哉莊公

乎忘父之讐而長母之惡安在其為人君哉至於丹楹刻桷盛飾桓宮以迎夫人哀姜使夫人宗婦同贊來觀於父子夫婦之間失倫多矣長勺之役用曹劌而敗齊乘丘之役用公子偃而敗宋追戎濟西至自伐戎大書者二按謚法勝敵克亂曰莊治國之道猶不媿夫而風紀蕩然矣然則書葬我小君非乎曰此魯史舊文而聖人因之也以為既不能閔母於生前自當盡子道於身後禮也且莊為國君文姜自為國母仍以我小君葬之所以媿文姜於地下若曰其得稱為我小君者非以桓公之故哉前此任其如齊任其如莒莊公置之不問若路人矣孰知天下後世猶得以小君之葬指之為莊公之母也責莊公也夫責天下之為子也夫左氏無傳亦缺典矣

讀史考卷六

三

### 閔公

閔公莊公子也莊公既死子般即位為慶父所殺殺莊公一子矣閔為季友所立年八歲慶父復殺之於是殺莊公二子矣哀姜孫邾與慶父通與謀焉故也閔公乃哀姜娣叔姜所出哀姜為莊夫人暱於所私而並圖其子亦毒矣哉然莫非莊公有以誨之也莊之處母文姜也任其如齊如莒置父死於不論其迎哀姜也公自如齊納幣如齊親逆至丹楹刻桷崇飾死父之宮以誇示生妻大夫幣見且使宗婦同贊以尊優內主百計以悅

之止得一殺子之報齊女亦不利於人哉衛之夸姜宣姜晉之武姜可鑒矣國家淫亂之禍未有不至賊殺者慶父得肆其惡者哀姜成之哀姜之與慶父亂而不忌者莊公成之也其積漸非一日矣僖公既立慶父自縊哀姜為齊所殺痛快人心哉經書夫人氏之喪至自齊不言姜絕之也從僖公之請也僖為閔兄姜可以不母而僖不可以不子故葬我小君哀姜一如文姜

僖公

八年秋七月禘於大廟吉禘也閔公二年始之矣皆非禮也魯之有禘或曰成王賜之或曰惠公請之皆春秋所不與用致夫人尤失之失也夫人者何風氏也慶父

不請葬大葬季公

四

之難魯曠年無君成風識季友也忠屬之僖公援齊桓以立國公子中儼然君矣顧其母則猶然莊公之妾媵也忘其為生母之微而致之乎死父緣已之私心以亂先君之雖匹又干大禮以取戾安定胡氏所謂徒欲崇貴其所生而不虞賤其父者也案成風薨於文公之四年春秋備書葬卒王朝使榮叔歸含且賜則王不稱天以譏之僭嫡悖禮惡之甚矣唯是僖公享國日久敬天勤民克守宗祏闕宮之什升諸三頌考齊桓伯事陞亭召陵首止葵丘兵車盟會無不戮力左右誠賢君也禽父而下僖稱中興哉又未可因越禮一節而少之矣

文公

躋僖公文公之逆祀也僖為閔公庶兄曾為之臣今躋其上謂典禮何故曰逆也新鬼大而故鬼小此夏父弗忌之佞說非所以崇乃父也至於伉儷似續人倫之首文公於由姜使之不允於魯卿聘之而卑迎之襄仲之難皆自此釀殺嫡立庶姜氏大歸豈伊朝夕哉嗚呼文公於父子夫婦之道蓋兩失焉者也考文公在位十有八年戲渝玩愒外盟會不與世室屋壞不修書閏月不告月書四不視朔以敬時授曆為可廢矣自十有二月不雨至於秋七月自正月不雨至於秋七月以天變為不足畏人事為不足修矣苟於其位幾如視蔭朝不保暮者尚何以國乎君子是以知魯之削始於文公

不請葬大葬季公

五

宣公

宣公敬嬴所生文公庶子也襄仲私事其母殺惡及視而立之哀姜大歸於齊感動路人夫以國君之故而殺嫡立庶禍起中冓辱及社稷神其吐之矣宜其郊牛口傷且死也至如會平州賂濟西比年朝齊更遣叔姬下嫁高固以諸侯而輦於大夫替甚矣且稅改初行而十一之法壞井田之制蕩然矣內竭脂膏以奉強齊而國之魁柄陰以授人至於周察屢見災患頻仍未有若宣公之甚者也其始也因東門氏篡嫡以立國迨其末年又欲從子家之謀因晉以去三桓而弗克至東門氏逐而三桓益橫不可制以貽子孫憂宋史謂靖康之禍始

於宣和棄地予則謂乾侯之禍始於宣公棄政也

### 成公

成公終其身事晉者也如晉至自晉史不絕書殆非晉無以立國矣丘甲之作懲齊難然民不堪矣借晉師伐齊夫是以有華不注之役然汶陽之田實惟魯舊一與一奪辱執甚焉武宮之立功屬他人其何以示後世乎況以國君之重不能防閑其母以有叔孫僑如之事固終身不能雪其恥者也鄆陵之役構讒於晉而不令公見又陰告卻犇以甘心於季孟宜其鼯鼠食角新宮灾何政令之爲也抑成之元年春秋書無冰常燠也急緩縱弛之象見矣成公誠明於天道人事陰極修政陽極

續筆本義卷六

六

修刑國有禮矣誰敢侮之乃務決去其開俾僑如得行其惡終身事晉而不獲庇宜矣是故君子當以禮自強

### 襄公

魯三家作三軍中分魯國魯之積弱在此矣漠梁之盟執莒邾二子圍齊之舉諸侯同心雖資晉力然亦公之用也惟是奔命晉楚無虛歲矣爲楚親祗旋卒楚宮旣不朝正於廟又不終於先君之路寢曷能無遺譏焉又其時兩失閏天行愆矣宜其日食迭書大饑大水無冰兼書皆私臣強而公室弱之應也

### 昭公

昭公之終身不能復國而以乾侯薨晉失霸矣當其時

晉爲盟主齊與魯無歲不相侵伐魯所恃以立國者唯

晉耳當其逐季氏不成始奔齊也次於陽州齊唁公於野井未嘗一言及於復魯此不可謂非齊利魯之有今日也齊既利魯有今日則舍晉何適復魯之機在此一舉夫國君失守不保社稷即當身入晉國灑血乞師請命盟主合諸侯以興問罪之師雖百意如誅之不難而顧棲遲乾侯若無意於復國者然而晉亦遂因循置之以乾侯爲公館舍而公遂以乾侯自爲菟裘喪霸主積世之威而教貳賞奸率人臣以叛其上晉不復東征矣宜其參盟互書而霸不能取信於天下也然則昭公人君季氏人臣君爲臣逐舉國若罔聞知且爲左袒何哉

續筆本義卷六

七

曰此自舍中軍時公室之卑不自此日始矣舍之云者四分公室季氏擇二叔孟各一皆盡征之而貢於公則所爲公者寄名焉耳所謂政在焉故也政在焉而安得不逐哉漢唐之去中官亦猶是也是所謂癭也

### 定公論

昭公兄也不以禮正終得孔子爲司寇然後溝而合諸墓定公之立蓋亦有恫於兄弟之際乎顧季氏擅政日久臣叛君故有乾侯之事乃陽虎尤而效之日久家臣復叛主故有寶玉大弓之竊春秋書之曰盜明乎其不足數也不比之於人也故曰盜也定公之政有二善焉曰隳三都曰歸三田皆前此未有之事也皆孔子爲司

寇及相夾谷之力也而卒不克竟其用論者謂文衣康樂齊實巧於用間予以為未知其淺者也夫物之有蟲乘其朽敗定公之立也獲邀兄終弟及固已陰德季氏矣而強公弱私實犯執政之所忌墮都出甲特憤於南蒯之已事又屈於正論姑且行之而徐且悔之當時君臣間必有疑阻問者而齊人會逢其道也然則孔子之不終於位固子意也亦定公意也夫向者乾侯之事固未嘗一日介於其心者也

### 哀公論

魯之伐邾康子為之也因伐邾而致吳人有武城之役以城下之盟而還魯其殆矣齊以郕故伐我及清致有稷曲之戰非冉求不為功甚矣季氏之不利於魯而且以危魯也黃池之盟異晉爭先吳所以得僭上國之盟皆魯有以致之也田賦之作家出一人法密於丘甲連年用兵虐用其民其不亡者幸也魯書止獲麟而昊天一誅為千古斯文痛知言哉哀公乎於此見生之不能用仲尼者則非哀公之故也甚矣魯之危亂於季氏而不知也雖有聖人亦無如之何矣

### 五霸

### 秦穆公

秦穆之霸也宜哉史稱三置晉君謂惠懷文也惠公之歸為秦所擒以穆姬之言而歸子圉質秦逃而歸得懷

贏之力多焉二者皆秦施也至於重耳之歸更借其力以成霸業置者安頓之辭三君者不有秦何由至晉乃惠公蒸賈后背穆姬之言毀五城之盟而忘汎舟之報文公纔死子襄公立即有殺之役晉之報施於秦竟何如哉三帥甫歸師不旋踵彭衙之戰抑又甚焉至不獲已而究用孟明以有濟河焚舟之舉晉人不出至是而始書之曰遂霸西戎其為霸也久矣惟有三良一事為大德膏耳甚矣克終之難哉乃楊升菴作二霸論獨進桓文退秦宋楚以為秦霸之謬也楚寇宋國也且曰秦之置君是幸之也非安之也何以不先置重耳而先置惠懷以釀晉之亂者秦也嗚呼人之賢愚即父兄不能得之於子弟况晉諸公子俱亡得一人焉即晉社稷有賴安能逆計惠懷之無成而先置之也且既曰幸之即重耳亦幸之矣又曰如穆公先惠懷而死則有人誰置或重耳先穆公而死則欲置誰人噫此言抑何捍格而不通也人之壽夭天定之矣即穆公不能自必而能為惠懷重耳必乎惟其置一君不得又置一君又置一君不得則又置一君至於再至於三而乃得重耳然後晉有君晉有社稷秦之有造於晉晉獻公以上得再延血食勿絕者皆穆公力也大學平天下之書而以秦晉繼之思相度能用人已知繼周而王者當在秦矣黃鳥之詩惜之也非刺也猶曰以秦穆之賢而猶如此也况其

下乎繆穆古通不必深辨

### 齊桓公

春秋無王久矣桓公起而天下始知有周祿延數百年空名猶繫者桓力也按桓公稱霸起魯莊公九年其卒在僖公十七年衣裳會九兵車會四蓋無日不以王室為念而恤鄰而攘外總此尊王一念畢世未改誠賢矣哉當其時王風絕筆於莊王天王解紐止有列國耳繻葛之戰射中王肩子帶之亂天子蒙塵冠履倒置不必在東西周之日矣自桓出而王室日隆諸侯日親戎翟雖犯順而隨摧王室雖屢亂而克定桓與周相始終者也桓公既為霸首繼桓起者又以桓之心為心東周一

讀史卷六

十

綫不即隕滅即何得不重念桓公哉今按其勤王之大者平宋亂而歸功天子夫是以有單伯會鄆之役因太子未定六是以有首止之役王室多難襄王初立則有洮之盟戎難方殷子帶召寇則有戍周之舉至如北杏以平宋亂夸儀遷邢楚丘封衛伐狄伐戎伐北戎史不絕書恤鄰攘外又復如此齊桓者誠東周功臣而華夏賴之者矣所不足者內嬖既多五公子爭亂未免遺憾要之不足為盛德累也此聖人所以亟與之仁管仲正桓公皆作春秋意也

### 宋襄公

宋襄何以稱霸哉霸其定齊一事也齊桓未卒與管仲

屬孝公于宋襄桓公歿而易牙作亂無虧得立齊有君矣是時孝公奔宋襄公無忘前言用報齊桓合諸侯伐之夫是以有曹南之盟然後孝公得立無虧見殺齊國再定彼世有托孤元老奪於時勢不能踐言於後來者視宋襄為何如哉泓之役敗於楚傷股而卒其不擊築師數語要皆仁君之言也齊桓所以首霸者勤王而外莫過於定邢衛恤鄰救難君子大之宋襄近是抑唯桓公宜得宋襄之報云問宋公使邾文公用鄆子於次睢之社何如曰已甚矣鄆子不與曹南之盟宋公憤之邾人懼而執之如用牲畜然失霸者之義已亡也忽焉以是哉

讀史卷六

十二

### 晉文公

晉文出亡返國成霸業亦得婦人之助焉居狄十二年得季隗乃如齊居齊公子安之得姜女殺蠶妾送之行乃去齊曹共公不禮而鑑別於僖負羈之妻以上三婦人晉文三知己也至於懷贏一怒降服而囚一激之力也鄭叔詹曰有三士足以上人而從之謂狐偃趙衰賈佗也豈知其更有四女哉其霸也大功有三曰勤王也取大叔於溫殺之於隰城再定襄王之位功莫尚焉一也伐曹救宋敗楚於城濮二也伐原示信三也有此三功稱為霸者不虛矣說者以為城濮何以報楚曰前此有言矣退君三舍所以報也文公之於子玉退讓再三

矣剛而無禮自取其敗於晉何尤說者又以召王為晉文惜曰非召也王聞晉戰勝勞軍於土晉文為之作王宮率諸侯朝王安得為召哉書曰天王狩於河陽非罪之乃予之也世儒徒以譎而不正一語為口實指此類以為譎證孰辨其非哉夫亡人巡行天下十九年所到之國皆昏娶晏樂疑於忘其奔播迨一歸國輒奮發為天下雄此非譎之一驗歟止以春秋斷之故在此不在彼

### 楚莊王

晉文之霸也戰楚於城濮楚敗績以救宋也楚莊之霸也戰晉於邲晉敗績以救鄭也二霸者皆非自為也然

讀史卷之十六

十二

晉文之霸首在勤王楚莊之霸在平陳與釋鄭二事楚鋒至此直入中原矣觀其勝晉後而款款焉不以京觀自侈殺人之中猶有禮焉宜其殿數公而稱霸哉說者謂問鼎無罪乎曰無罪也鼎為夏商來傳器蠻貊君長一旦游上國聞寶器其輕重大小恒情也況此時以伐陸渾之戎至乎安知此問不為陸渾防也晉文請隧跡其意不過求葬以王者之禮而腐儒至欲與問鼎同誅夫使二君果有窺周之心雖何必請鼎又何必問哉是何量二霸之淺也城濮之役在僖二十八年邲之役在宣十二年晉楚送與相距三十五年亦盛衰之理也

### 史評

#### 子房

沛公入關子房計啗秦將於藍田既受楚封漢中王勸以燒絕棧道此時漢王無出關之意子房亦不欲漢王復出也其意自在韓耳曰秦既滅漢王既得關中足矣又何求乎不幸而韓王成為項羽所殺於是韓雖又生一秦矣間行入秦作齊梁反書以給項彭城之敗漢王欲棄關東得良說而止凡漢之所以得天下者在於韓成之殺也或者曰漢王欲立六國後良止之獨不為韓地乎曰韓成而在良必不為此言也良一出而秦楚兩報之矣漢高為其所用者也

讀史卷之十六

十三

#### 戚姬

人彘之慘至於斷手足燂耳去眼飲瘡藥千古共痛之而吾獨謂高祖既崩戚姬尚生則為姬者宜有此禍也夫當高帝在日呂后以年老畱守姬獨幸隨上關東日夜啼泣此其意知呂后之圖已非一日已帝一日不死則姬一日不死也帝一日死則姬死無日已使為姬者於帝死之日慨然以身殉之豈不身名兩全哉乃計不出此而徒覲然偷生上負高祖之恩而自陷焚身之苦不足惜也是一貪生愚婦人耳於呂后何責哉嗟乎於此見漢高之不及項羽矣垓下之亡虞姬能以一劍自裁而長樂宮之崩竟不得一戚姬之報非但兩姬之有

優劣也

司馬相如傳

文君一事司馬相如得意事也亦司馬子長得意筆也方其文君新寡琴心相挑重賜侍者通殷勤至於私奔而去家徒四壁乃自著犢鼻褌器文君當釭文人無行至此可謂寡廉鮮恥矣而相如樂為之而子長樂道之此其意在於利文君財耳及其得文君之衣被財物稱爲富人富人矣而後蜀人楊意乃得以子虛之賦上聞則此非無故也安知不以重賜侍者之術再施之於狗監哉曰狗監者實錄也亦諛辭也迨其後相如以中郎將建節往蜀於是卓王孫臨印諸公皆因門下

漢書卷六十六

十四

獻牛酒而王孫乃喟然而歎自以得使女尚司馬長卿晚而厚分其財與男等子長之意曰若使不厚分其女財與男等雖得卓氏無益也雖得百卓氏無益也爲相如者得其卓氏得其財而因以得其官而安得不令人寵且羨哉此即作貨殖傳之意也見已無財不得請贖遂至於腐自傷之辭也及相如病且死天子使所忠求書而其妻乃對曰長卿固未嘗有書也又曰長卿未死時爲一卷書奏之乃言封禪事嗟乎卓氏善爲其夫售知於天子如此我是相如有二狗監矣即謂子虛上林諸賦出之於卓氏之手可也武帝曰朕獨不得與此人同時哉子長亦曰吾獨不得卓氏爲妻耳故相如者善

用其財者也而文君者善用其夫者也

平赤眉

赤眉之亂三輔鄧禹不能平而馮異能之何也或以爲用違其才也夫禹之才不下異華陰相距六十餘日降者才數千人梟帥盆子固在也回谿之役異僅以身免赤眉之爲勁敵可見矣禹之不能平亦坐軍饑且三輔地勢遼闊無險阻可以乘其敝故勝負略相當赤眉能久持耳光武曰此非引之出關不可也故徵禹還所以連賊之東也賊既東矣新安池水底其地可以設伏出險以馮異之新鋒蹙之於西而我復以大隊阨宜陽則赤眉在囊中矣峭底之捷伏兵卒起衣服相亂此所謂設伏出險者也賊一見而驚驚斯潰矣而又有大軍塞宜陽賊又驚驚斯降矣如此者雖異之能實帝算也兩人者不可以優劣論者也

漢書卷六十六

十五

馬融

融爲冀從事中郎爲冀章表以定李固之獄長史吳祐謂曰李公之罪成於卿手李公若誅卿何面目視天下人彼時融無一言也使一言爲李公解則冀怒可釋而固不死獄中矣迨其後融爲南郡太守冀乃諷有司奏融貪濁以致髡笞徙朔方融自刺不殊安知冀之殺融不因李固之死哉

陳蕃

蕃之圖事不終踴躍而死也以洩敗耳當其上書太后請誅曹節王甫諸人乃曰宣示左右並令天下諸姦知臣疾之噫此何事也而欲宣示左右哉此腐儒好名而自取危亡之禍者也方其間難也將官屬諸生八十餘人夫諸生八十餘人自在太學中上書可耳突入承明攘臂奮呼是驅羣羊於猛虎之喉矣八十之年踉蹌而敗宜來老魅之誚哉

### 朱震胡騰

蕃之朱震武之胡騰一友人一府掾也皆能不恤身禍收華兩人而又能全其子孫逸若輔俾兩人有其後嗣不知蕃與武何以得此於震騰哉東漢黨錮橫噬鉤連

讀史卷六十六

上

一時稱為士君子者幾不保其腹背求為他人計其後事亦難矣他如王調之報李固楊匡之報杜喬其義烈抑又甚焉豈天道與善生黨錮諸君子為國家養士食節義之報即生諸君子之故吏門生令諸君子自食其報歟不然何若出一轍也

### 岑暉

成瑨為南陽太守殺富賈張汎也功曹岑暉實勸之則成瑨得罪宦者死於獄中岑暉致之也使為暉者於徵瑨下獄之時挺身代辯則成瑨可赦而暉之死為有名矣乃計不出此與賊曹使張收鼠竄幸免安在其為公孝也宜太學賈彪閉門不納而且欲奮戈相待哉以視

范滂之自詣縣獄不忍於郭揖俱亡未可同年語矣

### 誅中官

東漢之亡始於外戚盛於中官而成於誅中官外戚既熾則借中官以誅外戚中官又熾則又思召外臣以滅中官中官之誅外戚國雖危而復安外臣之誅中官中官未誅而身已亡既誅而國以亡矣緣其始總由於外戚也夫東漢中興光武廢后全懲前代外戚之禍孰知一傳而後馬皇后下外戚之禍互相盛衰與漢始終乎和帝則假中常侍鄭眾誅竇憲封鄴鄉侯以中官誅外戚和其始也竇衰而梁盛梁竦三子為侯安帝既立鄧氏臨朝凡有五侯鄧騭辭焉鄧氏既崩五侯皆廢閹氏乃與安帝崩間顯等定策宮中立濟北王薨中常侍孫程等十九人則又誅顯立濟陰是為順帝各封侯中官而誅外戚此又一事矣未幾而梁氏復興與商冀相繼為大將軍冀弑質帝立桓桓竟誅冀復用中官單超徐璜等封侯則漢事之三見者也然則東漢之用中官亦在誅外戚而三公不與焉陳蕃實武諸人安得勵三公失柄之勢輕於一擲而以人國嘗試哉所謂中官未誅而身亡中官既誅而國以亡者也唐崔胤之招朱溫猶袁紹等之故智也旨哉蘇子之論乃欲以消導解散善處此癭頭也哉中官者癭也雖然光武廢后已逆知後世之以外戚亡也

荀文若

司馬文若之辯為文若千古洗冤蓋杜牧之言殊未深思曹公既稱天子命以靖禍亂文若即以高光楚漢為比亦比獻帝耳何文人之口過於索癡也豈有以漢光楚漢為曹而不許其九錫何前後所見之在乎空函饋食飲藥壽春甘以一死報漢室則生平之不附會於曹亦可見矣曰又何以侍中光祿大夫持節叅丞相軍事也曰此自官漢非官曹也即官曹亦借曹以翊漢耳此管夸吾相桓公之意也

街亭敗

街亭之敗書曰謾違亮節制為亮諱之也此時亮何在

讀史文選卷六

六

乎祈山坦道出兵日久為敵所伺街亭之敗亮自取之推過於謾者作史者之文之也且即張郃不截其汲道臨水據城謾能取勝乎不能取勝而謾之死於街亭與死於他處一也自魏延之計不行而識者已逆知其有馬謖之敗已惜哉當亮伐雍閬孟獲馬謖以攻心為言此豈漫無長算者哉亮之所以重謾者在此抑孰知謾竟以此自殺歟箕谷之敗非趙雲斷後亦與街亭同矣亮之節制又安在耶

三國

三國獨有孫氏無議耳堅為長沙太守起兵討卓掃清陵廟得甄官有功漢室可謂首稱子策繼之奄有江

東自食其報仲謀繼之赤壁一戰南北勢成居然王業無愧父兄玄德雖帝胃然劉璋亦漢宗也不忍於表此飾詞耳當時曹兵南下恐據荆不能守故為是言不然何以攘取西蜀哉西蜀之議成於龐統然而破巢取子無解梟雄曹操抑又甚焉挾主弑后自居西伯九錫既成曹不遂篡備之流亞而權之罪人矣

信荆州

曹兵南下求救東吳備此時投身無所可謂窮矣吳庭諸臣惟魯肅周瑜不肯降曹赤壁一戰阿瞞破膽若此時孫劉合力追曹此成擒耳周郎既死荆州借備實出魯肅使瑜在不能也既借荆州藉手西川荆州當還屈

讀史文選卷六

九

直自在不得已而以湘水為界吳之遇蜀亦厚矣樊城之役于禁就囚曹乃用司馬懿蔣濟之言合謀孫權掩襲南郡是取荆者雖吳而所以成之者曹也在孫劉以荆州為必爭之地借據紛紛不暇有事中原在曹亦以為荆州必爭之地令孫劉自為紛紛而我得以從中而收漁人之利由是言之曹之所以成霸圖者則以荆州之故哉

劉備

劉璋迎備入蜀以討張魯耳乃魯未討而成都已為所奪昔何不忍於劉表而茲何忍於璋也皆蜀張松法正二賊臣之為之也然不忍於表實懼曹操表死操至宛

兵已至樊備踉蹌無計度已非操敵故流涕表墓而去  
非不忍也不能也至蜀則有險可恃去操尚遠故攘之  
懷中耳備既得蜀張魯為操所破奔巴中操若聽司馬  
懿之言蜀不能有漢中矣蜀所以有漢中得黃忠趙雲  
力居多有漢中則有蜀矣備之長處在有漢中而其短  
處在襲蜀也名曰梟雄非誣也

讀史亭文集卷十六

終

子

讀史亭文集卷十七

南陽彭而述

史評下

魏晉

曹之篡漢也弑伏皇后廢獻帝為山陽公司馬之篡魏  
也自明帝以下師廢張皇后廢邵陵厲公昭弑高貴鄉  
公炎廢魏元為陳留王蓋三置其主而後即真司馬氏  
固學曹者也然而甚矣武帝身為戎首及身羸安惠立  
淫后乘權殺皇太后及太子以及楊駿衛瓘諸人致有  
趙倫之禍倫篡僭未幾諸王尋戈自相魚肉以致劉曜  
石勒乘隙作難剪去宗室幾至於盡帝邑受禍從未有  
如此烈者也其先起於賈后一人耳倫乘之諸王乘之  
敵乘之洛邑長安相繼而陷懷愍以次北狩惠遺后羊  
氏見污於曜恥辱於斯極矣曹之篡漢二世而已明帝  
而亡也司馬之篡魏也二世而已惠帝而亡也同一篡  
也晉尤甚故得禍亦酷天道可畏哉

南北朝

北朝與六代相始終者也六代始於晉而終於陳北始  
於劉石而終於魏其最勝者莫如苻秦強而久之者莫如  
元魏就中可以吞江左者止此兩家而他與焉乃堅  
也淝水伐晉踉蹌而歸國亦隨亡魏王開宋高祖殂議  
取洛陽虎牢奚斤等悉定司兗豫諸郡縣文帝踐祚到

彥之敗滑臺柳元景克陝州勝負略當乃魏師旋歸佛狸遇變迨至蕭鑒纂主魏與問罪之師直指江上受諫中止東昏元年魏與陳顯達復有馬圈之役而孝文殂矣此其中有天焉至如劉石而下紛紛氏羗鮮卑如涼如夏慕容沮渠輩或各據一隅類相吞剝無四方之志不足數已江左一塊土歷六朝無恙者豈人力也哉觀遼金元之與宋而六朝固有天幸哉

### 鄧艾

艾之舉西川也其事不終說者以爲不宜承制自伐故不免耳此即鍾會不構關其間司馬昭必假別事以殺之又況甫定西川便欲觀兵吳會爲唾手江東之計目中已無晉公且不知兼收吳後又何以處艾也雖欲不凶終而不可得矣彼羊祜之在江陵與陸抗相對每交兵刻日方戰敕將帥不爲詭計後來取吳之謀半成於祜而祜不居也端有鑒於西川之事歟

### 二陸

二陸入洛俱罹於禍隳家聲而斬宗祀可以爲文人貪取者之戒矣夫二人者祖遜爲吳丞相父抗吳大司馬也世受吳恩門崇將相二人即不能灑血報仇用光前烈終身不仕可也乃吳破時機年二十雲年十六幸脫網羅不聞徵聘連袂入洛首造張華此一來有死道矣彼陶潛者豈真高尚其事不樂仕宋與正以陶侃孫耳

### 二陸方之蔑如也

### 潘岳

岳以文亡人國者也爲賈后牙爪構愍懷之辭晉遂從此不祀其殺身不足以贖也豈惟亡人之國兼以殺身且殺其母觀其一生進退俱以母爲口實當其以長安令徵補博士則以母疾輒去官免及仕宦不達作閑居賦則以爲太夫人在堂有羸老之疾尚可能違膝下色養而屑屑從斗筭之役噫此正無限悲憤之意借母以文其鄙耳史稱岳性輕躁趨世利與石崇等諂事賈謐其母數誚之曰爾當知足而乾沒不已乎岳終不能改及爲孫秀所誣將詣市與母別曰負阿母夫岳之負母固已久矣兄弟一門無少長皆被害母亦不免賊臣逆子岳一身備之然則巧宦豈足以愚人而僉險必至於殺身雖思緒雲霧詞鋒景煥將焉用之哉

### 西晉

晉之壞也不壞於安東南渡之日而壞於賈后秉政之時夫古來淫妒婦人多矣穢腥中宮戰殺孕妾猶曰婦人之常耳至如矯詔送太后於永寧未幾並其父駿母龐一時而殺之鵲奔之後繼以定中以紀衛爲狄所滅之由也其後殺太宰亮太保瓚與楚王瑋如鼠雀耳不足奇也楊太后絕膳於金墉城張華裴頠曾不聞一言及之謂華等不與謀焉吾不信也否則何以不去哉趙

王倫一舉而廢賈后並殲賈后之黨張斐不免直自取之禍耳所可惜者倫既以金屑殺賈后此時以帝慈駿擇諸王之賢者立之而身不與焉上告祖廟下布中外臣民不亦伊霍之舉晉室再造哉乃計不出此逐秉法駕抑何昏冒也淮南王允成都王穎河間王顥常山王乂齊王冏皆起而攻之而倫之死無日矣囚帝於金墉復迎帝於金墉受禪幾何骨肉相殘四海鼎沸以致左賢王父子從中而起幸有之歎其為戎也久矣思帝兄弟二十五人而曾不能保洛陽一塊土始於賈后而成於王倫何足怪哉

### 桓溫

謝安文集卷七下

溫取蜀時後趙方盛溫知不能得志於趙故欲借蜀以立功名耳此時趙若乘虛渡江晉事去矣而趙不暇及此者則以與涼州張氏相持耳蜀主既弱昧趙兵又遠在西鄙故溫得借荆襄之勢溯洄而上直走成都蜀在囊中矣其伐秦至灞上伐燕至枋頭皆遲回不進以至於敗則二國之與蜀豈可同日語哉受禪不成廢立旋興桓溫技止此矣溫死未幾而梁益涼州襄陽相繼去矣尚問北伐乎為晉仇者劉石也斬滅滅聰石勒滅曜季龍滅勒冉閔滅季龍二十餘年為晉仇讐遺種略盡天之報施極矣即使司馬北征其蕩平剪除未有如是之盡者也慕容稱燕先既歸命於晉苻氏王秦又非晉

之敵國其不北伐無害也北伐無成亦無害也江東諸賢既不能如溫之才而有才如溫亦不過伐蜀即止司馬之自棄中原天心去之矣

### 淝水

謝安文集卷七下

淝水之捷天不絕晉謝安幸而成功耳豈有百萬之師已壓境上而圍基賭墅從容晏樂時乎晉之不亡者幸也若非朱序即玄亦安能為哉然而秦亡於此矣縱慕容垂去關東且激姚萇之變於是垂以復燕為名萇復以後秦為號並力以圖秦而秦亡無日矣此時東晉有人若乘黎陽之捷取鄴城而據之然後乘勢入關則三秦我可得而有也乃計不出此而且水陸運米以解鄴城之困不思合燕報秦而反助秦以拒燕以故相持日久慕容冲入長安苻堅父子一出五將一奔下辨坐令姚萇得以承其弊而收漁人之利拓跋珪起而南北之形定矣嗚呼自隋以後代北之子孫稱中國主者十居七八矣豈弱如晉能混南北哉孫權之所以能保江東者以有赤壁之戰東晉之所以能守長江者亦恃有淝水之捷天欲留晉故雖生劉石慕容苻氏拓跋而晉不亡天欲亡晉則弟生一桓玄而劉宋因之而興矣

### 庾亮

蘇峻之以歷陽反也如七國之於漢所謂不削之亦反也庾亮直速之耳西陵之敗都督卞壹一門死之雲龍

門之敗羊曼周導陶瞻又死之亮於此時不能背城借一與國存亡乃率出於逃竄之計率諸弟惲條翼等乘小船奔潯陽棄帝如敝屣焉以致臺城不守宮人與太后皆見剝奪至於裸剃士女障苦覆土此禍實誰放之使溫嶠此時先誅亮以正悞國之罪然後一力以除國賊抑何明目張膽哉乃固推奉之且分兵以給焉失刑賞之道矣陶侃至而亦不加之刑其何以謝天下

### 殷浩

殷浩以盛名敗者也自桓溫滅蜀威名大振會稽王昱以為非得盛名之士不足以抗之以故引浩為心膂以抗溫耳始而參綜朝權繼而專命北伐誠橋之敗退屯壽春既無功矣乃徒出其盜賊之謀以甘心於新附之姚襄又陰使人誘梁安雷弱兒殺秦王健盛名之下其方略固如是乎山桑之敗輜重保譙抑又甚焉安在不來桓溫之口實哉王羲之以保淮保長江止浩豈棄中原哉蓋逆知浩之無能為耳

### 劉裕

桓元竊位晉室以移劉裕反正賊臣授首安帝建業復登大寶此與曹操迎獻帝於許昌一也至於北伐慕容南破盧循問罪蜀秦入洛掃五陵其驅除掃蕩之功又不在操下乃操弑伏皇后而裕弑安帝及恭帝操篡於其子而裕篡於其身雖取天下邊遠不同要為盜賊僭

竊之謀一也而裕尤甚嗟乎司馬南渡相傳十一君賊臣殆接踵矣王敦逆謀於武昌蘇峻伺鑒於溧陽稱兵犯關弁髦朝廷若非溫嶠陶侃諸公晉之大事去矣王導與庾氏兄弟可誅也淝水之捷實維謝玄安則微幸成功耳桓溫伐蜀功亦不著而心懷不軌輒行廢立逆子象之遂竊神器殷仲堪楊佺期會稽王道子元顯輩不足數也其圖元而反為元所圖也所恃者惟一劉裕耳劉裕既殲元兇長驅三方推獎晉室庶幾溫陶二公矣而裕不為也裕蓋王敦蘇峻桓元父子之流而才過之剪除司馬不遺餘力此其心更毒於元矣由前而觀有溫陶雖王蘇不足以為患由後而觀與其亡於劉裕無寧亡於桓元故曰北晉之亡也以女主而東晉之亡也以賊臣

### 江南十勝

江左自孫氏稱帝以迄六朝可以恢復中原而當時皆失之周瑜赤壁之勝敗曹南郡此時追曹直逼許洛乃與蜀戀戀一荊州而失之則孫氏之失在於知有荊州也晉建武中祖逖節鎮雍丘大河以南皆叛趙蜀晉石勒為之修祖墓置守冢此時渡河則趙舉矣乃事已將成而戴淵來代逖發憤而卒則晉元之失在於代逖也晉穆永和五年太后父褚裒彭城之師趙人降附日以千計河北大亂渡河來歸褚乃以王龕一敗屯師廣陵

則永和之失在於王龕也永和十年桓溫伐秦至灞上  
咫尺不渡灞水以芟麥乏食徙關中三千戶而歸此則  
溫畱賊以自重失在無心於討賊也孝武寧康八年堅  
八十萬衆爲謝玄敗於淝水堅中流矢僅以身免玄再  
一窮追則堅得並慕容垂亦成擒矣謝安乃以一勝而  
驕無復餘事及後燕攻秦鄴下玄復運糧相助其謂之  
何則謝安之失未有如淝水之甚者也晉安帝義熙十  
三年劉裕擒姚泓於關中斯時南燕既破蜀亂又平移  
都關中併力元魏舊業恢矣乃謀篡南歸弑主東堂而  
關中爲勃勃有矣劉裕之歸所謂急成篡事者也宋文  
帝元嘉七年到彥之以五萬伐魏魏撤碣磔滑臺洛陽  
虎牢數鎮兵北渡此進取之時矣而彥之以大擾免官  
道濟繼之食盡而退矣蕭衍僭立韋叡戰合肥曹景宗  
守鍾離大敗魏師魏自懸瓠以南諸城皆沒恢復有機  
又梁將陳慶之隨元顥入洛榮陽虎牢皆陷魏主渡河  
若梁此時益兵慶之大事成矣二者皆天監中事也而  
衍兩失之元魏旣分陳復篡梁陳將吳明徹堰淝水拔  
壽陽生擒北齊王琳取江北數郡一復齊宋之舊陳主  
置酒舉杯賞徐陵知人此陳高祖頊大建五年也此又  
恢北一機而陳又失之自孫氏而下江南十勝而十失  
後世論者於是南不能舉北之說紛紛起矣

代宗

代宗爲廣平時即已恢復兩京續承大位再造唐室維  
乃功吐蕃入寇程元振不以時奏倉卒幸陝幾蹈乃祖  
幸蜀之轍幸子儀底定危而復安再入屢卻皆子儀功  
也僕固懷恩與李光弼以平定河朔之勲一爲辛雲京  
所構一爲幸陝未至皆沮於元振或以反或以薨可謂  
窮矣而皆養其母終身仁主哉至於輔國元振朝恩元  
載四凶以次見除稱神武矣獨是以懷恩所置之河北  
三節度皆以安史降將而作藩臣廢立不由朝廷唐室  
遂成故事唐因以亡說者歸咎於府兵之變驍騎又變  
而方鎮外重內輕有以致之然事已肇於肅宗非一日  
之故矣

李泌

泌在靈武進退將相皆由於已權何重也肅代之際處  
人父子兄弟間其調停苦心皆歸慈孝而又恢復兩京  
歸隱衡山善始終哉乃代宗嗣統徵之隨至一阻於元  
載而爲江右判官又阻於常袞而爲醴州刺史晚節曠  
矣德宗之世又出爲常侍然卒定舒王之事令太子如  
初所以全德宗父子者抑又至矣出入三朝至此乃爲  
真宰相雖議復府兵卒不能行然令韓滉運米鎮海不  
失臣節則其功大耳觀其出處仕隱之間抑何不測歟  
宜其好談神仙也

出幸

祿山之亂玄宗幸蜀吐蕃之亂代宗幸陝朱泚之亂德宗幸奉天繼以懷光又幸梁州唐天子視去國如棄敝屣蓋家法矣黃巢之亂僖幸蜀茂貞之亂昭幸華州朱全忠之亂又幸鳳翔而唐因以亡

### 穆宗

牛李兩家朋黨傾軋幽州成德魏博各殺節度河朔再陷元稹以中官為相忌裴度牛僧孺以逢吉入相沮德裕穆宗在位四年二十而崩敬宗繼之游狎無度為劉克明等所弑文宗又繼穆宗第二子也僧孺宗閔復熾劉蕡對策而不能用維州來降而不能取帝每歎曰去河北賊易去朝中朋黨難蓋傷之也於是宦官乘之甘露禍起受制家奴自慚報讎自穆宗而下四世河朔不能復問矣

### 裴度

度在憲宗之世平淮西及青淄成德兩鎮功何偉也穆敬之朝為雷守再相舊君被弑不聞討賊之舉文宗繼立不聞定策之謀蓋誠耄矣唐書以用不用為度解此時度尚在位且得謂之不用耶朋黨勢熾奄寺乘權度蓋有懼心矣

### 五代

五代當以唐莊宗為第一以接唐正統無疑朱溫以亂賊篡唐天人共憤克用父子竟能函首告廟雪恥除兇

爭光千古不幸遇弑天也嗟乎自唐莊而下皆盜賊也嗣源以養子篡莊則從珂以養子篡嗣源若相報也敬瑭借契丹篡從珂乃契丹竟破汴而執重貴以此始必以此終也知遠乘機篡晉其子見篡於郭威威既篡漢於汴而威亦中絕差強人意者唯有柴世宗耳世宗伐契丹得關南伐南唐收江北而復破漢兵於高平用兵神武有莊宗風焉王朴作律準定大樂以元稹均田圖賜諸道此政事之大者獨是篡漢而漢仍在北况南唐尚在憲宗嫡派未亡亦不足以言繼統也宜昔人於後唐而下直著南唐其於晉漢周也皆偽之云

### 郭重韜

重韜以破蜀之功不旋見殺死於中官李從襲等之手而其死實死於劉皇后也當其招討入蜀繼岌同行國本既在行間崇韜其副耳夫何盡殺宗弼兄弟而利其有而繼岌不與知乎劉皇后起於微好貨喜積聚而又軍政皆決重韜繼岌不過贅物不可謂無說於劉氏也繼岌者劉氏生也安得而不殺哉此即無中官構之而亦殺者也昔有鄧艾今有重韜蜀之不利於人如此哉

### 太宗

錢俶來朝而勒之歸地親征太原而劉繼元出降二者為太祖未了之事也克漢之後乘勝伐遼為耶律沙大敗於高粱河非驢車趨走幾不克矣嗣是而有瓦橋關

之敗嗣是而耶律休哥敗曹彬於涿州之岐溝關嗣是而耶律斜軫敗楊業於蔚州之陳家谷曹之敗以退師援糧揚之敗以王侁不救宋終其世不能恢復幽燕實自此數敗始也幸有張齊賢代州之捷尹繼倫徐河之捷一以列幟燃芻一以短兵擊後差強人意者二舉也然而宋力止此矣

### 西夏

張齊賢為涇原諸路經略使因保吉雖入貢而鈔略益甚言靈武孤城必難固守通判永興軍何亮上安邊書言拾靈武三患請築薄樂耀德二城為之唇齒以防夏寇此上策也李沆楊億等獨主棄之以致保吉來攻知

讀史通鑑卷七

十三

州裴濟刺血染奏而救兵不至靈州遂陷夫靈州地方千里表裏山河真宗舉祖宗之地而身棄之釀西夏之禍者真宗也仁宗承之元昊遂襲甘州因契丹立為夏國主改元廣運又敗大慶有夏銀宥靜靈鹽會勝甘涼瓜沙肅興諸州阻河依賀蘭山地方萬里從此不可制矣以夏竦范雍相繼為安撫使皆無功尋命韓琦范仲淹為夏竦副使范主招徠韓主用兵琦命任福破敵於好水川以違節制取敗諸羌呼仲淹為龍圖老子而築大順城二公差可觀矣契丹遂取關南李簡使富弼報聘晏殊主其議歲增銀絹各十萬與前共五十萬匹兩西北犄角為國患宋之困弊在仁宗時矣所可惜者元

昊為子所殺一鼓殲之正在此時乃安撫使程琳止之真失機會哉為虺弗摧為蛇若何宋之失自棄靈州始也唐棄維州宋棄靈州一受吐蕃之侮一任西夏之侵異世而同病也

### 安石

神宗英宗長子銳然有為之主也熙寧中安石作相力主新法章惇呂惠卿曾布等附會之坐以新法不便忤安石貶者不可勝數諸公皆端人正士位居鼎鉞或去或貶繼之以死其一時與諸公同者不可勝計自古帝王之信任宰相未有如神宗之於安石者也所謂如一人者也幸有鄭俠一國安石罷相力固偉於諸公哉嗟乎摧折善類元氣用耗宋之國本傷於此時至如割地畀遼棄土千里遂為秦檜似道之戎首矣然則經術之悞國固不後於權奸哉

讀史通鑑卷七

十三

### 徽欽

問宋不約金滅遼宋可長存乎曰亦視遼為存亡耳此時金強遼弱宋即不助金金亦能滅遼金既滅遼宋亦不能久存也蔡京童貫主其意助金以滅遼取燕雲六州之地可謂拓祖宗以來未有之土宇而雪石晉以來貽契丹之恨也姜維即不伐曹魏蜀漢亦亡北晉原未伐劉石而劉石奄有中原宋之興亡豈關用兵哉為此說者以為在宋渝盟納叛止貪一時之利以復舊怨而

不知實養百年之寇以資新敵此自後事觀之則然而非本原之論也北宋之亡蓋始於安石而終於蔡京者也熙寧元豐之間安石以新法變亂祖宗法度一時正人君子驅除殆盡宋之元氣傷於此時元祐之際司馬光起而釐正之庶幾陰消陽長之一會而宣仁既逝紹聖隨踵故轍而行於是章惇蔡京繼相建中崇寧之間追貶元祐之人剪除元祐之政無虛日朝廷之上僉壬盈庭而正直屏跡時即不約金滅遼而宋亦岌岌矣又況佐之以土木之役花石玩好之具寺人掌兵樂禍興戎內有李綱而不能外用有種師道而不能盡其才不恃有禦敵之方而恃敵人之不來必敗之道也吾故曰即不約金滅遼亦亡者也東漢黨錮之禍至黃巾作亂而其禁始解宋家亦然朋黨之議肇自安石歷三朝不解蔡京繼之至於立碑鑿棺以快私心甫赦元祐而金人渡河矣悲夫何古今一轍也

### 賈似道

元之下江南也得劉整呂文煥二人之力居多劉整以廬州降者也文煥以襄陽降者也文煥以伯顏自襄趨郢劉整以唆都自棗趨淮二路下江南此破竹之勢矣維是沿江守臣皆呂氏部曲舟師東下所至迎降呂之功尤大於劉以故劉整攻無為軍不下發憤而死蓋傷已功之不若呂也然二人叛宋之罪則均矣原其始則

皆賈似道釀之也鄂渚之圍掩敗以為功襄樊之圍五年而不問其壻范文虎入援而潛逃已視師蕪湖而先遁不有似道則文煥等不為元有元雖強能飛渡哉敵入臨安三宮北行黯淡灘頭似道授首國破而身亦亡矣東國三世負乘致寇宋之亡謂亡於理宗可也

### 元

宋自汴梁失守二帝北行最仇者莫如金其次勞師動衆騷擾邊陲莫如西夏二國皆先宋而滅於元謂天生元為宋復仇可也宋仇既復而宋國自應隨之觀趙鼎以瀛國公終身而又用趙子昂為翰林視滅國斬祀者有間矣元之接宋也宜已錢繆有功德於吳越而納土於宋故天降生為宋高宗以享南渡未盡之福宋失天下於小兒而元乘其弊故趙鼎有子為順帝以結宋人中原之運此天心最微而不可測者也

### 許衡

衡懷人在元封內其仕元也以行道耳平居以道學自命謁姚樞於蘇門以廉希憲薦為京兆提學時秦人新脫於兵郡縣皆立學以祭酒致仕臨終戒勿請謚立碑噫許公何不可仕之有時宋南渡百有餘年矣即不仕元斯與草木同朽易世而下誰復知衡者世人止因其不請謚立碑以為自知其仕元之非夫身既仕矣後世豈因其不立碑請謚而遂不知其為許某哉是欲蓋而

彌章也夫請謚立碑自是仕宦人恒典衡以絕學自任  
經明行修正復泊然於此治命所及亦偶然耳何至如  
世俗所云哉若許子而不宜仕元元即不代宋有天下  
乎苻堅之有王猛拓跋之有崔浩隋季之有王通與至  
元之有魯齋皆天不忍生民之塗炭倫紀之絕滅與夫  
道學之淪亡而特鍾此數人以畱剝果蒙泉之生機者  
也凡為非許之說者皆未生許之世處許之時而謬為  
譏評兒童之見也順帝至元猶思其功以錄其孫從宗  
以為衡輔世祖以不殺一天下夫不殺一天下此其功  
在萬世豈一碑謚所能盡衡哉潔身不仕又何必許衡  
能然哉許謙稱白雲先生而說者謂前許不如後許若

讀史集卷七

法

是則吳萊果優於吳澄乎瓊山又以為衡宋鄉貢進士  
故責之耳若然亦功大罪小矣論其功焉可也况乎元  
此時傳國四世五十餘年大江以北盡為元土衡被徵  
四十七年七十二生長元地者也其為宋鄉貢進士  
也烏有哉

左帥

嘗慨先朝之亡不亡於甲申三月十八日李自成蹀血  
禁庭之日而亡於李自成自西安長驅入燕而左良玉  
曾無一旅之師以隨其後此明之所以亡也使良玉於  
自成入燕之日帥所部以直搗秦關則自成必且跋馬  
而南或夾濮州潼關以與良玉決雌雄此時李建泰方

受督師以尚方出都門已至保定山西復有蔡懋德為  
撫此人嫻將略知兵出銳師佐之吾知自成欲渡河而  
建泰懋德之兵尾其後欲不渡河左良玉之兵已入關  
中將自成之妻孥輜重一旦為良玉所掩而有之則自  
成之首不唾手可擒哉且此時良玉既已出兵則鳳陽  
之黃得功固桓桓虎將也聞良玉尚且出兵甘心於自  
成以舒朝廷一日之急我何人斯必且從光固雍梁一  
路捲甲電赴各欲膾自成之肝腦而食之雖百自成其  
何能為哉乃為良玉者擁百萬之師蟒衣玉帶虎符龍  
節日遨遊於鸚鵡洲之上笙歌爭沸於黃鶴樓之間以  
坐觀劉項之興亡而又聽其叛卒債帥橫噬劫掠於河

讀史集卷七

法

陽湖沙湖典國大冶水陸千里之間雖犬無遺種而人  
間之金帛子女皆入武昌之舳艫以供博徒一擲百萬  
之費茫然若不知有自成之入燕者也獨不思身受國  
恩何如其重國家之賴為長城與海內之忠臣義士視  
之以卜燕京興亡而奄然為尸居餘氣也罪可勝誅哉  
春秋之法不討賊者與於作賊者也故趙盾弑君而董  
狐書之曰趙盾弑其君吾輩以盾為上卿而必不越境  
反不討賊尚不得辭首惡之誅况良玉兵權在握儼然  
稱大將軍者乎黎侯迫逐而衛不能修方伯連帥之職  
詩人猶或譏之董卓之賊漢也袁紹等世受國恩遂起  
而除大難王敦蘇峻之禍晉也非溫嶠陶侃諸人則司

馬之餘燼難收矣爾時陶侃身居方鎮猶以不與顧命  
為辭然得溫嶠一促而即行彼良玉者受國恩則不減  
袁氏而居方鎮則又不啻陶侃唐天寶之亂官闕就焚  
宗廟為墟矣得郭子儀李光弼而一人西幸靈武猶得  
卽位成唐中興之業夫以自成自視不過祿山而良玉  
自視何遂不如李郭諸如此類未可枚舉使良玉而非  
賢者則可不論良玉自河北與流寇戰得名轉而河南  
數年之間而名愈盛賊畏之如虎其初兩河郡縣為畏  
壘之祝者往往而然其後恐賊一旦而盡此身不能常  
保富貴每與賊戰不過得其老弱羸贏以露布報虛聲  
實視以為奇貨之可居耳後來賊勢日益衆力愈大而  
良玉所收之賊又不為我用以賊昔而畏我我且轉而  
畏賊而良玉之指臂不靈又風聞言事之臺閣諸臣因  
而媒孽其短或鐫級或戴罪良玉之心疑矣而左右裨  
將為逢迎之說者曰主上旦夕且不測而何有於賊正  
恐狡兔走狗之說未必不古今一轍也於是良玉之心  
時時有一旦夕莫測之患而賊勢日至於燎原視先帝  
之死直如胡越之相視瘠肥而三百年金甌之業隳於  
此矣以故任自成之突騎長往而憮然若罔聞知者一  
若幸之一若速之昔高駢屯數道勤卒居將相重任坐  
視黃巢遙遷渡淮桓溫伐秦至灞上咫尺長安而不進  
王猛非之後遂有放廢之事夫罄天地之膏以飫百萬

虎狼之腹一旦有事虎狼反獍獍以伺主人之間安得  
不亡哉而說者乃謂若使良玉堅守武昌則南北之勢  
可成此其說抑何扞格而不通也夫推良玉不救燕京  
之心是置先帝於路人矣豈區區南渡之孱主而謂足  
動其忠義之念哉此事之必不可幾倖者也夫世未有  
不救主於全盛之時而能堅守封疆於偏安之日者也  
由燕京之不救故宜知有武昌之不守耳說者又謂武  
昌之不守由於御史黃澍報馬士英之私憤而激之以  
行以興晉陽之甲以除君側之惡耳此其說以為良玉  
不足誅而猶以計賊之義望之黃澍者也不則或為良  
玉解嘲而為黃澍定千古之罪案也而不知其非也然  
則武昌之不守事關黃澍矣豈燕京之不救亦關黃澍  
乎則為良玉者誠死不足以贖悞國之罪者矣

何督師

客問何督師騰蛟可以為信國乎哉應之曰何難於信  
國也客駭然曰信國當宋垂亡之際奉太后之懿旨講  
和好於伯顏抗節不屈囚繫北行計脫鎮江由通入海  
訪二王於碭州勤義旅於邵武分兵各路直指舊都已  
而天不祚宋孤臣援絕一失於空阬而妻子為俘再失  
於五坡嶺而南冠見繫狼狽燕山灑血柴市此其忠肝  
義膽照耀史冊凜秋霜而揭白日又誰尚焉而吾子以  
為何難於信國猶未得為中論也予應之曰何公之難

於信國者有三焉信國以狀元及第以丞相講和以出使見執何公無一焉明以制科取士巨公碩輔代不乏人而甲申之歲燕都流血鼎湖龍去九廟飛灰曾未聞有抽一矢相向者出於制科之人二三大臣身為將相或有不肖臣賊視死如歸如劉理順倪元路馬世奇諸人則有之矣亦未見有拔淚揮戈與亂賊誓不共生者謂明未嘗有狀元宰相可也獨有何公耳何公以鄉薦起家在乎居不敢與制科為伍而制科亦不與之為伍則難於信國者一也何公身為楚撫去國千里燕京之失既非鼎鼐之臣弘光之時又無推戴之功則難於信國者二也信國奉使矣何公之時良玉東下闖寇西來

讀史亭文集卷十七

下

洞庭衣帶密邇故鄉上不奉尺一之詔下不妨潔身而歸則難於信國者三也客曰何公難於信國既聞命矣其功業可得聞乎曰此原其心可耳二公皆無功皆有功者也且夫乙酉王師已得鄂渚公臨星沙而長江險若天塹誰之力歟戊子之役三王南下雷奔電激國公劉承胤等牽羊恐後所在迎降而公獨間關翊戴出萬有一生之途危而獲安又誰之力歟念忠孝不能兩全遂有王陵之事則信國之不幸猶是妻子念中原不可久棄不辭姜維之禍則信國之授命猶待三年若夫地方之旋得而旋失一身之屢躓而屢起所謂皆無功皆有功者也竟歸一死以報朝廷二公之心一也客曰

然則公與信國有低昂乎曰非此之謂也信國已成之何公何公後日之信國也難之者進之也猶曰又一信國云爾是故宋無信國則一代之狀元宰相無光矣明有何公則一代之狀元宰相愧死矣所謂難於信國者此也至於史可法之死廣陵黃得功之死蕪湖又可得而次論云

讀史亭文集卷十七

讀史亭文集卷十七

下

讀史亭文集卷十八

南陽彭而述禹峰甫

讀

讀留侯世家

遷作留侯世家中引他事傳凡三見以世家不能盡而借他傳以盡之也如云及見項羽後解語在項羽事中說漢王使良授齊王印語在淮陰事中壁固陵諸侯皆至語在項籍事中且省文法也末段總結云所與上從容言天下事甚多非天下所以存亡故不著即前引各傳之意後及乃學辟穀道引輕身如此則從赤松子遊不難已呂氏乃體食之彊聽而食後八年卒嗚呼呂后非食留侯殺留侯耳世傳呂后殺韓彭獨遺留侯抑孰知留侯竟死於其手而不悟也后亦何嘗德留侯哉

讀陳涉世家

事之成敗豈不在得人哉陳涉之初王也曰素愛人士卒多為用者及其敗也以殺故人故人皆引去由是無親陳王者此成敗之所由分歟當其時楚將項燕為秦王剪所擒世人或以為亡故勝等舉事借之為名曰張楚則首發大難者楚也未幾項梁因之立楚之懷王孫心復以陳為楚是為真楚矣涉之借燕為名猶偽梁之因孫舉事乃真也故項籍起而收之滅秦者仍楚涉固早見哉宜其世家之也客曰六月耳何世家之為曰因

楚也涉不世家則項羽不本紀矣總一惡秦也否則何世家本紀之有

陳丞相世家

呂頤常以前陳平為高帝謀執樊噲數譏曰陳平為相非治事日飲醉酒戲婦人噫此言何以施之於呂氏哉呂后聞之獨喜且面質呂頤於陳平曰兒婦人口不可用顧君與我何如耳無畏呂頤之譏也由是言之平去審食其幾何矣宜乎陳平世家中獨引審食其一役為舍人侍呂后幸於太后連類而舉之豈無謂哉陳平曰我多陰謀道家所忌吾世即廢亦已矣終不能復起觀其子何畧人妻棄市孫掌以衛氏貴戚續封陳氏然終不得殆亦自知之淡歟

周絳侯世家

勃多戰功誅諸呂立文帝烈莫爛焉子條侯亞夫繼之有吳楚功父子二人皆下廷尉勃幸過文帝以薄太后免亞夫過景帝嘔血死於是漢世將相遂以廷尉為傳舍矣雖然高祖蕭相國固已開先矣貽謀可不慎哉

管晏列傳

管夷吾傳中首言鮑叔牙一事中間連用數知我發明晏平仲傳專言二事一越石父一御蓋者前則鮑叔為仲知己後則晏子是越石父御者兩人知己故末結云余雖為之執鞭所欣慕焉正甘心為御者矣其重在知

已之難使當管仲困厄不有鮑叔石父御者困厄不遇  
晏子則終身不免為辱人賤行矣何自而成名哉人知  
太史首傳伯夷重讓國也而其實所重在得夫子而名  
益彰所以有顏回附驥之說與此傳同意皆史之寄慨  
當世無人申救自抒其憤懣借古事以發之者也所謂  
不論其所著書而止論其軼事是也若不論軼事則不  
可勝傳矣

### 題跋

#### 書李鑑湖藏孟津先生墨蹟後

孟津覺斯先生曩為予言君讀書不多復不好臨池故  
書不工文若詩恰好後之為子錢桓譚者無如王癡也

讀李鑑湖藏孟津先生墨蹟後

三

予爾時猶未信今年春先生以疾終正寢予攜次兒始  
齋唁其里哭之慟曰此以後誰復規予者會是年秋鑑  
湖來自嶺南攜先生墨蹟凡四幅告予曰先伯子給諫  
篋中物也計汝家伯子與先生交唯予同子乃拓落不  
成一事爾家給諫為名臣起文達後三百年兩宰相昔  
杜預監碑峴山之麓一暨其上一暨其下曰安知此後  
不為陵谷乎後之視今予之置爾伯子何如也近讀伯  
子嶺外所著詩若文駸駸乎大雅卓爾殆孟津後眉山  
之與廬陵已予顧嗜飲不好讀書不曉書法不減替時  
爾家伯子又復化為異物予何時是吳蒙長進之日哉  
聞鑑湖言如助予之嘆息耳時宛之老友李含章在座

略知書然鬚髮皤然矣

#### 書夏人淑詩後

予去歲客鄂渚與漢陽太守傅夢築飲大別亭上時人  
淑來自孝昌攜所著文若詩質我我讀而異之年來竟  
陵習氣中楚人膏肓海以內耳食之夫亦如之人淑獨  
憂憂竟陵務去自成一家言此後遂稱孝昌無疑人淑  
勉乎哉白雲山砦八千仞穴有藏書數百卷此後與祝  
融二酉乎爭雄何必竟陵

#### 破門書懷素帖跋

吾鄉王尚書覺斯書法中龍象也嘗謂我曰彼懷素惡  
道也不可學應之曰懷素非惡也乃學者惡之耳古今

讀李鑑湖藏孟津先生墨蹟後

四

甚大書法如林懷素能以一鉢傳豈意流毒至此尚書  
曰是也但學懷素無佳者耳皆懷素罪人也吳僧破門  
與予交二十年先是以懷素著吳越間後乃駐芝岡懷  
素名日益噪予噪之也世人亦從而噪之破門為破門  
如故或疑其筆法不甚肖間或反其所為以問破門破  
門不答予為應之曰此其所以為破門也此其所以為  
懷素也如必破門而為懷素則懷素當年更復何為得  
此解者淳化一帖可類推矣

#### 破門臨十七帖跋

書中之有二王如文中之有韓柳詩中之有李杜也前  
此更無有之者乎曰有之矣自篆隸變而為楷書草書

晉始之右軍始之也王荆公漢於字學指右軍以為俗書言其瀟古去篆隸遠耳俗書者通俗之謂也非世俗也自晉以後學書歸焉貞觀大盛太宗至以為殉祖之不得復祧宜矣子獨怪世之書人單臨聖教序一帖競趨圓熟以為赴安媚者在是相沿日久至乃俗不可醫則以為俗書亦可也近世曉臨摹者亦知專力十七帖造其極絕少禪友衡山破門以懷素名家餘勇乃復工此亦不恒書予在桂林日忽得一卷讀之時予署中有老樹一本蛟螭蜿蜒陰雨呼號展讀其下覺神物與之相長則此帖遂為破門絕技無疑特書數字以俟賞音

趙興寧詩跋

讀李本集卷八

五

予自今上定鼎遊楚者凡三中間歷仕諸公其以政事見者有矣至於才華瞻舉博涉詞翰曾未數見也直指趙公沉審端嚴風裁孤峙發為詩歌自為一體自出都至渡湖所著凡若干首一披讀之如登祝融絕頂夜半觀海日磨盞跳擲雲霞萬狀令人神魄肅栗如風櫓過洞庭嘈吟鏗鏘耳後風生渤海倒流蛟龍隱現二事者楚觀也公詩有焉計十五年來遊楚所得在此矣欲不引為知己何可得也

書蜀人戴廷對詩後

蜀風不載十五國至秦張儀始開山川奇拔誕為人物英秀甲天下前有司馬相如揚子雲後有眉山父子千

古成都生色劍閣內外江尤翠嶺澎湃宜其為公孫劉豫州所托足也歟今晤赤存年丈著書滿車皆自成一言山川顧不驗哉

又

沅芷為五省之喉苗疋鳥蠻雜土而居馴則人駭斯走險昔人念重地特設填撫彈壓之與南顧鄭襄等今十六年滇黔始開沅芷開之也征車飛輓冠蓋相望無虛日吏茲土者實難我友亦存自蜀來獨咄嗟立辦唯其才也吾是以重服其人

書盤江墨刻後

鐵橋為滇黔襟喉對山壁立萬仞石峻嶒爭傳如胎銅

讀李本集卷八

六

積鐵下潭碧綠森沉與石相觸跳湧迸射怒濤雪捲霹靂列缺相關一虹穹然不任舟楫予自滇藩南移為絕句紀事掠於河伯今亦不存今年王將軍鐫墨刻寄我如對將軍如在此橋

贊

制府獨造灘江軍庚贊

江楚粒米踰嶺而南風濤歲時舳艫維艱或則暴露或則蒸濕有一於此莫得而食公曰積貯國之大命蓋藏靡所軍民交病爰創邸閣於灘之清京斯抵斯白雲屯用蔽風雨用祛鳥鼠度支殷陳取諸鐘釜狼狽飽餐萬竈烟舉鶴膝犀梁驍騰無比東扼閩粵南控黔滇拓

疆萬里作收秉鞭

芝舫贊有引

粵左轄胡德輝公解旁築精舍三間顏曰芝舫昭其象也芝者舟所畫也猶之鷁也四座軒殿如在江湖同友人落之爲之贊

桂楫蘭舟朱薨華堂水耶陸耶五嶺之旁儲胥南天嶺垣是依梯山航海九郡來歸惟此西粵南海蒼梧彭蠡洞庭左右吾廬民斯水也誰其舟之錦纜牙樯長年爾爲春水是凜衣初是警國計民岩罔或靡懲呂梁匪險泐波能興如墜溪淵何必高陵昔有畸人浮家泛宅所樂匪水朱方亦得憶昔樓船下瀨而南武帝雄略兩定

讀李太華十八集 雜記

七

雜紀

記遊清涼寺

順治庚寅之孟夏自岳陽西南城登舟同芝山叅戎李東斗坐臥舴艋中時天氣漸暑茶鐺蚊幕相對如甌白衡山解纜登岸入清涼寺萬竹陰森屯雲瀉霧一松立佛殿後高十丈廣亦不下八九圍上面結毬如車輪蔭維數畝蟲鳥啁哳作聲肅中禪師自邵陵來說法座上雖僧列如石攤楞嚴經几頭不息不汗恰爲竹松氣所攝似不關和尚法力唯肅中當以行路爲知言

記衡岳僧罷中

廣陵橋上秋濤如箭爲草如油望兩岫朱閣綺疏掩映簾幙間聯媚修嫋爲區中士女冠往來車轂輻輳舳舻啣尾北岸淮水幽咽潺湲南即大江波聲嘈呖鏗鏘金山如拳虎踞江之腹絕巔多枇杷楊梅諸樹煙雨空濛覓不見山微聞鐘磬音飄渺雲際知有僧巢其上予乃艤舟登岫夤緣如猱飲浮玉泉水可數升是時櫻桃方爛熟僧以磑磑盤噉客無算事在甲申距茲凡七年而往已會菖蒲節後五日驅車來衡喝甚啜茗招提中晤僧麗中少歲貌清瘦頗能作近體人鮮知者出囊中二首爲予觀之因悉其爲廣陵人言予舊遊是觸予之懷

讀李太華十八集 雜記

八

想僧何日棹舟東下上金山頂當有老僧識予者爲爾告由來是亦佛印之流也

陳時夏出遺詩記

予曩在晉陽時著有友杞齋詩凡若干卷近十餘年蠹簡殺青爲友人篋中物蕩爲烟燼又靖州之役半世雕蟲化作烏有每用惋惜會壬辰秋月爲時夏初度予往壽馬酒酣夜半談及前刻詩若文時夏朗吟輒數十篇爲言曩時寇過於河干黃茅中得破楮幾片陰雨蝕剝畧得字形年來疥病相尋與親知交遊日簡時置此物床頭自娛君十餘年行徑在吾曉中予爲索讀強半兵燹以前亂離發憤所爲作也如讀誤書如出他人手乃

與座客狂呼浮白漏四下就枕主客俱齁酣睡入醉鄉矣予猶不能寐蓋歎前作之失而復得何啻王弼冢內復出人間始信壁中書與腹中字雖秦灰不能燃也時夏知我遂起而為之大醉

### 海棠記飲

壬辰七月八日與李鑑湖小酌家之東園暑氣蘊結飲甘州枸杞酒視巨架上螽斯鳴喧如急絃繁管輒輒動人時露華濃未散海棠牙石壁中膩理冰膚亭亭玉立尚不花凝露欲滴大似班婕妤好感秋風泣團扇時也因憶往年此時在祝融峰下粧粉紅綃大都已按部爭妍矣

### 記石橋

陳竹黃所居屋西角有大石橋如玉虹蜿蜒蟠首矯矯每風雨作河水瀑漲如磨牙伸爪與霹靂關橋西偏有古寺寺多楓柏樹葉如符篆四方遊人驛絡至曲汀幽島鳥語梵音相雜宜暑僧時以苦茗觴客是竹黃之別業也馮斗垣自是佳勝與竹黃善聞此處曾一遊否否則當補之

### 記馬領若談方竹

予自戊子寶慶來過洞庭遇風險甚次君山下聞道士為予言其上有方竹云竹在山之後有虎虎喜咆哮每賈船在其山麓恐輒去僧子往來廷客亦執是說相恐

故予竟未得見所為方竹者壬辰之秋自宛來慈叔度園聞馬領若談方竹甚悉園之東隅別有簷簷有淚痕是曰湘竹此真君山種也至方竹者將於何時親見之乎我且從領若求見所為方竹者

### 漢上寄譚擬陶記四則

辛卯二月自漢陽策蹇從陸路望襄鄧進發小憩漢陰之西垌清涼寺時綠楊垂蔭黃鵲織茂林中韓僧烹茗談半晌又出惡楮求書為二絕粘壁是年秋季自吳來復泊舟此處見和者甚夥建利令蘭君作尤佳予媿矣

又

今春騎馬漢陰道上至約價步口荒寺寂歷破碑偃蹇

漢上寄譚擬陶記

淺沙日且下春風又屬宿僧土室繩床上冷氣浸寒從隙中來遍覓旅店無酒寺貧茶復不佳通夜不成寐清晨將發為書半幅寄譚擬陶秋九月又至則聞擬陶郎君且登賢能書乃對雲師共醉

又

是日發仙桃鎮行竟陵道上杭膳麥隴陌斜阡橫墟烟垂柳青嫩作態牽客裾馬上薄暮抵約價口僧寮蕭櫺四壁無完堵瓦鴿三五巢簷牙下東隣茅屋即為健兒圍扎用傳郵符僧用是稍妨淨業

又

曩予校楚士江南北執經來者日不下千人竟邑宿號

多才三十年來爲伯敬友夏樹海內騷壇赤幟生茲土者膽氣爲兩公所壯文心力學較他處往往得爲卿子友夏有弟元亮著作弘多難其兄勉旃且驗予言不誣

記與慧思飲

慧思今年自商於來醉我東園時傾花竹下鷄冠與紫薇映帶殊快人意酒不大佳念昨年此月方在潯陽對廬山共醉是日大風鼓柁齊安江上浪如銀濤與武昌山爭壯今得在家園與新知酌村釀差足樂曷得不醉

記獵

壬辰臘月十五日完鎮張奎卷移節穰州率虎士萬人羽獵東郊飛石走馬兔起雉雉股股轟轟但聞霹靂聲

讀李太公集卷八

十一

喧金鑊亂沸將雲夢不足勢豈甘泉之所能賦予時宿醉未解拉友東臯作而歎曰人生貴適志耳風毛雨血耳後火出有以也繼此遊者何日乎

漳水記

漳水南北多古陵岨嶂如山迤南三里爲孟德銅雀臺者三焉陳思作賦者此也行人每至鄴道上霸氣文心觸馬首而來望西陵在太行山下略可想獨是近滏城一帶亂塚不可辨爲昔人建都將相之墓大約似洛陽却山上非曹疑塚之說也

石虎記

禹山南麓爲石虎三枚距三里爲陳氏岡一虎踞伏全

踞在麥田叢棘下每風雨至乃輒吼自陳氏祖父相傳數百年物矣或曰是古將相華表前石馬麒麟之類或曰是石也結虎而成像者如李廣夜來所射是也都不可曉予爲兒時見而怪之以爲此物會且搏人不則寧爲澤中之麋耳何以虎爲

木芙蓉記

嘗讀離騷有云芙蓉蓉於木末解者與緣木求魚之意同言乎宗臣不得意爲是枘鑿之言也曩年客朱陵署中有樹如楝花開三秋如芍藥五色離陸父老指之曰此木芙蓉也予始恍然以爲向者固有疑於楚騷之解

讀李太公集卷八

十三

寥芙蓉於木末蓋爲此木芙蓉言也前解局音千里後遊粵此樹尤多滇中茶樹有高十丈花似牡丹更勝於此若不親見鮮不以爲木芙蓉而疑之

種竹小記

庭前栽竹十餘竿皆雨後移來七里河上許氏林中物也每一雨箇輒穴一區過月有奇不繁乃竟亦不枯本草云栽竹無時雨便宜良然殊不解不繁之故或曰今年栽來歲應殖且蕃予亦曰是固然偶州刺史湖州高公過我見此竹爲詢其所以則告我曰竹人云十人栽竹一年成林一人栽竹十年成林子因大悟凡物孤其幹者傷其心繁其族者引其類惟竹爲然不惟竹爲然矣公越人去會稽縱隔一錢塘水傳曰東南之美者有

會稽之竹箭焉詎欺我哉

盆魚小記

今年郢城侯遊擊貽我紅魚十尾剛盈寸有蘇瓊中日取郭外池中小蠕蠕喂之不一月魚都變化非本色有鐵者有銀者有鐵而銀銀而鐵者有雜色陸離郁郁紛紛如蜀錦齊紉吳綾越羅者有似池州錦駝鳥武當山畫鷄者各以類成不可名狀間以麥麴作胡餅餞之踴而上與藻荇為牽率啜喋游泳以戲主人不知在郢上又當何如

曹疑塚記

予以歲乙未秋攜起兒赴武試北上宿鄴北豐樂鎮見

讀李太公集卷八雜記

三

壁上題銅雀臺詩甚蒼壯詩人為楚黃汪拜石惜其太罵不足服曹公乃即韻和之凡以甚天下後世之學曹者既見予詩序中及抵邯鄲南郭則讀白下張幼仁作可謂先得同然獨是疑塚一說不見正史及本傳後人見鄴城北馬鬣景繁如置碁故從而疑之夫稱智莫如孟德石柳銅南山之事知鄙而不為如為七十二塚定有一塚即真在當時治葬工人及戚里臧獲豈無一人洩其事者如謂真塚在七十二塚之外此又不辯自明曹公又何樂此無益之舉哉且其臨終囑後事慈念及兒女子及香履脯精望西陵諸瑣細此又何嘗示人以不測哉甚矣後人之好怪也然則景繁有說乎曰此勿

論建安以來貴人佳城多矣即如石虎賀六渾諸人俱建鼎於此一時王公將相皆安往乎恐七十二塚之外其為湮沒者不可勝數此地下者惜其姓名不傳而皆指為曹氏鬼也於曹氏何有哉雖然世人以疑塚二字以苦李置之所以銷亂世推埋之奸與夫牧羊童子焚驪山之禍也此仁人君子之說姑疑焉可也

石船記異

祝融峰絕頂之南天門舊有飛來船自有此山即有此船長可十餘丈舳艫皆具但少布帆黃頭郎望湘江衣帶不即飛去予客歲遊嶽望老衲曰此物且去今秋黃廣文自衡來以為雷雨作此船無復存矣

讀李太公集卷八雜記

四

記鄧道人事

南嶽南天門外有丹霞寺傳為高衲鄧天然開山此衲遂為此山祖師云予以丁亥暨庚寅兩臨其地得山記讀之言鄧為吾宛人丹霞又宛山衲燒藥於此移本土舊名猶之春陵今在道州署宛之白水鄉也天然本傳言其踏木佛出舍利嶽僧至今艷稱之丙申八月予再遊湖湘未登嶽旅次衡之呂公祠晤羽人鄧年可二十七八許先為豫後乃遊楚作道士不復僧矣噫豈天然之宗姓歟吾宛仍有名山如天封大孤桐栢西鄂諸峰青碧插雲表拱揖嵩少永鎮中州幸勿似爾祖天然再輕移向此中也

蓋封之

諸葛丞相在成都緩中原而先事南中論者以失先後輕重為短長曰非也自得南中而蜀以富強孔明之能自立國在此此其意司馬錯得之秦漢皆然何獨臥龍蓋封之黔州人仕漢最久稔漢中山川形勢予嘗與之論史然予說請數言質之且以別

張一菴聞戎

桂林之遊得毗陵張一菴為文酒交每暇時則乘肩輿出東郊觀星岩青蒼壁立峒穴窈窕之勝倦坐蕭寺漁歌唱晚而歸一菴才既淹博詩文出流輩會予所親鑑湖攜其伯氏集一卷一菴共讀以為不刊之書知言哉

一菴乎未審當世文士有如此不

呂補菴

鄢郢楚舊都秦豫山東迤數千里至此而盡故曰竟陵風物淵厚為故國豐沛鄉挺為人文胥奇拔有屈宋之遺予向督學楚中攬勝江北如遊大秦諸國珊瑚寶玉之氣逼人矣今之賓守呂補菴作為詩章尤軍鋒之冠壬寅嶺外相值話往事距茲二十年如在南皮時也

李官說送林惠軒

古刑官兼治兵臯陶為士屬之曰蠻彝猾夏寇賊奸宄詩曰淑問如臯陶在泮獻囚左氏曰大小之獄必以情可以一戰刑者兵之母也能用刑則知兵矣唐因節度

設李官謂之節推明乎軍中事無大小皆取平焉後世以有司不能兼攝故為專官今之推官是也閩海林惠軒李昭州三年園草生民以無冤犴獲異類勿生戎心得此道矣歲壬寅有惠州之行醞酒江干贈以言稔知其昭州者如是路溫舒上尚德緩刑一書衍為子孫之福我聞惠軒令子林立鵬起者三可不謂天道哉縣此以往建旄萬里為朝廷靖方域有如此社肉時矣

夏鳳池

辛丑滇來居嶺嶠半載每登伏波絕頂北望祝融雲樹依稀白雁不來輒動舊遊之感未審故吏夏鳳池何自而至風雨叢桂下與所親鑑湖杯酒叙往事亦一快也

鄭尚清

嶺南在荒服外種落雜居燹後如理亂絲尚清以弱冠宰是邑卒安於伍閭左有起色宰臣為念是不足以盡才康熙改元為借牧高郵郵淮揚喉也漕運重地萬艘雲屯近兵馬往定東南者輒由之糗糒莖莖之需厥惟艱哉尚清鉅材寒帷往治乃事定不叢脞有鐵山相國者海內典型也遺廬尚在幸為憑軾人心知未忘孫叔敖也

魯大儒

黔山嶽嶽干雲下每臨絕壑稱左擔路四望皆鐵壁想見莊騫初開時不減五丁至滇南勝境勢稍散巨靈力

亦殫與圖不登春秋以前良有故漢武雄畧然亦多事矣

### 書袁一倩扇

吾鄉覺斯先生與我交二十年今下世又復十年生平貽我書帙甚多靖州之役不戒於寇失者強半間存敝篋者以浪遊萬里未攜每思其人兼思其書輒為腹痛會歲在壬寅袁子一倩來睢陽惠公為其先大夫所書一扇嶺外炎荒如公斯在何必中郎尋復辱以雲間所鑑法帖奇矣何隴蜀兼得耶書此志喜勿令妒我者見也

### 呂貞一二則

讀李義山集卷八雜記

呂貞一社丈子居嶺南時暇則過我為搗廼祖文簡灘山集讀之想見當年與江陵相公同在政府嘉謀炳如此魏公之笏也善藏之

又

沙塘距桂林城可二十里山勢迂迴清溪古樹巷藹朝夕友人呂貞一卜居其下手周易一卷無間歲時人勸之仕則亦笑而領之

### 李磐石

磐石先生自哀勞山走車里一帶達邕州入柳慶晤我伏波山下時方盛暑張一菴煮茗長松如蓋菴豆擎露為話鐵橋金馬之勝焚燹椎髻風尚舛互距蔥嶺大夏

僅隔蘭渚一水笑曰壯哉遊乎吾久不見磐石抑不知胸中磊落如此何減博望諸君使西域歸也

### 想園

予昔遊揚州因觀長干榮字及于氏兩園曲檻雕甍島嶼周迴蒼藤瘦樹蒨蔓虧蔽雲日太湖石笋有高十丈者至如暗泉飛瀑走潭窟激羽箭珍鳥雜喧不辨人聲時同遊者為孟津覺斯先生迄今二十年矣壬寅夏磐石來嶺外為我言家墅中想園之勝噫予未及遊想園竊意前兩園在此中或兩園所未及不可知是可想也

### 獨秀山

山在桂林城內向貯朱邸後宮今改作貢院山不知也

讀李義山集卷八雜記

四時多奇花異草古木楂柯朱樓窈窕冠其頂看九郡安南在臍下珍羽樓鳴入春夏沉綠艷紅引人勝佳未審先有山先有城予遊天下多矣城中山率無此孤生嶽嶽者即欲易名以贈山不受

### 胡君召

胡君召先生產豐沛之壤值鼎造從龍起關內遊秦晉征車所至多異政昔循卓傳至宣帝始著以高皇文景之世不勝紀也然河南吳公及廬江文翁則又未嘗不傳說者謂史失其名非也蓋當時不忍以名呼故史因之耳吾君召亦然今昭州西粵要害牙孽叢生自先生持斧至謠詠推髻丕變曩俗豈謂邊鄙固甸采之治也

豈不在治人哉

### 石荆山

荆山表姪自燕京別我且二十年辛丑之役復得聚首嶺外時已致身戎軒建旄矣每旅酒晨夕相對念及昔年里閭舊遊慙慙不置又自身列金吾走四方驅馳榆關漲海間未遂畫錦之願壯且老詢及粉榆惻然流涕知本哉荆山也二子英慧頭角巋然異時成立能似乃公之不忘故鄉乎余長荆山一歲偃蹇半生意氣減曩時視荆山躍馬食肉不及遠甚得不動人黃壚之感

### 史質輔

質輔固偉丈夫哉產荆州形勝地早負奇姿抱英雄用

請參本集卷十八雜記

九

武之思會世亂走蜀取上將軍如斗印既而煮海掌六詔離使者符通貢矣當軸疏其事復將大用公以祖母請且歸南郡噫世豈乏李密哉

### 丘安寧

往安寧守丘隱山為余言地方林剌山水之勝首舉湯泉次則虎丘余以庚子客滇神交此物久矣辛丑春即有嶺表之役刷馬者再復不果時郡人吳德昌至為余復津津言之笑謂此等風景無福竟不得彭子一言為九錫徒長萬里荒寒之地真可惜也為書數字奉訊湯泉諸名勝知禹峯猶非俗吏無情與山水作緣者也念之念之

### 張青芥

滇黔在西南絕徼秦漢雄主始收入版圖趙宋置玉帛之外識者終嘆不偉著作家亦然念生同文之世此等山川獨遁吾登臨所及文字之外豈非憾事庚子之役攬轡萬里正復為此今吾集中載有滇黔差快人意會青芥自金陵來過予讀而善之為劖劂以行余亦任之與司馬遷同意

### 回雁說祝李東園

回雁峰在衡郡之南郭孤矗盤渦上多浚松碧剌填咽遠控蒼梧厥名元始是不一端或曰山形類回雁故名或曰朱陵別邑產毒草砒霜隨陽自瀚海南下聞其氣

請參本集卷十八雜記

十

輒不利或取道彭蠡以東武岡以西為日南之遊若是則屬羽蟲也猶能擇地故曰鴈斷之鄉也計余與東園遊此且棲遲為仕宦毋乃為此物所笑曰是不然朱陵者壽域也南極老人居之東園伊祖玄元皇帝予先人彭城錢翁以八百歲為春秋與南極者鼎峙也如是則又何不可棲遲之有會仲夏十日為東園懸弧之辰援不律為作雁峰說以佐醪醑之觴東園河漢我否也

### 疏

### 再起接引佛疏

南岳絕頂是曰祝融蓋有火帝特祠云自禹碑石磴而下名剌如金碧烟縕矗落萬千推之四岳蓋不祇朱

鳥為然矣予以丁亥冬分求陽藩伯符得從鄉僧空印一為登臨約畧得神仙之髣髴而往牒所謂七十二峯者曾不得其三五緣以山多哈呀嶽嶽精廬蝸房或構結絕壁窮澗下世亦無從而名之會今年庚寅夏仲五月子有衡陽之遊憇江干清涼招提有僧海銛持冊來自烟霞峰為言接引佛遺回祿之變僵臥草間將欲維新莊嚴之座調疏於予且說偈曰維茲佛像丈六金身逢時不若焦燬劫塵鑄自星沙萬七千斤閱歷年所蛇虺慕慕願惟居士緣開生面再聞威神翕赫震旦豈只文字亦曰白業金剛不朽看此短碣予竊惟 皇清啟運草昧宣昭為毒揮戈重標嶺表之柱龍驤飛渡直截

讀史文卷十八

五

海外之驚是誠昔人所謂活佛不能救世 皇帝乃能救世允若茲又何所用接引為僧乃卷韝鞠脰頂禮階祀再為說偈曰惟先天聖人神道以設教禮樂非不明鬼神領其要矧茲南國俗厭名曰鬼方紛紛諸淫祀眎此誠批糠予乃應聲而起和南曰洞庭南遊四年矣繫馬衡山凡若干日先是駐求陽不兩月即有夜郎之役苗頑未格溪蠻不靖現身說法有醜宰官只此一事借衲子成名補過未晚乃為援不律疏其說如左若夫成佛作祖愧非慧業文人濟物利世當以問之癡頑老子耳

新堤修真武殿疏

漢書五帝唯黑帝未實隆準公起而實之在今日則朝廟所祀閭閻所饗玄帝之說也帝之居巍於謝羅一名武當在楚封內血食之盛比於園丘方澤前代文皇帝提戈北陸肅清萬里說者以為帝實左右之緬彼房州煥若帝居報本乎抑設教也南國江漢融為五岳之一以司火政武當特之母亦惟是以水濟火乎然而九有以之矣新堤距南郡百里而遙文星翼軫荊州沔口烏林舊地也有帝祠一龕圯於燹都人士謀而鳩庀之與為報本設教可繇不可知也楚好巫信鬼帝則神之威神者耳俎豆腥膻詎曰既佑享之易曰東隣殺牛不如西隣之禴祭實受其福此物此志也酉之仲冬茂才

讀史文卷十八

五

巴河修地藏閣疏

郭良史代僧執簿屬予為疏記之則郭生者楚人也哉順治辛卯六月自武昌發舟將抵金陵以十一日舟艤巴河登文昌閣觀齊安雲樹濛濛煙雨江聲鏗豁萬頃茫然真巨觀也閣左偏有刹一區構甫成園中菜蔬歷歷成畦冬青子與棗類葉相屬我謂無垢曰盍往觀乎入門僧即具六茗試客六茗中州所產比年山緒於寇作此者少楚吳間茗各以地稱天目新安遂擅名當世六乃退處僻壤不為世所指名問僧曰何處得來僧曰某亦中州人屬有僧自霍來篋儲若干甌分餉招提故某畱以酌土人餘不敢輕供也坐久乃詳言自河雒

告凶避地來此尋十年此地舊有地藏菴稱太乙右臂  
圯且燬僧從而新之匠伯繁會碧瓦文梁與竹頭木屑  
雜然在陳予乃詢以功德主伊誰則告我曰襄陽毛將  
軍毛將軍云子髣髴十五年前流寓大堤曾一把晤將  
軍將軍今奉 天子命肘虎符鎮撫豫章威名且隆隆  
起顧乃多行盛德事為此特地乾坤散藻丹雘武昌之  
山增而壯江漢之水增而深熟香告虔駿奔叢篁密蔭  
間往來揚帆而過者遙見此金碧龍嵒必且維纜舫上  
投地皈依悔吝蠲而寅畏之心生矣世間一切水火刀  
兵諸孽莫不成於氣運而先種於人心起於人心顯中  
無帝王而尤先萌於人心幽中無鬼神古聖人之治世

讀史亭文集卷十八

七

讀史亭文集卷十八終

讀史亭文集卷十九

南陽彭而述禹峰甫

序

侯楚督李公啓

伏以元老爲君股肱聿播雄風於赤縣尚書司帝喉舌  
旋瞻華蓋於朱陵玉質金相文昌武庫閣下盧龍華胄  
司馬名家元禮聲稱舊傳洛下臨淮壁壘尚在河陽謝  
元策淝水之勳髫年秉鉞公瑾擅江東之譽早歲登壇  
幕府開天雄畿輔爲神京肩背已嚴鎖鑰於北門樓船  
下江漢荆楚乃荒服咽喉更借長城於萬里五谿之蠻  
烟未靖非伏波不任將軍江陵之遺祚尚存惟衛公乃

讀史亭文集卷十九

一

稱總管夔陵接白帝近聞杜宇之聲漢水通岷江不借  
金牛之力既開南郡遂取西川子陽躍馬而稱孤恃險  
難憑劔閣桓公抗表以摧敵取道必由彭模况復西南  
之版圖原屬山河之帶礪莊蹻以將軍略地由黔中入  
滇池乃王靡莫之邦唐蒙以中郎持節從笮關抵夜郎  
遂置犍爲之郡聖世有分土無分民王者既有征還有  
戰緬茲數國之形勢統惟長子之師貞地既迅於建瓴  
兵還同夫破竹職方從海外雲連銅柱冥冥天使到日  
邊地湧金沙浩浩從此南人不復反無勞七縱七擒譬  
彼西夏解稱臣不數一韓一范某分叨督吏才愧書生  
浪遊南服者十年徒抱請纓之志景仰高山者數載欣

逢御李之時庸能挽銀漢以洗兵尚期聞鼓鼙而思將  
候楚張公啓

鴻鈞律轉陽春紫極動三能之色玉燭光連太乙朱方  
築萬里之城帝簡在心天方授楚閣下三韓閱閱百代  
圭璋舌為帝師黃石傳地橋之畧氣運斗柄茂先識寶  
劍之精從隆準於故豐功在平陽之右扈真人於白水  
名居高密之先在昔珥筆承明蘭臺遙映東華月只今  
攬鬱紫陌華蓋新開南浦雲爭雄長於漢上諸姬非復  
草輅藍縷之舊興義師於江黃蘖子還如包茅縮酒之  
年戰壘弔邾城陶士行勲名尚在寒烟墮赤壁周公瑾  
壯烈依然峴首足十年之糧輕裘不讓叔子西陵贊一

續李本集卷十九

二

統之業武庫直逼當陽某荒陬下吏蠹簡腐生對此鋒  
燹殘黎復值羽書旁午景春陵之遺軌難忘撫字之心  
慕武都之壯猷良非將帥之選情馳北面仰候南車

候湖南按院周公啓

彩筆出承明衣惹蓬萊雲尚溼仙舟臨楚甸檄飛江漢  
雨初寒三湘草木知名萬邦文武為憲嚴霜倍凜化日  
欣臨閣下東南氣館閣名流筆湧三江五湖之奇才  
據龍盤虎踞之勝蘭臺視草方士龍入洛之年赤縣乘  
驄乃司馬游梁之後維皇南顧特簡西臺念楚子原自  
雄風漢水方城曾已齊盟乎諸夏兼視融本司火政洞  
庭蒼梧豈復自外於南巡沅有芷兮澧有蘭嗟美人之

遲暮雲為車兮風為馬見公子之來遊望濂溪而訪遺  
經伊洛傳真儒之緒弔赤壁以揚鴻烈阿瞞銷僭竊之  
魂凡茲前徽君家故物况夫載酒問南樓月色欣同庚  
亮開尊鳴榔看青草湖光忽聽湘靈鼓瑟雲夢九百里  
全羅相如胷中銜岳七十峰不出昌黎杖底惟是遐荒  
卑溼民生些窳以偷安兼之戎馬雕殘天災流行而互  
至未陽不治難云士元非別駕之才春陵未寧誰倩杜  
老為道州之句某念載陳人半生朽質久遭放逐潯陽  
留司馬之衫濫辱新恩漢臯擬神女之珮重遊舊地實  
愧并州繡斧未臨高山仰止倘蒙伯樂相馬飾驚駘於  
天閑庶幾公輪掄材貯樗櫟為國棟將見收曹沫於末  
路因成壇坫之功錄馮異於將來未覺桑榆之晚綠茲  
乾繫未遂循牆敬草蕪函用將負弩

續李本集卷十九

三

賀李總督生子啓

虎節垂聲已見奇勲推帶礪熊祥叶夢復聞奕世重箕  
裘當英物奮生之年正王師捷伐之日喜溢南國歡動  
屬負閣下三韓閱閱歷代簪纓四世三公象笏簇聯床  
之盛五侯七貴魚軒逐寶馬之塵談笑而靖趙邊名滿  
雲中代郡指顧以開唐祚功成雪夜淮西始張幕府於  
澶淵領魏博青淄宣武諸道爭傳鉅鹿之軍旌旗曾照  
長安月旋錫彤弓於江漢合百粵陸梁南詔之驍獨控  
建瓴之勢鎖鑰全歸萬里城惟此熊繹之舊封喜見仙

根之挺秀陶太尉建八州之績戮亂江東宜象賢之輩  
出郭令公統九路之師平定河北乃錫羨之無窮鍾星  
流嶽降之祥胚胎結成將相誕南陽豐沛之里襁褓便  
是王侯黃鶴磯頭抱鳳雛聞聲者如出丹穴鄂渚江上  
奮龍媒望氣者指爲渥洼建襄陽之殊勳前身知是羊  
開府恢武昌之霸業生子真如孫仲謀從此白馬誓黃  
河爰賴功臣之苗裔佇看紫泥開赤社常襄奕葉之金  
甌某三沐將誠願獻華封之頌一自馳賀如披玉樹之  
風

復線伯小啓

爵下三韓華胄百粵長城越絕傳君子之兵渡長淮而

讀史集卷九

四

問秦晉荀卿論天下之將張舊楚以睨孫吳玉帳臨河  
魁白起原是瞿子鈞陳出紫極棘門何啻嬰兒甘陳懸  
萬里之旌衛霍增五等之秩在本朝實特典於先王爲  
有光某一介書生久愧封侯之相三湘勞吏謬叨上公  
之知想元王設醴之情移生之座未冷感錢君祖饒之  
意太真之酒尚溫顧五月蒞潭州望嶺外之樓船真同  
天上乃七年別幕府想河陽之壁壘如在目中漢家不  
棄先零故勞充國爲方畧唐室遠開六詔因煩南平以  
經營行看柱勒銅標聲靈遠過朱蒿之郡竚見鼎將金  
鑄山海潛消魑魅之形遙捧良翰因風感舊言念夙咎  
搔首如何逐馬蹄於淮西濫叨裴公之帳仰狼封於瀚

海願勒班固之銘秋風蕭蕭黃花燦燦固已身羈長沙  
之國心飛尉佗之城矣

與黃鵬湄方伯小啓

台臺琮璜上器奎壁名流植玉笋於蓬壺冊府食神仙  
之字孖牙籌於軍國封侯推轉運之功飛輓雲集於東  
南見牛車擔石之相屬謳歌日普於江漢誠催科撫字  
以兼收邇者南荒多事聖主焦勞呂嘉睥睨於粵州未  
奏戈船之績雍閩跳梁於溪洞尚勤瀘水之師一切士  
馬輻輳冠蓋紛紜靡不望武昌爲積廩計皆伺方伯以  
唱籌常平之米一時獨重於耿侯運漕之功奕世同符  
於劉晏矣某念載陳人半生滯跡追舊雨於長安思黃  
公於江夏燕關千里一別經年木落霜寒嗟洞庭橘柚  
之已晚郵筒書至與衡陽鴻鴈而並來念良友於金城  
轉瞬還圖麟閣召明公於華省回頭卽是鳳池

與中州朱學臺小啓

台臺學富天人胸涵河洛精誠辨白下之馬識足鍊於  
吳門星宿探黃河之源鑄羣材於梁苑中原草昧於馬  
重光下里文風由斯丕振治叨產豫州之鄉久知海內  
之有文舉究心誠正之業敢忘翼聖之有新安緣以念  
載陳人碌碌戎馬一麾南服悠悠關河徒屢班荆未酬  
御李敬因鴻羽專達典籤非忝蒞草敢勞掌記倘緣愛  
屋及烏葑菲無遺下體庶幾拔茅連茹賓王利用觀光

讀史集卷九

五

敢曰小子有造期今日作狄門之李母亦以人事主為  
明公調傳鼎之梅

與孫理刑小啓

山東

明允司徒尉之平春蒸白水祥刑勤士師之職道濟蒼  
生擲地金聲久傳天台之賦半天鸞嘯如對蘇門之遊  
前以阿蒙甫離襁褓謬叨寵顧榮溢圭璋從此轅下之  
駒便成血汗庶其標櫟之質希冀棟梁某念載駑駘  
跼塵路一官鷄肋斃繁行間徒盼五雲久虛三沐洞庭  
衣帶望東海以朝宗老馬玄黃借孫陽而增價

賀黃布政陞太常啟

與朝鼎鼎清廟琮璜窺制作於承明代傳燕許之手擬

讀聖文集卷九

六

衣冠於華胄蓋稱王謝之家象笏連床虎觀接武譬之  
飛仙脫胎無不遊蓬萊而棲閭苑還如活佛救世有時  
拔火宅以渡慈航既視草夫鸞坡名在敬輿永叔之上  
還唱籌於鄂渚業與關中河內比隆所以朝廷無南顧  
之憂將畱心於制作兼之明公有北關之戀宜晉秩乎  
夔龍叔孫陳綿葛之儀遂開西漢文治桓榮正夏老之  
位爰啟東都典型某荒微俗吏草野孤生紫陌紅塵回  
首憶燕臺之舊同心不啻如蘭朱陵湘水撫膺念江夏  
之知異地忽聞折柳比蟹芒之貢從沼沚以輪誠緘雁  
陣之書向關河而問訊邀光行李如再班荆

迎柯提督小啓

台臺韓彭碩望衛霍雄名屯田得江漢之心嵬上曾傳  
羊開府據鞍定蠻溪之亂湖南再見馬伏波銅鑼響而  
玉露寒瀟湘秋滿芙蓉鐵騎嘶而金鼙發翼軫星臨  
虎豹關三鼓奪崑崙狄武襄不足方駕七擒渡瀘水葛  
相國佇看齊驅嗟此羽林之健兒忽作潢池之赤子叢  
祠夜嘯竟比漁陽之戈反面稱兵敢作桂林之戍義旗  
南指赤沙湖草皆春貫甲星行朱鳥征鴻不度某自列  
大堤一官南楚共醉檀谿之月久識大將旌旗重遼湘  
水之濱遠瀛新知杵臼合江亭上一尊酒夜來聞與霸  
之聲雲母山頭半幅箋從事傳劉弘之紙謹介使以通  
札聿長跪以綴辭

讀聖文集卷九

七

迎雲撫表公啓

天意眷西南旬服開梁州之外帝心崇鎮鑰文昌簡  
奎宿之司越裳白雉重來交趾朱鳥入貢恭惟天目儲  
精易京濟秀探秘書於宛委流玉冊金簡之輝移仙仗  
於盧龍具慷慨悲歌之氣東漢王基再造全憑南汝箕  
裘元豐鼎運方隆復見眉山兄弟蓬萊殿下風雲聚丹  
宸近接金閨鵲樓頭歲月淡白簡遙通銀漢惟茲  
皇帝之十七載會卜純嘏於億萬年前此夜郎未通誰  
謂祥柯可下今茲昆明已開佇看靡莫來朝帝曰欽  
哉惟夏官為我再標銅柱公曰俞哉顧微臣敢不誓斷  
鐵橋爰頌神駿於上驥將歷塊過都衝雲霄而直下載

資精鏐於天府俾投醪挾纊布恩澤於旁流持節而遣  
中郎節竿并馳共隸版章之內望祭而勤旌略碧雞金  
馬關入王會之圖路由燕邸而青而徐而吳而楚而黔  
萬里旌旗搖夜月時從孟夏之五之六之七之八之九  
千山草木正秋風黃蝶夾朱輪漏洩城邊餘戰壘野干  
避寶馬梁王閣上半浮雲攬轡而收六詔之山河韋令  
公再奏六成之曲按圖而索五尺之道路元微之重歌  
獻地之圖某學愧難碑識慚魚陣仰絕才於凌雲聊負  
弩於司馬賡高吟於梁甫見渡瀘之臥龍

迎雲撫啓

氣肅金韁帳裏風雲應改色權開玉斧米前山谷盡成  
形鯤自北而圖南即是天池舊地鴻背冬而涉夏遶當  
嶺末秋風恭惟某珠莖名流蘭臺碩彥當漢家制度初  
明之日適值賈誼挺生際六朝文字衰弱之餘乃有昌  
黎孤起轉三江五湖於腕下彩筆怒錢塘之潮貯燕山  
易水於胸中雄陣奪漁陽之壘螭頭豹尾十年傳水旱  
之書麟閣鳳池九列重棘槐之上始明刑而弼教既奮  
武以揆文惟予一人念越裳在重譯之外顧瞻九有乃  
百濮少控御之人秦開五尺道而置官漢遣中郎將而  
授吏爰歷晉魏俱隸版圖即復六朝亦歸侯甸自唐失  
其馭而段蒙遂生割據之心至宋氏開疆而莫靡竟置  
山川之外遯矣有元之世由吐蕃而入金沙猗歟前代

之隆走烏撒而破曲靖蠢茲不腆敢爾橫行渠魁螳臂  
以稱戈久作榻邊之睡我師鷹揚而直搗忽成釜底之  
遊顧三路疆宇雖收而萬姓瘡痍未起建興戡雍閩之  
亂以謝太守不敢輕易留兵貞觀冊龍佑之長以為將  
軍未幾因而遜位以及虔陀釀亂於天寶爰興緬甸之  
師兼之仁果繼絕於元封載動巴州之舉惟茲荒獷實  
藉經營乃推轂以簡鉅公遂授鉞而任長子霜蹄蹀躞  
天閑飛下龍媒白鏐輝煌泉府流出金液雷霆震疊乍  
沸桑乾之水日星照耀平開碣石之雲中丞節鉞下江  
淮念漕河衣帶忍見東南民力之竭大將樓船連漢沔  
顧長沙郎閣還憐楚豫財賦之窮鷓鴣啼處五溪寒沅  
芷流伏波之月芳草歇時王孫去夜郎留太白之祠歷  
夏徂秋王程萬里舍舟而陸客路經年諸葛洞裏陣雲  
滾馬首雄圖還入陣關索亭邊黃葉下車前霸業笑三  
分華陽黑水梁州聲教還符尚書之紀葱嶺流沙大夏  
方嶽遠出王制之年某才慚畫虎學愧雕龍出囊穎以  
無從徒自因人碌碌坐玉關而空老轉憐為政平平欣  
榮戟之來臨知是臨淮壁壘想節樓之伊邇如瞻細柳  
旌旗執爰前驅望塵遙拜

冬至上總督啓

日暖文昌八座圖書歸掌記風清畫省萬方黎庶待調  
元火精霜簡齊輝麟閣狼標爭耀台臺法三光以理陰

陽上公列東面之位象五嶽而節風雨尚書東北斗之  
司當茲滇黔來歸正寢兵肆樂之日況兼吳越底定乃  
陽歸陰謝之晨律已奏於黃鐘三湘七澤皆南極喜冬  
日之來臨宿應次夫殷昂珠星璧月映楚疆見陽升之  
薦至某才窮五技行鮮八能識既愧夫桓譚無能著新  
論以考曆數學復慚於左氏每欲因分至以望雲臺欣  
逢亞歲休徵喜見推元妙用敢云履長有賀能讀玉燭  
寶典之書庶幾周極逢時竊附易通卦驗之義望黃鶴  
而引領傾耳聞絳騁之聲對衡雁以南征翹首見牽牛  
之次

尺牘

與黃學使彤沐

明公一代儒宗兩河師表握人間之水鏡龐德操再起  
襄陽曜天上之奎星蘇子瞻新來蜀郡某伏處下里仰  
止高山舊矣昔源簡師秉憲汝南某爲諸生曾以小試  
入宛謬承首拔正如柯亭椽竹得蔡邕而發响太行鹽  
駒顧孫陽以長嘶士爲知己報歎王孫蓋耿耿二十年  
於茲矣去冬百粵得晤君家太平守蒼梧杯酒天涯話  
舊乃得吾師近狀今而後喜可知也今草昧新開人文  
聿起昔沛公得天下於馬上陸賈公孫通講說詩書建  
武之際投戈論道范升衛宏諸大儒稱述舊業漢家四  
百年文治托基於兩祖比於武事蓋與韓彭吳耿佐命

創業諸雄分功矣洛邑爲天下之中五方風氣於茲聚  
焉此其責今日蓋在使君矣惟是宛汝都會前史每覽  
稱之年來潢池弄兵中原化爲戰場聖宮茂草士子菜  
色劉桓公教授江陵與生徒備列典儀顧乃素木瓢葉  
以爲俎豆桑弧蒿矢以射菟首今日宛南得毋似之乎  
抑聞之扁鵲之門不擇病人匠伯之堂不棄曲木有濟  
南伏生不患無千乘歐陽與夫大小夏侯氏也借司李  
任君爲道郇意校士竣擬一騎星馳握手弔濶尚待後  
命耳

與王太保覺斯

客歲仲夏拜別燕邸自桑乾河而南遙望函丈便在五  
雲淡處落落遊踪秋來一葉洞庭霜紅在道白鴈在沙  
煙雲輻輳鐘鐃萬頃佐以衡陽一帶九面青螺硯肆八  
千餘仞橫亘零陵星沙間可四五百里祝融有岫嶂之  
奇葱蘢倒披蛟螭怒挈嶽麓李邕碑陰森漫漶蒼殘  
缺可讀俱奇觀也恨不同公來遊以如椽大手潑墨濡  
毫令此等山川鬚眉皆動照耀千古耳繫馬求陽甫匝  
四月於五年三月內卽有恭順王撫黔之請地方初闢  
元猾未殄某以孤旅創艾重地濱死者數矣今大兵已  
抵岳陽則楚南粵北五溪牂牁之間料可唾手蕩平方  
之古人如馬新息柳公綽段文昌與夫諸葛丞相之烈  
始不甚相懸絕矣公石渠東閣間校讎國史當有經世

鴻章照耀簡冊某以貴州黎平失陷奉有戴罪任事勅令安綏地方之旨只得勉強馳驅隨諸賢後奉鞭弭從事或當仰藉庥庇展厥尺寸以無負先達知遇耳長兒北來代拜堦墀坐瀟湘樓上遙望高梁月色在襟袖間矣

與黃仲霖督學

時提督兵駐邵武

嶽麓江上居停倉卒遂復分袂西來炎暑泥雨胥途五月初旬輒抵邵邵召也即召伯化行南國處郡城東三十里蓋有召伯祠暨甘棠渡云樓樓旅人日與兵子語鮮暇晷未臨其地聞棠樹鐵幹銅柯扶疎四十丈數人乃合抱之此三千年餘物也計宣尼手植檜在曲阜者

請事文集卷十九

十三

遇此可稱阿季若孔明廟前柏則益益間茉莉秋海棠耳容當選期為此物作頌付郡乘不敢遂曰賡蔽芾三章也沅芷為入黔門戶自當事者聞警入星沙皮張諸渠乘勝長驅席卷而東七百里偽令直逼新化弟出銳師擣之頗獲奇勝賊以卻新寧苗徭雲起數十柵寨營壘相望郡城旦夕且不保復得我兵間道兼程出其不意迅掃之新寧平武岡為陳賊困圍凡三閱月城內粒米成珠善馬肉為戰士糧勢必再難久持黔旅饑其中者七百人王兵別無一人應援者武岡不守寶慶尚可言乎寶慶動則衝永長沙間盜賊蜂起直待王師到時收拾又得半年此其大可寒心者也若夫南有何郝北

有王馬可曰姑置此數子於度外乎弟命久未見綸音局外人為局中持籌未免越俎大氏如處漏舟安危共之不得不於高明商及此也

又

述以五十之年交遊半天下自分生平知己二人則弘農覺斯與新安之黃仲霖也覺斯下世仲霖又復遠在天末述棲遲故山天南地北遼絕萬里不能歲一把臂如湖湘煙波間以為恨此情誠何以堪每私念仲霖才鋒逆射如干將莫耶光芒陸離辟易萬人當今罕見其匹即置之古人兩司馬揚子雲劉更生不足仿其辯博也若夫通達國體爛熟史事上殿如虎遇事敢言波濤

請事文集卷十九

十三

雲湧詳委萬端則陸敬輿蘇長公陳同甫諸君難為伯仲矣以如此之人而顧時常蹉跎不能一日立於朝廷之上而又皇天不弔命與心違江總抱失陳之悲庾信懷入關之恨棲遲偃仰與時浮沈知仲霖者能復幾人而世之不知仲霖者且謂仲霖亦復官矣嗟乎左手挈天下之圖右手扼其吭愚夫不為此豈仲霖之意哉述以戊子投劾堅臥里門種秫燒芋擊缶炮羔與東隣老叟共醉覺即此是桃源獨恨當世英雄如我仲霖尚多一官初志未遂何時得似禹峯前年忽聞邸報為鄉里小兒所苦亦復歸來不覺傾牀頭濁酒盡一石曰舉世甚大不能容一仲霖哉既而笑曰乃仲霖自為之耳仲

霖本意遲之數年而後決夫亦有所大不得已乎仲霖才名既重江左偏安之際奸相持權請劍以斬張禹憤帥犯關露檄而討王敦仲霖不幸而身預其事為當世所指名則前此一官所謂聊復為之耳今日者可以著書可以學道仲霖固爰得我所矣是真禹峰知己矣後世之知我兩人從此始矣荆臺隱士固不失為前進士柴桑罷印綬亦曷嘗不入十日哉以鑑湖遊金陵聞仲霖客蕪湖書此寄訊鑑湖仍有所遇於東諸侯當不吝河北一紙書也小詩煩作一序為遜次而傳之世之知有劉豫州者又安得不重念北海哉

與王念尼督學

蘇軾文集卷十九

十四

二別山頭兄弟各持滿一觴孤舫南來黃葉蕭蕭爭下今洞庭木葉復爾歲月如駛良晤不可多得為之增歎弟於黔之役歷夏及秋俱在楚中為楚疆掃除餘孽頗費經營羣盜如蠅山巖險阻民苗雜居反覆不常昔馬叅軍謁諸葛丞相曰南中恃其險遠今日破明日復反願公服其心由今思之固為至言亦由渠魁未除以致草間推埋之徒乘隙竊發不但服心之難也楚入黔路有三總以沅州為第一門戶今常德有王馬新化有皮張寶武有陳叛三路既已不能入而沅州又為賊所有棲棲馬上鎧鏃生蟻蝨矣北道旌旗何時可至或當聯轡夜郎耳邵為楚僻郡目中不見邸報鄉閭定於中秋

否明珠大貝在漢江之濱唯使者撮之耳辰陽寇逼已久慶餘臥不高枕者數月近援兵頗至睥睨無恙可卜也德安舊廣文張鵬翼以聞父喪北歸走謁堦墀張風木在念未免傷貧吾兄或假一二事善遇之惠等麥舟矣

與周元亮

南渡倉皇把臂秦淮歛爾分飛於焉十載年兄才流經通建牙閩海往憶庚辰曲江兄弟紫陌雨散歷落如星有高岱輿為宰相周元亮為方伯一進退天下一撐柱東南此中大人當不復嘆寂寂也弟自投袂歸來返我初服日與荒餘三老擊缶呼兒婆娑伏臘差足自娛

蘇軾文集卷十九

十五

素年事催人蹉跎老去江郎之才有限庾公之興日減安得如我元亮其人與之朝夕上下飲我醇醪益我神智俾後世知有子雲乎頃以新野諸生李兆白緣以乃公明經管承喪亂飄泊甌粵昊天不憝委蛇瘴鄉覓孤黃吻間關萬里今欲遠負遺骸歸瘞故山意欲得彼中大人為之引手然後弱息綿力勿貽中沮為執此意泣訴於弟弟與明經二十年同學友善明經以世家子早慧能文復長於詩鮑叅軍潘黃門之流乃以才子無命游魂天末不知平生著作流落何所弟每私心痛之聞此子言則又竊幸以為明經有子也唯我元亮其從史之知無難者昔子厚歿柳州得裴觀察而歸塚於萬年

陳平子死大學借范巨卿而送葬於臨湘他如謝家青山因傳正而立石鄒湛宅西稱舒仲而來謝皆以恩勤被及泉土如斯義烈知我元亮不讓古人矣大堤見座中阿鬢意殊不樂在將軍筵者叩之舞袖為淫嗟乎元亮為善不終抑至此哉夫長沙義姬感少游之情終身不嫁江南謝氏為王肅所棄削髮洛陽士也無良彼妹何辜若使長沙蠻靴賁恨嶽麓所謂我雖不殺伯仁也向寄修懷東有秦懷元亮詩刻之五言集中伏候云云

又

甲申江表把臂金陵倉皇藍縷歌載以哭一別如雨荏苒十年私念我元亮穎根慧葉安具天人佳廬河洛兩地英靈早醉曲江搏風萬里房元齡之相業起於關中鄧高密之侯封始此河北元亮快際風雲名登帶礪同榜兄弟得元亮一人可以不恨不才如弟磨竭在命斥鷃學飛繫馬未陽未及匝月三王南征遽題黔撫殘兵三千夜郎百戰裹血出圍牂牁水沸乃李廣數奇馬援謫興一落泥塗摧頽莫振每拊髀而流涕或覽鏡以生慚蹉跎老矣歲月幾何當今西南用兵六詔百粵之間藥牙未靖裴度黃裳之業惟我元亮努力為之勿徒作署尾宰相也弟事承嚴聲提攜膠兩使者顧念夜光之珠猶逢按劍凌雲之賦尚待吹噓側聞榮戟直走大梁倘邀元亮一言寒谷生春矣詎止河北藩鎮欽元公一

紙書哉夫翟公門冷平陽客散物理升沉古今載唏弟與元亮三百人中氣誼最篤琥珀草芥不足云喻夫黨錮不解賈彪為之西行然明沉廢皇甫因而上書知我元亮優為之否則元亮而外禹峯結舌久矣懇年來著作幸付來坪以當閩海方物可耳

與吳天目

丁亥長安與我天目蕭寺共醉紅燈灑白雪繽紛是何等時耶未幾我馬南征子輪北滯楚水燕山迢遞萬里杳杳魚鴻風鶴為阻不才而述朱紱幾何動應白簡牂牁之郡未開中山之篋已滿而彭子歸矣自此隱身屠釣潦倒長干營菟裘於西山庶幾高郁披鶴氅而跨黃牛不愧梁震殆絕口不復談天下事矣惟為海內故人素與肝膽性命相連者縈結不能盡去則未有如君家兄弟死生存亡之在念者也念我橫溪以賈洛陽之才而有陸士龍之遇嗟乎才子無命抑至此哉然李固死而有渤海王調汝南郭彥為之貫械上書杜喬死而有陳留楊匡為之號泣星行道義之感人故舊之俠烈也禹峯等愧死矣不有天目橫溪其能不冤呼地下否耶苟有良朋況也永歡為天目賦棠棣之詩焉今天目為太守且徽州太守矣不知者以天目之才天目之識天目之膽為之我則曰此天目之義也義則可以籲上帝而泣鬼神可以通九五而感同列彼一官何足榮人

哉有兄之叩關則可以知弟死之受枉有兄之賜環則可以知弟寃之已雪如天目者真當求之古人矣臨節義而爭死當患難而讓糴又何足多哉鑑湖自嶺外挾其二人與其兄孝源喪歸間萬里茶毒一身曉然人倫之際有天目之遺風焉扁舟吳會投刺故人天目能不爲之動念哉新讀皇詔二三知己乃欲以放逐之人彰之啓事樓被蕭然長安珠桂天目幸助我僕風一帆直達滕王閣下是王子安見長之秋也雖然禹峰亦爲此言天目必笑之然非天目禹峰必不能爲此言也天目哉

與衡州道張宜男

讀李太史集卷九

十六

石鼓臺上殘雪蘭膏夜話飲冬青酒大醉殊樂此事別來已三年矣仁公不續弘茂名在朱陵他年叔子片石與祝融爭高俯睨峴首培塿耳弟自返初服棲遲隴畝與撥襖父老擊土鼓傾瓦盆南望湘水未嘗不思公子也茲緣新野馬太史有女在馬鎮處聞大將軍物故諸姬俱已分散歸宗此真盛德事也弟與太史公之子雲孫薦蘿相因不得不勤禴恤之義但孟嘗合浦珠返無期雖當事者曾有成言恐邈隔千里事有中違稔知仁公與幕府諸公淡相友善倘不惜片言九鼎令此女生還玉門即太史公地下能忘所報哉昔文姬遠涉沙漠得魏武爲之贖歸再適董祀雖與中郎曾有舊好要以

義俠所動不忍先哲血膚淪陷他族此其事再見楚南使者矣

與李保菴

某郎官湖上扁舟粵來逆旅酒脯敢勞下執事揮手曰歸猶蒙縫綵訂以荊州之約仁公氣誼隆重鉢心矣何足言感自抵里塵金蜩紛應酬兩月男子張君嗣頗爲勞頓况非丞相長史乎頃有客自武昌來者聞和鸞已入郢上矣白雪城中復有宋玉其人者鼓柁西來大堤之曲在耳交甫之珠耀眸伏龍鳳雛或且拜公牀下於以張楚當有進於漢陽諸姬者幸爲某言之屬又有西粵之役計日且就道矣舊弟子幾人蹉跎連年不甘自

讀李太史集卷九

十九

棄希將昂首天衢鼓浪龍門借我晨風脫彼毛穎惟台臺畱意所謂樵楠豫章必歸匠石者也江水不寒息壤尚在蕤賓前後圖晤匪遠

與然石

黔陽別棹群盜如毛雞臙對酒鷓鴣亂啼鴻影參差搖烟暮歷當斯之際誠難爲懷彈指八年離愁十斗不謂伯氏遂成求訣感血屬之同氣念患難於在原依徙短髻誓結來生有弟及壯羈旅天末搔首東南紫魂海嶠兩次遊楚里門聞然驛書萬里忽責今春况有阿咸觀縷數紙自念年來摧頽功名不立撫枕中夜覽鏡徬徨夢蟲桂蠹行當衰朽然石春秋正富有才如海策杖河

北正鄧禹封侯之年破敵江上看肥水成功之日箕裘  
勿替不振家聲是在吾子隨陸不武絳灌無文待吾然  
石起而兼之耳屈平之賦乃在放廢虞卿之書成於窮  
愁凡古人之卓犖自命者類有德業散見於世不屑以  
文字成名其以文字成名者大都皆不得已者也相如  
有開西南尼之功而竟以賦掩右軍有止殷溪源北伐  
之畧而乃以書傳豈二公之心哉卽此推之李贊皇不  
由科第司馬君實不工四六此古人三不朽之業所以  
屈立言於二者之下也頃讀來書則然石所不足者非  
文矣努力建監勿負良時晤乾震長夏人淑亦以此言  
告之無以老耄而舍我也

與吳若谷師

甲申春夏南渡倉皇扁舟武林追隨函丈時值險阻多  
蒙卯翼言念德音有踰生成自不奉教於今十年聊浪  
三楚蹉跎兩鬢朱游徒髡無補蕭傳京房未死有愧焦  
公進退無據身世多慚每望南雲中情百結向讀邸報  
見吾師久彰啓事堅臥東山昔當塗旣燼楊彪不起典  
午云亡徐廣流涕吾師名儒舊德照耀古人仰止高山  
緊惟門下小子哉偶因李生優羽奉候興居勉慰加餐  
神與俱往

與提學李素心

文旆過宛校讎之餘星戰過發草草追隨仁公世誼隆

重古道照人真覺斷梗腐株一經丹蘄輒與豫章增價  
兒搏黃口俯承接引昔北海弱齡通刺元禮之門仲宣  
蚤歲倒屣中郎之座政恐始而如狼繼而如羊遠愧古  
人有負子將識拔耳炎暑流汗披讀法書何啻伯英十  
紙煥若神明浮雲驚龍釵股漏痕不足方其渾脫爲兒  
輩觀型庶幾毛傳鄭箋哉異日推本所自則韋誕之於  
陳畱錢懷素之於鄔兵曹也秋初有共城遊百泉沸珠  
古樹屯風當與仁公坐臥其下以當平原

與戴巖榮

八年離緒對酒中宵唾壺方殘如意隨舞東方白矣主  
客徑醉豈止齊贅八斗平原十日哉足下以人中龍象  
照耀下國正如仙籍謫來結成太白歲星下賁是爲東  
方文士左官古今一轍柳河東不至永陽則鉛鉅渾至  
今一蹄涔耳誰復知之者子瞻不到黃州彼赤壁石原  
在嘉魚何遂得爲子瞻有哉南陽此後草廬白水增高  
淡矣巖榮之來焉可少哉郡邑乘文獻所關亦必待大  
手筆績成之山西志強半在弇州之文與詩以弇州曾  
爲彼中觀察滇南志則全出升菴之手以升菴在永昌  
時爲當事辟聘故能成此盛舉後之觀者不謂秦無人  
是在足下經碧筵詩古鏘噌吰一洗靡曼之音是父是  
子彼孝威者恰足鼎峙近日僞景陵輩肉袒牽羊道左  
恐後矣

又

屬逃暑山塢茅簷溜雨捧讀良書兼披紈扇知台臺愛  
我渥矣霖結彌旬坐頽垣敝椽中恰似公孫在白帝城  
時幸不令伏波見耳十八日雨尤劇水從折郛至為滿  
刁之源約以是夜之四鼓抵郭外四野喧阗如萬馬行  
聲達於枕上黎明乘陴觀之白練汪汪一波千頃村落  
竹樹如萍如薺居人皆縛筏曳木枝上如星如蜻蜓原  
者隰者有高四五尺者有一丈者水以是為差世傳  
廬山之瀑廣陵之濤較此不知何如以予所見岳陽樓  
上八月洞庭庶幾似之矣春秋傳曰秋大水無麥苗解  
之者曰周秋五月也以今後六月計之五稼盡矣小民

續李太公集卷九

注

卒歲之謀縣官之租二者交病恃在當事惻然念及繪  
監門圖以蘇此重困耳州守率丁男具畚鍤極力隄禦  
城不浸者三版不則鄧其魚矣守公弘材精心劑以慈  
腸不腆三甥之穰漸為起色惜荒廢之餘閭左煙寒兼  
以屯兵驛絡歛賦艱辛不足展其驥足耳究景詩粗成  
佐以五言十首皆奉懷所由作也別幅請教後來便羽  
置之郵筒既不浮沉又省從事經碧詩蒼雄沉鬱大有  
少陵之風少陵詩人謂其出於阿祖審言則經碧者固  
近取之若翁耳鄧志已有草葉古本一尊埃來命便鳩  
集成書付之厠氏以供輶軒坐鳳仙花叢中新霽五色  
灼人苦不得良友美酒寫書罷傾倒大醉為之起舞

又

飛觀翠袖驪歌征魂黃葉撼秋蟲唧唧旌旗雲擾鼓  
吹山沸當斯之時君入承明我返故廬新雨如絲客淚  
如霰况復多情何以為懷自鶯聲漸遠款段西馳某即  
於故山猿鶴刑牲醴酒結為死友悠悠薄俗知心有幾  
覺孝標絕交論猶有未工念我嚴學投分以來知入道  
之難且知入世之難也私心自慰嚴學真師表我乎華  
髮如星年事將暮而始聞所未聞見所未見在嚴學不  
如於世人何如某竊以為得於嚴老者為逾涯矣何必  
王充論衡始稱異書異人哉九月廿後樓托鄉庄良書  
適至良朋念我至矣三子俱戰北而歸五兒黃吻更蒙  
垂念但恐小時了了大未必然經碧伯仲俱天下才尚  
未見北雍賢書知阿弟一舉負責冥矣

續李太公集卷九

注

與庚生

弟自一落泥塗摧頽莫振短髮如星壯志灰壞然大丈  
夫塵視纓組顧出處鞅轡不可不暴白於天下弟事顯  
末具小揭中長安此來自恃曲江兄弟台鼎有人引手  
雲霄剖雪前首惟大司馬是望乃銀臺喉舌之地因  
鬼實難咫尺不得見天子昔人所痛計惟有長沙之遊  
可當背城一戰中樞政府既相表裏而一以宰相行師  
一以樞密運籌同功一體情事實然昔子厚貶竄推挽  
無人昌黎所以致嘆張與除籍公論難掩皇甫因而上

書執事國家柱石凡事從公忠起見弟所以青望執事者正以其公忠也屢奉明旨除大計城池而外皆得昭雪今自陳既已無路而當路又無代之言者舍執事誰望乎況南方卑溼惡地高明曩足而又鬼方盤瓠叛服不常今何苦孜孜為言哉此其意非為溫飽明矣或者亦欲乘時展布立功名於竹帛以報知己耳陸賈屏儒也而有定南粵之功相如賦才也而懋開夜郎之績況夫磨墨檄堦貫甲穿札合並而成一人者也執事又何惜此咫尺之書令某立功萬里之外不使文成威寧諸公擅美於前乎惟大司馬垂照焉不宣

與劉興父

乙酉鼎沸旅泊江左得尊公借樓一枝即次之安爰得我所每於晨夕曠論劇談上下千古各有江左夸吾之意倉卒言別豈謂遂有今日次尾化碧尊公亦復乘箕言念江東舊遊強半鬼錄輒生山陽之感興父鴻材著書不墮家聲近見子班亦復楚楚伯宗次尾兩先生為有後矣某進退無據蹉跎半生今老矣潦倒朱陵事與心違計拂衣歸里只在今秋倘得江漢風清扁舟東下盡攜生平小草借興父為我甲乙付之衆梨立言一事雖不敢妄擬古人然男兒生世適當此時既不能宣壯猷立殊勲與蕭曹寇鄧諸人爭烈又不能逃名漢山猿鶴為伴甘與麋鹿俱死區區以三寸不律與慧黠小兒

爭不可知之名於千秋之後意悲而心苦矣十五國風斜川行得附羣公之後興父知言哉然而某報斜川矣

與荆門鄭總鎮

見可而進知難而退武之善經也功成名遂身退立身之善教也古來得此道者惟鴟夷子皮與韓氏子房耳不謂今日復得將軍惟是荆門國之西門將軍世之名將自鼎革以來與巨寇相持已十四年此中山川形勢賊之情偽將軍悉之矣滇黔未闢歸巫之間眈眈虎視將軍一旦遂其高拂衣而去誰能當此任者劉越石守太原祖士雅守雍丘韋節度之鎮成都陸都督之鎮西陵多者十餘年少者亦不下數年當時豈更無一人焉可以代之而朝廷之上孜孜焉不肯舍者則以非諸公莫辨此耳將軍今日之荊州又何異乎取鯨鯢而戮之滇黔既闢京觀用築則是大將軍角巾湖上之日也

與漳州馬孝廉

鐵騎濁河羊腸東竄亂山齒翠絕壑哈呀周回萬里迤邐十年俯仰今替有同隔世向讀三晉賢書知門下奮飛秋雲為知己稱快明月照乘不乏連城之價霜蹄千里自有市駿之人故人老矣扶風之道大著是在康成揚雄之文不死賴有鉅鹿耳

與汪翰林煉南

風塵下走接讀馬遷之書如對木難火齊小草數行不

揣髻薛請質座隅譬之蟲羽之響或以脰鳴或以注鳴  
置之鐘鏞之間非其倫矣文章出詞翰圖書之府也外  
是者固可寬論乎

### 與寶慶李總鎮

庚寅之冬拜別先王自粵西一棹問渡洞庭晤仁公於  
衡邸歡然道故黯然別縵縵之情歷數年如一日往往  
者桂林之役名王閭門殉難夫東郡不守空灑臧洪之  
血壽陽城陷誰招王琳之魂二三兄弟受王知遇或執  
父以前驅或驟乘而作賦痛心疾首當復何如昨歲特  
走長安哭王都門見其廟貌端然金碧相宣豐碑隆起  
俎豆如生一痛幾於不起夫海島義士感念舊恩不惜

蘇東坡集卷十九

五

同日而死隴上壯士情淡故主爰與關外之師向讀邸  
報見大疏以復讐雪恥為任此一節與日月爭光矣弟  
雖書生頗負壯志即蹉跎日久而血性未灰所以上書  
當宁特請南方為桑榆之舉蓋與仁兄同此心耳邵陵  
一路為滇黔咽喉得大將軍為之總持知鼠輩在吾囊  
中矣當事每一言及意未嘗不在鉅鹿豈藉說項哉寄  
語線全兩公努力前途並轡日南共勒銅柱之勲是先  
王英靈所憑矣

### 回黃公卜

江南卑溼嶺嶠瘴癘中國太平男子罕遊惟遷人左官  
居之故三閭被讒憔悴江潭賈誼不合絳灌依回王傅

贊皇才相而有朱崖之竄虞翻文士而有交趾之行屈  
指古今代有其人大約皆駭屑不得意而於焉行遁非  
有仕宦之樂扳附之榮也鼎革以來弟與君奔波於此  
十年矣君以故將軍受知於名王出入帷幄得與機政  
如鄰生之遇桓司馬東莞之遇劉下邳依為心膂不啻  
左右手可謂記室之隆遇叅軍之曠典矣乃自桂林變  
後前功盡隳今猶棲遲行間未獲一命彼雍齒且封侯  
矣曾無一鄂千秋訟鄼侯之功此壯士所以鬱伊也弟  
自丁亥南遊叨前王知遇俾撫軍夜郎自奉鞭弭狼狽  
萬狀息壤之盟未寒中山之篋已滿始以虛名而受實  
禍今欲以東隅而收功於桑榆乃碌碌人後覽鏡彷彿  
旅食炎荒又復一載其何能不浩歎哉抑南方風氣偏  
作阮於我輩而與賢達為仇乎古云或醜惡而至大官  
或美好才傑而為眾人斯言也殆為今日發也

### 與趙韞退

去年此月馬首長安與同譜諸兄弟爛縵華堂歡呼卜  
夜雄觥如箕雕欄錦砌紅燈瓊瓊翻子夜之高歌極河  
朔之勝槩真是星聚穎川劍合延浦燕臺分袂遂爾各  
天鴻去爪留蓬鷺雨散明公弱冠登場牛耳海內兼以  
十載名給諫入列九卿出領方岳古之鴻儒碩輔多試  
之要地巖疆而後嶄然有為於世如望之勞於三輔長  
孺出守淮陽奇章以台司作連帥李贊皇由節度進平

章諸如此類難以更僕是古原無分於內外而真正豪傑之士尤不肖以內外作軒輊觀也今日交廣未平漢黔用兵一人吁食元老出師正棘槐出任保釐之日區區者知不足為高明累矣且不有荆襄則羊陸之畧不顯不有西夏則韓范之業不著虞詡立功於武都後稱將帥之材唐蒙持節於牂牁遂開哀牢之國弟向者常有志於斯人顧今齒髮漸衰不敢復言天下事咄咄是在我輩退矣今江右亦云汔可小康然曩者南昌之變驚魂甫定邇者百粵五谿羽書時時見告未免震鄰煩君家方畧不少弟棲遲熊湘毫無善狀既不能如昌黎在淮獻平河北之策又不能如劉子羽在陝克成秦鳳之功徒廁幕府無裨相業愧矣因遣兒歸臨江祭掃先塋明公退食之暇敢邀一字之榮為井里增光則先人藏蛻之所不致為樵牧所戕幸託肺腑仰惟仁人不匱之意是明公之功及我先世矣

又

王年兄至接讀鴻篇目中不見此等文久矣華峰殘雪芙渠高寒為一代傳人無疑此事譬之用兵貴得利耳傳介子孤軍直搗改樓蘭為鄯善正不在多否則五諸侯九節度之師不足貴矣

與趙糧儲

廷臣

弟以今上龍飛之年筮仕江北既而叨轉湖南分符

芝山是為丁亥今丁酉且十年矣拓落不偶猶復與祝融君對語十年之內翱翔澤國真如洞庭之鴻春來秋去疑有定期則人生官祿誠有地耶

復鄖陽趙僉事

麋城天險扼南鄭商於之喉先代之末中原所在焦爛獨此稱繞雷之固則地勢使然抑人力也近謝羅西鄆房陵給劄為羯獍窟頻年勞羽檄使者相望黑闇之壘未平青犢之氣尚旺密邇宛鄧尤勤奔命自榮戟星責風聲所屆餘孽喙駝繼以洩口之捷筑陽之捷魚釜盡矣今尚有鷹眼未化狐嘯夜聞者乎叢爾殘寇慮不足以膏齊斧矣弟甫抵星沙即向鈴閣快談此事以為荆


讀史亭文集卷十九

天

襄上游不止可靖房竹嘯聚令奸宄無自而生即上而漢中與安下而夔門巴巫皆視此為倚伏動靜今得砥柱西北可高枕矣念載陳人老遊幕府徒抱畱侯之病借箸無籌未有毛生之才脫穎何日渺渺江漢故人萬里天末涼風一函遠貴愧感交集矣

讀史亭文集卷

天



尺牘二

回柳州道黃公卜

象州居嶠表控番洞越駱一都會也唐以後乃從柳河東得名豈不曰文章之靈為江山增價哉仁公以草檄手鎮壓諸蠻時出幹略與為撫綏俾茲難卜板屋之俗一歸甸衛登王路顧不休歟又其暇時則登城樓絕頂引領薛都督百戰之功為突厥所憚又念劉司戶以對策在中官不得預唐制科之數是二人者皆以偉伐雄文不合當事致有嶺表之行則繼此者可以自安勿謂

讀史亭文集卷二十

蚤酒瘴茅皆敗人意緒之事也弟棲遲始安將一年矣未審何時得離此土嚴關便是玉門關矣往視張曲江裝行立李渤輩不堪方舟耳間一提筆續前賢遺蹟庶幾異時宣成書院之側有區區短碣在焉猶想見逍遙樓魯公書也

復劉侍郎湛瞻

別先生又復七年矣憶在河東聯鑣共轡馳逐文酒之場朱顏墨綬意氣飛揚抑何快耶轉瞬滄桑蹉跎老大一官萬里流落荒陬憊不可言矣曩在楚蠻捧讀良書足慰調餓今有桂林之遊是張平子四愁之一也復接明訊照耀蝮蛇毒蠱間何物李廣即違高帝不封侯矣

玉關空老知我哉鮑子平官既卑棲三伏隆暑廳事湫隘如坐火山求河朔痛飲其可得哉馬君來實愧地主然此遊粵者所共見也著作頗多聊寄一種以作臥遊

西粵山水殊不佳山純石十步五步輒突起一峯不相聯屬又不生樹鳥獸不居大者不干雲霄劣者纔如杯杓其纖細大抵姑蘇市上盆沼間物耳比之太行崇嶺匡廬雁宕向若而嘆矣安問五嶽哉為一二遊人悞收奚囊竟成魚目徒敗人興曾謂足下亦耳食之耶中國人適此者如赴王謝宴山珍海錯極其果然一啖羊棗耳不足登天府入山水譜也宜其為猗猗伶蜚終古所窟宅指瘰癧為國色也弟客歲來昆明周回萬里所見

讀史亭文集卷二十

之山如關索嶺從眉際起一碧插天蟻附而上得一日所觀之水如鐵橋斗絕而下可四十里水與石鬬如霹靂蛟龍魂魄俱眩鐵橋一線亘其上不容髮則真奇觀矣然猶未往見難足難足者驚嶺也據三郡盤八百里其飄渺駭愕難言矣以粵中視之彼王公此輿臺也宜不足為大方侈談矣邊城末吏無難了事故與足下媿媿及此足下亦須料理及此勿令康樂東山諸公嘆人也

與楚劉方伯

計去春鄂渚叨醉華筵鸚鵡芳草儼然在目而屈指遊人業已身經萬里時踰兩秋矣別後因衡州錢糧一事

蒙先生畱心照察仰見并州之誼同人之雅二者並重  
些寐如弟鐫鉢在肺腑間矣桂林之役季夏始至前日  
遠驛六詔舟竿輓駝羅施鬼國疑非人世粵屬嶺外幸  
一衣帶水與楚相接便是今日內地矣薄命之人得此  
如在燕趙齊魯之鄉惟先生以爲然乎

與胡德輝開府

六日江干別後卽同抑公晤梅谷取新例一再察之始  
覺於已無礙已豁然具詳矣樓船北下旌旄生色東南  
半壁於君是望幸勉力加餐爲道爲蒼生非細事也弟  
閱人頗多悠悠汎汎者不少大畧晤則歉然別亦遂已  
不復置念矣未有如我德輝縈人懷抱者德輝朋友中

讀書集卷之五

三

藥石也美言疾苦言藥石求此道於今人難言之矣  
禹峯伉儷一世目中半無古人至當世所號爲賢豪頗  
亦等夸視之此是禹峯一生受病處非我德輝誰從而  
攻其短且淬礪之以幾於道乎此以後當以前此誨我  
之言書紳矣後此者尚冀於晨風筆札間匡我不逮儀  
型日遠愆尤日叢奈何夫人仕宦而至開府立功而值  
壯歲此大丈夫之所想望而今昔之所共賢也顧述慙  
慙尤有所祝者德輝才鋒犀利迎刃而解事無巨細不  
足爲我德輝難者此德輝之所長也然才太高則多視  
世無難爲之事手太敏則多視世無可與之人以故稍  
不如意則嗔怒易生認真太過則群情用阻天下事以

虛心得之者十八九以徑情得之者十無二三此則望  
吾德輝所當熟思也又小事不可動氣俗物不可損神  
不止居重御輕之體亦延年益壽之道也德輝行矣述  
淡蒙肺腑之知敢進芻蕘之言惟先生裁示他如經國  
遠猷與夫詰戎大政爲未雨之綢繆俾此吳楚上游早  
奠磐石之固則吾德輝自有勝算不待禹峯言矣

與姚亦若

弟與足下交三十餘年矣始於弱冠繼於丁年既於白  
首可謂久要矣同遊物化強半惟我兩人尚在生長中  
州邇追嶺表昔何跋扈今何頹唐嗟乎悲哉人生幾何  
當此吾世滄桑均灰在念耶禹峯蚤負壯志欲托三不

讀書集卷之五

四

朽以傳今乃祿位不稱表見無期竟付雕蟲以行何所  
遇之多艱也然而丈夫生世但求不與草木同腐足矣  
何必入騶五鼎如昔人所健羨云爾哉數卷之書得稍  
存天地間是造物酬禹峯亦奢矣今日濟南胡德輝禹  
峯之拒譚也每讀禹峯詩若文輒不禁有幸生同時之  
嘆噫吾何以得此於德輝哉吾中州惟王孟津包際霞  
兩先生曩日曾謬爲稱許外此者鮮知也然禹峯此出  
在他人觀之未免畫蛇而誰念其將用其所未足耶遇  
多賊軻衰白以老念世無真知禹峯則亦無真能用禹  
峯者伏檻浩嘆其何能已焚香自誓拂袖只在今冬量  
轉之日即歸來之日也願禹峯竊爲亦若念之葛累庇

其本根宗官不忘故國代馬越禽自昔記之以言乎其鄉土也亦若避世亦淡矣析邑者君家松楸也今海內一統商於百里獨無亦若一枝之棲乎二三年後當自爲計矣聞亦若將卜居金陵此商賈之見而牙儉之行也亦若猶是少年遊俠將浪跡朱桁烏衣中是百貨之都酒削羊胃屠狗賣漿者之所雜居也爲廢著則可顧亦若老矣太史公之言貨殖也比之用兵馬援范少伯之封殖也皆在壯歲吾未見瞿瞿黃髮尚手持牙籌倚市門也又聞君在粵東時當道業以貴姓字落事矣或諒作一官登仕版然後赴守祖宗墳墓未晚也以上數事迨德輝蒞任之後再有一人爲記室求作書於當道

不 諸事本集卷十

五

料德輝所樂爲也德輝吾性命友故重煩君君在彼猶在此也幸勉竭腎腸贊襄上理毋但作文墨之客也昔韓退之在彭城邸舍後世追論南陽公者猶樂得而道之嚴公在西蜀子美老遊幕下其往來贈答相依爲命若此人者叅軍節度相得而彰宜其聲施無窮而華實並懋也歟

### 與荊州副使王林州

馳逐炎荒動離中國萬里不擁中郎之節徒追使者之塵老大碌碌終不爲世所比數已矣何言兄早負盛名欲逐文壇之鹿觀其眉宇豪健咳唾落落望而知必爲天下士自當懋建無前之業與耿鄧諸君抗衡雲臺之

上殊不似弟終淹沒以卒歲也荊州古來形勝稱用武之國孔明舍此不圖進入西川牛角良可悼也蕭梁遭時不偶爲大國所圖起於兄弟尋戈王業不終識者惜之至宋人南渡李綱陳同甫諸公欲於此地建都繫南北之望後不果行如是可見荆之爲荆矣其關係天下安危何如耶自 興朝定鼎隻虎餘孽爲我兵大創城下其餘王郝諸渠依棲房竹巫巴之間以爲窠穴畜牧耕鑿自成部落不登王會邇來十餘年矣以故川江用阻材木丹漆之利舟楫不通川貨鮮少率由此故今川督已軍夔門么膺數子不足爲慮乘秋老拔山通道截鼠子手關蠶叢亦曠世一事也知我林州定有擘畫於此敢商畧及之用冀一當小詩二冊滇黔志也聊付一槩采風者不遺曹鄣矣

不 諸事本集卷十

六

### 與駿聞

灑淚滇雲南北分首黯然魂銷不知近日居何地安妥否不卽南歸否南歸時當訪我伏波山下斗酒慰辛苦消塊壘也簪兒在建水時望教誨之晤嵩岑修菴史蓋諸公爲道遠人相思之劇何時再得同諸君爛醉昆明池畔聽榜人欸乃載明月歸來漏鼓已三下乎

### 與貴州巡道陳頑龍

自潭州與仁公舟次言別星物冉冉不覺五年弟長君五歲兩鬢如星不能歸營菟裘尚復碌碌逐車塵馬足

之間誠可惡矣前漢來至鎮遠易陸而舟遂與仁公行  
旌相左至今以為憾事歎人生別之易會之難惟是在  
肺腑朋友骨肉兄弟之間天尤不輕易以此緣予人我  
兩人鎮遠之行從可知矣因滇鴻之便聊寄荒函未審  
聚首復在何地何年黯黯黯然

與雲督下公

欣聞戎軒建旄萬里膺六詔阿衡之命述依樓嶺外歡  
忭無極自此滇南歸底定矣爰惟西南一隅自漢武始  
開司馬相如而後僅有蜀相諸葛或以自相君長籍土  
內屬或以不設流官土人自治二者終非經久之規至  
隋唐乃從而郡縣之與內地等然南詔之治亂往往外

讀李太公集卷下

七

視南安為動靜而內與蜀境為安危以去中國遠後服  
先叛為竊據資如蒙段之屬唐以後五代相終始不可  
謂非地勢使然李贊皇章節度諸人皆以此顯史冊成  
功名焉在今日其責在先生矣計當今大統既集白渠  
既殄朝廷之上禁旅必當用撤頻年以來海內騷動正  
為此一塊土今則蕩平無復餘事矣顧地方寥闊變  
雜種攸居况新罹水火之後瘡痍初起才遺喘息未定  
衽席實艱諸國羅列肘腋以窺伺者并宜暫以威信令  
之嚮風慕義有所感奮不敢為非計滇南左右前後與  
星羅蘭滄金沙之上者凡二十將軍此屬壁壘精嚴恩  
威素著可當一面者自不乏人求一旦有事與之奮袂

破賊滅此朝食可驟得之倉猝新羈之旅乎抑必實有  
以得其心而後力可用也且禁兵既撤協餉亦去求以  
一省之財賦糊二十餘鎮之士卒則呼庚可虞某向在  
滇尋思惟有鼓鑄一節可佐軍需之窮但大農不知此  
中情形有議中止者殊不知天下銅山在雲中者居半  
其餘金銀之礦亦可次第舉行庶幾可以不仰給外郡  
少蘇飛輓之困又屯田諸隘塞以廣畜牧奠甌脫知金  
城方略優為之矣如此者敬因今日之時勢特摠管見  
如此惟先生照察

與粵東糧道趙霞渭

讀李太公集卷下

八

客歲仲春遊人滇至得與使君載酒歡歌於筌竹山頭  
羽箭滿眼碧草如煙半山亭上暗流漱玉側峯百雉外  
搖搖曳曳如侍立者今托夢想已一載有奇矣人生文  
酒佳會不可多得况如我兩人世交誼重一逞情深者  
乎夜郎居國西偏自相君長 本朝立國十五年聲教  
未聞得使君作祭酒振鐸鼓吹羅施鬼國之間居然鄒  
魯此其功不在文翁下為銓衡計者念此荒服文教為  
君手開自應虛公卿一席以為作人者勸而顧猶泛泛  
焉置之海濱儲胥之間非其地矣既而思之固有所依  
庇於使君而非外也當今九州一統惟東南一隅鉅鑄  
未息則陸飛水輓亦惟東南饒餉為亟將歷試諸艱難  
之地而後入為三公未晚也曩見令弟走滇黔者多心

計倘奉鞭弭以周旋此亦會計之材矣

### 與侯筠菴

東南番禺為一都會新羅扶餘諸國珊瑚木難寶氣襲人君以河洛之間氣為鬱蒸之師長况當珠崖初造樓船未息開草昧於炎荒振金鐸於下里在今日則文翁之於西蜀司馬相如之於滇黔矣枌榆老生聞之色起榮問休暢寤寐如何中州自孟津凋傷以後斯文宗主崛起梁宋之間登雪園而作賦磨洛石以傳經非君其誰任之弟半生蹉跎一官潦倒留滯南方淹忽七載覽六詔之山川徒勞萬里之遊俯百粵之襟帶久作三江之客頗幸灘江一水近接粵東欣典型之未遠喜高山之在望念僑札原如舊識正不在縞紵之投乃孔李之稱通家或須憑漫一刺敬托晨風聊訊起居顧念伏波山寒斧盡七星之桂適逢羅敷春早馨借一枝之梅敢云有奢願而望隴蜀庶幾飽德色以耀鄉里耳山東趙霞眉弟之同門友也專資介紹定不浮沈拙作書箋求政外此者不敢溷長者之側也

### 與黃抑公臬司

破賊二路一由香山隘百里而賊寨止一線之路蛇徑盤窟不任車馬單人策杖而行稍一失足則下入不測之淵矣或如蚰蜒或如蜥蜴蝮緣石壁在在模稜都非人間所有由牛河口者峭崖懸坂下夾急流行者從陸

以身貼石其苦倍前從水者乘剡木而進稍不檢葬江魚其險與前相當遠各百里到窠日暮以致渠魁跳走大功垂成為地利所奪現今即調狼兵土司數百各攜毒矢藥物從我兵進發四面隘口先已申飭遮攔此賊雖狡料不能潛天入地矣別來數日寤寐為勞未審明公垂念征人不也小史來畧撮行間事宜道之饒歌奏凱尚待軍書馳報也

### 與史永寧

足下此行統領鄉勇撲滅山寇仿古六卿之制亦漢唐以來太守刺史詰戎之意也未寧頻年牧此者有割地之恥艱於用兵而不敢發以致賊窟吾山牛馬吾民勤耕作以肥渠令飽颺其力輒伺吾間以大猖於屠劫主其上者非不知除賊是急乃用兵連年坐以山勢險阻幾頓吾武蚊蚋蟻蟲有隙輒入無可捕捉熊羆驅虎之士莫有執桴鼓而前為之膺爭一旦之命者此二者交釀以惡疾為美疾非一日矣今足下慷慨迅發募敢決之士與大師分鑣前驅目無堅壘但窺賊所向尾而咬之滅此朝食壯哉此行吾為洗爵以聽饒歌之音矣在客兵或懈不能持之於久以與賊磨我兵則安危成敗之局與賊勢不兩立者也此番若不成功為後人藉口未出國門已先喪氣此賊真與此山相終始不可復問矣昌黎與柳節度書曰徵兵十萬不如召募數千足下

所將皆召募之銳也此賊荼毒此地最久平日孤子寡妻火人之虐屠人天屬不知幾許地方殘黎恨入骨髓欲報無力今大兵在望有以扼其吭而制其命我因以伏地而聽其腦此所謂因勢而利導之者也不勞餘力而父兄子弟之冤雪矣又何憚而不為乎特在足下鼓舞之耳矣又勿妄信脫匿之說以惑我兵夫賊既無神駿追風萬山叢脞又非五劇之鄉與夫望塵聞聲數百里千里者可比兼之有妻孥之戀即使偷生出境如嬰兒絕哺立可餓殺二者賊必無此無此則生死只在此山中明矣令兩兵暫駐所到之地細商法歐或掘土人問賊去路我須上極碧落下及黃泉必欲得賊而甘心焉如斯而不見賊則我與賊俱無憾矣然未有如斯而不得者也況賊窠之米窖藏殷陳用之不盡兵法曰得賊粟一鍾可當運饟二十鍾況所得不貲今一面行師一面裹糧務為持久之計勿作旦夕了事之圖則妖孽永靖軍中推為長子端在是矣

又

因糧於賊古之善教也今始龍既有賊害到時即多方春致每人務為十日之糧計每人各攜不過四升方可二日之用耳今以十人為率八人仍各攜已糧更專責二人或負或擔計可四斗此即運糧之兵帶前每人所攜可足十人十日之用由此而推或中間立塘更番接

濟源源不窮盡賊之術也不然賊饑矣我兵又以乏絕而歸前者面山之役為前車之鑒也不佞已立意在此過年大兵須以必得賊為主致意陳馬二將軍勦力同心早立大功殺賊得黃金印如斗懸之肘後真大丈夫事也該州不必返顧州牧將兵儒生作帥古來以此成大名者不少今於足下有厚望矣莫正道之兵遽入部下共成一旅相機決策又在臨時

### 與陳子完遊擊

莫逆小醜致煩大師在省中各臺皆依重將軍所以督臺不使中軍來以令將軍得掌兵事也昨聞馬將軍連鑣共進兩軍齊行在將軍未免存相讓之雅反成連雞

之勢不能俱飛以僕愚見暫以馬將軍居始龍管一切塘報接濟軍糧將軍一力討賊一戰一守甚為長策且行軍每患無糧今得馬公專意料理糧餉大兵庶無枵腹之慮可以長驅矣僕在此中夜不能寐食不甘味祇為將軍在行間勞苦蒙霜露冒甲冑僕亦安能晏然於此也軍法歐既可用竟以所領之兵作前鋒令與賊搏死戰我兵合力蹙之但求成功事無不可此機若失恐不可再得將軍自弱冠從戎曉暢兵事當不以僕言為瑣也

### 與馬參將

蕭丞相所以稱宗臣者以有轉運之功也可見庚癸之

呼急於汗馬孔明屢出祁山皆以糧不足輒困羊叔子  
在襄陽務為十年之糧古明哲圖事非一世也近者始  
龍之役資糧於賊其利十倍此天資我也聞將軍與陳  
遊戎共行函山之戰以無糧而退麻岡窮追殘寇不遠  
而暫且遭誅豈非無糧之故哉為今之計將軍居始龍  
以為老營以所轄之兵一意安堵運糧令陳將軍率統  
所部一力進勦渠魁既得一戰一守皆功也若始龍無  
糧又以州官運州糧至中間不至乏絕在我士馬騰飽  
有增竈之威在彼菜色狼狽有絕哺之慮此則摧枯拉  
朽矣么膺之賊足膏吾斧鑕哉僕與陳將軍書再戰令  
法歐居前此人與賊不兩立借公憤而剪其私讎則奮  
不顧身矣然後我兵從而特之賊何難辦之有又函山  
麻岡兩處皆云賊竄大山若以法歐作前驅法歐之兵  
先登則賊技窮矣何也凡賊之所恃以為長技皆法歐  
等已試之效今棄而不用者也故宜以我兵居後而今  
法歐居前可也幸以數事與陳將軍並知州酌行之於  
以盡賊不難

後卻聘書

乙酉回閬部史公書昔年戊子以兵事失於靖州庚  
子滇藩之役再過此忽得之古寺壁藏間附記於此  
述苦塊陋書生耳你今年餘值慈母之變摧痛肺肝毀  
瘡形體無以為人甲申三月之事天崩地裂海內喪氣

忠義之士有不投袂而起哭元皇帝之廟而奮同仇  
之戈者世必無此苟焉視息之人文弱荼毒俯仰有愧  
恨不能滅此朝食誓不與此賊共生顧終天之恨與率  
土之誼二事交橫於胸中正以未得一當今承相公不  
遺銜茅之賤下及憂服之中感且滋愧昔人有云母在  
不許人以死者今日可無此慮況踐土食毛無能自外  
於天地之間者哉顧今日之事有數端可與相公約者  
一曰君心之宜清也國家當傾覆之後非光武肅宗不  
能毅然發憤克舊物而復神州今寺人雜進采女四出  
沉香翠羽堆砌後宮白隋洪梁不離杯竿通者邸報傳  
聞道路有口棄微時之故劍滯前星於貫索如斯舉動  
相公能無一言及之乎抑謂落沃非吾專責而治兵江  
淮不暇有事內廷乎一曰奸相之宜斥也古者佐命之  
臣當艱難流播之日愈見中流之砥況政本之地中書  
尤在得人今平章軍國何人乎輿臺冒為公侯盜賊齒  
於縉紳貨貝如山將相半出其門車馬如水奸佞借以  
呈身此何時也而燕雀處堂揚揚自以為得志威福自  
作怡淫日積識者已知其有不終日之勢即林甫似道  
諸人不狼狽於此矣相公將把臂交歡乎抑恐水火出  
異見乎一曰賊仇之宜報也先皇死社稷九廟怨恫我  
既草創江左便可問罪與師雪四海之恥而除千古之  
凶豈可偏安一隅以小朝廷自娛使天下後世致嘆於

秦無人祖宗有賣田土者數傳而後子孫以為固然幾忘其為我所本有況懲創之心始銳而終靡財貨之念薰於中果銳之氣消於外今賊處西安自為關門所蹙喘息未定合熊羆猛虎之士往決雌雄即敗亦榮亦何事而不決也一曰大國之宜和也自成破北京幸清兵鼓行而西關門一戰自成全軍糜爛追奔於真保井陘之間賊遺輜重無算僅以身免免脫長安此釜魚阱獸只待烹耳當厚以金帛結大國之心可與為和而不可與為敵也譬人之父有為賊所殺度已之力不能報復忽有義士焉為我手刃之則即以此身相報猶存乎見少況此身外之長物哉相公亦嘗熟思及此乎一曰

讀李太史集卷之六

五

四鎮之宜合也廉簡回車強秦避席馮寇交歡漢業中興近日黃得功與高傑鬪於揚州是兩虎相戕也不聞有杯酒解之者又左良玉黃得功二人頗為賊所憚近見兩家疏中各有不相下之意若使一旦有急望其各出死力以匡國家之危此必不得之數也相公若以大義責之開誠布公以聯四君之好申以丹青之信俾之合力辦賊畫江而守四鎮相合亦國家無窮之利又何事而不為之早計乎凡此數事所謂卑之無甚高論也然為今日之國家計誠未有出此者為今日相公計亦未有出此者相公度能行之否相公能行之速即不赴召於以保殘疆而有餘相公若不能行之計行間之士

才智千百於述者車載斗量不可勝窮亦安在必須一苦塊書生為也自非然者墨衰之士兵革弗避況在今日但曰君子不奪人之喪猶一人之事耳

### 與錢志騶同年

庚辰之役海內兄弟冠蓋如雲照耀京華文酒紫陌飛揚跋扈各具封侯之願爾時兄年少猶記同中州許香巖吳橫溪諸君晨夕追逐黃壚依依別來忽成隔世二陸入雒江總歸秦時勢如此古今同歎向來遊吳舟艤北固訪兄起居傳在甌越念年以來弟家居十年出遊萬里偃蹇半世不覺老大計同遊諸君或置身將相或翱翔方州或棲遁名山或半化異物大約生者不如死

讀李太史集卷之六

六

者之多每一屈指晨星陵替輒不覺涕泗橫流矣雖曰同年九州四海之人遭盛時連鑣共轡佐天子出治或建節成大名於當世誰不曰某榜得人獨是我輩運際其厄百六陽九鍛羽郎當不與斯數可不謂有命存焉耶居嶺外偶閱仕版知匡廬山下有年兄車轍在焉疑以為別是一人既而驗其居里姓名知為我六謙無疑正遙憶間一札東寄適有毘陵張都閫之便一函奉訊起居又念古人中夢士如陶恭祖而子將猶以為好名非實求如孔北海幾人哉一見如舊識史之所以盛稱延陵季子也此吳中地氣使然安敢謂古今人不相及顧張君雖武科饒抱經世之略有敦詩說禮惟中弟子

講論之風非鵬冠長劍之流也願吾兄進而與之言可知弟言不妄敝帚一種用充篋篋如西域胡賈鬪寶於河伯之前為不知量矣

### 與楚錢都閫

江夏把別與二三同人傾倒華屋之下蘭膏璀璨卜夜為歡此情何極別來辱金刀之賜陟鬼國斬魍魎恃此物矣惟是瘴海蠻雲憎人懷抱地當灰劫之後人如出塚之骨欲流覽山川撰成一書以竣作者而所值如此敗人意緒情思俱盡其他官况可知夜郎之役已力求當事賜題乞休矣迨進舟鄂渚之日仍與足下踢翻黃鶴領畧夏口十部鼓吹庶不令平原笑人

### 與龔芝麓總憲

孝翁先生閣下長安把晤於今十年歲月蹉跎更復老大曩在滇雲繼入桂嶺前後兩接良書總未裁答知雲霄故人未嘗忘布衣之交祖左江寄來四詩雄駿不可一世前無古人求公匹於今之世禹峰猶恐受乎難之無已其梅村乎今年七月別西粵入黔道至武岡讀邸報知先生舊物克復為之色舉笑晉人每以蒼生二字輕以許人如先生或當不愧耳所恨閱歷日多聞見日淺非蜚戶鬼國則變楚馬人之鄉安得置身上林五柞之間與今之司馬揚雄輩齊鑣共轡一窺著作之庭乎顧念此生老矣著述雖多無盛流時望與之探討闡揚

夾輔以迄有所成就私念海內文章鉅公首推合肥韓愈有言若世無孔子不當在弟子之列禹峰今日似不能不循牆而走矣孟冬臬署讀燭道及用才兩疏知先生以天下為己任今猶昔也此事無論行與否各有其不朽者在也本朝執政自高郵而後姑存而不論光贊王業躋斯世於三代之隆非先生其誰望焉述早歲好功名卓犖欲以甘陳自命又不詳度文章一途謂可以取名以自立於後世今齒髮漸衰節旄一席不復望前願棄如土矣惟孜孜此道覺不以遲暮奪吾志非先生又誰成之哉黔疆天末一卷呈教期先生政府之暇潑墨數言冠冕小草以行庶萬世而下因公知我也

### 又

自別京華薄遊南方迤邐邊塞於今十年白髮催人因成老大回首壯盛無復封狼之志獨恨不能再奉盤匱侍教王公大人之前為快愉耳五嶺未歇旋至牂牁牂牁甫定又抵六詔便覺西南一帶為某所祿命必由之地而功業未樹著述無聞為知己所羞稱可勝道哉顧以金齒葉榆緬甸土蕃瘴癘之鄉為升庵所舊遊迄今廢園荒臺碑版照人又兼祖構孔多流落西南為中國所未見之書暇時詢故老搜遺書為旅人壯色拜掃相門知在何時噫此意非先生誰望哉

### 與浙江趙總制

從遊金沙叨陪榮戟一別行馬遠出嶺外土寇竊發奔馳山中有稽歲時憲節南指聲震百越每讀邸報之昌言想見大人之偉略去秋八月叨蒞黔臬部從事來自浙西披讀良書恩勤備至伏念先生位極人臣無忘風塵之賤吏置身南服尚念手造之危疆人臣愛國之心與長者憐才之念具見於斯感泣交集因憶先生治軍昆明之日爾時大疏入告業已百十餘函某曾請繕寫付梓以傳永久後以倉卒粵遊茲事未竣今別先生日久先生制作日多蒐乘詰戎之暇幸命記室摺撫草稿書付驛使俾某得以完圖從事稍効校讐之役用兵邊寇為一書水旱豐歉為一書土司流官之沿革租稅賧

不讀書本集卷三

十九

罰之輕重各為一書救時之藥石庶幾赤刀大貝亦盛事矣今世豈乏恢閎博通之士練達國體折衷古今而礎巖岨穴之間幽翳屈伏即其言稍稍見於世矣讀者猶或以空言少之嗟乎士不幸處承平之世雖自許管葛何以成名如文潞公之於貝州裴晉公之於淮蔡則世世奉為典型矣此其故何也文章非經濟不顯功業非時事不立二者若有待而成也先生受鉞西南開疆萬里始而躍馬揮戈殲苗壘之負固既而樓船南下清海國之鯨鯢約計本朝之將相蕩平草昧之功威靈遐暢於荒服絕徼之外誠未有如先生者也述少負壯志今亦偃蹇衰白不復談天下事矣謬承提攜復申前說

幸托鴻章以彰姓氏於金石勝於自為一書多矣臨書主臣

### 復孫倩溪

昔年連鑣晉陽共事棘闈唯我與君氣誼最合兼攜橫溪瞻淇諸君飛觥午夜狂呼淋漓猶記酒後耳熱以為我輩千年後魂魄應復戀此此時倩溪遜謝不遑迄今追憶猶在人肺腑間也自此別後便值滄桑弟以先慈見背前軍未抵太行已苦塊出孟門矣一官優孟仕楚凡三戊子之役叨拜黔鉞時方出車沅靖記與倩溪剛通只尺之書爾時奉定南檄跋馬腰鞭爰有靖州城下之戰陷陳而出殺賊過當然坐是遂返初服不復有夜

不讀書本集卷三

年

郎之行矣病臥十年丁酉再出曾於經畧入滇之日接讀小報乃知孫司馬復在人間順治十六年秣馬昆明幾番問訊而山川間之時方麻沸屢致浮沈不謂復有今日之役抵署之日掃除一榻候孺子久矣殘臘寒甚忽接來書如對驛公彷彿太原時也念人生朋友知己無多我與倩溪雖投分在宦遊之際逆旅之間然僑札舊識正在吳鄭未晤之先今橫溪久作古人淇瞻貴仕京華同遊餘子先後物化不可知禹峰白髮髡髡西南絕徼適值我倩溪懸車里門猿鶴無恙此段因緣爾汝相逢如出灰劫之餘豈止夜闌秉燭相見如夢耶敬羽黃使君之便乘蹇披鶴氅庶幾一來平原十日即是三

生石上矣高平畢君聞著書甚多此君不肯輕以示人  
恐究以不示人得不傳未可知也向曾有字報候餘容  
觀縷日望南雲跂予如何舊學使者徐君如晤幸為代  
致與居頓首不宣

與劉元初

頃者因大師之舉具有小議上陳略抒管見蓋灼見此  
中情事既已動兵即當為一勞永逸之計此西南千年  
之隱憂當此全盛之兵力一旦剪除改土設流彼諸葛  
何足道哉古人中有勝於今人者亦有古人所不能為  
而以俟之今日者即如百粵開於陸賈滇黔開於唐蒙  
司馬諸子漢秦以前固未承王化也水西與四府何獨  
不然今欲為之則竟為之矣彼在中國腹裏因流民而  
設卹襄因撫制而設南賴偏沅何獨於此地而疑之

與吉太丘

長沙快晤隨有滇雲之遊年丈遠送銅官爰勞信宿始  
知丈夫襟期磊磊落落至性相關正復不能決絕若世  
兒一往情淡謬為恭敬當其分袂隨已掉臂漠漠如路  
人此其人可令吾太丘見哉弟初未遇我太丘如表術  
處淮南不知世間復有劉備今則石武卿之遇文叔未  
知鹿死誰手矣顧負性不羈不遇合於當世坎壈將已  
遲暮太丘春秋鼎盛稱此得為之時建無前之勲業是  
所望於知己也顧念今之所重者在不知書逢人大喏

耳遇事輒攘臂好以文義見長此其人多沉淪或界在  
顯晦之間願吾太丘一雪此言弟近來著書頗多不輕  
以示人亦不敢以示人以待吾太丘至乃倒屣授讀之  
耳嘗以此意持衡海內寥寥不得數人因思程南寧今  
作部下吏此道猶未乏人倘於乘軒咨詢之暇一經國  
士之目乎頃日前接龔合肥一書津津見念不置敬藉  
手一為貢上因憶羈旅潭州時太丘謂我曰此楚中名  
宿當與天下共之未審此言尚在胸臆間否餘人無可  
托者微太丘吾誰與歸聞大師已抵水西屬有小議達  
之行間若使此議果行願述老矣豈猶有封狼居胥之  
志哉敢為先生勸駕矣

讀史亭文集卷二十終

祭文上

祭李孝源文

人情莫不喜生而悲死慶生而弔死至有聲氣相感骨肉神魂相關一聞其死則有擗踊震悼涕泗橫流至於以身代其死者死者人之盡境悲死而弔之泣之者人之至情也乃吾獨於今日文定公之死若有不悲而喜不弔而慶者此其情文定公知之世人不知也世人徒見公以少年掇巍科爲賢令爲給事有能名至於秉鉞南頓晉少司馬尋晉大司馬入東閣謫焉先朝露則以

爲靈武之卽歎李郭之難再臨安之敗悵陸張之先亡爲公痛心飲血呼吳天而無從者是誠然矣而吾獨有說焉此天意也天意之淡於全公而公蓋獲死以自全也甲申之變天崩地拆燕都死難者倪元璐劉理順陳純德諸君子幾於二十餘人而公以奉使畱都不得與於殉難之數此天之所以篤公乎抑厄公也乙酉之役權臣賣國九鼎地移如黃道周之於八閩金聲之於新安吳應箕之於池陽或以閩部行師或以州郡起義或以諸生奮不顧身至有一死不悔蹈死如飴者而公此時又不聞其死曰此時公方持大中丞節填撫南頓大軍已抵豫章公死期近矣適會封君太翁以疾歿於署

公以憂去至又不得死此又天之所以篤公乎抑厄公也夫天旣已不篤公而厄公矣公且如天何於是草土未久隨赴廷闕司馬未已遂至宣麻是時粵東旣去武攸旋失大厦一木公知天下事無能爲矣於是乃仰天長號曰天不欲我爲靈武臨安之舉也悲憤填胸五日不食而死時維梧州舟次戊子七月二十一日也蓋天之所以厄公者前此若未有已天之所以篤公者至於此而後見也天意若曰驅除天下之殘賊者當爲天下之王彼李自成草澤叛卒耳喋血禁庭率土喪天而清朝乃建義旗爲天下誅亂賊此真有符於作君作師之旨矣公以書生致位將相欲爲明死者屢矣而未死乃今後有以死之死之而公事畢矣則今日以死歸勝於以生還也況夫八年定鼎南北之勢以成公不死公將焉歸此公所以浩然入地其生也人而死也鬼大明實始終之矣抑又何求焉此吾之所以不悲而反喜不弔而反慶也會公之介弟以順治八年十二月初九日自嶺外移公喪車至且奉公太翁太夫人與公夫人三柩俱至然則非公死而太翁太夫人與君夫人之骸骨能俱歸故鄉乎夫能歸君靈者介弟之力也能歸父若母及夫人之靈者則君死之爲也此其情又豈惟文定公知之天下後世亦將知之矣運值鼎革身爲元老從一而終得返首丘吾於文定公誠無間然獨是言念疇

昔聯鑣共轡肝鬲性命之友二十年來死喪略盡山陽笛裏徒動向秀之悲孟嘗客散空灑雍門之淚此所謂聲氣相感骨肉神魂相關所不禁踴踊震悼涕泗橫流者也則我於文定公淚盡繼之以血矣

### 祭危貢士伯岷文

我聞伯岷名在天啟之甲子時予爲童子從鄧之魏先生師虞遊讀書李氏庄先生告我曰邑有危生少年多才受知葛岷瞻督學爲鄧士冠軍以明經入太學爾時已心儀之予自入庠後魏先生死亦竟不聞伯岷作何狀累讀楚之賢書與國門鄉學錄又無姓氏或以伯岷挾才具遨遊公卿間或邊陲要害幕府中有伯岷在焉

讀李本義集卷之五

五

爲當事借咨諏不則或散篋訪名山棹一葉博觀海以外不則死耳又聞岷瞻所得士無終寤者如竟陵之譚友夏孝昌之夏湏水齊安之何炯卿皆前後聯翩起不至以牖下終人或謂岷瞻挾相人之術以衡文故士既經識拔鮮不遇者然吾獨無解於鄧之伯岷則何也兵戈相尋會二十年順治丙戌予視學楚中忽伯岷之弟危行自金陵來予晤之江長四招撫席上則知伯岷無恙時予極慕伯岷不可得遂以鄖山一瓊借其弟蓋如見伯岷云又數年壬辰春予方免官里居不交外客乃春雨泥濘中伯岷持刺來晤則固吾前十四五時所欲識面者也因念歲月如駛相逢不偶轉瞬三十年如醉

如夢知交半天下強半凋謝陵夸方不勝死生之感雖索之嗟乃意中人往往於不意中得之且得之於數十年之後得不歡然昔延陵季子所之之國人如舊識尤非所論於予與伯岷者也我謂伯岷曰兒子數輩方黃口君能作塾師爲我留否伯岷曰楚人士感先生之知與江漢俱永岷瞻而後爲督學者皆湮沒不傳先生崛起四十年之後且當草昧之時爲楚關荆棘啟山林長沙之粟竟陵之材皆在所搜剔何獨一危伯岷而疑之願受教於是率兒子輩北面受句讀伯岷勤敏不厭瑣細日課兒子讀書數行作字學作帖括藝方半歲兒子輩皆有怒生之機乃伯岷與予議論朝夕亦多所入自以爲相得之晚每酒後潦倒謂我曰有父極在金陵諸異母弟尚幼以離亂尚未歸言輒泣泣輒不已以爲常予慰之曰迨時稍清平爲君効一臂無難者伯岷爲人篤謹而中狹鄧距鄭纔百有二十里往來行人之在鄧者咫尺之書不絕於手內顧或夜不能寐予甚憐之一月之中或任其一歸歸或數日而伯岷之思家尤不止予私念之曰伯岷有長君以天死又先人未歸於土伯岷用是焦毀釀成心疾此非壽徵會今年十月初三伯岷欲歸予遣蒼頭轡蹇驢去約以數日來鄧及俾去而伯岷死矣聞死前二日是爲伯岷誕辰以賀客來稀不似往年伯岷心銜之賁憾以歿嗟乎世上炎涼之感遂

讀李本義集卷之五

四

足以死人不死以死人又何以死伯岷哉又我聞之鄧人伯岷昔隨其父官兩越官燕一爲廣文兩爲守令皆有卓聲雖其父爲之然伯岷左右之力居多果若人言則伯岷不應如是而死也然吾前此已逆知伯岷之死已伯岷固死於天倫之際者也

### 祭張太守文

維公來自新安守鄧之三年柔輯之化洽於民心菁莪之澤淪於士類勿鼠而城罔胥殘勿虎而偃奸究罔慝昔之所爲暴骨撐拄者今之所爲墟烟廬舍也昔之所爲蜥蜴荒莽者今之所爲禾黍油油也維時合鄧之父老子弟簪裾子衿下逮襁褓之氓與耆夫與臺之賤隸

不孝子孫等泣血稽顙

五

罔不曰賢哉此仁父母蓋約略數十年之際鼎革以還循良第一云未幾輒聞主政者奪去以禮部員外郎旦夕且去長安鄧之父老子弟若而人方鐫峴山之石淚灑叔子遮潁川之車願借使君而不意皇天弗弔哲人用萎復以是年正月之三十日歿於鄧之官署嗚呼朝廷之上奪我父母既速矣乃緋衣之召胡不少延又不爲朝廷所有以如斯人不克享遐齡居鼎鉉僅僅以良刺史傳謂天道何而或者曰此正德澤之醪於鄧人既浚公之不忍捨我鄧人而去永矢勿諼沒世不忘維公死故長爲我鄧人所有公蓋未死也昔朱邑之官桐鄉也桐鄉思之及其老且死於邑太息曰後世子孫祠我

蓋不如桐鄉之祠我也葬我桐鄉勿歸今我公惟不終於鄧則已終於鄧而謂鄧民頑且澆不桐鄉若則人之無良予不敢信並不敢爲鄧人信也若是則公之死於鄧與其死於家或死於不知所謂何所同一怛什耳而猶不若鄧人之思公自此蓋千百年未有艾也今死於家死於不知所謂何所謂號泣擗踊不過數公子耳未若此合鄧之人之爲仰天椎心泣血而無從也則公亦可笑傲遊地下矣某是年五月自粵來哭公於傳舍僂然而見公之聲聞歎息焉蓋竊念鄧城兵燹二十餘年非得公則鄧幾不起嗷嗷焉如嬰兒之於父母不敢視郡人獨後實以公之視我人居居究究有以致此也

不孝子孫等泣血稽顙

六

於是同父老子弟若而人采湍溪之毛挹菊潭之水酌公思公哭之哀成禮而退公靈輒且就道記曰狐死正丘首仁也又曰其魂氣無不之也公不忘我鄧人則惠風朗月之下紫金山上百花洲頭是公塞帷舊遊處耳魂魄猶應戀此朱轡華蓋君蒿悽愴公又何嘗真去鄧哉

### 祭丁隆吉孝廉文

嗚呼此明孝廉丁隆吉之柩也孝廉以先朝癸未之歲歿於蕪湖閱明年甲申值國變予丁先慈艱避難渡江攜兒子哭君於萬羅山側維時君客鬼萬里鯉首撼然荒塚叢祠江聲澎湃里人昔時尚存者有南顧巡撫李

孝源兩孝廉王九玉張箕疇諸生李性實輩合予數人坐念故鄉大亂曰歸無日且以爲天荒地老君魂魄無依旅邸相對不覺流淚浪浪之爲君下也會乙酉春孝源之官南去予三人遂溯流賦歸來予仕楚又數年旣以齟齬於當道免官里居君乃以今大清順治辛卯四月轉歸於湍水之陽君家先大夫之塋計日將襄事予得以哭君於其墓噫此君萬年宅也君至是可以瞑目入地下矣人固有一死兵戈水火盜賊皆足死人而曰考終命惟疾病爲然君之死於鳩茲是疾病也非前之數者之昔人所爲不幸也況乎達人荷鍾將軍革裹耒陽工部乃殉牛炙采石王孫亦隋鯨波一入鬼錄七

讀孝友集卷下

七

尺非我有矣千秋而下賤賢愚土一丘耳如是則一死足矣故鄉之與異國又何分乎今君已有二子扶觀江南烟波天塹得遂丘首昔太公封營五世葬周不忘本也君無慚此義矣以上此二者生長亂世與人之無子孫者之所必不能得而君皆有以全之全之而又何恨也吾爲君所恨者止是生前有所未盡耳君才氣無雙早歲稱名士以戴經魁中原予昔讀君文如項羽河北光武昆陽之戰真有萬馬辟易瓦屋皆飛之勢乃至屢上公車艱於制科一第此事之不可曉者也又君個儻負經世略向年予爲孝廉時爲方鎮所徵淡入虎穴與君同事君視若輩猶蟻虱耳以視真卿之使希烈富

弼之使契丹何多讓焉乃後之追論者不知爲何人所蟻污不以爲功反爲當局者所按劍此段心事唯予知之而世人所不得知也顧君乃以孝廉死以孝廉而不得大用於世死此予之所以痛君哭君而不能已於君也顧白馬之客雖無慚於夢裏而解驂之誼實有愧於居停因之有感於王將軍矣將軍燕人名國泰君骸骨歸多將軍力事詳君墓誌中自君即世世變滄桑舊遊星散張王二子相繼以歿王復不知死所孝源嶺外聞亦化爲異物少年同學之交唯予在耳而又奔馳連年霜催短髮間關五谿九嶷之間僵屍如麻僅以身免爲郎疲於執戟立功慕於題柱伯牙絃絕羊舌泣下子獨

讀孝友集卷下

八

何心能不悲哉嗚呼君可以瞑目於地下矣生前未盡之事有二子在孫叔教固未死也

### 祭羅總督文

嗚呼天開草昧誕育真人既有元首遂有股肱負俎佐殷阿衡以出鷹揚興周東海遂表蓋雲龍風虎之會必有舟楫鹽梅之才入而鼎鼐出而封疆推轂係三軍之命長子象師中之吉氣有開而必先德歷久而未艾此壽考所以作人而終命所以敘福也皇清卜洛定鼎爰奠丕基滅醜除兇遂開寶位提一旅之師而裹萬里之糧不數年之間而肇八紘之統豈一手一足之爲烈抑羣策羣力之畢舉維公自束髮而從王倡義聲於關

外矢鞠躬以報主建高牙於中原始而為講信之近臣  
既而為提封之大吏作督撫於川楚適順治之二年維  
時洞庭以南齊安以北尚多伏莽未靖之奸抑彼三苗  
故墨鬼方遺孽實勞枕戈待旦之事又兼蠶叢魚鳧蜀  
道三萬六千歲未通秦塞之烟因而合浦日南交州六  
十有五城待奏麓冷之績公巨才細心高識敏  
手謂殺賊但及渠魁故有眾罔治脇從念此蒼黎甫出  
水火且方有事戎馬未遑安息如陶侃之在廣州祇運  
甕以習勞又叔子之鎮襄陽懸鈴閣而求治救荊州於  
將陷俾此億萬猾賊忽散嘯聚之鯨鯢定江黃於既傾  
遂致閭左編氓無復哀鳴之鴻鴈乃值 一人南顧簡

茲名王因之頻年出師開此百粵桂林象郡之開水輪  
陸輓而貢吳舟越檣烟騰萬寇之鯨鯢鶴膝犀渠力壯  
九關之虎豹定南得騰飽之資再標銅柱續順仰醪續  
之績不致呼庚天上來伏波之將軍嶺外通皇帝之璽  
書以故尉佗去其僭號智高失其憑陵已見五丁鑿路  
之勲方奏捷於川蜀行看中郎持節之力將問罪於西  
南乃竟以積勞成病遂爾為國亡身乞骸之情不見原  
於明主隕星之變遂莫追於老臣昔鄧艾伐蜀王濟平  
吳克成晉家一統之業然致論耆曉而檻車來於蜀道  
恃功憤懣而喧囂及於宸扆公則以開誠布公之雅成  
發蹤指示之功將士歡然廟堂寵錫此以見非成功之

難而居功之難也王猛治秦崔浩在魏不過偏安一隅  
之雄乃或以中道而喪致符堅之歎息或以終凶而殞  
來清河之黜傷而公當王業既成之日車書萬國之後  
既臻古稀復獲正寢此亦見隆替之辨大小之不同也  
如公者可以死如公者正未即死矣某從事楚湘叨公  
指臂在曩時西陵之捷以及麻城之績實借前籌得免  
負乘此正如唐宗平蔡雖出李愬實裴度視師之勞亦  
正如漢祖論功半出彭韓莫踰子房幕中之算繁馬宛  
城聞公計至歎五丈之風高難留諸葛感三台之夜隕  
莫救張華遣驛使以告哀少竭炙雞絮酒之誠望仙樓  
而灑涕不盡故吏門生之痛嗚呼哀哉靈其鑒之

祭許菊溪文

大觀察菊溪許公以 今上十八年五月某日歿於里  
閨明年壬寅某月日年友所親彭某乃得作誄五嶺之  
南三千里外遣兒輩往哭其第曰述聞君死在上年八  
月中吾鄉李鑑湖之言也時方匆匆自六詔甫到桂林  
為位而哭之今四兒走我書言君以某月歸寔寔則為  
致絮酒為文餞焉念君長我五歲鄧鄴距僅三舍作諸  
生聲相頡頏復同年後作兒女好世人結交生平以道  
義為朱陳未有如我兩人者君早歲負奇雋目弱冠領  
鄉薦海內具心眼之士讀論表喜其瀨博庚辰燕臺宴  
曲江予小子廁名榜末同橫溪二韓諸子無日不醉長

安登香山觀紫塞其後君仕河津讀子先大夫禮歸子  
言之再起令丹陽時逢陽九改革之會子時亦丁先節  
母艱走寓金陵與君晤旅次于西遊官楚歲戊子稱牂  
舂使者是年予以投効去君以禮曹奉詔漢上與君聯  
舫西征欸乃夜半聽劇仙桃君嗣守商於子時家食商  
居武關險阻二陵風雨間土瘠石田荒簡無事公一以  
靜治之會牙孽不逞之徒肉間左公一鼓而下又用間  
縛其渠帥當道上其事公晉納言旋晉府丞丙申予上  
書走京師與君再晤當斯時也方謂卿貳中書近矣乃  
先帝銳意圖治顧江南財賦地訟獄繁多借公以大觀  
察往治之予以是年四月送君於鄧之南鄱子從軍長

讀書集卷之二十一

上

沙夫國家刑書所關在內莫重於大司寇在外莫嚴於  
臬司此一省刑獄宗而聚訟之府也公祥刑在念出入  
輕重奉法維謹素所蓄積者然也曾為當道所齟竟以  
此賦歸來予時分藩朱陵聞公將遂遷樓丹水有終焉  
之意已亥子復以右藩赴滇南辛丑移桂林而君計音  
適至三十年來肺腑交情中間歷亂相仍杯酒酣歌德  
業相勸勉尤愆相糾與君合而離離而合者至再至三  
自南鄧以後又復七年白駒過隙半生一夢乃真離不  
復合矣嗚呼讀書而登制科仕宦而至觀察有子若孫  
克昌其世為閭里交游寵光亦榮矣即百年安能不死  
君六十二而死雖不得上壽又何憾哉顧余曠昔勸公

讀書集卷之二十一

上

以公之才可以著書名世公方汲汲於用世猶未淡然  
予言而今不可得矣尚能於掃除之暇寄傲水山之外  
徵逐文苑彈心名山之業一寄著作於不可知之人於  
金銷石爛灰劫沈沈之後乎君向有詩一卷今仍存否  
古人可傳不必多也又或數年以來別有著論藏之幸  
佳兒一為檢示俾予卒業焉品題以傳子所以壽吾菊  
溪而今菊溪常存於天地間無他法也否則惟俟之子  
若孫而已可知耶不可知耶夫前聞君歿吾哭既聞君  
葬吾又哭之二者曾不若撫棺一痛之為愈也嗚呼菊  
溪逝矣禹峰冉冉將老計旦夕抽簪榮黃澤畔跨蹇臨  
湍釣臺之間而所謂伊人亦且荒草迷離墓木成拱矣  
復何以為情哉恐今日之哭尤不足當他年之痛也嗚  
呼哀哉

### 祭原任廣西巡撫李公文

今上龍飛之戊子時維仲春公為衡州兵巡子亦叨守  
永州先是草昧之初子督楚學校江南北士公以湖南  
未開客鄂渚與子稱莫逆交閱明年扁舟渡湖同官此  
地握手出肺腑相示普人僑札管鮑之知當不踰此是  
年定南王承制疏公為西粵撫軍子亦有夜郎之役公  
領部曲健兒遂之全陽羣盜如麻公大創之截獲若干  
後以孤軍難久居重地移師永郡自夏徂秋賊肉城戰  
壕內公貫甲血戰斬賊擣數十處賊踉蹌去亡何賊大

衆至甘心於公決死戰圍三匝不去公率士卒登陣飛礮石擊之又力斷其雲梯蝦蟇車之類賊計窮於是扎城三里外鹿角密布鐵騎十餘萬環攻城內饑甚人相食兵丁皆聯隊而行一二人行市上無不立啖而盡公苦之曰天亡我矣夫殺人以食人睢陽之事吾不能爲唯有背城一戰而死耳乃橫槊入陣直破賊營公本將家子李寧遠之後賊習知其名不敢近殺賊過當行三日夜將抵湘潭左右傷亡殆盡賊後選精甲尾之因不免遇難於桂林城下歲庚寅定南王後捧璽書開蒼梧爲公上其事改晉光祿卿蔭一子入國學又閱數年是爲戊戌子復官衡公之胤子李寅年方弱冠痛哭徒跣走百粵將尋公遺骸而歸蛻於山東之忻州人皆傷實孝子之思無窮而逆知其無能爲也公子以是年二月入桂林過詢行間老兵及所存遺老久不得消息俄有醮樓僧某當日親見其事爲公子疊疊言之在某處某穴下一如其言掘土五尺餘得公骨公子刺指血漬之隨時湮入他骸試之輒流散不任入於是公子具棺槨檢髮爪如初歛時負之舟中沿江而下抵衡謁子爲言狀淚簌簌被面予時亦痛不能自止哽咽良久因念子與公交十五年自戊子春芝山分手路阻黔越烽火彌天甲楯如蜩不謂一別南北遂成今古予也蹉跎連年重遊南土感蘭譜之凋殘悲琴聲之嘹唳君爲異鄉之

鬼子是再來之人見通家之猶子如君九原可作愧死彭之無權頗覺良朋有負維此朱陵旌旄舊部魂魄戀此猶傳羊祜之仁俎豆如昨緊是桐鄉之地某生死交情誼同兄弟酌酒臨江倘可乘雲而下撫棺一痛難酬掛劍之心

#### 祭明遠將軍兼國史院編修羅公文

將軍澄之羅公以 今上癸卯九月某日卒於京邸享年三十有五維時公之太翁撫軍大中丞方持節黔中去長安萬里計聞之日在次月孟冬廿九之晨一時藩臬監司閫司諸公唁中丞公於旅舍中丞公哭不成聲郡吏屬公宇下且念將軍通慧早折又孤立鮮兄弟一

旦遽舍垂白之二老而溘焉長逝死者有知能不幽魂縹渺於雲山縈轍之間耶於是爲位而哭之乃擷牂羊之芳藻酌犍爲之醴泉酌將軍而告之曰將軍誕三韓之要區挺飛龍之舊地早崛起於閩閩聿彰王謝之聲長奮志於縹緲允協董賈之願讀書中秘著述滿承明之廬珥筆上林英華馳天祿之苑旣猿臂以善射手開霹靂之弓復虎陣以成圖氣奪崑崙之戍跨飛驒而走塞上壁壘直壓甘陳懸瓠弧以靖方州談笑欲失郭李當司馬之秉鉞中原值將軍之執鞭共事旌旗遍兩河之父老壺漿起八郡之瘡痍迄今陳許道上如聞建威之聲以及梁魏遺墟時上信陵之塚又如司馬督師於

江漢爰惟將軍擊楫以同舟鄂渚之西門不開誰關荆  
郢邾州之檣楫罔飭誰拓江黃迄今襄樊堤上猶思開  
府之勲名以至衡岳長沙不忘劉公之俎豆是皆將軍  
以垂髫之年當猶子參佐之任安石江上忽成冰水之  
書上谷郡中已裕好時之算惟司馬與中丞公既同形  
而分氣惟中丞公與將軍復世德以作求當中丞公捧  
詔以下西南惟將軍牽衣而侍左右中丞公謂將軍曰  
老父行矣司馬箕裘汝勉之婆婦孤兒汝謹事之猶一  
體也勿以衰白為念將軍謂中丞公曰微外風寒惟尊  
加餐宗黨之事有兒在勿貽父憂惟時依違馬首哽咽  
久之在中丞公家國不能二念在將軍亦忠孝不能兩

續事類彙編卷一百一十五

十一

全以故中丞公望巫黔而進發若曰大君有命王事靡  
盥彼忘家之謂何將軍倚故廬而遠念若曰杖履天未  
膝下何時每瞻南雲而零涕豈謂摧折厄於短景勞瘁  
中於壯年競諸早殞先傷玉樹之彫一女孤存尚餘井  
臼之恨將軍已矣傷如之何某等情關同氣誼忝通家  
或生中州吳越之鄉或誕幽并燕趙之地雖宦遊夫異  
國皆受知於中丞嗟駿骨之難挽實百身而奚贖謂天  
道可知耶不可知耶昔人彭殤一視齊天折於大年合  
千秋萬世而觀之安在不賢愚同盡况歷觀古今賢豪  
或英年而得偉器或遲暮而產佳兒是不一途中丞公  
齒髮未衰發祥啟後理數一揆是將軍原未嘗往也所

恨者眼前不見將軍耳嗚呼哀哉

潛潭王將軍太翁祭文

潛潭王將軍太翁以七十三歲終於正寢時將軍方出  
師東偏士卒民人哭之如喪私親將軍行陣聞之擗踊  
震悼誓不欲生黔省文武諸公聞訃之日與將軍有疆  
場之舊遣官祭之其詞曰天開草昧之日篤生翊運之  
人龍虎風雲遇合不偶艱難險阻際會多奇自昔曲逆  
起亡命爰定西漢之基王常本為合早堅雲臺之仗蕭  
相國闔族以從軍耿上谷一門而報主父子之間有堂  
構君臣之間有殿陛其義一也今潛潭將軍之太翁其  
先世延安人也崑崙風勁而高寒姑臧城堅而草美士

續事類彙編卷一百一十五

十一

馬鍾仗之所出伯產王霸之英奔逐射獵以為生良多  
躍冶之器惟將軍生長邊州射鎖韋耳之鐵先代雲擾  
之際合戍壘以稱戈壯遊於滇黔蜀粵之間者數十年  
方不勝瞻烏爰止之思語曰君擇臣臣亦擇君此其時  
矣乃先皇順治之十六年大師三路以開疆太翁乃  
釀酒以稱慶謂將軍曰天命有歸大統將集昔實融乘  
更始之亂保有西河及聞世祖入關爰籍土以來歸享  
富貴者累世又如張軌父子據有涼州萬里遺使於建  
業歸正朔者數州二者皆吾西州舊事也况新息遨遊  
於龍蜀乃專意於東方英公解甲於黎陽遂從龍於晉  
水古英雄崛起或同發於閭閻而稱威里之勲或投合

於逆旅而奮與王之績是不一途唯子勉之於斯時也將軍投袂而起遂杖策以來歸名王免胄而前因上書而遜帥於是天子念曰惟茲羅施鬼國與巴巫疊焚相為蟻虱又與健為越雋相為表裏實俾將軍節鎮清潭將軍號令如山無時不唯敵是求又公忠素著到建曆以勸王為念自建牙以來緬甸獻琛以稱臣尚主素羊而來賀且念貴筑之地嶢嶢崎嶇鎮遠而上輓運維艱簡點尺籍共事推輓民力不勞而三軍皆具驍騰之色近者房州遺寇蠢茲跳梁西接夔巴密邇思南兩省制府共會將軍犄角之往者白帝稱孤致頗東都之駕李特據險爰與江表之師今王旅二路已抵荆襄將軍諸

人復扼天險我知其無能為矣不謂將軍方枕戈以待旦而太翁乃忽乘箕以上天山川綿邈戈鋌載道是父是子忽焉長別三軍為之飲痛行路為之心惻況在蘭譜之末敢昧生芻之義某等或與將軍把臂而訂平勃之歡或與將軍神交而未愜僑札之願念文武共事於封疆太翁與將軍既有父事兄事之誼况死生重關於交情我輩之於將軍更抱若翁若翁之痛聊賦楚些以招魂用振薤歌而隕涕英爽西歸應已魂遠夫玉關之塞遊子南來還期負土於抱罕之西

### 祭包太母文

維乙酉之仲春哉生明彭子流寓蕪陰際霞兵憲之太

母以甲申臘月仙逝屆此且二月矣爰約同里諸君哭太母而薦之曰太母以黃耆終有子若孫而能拘是達抑又何憾且中原淪陷江南尚少兵燹生寄死歸不必故鄉也而抑又何悲非悲太母也悲兵憲以命世之才略饒救時而天不假易俾擁旌奪於扶杖是則某等未免伊鬱哽咽耳抑某豈為兵憲悲哉殆將為天下悲而因以及夫兵憲而因以及夫太母也兵憲昔為諸生時聲翔宛葉間聞太母教之力每佐太公不及曲房精舍八十數區牙籤縹緗礪礪然兵憲舉踵支頤皆几案間物以故兵憲書無所不窺為文渾脫劉離如公孫大娘之舞成進士高第典司農事彈力念漏卮巨浪刀帛且

道厄三空矣龜卜燭焰弗以骨籌委贏縮於胥人上裕臬府之積而下以察東野馬力罔或冒濫為職方即識拔胥名將帥勿俾駑駘靈吾驪囊維時先皇多公才楚鄂城臬署之員赤丸白羽之徒方嚙嚙草間兵憲乃啣一人命往戢之到時下令與羣渠約勿即恣淫以膏吾斧鑕也有如此三尺且命善謀者沒虎穴脇從罔治諭以使者意乃身率鎧鉞當要害擊之如捕鹿者特之角之間鼠竄彭蠡匡廬游魂盜旦夕者部兒葛疆輒復得之異郡用告底績於崢嶸州建牙峴首虓虎咆哮穀邑理臣熊方吻嚙如婦人日膾生肉而食之兵憲悉不可以緝條羈喉製之當事者故為紕繆後竟以蹶張去

朝之大吏縉紳家迄今能言之休沐未幾亡何復視兵  
桃林嶺岷嶺業東西隘弘農幽谷之喉北枕濁河南則  
鄧西之九州商於六百里之險區也山魃互狎逞逞恣  
憑庸因藪之爲通逃自兵憲至屹屹乎金墉矣又時出  
幕府議與孫白谷總督鈴閣相聞封稀指憚兩年來  
未敢仰關也嗟乎使兵憲不以子告歸則白谷必不敗  
白谷即敗潼關必不失潼關不失成陽必不破而蓋茲  
逆孽又安能渡河長驅燕趙天下事遂至不忍言如今  
日耶繇前而觀非太母之勤且賢兵憲必不奮繇後而  
觀非太母之靜以才淵有通識兵憲或不如是之機警  
往乃克濟也則又安能不爲天下悲而因以及夫兵憲

讀史本義卷之二十一

十九

且因以及夫大母也昔陶侃都督荊州細若竹木罔不  
檢攝及爲廣州刺史輒朝夕運甕於齋之內外且曰吾  
方致力中原過爾悠逸恐不堪事故習勞耳史稱其少  
貧侃母湛氏截髮爲具酒食以延孝廉范逵侃遂以知  
名後每宴賓客不及醉以爲少多酒失受慈親約如是  
則侃固有所自來溫嶠之詣建業也母崔氏固止之絕  
裾而去後除散騎侍郎阻亂不得奔喪固辭不拜識者  
未免遺憾取二事以方兵憲太母不必截髮而兵憲未  
嘗絕裾且二公適值司馬南渡有如此時振永嘉之末  
流暨安東之絕業兵憲讀禮後出而任天下庸詎遜二  
公下而太母之遇距二母固迥甚矣則太母抑又何憾

某等亦正不必悲已雖然小子述亦何能無悲猶憶壬  
午之歲述作吏晉陽迎先慈於里道無不可行時兵憲  
官墮微部從事索轅周旋得無虞先慈局暑津津感道  
之私意非太母言念維桑不至此今先慈竟棲靈平水  
而太母遂相繼脫蛻於江南鍾阜霍麓鬼猶客之太母  
其地下慰我母故壠松楸歸兆有時則述與兵憲俱各  
有責矣

### 祭陳將軍母文

予初不知將軍何人也聞之河北麻將軍曰陳公孝子  
也其母今年八十有奇陳公事之有嬰兒色有微過輒  
讓之不少假公自束髮從戎父早喪公奉母戎幕間時

讀史本義卷之二十一

二十

嘔艱楚且三十年洞洞屬屬溫清朝夕無間年高齒髮  
雖衰弄孫猶健七箸會去年歲在己陳公捧大司馬檄  
提旅襄州以援剿無定訊絕裾覃懷母曰兒乃心王室  
小腆用靖國爾忘家勿慮老人陳公曰母恃粥耳杖履  
頽然倚門南望實勞母心於是陳公遂領偏師駐漢上  
鮭菜千里驛不絕每北望輒拜如對高堂自冬徂秋且  
一載家人自河北來者云母以十月某日逝時陳公方  
移防鄧陰使者以公至性純孝恐歟爾聞變崩摧滅性  
不敢爲公言知麻將軍與公善爲麻將軍告之麻將軍  
乃向我曰以予前言陳公其母老矣諸健兒不敢言恐  
傷公心予亦何忍不言前使人言之公一痛幾絕流血

數斗軍士皆為泣下不敢仰視幸公門下客多方曉譬之乃得復起予與陳將軍患難戎馬二十年若母即吾母也今將以炙雞絮酒往哭之幸明公為我一言為略曰不知其母視其子夫有孫賈之子者則有孫賈之母有陳嬰之子者則有陳嬰之母諸凡范滂黨錮而其母聞之反以李杜為榮孔融有母聞張儉之變欣然為之爭死此其子非尋常之子故其母亦非眾人之母若陳將軍者吾蓋因其子以知其母矣陳將軍為人偉岸七尺多力善戰揮戈躍馬世稱萬人敵與人交恂謹若儒生雅歌投壺輕裘緩帶有祭遵羊祜之風在先朝屢以汗馬功為當事推轂登壇者屢矣坐少慙不合權貴意

續李太夫人文

上

中格不下今值鼎新之運關荆棘犯霜露所在戰功尤多行山以東黃河以北小民尸而祝之遍林慮鹿腸間夫昔人奮起為名將奉母教者多矣趙括徒讀馬服君書而易兵事其母知其必敗也遂有長平之事陶侃少年多酒失其母斷之遂有八州之烈然則視母者視子而已則且何以慰其母於地下哉亦曰將軍勉之而已

### 祭楊太夫人文

今上庚子十七年雲南兵巡使者楊筠白丁太夫人艱聞憂之日擗踊哀悼幾於毀瘁某等二三同人匍匐勞慰為位而哭乃斟寶珠瀑布之泉擷昆明荷藻之菜登碧雞之峻坂溯漢沔之上游遙望太夫人之靈而祭之

其詞曰母生名聞夙嫺內則中饋元吉易叶家人之卦味旦嗣音詩傳大國之風克相夫子篤生多男矢靡他者賴貌諸孤稱未亡者且四十年既晝夜而作字成文忠之名兼截髮以延賓得太尉之子維我筠白當興朝之鼎運撥高明於魏科初叱馭而走太行晉陽留保障之稱既內擢而陟夏官禁中饒頗牧之算維時西川當割據之餘筠白膺方岳之命褒斜初啟徒聞杜鵑之聲劍閣方開纔通蠶叢之路板輿迎於涿郡魚軒稅於秦川謂西蜀新造不敢冒親於險關中久定或可貽母以安走馬而入成都重來張詠化俗而成鄒魯再見文翁當斯時也苗壘之負固已稔朝廷久稽問罪之師竿

續李太夫人文

上

馬之版圖未歸梁州竟置荒服之外於是一人推轂而授鉞爰簡長子師貞元戎整旅而揮戈端借軍諮祭酒在昔裴中立淮蔡之舉幕中必須昌黎緊惟張魏公秦隴之師戲下可無子羽於是咨筠白為參軍指南中而進發雖小人有母白髮崦嵫難割倚閭之情而大君有命皇華爛漫勉效尸褻之義於是攬轡而觀蒙段之河山草檄而定反側之疆宇飲馬金沙之外過麓川而思靖遠之功勒銘蘭滄之石弔戰場而傷天寶之魂牙孽既仆大統旋歸公嘉乃績遂章啟事謂虞訓原將帥之才莫如治兵李靖具文武之安可以定亂於是暫借兵巡於小試即開幕府於邊陲人謂絲綸方下見寵命之

將來夫何夢我興悲乃計音之乍至王程日遠鳥島本  
於戎馬子舍漸疎風木中於關河一札遙臨五內崩裂  
屬續之期爰惟仲夏聞喪之夕乃在孟冬相去萬里死  
生異域一別六年母子各天嗚呼痛哉王陵匡襄漢家  
責爲右相難忘伏劍之苦溫嶠再造晉室位極人臣不  
免絕裾之恨方之於古事有同然某等宦子遊踪飄零  
地角得交筠白有同兄弟計先民登堂拜母未獲展敬  
於生前念古訓凡民有喪豈敢自比於行路望棧雲之  
漠漠知太母之靈不在三秦卽在冀州之野瞻昆海之  
茫茫嗟我友之心卽寄愁天上埋憂地下不能嗚呼太  
母享年大耄厥後克昌人匪金石曷云其長婺星慘黯  
鶴馭飛翔黃泉莫及白雲何鄉倘慈英之遠賁念眉子  
之不忘騷鸞鳳而下大荒歆天末之一觴

讀史亭文集卷二十一 終

讀史亭文集卷二十二

南陽彭而述禹峰甫

祭文下

故兆告父合葬母文

年月日而述之母王太夫人以壬辰仲冬廿四合葬顯  
考處士彭府君之墓而述率男始起始審始奮始超始  
搏孫昌滿湘泣血爲詞告父之靈曰維我父母生我三  
歲父卽世時兒方在襁褓吾母王夫人乳下蒙蒙尚未  
視稍長見父柩棲中室吾母日夜啼泣告兒曰此爾父  
也爾兄弟羸弱不能卽葬待汝輩長成後歸土每歲時  
伏臘執雞豚脯棗率兒兄弟哭之兒時哭不卽下不甚  
知母言之悲也迨十餘歲始知人事又以貧不能成禮  
不卽葬十四吾祖逝祖母李張繼逝筑焚孀母撫我孤  
兒里胥人奴互乘其郤以相魚肉母以其身之死而生  
之生而死形影相弔鬼神爲泣兒弱冠遊學三十舉於  
鄉惑於陰陽之學又不卽葬庚辰釋褐請假歸里乃襄  
父事先是歲在癸酉寇烽彌天中原千里舍無完瓦母  
率家僮遷吾父柩於宅之陰去祖居纔數武今吾父所  
眠之佳城是也吾母王夫人以崇禎癸未卒於子職陽  
曲署記母臨終之辭惟以祔葬吾父是囑兒與婦謹志  
之不敢忘今以順治壬辰放兆合壙嗚呼吾父吾母人  
世相別四十四年今乃於地下重逢言念疇昔零丁孤

昔當有流血數斗揮涕無從者嗚呼吾父念吾母之拮据吾家兒之慈母實嚴父也兒不及見父凡兒之得有今日者母教之即父教之也吾母以未亡人一身上續先祀下衍後昆父之敵體實父之功臣也假無吾母則兒爲他人俎上肉爲溝中瘠尚有何人上祖宗之墳墓乎計四十年來乾坤剝復滄桑易位秦鹿已失周鼎用沈衣裳化爲青燐鳴鳴乎白晝父向者歿時兒之伯叔兄弟族子滿前可數十百人每親戚里舍之會釀酒食相娛車馬如雲屯今且略無一二其間有正命而終者有死於凶荒死於干戈者殆十之八九賴吾父積德吾母之勤苦吾家獨叨天幸兒父子祖孫且九人回視四十年父未之見十年前母亦未之全見也吾父吾母可以相慰勞地下而憐然已近記十年之中兒有三死焉甲申之二月晉陽告陷計親王藩司以下皆不免兒獨以丁母艱故早脫虎口雖抱終天之恨實母之再生我也夫人間之母一生之恩已屬罔極況再生者乎且母之一身死兒之一家生也豈惟再生一身者乎旣而有永州之命蒞任甫及月餘即有夜郎之謫我馬西征始離瀟湘而西粵十萬之師逼臨城下矣歷夏徂冬人骨相枕若在危城能作石人終不死也旣而有靖州之役時方夜半天雨淋漓甲冑如蟬毛三匝我城多損士馬血戰潰圍壯士都無人色其不死者蓋毫髮間耳此

兩事者俱在戊子之歲而皆不死豈兒之力與命能與造物爭衡哉則吾父之積德與吾母之勤苦有以全之也是冬罷官而歸不復談天下事矣今杜門屏居且五年將欲上下古今著成一書以傳後世今後世知有兒以傳兒者傳吾父母乃近年以來屢經困頓復以家道輻輳動不如意衰白相摧短髮種種兒之哭父母無多時兒之見父母且有日矣兒少時多飲酒母每戒之今漸成疾三爵而後輒徑醉不能飲兒壯遊四方好仕宦立功名今亦憔悴即當無復飛揚跋扈時矣兒性不事生產恥言田宅念吾父母從農業起家敝廬數椽是吾父母手澤所存聊補葺之爲四時祭掃湯沐之地兒子數輩其始起始奮始奮已列子矜始起始搏尚幼頗能習句讀執經來學與夫重孫昌兒瀟兒湘兒皆是母生前所未見者也兒初名萬程後改今名兒今年且四十七矣嗚呼吾父吾母其魂氣無所不之當亦有悲鳴哽咽而縹緲來親者乎兒生不能顯親邀一命之榮以貴九京所謂蓼蓼者我匪我伊蒿將父母生我之謂何惟是母節三十年之苦兒已告之先皇帝先皇帝報可及長女死難一事與母合疏上陳節烈出於一門薦紳先生能言之豈惟閭里之光亦邦家之慶也煌煌寵命榮於九錫母含笑父亦可含笑也嗚呼哀哉

### 祭母合葬文

嗚呼母生我四十有七年矣記我父下世兒週四生有兄萬里亦只六齡母也廿四執刀自殉截耳斷臂甘從父觀維我王母保護之力泣血漣而勉復飲食暨我稍長爲延鄉塾寒暑匪懈窮年兀兀左對毛穎右對短檠母績其側軋軋機聲西鄰有豪屠我耕牛既拳且勇我不敢仇時維王父八十有奇黃耆台背孫謀燕貽夏雨潦至簑笠南庄藝我黍稷耘我稻粱王父既殞我年十四鉛槧而外不曉一事門祚衰薄此時良苦母也焚焚有淚如雨官吏在門家無半緡覈批而食極褐不完我妻母姪泣血相依界子於學不能奮飛鼎鼎春秋年十八九王母亦終爲歌狸首及至弱冠始采一片母爲燕

續集卷之三

四

喜七箸而頻庚午之歲年二十五一病膏肓鬼燐夜語五日不汗轉成秋痢母時憐兒寢食俱廢癸酉廿八下第歸家流冠渡河殺人如麻母氏催我避地鄭陰母在夜築父墳時父停匱中室靈几我母遷之宅之北鄙維彼綠林善人居兩楹既去遂焚我廬丙子之春鄉樓寇陷甘刃如飴長女死難雖曰死難維母教之蘭折蕙摧能自得師是年秋薦得舉於鄉九月歸來稱觴古穰丁丑鍛羽鄧城不守國人僅存十七八九母與兒媳繼城而出母氏積善一家完璧匹馬燕來寄居於襄習池美酒醉倒葛疆母告我曰萍飄非計我思故鄉難可遐棄爲我肯堂壻崇茶朽率彼婦子苗畝南畝是年

我兄化爲異物母氏哭之肝腸欲割未幾北上釋褐庚辰手排闥闥謁帝紫宸勸疏萬言入告我后貞烈雙魂皇天不佑給假南歸葬我先父母亦衰白手植柏樹盆仕太原作尹陽曲千里迎養道路極棘武關西去蒲坂北征太行濁河平水堯城既歷多艱積勞成病二豎相侵實沈莫禦壬午之春癸未之秋癸星罔曜眩暈參永訣之際諸事不遑丁寧復葬我父旁維時故鄉爲賊竊據蕪葬平陽衰草狐兔我攜妻孥避亂南遊羊腸詰曲晝聞鴞鵂取道燕齊漸達吳越虎林奇雲牛首積雪僑寓姑蘇適聞鼎湖倉皇南渡如彼瞻烏秋浦未幾武昌兵下舳艫千里頃洞日夜乙酉冬杪我泊鄂渚潦草一官南北學使羽獵夢澤探珠漢陰既收荆玉幾揮鄧斤未幾奉詔分使瀟湘叱使歸來假道平陽吳奉母柩移禹山側六月炎暑度阡越陌自我南征奄忽六霜三匝寶慶萬里夜郎道逢豺虎免官而歸藜藿而甘嘉遜乃肥今年壬辰卜兆云吉合吾父攏眠茲窀穸遵母遺命合葬於防千秋華表琴瑟北邙自母去後近復五孫一遊國學兩列青衿爰及二女亦適名門維母令德挺數後昆嗚呼哀哉

墓誌銘

考隱君文字公元配王太夫人合葬墓誌銘

述生四歲孤節母王太夫人年二十四稱未亡人予爲

陽曲令母以崇禎癸未卒於署先是客厝平陽以丁亥六月歸今以順治九年壬辰合葬我父壠為鄧州西禹山東南八里之原次子而述泣血言曰他人之有墓誌或假巨公手纂組成文取耀里閭或傳者未必實實者不盡傳於是墓中人之生平反以是掩終不復出為人子者父母有美而弗彰不孝也或自能彰而借他人以諛其說亦不孝也而述不敢且不忍也乃自為誌曰外祖王公諱諭世居穰之禹山東北有墟曰九重堰其地也外祖多學善談說古今軼事稗史成誦略能上口高額方頤鬚髯貌甚偉七十餘乃歿子為見時猶能記之生丈夫子一名自正為鄉義俠母姊妹二人長適某次

讀李本集卷之六

六

即吾母母歸吾父年甫十二少吾父四歲聞母言吾父少不肯竟學母生而勤苦篝火夜績佐吾父讀吾父不幸早逝亡年二十九母時引刀自裁以死殉祖母張畫夜防之力泣誠之曰若死謂兩孤何且無程嬰杵臼趙氏為無後時子兄六歲子方四歲母乃復強飲食毀容得不死子稍長為延塾師董儒業父棺在楹機聲四壁間督子兄弟哦其下寒暑固攸輟每父忌日伏臘母撫棺長號謂曰我所以不死為若兩人也若等成立我死無所憾時王父年老不任家事每日夜課奴婢耕且織用不得匱修潔酒食供王父母七著母性好施子鄉里宴者經周之王父八十四殞王母繼殞母力經營置佳

讀李本集卷之六

七

材舍斂維飭子時年十三四族子中有匪類誨我飲多酒失母痛懲之書帷外無外交弱冠為弟子員試輒高等母以喜居無何癸酉流寇渡河以南蹂中原草竊發母遣子先避地鄧陰夜半督家人遷吾父柩於宅後即今壠居隨以火子累舉不利家且落母愈益勉子學丙子春寇攻鄉居樓破子長女死難別有傳時子奉母居城得亡恙亂平母同兒婦王孺人歸鄉捐資施棺掩骼皆無算是年子舉於鄉丁丑上公車不第二月城陷死傷甚眾子一家叨天幸獨得全人皆曰彭母積善之報也是春子自燕歸奉母寓宛又寓襄鄧屢罹兵燹雉堞不完田穡蕪墟落烟寒人無故園想母告我曰流徙他鄉終非長策我為若復故里乃先率僕從百指檢瓦礫構屋又特起樓案數仞墓佃給牛種墾宿莽田凡若干畝子攜妻子自襄歸是年萬里兄死無後母哭之哀幾不起庚辰子成進士具有貞烈疏聞於朝報可行撫按旌閭語在原疏與大學士王鐸傳釋褐後假歸葬父辛巳謁選以九日出里門母牽裾盡泣哽咽幾不能聲戒曰兒今為天家人務努力圖報無負老身三十年教養庶他日好下報汝父子既令陽曲次年迎母於里子妻王孺人攜子女歷諸艱襄母行抵署是為壬午春母慈顏衰頓粥少所進緣走秦嶺蒲坂一帶山險億不支又子經年別膝下思之劇故疾耳時朝廷方以修練儲備

四事責天下守令母教我斷酒急公事時河干烽火  
的內外戒嚴子乘牌料理食眠靡寧母視兒苦病遂大  
漸歷年藥鑪同所効彌留之際謂子妻王孺人曰吾忍  
死半生爲爾等今得見爾翁地下間關數千里幸相汝  
夫歸我喪合葬爾翁側否則吾死且不瞑告我言亦如  
之言畢而逝母生於萬曆乙酉八月初六卒於崇禎癸  
未九月九日享年五十有八是時閭寇逼河干中州爲  
所割據不能歸遂厝柩平陽閭五年丁亥歸里厝父墓  
左今壬辰十一月二十四日啟兆合葬焉母之遺命也  
夫古禮也夫母生二子長萬里無後而述娶王氏生五  
子長始起生員聘知府朱無姑女次始鸞貢士聘孝廉

張洪範女三始奮生員四始超五始博尚幼女二一適  
李鴻一適許魯俱諸生孫三昌瀟湘銘曰

維我母之載歸與吾父同室才十二年喪所天稱未亡  
人乃三十四年以今年月日合塚又十年計生誰而死  
合四十四年詩稱同穴禮言合防共此窀穸億萬斯年

### 梁孝廉墓誌銘

春秋書梁亡無亡梁者則梁國姓也有大梁有少梁一  
居汾晉一居河南韓魏之郊其後支裔散出不可紀極  
列國皆有之晉南渡後蕭氏起而續統又因爲國號此  
梁之末葉也新野之有梁原籍起山東青州有名饒者  
以遊學卜居邑之西屯因家焉饒生椿椿生濟濟生來

賢明隆慶三年補博士弟子員梁氏之有書香自來賢  
始也娶李氏生知知娶張氏生六子孝廉門出行二先  
是孝廉大父謂人曰吾累世業儒未有顯達今昌之者  
其在孫乎孝廉幼而穎敏方五齡其大父授以四子書  
日誦成誦長潛心油素於書無所不讀十七爲諸生受  
知督學使者陳公騰鳳小試輒冠軍以庚午舉於鄉出  
山東宋公攻門宋公負人倫鑑於海內少許可闡中奇  
孝廉卷以爲得公晚孝廉性至孝父母卒正寢孝廉哀  
毀骨立屢試南宮不第怡然泉石足跡不至公府孝廉  
豪於酒家貧不可嘗得里中三老時以村醪招飲飲輒  
醉醉後頽然胸無城府不諳世法不要結權貴雖登賢

書泊然如諸生之最下者喜與郡城鄰邑之名士數往  
來見有高才鴻文輒津津說項勿絕余少孝廉八歲時  
以小試售知邑令楊載公先生得與孝廉交遂與孝廉  
文酒稱莫逆孝廉獨奇嗜余文以爲間出余亦多孝廉  
知已坦衷直性相與爲肺腑之交可二十餘年孝廉抱  
經世之略旣以屢用公車鬱鬱不得志故姓名不出郡  
國會中原盜起孝廉往依衡陽故人兵巡使者王公鼎  
鎮外是則游燕都者四又以亂避身沙湖中除是則偃  
仰里中婆娑瓜畦豆棚間濁酒一瓢頽然自放而已孝  
廉晚年頗能詩詩銜口而出恥事繩墨間爲古文辭憂  
憂自成一家不寄人籬下甲申之變賦哀國十章讀者

傷之其詩亦不傳丙戌寇乘虛掠襄鄧老廉約鄉人聚堡與賊相持以衆寡不敵孝廉冒矢石與賊戰賊鋒傷幾眇坐是孝廉遂爲半人更不復出而與世相見余以遊楚歸或騎驢相訪陶然盡醉如疇昔歡生客來則避之蓋自是無意人間世矣記余丙申從軍長沙以是年四月發里中孝廉自新野攜榼具蔬醢祖我構林關上把手言別共宿招提中黎明別去臨去回首者再哽酸不能語乃揮淚言曰一身將老恐見故人無期落落海內誰能知見賓者故見賓不用於世世亦無能用見賓者昔之人沒而得歸於土倘邀子一言爲泉壤光不朽矣余私心痛且怪之既而曰達者之言也計見賓長

讀李太史墓表下

余八歲高顧隆準善飯夢飲五十以後多能生少子此人非八九十歲不能死且近復著作頗多其氣沛艾而淳鬱取精多用物宏矣皆非死法也閱三年己亥公冢子維天挾公遺命歷江漢涉洞庭問墓表於余余時官衡陽公未死之前數十日謂維天曰我與禹峰交善舍禹峰無可表墓者兒執此意往質之禹峰當記吾言余聞而哭之不成聲爲撮君之行狀大略而書之嗟乎孝廉竟死矣萬世而下誰知孝廉然孝廉之可以不死不在片石也爲之銘曰

以如此之才而不仕于上國命也夫抑志也夫有子多且才不必其仕也不必其不仕也其有以存公也

丁二字先生墓表

皇清順治十三年丁二字先生年七十七念旦夕將歸於土先爲柳瘞於二人壠側爲合族氏少若長及里社親朋觴其處曰此吾百年後九泉也客有泣下者先生曰死生寄耳記曰狐死正丘首仁也仁也者不忘本也吾閱人間世已古稀有奇先朝露委溝壑得埋骨於先人亢旁幸矣先生初有丈夫子名如滙年五十餘以明經爲蘭陽訓既踰陝州疾終於官先生歸其觀葬今塋尺有咫子復有孫曰英爲諸生俱先先生歿今所存者止一女幼適段氏先生曰吾老無子孫段氏復幼一旦嬰老疾臥死牀褥瞑目無知奄然長逝誰復舉吾骸葬祖宗墳墓先生之先瘞柳也不忘本也危之也於是里人從而解之曰世人死者以有後得殯於本氏塋是已今之累累墓下子孫乏絕者不可勝數將推埋地下另葬他所乎先生不幸生而見其子孫以歿是未嘗無子孫也然則先生所不幸者長年耳先生非無子孫者也先生有從子族氏人復多其又何忍不以先生歸諸舊塋而爲鬼惜此一塊土哉先生之孳孳於舊塋者不忘本也則從子與族氏人同此心審矣然則先生之有此舉也非慮之也蓋達也所謂死生寄焉者非耶先生名懿又改士心幼爲諸生負盛名小試輒冠軍困棘闈者凡十三次中副車者一歲貢終先生爲人義俠知交多

讀李太史墓表下

當世名公卿又洞達喜獎借後學教授里中傳經四十年時人比之馬扶風王河汾云銘曰

象賢嶽嶽談經兩地不可謂無後也享年耄耄窈窕舊隴可謂知本也先事而圖就木于土不可謂不達也夫是之謂丁公之墓也

### 族姪來泰墓表

我祖孔公自新喻抵鄧及予之身六世矣予爲兒時則聞伯父行爲予言家世如聽塾師爲蒙童講史書不審世間古來果有此人不可領之而已甫弱冠族阨於兵次第化去予所心欽不忘者則里居及先人行輩名字而已然最真者記伯父口云上世有華四公者至穰徵租

讀史本義卷五十五

主

跨一騾而去後遂杳然無復音信者及予成童時則亦三十四年庚辰釋褐托同門友傅鼎銓寄札亦不見有人來改革後予分藩楚之永郡家人抱譜牒至于私心自問此中但有華四名則可信否則狄梁公郭汾陽正不復相蒙矣手繙數葉於本生祖行下適有華四名不覺哽咽失聲曰葛藟尚庇根本況人乎古來吹律合姓又後世因國氏賜姓是不一端我彭氏則陸終苗裔祖氏以封彭城得名迄今傳三千餘年矣豫章一派視天下獨爲甲族嘗讀五代史時有名珩者爲長沙馬氏太尉八子皆顯官散居吉臨諸郡大約江西此姓最著皆太尉子孫也吾始祖資孔公以遊學入中州遂有予祖

父及予今始得家譜讀之則今之攜此書而來者是再一華四公矣何可沒也此以後家人時往來於鄧予又以順治十三年遊潭衛家人亦時來皆挾此書者爲之先導予先是遣兒始鸞拜掃得造祖宗故廬今立有短碣志之未幾而挾此書者亦物故其子茂才以戊戌來朱陵爲列其父行狀求爲文記之而述曰是莫丘此矣合兩地數千里又數世二百餘年之氣類之精魂而合聚一堂之內尺幅之間是其人可以傳何必他行事哉古之立譜法者不過括生平大事以一二字盡之正復如此茂才勉之異世而下得於荒烟蔓草之餘魁然馬鬣路人得名之曰此某人之祖先也茂才父功爲烈矣

讀史本義卷五十五

主

其父伊誰名來泰是予猶子行也

### 河東王將軍先人墓碑

蓋聞郇瑕之地土多鹽而寶與汾澮之間水流惡而氣勁故城濮之役取威定霸鄆陵一戰鄭楚風靡晉師武臣力爲天下烈豈人事偶值歟抑地氣使然也王將軍永祚河東平陸人也射穿七札敵學萬人當真主之龍典爲興朝之虎將敦詩書而說禮樂無慚儒將之風寄腹心以托干城居然公侯之選今皇帝十有四年使相經略五省乃晉前將軍鎮撫長沙如淮陰之遇蕭相將傳檄以定秦晉公之有西平且奪櫛而入蔡每居恒自念早歲從戎瞻望鄉關輒用流涕遯遊關外正終

軍棄縞之年奉表江南乃溫嶠絕裾之日思故國之桑梓誰無香火之情感重泉之衣冠未免陵谷之變若高若曾為封為樹皆值風雲之運或明經而謁帝或執父而從王並屬鳥衣之舊今當鼎革之交或城郭是而人民非或山河同而風景異難明馬鬣之封孟嘗君之葬地已見樵牧來遊郭汾陽之先塋誰保松楸不改王事靡盬拜掃何期往致明禋敢勞祝史嗟乎蕭瑀不生於空桑天下豈有無父之人夢子岡祀夫祝融春秋爰典問罪之舉闕穀之德澤在人若教鬼不餒矣皋陶之正直未替庭堅祀豈忽諸而今而後維子維孫華表以樹勲庸如按箕裘之業片石而鐫姓字長同帶礪之盟銘

續東坡全集卷五 祭文下

十四

曰

龍門之水有時而竭太行之山有時而泐惟王氏之先塋胡不窆而見考工記

### 義僕黃紀墓誌銘

黃紀湖廣景陵人弱時離亂為賊掠遺鄧州先從諸生陳呂英會子為楚督學陳慰我安陸子見其謹慧異之陳因以紀贈子改名周從子遊二十年入備灑掃出供鞭弭小心事主不妄言誠信篤至有智略子戊子撫黔與賊戰靖州城下貫甲西門賊佯退子將歸行署周耳語曰勿中賊計乃先一騎偵之賊已滿公廨居民皆裹白巾應之圍子三匝血戰僅出否則隨其掌中矣又從

子之官滇黔周行萬里無惰心歲壬寅子視兵嶺南周左右南來因官署日用不繼稍覓資本命周貿易粵東周權子母守管鎗分毫不以自私紀綱中之有信行者子重之器之每有嗔怒周輒寬譬類有道者先是有母每歲往寧之其母先周死娶妻唐氏生子不育周年可三十以康熙元年八月二十八日卒於桂林噫命也夫抑子以垂白之年浪遊不止炎荒天末以致義從觸瘴而殁子負子也夫為之穿壠於城西之原葬焉銘曰早罹干戈今飄泊異鄉念子零丁今收之荆襄廿載而如一日今庶不負主人之恩胡怛化而還大造今嗟旅魂

續東坡全集卷五 祭文下

十五

### 行狀

#### 胡翁阿思哈番行狀

公閩閩三韓箕裘奕世猿臂善射虎頭當封年二十餘隨定南王孔起兵二東於是縱覽中原仰觀乾象爾乃引睇扶餘以北鮮卑之南知王氣之有在擬真人之誕生爰整義旅航海從王如王常率下江之兵從軍白水譬李勣領黎陽之衆歸服關中是時太宗皇帝手彎烏號之弓將問罪於朝鮮鋒淬湛盧之劍還立馬乎遼陽惟公梟勇敢戰先登吹毛三尺唾手八城威名已震於海上氣吞公孫之壘士馬遂甲乎寰中席捲盧龍之塞於是寬甸之黃巢授首人傳雲中之兵海上之盧循

破膽遂開下邳之祚義旗所指傳檄而定三秦精甲無  
雙長城遂拓萬里於斯時也武安瓦飛白起之營東下  
黃河浪沸趙曜之幢西來仰面而攻潼關再見六國逐  
羸秦之日夾戰而臨渭水還同魏武破韓馬之年遂取  
安定爰放姑臧國家不棄涼州原以斷西域之臂金繒  
久廢夏國應直搗元昊之巢撥馬而隨東征觀兵遂至  
吳會朱雀桁中人傳韓擒虎已至維揚城內無復袁公  
路稱尊鼓聲直振乎金山蒙衝大戰於洋子京觀築瘴  
癘之鯨鯢軍聲聳蒼葦之蟹贏於是東南既歸版圖楚  
粵猶隔王會洞庭衣帶馬殷建號於長沙番禺際海趙  
佗稱制於五嶺於大定南長子帥師維我太公素健左

讀李太公集卷五下

十五

右一鼓而楚南率俾三湘九溪盡入鴻臚之館再鼓而  
百粵歸命日南九郡共築朝漢之臺亡何將星忽隕驚  
櫓馬以皆鳴金甲歸天逢龍蛇而當阨實維順治之十  
三年七月也男某感風木之在念墨衰已自三年愴日  
月之有期寃窅不覺在望紀殊助以表隧集嘉慶於克  
間時維弱孫年十四歲向以桂林失陷劍指豐城今自  
黔中歸來珠還合浦死生異域在胡君既失子而得子  
骨肉同堂在太翁復無孫而有孫世共指為善人之祥  
天所以報仁人之後

讀哭陳時夏秀才文

丙申子復南遊歷夏徂秋客長沙八閱月時維初冬僕

有自故鄉來者為言故友陳時夏於今年某月卒於正  
寢子不覺失聲哽咽者久之念既以身殉繁天未去家  
千餘里不得一哭其楨以與舍殮之事盡生平之誼又  
恐王事靡盬歲月不居子未卜何年歸里公墓草已宿  
木且拱矣則子之於公終將以數十年性命肝鬲之交  
付之天涯感歎而已乎若死者有知子不啻行路人已  
於是命兒子隨行者往弔之手為文以告曰嗚呼時夏  
公真死耶計子生平粹白之交弱冠以迄於今始艾安  
樂患難以骨肉相視砥躬礪節諄諄以道德相規金石  
不渝風雨罔攸輟者則公一人而已吾曩年哭張孝廉  
箕時方繫馬湘潭有云公不死於往時而死於今年

讀李太公集卷五下

十七

使我生不得展饋藥之情死不得撫牀而哭長此千年  
相見無期痛已痛已不謂斯言於公再見子少孤年十  
七八時以童子藝見知於公公年長我二十與我里居  
相距甫一舍則為颺言曰咄咄彭子將大其戶時里兒  
聞者揶揄之維時州里婚嫁方社之會兩生在焉羣輩  
驚走以為兩生於禮俗落落難合也子性疎負不羈公  
方嚴每攻子短督責不少假借子母王夫人嘗以是多  
之予以兄事公凡突梯滑楫之詞對公不敢出諸口奇  
衆之行不敢令公知歲在癸酉流氛熾豫南宛屬罹兵  
燹尤劇公以二子從我遊時子方鍛羽新歸鄉鄰不能  
居徙居於城朝夕相問難數年之中未嘗頃刻離丙子

叨鄉薦又越五年成進士皆時時與公周旋得公益良多丁丑流遇大堤爲鼠子所噬公控拳伸解之用是遠於狂癡公少慕劇孟朱家之爲人膂力復倍州郡吏胥馴僮之徒刀俎小民或橫睨閭左間一聞公名輒氣奪萎腰咋舌而退辛巳子吏晉陽閼六年丙戌子乃歸里里中人爲我言向者李賊據關中博士弟子迫於勢館尺組者不少君獨以廢病計免以視逢萌遁跡於遠海費貽漆身於穽爲與古人爭烈矣子自戊子里居家食凡十年靡歲不與君斗酒相勞君雙顴渥丹瓠然而肥而齒不齟而履不杖只如四十許人邇年來能生少子予私意如公者當非八九十以下所能死也子自客歲

讀史亭文集卷二十一

大

入長安今春歸與君共醉酒後耳熱爲君言及躍馬彎弓之事以爲丈夫當立功絕塞桑榆非晚彼時亦安敢期其言之必中聊作壯語耳公爲大叫投袂而起浮白者再豈謂別君未久而君乃居然死也是所稱孝廉之言於君再見者其痛又何如也嗚呼時夏已矣子與時夏交三十有餘年矣時夏午躋古稀死亦何憾而子獨謂時夏即以七十而死有餘恨焉公以材武果敢生於承平之世徒以毛穎困諸生不能逞雄心於一劍唾手而取將帥此一恨也申酉之交運丁百六鼎湖龍去正英雄枕戈待旦之時而燭武髮短田光精竭所爲君王好壯而臣已老矣此二恨也抱此二恨不得已而以瓦

盆濁醪澆此壘塊歲時伏臘烹羊炮羔與鄰舍二三黃耆相娛樂暇時則弄兒膝上擊缶而歌不知身之將老豈謂朝露永閑泉壤營菟裘之未畢感季豹而忽遽此三恨也噫君抱此三恨其能瞑目耶吾將解之曰馬遷有言曰富貴而名湮沒不可勝數惟個儻非常之人稱焉彼汝南黃憲東海管寧其人皆以布衣名動京師死而書卒與王公埒何必爵位哉如謂弱姬遺胤百年之後供他人魚肉此爲更無壯子者言之君三郎茂才孝友人也夫同形分氣大都一父之子推棗讓梨豈無異母之兒此自茂才能爲之箕豆相煎尺布作謠可必其無此戾矣由是言之三恨者其不足恨者也人生會有死公以七十而死可以死矣獨是某之與君義兼師友情同兄弟我在南荒君歸萬里孔北海五十之年忽焉已過虞仲翔知己之外更無多人遊子未歸懸寶劍其何日幕府空繫致生芻而轉悲遣兒代告灑淚緘辭洞庭之水不流衡陽之鴈永斷從此六門隄邊新結要離之塚冠軍城外更築信陵之墳嗚呼哀哉

讀史亭文集卷二十一

十九

右 大夫子中丞公集如千卷漁洋王公暨竹垞西河  
兩太史既各爲論次小子與校字之列凡匝月竣事迺  
作而歎曰三百年來無此作矣近代號名家自謂講貫  
略似吳閶市上廬鬻骨董玩慘金嵌碧款識精良直高  
手形撫耳若迺古鼎蒼碣鬱律森沈生螭盤而瘦蛟舞  
睥視者至胃悸神竦而不敢逼殆難以巧匠名矣公文  
章以胆力勝意在默闢其視柔脆音不啻涕唾沍滓序  
論傳記奇氣學龍門氏瑰麗雄碩與劉子政揚雲相匹  
敵質與處間似元道州要不屑唐以下詩則於杜韓兩  
公案入其阻而不拾其鱗爪大氏魁梧豁達狀其爲人  
也憶曩時容都下吾 師方由中秘轉南臺間從問字

題後

暇得讀所爲南陽家集敬題一律中有云鐵馬金戈橫  
絕塞錦袍画褶映江波吾師亟賞之今迺得縱觀前後  
集如飢腹啖太倉疾讀三晝夜毛髮俱壯蓋公自諸生  
時毅然負王佐偉略泊宦遊萬里筌竹昆彌間懷鳥風  
雲銷沈戰壘想莊蹻之割據弔伏波之雄師據鞍橫槊  
慨當以慷飛揚跋扈之氣便欲推倒一世不自知其墨  
筆之噴怒也抑有感者公督視楚學揚文教於戰關灰  
燼之餘江漢間至今誦思之今吾師以名父子用古學  
提唱東南東南士履太平久飫教化益灑然知革其寡  
陋蓋文章家法端有所自而兩世奉使持衡俱以丙戌  
尤非偶然云康熙戊子嘉平門下晚學生山陰金以成

謹跋

南陽名士推臥龍千秋相埒中丞公公廬禹山淑氣鍾  
作賦擲地聲摩空三楚文衡披雄風沅湘香草寒芎藭  
是時西南劇戰攻紫陽喪亂連天崇程程畫嘯啼猿猱  
公以文儒臨兵戎驚弦電激鳴雕弓倚馬草檄還從容  
千言露布盾鼻鋒又復建節靡莫東牂牁南下水溶溶  
竹祠柅杖浮艤艫踰醬桐綿輸巴賁奇策未足誇唐蒙  
公思不朽先德功立言更欲垂無窮醞釀經術淳彌縫  
囊括史事工陶鎔發爲文章光熊羆槎牙兀冢縱戈鏖  
筆力千丈鏡芙蓉鞞鞞鏗旬震凡聾溟漲駭浪凌樊桐  
魚龍吼擊鼉鼉宮飛濤白浪聯長虹何似公之鏖戰霹

題後

靄紅鈎車格援臨敵衝萬馬騰藉鉦鐃達寂然部伍識  
所從先登克馘擒元兇凱樂告廟聲靡靡文筆真欲摩  
蒼穹德功藉此銘景鐘何減分茅胙土五等封我師繼  
起斯文宗公明莫比間

九重振衰式靡撞叢鏞紹明家學惟乃庸捧誦琅編謠  
愚忝擷此菁華關蠶叢壽並清洛與碧嵩 當湖馮幾

讀史亭詩集十六卷文集二十二卷

浙江巡撫  
採進本

國朝彭而述撰而述字禹峰鄧州人前明崇禎庚辰

進士授陽曲縣知縣入

國朝官至貴州巡撫終於雲南布政使而述久厯邊

陞所爲詩文皆雄奇峭拔不受前人羈勒而不免

才多之患朱彝尊序謂其所應有盡有人所應

無不盡無斯評當矣

道山堂前集不分卷後集十卷

〔清〕陳軾撰

福建師範大學圖書館藏清康熙刻本

附《四庫全書總目·道山堂前集四卷後集七卷》提要

道山堂集序

運使辰南宮之役余同籍士三百人而八閩乃居四十時靜機裒然爲英妙之冠蓋其齒纔廿四耳余時亦將及三旬似皆可備或莊韜偃之數者而是科竟不選庶常余廷對策雖精楷合格讀卷者擬奏名第二已三日至臚傳時乃抑置二甲當授郎官而靜幾則亦忽忽綰墨綬以去嗣是河山阻絕不相聞至乙酉秋板蕩間關嶠嶮嶺海余乃復得與靜機相見于榕城榕城固靜機家鄉也余時以

羈勒至襁褓麻屨憔悴枯槁而靜機  
顧獨踔厲飛揚意氣軒舉余睹之茫  
若有所失也已復得追隨後塵左右  
橐弢未踰碁而板蕩又見告矣于是  
復蒼黃與靜機相失今忽忽三十三  
年矣地老天荒杳然隔世曩所謂同

道山堂集 黃序

二

籍三百人蓋厯有存者至今年丁巳  
冬乃忽與靜機相見于吳門噫醒耶  
夢耶真耶幻耶相與拊手一拜凄然  
不知涕之何從也夫人生自少而壯  
壯而老計其歲月多不過百年耳此  
百年之內哀與樂相尋離與合相禪

大氏不幸生此缺陷世界中未有樂  
而哀合而不離者然亦有時哀而  
復樂離而復合此則意計之所不及  
而或有鬼神控揣于其間若吾兩人  
今日之晤對豈不誠幸矣哉余既與  
靜機慷慨欷歔已而酒酣耳熱因與

道山堂集 黃序

三

抵掌論才點勘風雅余有詩靜機亦  
有詩余有文靜機亦有文余有填詞  
靜機亦有填詞余有傳奇雜劇靜機  
亦有傳奇雜劇凡余所能者靜機類  
皆言之而靜機所能者余顧未必能  
也何也蓋余之不如靜機者有三靜

機家世通顯簪笏蟬聯而余崛起卑  
寒親無強近其不如一靜機精神滿  
腹弘潤通長而余體羸善病峭性寡  
諧其不如二靜機著述滿家力能壽  
梓而余積文成家徒飽鼠蟬其不如  
三坐是三者余固宜瞠乎其後矣而

道山堂集 黃序

四

况其詩文之瑰麗沉雄詞劇之鮮妍  
香豔又復窮古轍今絕無而僅有乎  
茲余于靜機既感其晤合之奇復歎  
其文章之妙欣慨交并曷能自己適  
靜機以道山堂集屬余序因亟爲數  
語識之嗟乎俛仰今昔歟忽且四十


年靜機齒已逾六而余則望七矣回  
視夫金門待詔之年紫陌看花之日  
豈不猶槐螳蕉鹿也哉過此以往靜  
機之潛躍變化不可知而余則癖好  
神仙行且訪洪崖而從赤松矣請戲  
與靜機約再閱四十年吾當遇君于

道山堂集 黃序

五

武彞太華之間

鍾山年弟黃周星題



道山堂前集文目

蔬說

穴蟲說

螢說

唐若營字說

通田考說

擬師丹與孔丞相書

擬趙外射與馬季氏書

叔孫通論

貫高論

姜肱論

張禹論

隗囂論

後唐莊宗論

張昭論

魚朝恩論

道山堂集

十

宋高宗論

朝廷處分已定論

王欽若論

南山移文

鐵筆先生傳

妙峰靈谷上人詩序

壽安邇庵語錄序

黃蘗虛白禪師語錄序

祠清縣誌序

贈諸遠之序

贈楊生序

贈湯及泉序

鄭峯陽文集序

賀楊母張孺人八十序

陸孝標壽序

唐聞川孝廉七十壽序

戶部主事靖公墓誌銘

兵部職方司主事趙公止安墓表

箕山亭記

唐槐記

翠雲峰記

邵二泉先生四戒詩題跋

虎山鬼獄廟記

道山堂集

二

蔬說

山野之間有一丈人趣舍聲色俱與人異問其所食則蔬也或告之曰天下之味不勝窮也人之嗜好無有終極也吾見平鼎食之家擊鮮而饕噬脂而安鷄鵝熊蟠鴛腹虬絲聶之人之嗜之多之其意止於自適而已而天下之人爭其羶香而亟欲附之刀俎之中似有裨焉吾未見其膏也不如

道山堂集

十一

其秋也丈人曰子之徒羨乎肉食也是知乎餽牽之盛與餽鯉之美也亦知其所自乎一之積一脯之設吾知曲卷其形淖約其情而後得之矣毀廉鴈極渙浥以求饔沃未有二遇毒而斃者也且夫蔬之爲物也取其潔也禮大胥舞者持芬香之菜謂之合舞詩言蘋蘩以祭宗廟神鬼且格而况于人乎野人之芹可以獻尊南山之蕨可以避亂而况於尋常日用之資乎方未生也因其利於大懼苗饑之乘其後也順其宜於地懼土膏之薄

也措搢焉抱甕出灌惟恐其不力也既已治之見有若直遂者矣若秀折者矣若雲蓋而委者矣若經烈日者矣若傲霜雪者矣采之欲其柔也蓄之欲其久也始以治圃畦之勤而繼以歷歲時之遠飽今而寢其樂于天下之味孰有踰于斯者乎信子之言謂膏之過于秋也吾其棄諸泉壤久矣何蔬之是務爲

道山堂集

二

穴蟲說

天下之患莫大於有所嗜有所嗜則敝敝焉延頸  
舉踵竭蹶以厭其求而有所不給是故周防其  
身惟恐其螫已也伺隙而動聞聲而退利于陰不  
利于陽宜于昏不宜於旦偶有所得則沾沾而自  
喜嚙嚙而不息甚有偷樂不反而不復問防其身  
者矣以溺于所嗜之故也穴蟲之爲物也吾知之  
也忽然而出忽然而沒至疾也乘于不及覺動于  
不及制至詐也攫他物以遂已欲至貪也搏噬燕

道山堂集

三

鵠而破碎完好至忍也疾則恃剽輕之智詐則多  
齷卷之形貪則昧止足之義忍則肆其戕殺暴殄  
而莫之恤夫以養生之故而延頸舉踵以謀其生  
始於有所嗜而終於無所畏故曰竊也乎也乎天  
之生是物甚無謂也焚而畜之不足以窮玩好磔  
而刃之不足以膏斧鑕包而燔之不足以供尊俎  
使天而不生是物也則天下之庾億坻積與夫殘  
羹餽飯俱可以無慮也屬欲其固橐欲其堅拒之  
使不能入者俱爲贅龐也惟其可以不生而天必

屑也

道山堂集

四

欲生之使之叫呼朋黨處于與交淡遠之中而又  
假以齒牙以任其所欲爲豈非教乎爲竊者哉雖  
然天下之陰狡非無法以制也彼之延頸舉踵竭  
蹶而不給一怯弱之狸狴得哂其喉而啖其肉矣  
穴蟲其小者也肱篋發匱遇慢藏則取之雖宿息  
聚櫟而姦宄不止猶之穿墉之智也然工師之力  
得而繫之矣肱篋發匱其小者也掊擊聖賢而屬  
于皮弁鵠冠之列割裂廉隅而貌爲箕山首陽之  
節是與於肱篋發匱之甚者也此又穴蟲之所不

螢說

晝夜之相禪也各以其時而所生之物亦因其時  
以爲勝時而晝也天日之烜赫花卉之發榮以及  
青黃黼黻之屬睭睭乎其無不見也及至于夜而  
闇蔽生矣在氣爲濁在數爲陰在倫類則爲小人  
而至微之物遂得挾其毫末之光以炫耀于時故  
其入于簾幙點於衣襟耀于棘林照於卷軸若出  
若沒若隱若現而不能測其所以然則螢是也今  
夫行于夜者月也或以爲免魄或以爲寶鏡其出

道山堂集

五

而皎也如雪之凝如霜之縞而天下皆被其光華  
周于夜者星也或以爲恒或以爲經其見而芒也  
如貝之連如鴈之行而天下莫不仰其精采螢則  
何居乎挾其毫末之光而以爲燭幽扶微矣我若  
也是不知有星與月之在其上也不見乎驪龍乎  
非不能噬雲震電而張其靈怪也方其蟠於深淵  
蛭蛆得而傲之又不可見乎威鳳乎陽精靈質非無  
于仞之能也然而歿其羽儀鷗之得腐鼠者從而  
嚇之矣螢之不知有星與月也蛭蛆與鷗之不知

有驪龍威鳳也一而已矣月令曰季夏之月腐草  
化爲螢蓋天下光明俊偉之氣散布于天地河嶽  
之間必經蒸鬱磅礴而后出腐草者下於灌莽而  
草之極賤者也生無杜若之香長無屈軼之指以  
朽敗之資而欲變化氣質使之光明而俊偉也豈  
不難哉豈不難哉

道山堂集

六

唐若營字說

任天下者未有無所營而任也譬如作室或爲文  
機或爲長廊麒麟鵲之飾白玉樽金之貴其始  
必審曲面勢相其高下方員之宜而后引繩切墨  
斤斲斧削因其規畫以底于成不則棟撓之凶其  
所不免然則梓慶之鑄木不敢以耗氣往與夫臨  
事好謀其理一也今有人焉霾霧擁于上燔灼盛  
于下堙鬱洶湧號鳴大吒而吾方欣欣懌懌如冰  
炭之不相入是其身爲木石而肺肝爲矛戟也如  
有能救之者而其勢不能以驟得則必委曲經營  
而謀所以救之矣未聞蹶張震怖思慮委頓安坐  
而救之也夫任天下者力也營天下者心也未有  
心赴而力不赴者也唐子君知名其子曰宇肩澹  
歸上人字之曰若營其與命名之義洵有合矣雖  
然君知厲甄蘇之操隱身不仕其意似無所營非  
無營也世人所營者利祿君知所營者氣節世人  
之營可以不必營君知之營則尤世人之所不能  
營今以此而授其子蓋氣節者言諸事功所從出

道山堂集

十七

也亦因其時而已若營勉乎哉

道山堂集

八

通田者說

余鄉之人有受田而通于外者余遇而問之曰爾何愚之甚也古先王之寶稼穡也以土穀爲本辨之以壤莠之以種任之以地受之以人遂師遂大夫縣正鄰長之屬皆爲田而設官惟其墾草邵農所以財用蕃殖國無涓瘠井田以降而兼井者遂分其利農夫霑體塗足竭四支之力尚恐不給受田之家安坐堂奧而京坻委積凡所以易貨賄供案盛弔死問疾養孤長幼皆于此而具假使無蛆

道山堂集

九

蟪蛄蠋之傷與寇賊兵革之警則爾之爲樂亦侈矣今乃捐親戚棄廬墓而輕去其鄉何愚之甚也通者日子徒知田之利而未悉田之害也吾之祖若父或日一積焉或歲一積焉蓋嘗勤其思以取之多其藏以致之亦以爲子孫萬世無窮之利也至于今日其田愈衆其家愈蹙昔之患者在于蛆蟪蛄蠋今豐與禔而俱困也昔之患者在于寇賊兵革今治與亂而俱憊也吾見昔之華梁綺井夏屋渠渠者今則葭牆艾席爲田而廢其居昔之履

絲曳縞西人粲粲者今則肘見踵決爲田而敝其衣昔之櫛比崇墉婦子寧止者今則鬻妻質孥爲田而棄其帑甚者高官廳仕爲田而黜其爵則纓弁箕諸原野春誦夏弦爲田而誦其業則詩書變爲榛蕪田之爲害不可勝指也且古者刑辟之設所以防姦宄止淫慝也然獄必三訊以大小比而得成今受田之人無重法可以傳會無漢文可以摭撫惟視田之厚薄以治其獄之重輕以槍刈擣縛爲鑽鑿以溝畛塗爲園土赭衣載道號呼罔

道山堂集

十

聞然則祖若父之以田與我是榜箠我也刀鋸我也足殄滅我而泉隧我也吾是以懼也今夫人之血氣稍爾乖戾則癰瘍乘之虺蜴之爲物穴出草居畜怒而螫人今吾有田疇贏之苦過于癰瘍毒螫之禍甚于虺蜴若任其潰決而不能止縱其毒螫而不知避吾誠愚甚矣吾是以通也不然大豈不知輕去其鄉者之爲非也余曰信哉田之爲害有如是夫因書之以告世之殖田而益富者

擬師丹與孔丞相書

丹蒙主上不卽誅戮放歸田里自分杜口結舌不言時政且朝廷之事非草野所宜言也惟是丹與君侯夙昔同朝往爲傳太后尊號力排母以子貴之說與君侯議論頗合今雖升沉異勢而志意相關故敢獻其狂瞽惟君侯財匱焉丹聞之古之人臣公忠體國苟利社稷死生以之然必有剛正不阿之節利害得失不以易其心而後能當大任犯大難而不辭夫太平無事之世中材猶優爲之而

道山堂集

十一

至於疎容奮衷遙氣激發室隙蹈瑕不爲屈折惟剛正者足以辨此若夫躊躇廉謹謙退自居此曲士之行非社稷之臣所宜有矣董聖卿封爵過濫權傾朝右前者新甫侯封上詔書與故安檄召鄧通略似乃至觸忤主上不能如申屠之見容卒與蕭太傅弘石之禍同其慘酷當時君侯位居光祿左疆諫固爭冀回上意乃竟以罔上不道候違議奏是非混亂刑罰失當凡有血氣莫不憤懣且新甫侯下獄時常喟歎以賢不能進君侯爲恨而大

獄之成倡自君侯無論違天下之公議君侯亦何

以報知已乎聖卿不過一弄臣耳雖爲三公而聖卿之父曾爲君侯屬吏使君侯持以尊重稍抑其執未必卽有禍害乃拜謁迎送過爲恭謹至不敢處以賓客鈞敵之禮自是董氏益橫皆君侯成之端揆何地宰相何官而調事佞幸體統凌夷誠可惋惜且聖卿大司馬冊文有曰允執其中明係堯舜禪受之旨假使主上真以天下讓聖卿君侯亦從而將順之歟在君侯持祿保位迎合主上富貴終身自謂得計而在道事人阿諛蒙譏服儒衣冠而柔輓若婦人誦聖人書而悖患失之戒非丹之所敢望也故質直冒觸伏惟垂聽不宣

道山堂集

十二

擬趙邪卿與馬季長書

岐白竊見足下蘊畜古今聞譽日甚四方之士羸糧負笈爭出其門固已駕人倫之上極稽古之榮矣岐幸托至戚比于孔門爲南容之亞弟素性堅執從未曳裾叩謁函丈足下每過岐家屢問趙處士安在岐乃遠引而避不欲望見顏色非岐之敢拒足下也足下自思之其所以使岐不欲見者蓋有在也請言之足下早年曾從摯季直遊季直隱居南山不應徵聘至以女歸足下豈不以高尚之

道山堂集

三

志互相勸勉哉足下始猶經經辭大將軍舍人之命頗以名節自重迨遇羌亂年荒悔而歎息遂鄙曲士之行往應辟召夫丹精之質不可雜以鎖鑲虹白之氣不可溷以砒砒士君子之立身猶江河之有隄防也江河之水易于衝潰不有以束隘而堙塞之則必決堰汨川滙成巨浸而變爲毒冒蛇龍之區士君子之立身易于萎蘭不有以堅忍而禁制之則必槃旋偃仰廉耻幅裂而心腑頽頽盡以要能釣利而不可復止足下拂巾衽褐以企鄧

氏之招是隄防初決之時也始進不慎而足下人

品遂自此定矣南鄭李太尉社稷之臣也守節持重力爭大義觸忌累冀遂見誅戮然爲冀草奏者足下也茂賊大臣始繇于冀而羅織成獄實自足下夫以刀鋸殺人與以文字殺人何以異雖曰勢家不敢違忤非出足下本意計足下于此時抗論救止抵死不辭上也投版棄官不與其事次也乃至依阿黨同助其凶焰致使忠正蒙非刑之冤國家受顛覆之禍此天地鬼神共爲隕涕者也當太

道山堂集

古

尉下獄詰闕通訴者有河內李承等十數人及露尸四衢汝南郭亮左提章鉞右秉鈇鑕詣闕乞收太尉屍守喪不去亮年方瞳矇尚能義氣震動奮不顧身足下獨何心而甘爲冀鷹犬乎且足下亦何而目而見當世之士乎足下所恃者博洽多聞尤長賦頌觀其詞藻駢麗聲輓組纂固文章之家也然足下所工者賦頌而所病亦以賦頌大將軍西第之文縱極意雕繪不過如子雲之劇秦美新而已一代著作固如是乎岐又聞天下之學莫重

于師記曰師嚴然後道尊師者所以爲法于人也  
爲法于人而不先自正其已未有能正人者也齊  
人歸魯女樂孔子下仕而去足下前受生徒後列  
女樂如所傳者聖人之教與則聲伎之娛宜皆擯  
去今乃詩書之側錯以環珥問難之英等於俳優  
聖人之教漸滅盡矣涿郡盧子幹犂汝延叔堅北  
海鄭康成皆足下弟子名重于時彼皆出幽谷遷  
喬木未必盡私淑足下也子幹嘗侍講積年見足  
下女倡歌舞未曾轉盼斯其人品過于足下不已

道山堂集

五

遠乎足下大節已磨齒復衰落岐雖百端諷諫無  
所補其闕失但恐後世之士不察其故謂坐高堂  
施絳帳侈爲盛事羣而慕之其貽悞於師儒正不  
少也故輒痛切及之岐惶恐頓首

叔孫通論

天下之不變者道也而其必變者時也人而欲有  
爲于世不因乎時而相其所必趨則不能以成功  
惟知變之士能識其所以然故雖近於盤旋偃仰  
智算迎合者之所爲而其議出于正而不詭天下  
後世卒不得而訾之叔孫通可謂識時變者也論  
者以爲諛則非也夫所謂諛者必其一意將順不  
問其事之是非而調曲以成其過甚至禍人國家  
而有所不顧通非其人也通初降時服短衣楚製

道山堂集

六

未爲失也世治則行步偶旅高于蹶張之將世亂  
則羣盜大猾勝于曲謹之儒固其勢也當高帝從  
五諸侯入彭城戰鬪未息而欲以雍容儒雅馳騁  
于鎧杆刀弩之間則諄矣通不進諸弟子而先言  
斬將奪旗之士所謂趨時之所急也迨帝卽位定  
陶通始進以儒者守成之說且知帝之畏于煩難  
也先爲絲葛以習之雖禮文麤具而位次不素殿  
廷齋肅君臣之體絲是而定通嫻當世之務以成  
一代之制作非阿諛以徇功名者比也至于帝欲

易太子通言之痛切曰本一搖天下震動而父子之義著孝惠築復道武庫南通請改爲原廟及出遊離宮請以櫻桃爲熟而尊祖敬宗之義著通之言合于禮皆可以爲後世法焉夫人終其身立朝所得自建明者不過一二事此一二事既不詭于正而其人之生平亦可以勒之史策而不愧論者以通之見用會其時之可爲而其言皆見之施行遂以爲希世之流耳其實通乃識時變者而非諛也

道山堂集

七

賈高論

凡人殺其身而有利于主則爲義烈以捐其生殺其身而有害于主此昏耗亡行鹵莽者之所爲也雖其意以爲其主而罪與殺其主等漢貫高是也高帝之嫂罵高帝之常態也九江王布歸漢距牀洗足召之人見及出就舍帳御飲食從官皆如王居周昌白趙壯士可令將者四人且嫂罵曰豎子能爲將乎後封各千戶以慰趙子弟諸如此類不可勝紀蓋天下豪傑之士英槩飄忽如奔蹏之馬

道山堂集

六

委轡憤極不措勒轡輒以挽其執則衝突而莫救故欲得其力先制其命則必倨侮屈辱以折其剛銳之氣而後可以惟吾驅使而不爲患帝常用此以爲駕御天下之術非猶夫人之嫂罵也趙王敖嗣父爲王恩遇至厚加以子婿骨肉之親帝從平城過趙箕踞罵詈卽甚無禮敖宜安卑下之分不當妄生觖望趙相罵高等忿憤不平義不受辱柏人置廁幾危高帝不知高等何故而爲此也夫嫂罵乃高帝之常使人人受之而必欲報則其仇視

高帝者不知其幾矣高等不自揣量行刺至尊事  
成陷主以不忠之名不成貽主以誅滅之禍高等  
之悖逆不道當以質鉄猶有餘戮也及逮捕反者  
趙午等十餘人皆爭自刎而高獨不死以白王之  
不反榜笞數千終不復言雖赦自此蒙赦然豈足  
贖高罪之萬一乎且赦之得生未必出于高也赦  
知之當坐赦不知而行刺乃趙之相亦當坐況高  
曾已說赦齧指出血而赦不發其謀亦當坐赦之  
所以生者獨特魯元公主耳呂后爲帝數言張王  
道山堂集 九

姜肱論

易乾初曰潛龍勿用乾二曰見龍在田各有定位  
不能易也孔子曰用之則行舍之則藏與易通矣  
然後世有一於藏用之而必不行者母乃悖孔氏  
之旨乎夫賢人君子之處於世未有不欲用者其  
用之而必不行蓋有所不得已焉爾漢姜肱有道  
之士也桓帝時徵之不至其後帝下彭城使畫工  
圖其形狀焉人之遇主至使其主思之而必欲見  
既不得見而思見其形如見其人其勤懇周至與

道山堂集 十

夫審象旁求意豈異哉乃肱以被韜面拒畫工使  
不見似乎用之而必不行者雖然非所以知肱也  
人主之用人也將理政寧人以圖治安非尚虛聲  
而已高宗之用傳說也其先恭默思道而後感之  
于天假之于夢及其用之則曰啓心沃心桓帝豈  
其人乎誅戮正人而不知戚信任閹豎而不知悔  
無朝夕納誨之誠而強爲審象旁求之事有用之  
名而無用之實猶之乎不用也或曰桓靈之世皇  
路險傾之時也使人人皆有陵阿之志濟險定傾

將誰任乎夫賢人君子得志行道宜於泰更宜於屯譬如乘黃之馬日行萬里與之踐莊施之塗和鑾節奏按步徐進則無所見其長及試之阨阻遲倚修迴盤曲庸駟之姿沒趾滅跗而此獨能追風而奔若不經意凡人之欲有爲于天下未有不以濟險定傾爲任者也惟是險無可濟傾無可定材窮而力絀殉其身而有益于國智者猶爲之如李固陳蕃殉其身而無益于國肱所不爲也善乎徐孺子之言曰大樹將顛非一繩所維其志致蓋遠矣今人之論石隱者莫不慕其名高以爲爵隆從窳是其天性抑知其放聲遯跡皆其不得已而爲之非徒遠害以全其身者也

道山堂集

主

張禹論

人臣之患莫大乎有當爲之任而故讓之有可進之機止而不能發也視其君之不振與其國之將傾而不之恤斯其人之罪雖萬死不足贖矣吾讀史至朱雲折檻之事未嘗不喟然太息焉雲以張禹爲佞人佞誠未有過于禹者也西漢之禍繇于王氏而王氏之盛成帝釀之而實禹成之帝太子時禹爲論語師帝壯好經書博覽古今有儒者之度使師傅得人凡理國治人之務其訓導而曉譬之者宜可實見于政事之間禹則非其任也建始以來禹與王鳳並領尚書河平四年代王商爲丞相在位六載當時鳳顯權用事至使中常侍之官天子不敢拜禹職列三公所彌縫而匡救者爲何事歟鉅平王章奏鳳誣罔不忠言甚激烈帝謂章曰微京兆尹直言吾不聞社稷計夫以社稷之計丞相不言而待京兆尹言之則丞相之職職已曠然天子之意中矣且帝非昏瞶之主也獨以濡忍不斷知其言之善而不果于用禹以平昔親厚之

道山堂集

主

臣使譽其剛直而因以暴風之罪則章可不至于死禹乃宛舌固聲不出一言此非天子之大臣直王氏之私人耳更可惜者永始元延間災異屢見史民上書譏切王氏帝車駕至禹第辟左右親問此可以言之時也禹乃曰新學小生亂道誤人宜無信用自是王氏益橫而漢事遂不可爲矣夫始關內侯繼封安昌侯元功之典不可謂不尊也及老病乞骸骨賜安車駟馬置從事史前後賞賜數千萬費予之恩不可謂不渥也以人主禮遇之隆

道山堂集

三

如此至於宗社存亡之際而曾不足以動其情禹可謂忍于不忠者也蓋人臣之忠其君必公爾忘身國爾忘家而後謂之忠禹厚殖貨財田極膏腴身居大第則念在田宅後堂理絲竹筦絃與婦女優人相習則念在聲色愛媚徒爲弘農守小子拜爲黃門則念在兒女夫人臣匡難補闕斯夕周營不過方寸之地而田宅奪之聲色奪之兒女又奪之富貴逸樂之娛乘于其前利害禍福之見復躡于其後雖有忠愛之心所存亦無幾矣雖然禹說

論語者也論語曰所謂大臣者以道事君又曰弑父與君亦不從也禹遇文學之主而不能引之于道王氏弑逆之謀已肇而禹依阿以長其執與從之者無異所謂說論語者果安在也然則讀聖人之書貴乎身體而力行之行之不力而徒得其意之所在擬議于章句之餘此訓詁之學博而無用者也吾以爲行之不力未有能得其意者也未有得其意而不能行者也漢諸儒之言曰欲爲文念張文果如張文之說論語而猶終其身爲佞人也

道山堂集

古

則又何以論語爲哉

隗囂論

從來豪傑舉事每因天以爲功苟非天之所授而欲恃其材力與之抗衡未有不敗者也漢自新莽篡位天下謳吟而思非一日矣天下思漢而推劉氏又於諸劉而推光武其名既正而其統不得不一當時天下已定而不屈者公孫述隗囂二人而已然囂所處之勢與述異述恃龍興之異妄引議記初爲一姓不再興之說其心固已無漢又以自立爲帝勢不能以相下刺胸墜馬固其甘心而囂未嘗帝制自爲也舉兵之時立高祖太宗世宗之廟稱臣奉祠更始二年遣使徵囂方望固止之囂徑入長安及聞光武卽位囂說更始歸政光武後復遣長子恂隨來歙詣關豈不矜強弱之勢審去就之分而志存乎輔漢耶輔之於始不復輔之於卒而其勢不能以自全則終疑貳觀望以及于賤而已且其異者智窮計蹙歸命於蜀冀延餘息夫光武之與公孫述其名號之邪正易明也乘龍御天與井底之蛙易辨也天下郡國百十有六與西

道山堂集

五

州之一隅不啻選庭也捨全盛之朝而就危亡之

國無馬援竇融之智而有彭寵龐萌之禍卒至城破國亡悲憤而死豈不悲哉或曰囂之不願內事王元誤之也元以天水完固表裏山河所謂泥丸封函谷關者其計安在此非元之罪而聽元者之罪也觀光武之詔囂曰高皇帝云橫來大者王小者侯然囂豈橫之比乎橫起田氏而爲其舊疆志在復仇與新附者不同及乘傳詣洛陽恥北面漢英雄之倔強理固應爾而非所論於囂也嗚呼使囂隴坻稱雄不忘奉壁割牲之語將與仲華諸人錫功雲臺之上矣不此之務而欲退爲成紀之匹夫何可得已

道山堂集

去

後唐莊宗論

國家安危之理在于官人古者賦職以任功錄能以詔事務使官與人相得而天下治夫不啻相其材之稱否與品之高下而妄以已之私意除授于其間視先王八法六計之典漸滅無餘則官與人相軋而僥倖之流啗利鬻國不至傾覆不止矣惜乎唐莊宗有取天下之才而不知治天下之道也刺史之職所以親民也選人爲吏以親其民必其人之名足以服其民而後可以約束撫御而爲之

道山堂集

七

上苟其名不足以服其民則民將謂其人之卑賤吾所不屑爲也今俛首而爲其下則是朝廷以其人臨我實輕我也況彼之污辱亡行一旦得志虐使其民無所不至而欲責其爲良吏何異強鳧雛之鳴而爲雌雉之音取蜚蜮之轉而爲婉嬋之舞乎莊宗以伶人爲刺史是禍天下之本也天子之體不可使蝶蝶則侮之者至以萬乘之尊而自傳粉墨使優人得而批其頰是開弑逆之漸也至于宮掖之間寢食之處所與共者惟此教坊供奉之

輩且干預政事毒流縉紳積毀則羅貫暴屍風聞則存又繼麟就戮在莊宗之意以爲吾之待伶人者如此之厚則其竭忠盡瘁宜無如伶人之矢心而無他者矣而汜水之亂身死伶人之手將平日之寵而任之者適所以取禍與夫人主旁求俊乂雖歷數百世猶獲尊賢敬士之報何伶人之背恩忘義一至於此與雖然叔寶作玉樹臨春而受景陽之辱明皇置梨園子弟而致漁陽之變此皆耽溺音樂而失天下固無論也莊宗猶有爲之主也

道山堂集

七

當晉王克用將終遺以三矢莊宗藏之于廟用兵之日負而前驅及殄友貞于大梁執仁恭于幽州敗契丹于河上卒能復父之讐享有天下何其壯也使其引用文學之士存恤百姓消弭兵革則其後可無石郎割地之禍然以百戰得之以伶人失之爲人主者何故而與伶人共天下哉

張昭論

凡有天下之略者必不屈而下人屈而下人者受制于人者也勝敗之數勇怯之形存乎我而已矣蓋偷安旦夕不可以守一隅而有恃無恐乃可以決千里不修其在我而以彼之強形己之弱則其謀益短而其執益蹙是故朝廷之上其君臣震動恪恭教戒明備士懷陷陣之忠人有死綏之志不待白刃相交知其國可以常勝而不敗東吳赤壁之役曹操遺孫權書曰今治水軍八十萬衆與將

道山堂集

元

軍會獵于吳當時江東半壁豈遂束手待斃何至羣下錯愕失色而持重如張昭乃倡請迎之議此不可解也城下之盟春秋恥之况于迎乎昭之智計雖不及孔明公瑾然以帷幄重臣而國家存亡介在呼噏獨不一慮及此乎操之東下也目無全吳并吞之意蓄之已久假使吳迎之操之師可以退乎操師不能退而江東已非吳之有則吳當繼新野而北面幾何不與景升之子同類而共笑也孔明之言曰田橫齊之壯士猶守義不受辱公瑾

之言曰將軍兵精足用當爲漢室除殘去穢况操自送死而可迎之耶觀周葛之發憤欲戰不可遏止固已褫操之魄而奪其氣其後赤壁一擊北軍自潰則擊而破之與畏而迎之者其勝敗之數相去不啻千萬也或曰燥荻枯柴燒盡北船天實使之非得東南風勝敗未可知也夫沍寒之時而風過東南以論天意不謂無助但以上將行師建威制變而微倖于不可知之天意是以三軍爲戲也蓋兵家機會變在須臾原無定形可測黃蓋之謀適會其時以因其功使風非東南而周葛之出奇更有踰于詐降縱火之外者何者以近待遠以佚待勞乘其疲弊而攻其素所不習是必勝以待之也豈昭所能知哉昭始爲孫策長史策信任之專比之仲父及公瑾薦魯肅昭以爲少年粗疎從而毀之則其無知人之明可知至于釣臺飲酒灑水羣臣以紆長夜爲比公孫淵燕王之封力止兩使勿往具有抗直之節差強人意以昭觀之大約諷諫之任非將帥之材也然則人臣處人國家

道山堂集

辛

而臨大敵當思有以禦之慎無以請迎爲苟今之計則善矣

道山堂集

五

魚朝恩論

古有寺人供門閭灑掃而已商君因景監以見秦孝公趙求人使報秦者繆賢曰臣舍人蔣相如可使論者謂景監繆賢有足多者以其能薦賢也然薦賢乃士大夫事非寺人所能與使薦賢之權可以假之寺人則朝廷之事宜無一而不可假者矣何者防其漸也唐代宗以魚朝恩爲天下觀軍容宣慰處置使總禁兵何歟朝恩而知兵也體非全氣軍容自此而墮况乎險佞怙寵敗國蠹政已非

道山堂集

五

一日邛山之役李光弼奏稱賊鋒尚銳未可輕進朝恩屢言於帝趣使出師以致敗績河陽懷州皆陷朝恩之輕躁無能已自可見且力卽度之兵各稟號令不相統一欲以朝恩處置其間無以服各鎮之心而慰元勳之望上下解體不戰而潰執固然也前此程元振居中徵諸道之兵無一至者用一元振而公卿將帥三輔四方皆不用命若棄元振而用朝恩是又一元振也古者天子六軍諸侯三軍軍皆命卿帥師皆中大夫旅帥皆下大夫卒

長皆上士兩司馬皆中士所以慎重其人者如此  
其至晉伐齊齊師敗遁奄人宿沙衛連大車以塞  
隧而殿殖倬郭最曰子殿國師齊之辱也以殿師  
而辱未有觀軍容而不辱者也至于古宿衛之兵  
掌以虎賁統以太僕帥以師氏令以司隸其所選  
用多出士人漢南北軍皆隸三公凡更直執戟無  
非經明行修之士猶有虎士遺意自武帝以期門  
羽林炊飛之屬隸于光祿爲天子私人而衛尉之  
職往往以中朝領之遂開後世專任之害然未有

道山堂集

重

任宦官者也宦官典兵自唐用李輔國始肅宗用  
之代宗遂因而不改則貽謀之不善有以啓之也  
蓋唐之作偏者有二自太宗寵巢刺王之妃而高  
宗武氏卽太宗才人明皇楊氏卽壽王瑁之妃潰  
倫亂教幾失天下肅宗用李輔國典兵而宦官之  
橫四弑其主夫太宗固英斷有爲而肅宗亦中興  
之主也情蔽於所喜而勢成于所昵其始不慎浸  
淫不已後之人以爲我之祖宗旣已行之而不復  
鑒其失也遂任其積重而不可反所謂君以此始

者亦以此終可不悲哉易曰臣弑其君子弑其父  
非一朝一夕之故其所由來者漸矣有天下者履  
霜之戒宜早圖之可也

道山堂集

壽

宋高宗論

天下之所恃者孰也而孰之所恃專在于氣無氣則勢不能立是故有不可敗之勢者必有不可屈之氣譬如人之身五官百體運用存乎一心而輔心而行者惟氣無氣則痿痺廼羸漸不可救況乎人主之治國家其氣可使屈哉宋高宗之請和割地非其力不足以濟之實由氣不足以勝之也勾踐之稱臣于吳也身爲俘囚冀延餘息以圖後舉高宗有東南之資勤王之師將數十萬忠義之

道山堂集

三

士奮臂爭驅不俟生聚教訓之久也而僂首稱臣恬然而不知恥何與且君父大仇也人執其父其子反以爲君而北面以爭之是以執其父爲幸也夫以復仇大義如其力所不能爲則亦已矣然以可爲之勢而天下之人心無不抽戈礪刃群起而爲之復而此一人者方辱身事仇奉命惟謹甘爲僕妾而不辭且併其抽戈礪刃者從而寔之法惟恐其軋已也天下有無父之人而可與之論大事哉讀史至朱仙鎮班師及莫須有成獄令人哽咽

憤激毛髮盡豎不知當口是爲何心蓋高宗以恒怯無能而遂流爲殘忍之事天下之不仁未有不始于不勇者也今夫負隅之虎鉤爪踞牙聲震山谷得善擊之士莊善射之李廣不難扼其頰而批其頤使其啖以梁肉實其口腹則將返而噬人金人負隅之虎也岳武穆當時之卞莊李廣也不擊虎射虎而反飼虎則其爲患無已時也雖然澶淵之役契丹大舉入寇賴寇準勸駕親征自是不生邊患使非真宗之能用用人則必從欽若堯叟之議而京城淪陷不待靖康之日矣然準之所以取勝者惟在帝之渡河渡河則氣百倍我之氣勝則敵之氣自懾必然之理也高宗之時非無寇準也特以沮于小人而不能用然則高宗者誠真宗之罪人也夫

道山堂集

三

朝廷處分已定論

天下事變之來莫不於其猝然也來之猝然而防之者亦于其猝然則不及防者多矣天下之事非可以倖致也況乎兩軍相持介在呼吸存亡之頃欲以微倖之術聽于不可知之數斷未有不遇敵而潰者也蓋臨事而懼行軍之要然必有所懼于其先而能無所懼于其後懼之于先者防之無所不周而無所懼于後者乃能持勝算策萬全而立于不拔之執故胼胝治之而不足者安坐治之而

道山堂集

卷

有餘何則輶張認詞常得天下之輕整暇雍容常握天下之重要在能定與不能定之間而已矣東晉符氏大舉入寇桓冲遣精銳三千人入援此時以寡弱而臨大敵宜以益兵爲上謝文靖固却之日朝廷處分已定何與當其警息倥偬日不暇給遊談賭墅大拂常情冲對佐吏而歎其爲根本之慮誠非無見不知文靖之所謂定者蓋其確然已定而非矯情之說也秦之輕晉在于入寇之日而秦之窺晉不在于入寇之日如待其入寇而爲之

備與雖益以冲什倍之兵亦無濟于成敗如未待其入寇而先爲之備與雖不益兵可也爲相之職在于用人而戰勝廟堂尤先任將昔趙括擁四十萬之卒坑于長平安平君以卽墨三里之城而反千里之齊非勢有強弱所用之將異也將得其人則戡平禍亂寄之閫外而已無餘事矣秦入寇以太元八年文靖之用謝立也以太元二年將帥之略玄所素嫻而知其材而任之者固已豫知其入寇而爲之備此非旦夕猝然而以疆場之事嘗試

道山堂集

卷

之者也且帷幄之密謀非可參以盈廷之聚議當局之智計又不同于旁觀之懸揣以文靖之遊談賭墅而議之日不問將略則是處分未有定也而孰知定之已久哉雖然永和之役告未嘗不動思遠大也志在中原而銳舉北伐雖以管葛之虛譽而不能救輿尸之凶文靖安雅鎮物澹若無事不出階闥而決勝千里使文靖處永和之時則必無壽春之敗浩而處太元之時則司馬昌明其不爲尚書僕射也幾希矣無他活用謝尚苟羨而喪師

文靖用謝玄而制勝故曰所用之將異也噫人主而欲擇將必自論相始未有得良相而不能致大將者也未有良相在內而大將不能成功于外者也泥水之職足以鑒已

道山堂集

五

王欽若論

君子之事君也以直小人之事君也以諛以庸愚之主而遇正直之臣以聖明之主而遇阿諛之臣勢每相反如水火之不合也蓋小人之智巧于嘗試而工于附會始伺其主之所欲而因端以投之及其有隙可乘則任其荒誕不經旁岐揉曲而其計無所不行說無所不入是故弄其主如嬰兒視其主如土木而后其術可以百發而百中王欽若之論封禪是也封禪何昉乎虞書載歲二月東巡狩至于岱宗五月南嶽八月西嶽十一月北嶽一如岱宗之禮中嶽則五載一巡狩焉周公相成王制禮作樂有曰天子祭天下名山大川懷柔百神咸秩無文古帝王明德恤祀無非以勤修典禮肅祗神明非故爲侈大之觀也攷古封泰山禪梁父七十二家自無懷氏已然其特制度簡樸未嘗有詭譎靈怪之事如所云天書則渺無聞也自東遊海上求仙人羨門之屬而神仙之說始于秦皇魏厯寶鼎綴氏大人而祥瑞之興鬼神之迹始于漢

道山堂集

五

武然秦皇封禪十二年而秦滅武帝脫屣欲比鼎湖封中能致雲氣而巫蠱之禍不能庇其妻子則秦漢之不足法也亦明矣且宋初詔求遺書崇文三館貯至八萬卷太宗開卷有益樂不爲疲趙普佐太祖太宗惟讀論語天而無書何損于治夫人主欲得書而覽之將以謂治國平天下之道得以考鏡其得失也如天之書有益治平天雖神異襲微要眇不能有逾于古之帝王古之聖賢如天之書無益治平燬之可也况乎天之有書不待識者

道山堂集

聖

而知其妄也無書而爲有書是自欺也天無書而矯誣天以有書是欺天也自欺不可而更欺天乎以不可致之物與必不宥之事自欺欺天以惑亂乎人彼以爲天下後世之人果信其功德如此之盛也然而取笑當時貽譏史冊天下後世之人其孰從而信之惟是小人阿迎主意穿鑿其說欽若一唱而丁謂陳堯叟之徒因而和之爭頌功德以千百數當時群下非盡矇瞽特以風尚所趨勢不能返使不從而將順之則無以固其位而安天子

之心彼王旦尚受美味不敢異議冠準獻乾祐出天書因得召用正人如是而況其他乎然則欽若者殆少翁樂大之流也欽若害于其君而得免于其身有飯牛求師之詐而無文成五利之禍則真宗之待小人可謂任之專而信之篤矣善乎孫奭之言曰天何言哉豈有書也而真宗不之悟吾見其惑也

道山堂集

聖

南山移文

南山之靈質直信誓其體嶄巖其容岷嶻觀人  
物辨哲倫理慕倣德璋勒移宣有夫以高舉之氣  
凌厲九垓寂然之性冥淪萬象黃菁負甕于栽眉  
桑亭誦詩于茗上斯已詘物而信道崇實而止謗  
矣若其托志白駒游心黃鵠結舍籬根被蘿草服  
鯢背委垂龍文偃伏淨若處于羸若稿木縹渺崇  
崗裴回蒼麓崎路蹶躑石勢劍鋌烏掠平林蟲吟  
幽竹翠栗飼颺蕉花供鹿蒲長杭齊葛苞茵族叢

道山堂集

五

薄鮮藻修凋紛紛登壘雉馴臨川鳧浴青藹結紋  
迴風擊筑聽百籟以怡情向千峯而托宿蘚靈藥  
于青畦殮錦霞于穹谷哀楓斜月搖金兔之波奔  
澗落泉奏朱鷺之曲並漆園之生龜比漢父之牽  
犢長仲蔚之蓬蒿植淵明之松菊豈非坦然獨行  
詡然自足者哉亡何厭視黔婁恥言於陵紛淪姚  
佚希合顯榮志隨波而易脆節逐物而遽更見夫  
層城北闕列隧瑤京黃圖效祉草城昇平畫本作  
屏于麟臺碧衣引對于延英問鬼神于宣室從較

獵于上林心搖搖而喜憚神藹藹而周營遂去與

漂軼淵塗據微乘邪介紹稱譽負璽分珪縹組佩  
魚赤幢曲蓋丹轂朱車展采錯事瀝血殫謀夾介  
劬瘁獻納發摠俛仰皇盼緝熙帝謨亮有邦之庶  
績步達士之亨衢俄而陽馬陰虬繪簷刻閣芳椒  
翠羽參伍閃爍庭逼層霄戶扇金鑰雕組綺肴豐  
膳醇醪烏孫青田西羌桑落舉燧鳴鍾觴醪命酌  
南金北毳塞谿充壑山棧海航歲褰叢錯嫵媛曼  
姬細膩妍媚素練丹珀蕩漾簾薄調笙炙簧舍商

道山堂集

五

轉角色投魂往香來膽素且其勃背成霆咳唾作  
雨奇辭空湧英風騰翥納駟接軫希聲景附省掖  
徐劉書記琳瑯金谷讌集選義掇句窮巷之儒葭  
牆之子仰末光于宵燭分餘梁于鴈鷺亢念盛名  
不再妬婦易傷鳩鳥飄林水弩浮江思蓀草之易  
怒感諠譟之難防欲鑽龜而猶預頻撫膺而旁皇  
苟爛縫其闕失雖突梯其何妨嗚呼方其始也跡  
倫好選位值初乾冰雪無以方其潔金石無以踰  
其堅及其受徵輅傳馳跨錦鸞似霄威之于齊同

郭隗之趨燕蹈海之舟已折西山之巖旋踵阿谷  
悅衆估勢矜權惟行媒之孔亟冀一日之九遷于  
是膏明爲墟蕪園不灌窟穴沃焦樹木凌亂列蕪  
發憤衆岫譏彈虎豹號呼驚驚惘歎勿謂山愚具  
有月旦勿謂山冥亦嚴青簡爰掩束豎焚西棧秘  
高崖封碧澗藐之如蟬游卑之如鷃鵲任酣秦而  
無極且勿窮其逋竄

道山堂集

五

鐵筆先生集

鐵筆先生者不知其何方人日執管城于市招致  
四方之人若上若下若老若幼趾相接也先生恆  
慨疾書臧否人物若不經意某也貴某也賤某當  
禍某當福四方之人信若蓍蔡有聞而喜者有聞  
而懼者獨計先生特賣卜之流耳何以能喜人能  
懼人如是何以能使四方之人類首聽說如是余  
叩其所以先生曰予非臆說也凡陰陽之理生剋  
之數古人已著之于書余準古人之書而言之不

道山堂集

六

差錯忝是者是之非者非之雖帝王之衰鉞不嚴  
于此矣善則告之不善則告之雖鬼神之妖祥不  
先于此矣余日子之術誠然也人之命其有定耶  
無定耶如其已定何說之爲子能使孺子而爲彭  
篯乎能使黔婁而爲猗頓乎能使窮之敵萬人者  
盡皆斬將擐旗文之空今古者盡皆掌壺負璽乎  
先生曰不能也人之有命如其面然一爲無鹽一  
爲西子賦形已定不得而易也其爲高門之命與  
雖榦才涉識卑同蟻蠅吾斷之曰此必揚桴鼓吹

仗鉞呵叱者矣其爲縣薄之命與雖清流雅望如僑肸吾斷之曰此必短褐殘絮吹簫行乞者矣吾能知命也豈能移命哉余曰子不能移命甚矣四方人之愚也愚者爲天所用而不能用天終其身蹙蹙然勤苦不息禱祠以媚天而天則狎之闕捷以勝天而天則制之是以巧與天而以拙自予故使子之說得行乎其間達者不然其一命而能安勢成而不恃身退而不懟莊子曰知其無可奈何而安之若命是也是之謂任天其一命而能忘

道山堂集

一生死齊得喪官骸不能繫夢覺不能汨不訢不距與道屈伸是之謂樂天任天者與天爲游樂天者與天爲化則陰陽生剋之說至此而窮而妍媸低昂之見亦無自而起且子安能毀之安能譽之哉先生曰唯唯敬聞命矣遂焚管城變姓名以去

妙峰靈谷上人詩序

昔白香山與普濟大德唱酬曰先以詩句牽後令入佛智疑者謂詩句與佛智有何交涉得無香山空中鑿語然而非也聲音一道淡妙無窮世尊聲歎彈指地皆六種震動修多羅中諸佛菩薩作偈唱讚或四言五言七言與今人賦詩體無差別誰謂詩句非佛智也靈谷師上根慧性居山二十餘年潛心學道恥于榮利靜修之暇吟咏見志余近避夏山中始把臂言權因得忝觀其詩辨才無礙

道山堂集

思如湧泉信乎詩之近于自然也蓋師居妙峯爲洪山絕頂迴崖疊峯翠影紛沓且俯瞰大江寒沙去鳥曠然心目意山水之能益人神智耶夫詩句之與佛智皆在非離非卽之間淺者昧之食醯腐蠅詭然自足輕則彎曲重則踈蹶曼衍打混一味顛頂惟靈心妙手愈入愈工層層搜進如剝芭蕉至于心手俱熟不覺氷解凍釋鏡光天色一齊迸發殺活權實無不可者蓋學道而非解脫不可以言道學詩而非解脫不可以言詩也師之詩妙主

不著色相字字解脫余不第以師爲風雅中人  
以師爲三昧中人從此大嘯峰頭橫吞栗棘且將  
長揖惠連笑指寒山唐宋諸家膛乎後矣

道山堂集

壽安遜庵語錄序

余家自東甌王君入閩二百餘年登朝結綬連鐮  
接軫從未有探性海建壽鼓闢大雄之教而踞法  
王之座者何選官之易而選佛之難與壽安遜庵  
和尚余之姪孫也雲遊學道已三十春秋余向未  
知蹤跡今春過吳門相值於湧蓮淨室始知其得  
法芙蓉舉揚宗旨稱人天之師蓋已久矣是余家  
二百餘年所僅見之一人也夫以選佛之一人不  
可見而僅見之則其功德利益必萬倍於選官之  
人一第一鉢雖文軒丹轂不與易也雖然今天下  
之選佛流弊極矣世尊說法弟子多所授記而靈  
山拈花惟以正法眼藏付囑迦葉東土花開五葉  
衣鉢止于卑傳近者提唱之家思其名之不章而  
欲其子孫之盛其所付囑多數百人少亦數十人  
取之既寬則其途不得不雜譬如梧臺燕石什之  
緹繒未有不掩口而笑也夫選官不得其人則儒  
兒姪阿昧賂相尚必至蠹政害民而其禍中于國  
家選佛不得其人則支離跛挈訛謬流傳執土缶

道山堂集

爲警鈴誤毒井爲藥地勢必壞教滅宗而佛望之苦心大力遂剝爛而無餘然則三百赤芻之刺耳在今日之祇林爲更甚也余親遜庵淨行純白功力完熟學無不貫道無不徹讀其語錄寂照具足德用雙融至理設于空假妙諦寓于權實余固信之曰此真宗門之大鑑韜可以當善知識之名而不媿者也抑余更有進焉今之出世爲人者求正法之行必先教末法之弊倘知其弊而不爲之所則將流而不止吾願遜庵修而益修證而益證成天下之材而持之以嚴啓方來之悟而擇之以慎障狂瀾于旣波延景景于將及于聖一綫其將賴之矣余以告遜庵且以告諸方也

道山堂集

黃蘗虛白禪師語錄序

嵩壁云我法以心傳心不立文字於不立文字之中忽立一文字之相雖有顯有密有權有實何異妄相橫見空華如是則如來教指皆藤蔓耶然執一切法而爲實有遂至拘牽文義算沙畫地擬心卽差舉念便錯使無取無見不澁不滑新生慧解都沒著落無一非文字相卽無一是文字相便知三藏五燈佛祖舌頭拖地橫說豎說并無一箇文字被人覷破吾聞黃蘗自斷際禪師開山後運禪師大雄掇前傳播諸方臨濟一出而黃蘗大振矣今黃蘗各監遍天下而吾鄉其祖庭也隱老人橫揮塵尾截斷衆流繼而提唱主席則有虛白大師余向夢遊黃蘗至今秋乃策筇其地因而謁師縱談數日如坐十二峯上只見雲駛鳥飛爽然心目其始大機之川一綫猶存者與披其語錄鉗鎚俱在鑑韜宛然作文字相可也不作文字相可也今本法紛淪不聞正令高者掠虛鬼窟草蛇灰線卑者爲取幾計割棄靈根愚弄麤鷄石同角觥得師

道山堂集

以救正之庶幾宗門種草不致野狐齧破諸佛諸  
祖實式憑之天下後世見黃蘗兒孫如見黃蘗見  
黃蘗兒孫一棒一喝如見黃蘗一棒一喝則師繼  
往開來擔荷不小大衆試將者本話頭且莫當作  
話頭却如龍潭出沒波濤萬狀又如長松翠竹生  
動自如纔是真手眼所在雖然不免爲師注腳了  
也

道山堂

福清縣誌序

天下事有似緩而實急者前之人諉之于後後之  
人復從而諉之以爲事非獨任而我將有以辭其  
責也遂至因循不舉任其廢佚散失而莫之釐正  
如郡邑之誌是已誌者史也昔云史之爲書勸善  
懲惡亞于六經誌之義例詳略與史同非有良史  
之才不能誌也非博通諸家之史不能爲一方之  
誌也融爲吾閩望邑自嘉靖甲午莆中林寒谷先  
生編輯以來嗣少師葉文忠公有意屬筆僅具城

道山堂

池人物列女武功數欸而未遑卒業計今闕略未  
修已百三十餘年豈非事之似緩而實急者耶余  
年友郭蓮峰侍御挾名山之秘慨然已任不憚勤  
瘁凡十餘稔而書始成書分二十二卷其取類也  
詳其辨物也細採摭具備筆削恰當蓋粲然大觀  
焉夫文之有關於風俗政教者不在縷貼聲輓以  
就篇帙而在乎見聞之實質古訂今足以考得失  
示鑒戒余讀茲誌信乎爲一邑之佳史也蓋郭氏  
先世以史學名家比部雲橋公明經海嶽公暨忠

烈鶴臯公文章節義萃于一門其於融邑圖記傳  
誌業有成書蓮峰因而成之以作爲述斯可謂之  
善繼志者也昔裴松之後有子野姚察之後有思  
廉延壽之南北史始于太師百藥之齊史本于德  
林史學淵源不信然與雖然士君子幸而芸臺策  
府陪甘泉之侍從覽秘閣之奇文秉直據法撰成  
國典不幸而稿守蒿萊掩目盪耳扇戶著書亦足  
以徜徉而自得蓮峰以柱史退休撰策初潛而嘯  
吟較論手不釋卷猶得以餘力留心梓里博徵文

道山

獻爲億代眉目其意念遠矣若以矜振拾之長資  
職方之採則淺之乎視是書也

贈諸遠之序

天下之一定不可易者形也循環無端者數也形  
爲之明而數爲之幽天之所以與人如是而已人  
雖材智能勝于天下人之衆而形之修短好醜豐  
瘠黑白不能以自變譬如埏埴之工範金合土方  
圓大小惟甄所設厲與西施叔寶之傾人與左思  
之委頓非可意爲增損也而其間之榮悴得失其  
理不一皆命之於數杳冥恍惚之中若有陰爲之  
制者人亦蠕蠕攘動任其所之而無以自主天能

道山

使之忽然而愉亦能使之忽然而戚能使之扶搖  
而上隨萬竅而怒嘖比于垂天之雲亦能使之肌  
革慘慄步武踣仆樊畜于桑顛籬下拳拘而不能  
肆是恒怯選懦莫如人而倣詭變幻莫如天也大  
天日恃其杳冥恍惚以求勝乎人以謂事至幽曠  
千百世而下卒莫能明其故也然不知天之數卽  
窮於形之中數不可見而形則可見因其可見以  
求其不可見將所謂杳冥恍惚者一一能舉其毫  
末而知其所以然信斯術也以相天下士庶幾近

之矣虎林諸遠之以相術名余訪于比陵僧舍見所談論多稱引老成高節之士以余之窮愁隱約羈旅無聊輒披見情懷無有所隱遠之其相者耶非相者耶今天下之人未有能知人皆也人之遇不遇時也時之去來非有方物安知殖者之不爲落落者之不爲殖也世人因仍于眉睫踟躕于俄頃以其遇也從而譽之以不遇也從而誹之是擊鍾鼎食遇于簞瓢之癯癯繩樞不及夏屋之貴也今天崑山之璞可以振鳥鵲而識者無至焉燕

道山

毛

石之寶同于瓦甃鬻于市而得售若以售于市者爲貴則瑱琬琰之姿皆退而卻走矣夫遠之者豈其與時俛仰阿合和同云爾哉且其相人者豈但據其榮悴得失而以爲先識蚤見莫已若哉必將取其人之賢與否而論斷之蓋人之賢否已定卽以其人之出處卜天下之治亂然則榮悴得失遠之所敢言也其人之賢與否遠之所不敢言諒必有灼然于中者也吾謂得遠之之術卽以此進退天下士可也

贈楊生序

楊子璧光坎體不問其名曰希人曰楊子病也聰以作謀聽以達知耳爲人已之關不聰不聽無以通人于己楊子誠病也余曰楊子何病也天地之氣戰于勞而休于息人之五官六鑒相攘其形不寧其神日駭人知微之爲聰而不知塞之爲聰人知聞之爲聰而不知不聞之爲聰與其強而忘之不如無所強而忘者之爲至也今夫聞鳳凰之離喈則其心和聞虎豹之咆號則其心厲聞雲笙月

道山

毛

鼓響屨板袍能使人陶然似春聞江海澎湃風雨喧應能使人凄然似秋蓋心有所觸而生則性情隨耳而轉遂至勃谿爭急開然而不可止未必耳之非病也古者堯聘許繇爲九州長繇聞之逃于潁水而洗其耳王笠不仕隋文匿于嵩山狎狂詐聲每有言說則畫字而解之二人者皆隱君子也特以世間名利相軋刺刺不休皆足爲一身之累故托之自晦以成其高假使二子而皆楊子若也耳可不洗而聾不必許也韓退之代張籍曰當今

育于心者皆是籍自謂育于目耳其心則能別是非也夫目足以決皆橫流而蔽于蚊睫耳足以屬垣測遠而困于帷闥人人皆以爲離曠而矇瞶沉痾者什之八九楊子者聾于耳而不聾于心者也且楊子之賢不賢固不以耳也吾慨眇識之徒自矜狡慧視其言之可悅則剽而取之塗而說焉甚者鳥喙聚亂○喋喋捷給醉驚矐恍邪正眩惑于群議而不能斷此與呼之不應叩之不發者何異是則真病也楊子之耳何病也莊生曰德有所全而形有所忘楊子自適其天而以全其德安時處順任而不尸庶幾其進于道無待傾耳以聽而耳無不治安用役役于聲音之末哉

道山集

卷

贈湯及泉序

蘭陵城東有及泉湯翁者余式廬而問焉蓋衛武懿戒之年也人知翁年之高而不知翁之高不第以其年也翁先世以醫顯少而知其術壯而爲名醫者迄今五十餘年余謂天下之學可以救人未有甚於醫者也天下昏墊之未寧戰鬪之未息堙塞草昧之未開機辟網罟之未解惟天子宰相得以節其姚佚補其鑿裂與其所甘而澹其所苦至于百骸九竅六藏人之一身變溢萬態其中癥結壅闕怔忡耗散水火寒燠茫乎莫知其端倪雖以堯舜臯益聰明人聖力窮計紂而巫咸越人得起而用其所長掣頓以安踣弊以立則救人之功與天子宰相等自公之以醫名也日而求者且數十人積之五十餘年所救之人不知其數矣今夫人席有權藉得以直達其志及其伏處隱約窮巷掃軌不能以澤一人子牙之渭水四皓之商山皆爲閒置無用之日必待後車同載太子入侍而后有益于人國所以日月逝于上人事衰于下魄兀感

道山集

卷

爵英雄同歎孰如翁者日以救人爲事天所與之  
歲月不爲閒置無用其年愈劬則其及人愈深是  
翁之高不第以其年然非以其年不足顯翁之高  
也翁八十一始舉子貌臞而中腴健食順氣康強  
壽善天分使然余固樂而道之以見翁之利賴一  
方者且未已焉是爲序

道山堂集

鄭峯陽文集序

余鄉漳浦相國立朝大節與夫殉難本末炳燦天  
地間而生平所相信者莫如峯陽鄭先生流連於  
患難之際痛哭於君父之前至於觸忌諱受譴謫  
而不少悔古今交誼之深未有踰於漳浦者也然  
此可以知先生之爲人矣余幼時讀先生制義私  
意爲一代文人及披從信錄讀先生諫留中疏風  
采奕奕知先生非但以文名也當時逆奄方煽履  
霜始疑先生逆知異日必有黃門北寺之禍疏中

道山堂集

伏戎援與直槌其奸繼與湛持相國同被劾籍迨  
鈎黨獄起先生變服易名遨遊於匡廬羅浮之間  
如夏馥逃亡林慮申屠蟠絕迹梁碭其不隨楊左  
諸公於地下者蓋有天幸焉璫禍旣解先生召還  
而烏程當國忌先生柄用羅織罪案逮衆特糾政  
府彈章劾自烏程其以私臆陷先生路人而知之  
也及莫須有獄成無不爲先生惜者噫嬋媛申申  
之詈始于妬嫉遂爲刀鋸屠割之所伏先生雖死  
而先生之名如木蘭之不隕宿莽之枯彼風和

薰灼肆力搏噬者亦既捷徑窘步而其骨亦已朽  
其與先生得失孰多哉余讀漳浦相國之誌先生  
也曰余惟崇陽忠孝而遭顯禍文士而蒙惡聲自  
古有之而未有如是之甚者也此足以盡先生矣  
余客毘陵蕭寺乃先生太翁儀部公所捨宅因與  
先生長君素居游盡取先生之集而竟讀焉蓋先  
生學無所不該而才無所不賡微之性命顯之經  
濟明體適用膏沃而光曄至於出風入雅音節春  
容雖煩宛菀結不能自直而絕無佻戾儻近于  
怨誹之所爲是達於死生之義非懷沙不郢所得  
而止也先生不但以文名而讀其文亦可以尚論  
其人也夫

道山堂集

賀楊母張孺人八十序

余客毘陵蕭寺與楊君組玉則比鄰也組玉爲余  
年友鳴玉介弟則忝同籍之好也組玉博通今古  
於治亂得失興壞之理無不照燭風聲氣烈可以  
卷波汎凌丘阜乃早歲棄諸生以榮進爲恥與古  
人之釣濮水棲白鹿者相似何其果於肥遯而不  
一動其心與及登堂而詢其所以則知組玉之材  
行完潔得爲隱君子者皆其母張孺人教也豐灌  
之木封殖必蟠其根長波之水煦激必竭其源理

道山堂集

固然也彼流俗之見困於方隅莫不貪熾灼而厭  
枯萎以鬚眉之識而便僻旬踰防敗簡者比比  
而是而閭閻之中乃能以名節教其子則其賢於  
流俗遠矣功名之與節義二者不能相併重功名  
者道絀而勢伸重節義者時窮而德顯孺人豈不  
知捧檄之可喜而妄冀翟弟之爲榮哉顧義有所  
不可者孺人平日侍總憲公左右習見朝廷寵異  
之數念國恩之渙寧使其子撼顛窮苦而不悔也  
且婦人之賢不僅於婉嫕淑慎而在於識大體人

子之事親不在于供養葛具魚菽而在于愛鼎爵品以娛其親觀組玉之孝而益知孺人之高孺人諸孫有四皆俊偉颯發長孫大聲能爲古文詩歌灑灑數千言瀏亮爽朗得歐蘇大家之體且究心理學于天文郊禘及心性動靜之說無不一一究其源要孺人教子以及孫德行文章萃于一門可謂極盛茲以菊月某日爲設悅之辰謹述孺人母教以當頌禱異日組玉以商洛遺逸光贊王室諸孫烏奕繁衍擁笏垂魚孺人之教又在說之二爰

道山室集

矣

陸孝標壽序

世有襲朱弗揚令望馳騁影靡而焯燁其家聲者此其重輝疊武人之所知也有歷坎塹受荼苦指柱名節而不隕其家聲者此其清修勁操非人之所知也夫以名賢之盛累閥之貴有朱門列戟以夾日月卽有茂林豐草以傲霜雪魏闕之榮與山澤之壘其致一也吾於毘陵得孝標陸先生先生少保之子也少保公以圻父上樞登陟督戰擁衛京師維時先生趨侍左右習見疆場之事與夫制

道山室集

軍詰禁之法又見朝廷之優待大臣剗戈方鼎其所以賞功酬庸者恩禮無所不盡曾幾何時而天地慘黷流寇忽至目無堅城使甲申之歲得少保公而在尚能慎固封守以待四方勤王之師至於宗周板蕩荆棘興嗟未嘗不嘆古今之相左而人材之難也先生追蹤先烈雅以經濟自見世變之後幅巾里門視夫物態涼薄日以更易在凡人不能勝其感憤抑塞先生處之若無與焉然持向鄒之節蓋三十餘年如一日也昔輕車之後而有都

尉諫議之後而有侍中皆不足爲門戶重而先生  
獨蕭閒自足以歷於日月綿邈之間是飄風隕種  
之所不能驚而綏纓束帶之所不能動也先生儻  
朗曠遠博洽多聞凡先朝之掌故人材之可否取  
諸腹笥無不歷歷道其所以然今者宿素凋落求  
一黃髮老成之人所謂存千百於一二徵文考獻  
其在斯乎余讀漢史轅固生年九十餘尚以廉直  
拜清河王太傅申公八十餘乘輅傳見天子舍魯  
邸議明堂事先生殆其人也茲以仲秋七日爲先  
生懸弧之辰余在羈旅得交先生謹以一言當祝  
嘏焉

道山堂集

七

唐聞川孝廉七十壽序

人之立身所重者節也古之人有立節于一日者  
可謂難矣然歷於數十年之久而如其一日則節  
之立也更難女子之守身也詩云靡慝靡他言其  
永誓而不貳也又曰婉兮孌兮季子斯饑言其安  
於貧賤而不悔也士君子之立節也端著以利遯  
蟬蛻以從化牢關固距不徇利祿猶之女子守身  
扃其洞房謹其衽袖使狡童之輩曾不得攬袪而  
贈芍焉惟是數十年之久涼燠變于外榮落感于

道山堂集

中顛顛踣顛以致改行而易度者不啻如沫鄉之  
期孤綏之誘也如是而欲爲天下之全人其可得  
哉毘陵聞川唐先生所謂守之數十年而如其一  
日者也先生江左名家發祥九世中丞荆川公以  
南宮第一名重天下而仗鉞禦倭勲績爛然奉常  
凝庵公以理學顯嗣是花磚繼響文章品行萃于  
一門先生貫穿經史閱中肆外早歲登賢書適丁  
國難繹于龍德而隱之義深自韜晦有勸之就長  
安道者笑而弗答蓋慨乎世之隕墜家聲其爲向

歆之恨者比北也吾不悅仰以負所學庶幾克其  
家矣又以天下之塗體沾足往而不反者病在知  
勞而不知逸知作而不知止吾寧偃焉息焉已晚  
年更號爲懶雲道人以自明志云今觀先生如鳴  
崑丘飲砥柱而爲千仞之翔也又如百丈之松孤  
直聳秀蕭蕭然神王也吾于是始信先生之爲全  
人也或曰先生性耽聲律嘗按善才之舞度繙緯  
之曲以是而假日焉是未知先生意也古者東山  
畜妓謝公懷同憂之志宴飲吹笛桓伊吐忠信之

道山室集

卷九

辭聲律何足爲病况夫法部所載俳人所習多忠  
孝悲惻之文至于捺瑟擊節渙衍葦襲一唱三嘆  
無非以導其淫辭發其沈憂而豈僅耳目之娛耶  
首春人日爲先生嶽錫之辰今且當楚丘披裘之  
歲矣其爲天下之全人可賀也它日賜杖就室如  
東園綺季衣冠甚偉可賀也余從羈旅之中得交  
先生聊述先生所以自重而重于天下者以當修  
盛之意若云吉甫清風則余未能也

戶部主事靖公蔡公墓誌銘

余客毘陵得交孝廉唐聞川民部蔡靖公恨相見  
晚二公享靖節田園之樂懷臯羽慟哭之思見其  
言論風采可以廉頑立懦乃促膝未幾二公相繼  
捐館顧念三十載以來志節之士淪沒于叢榛莽  
草之中祇今所稱遺民佚叟者尚有幾人未嘗不  
嘆日月之云邁而碩果之難存爲可惜也孝廉誕  
日余曾有數言竊道其梗槩民部病革之日遺囑  
其子以銘爲請余不勝哽咽而屬筆焉按狀公諱

道山室集

卷十

元宸字靖公別字紫楓號悔三其先河南新蔡人  
始祖源仕宋官煥章閣秘書郎扈蹕南渡居杭州  
長子太伯遷吳郡之西洞庭十一傳思恭居武進  
橫林又五傳曾祖模登萬曆己卯榜令東明淳安  
二邑祀鄉賢名宦祖繼登廩例國子生以積學弗  
售闢圃城東隅爲歸隱計生三子長鳳仕開封守  
乙酉三月殉節大梁次鵬登崇禎庚午榜受知相  
國燕及姜公之門鵬長子卽靖公公少聰穎嶄然  
見頭角讀書稍一寓目記憶不失一字爲制義灑

灑數千言皆根據理要先輩二無九水兩張先生  
常奇其文曰此子淨潔非僅以科目顯者丙子補  
博士弟子員已卯舉孝廉癸未成進士甲申假歸  
三月北都失守南渡時公就選民部主事攝郎中  
事是時貴陽當國專樹黨以傾正人引用時輩必  
欲出其門下一時士大夫叠足搗翼靡然而從之  
公投謁闔者曰必易門生刺公曰宰相無私人何  
門生爲吾官可棄門生不可稱也貴陽聞之悲甚  
未幾大司農以同官遲誤事劾及公且曰此某授

道山堂集

主

吾榮非吾意也或勸之踵門謝公曰我無過何謝  
爲且揭其疏中外謬狀見者皆相顧咋舌又支放  
軍糧有宿衛孫某者譁于庭繫而杖之其主者爲  
從龍內璫復譁於大可農前公持其袖與爭不少  
屈公居官日淺而不泐忍便辭以阿權貴視奄豎  
之輩輕之如草芥其風節踔厲有足多者乙酉寧  
南晉陽之甲謀除君側率師南下舉朝方興大獄  
以修舊隙如紹聖元祐故事攻擊日益急於是數  
江淮之戍以備楚皖公發憤曰時事不爲矣請

兵渡江公歸里攜父母避亂暨陽丙戌偶過白下  
登雞籠望新亭泫然出涕時南安經畧方鎮石頭  
延攬天下士同年某特薦於南安期以次日致公  
公聞之卽策蹇逸去公曰人臣國破義固當死吾  
所以不死者以父母在也迨兩親繼沒公遂決意  
終隱焉公性曠達與人交披見情素無有所隱人  
有急難殫力救之惟恐後時嘗遊漢濱見有墜江  
而起者脫綈袍衣之詢而知爲鄉人假金以資其  
歸季弟早夭鞠其遺孤教書授室撫猶女擇婿而

道山堂集

主

歸之燕居談笑閒雜詠其滑稽處令人解頤臧  
否在前無所回互人咸服其疆直好劇飲曹偶雜  
坐箕踞岸幘每懽噓達旦以爲笑樂吾觀古之豪  
傑當厄塞絕兀之時進不能仰首伸吭振甲執杆  
以制千萬人之命退則嗚咽蕭颯無以自平必托  
之荒腆涵淫以抒其纏綿淒惻之意公之流連杯  
酌卽此意也公性好學白首未嘗釋卷爲古文辭  
神采奕奕爲詩一洗凡艷有王孟風又喜登眺每  
遇斷水怪石穹谷岷巖涉遠陵危窮探而後已嘗

與孝廉唐聞川爲山水友出必與偕去歲汎桃溪  
歸而得疾聞川與君里居同登籍同爲隱君子同  
聞川以今年正月卒公僅後百餘日而已公病劇  
先取曆書選擇指八日庚辰曰吾將以是日歸又  
曰吾將以是日下春歸其方寸不亂如此嗚呼公  
之得爲完人至蓋棺而始定也已公生於云云雲  
咸等以某月某日葬公於百花墩之祖塋爲之銘  
曰理之美兮永昭質於無虧荃之潔兮匪艾椒之  
與俱方不可刈兮纁不可渝蘇世獨立兮激清湍  
而據槁梧離慙長鞠兮其樂于千余獨重其姁節  
兮以爲百代之楷模惟直達于天地兮何愧忤于  
幽墟

道山堂集

墓

兵部職方司主事趙公止安墓表

余同籍進士其在毘陵者四人曰毛公亶鞠吳公  
蓼堪楊公鳴玉趙公止安自亶鞠以吾閩學使者  
殉難建溪三公尚優游林下及余甲寅恒陽歸過  
訪其地而三公墓木俱已拱矣遺老零落惋惜久  
之止安子慎旃旣成進士常謁余旅邸見其言論  
風采猶之乎見止安也一日慎旃涕泣以其父墓  
表爲請余義不敢辭按公諱繼鼎字取新號止安  
本宋藝祖後自魏王德昭傳十四世爲叔珍依外  
家農於常州之觀莊鄉傳至八世公始以儒術顯  
祖珊有隱行歲稔糜粥濟饑全活甚衆父名臣吳  
郡諸生公生日父夢五彩雲降庭前年十七母  
高氏疾篤摩公頭角若不忍釋公跪而請曰見常  
讀書成名以慰母地下母乃就瞑公貧而好學揣  
摩爲文如射者省括必命中而後已丙子舉于鄉  
庚辰成進士猶掇之也是時流賊蹂躪內地屬燒  
城邑大小之臣文恬武嬉率皆畏懦賊縮無有援  
桴鼓誓衆而前者至謁選外吏視近寇之處多方

道山堂集

墓

規避惟恐其及公例應補令有同鄉要路暗以善地公正色謝曰士君子始進不可不慎若以賂得官異日何以爲廉吏耶遂力拒之因得楚之公安公甫至任流寇衝突於豫且將及楚公曰義不辭難臣之節也日嚴封守修城隍飭團練悉以贖賕治兵械火器及戰守之具嗣後賊陷承襲毀典獻陵寢督師自盡而公安獨以有備賊不敢犯惠藩駐楚例解祿米七百石旗較守催傳食解戶及至解納又有樣米篩搗監收撤批諸費浮于正額蓋

道山堂集

圭

因舊例預點解戶使旗較得以指名橫索公止於兌米時方行僉點且親行督解遂減舊費之半邑有屏陵民安孫黃三驛惠藩承奉包攬客裝勒取供應以是爲常公廉其弊青衣徒步率衆夫而前承奉問故公曰公安疲敝吾奉天子命拊循茲土不能使老弱疲于奔命而顧晏然官署乎因覈其貨物登記其數諸賈人惶懼而退另募民夫以行公始古之疆項者與邑有逃排難于勾攝始強有方者分隸里甲詭射避役輕重不均公以名雖匿

而賦尚存人雖隱而田可稽因籍以考其人因人以平其賦舉其上中下之數則役平而籍定逃排之弊遂絕公慷慨直言義篤僚友石首令不受請托爲權宦指擿公白之巡方直雪其枉壬午分較楚闈所得多名士及輯瑞于朝考最舉卓異擢兵部車駕司主事未幾以父憂歸會世變杜門自放不問人事適爲族讐側目中以飛禍公佯爲已死發喪制服以其身逸去渡江而北變易名姓賣卜于市有真州令者物色之公度不能隱具以實告

道山堂集

圭

令白之直指直指某卽公樞部受代者也直指爲念舊誼趣請回籍寄居瓜渚壬辰返故里假束鄉莊舍居焉鄉多盜謂某某曾爲縣令其家不貧緘縻局鐫可攫而有短槍白棒夜矚其室衣櫥蕭然惟見圖書數卷而已甲午移居城隅授業生徒從游者日益衆常與及門分析志氣二字曰氣勃然一時怯夫亦勇移晷則索然盡志則堅決于中歷寒暑晦明安危順逆無悔無怠以是知公之守道絕俗履窮無怨者志定故也生平尤愜然諾同年

毛公置鞠以幼子締姻京邸毛歿家益落羔雁不  
備公贊而同居者十載內弟白元贊以患難締姻  
自歿幼子方十齡其贊而同居也亦如之同籍給  
諫金公道隱難染爲僧過毘陵次子鎬公受而撫  
之飲食教誨如已出給諫貽公詩云無故老兄添  
一累有緣稚子足三冬阿誰落得便宜去卧聽雲  
濤萬壑松蓋公之古誼爲人所難云嗚呼世俗目  
偷谷風興刺其始非不同輿接席氣若椒蘭寃以  
生死殊塗苑枯易念其爲信平市道之憤孝標西

道山堂集

主

華之悲何可勝紀而公獨全於朋友始終之義非  
篤行君子而能若是哉慎旃舉進士歸猶至皖江  
授業少年持重綽有父風公易簀日呼慎旃曰爾  
知所以字汝之意乎慎則不敗怠則多失武侯王  
佐才而其自信不過曰先帝知臣敬慎而已詩云  
尚慎旃哉猶來無死兒其識之公之臨終不苟如  
此公享年六十有八與元配白孺人葬于黃塘其  
世次支胤載在誌銘閩南陳軾表於其墓曰人當  
天地決裂之後而能全其身復全其名豈不難哉

彼齷齪依阿者既不足主持風教而嚄噉自喜復  
不能潛鱗戢翼以及於禍若公歛其才具不使人  
知爲縁帛之所不能及者亦爲矰繳之所不能加  
有疊山信國之忠而得遂梅福逢萌之志豈非龍  
德而隱者乎余固表而出之以備良史之採擇云

道山堂集

夫

箕山亭記

行唐離城五十里箕山在焉何子西園構亭其上屬予爲記余曰箕山者隱士之名所由始乎自伏羲一畫而乾之初九已定位於其中特未明示以潛龍之說當時之人無有知之而爲之者知而爲之其許由乎雖同時而生爲之友者更有巢父然由爲讓天下而隱者也巢父教以隱形藏光之道由悵然而洗其耳天生巢父所以堅由之爲隱者也當夫文明初肇知識漸開非如睢于之世尚不

道山堂集

无

知天子之貴也使由以萬乘之尊欣然而受之則月正上日受終文祖者舍由其誰也其後舜受天下初亦曰讓于德弗嗣堯不之許而舜亦不終于讓何由之堅決如此之甚乎且其時佐命諸臣皆有天子之才特居于北面效一職以自見由不爲天子獨不可爲天子大臣乎豈工虞水火之官反不及山間之野人乎由乃計不及此是必有所見者矣莊生却楚威之聘辭齊宣之幣其意一本于由其言由也娓娓而不倦至於讓王之篇以由爲

養生完身之流何與舜典二十有八載而帝殂落未聞由至今存也由之意謂開闢以來聖君賢相皆已出於世所少者隱士耳吾知而爲之使天下後世肥遯之士皆祖禰而尸祝焉而嗜利覬榮恬不知止者亦引以爲媿是故詩咏考槃魯論記沮溺蓋以著書而無隱士亦不成爲聖人之書也是由爲之倡也何子今日之構是亭豈無謂乎因爲之記

道山堂集

全

唐槐記

臨城之城隍廟有古槐其枝輪斜其葉鬱蒼長二丈有餘按邑乘所載唐天寶時樹也邑人相傳爲唐槐云余見而異之曰有是夫槐之若斯久也槐以唐名槐之幸也唐天寶時天子奏淋鈴之曲未央之楊柳太液之芙蓉化爲蔓棘沉香亭畔覓一墮珥遺瑤而不可得何有於鎮州之一槐乎且漁陽作難距趙地不遠此固安史之所蹂躪也而槐獨無兵燹之患則何也或曰槐爲虛星之精上應

道山室集

五

列宿古者取其黃中以象三公之位然天下之槐衆矣其爲天札之所乘槎櫟之所及不知其幾未聞以其象於三公而遂得享世之永也斯槐之存槐之幸也蓋凡物之得全其生也亦有數焉天生之不能一一而全之而獨以全其生者私之一槐夫大椿春秋彭祖所不能並今觀斯槐逾于彭祖不已多乎雖然自唐以至於今天下之人不知有唐久矣唐亡而唐之名猶在于槐則槐存而唐不亡也余之爲斯記也其有所感也夫

翠雲峰記

姑蘇山塘之田間有一峯巍然特出遠望之疑有山近而至其地所謂崖麓者無有也所謂層岡重阻者無有也止孑然一峯爾峰秀而麗瓌瓏屈曲似鐫刻而成下有石盤負之而立名曰翠雲峯云獨計此峯既有令名不得與落鴈五老共峙于太華匡廬之上卽在姑蘇不得與洞庭之縹緲天平之飛來並稱奇勝而獨湮鬱于曠野寒壠以自奇托良可嘆也詢之居人曰此峯始產未知何地然

道山室集

五

昔爲名園異玩多不利于其主今故置之蓋此峯之磊落不偶類人之骯髒直上者使繚以重垣蔽以周廡則反拂其性故寧放蕩於汗萊之壤而不悔也雖然非特今也北宋時採取花石此峯爲朱勔所得載舟而沉易代始出移于是處噫吾聞斯言蓋愛而惜之尤敬而憚之也夫以一石之微輦之京師遣以重臣濟以舟車其騷擾東南糜費民力者不知其幾朝廷之求之不爲不切矣而乃發憤詭惟自比于沉洲之計使至尊之上曾不得顧

盼而燕賞焉意者懷土是安與京津之施置不相  
習與抑或悼主上之遊荒痛國祚之將昃而故爲  
是諷諫以冀其省悟與吾慨乎物之歸觀于人者  
物之下者也天下至靈之物不靳勝于耳目則必  
立新顯異爲事所不恒有而爲人所不可犯宋自  
靖康變亂艮嶽之石一拳無有存者而此峰尚畱  
于吳郡雖流落田間而其嶽峯之質靈峻之氣終  
不可得而磨滅也余之敬而憚之也豈無謂哉

道山堂集

三

邵二泉先生四戒詩題跋

人之一身有所正者有所差非身有所差也心爲  
其端而身受其成陰符云火生於木禍發必克蓋  
木中之火能焚大槐木與木相摩而火以生執不  
可遏反傷其母始藉頻燐之光而后成燎原之勢  
與其已燃而熄之不若未燃而預爲之制也故曰  
丈人之慎火也塗其隙人之本心原自湛寂而燄  
熾烈烈燄攸潛扇如啄鴉鳥之樹而入神丘之穴  
自焚其和不可嚮邇卽欲從而止之而抱薪而救  
者比比也然則救之維何亦曰戒之而已人心之  
差常勝乎正順之則易反之則難與之爲沉屯則  
沉屯而已此順之說也其勢不可以比則必與之  
敵而其力不能以遽至其情不能以驟服必如大  
師之克而后勝之則反之說也戒者反之說也古  
之臨大敵者未聞橐其箭箬棄其戈爰得以推堅  
而陷陣戒者人心之箭箬戈爰也邵二泉先生有  
四戒之詩曰進曰得曰後曰淫余請得而論之曰  
之出也始而習爽旣而翔陽逸駭盛于外壤至于

道山堂集

四

昧谷崦嵫則反景而入鳥之羣也博扶搖而上遠而無所至極然不能不棲于林麓隱于翹錯日過而思息鳥倦而思戢人進而思退情也若夫陷不測之淵而履高危之地飾智求榮巧相援引廉恥决裂頑鄙不恤稍一踣仆則剝喪頓悴無以自容何其愚也則進之宜戒也鮑魚之大與以半體之豚則吞餌而敗今之人皆鮑類也盜跖之與曾史非有異也義利之辨而已今以商賈之子阜通貨賄權其多寡有無之數以射于下使誦先王之言

道山室集

五

躬聖人之行而猶學洗削買脯以自封殖卑賤則恥居桑蓬之名貴顯則工爲寵賂之事是與商賈無異也則得之宜戒也蓋者損之其益無疆盈者絀之其盈不竭天下有以約爲豐者惟汰其泰甚而節其末流匪特以惜物力亦所以慎德隅也黼黻文章非不欲觀也過則窮于目鐘鼓筦絃非不欲聽也役則蕩于耳庶羞酸鹹非不欲適也縱則佚于口夫禮爲政教之本古者車輿衣服宮室皆有制度今則蕩軼亡等愈趨愈敝無復存古先之

遺矣使其崇尚素樸根據典法與其咏蟋蟀不如其咏蟋蟀也則侈之宜戒也女謁者伐性之斧也練色者伏邪之媒也西施太真色之美者也而卒以亡人之國論者謂苧蘿之毒惜于會稽玉環之酷烈于漁陽蓋敵國之患易防而牀第之禍難知也惟明智者鑒其流失而嚴爲杜絕雖使香羅幽若潔逾鮮霜不過如土木之形何有曲房隱間之中足以惑志而變度者哉則淫之宜戒也持此四戒而可與入道矣二泉先生倡明尊學持以天理人欲之關而發爲諷諭之辭余日習而爲之中其說云

道山室集

道山堂前集詩目

古樂府

獨漉篇

飲馬長城窟行

關山月

長相思

俠客篇

企喻歌 四首

行路難

採蓮曲

五言古

春日泛西湖

妙峰寺望大江

過東臯

端江與次

道山堂集

端州題江樓

粵歸別袁特丘時特丘將歸公安

過大庾嶺

九日登凌霄臺

贈劉赤子

雜詩 六首

閩雪

夏日尚幹村

更衣臺訪藍素先是夕風雨大作雷發庭樹

斗姆宮新松

玉環歌

咏蟬

贈石鑑和尚

洪江曉發

中秋舟泊衢州

邯鄲道上柳

咏竹

梁錦衣園亭看芍藥

廣平蓮花

趙州水

箕山

七夕

飲酒 五首

送蕙元虛之淮上

過宛在庵訪生庵禪師

三月四日遊觀音山

吳門贈吳香爲 二首

贈遜庵和尚

斥阜訪黃處安

壽證研上人

昌奇住四十

五言律

道山堂集

秋日江行

寄郭蓮峰

開化寺

送關甫田北遊

宿下渡

佛山道中

送友人之任高涼

順德龍涌村泛舟

何處難忘酒傲白樂天體 七首

村居

萍

華嚴院

期劉隆生不至

溪泊

北嶺

斗姆宮觀漲

贈漁父 二首

安溪苦雨

泊白沙驛

過延津懷林六英

湛苑叔父靜海罷官歸升至嚴灘不偈作詩以

寄四首

朱仙鎮

過普救寺

真定北郭

鳳陽火神廟

蒙城莊子祠二首

虎阜玉蘭花

送古巖上人歸金陵

楊園牡丹

送潛夫弟之武陵二首

贈楊組玉二首

錫山二首

道山堂集

惠山寺

送南庵上人歸翠雲

春日同吳香爲黃波民黃處安伯鸞叔集林天

友別駕署中分得眞字時天友病初愈處安

將歸園中

五言排律

共學書院社集坐雨

離橋莊古槐和弟子槃韻

鎮州天寧閣

贈柳偕娥

五言絕句

寄湛苑叔二首

過延津懷林六英二首

蟬

烏

紅鸚鵡

雉

白鷺

蝶

擣衣二首

春曉二首

林咫臨入吳未久復爾北上戲贈二首

七言古

歸鴈行

大梁歌

鼓山爲霖和尚惠珊瑚念珠賦謝

道山堂集

哀王孫

晉陽訪毛子霞

寶劍行贈胡將軍

送春曲

掛劍臺

猛虎行

驪駒行

蕩子從軍行

楊花篇

古鏡篇

讀銘在人蟄茶經賦贈

毘陵晤毛燕山

阮郎行

清明林武林邀同鄭肇脩王平叔潛夫弟遊虎

阜

千尺雪

潛夫第案頭見黃處安臨歐王法帖作爲此歌

黃鶯

咏燕

襄城紀異歌

贈唐君知

送謝穉升之真定

文游臺歌

七言律

黃蘗拜葉文忠像

遊黃蘗和葉文忠韻四首

懷陳喬生

洛陽橋

同安縣

夏鷺峰分綠齋

道山堂集

飲夏爾穆漫園和壁上韻

永安卽事

西湖禊飲

和林介庵移舫西湖

二首

石鑑和尚自丹霞至長慶開堂

二首

得澹歸上人書

橫路望林侍御故宅

盲舌

妙峰寺和林涵齋韻二首

方輿木西園雙鷗

洪江訪曹深廬約同北遊

過黃河

張秋鎮

廬州中秋

太行遇雪

西安上元日

寒食過維陽

天津早秋

春日過華州

滹沱河

真定懷古四首

寧晉西寺

黃梁夢

天亮弟自高陽來真定

送天亮弟還高陽

有懷道山園林四首

毘陵卽事

陸西侯招同周梓庵白雲渡看龍舟時又五月

道山堂集

四日

贈鄭素居

和鄭桐庵乙卯元旦

吳門遇伯騶叔

訪顧云美

虎阜中秋賸陶東籬適余有京口之行留此志

別

林天友別駕惠酒

和澹歸上人旅貧八首

臘月一日

四首

第二泉

懷黃處安

懷周梓庵二首

送張超然之京口訪賢牧仁人

贈憚孫庵 <small>四首</small>	登江遊臺 <small>二首</small>	秦郵城樓 <small>二首</small>	懷高澹游和林天友韻 <small>四首</small>	黃處安郎料季自閩來迎處安歸贈別二首	和黃波民過黃處安山樓夜話兼叙別思四首	七言絕句	贈鼓山爲霖和尚二首	西湖訪草庵和尚二首	別靈谷上人二首	道山堂集 <small>七</small>	妙峰遇雪曉上人自芙蓉至二首	閨詞三十首	明妃曲四首	題唐若管一竹圖	題伯鸞叔溪山無盡圖	和唐良士悼歌姬紅於八首	詩餘	西江月 <small>私晤</small>	又 <small>白鷺</small>	陽臺夢 <small>彈琴</small>	好事近 <small>春雨</small>	夜行船 <small>本意</small>	照絳唇 <small>走馬</small>	柳梢春 <small>本意</small>	誤佳期 <small>本意</small>
------------------------	------------------------	------------------------	-----------------------------	-------------------	--------------------	------	-----------	-----------	---------	-----------------------	---------------	-------	-------	---------	-----------	-------------	----	-----------------------	---------------------	-----------------------	-----------------------	-----------------------	-----------------------	-----------------------	-----------------------

雨中花 <small>本意</small>	又 <small>贈古峰上人</small>	踏莎行 <small>夜讌</small>	又 <small>照水</small>	浪淘沙 <small>憶昔</small>	虞美人 <small>本意</small>	青門引 <small>美人</small>	惜分飛 <small>本意</small>	添字昭君怨 <small>本意</small>	武陵春 <small>贈三非和尚</small>	桃源憶故人 <small>讀書</small>	尋芳草 <small>荔枝</small>	醉花陰 <small>櫻桃</small>	海棠春 <small>紅梅</small>	錦堂春 <small>贈味禪上人</small>	浪陶沙 <small>村居</small>	中調	道山堂集 <small>八</small>	天仙子 <small>閨情</small>	撲蝴蝶 <small>贈隱者</small>	又 <small>歸家</small>	蕙蘭芳引 <small>七夕</small>	傳言玉女 <small>焚香</small>	錦帳春 <small>偶題</small>	兩同心 <small>有懷</small>	漁家傲 <small>本意</small>	感皇恩 <small>本意</small>	西施 <small>本意</small>	風入松 <small>本意</small>	御街行 <small>劍池</small>	愁春未醒 <small>無題</small>	長調	齊天樂 <small>曉起</small>	鳳凰臺上憶吹簫 <small>偶題</small>
-----------------------	------------------------	-----------------------	---------------------	-----------------------	-----------------------	-----------------------	-----------------------	-------------------------	--------------------------	-------------------------	-----------------------	-----------------------	-----------------------	--------------------------	-----------------------	----	-----------------------	-----------------------	------------------------	---------------------	------------------------	------------------------	-----------------------	-----------------------	-----------------------	-----------------------	----------------------	-----------------------	-----------------------	------------------------	----	-----------------------	---------------------------

滿江紅 壽黃處安

絳都春 咏馬

沁園春 閨憶

蘇武慢 閨憶

念奴嬌 壽鄭素居

漢宮春 九日

瑤花 題伯駒叔郎官雪霽圖祝壽

萬年懽 賀吳香爲壽

道  
堂集

九

道山堂集

閩中陳 軾靜機著

古樂府

獨漉篇

獨漉獨漉顧影瑟縮雖則神龍弱如羔犢冬夏更  
運去如摧噴噴晡晡西馳下春夕催噉毛長喙信信  
衆多瘳而噬人傷如之何惟舌有蕒惟項有瘳清  
臚睢盱忽而遇肯欲生交梨須剪荆棘欲溉甌窶  
須除螟蟻浹泥蹠蹠跬步踉蹌澎湃奔揚望洋不  
前齊奔於芑值此嚴霜顧領忍饑攬蒞自將

道山堂集

古樂府

一

飲馬長城窟行

輪臺水埃襏城阿多馬迹雪劒指金微霜旗卷石  
磧原野曠寒陰古木動蕭瑟白露散高秋隴坻屯  
烽逼制作思舊秦百代恒相因龍荒開錦雉萬里  
淨無塵綏邊得長策布置勢若神抱杵皆觸體版  
築殊苦辛壯士志不朽金印欲繫肘恥爲縫掖拘  
敢落甘陳後提刀割黃羊舉酌飲蘆酒琵琶響入  
雲惟聞折楊柳蹠蹠紫騮肥金裝絕域飛攘臂出

漢塘暮剪重圍歸

關山月

關山月曉暈落龍城夜斗嚴北風鳴蘆管橫吹荒  
塞清碎影分光層冰不漸露湛珠浮白草不肥萬  
里平沙澗纖衣皓彩微蒼茫亭障空坐見妖氛滅  
思婦在高樓卷簾見玉繩瑤瑟芳聲斷娟娟孤鏡  
升明月自有光故人自有心故人不可見安知心  
淺溪斜燈照玉牀掩淚恨有餘月來粉壁流月去  
翡翠虛關山月青海灣無極漠漠漢家營閨中不

道山堂集

古樂府

二

相識

長相思

長相思雙淚垂採桑歸路芳草悲玉簫落鬢容顏  
非鴛帷結滿蜘蛛絲珍珠簾外孤鷁飛君身在妾  
夢時見黃金鞵妾心爲君磔猶如執素圻舉頭參  
與商長河渺無垠風流荀令遙相憶燈前黯澹珊  
瑚屑

俠客篇

趨捷世無比金纓七尺駭平原掣鷹去南陌鬪雞

回呼盧百萬一朝擲新豐壚頭飲數石碧地紅泥  
釵花橫新聲激楚按檀拍道逢新客柳條邊萍梗  
相期如疇昔投膠永示青松心贈人不惜雙白璧  
七首插腰似有神從橫白刃飛黃塵等閑揮袂向  
河北終身恥作蓬蒿人

企喻歌

一

本欲萬里行勞勞謀粒食種粟趣南谿輟耒長歎  
息

道山堂集

古樂府

三

二

空手格虎兕單行戲猿猱魯儒皆咋舌從橫讓爾

曹

三

我貧尚可爲人貧更勝我雁羹與人嘗自己嚙殘

蘇

四

又戰復讎易持金報恩難功成汗馬上垂涕酬

餐

行路難

將新易故如刈葵霍反故爲新如問鬼角難易各  
不同轉盼分榮落麻泉與管蒯丘陵與秦嶽隔絕  
亦太甚倣詭誰能覺澤蘭非不芳其如委荒壑修  
嫫非不長坎壈泥潏君不見昭陽歌吹試新衣  
綠錢堆滿應門時瓏璫雷聲車響稀君恩妾意東  
西飛秋風團扇空自悲

逝川長晷去何劇寸陰尺波亦堪惜藻翹瑤璠上  
下垂趙女燕姬如雪白合歡帶織連理枝流蘇錦

道山堂集 古樂府

四

帳芙蓉席一朝華落紅顏萎散麝裁金徒隕絨絳  
樹新聲向何處莓苔滿路無人迹君不見銅雀臺  
前望墓田西陵松柏鬱連天武皇雄劍俱銷鑠漳  
河流水往復旋珊瑚終成螻蟻郭阿閤分香還可  
憐

採蓮曲

朝雲落鬢輕花墜小袂腰身迎風吹玉澈平川新  
溜嬌葉影參差含光翠清滑浮荇移蘭橈雪腕蕩  
漿樂聲細蓮花未摘心先醉

花潭葉嶼衣搖曳一雙鷗鷺晴沙戲縈波點點溼  
紅袂寶光蘸水金釵膩見蓮同心心欲跂紉蓮歸  
作畫屏瑞豔歌未能暮潮至

道山堂集 古樂府

五

五言古

春日泛西湖

春岑侵水綠清芽  
憑風颺幽衿襲花氣  
激澗榮蘭橈出浦  
勢紆緩廻圻無奔濤  
樓雉影參差上下隨  
寒淘桺陰媚芳洲  
新絲垂高梢蕤英蔚  
林蒼裏露濡平臯  
策師停岸莎鷗鳥伏  
塘坳恣遊極西北夕  
霏連青郊返棹情何  
已頽霞照鈴鑣

妙峰寺望大江

漠林眇天末浮陰接  
混濛凌高聽松聲薄  
雲上羣

道山堂集

五言古

一

峰水氣捲秋烟浩然  
見青空晴沙舒宿霧  
錦浪湧流虹圻岸吹  
疎篠蒼茫迷歸鴻曲  
激珠光迴清源銀漢  
汎遠嶼乍有無巖影  
共傾溶黃蘆覆汀洲  
出沒漁歌中寂歷萬  
籟起泝沿思無窮

過東臯

東臯者南海陳侍御  
園也余爲令時常遊  
其地丙戌再過已爲  
墟矣作此志感

珠海怒濤飛虵矛  
樓烟聚牙羽旂旄來  
戍鼓城東路荆棘暖  
衰林輕莢濕零露荒  
井磨履突頽墟狐

狸赴停驂問樵人  
指向東臯去憶昔全  
盛日羣

紛無數竊窬虛堂  
敞紺碧雕欄護薜帷  
張松風竹町籠河漢  
青甃生綠水金塘注  
曙花羣鳥穿密藻儻  
魚哺載舫月中行按  
歌雲外度更見諸茅  
屋點綴衆具行潦溝  
塹溢苗黍原疇布畫  
譜輶川莊心蹤桃源  
渡闊絕曾幾時物象  
已非故瓦礫堆迨旁  
不見橋邊樹躑躅試  
延佇歸鴉日欲暮

江袂飲

浩流霽雨後江濱散  
朝暎南徼政暄和周  
遊同泊

道山堂集

五言古

二

漆時鶯動芳樹嶺外  
生餘春清風激迴瀨  
平浪吹沙文高蝶遠  
近颺落帶還縝紛紛  
臯遲日景遠阜舒晴  
雲誰謂曲水遠盍潔  
盡佳辰

端州閱江樓

晨光見空澹裾帶烟  
景收江水自西來奔  
赴無停流沙汎映華  
薄鶴鵲觸行舟掠水  
蕩紋錦暖草恣游儵  
波懸雲氣曙澈長霞  
光浮近塔臨川聳遠  
峰積翠稠畫棟對明  
鏡長欄下滄洲麗日  
還灑潑鮮鷗弄寒瀍  
階除鬱奇樹嘉蔭更  
環周修幹翳繁枝

屈盤如潛蚪疑有風雨至飛舞卷潭湫薄牒乘餘暇閒曠資冥揆俯瞰足徜徉爽然自清幽

粵歸別袁特丘時特丘將歸公安

百泓滄隄岸橫流沒平原獨掌堙巨河安能無傾翻念昔侍黃門左右同宮垣連軫粵水濱三載屬縈韃七星北斗懸穹窿窮天根矜峽古戰場魚龍互吐吞山川騁遊覽花晨常酒樽阮籍托冥契駿茂重一言轉盼物態變羝羊還觸藩進退兩無據寥狼驚心魂嶺外秋雲生辭君歸南園濯足洪江流隱几歌羲軒思君苦無見何繇共扳援朝暮黃牛路空巖啼夜猿

道山堂集

五言古

三

過大庾嶺

清氣迴瘴癘險道逼鳶蹲地窮百粵盡岸折兩江分衆崖斷復連陘匝披雲屯側行石齒中空響谷口喧落日照林莽窈然見前村疇昔思壯遊結綬鳴華軒昨謫槐桐鄉童叟時扳轅草木顏色改陵澤各變翻馮危眺餘暉寒色冷梅魂願言稅歸轡長嘯息衡門

九日登凌霄臺

蕭辰日色薄逶迤策山椒秋巒貯空翠傲睨青穹高霜氣衿袖間紅葉滿庭臯沙際斷鴈翔疎林寒蟬號涼颼出松陰激響如絃匏丹萸尙帶露嫩菊更含嬌雖無鶴林花道情自清劭日暮岸幘歸幽谷信參寥

贈劉赤子

雲日蔽堯鑒莊馮薄伐駟發機落雁影引月決虎背手挽和垂弓眼欺蒼頡字巾卷委道路侏儒作

道山堂集

五言古

四

虫臂冷官一廣文逢場竿木戲籍籍負雅材五經能鼓吹未能向天鳴且自抱書睡榮萎信有時松菌各殊志僂俛安足稱貧賤不可致非無樗里明徑率勝多智

雜詩

袖有徑寸珠華飾貂襜褕紫茸高橋鞍飛走驪駒駒翻覆成風雲煦籍凌萬夫其中何所有母乃皆潢汙世俗競榮利相與尙膏腴循名不責實盲眼多塵燕

二

重霧翳城郭曾冰失川坻朔風吹菁林鳥寒無故  
枝白目現山岑闌闕多伏狸出門畏荆棘蹠足欲  
何之屈原佩秋蘭墨子涕練絲知止物不議儼然  
得所依幽贊德圓神方寸有龜著

三

避寒愛洪燎畏暍宜清樾寒暍違其性造化亦荒  
忽叫呼自縣旌聲名悔題拂人倫無許邵玉石互  
伸曲伊優張越闕廝臺並纓轡詩書既蹈籍抗讎

道山堂集

五言古

五

反沉鬱所以南昌尉變名爲門卒

四

東鄰氣砭磅容與步華劇希光勢難止柴穀填街  
陌擬金開玳筵按衍度檀拍濡唇歡瑤勺授餐切  
熊白西鄰傷縣薄困窘甘黃馘屈指平素時豈無  
舊賓客一朝俱散去戶外無屢展俄頃成欣厭膚  
理分肥瘠空嘆漢灌夫發憤亦何益

五

蛭蟻飛千仞鼯鼯亦嶽嶽翔步還審顧偶旅循墻

角破觚非不能圓融失常格蹢躅爲廉謹本自守

其璞蝸廬燃竹根樛林遺少躋盥耳戲青沚萬木  
新雨渥畦肥種瓜田慎毋忘鑄鏤

六

縹緲問高栖幽人恂悅間神蔬披秀葉青鳥海上  
還西風捲寒簾時序催金九芝术信可茹無如絳  
雪丹

閩雪

丙申燈夕飲曾遠公池亭雪下三尺吾閩

道山堂集

五言古

六

從古所未有也

海溼炎燠地依稀似朔方寒氣積陰琯晷霸凍南  
荒茲值良宵節火炬方熒煌寶馬走香陌歌鐘殊  
未央同雲忽然布清光旋飛揚浮烟逼丹楹落霰  
侵荔牆擲梭類曳紉委蕤疑截肪魚鱗鏤閒堦鶴  
毳儼空塘粉蕖拖新梅珠瑩凝幽篁芳草經冰濕  
初鶯倚樹藏蒙密下河漢大地何冥茫座客皆咄  
咄未卜何妖祥鼓鞀正喧闐鴻雁尙餘瘡相對各  
嘆息聊爾盡餘觴

夏日尚幹村

煩蒸遲日陰步屨長楓側新苗肥覆瓿舊澤積成  
流平岡散芬霽野燒菁林出石虎峙千仞牙爪皆  
蒼壁仰視五峰高青天如列戟村塢烟波起森森  
江頭碧柔櫓往來潮鷗鷺沙際立閒鳥鳴杉松清  
音引虛寂小橋連斷岸古廟堆殘磔樵人抱枯枝  
尙帶白雲濕斜景槿籬開牛羊下故柵

更衣臺訪藍素先是夕風雨大作雷發庭樹

崖嶠勢鬱紆重霧起山脰竦石倒千尋崩壁懸梯

道山堂集

五言古

七

磴一線聊可攀振策更宜勁香烟出松蒿中有維  
摩病咳唾青蓮花揮灑長松柄義窟恣周遊宗門  
知究竟丹霄積虛嵐空庭眇疎磬草亭近曾穹俯  
視衆埃淨寒泚流不舍潭色皎如鏡萍溜合迴波  
漁唱動清聽人影與溪光上下互相映轉瞬日西  
汜深林忽已暝重陰結前巒寒川昏氣并風雨乍  
喧亟拆木洪濤競鴈鷺哀洲渚颺颺亂幽磴震蟄  
砰陵生激駁衆車橫浮爍起樹杪疾聲空谷應如  
悟天地妙動寂皆見性

斗姆宮新松

英上擢秀質結根南山陲偃亞列層徑夾道垂芳  
蕤森竦密成林清陰何離披嫩茸凌衆草翠帶轉  
蟠螭花幢谷口暗喬榦石亭低雖無九霄翔條直  
具威儀朝嵐布餘景欲與遠峰齊微風潛入樹冷  
玲瑤瑟悲常雜魚磬響歌吹無定時應是岩阿上  
曾經東嶺移

玉環歌

原隰田正肥香稻芬華敷空天更遼闊悵望青林

道山堂集

五言古

八

狙自念孱小質屯難生瘡疽疆起惟顛仆不復飛  
槍榆坐此嘆啾唧低徊心血枯螻蛄恣不仁呼羣  
嗜其膚無異遇鷹鷂餘生直須吏君纔六歲兒見  
之意鬱紆置在篋箱中保惜如弱孥墜下掇黃花  
手捧親自哺精液信甘美飲我如醍醐從是霍然  
起淵瘵體復蘇惟暢刷羽毛輕微翔清虛遠志渺  
鴻鵠巧啄卑鷄鳧禎祥占祿命識兆啟丹書惟君  
功德深竭力曾揜扶古者翳桑食倒戟禦公徒更  
有哀王孫江頭救餓夫一飯尙如此何況惠微軀

吾今持玉環寶色產瑤瑤鄙意未足展聊以充玩  
娛譬如昆明池訢鉤放大魚後來報武帝一雙明  
月珠凡情思本源今昔安有殊吾慨世上人反覆  
成轆轤冷煖摧肺肝揖讓肇戈投豈不懷舊恩轉  
盼秦與胡廉翟無故客淒風捲寒廬予也豈其然  
矢念永不渝

咏蟬

寒意華林遍蕭然百感生霜泣日西馳浮陽陰漸  
輕微陰忽隱現嘒嘒有餘情銀甲碎珠玉竄然鼓

道山堂集

五言古

九

琴箏危端自擊觸急流寒漸并花從角上出喙向  
鵬間鳴我客垂縷勁高懷吸露清抱木勢難遏迴  
驚響易傾自傷雙翼薄適意且飛翺

贈石鑑和尚

丹霞涉入垠瞻望頻縮步白雲谷口橫苔滑石頭  
路芒鞋嶺外來振錫乘烟霧智劍斬危藤日輪續  
餘炷雪浪與銀花匝地空中布新詩發海潮微茫  
絕依附宣說第一義提唱起沉痾愧余世網中半  
生涸泥於執如師知見一往無回顧怡然辭孔顏

斷不理章句余謂法性三私欲吸甘澍策杖過西  
郊仙唄出林樹小溪遶綠塋香草浥新露長風吹  
清音妙偈如懸圃杳然鐘磬淡大衆夢方寤

洪江曉發

出門秋色澹蕭條細草稀晨明榜歌起挂席沂流  
移菰渚露初白雲津樹欲迷朔吹起寒沙疎烟薄  
湫涓林際絳絳葉下嵐光潭影微寥廓天雁遠閒適  
江鷓鴣叢蟬鳴斷岸孤猿嘯前蹊汀關依山翠波  
澄連曙暉貧窮傷劍缺孱弱對詩奚帳望橋西上

道山堂集

五言古

十

浮萍上客衣

中秋舟泊衢州

夜渚綠烟滅停橈隱城脚圓光散空闊虛無流熠  
燐迴峰湧微波寒漲起清角縣鏡耿星河臨枝駭  
烏鵲霜雪沙汀滿潭景互參錯爛柯如曙日虛暈  
抱丹壑平岸黃蘆白涵浩極廣莫陰蟲時幽咽秋  
杵更蕭索孤客無限思蒼茫望碧落

邯鄲道上柳

微飈度廣陌朝暾景方升游絲罥柔條嫩碧吐芳

英裁比隋堤整烟同灞岸青翠氛頻拂面金穗自  
飄緲大楊鶯成列敷樅亦鮮榮飛花散餘雪碎葉  
綴繁星陰濃雲蓋密香動酒旗傾行人一何疾車  
馬日喧轟君看路傍柳開曠有餘清

咏竹

絳雲盡青節惠風搖華滋蒼蒼犯霄漢密色信陸  
離水汎團圓影峰高屹屹姿鴛鴦嗽其實鼯鼠聞  
夜啼世人重音聲採拾作笙篴笙篴雖悅耳剪伐  
傷其枝安得軒屏側擁護無枯萎

道山堂集

五言古

十一

梁錦衣園亭看芍藥

餘春尙流麗葱蘢浮山莊已離護紅藥移來仙禁  
香妍華挺細蕊燭燭敷絳囊焰吐火旗起光閃電  
景長彤雲繞瑤圖朱霞靚明粧蓮臉初勻膩燈輝  
乍熒煌爵林剪叢綠金盤凝赤霜婀娜渾無力醉  
酩更微狂名園此幽賞極目足相狎

廣平蓮花

策馬平干道蘭秋方始麻長堤十里許頽陽尙餘  
熒晴陵綠水漲微颺稍輕清雲蓋差差見鏡花灼

灼榮紛纒如綴貝次第若流星茄影侵潭吐菱容  
傍岸明綠情與紅意交發一時并裴回武安郡無  
異錦官城

趙州水

包幕應天地靈胥具尺幅毫端極神妙疑有鯢鱗  
伏其一爲平瀾澹沔恍在目順流若障川細吹泛  
微綠液清夜珠迴光射白日沃舒徐吐明鏡浩遠  
映空漾其一爲怒喝蜩像勢傾覆亂漉碎牛漢迅  
湍逼琴筑皇波迷雲鴈陰風吞舟舳山嶽相擊礪

道山堂集

五言古

十二

龍龜互抵觸險易各有性當前異所觸造化信在  
手滄海渺一粟卽此恣浩遊何用窮四瀆

箕山

一覲薄天下神人甘隱淪耳根旣云淨妄性自能  
馴尊生遠物害煬和娛道眞息心脫維繫清風吹  
高旻片壑守孤操千秋奉芳塵虞舜爲卷婁艱難  
闢荒屯英皇帝室貴皓齒無千春可憐洞庭竹終  
古含酸辛何如辭館甥茹中爲齊民

七夕

巫峽停彩雲珍簾冷如水杼柚不成章尺刀凄入  
耳空房揭虛幌悠悠隔涯溪同生此青天如何舉  
踵跋人間歇翠芳蕙草漸蘼萎微露白且清冉冉  
商飈靡此日獨沉吟擲梭飭容止雜珮試瑤璫華  
髮耀并珥桂裳更鮮明花紋龍珮履笑靨從中開  
低徊如有俟倏忽青穹冥餘光逼濛汜弦月景初  
升絳河近盈咫星津靈旗飛霓輶移玉趾璇宮徹  
夜曙始信非懸揣經年盼今日不知幾屈指珍重  
解衣襟羅幄香塵起

道山堂集

五言古

七

飲酒

枯苑自今古何爲動累歎草屋蛸絲密蕭然耐窮  
居寶鼎泣玉脂金樽燭影餘不如渾坐次班荆同  
樵漁

二

芳晨殊可惜萬象日颺回木葉任搖落寒爐積餘  
灰壺漿驅憂煩風雨時相催古有淳于生醉卧南  
枝槐

三

志氣蕩江河天下皆橫潦亟離陷井中蟬蛻更難  
好鵬鴒自逍遙蹤跡溷屠保只愛朱顏酡不知玄  
髮縞

四

聖賢尊蒼卜時人尙現巫行藏我已定夢覺還徐  
于東隣有劉阮折柬時招呼花前促膝語相與傾  
提盧

五

明月上階阨出門沾濁醪夜闌興未停直至曉鷄

道山堂集

五言古

古

號義理渺無極譬欸皆靈鈔我羨盧幼章痛飲讀  
離騷

送黃元虛之淮上

柔露濕岸樹江北草色肥淮水何湯湯春流蕩日  
暉蘆洲信泱泱靈濤勢欲飛蜃氣依芳甸颿影落  
長圻楚雲覆漁津導漾射陽陂爲訪枚臯檄高文  
尚在茲

過宛在庵訪生庵禪師

亂埃逃俗幻榛路復芊綿神鸞有遺音獨立百尺

巖冲心軌道妙矯志絕庖廛名山藏先業空性悟  
靡禪我來北城隈春光正媚妍叩齋問真源字字  
皆青蓮修竹挺高幹檀欒隨風翻墻下苔衣綠墻  
陰旭景縣疎簾汎微波清漣牀席前鷗鰕時出沒  
戶牖生雲烟相對方塘裏物外意悠然

三月四日遊觀音山

霽野游氣清衆萼姿態展秀嶺多白雲繁陰林麓  
滿古寺松杉際磴道餘芳蘚瓔珞諸法寓鈴磬隨  
風轉遊女羅徑穿忽見紅玉輦繡褕雜寶幢香烟

道山堂集 五言古

五

鬱未散

吳門贈吳香爲

冥鴻久無見旅泊歷暄涼執手吳市上黃鸝鳴風  
篋杯酒與君飲相對皆老蒼慷慨話疇昔開眸望  
星芒新詩窮杜叟閒情寄蒙莊中遠伏壘峭大地  
餘刀槍河流信瀾漫空闊濟無梁道遠志彌厲豈  
爲顏髮傷

二

萬物各有時人事畏衰歇達者觀化理塵埃不能

奪惟君飽藜羹彈琴聲未絕我更持空瓢鵬鷖亦  
百結同是貧賤人相看無分別昔有梁平陵賃春  
自摧折時作五噫吟千載尚高節至今過臯橋軼  
事猶能說語默任自然升沉原一轍梁肉非不肥  
啖之恐傷噎勉爾寧澹心怡然嚼冰雪

贈遜庵和尚

吾宗具梵行妙指契靈山反本脫羅罣澄心止廻  
瀾法踞芙蓉巖提唱古壽安我今過吳門相逢曲  
水灣昏雲忽爾開豁然徹疑團定境抱癭牀落花

道山堂集 五言古

五

滿柴關院靜草俱幽日午鐘未殘樹榭聞真偈旃  
香吹佛壇

扁阜訪黃處安

虎據地靈勝停舟恣窮搜鮮雲翳林岨喧鳥時唧  
唧晴嵐結青冥貽湯惠風柔寂寂對峰影澹澹聽  
春流緇帙散餘香人在山上樓幽花吐火樹清景  
日以悠亭古法長在劍隱光尚浮奇跡珣珉宅曠  
然銷百憂

壽證研上人

擁褐空林下毫光照霜顙青桐殘子落涼風吹塵  
蕪義理同餽酸章句成觚盧寶几當機現燈花妙  
諦敷潛穴藉虛豁靈津隱涵濡颯高猶誦戒頭白  
還結趺清露裛叢菊烈炬開紅芙迺勘圀地時月  
影上閭扶

昌奇侄四十

我昔遊鍾阜南渡比豐芭承露滴金莖鳴鑾步玉  
陛文衡度紺憶紫陌連朱邸一旦豎降幡離宮長  
荆杞宛雒冠蓋稀衛霍門第毀黯黯景陽鍾寂寂

道山堂集 五言古

七

秦淮水我家仲容賢避地烏衣里彥倫食藜藿次  
宗築山趾時御白袷衣還隱烏皮几窓牖傍名巒  
圖史供清泚新句振賁鏞清歌嚼宮徵閒登孫楚  
樓側望石頭壘復工金匱術三龜列庭庑橘葉走  
短狐肘後得神髓阿翁高尚流曄曄商芝紫飛鴻  
惜毛羽聳身青雲裏筋力更柔疆淡契黃頤旨阿  
兄幹濟才舉止殊秀峙翩翩書記選曉暢識治體  
爾盡啜菽歡何必捧檄喜穎川追前蹤仲方差足  
擬寒柯朔風鳴小陽斗北指煖爐杯盤浮饔飩集

新祉吳猛政授方公孫尚牧豕濃霜凝遠岫縹雪  
綴瓊蘂雲光滿長金石出蓬累故園烟靄重榕  
陰鬱青綺十月梅花發海氣結蜃市鉄甲湧寒潮  
嶺月開殘嶠何時罷戰鼓相待洪江洑

道山堂集 五言古

八

五言律

秋日江行

滄渚移舟疾，丹楓曉露侵。  
秋嵐隨嶂合，岸篠向風吟。  
朋俦傷顏髮，閒禽寄遠心。  
疎林烟火密，落葉近霜砧。

寄郭蓮峰

搖落霜風樹，閒吟秋水篇。  
故人空谷際，蘭佩自香荃。  
海氣烟雲卷，江聲夜雨連。  
鵬冠思不見，夢到藥山巔。

開化寺

爲尋湖上寺，苔徑衆峰西。  
睥睨臨川汜，旃檀散稻畦。  
冷雲岸草濕，寒篠夕禽栖。  
誰作機鋒契，陶然過虎溪。

送關甫田北遊

流落閩南地，依然事簡編。  
歸程未到粵，舉袂更趨燕。  
白日塵方起，黃河水正堅。  
前途傾蓋少，應惜孝廉船。

宿下渡

道山堂集 五言律 十

古巷藤山路，江頭正暮暉。  
桑麻成戰壘，榛草幾家歸。  
泣露凌疎木，新蟾上白扉。  
主人猶剪韭，辛苦逐征騑。

佛山道中

亂離經再見，嶺徼更鳴刀。  
墟坂逢殘叟，簪裾散舊寮。  
石沉山峽路，霧暗海珠潮。  
十載徒王事，松間愧負樵。

送友人之任高涼

多難時方釋，還空櫪馬羣。  
南溟同作客，花縣更推君。

道山堂集 五言律 二

君翠羽猶王，稅黃茅盡嶺雲。  
海鄉征戰後，顛顚不堪聞。

順德龍涌村泛舟

暫作避秦計，尋雲到小邨。  
負絲時出浦，飄泊且開尊。  
轉鷁空潭綠，連鷺曲澈翻。  
迴思供奉日，無策謝金門。

何處難忘酒，做白樂天體

何處難忘酒，驚過薜荔牆。  
虛檐臨洞壑，沈榻冷雲莊。  
百卉聞雷坼，羣禽汎水涼。  
此時無一盞，誰與惜。

春芳

二

何處難忘酒人居離垢園捫唇吞海嶽抱瑟誦虞  
軒卓女還當市黃公未閉門此時無一盞辜負蓼

花村

三

何處難忘酒街頭賣藥歸空除蓬刺密曲巷草蟲  
肥瘦鶴方長嘯啼烏更忍饑此時無一盞胡以敵

寒威

道山堂集

五言律

四

何處難忘酒間聲倒屣迎忽驚風雪至原結笠車  
盟說劍千秋鐵彈碁半夜兵此時無一盞冷落故  
人情

五

何處難忘酒蘅蘭九畹凋枯桑承曉露疎竹號寒  
蛸蓬葆茅蒲戴琴聲木葉礪此時無一盞天地亦

參寥

六

何處難忘酒山川戰後過傷心聞錦曲繫馬見銅

駝易水淒風勁新亭灑淚多此時無一盞安得壯

悲歌

七

何處難忘酒名傳定遠班短衣絕險入沒羽射生  
還奮衷幽并俠衝風虎豹關此時無一盞枉說勒

燕山

村居

古巷青莎曲幽扉箭篠橫谷空澗水落風定稻花

道山堂集

五言律

四

平枯柳聞禽語殘梨抱蟻行白雲臨天漢更向嶺

嶺生

萍

蓬轉潭無準平低任往還翠鈿含影細綠蜀浴波  
鮮搖落江湖裏逡巡鴈鷺前明神曾作鷗勿訝受

風偏

華嚴院

雷巖烏石勝緣磴勢巖巍四壁間空響千山共落  
暉林間衆鳥息雲外一僧歸叩簪說真義眇然坐

翠微

期劉隆生不至

聞君新度曲繁響近伊州悵望山城暮月明何處  
樓撫絃悲玉柱秉燭冷香篝鐘漏綿綿下還愁半  
夜秋

溪泊

老至猶舟楫螢光岸影分虛茫千壑月浮白半溪  
雲菰渚明星入漁磯夜鼓聞向空歸鴈疾跂首欲  
同羣

道山堂集 五言律

五

北嶺

郭北披晨策晴和萬籟停寒雲橫鳥路飛軫接鯢  
溟嶽絕插天紫藤幽傍石青千巖海日出半嶺一  
孤亭

斗姆宮觀漲

瀟漫到南城天津萬頃盈蟲蛇濤上見舟楫岸中  
行涓滄衝江岸青坳近海瀛只愁廬井裏龜鼃未  
停聲

贈漁父

來往南塘側長綸疊浪低亭衣臨月晴蘆笛向風  
淒潮滿漂蘋米潭空起鷺鷥穿雲雖可去故港自  
當棲

二

鶴髮對空湍秋風波岸寒菱芒牽小鰈鳥影下清  
瀾江雨兼葭泊村醪螯蟹食客星銀漢上側望更  
垂竿

安溪苦雨

假日藍溪上猶如坐定僧水衣寒廡織林葉巨波

道山堂集 五言律

六

憑墨竈遲烟火阮途仗友朋深深連夜急四壁擁  
虛燈

泊白沙驛

隔夜家鄉遠孤征烟水愁落紅浮雪浪宿莽汎霜  
洲次第賓鴻羽洞汭白鷺秋停艫一眺望村市驛  
樓頭

過延津懷林六英

晚帆孤嶼轉菱葦綠波深爲客驚衰鬢思君戀舊  
林仙山人跡少龍洞石林陰獨有溪雲白愁聽月

夜砧

湛苑叔父靜海罷官歸舟至嚴灘不值作詩

以寄

澗想勞晨夕孤征欲奮飛  
碧雲明繡嶺白鷺下漁磯  
王粲依人去陶潛解綬歸  
如何江上路咫尺竟相違

二

吾家冷落甚大半不如前  
原隰無膏壤詩書有蠹編  
禦冬惟枕杜似屋總窺天  
世態秋雲裏誰能更

道山堂集 五言律

七

乞憐

三

露草寒螢聚空山落木秋  
暮帆隨岫紫野碓向溪幽  
直道方難入微名且暫休  
眼前諸弟妹未了尚平愁

四

寥廓山河迥憐予直北行  
板橋看雪嶠塞月度秦  
爭趨幕寒鴉路經霜古戍  
程何時瀕海側白髮待躬耕

朱仙鎮

社稷和戎去孤臣只背癰  
早知班旅易空說撼軍難  
水市蘋蘩古江聲鐵甲寒  
千秋祠屋在猶是宋衣冠

過普救寺

河東蒲坂上出郭古招提  
院角依墟落門前信馬蹄  
短牆荆蔓覆方塔日痕低  
明日潼津去直過渭水西

真定北郭

道山堂集 五言律

八

青郊春景遍處處見芳韶  
穿柳班駝疾扳花粉蝶翹  
晴旻連麥隴遠塢鬱山  
堯此去長安道誰人共采樵

鳳陽火神廟

故宮何處覓地自古濛濛  
息轡方停宿鳴蟬始戒涼  
商聲來畫壁日色冷虛堂  
知是祝融廟居然巫史鄉

蒙城莊子祠

渦陽江水畔炎日倦征鑣  
莊老留禋祀鄉人尚炳

蕭郊機資笑劇野馬入空遼一枝聊寄跡高樹暗  
鳴蜩

二

沈洋成傲吏世界一焦螟古廟依殘莽虛廊落遠  
垆庖牛能磔解姑射自神靈千載漆園叟南華自  
作經

虎阜玉蘭花

幽意發芳埃亭亭巖石隈鴝鵒膺隨蝶起月姊倚雲  
來垂墜瑤爲室寒晶雪作堆對花須盡典清影上

道山堂集

五言律

九

銀臺

送古巖上人歸金陵

聞返蘭陵棹輕筇向暮潮蘆芽垂月白花片渡江  
遙草色明千嶺雲光貯半瓢蕭梁遺蹟在法會重

南朝

楊園牡丹

緋衣仙禁出移植水之涯客醉蘭陵酒亭開洛下  
花彤雲天上密絳幘日中斜誰奏龜年曲金箋咏

露華

送潛夫弟之武陟

江介春方晚離亭且共斟  
鷄聲將母夢馬首棄襦  
心修吟翔雲翻斜陽落劍  
鐔惠連今遠去勞我十  
句吟

二

此別分南北揚舲過濁河  
麗詞梁苑勝盤隴太行  
峨鄉國連烽火天涯隔笑  
歌巡簷應有約梅下共  
婆娑

贈楊組玉

道山堂集

五言律

十

我過延陵郡獨聞處士名  
衣冠存古意鴻鵠見溪  
情土窖彈絃樂聊城蹈海  
貞應知冰雪裏自絕去  
來蜩

二

世人如暗室撻植欲冥行  
折芰自高志聞鷄豈惡  
聲挾幽須寶炬閱變屬青  
晴不盡滄浪興臨流且  
濯纓

錫山

梁谿西嶺過信有卧龍涎  
翠巘九盤路寒川萬里

船山容分自合塔影倒懸落日窮林莽沙村樹  
樹煙

二

振策芳溪上澄眸開遠心雪泥山尚積霜景谷還  
淡襟帶長江暝杉松古廟陰何年疏浚沼流水到  
如今

惠山寺

嶂曙寒猶紫鐘溪日尚紅蔬香通曲水雲氣散東  
峰佔屈庭前樹青冥雪後鴻岩堯山閣望遠澗落

道山堂集

五言律

十二

長虹

送南庵上人歸翠雲

師禮天台懺能知止觀宗了因曾喫棒執柄會談  
松金策侵衰草麻衣返舊峰獨行姑孰口江路白  
雲蹤

春日同吳香爲黃波民黃處安伯騶叔集林

天友別駕署中分得真字時天友病初愈處

安將歸閩中

琴齋親中集柏葉酒行頻共探維摩病初看長苑

春條風吹綠畝解谷慰窮實忽聽驪駒急誰非故  
國人

道山堂集

五言律

主

五言排律

共學書院社集坐雨

諸生帖呬地崇構傍西城遲日垂簾靜停陰昏霧  
并春風邀翰墨雅韻奏韶諷院遠芳蕤落林疎法  
界清沉潛飛黑唳激溜駐流鶯修雷蛟龍關紅樓  
杼柚鳴黃庭侵繡幔度隙潤朱甍白練堂均直盤  
渦階凡生滋叢倒影瀉洪潦怒濤盈碎浪迷河渚  
浮漚近海瀛雲屯蒼闕隱雷敷寶車轟雲雲青磯  
石淒淒玉管笙跳珠新沼亂奔湫小橋擎鴉避翻

道山堂集

五言排律

一

盆勢蟲悲薺草聲瞻空浮芥下灑密舞絲輕梅質  
垂文貝湘筠結水晶夢臺幽珮響馳馬白衣靈梁  
上燕泥濕花間蝶粉傾氤氲綠徑暖屏翳遠山冥  
珍簟涼颭入纖絺寒意萌塵塵揮錦席歌板度銀  
罍淨梵披甘澍文昌萃宿英譚基疑賭聖汲古欲  
橫經妙義紛如霰清醕滿似漚羣公詞賦手四座  
芝蘭情嚴漏譙初動晚鐘音正鐃典來殊未極權  
洽有餘醒

雕橋莊古槐和弟子樂韻

策騎出郭外北眺始幽尋大茂迎青嶽韓河遶碧

潯仙居環別墅錦里識遺簪獨樹容顏古叢枝歲

月深開跗芳散影結幄密成陰不受雪霜蝕無憂

匠石侵春秋渾莫辨根幹實堪任烟罩雲霞景風

來絲竹音抱姿長近日聳勢欲捫參綿幕龍蛇伏

離礎予森飲香迷過蝶巧語集哀禽偃蓋垂雕

砌馮高對遠岑虛精藏木火蟻穴悟升沉攢翠當

軒立敷榮小閣臨恥同筠櫝質備學棘荆心蓮渚

留殘粉虹橋散暮露山莊添畫景村店響秋砧油

道山堂集

五言排律

二

幕鳴騶動弘辭倚坐吟飄香非殿省集雅足園林  
勝會方齊賞醇醪喜共斟凌雲能適意望蔭更披  
襟物理傷搖落人情論古今律吹嶰谷竅材作嶧  
陽琴何如保貞素可爲智者箴

鎮州天寧閣

龍興古佛寺百尺跨青蒼澄漢迴璇極璘雲覆杏  
梁影隨孤鴈迥翼並大鵬翔縷檻花紋密重軒霧  
縠揚虹霓浮畫拱燕雀度危墻結締丹楹上岩崑  
大道傍繁烟闌井里高構逼巖廊扉啓長衢曉聽

縣麗景颺錦城排藻色淨國組旃香神咒慈悲願  
圓機沙界光海潮現寂靜寶絡迴熒煌應化無塵  
迹分身莫等量皈依悟妙理瞻禮見金相迷多須  
皎鏡岸遠藉輕航像教羣生仰人工萬禩長善緣  
欽藝祖法力自空王

贈淨借蛾

天馬雙魚現聲光絕等倫源從三泖灘氣向五茸  
甄姑射鏤冰骨華陰出濁塵長天迴過鴈錦水避  
游鱗素幹修容澹嚴衿內則循硯田螺黛黑帙箭

道山堂集

五言排律

三

變香紛秀屬填星宿輕軀抗典墳魚戩旋霧縠蒲  
牒散霞氛揮霍方觚啓合綵尺素伸飛颺還振藻  
駁選若崩雲得句方猷柳忘形更斲輪經蟠諧雅  
簫綏肆詠韶鈞小閣雞林重橫塘鶴夜聞蘇詞舒  
妙杼唐韻積餘緝鈎纂燈花落丹鉛碧管頻雕虫  
揚烏翰撥蚓動鵝羣瀝液千川濯芳蕤衆草黃應  
機謝道韞得法衛夫人金剪霜英撥銀鈎雪腕陳  
吐絳針帖剝擷翠畫圖新札紉縈纏轉微微絡繹  
分江山移繡榻仙佛下朱垠跡傍生公寄居偕短

薄親水涓寒浸玉松徑綠生筠塔勢層城峻池洼  
短壑噴一坳開麗苑千座疊花茵繆絡蓮心淨金  
猊栢葉熏烏鳶林外噪虎豹石頭踰清菴籠青岫  
疎簾漾擘紋亭陰迎旭午海氣逼嶙峋羊子尋師  
返梁鴻舉案勤吹簫羸女曲儘擣冀妻饋靜好修  
琴瑟共執櫛巾合醕憑酒醴潔祀問紫蘋倚竹  
衣裳薄牽蘿棘蔓莽俗祛宜昵古慧極易招貧儉  
歲志常飢窮廬意轉溫豈甘蟬翼曳不待蚌珠紉  
素束當羅薦磁罍適酒樽琤珎辭佩飾荆布足釵

道山堂集

五言排律

四

裙並蒂芙蓉灼借飛孔雀馴僊河金線布蕙谷綠  
條歛弱質風難撼柔柳木自欣菲微垂蔭庇靈爍  
稟清純虛府懸娟素晶宮望結隣傾盆凝綃潔飛  
蓋入高昇按節憑金御彈丸仗爵蟻蟾光盪象緯  
兔魄上河津湛霜原出皎圓璧自韜真鏡波誰可  
共應是影娥身

五言絕句

寄湛苑叔

泉冽有修綆，船肥且截頰。何爲溜水中，漂流作桃

梗。

二

陶令歸來時，它邊五株柳。登山采桐實，還勝金龜

鈕。

過延津懷林六英

老來清興湧，賦達度衰元。日射海潮迴，只怕蛟龍

道山堂集 五言絕

恐

二

把盞斟春蟻，人歌還曳屣。何妨麋鹿羣，自是漢黃

綺。

蟬

秋風響不停，愁腸轉牽揉。只聽樹間音，不見吟時

口。

鳥

鷗鷺朝露飛，嘲嘲約共歸。薄暮風竿急，開解不肯

低

紅鸚鵡

異種出重溟，桃花一樣榮。畫堂縣寶炬，巧語逐風

鈴。

雉

春暈奮翹英，麥隴青青發。只爲雙頸妬，苦鬪未肯

歇。

白鷺

片玉弄兼葭，寒雪下江沚。亭亭立潺石，澹澹向秋

道山堂集 五言絕

水

蝶

翠幣西園艷，微蟲小苑香。何似隨蜂去，採花積作

糧。

擣衣

孤鴻方嘹唳，乾鵲已排橋。客與理紈素，砧聲近斗

杓。

二

錦石淚痕盈，交河一望傾。纖纖舒玉腕，秋月倍分

明

春曉

幾陣迎梅雨風掀花絮舞迷離烟霧淡慘徑皆香

二

寒塘春去緊榆絮飛欄楯流水并落花細細彈瑤

軫  
林思臨入吳未久復爾北上戲贈二首

悠悠錦帆水草草虎阜巔不聞白紵曲怕見採菱

道山堂集 五言絕

船

二

暮走黃河側策馬平棘城幾度

七言古

歸鴈行

金河慘淡黃埃冥隴頭衰柳微霜凌長坂迢迢草  
連天恨不高飛過洞庭洞庭滌滌元氣浮衰蔣寒  
蒲流沙汀蕭颯西風湖上起瀟湘水色惟蒼青弱  
軀遲回驚秋蓬辛苦豈敢戢毛翎招呼同羣差池  
行關山雖渺道會經願早連翩辭朔北南浦蕭蕭  
黃葉零影滅更入衡陽雲陣排徐開鄂渚萍高韻  
寥廓逼霄漢邕邕歷落夜月明回憶塞塵石磧裏  
此時水雪漸陰凝

道山堂集 七言古

大梁歌

三川地勢極坤垠昔時雄麗稱絕倫人肩相倚汗  
成雨帶關通關衆響臻金鞭絡繹繡陌轉挂轡軒  
車撲黃塵重夢鏐鏐標舉甲第瑰瑋還麟岫跳  
丸舞繩雜戲作沸天歌吹連青旻疆場紛綺溝塍  
錯原野沃壤挿爲雲西疇納稼東菑積家室櫛比  
皆禾囷自從闖賊起銀州倏忽蒿藜生三秦流入  
魏都腥血污抱弩馮弓如納蛟虹蜺揚輝雲漢赤

戰壘慘淡飛青燐官軍錦臂袖手坐寒毛鐵馬臨  
風呻朝廷趣勦檄屢下借七誰能救荒屯大吏辨  
賊辨不得虛言談笑著綸巾大帥敗劔外援絕羸  
奔麀怯惟逡巡城上濛濛烏鳶落繚垣千雉無重  
闔羣盜狡計決河水洪河一圻迷涯津可憐龍盤  
虎伏地崩雷撼日同漂淪百屋列隧乘濤入夾道  
烟花寧復存博浪沙中衝鯁鯉監者門前開島濱  
蛟螭趨向繁臺苑湖海還生良獄春孰主廟謨有  
如此致令巨浸陷生民至今陵谷俱非足行人焉

道山堂集 七言古

二

能知其因

鼓山爲霖和尚惠珊瑚念珠賦謝

層巒鰲峰辭宮闕赤城散布蓬萊碣大壑沉冥異  
物憑英靈此中常出沒枯柯小榦激浪生森竦屈  
曲光氣橫骨節未受莠苔蝕搖落豈關霜雪傾莫  
愁焦稿似槎牙枝枝拘起分朱霞丹楓滿林不成  
葉絳桃出樹已無花誰使神工費雕削細碎噴發  
如流燐蓮乘蜂臺諸法涵長將寶色護瞿曇夜光  
媚水浦灣旋天淨空明海月圓形雲成片巖岫連

衆星離離河漢邊電轉虹垂欲吐烟仙人金堂  
華鮮紅藥婀娜臨風前臙脂著濕淚如川生來島  
外應奇絕玲瓏剝破蛟龍血今向空界作提挈如  
來智慧從此微現前精采朗若揭窮子何須向外  
擲顆顆消融化冰雪清淨本來無可說昔者世尊  
有藏珠天王之言人人殊青黃赤白皆咨諏真珠  
在裏誰能呼吾師贈我何爲乎我見色相徒爾拘  
開口讚歎亦凡夫

哀王孫

道山堂集 七言古

江頭森森望冥瀨撥刺江鱗跳寒藻楊腹垂竿意  
悄然白浪清淮增懊惱一飯聊救王孫饑王孫記  
憶繁懷抱破趙襲齊下邳歸恩仇眼中分白皂王  
孫不是負心人設壇一拜卽傾倒何況區區一婦  
人千金自是意氣好王孫廝殺如刈蒿神奇變化  
皆天造丈夫行樂須有期豈能終守戰場老山川  
土田成濬湫鐵券丹書亦潦草少伯輕舟易姓名  
文種血濺焉足道存亡倚仗直須更達士知幾恐  
不早人生難信金石交惟願王孫各自保

晉陽訪毛子霞

汾陽道上馬印沙連轅接軫絡繹車晉水支流智  
伯渠方山環軸吞朱霞毛子翩翩作書記較文飛  
檄殊紛奢瓊瑤衝受聲清越蘭荃香氣抽新芽指  
間離披更過絕恍拂春蚓與秋蛇我停凌井訪君  
處轅門落日吹蘆笳鐵衣玉劒耀如月知君夜宿  
將軍家俄驚皓髮帷帟出繡覆金鞍白鼻馱腰佩  
寶刀赤錦絛貂帽蒙茸帶雪花憶君昔日嶺南路  
黑葉荔子垂丹葩結綬彈絃三澗清枕柳樹前聚  
晚鴉祇今零落舊桐封蕭蕭萬里隨高牙曳裾趨  
府豈所願英雄屈折寧堪誇高戍雲生細柳陰欲  
說不盡空周遮

寶劍行贈胡將軍

昆吾谿邊迥出羣鐵英金穎鬱氤氲湛然澄波拂  
淥水夜光紫氣干星文蚬虬騰迴雷電標巨鱗作  
勢崑崙遠一片清霜接素秋白練橫浮芒影皎寒  
水凝結無點塵淬利還能裁玢珣按絲細捲青蘆  
葉吐鐔蓮花寶色新憶昔幽烽初暖暎曾從鼓角

道山堂集 七言古

四

馳長塞鋒頭灑血染新紅號震黃埃神鬼碎一經  
棄置匣中藏牙門大將徒張皇砍地鳴天幾回首  
黑面猶思入戰場

送春曲

西橋酒市芳期誤桃谿柳陌夢中去不見當時油  
壁車一陣輕寒榆絮雨翩跹燕子引新雛嘴上香  
泥簾外度苔錢塔下襯落紅牆頭寂寂無花樹佳  
人自惜金縷衣流光浪擲向誰訴天涯芳草思悠  
悠強欲留春春不住明年須共早鶯來殷勤認取

道山堂集 七言古

五

蔡蕪路

掛劍臺

屬錢一賜子胥絕湛盧去楚王僚滅吳人得劍作  
厲階枉使純靈鑄金鐵惟有翩翩號延陵劍霜偏  
向交情熱四牡飄征上國賓欲許徐君心已結歸  
來白日冷崇丘棘徑松烟轉淒咽脫劍殷勤掛樹  
頭此心死生無分別蕭條喬木烏鳶巢金星寶鐔  
清光徹古人義重原如此始信交情非戲蝶昔聞  
讓國卻諸樊敝屣千乘繼高節觀樂能知列國風

歷歷興衰皆剖折况復氣誼出倫俗肝胆照耀如  
冰雪我今孤蓬到兗河裴回古岸長流側亂鴉來  
去叫殘秋野上荒榛見遺碣眼中三尺荆榛寒欲  
決浮雲向誰說

猛虎行

陰陽錯雜班文皮窟穴深山似伏雌形容歛息殊  
狡險藏身淺草人莫知忽爾狂嗥空谷應聲振林  
木淒風悲鈎鋸自矜牙爪利盛氣踔厲張雄威長  
舌捲人如拂草日中固已無童孺一旦將軍尚武

道山堂集 七言古

六

節鳴獨疊鼓颺雲旗權奇寶馬躡恍惚金鞍斜景  
蹀躞飛將軍風負輕車志雕弧滿月無虛機射落  
寒鵬沒青雲何況白額觸前麾一發猛虎應弦倒  
頃刻搯吭批其頤前者生獬無與敵祇今丹血流  
山陲原來運蹶亦狼籍將軍藐視如嬰兒丈夫及  
時宜立功人生異懦奚以爲

驥騮行

驥騮庸庸多福利華場居然列上駟生平喜食甘  
露芻不比尋常輕秣飼背拖身毒琉璃光猷金寶

銕紫絲轡錦襜褕爛明霞開朱纓照耀桃花媚道  
傍見者爭榮羨噴噴信爲天衢瑞轉盼邊烽玉塞  
連北風鼓行河龍邊將軍服乘凶門出曾拜金壇  
龍命宜鳥章旖旎角聲哀兜鍪鮮明函鎧堅準擬  
此馬受恩溪追奔不著珊瑚鞭誰知漠漠向黃沙  
陰山凍滑蹄欲蹶合努滿天鼙鼓動十步不得一  
步前將軍志欲馳絕域臨陣計窮膽縮栗自悔昔  
年青眼昏誤認權奇無與匹渥洼虛傳汗流赭大  
宛浪說鬣至膝歲時參養何殷勤緩急那得秋毫

道山堂集 七言古

七

恒陽至夜聞簫

鎮州城中風凜栗霜堡陰沉笳聲急一線漸長愁  
事添寒雲渡雪到直北窮鳥隨林且學棲枯魚荷  
活不作泣座中有客善吹簫宮商合和嶰谷律新  
歌暗度悲且清貫穿連珠互絡繹哀猿喚鶴不勝  
情漸響奔流勢推激宛疑梅花落隴頭更似卷蘆  
吹簫篋窈窕參差燭影搖鄉思纏綿還永久候氣

方飛襲管灰占祥愧乏書雲筆復亨剛反竟何如  
且向天心說周易

臨清曉行

枕聞呖啞雞聲酷悶落殘星掛茅屋城頭擊鼓漸  
不明細露團團滿城曲林間宿鳥初出樹寒沙墮  
曼轉車轂鳴槳接續渡兩河渡口行人何其多鞭  
馬上船如嚼峨

寄楊玉辰

北風慘慘枯桑號肌膚刮利如針刀寒禽嚙嚙過

道山堂集

七言古

八

簾幕朔馬凍折伏窮槽天色迷濛寒雲積獄雪河  
冰陰氣高楊子此時客鉅鹿音節嗟然冷琴筑率  
意未容岐路悲厚食聊分故人祿珠填玉飲墨千  
行蠹剝虫彫書數簾丈夫原無磬折容能使形骸  
同槁木翔舉俛喙自有時慵把行藏關響卜我思  
君兮渡渾沱草上霜花遶岸多吁嗟荆杞滿路隅  
欲往從之無斧柯延袤險與山陂陀楊子楊子可  
奈何

過嚴陵

長河耿耿橫秋水客星影墜寒溪裏錦峰繡嶺  
鮮雲啼鵬翠荇烟波起石角磷磷激流湍高低迴  
合如列壘丹楓枯荔翳重陰漁燈隱現隔江浹先  
生曠邈不可攀身披羊裘釣澤間避鷺獨與市朝  
遠濯足垂綸心自閒使者徵求何太急安居空載  
畫圖還三反方至北軍舍願早陸辭歸故山矜嚴  
赫奕大司徒詔令法度資廟謨君房鼎足殊不惡  
先生戲作癡人呼愚弄三公同蠓蟻得不名之爲  
狂奴世道悠悠逐路塵青松白水枉紛淪龍吹鳳  
筦無寒士繡柱華棖輕賤貧貨粟河侯不敢前千  
樹誰分一葉春自古刎頸尙不久天子猶能思故  
人

道山堂集

七言古

九

蕩子從軍行

蕩子亡命臨絕漠負戈萬里意氣廓丈夫許國宜  
遠行豈學女子守閨閣瀚海疾風卷沙礫陰沉河  
塞連天黑斷鴻古戍結青蘿防秋玉障孤烟直  
首明月凝素輝黃蘆雪裏聞羌笛虞旗獵馬向平  
原曹伍合部金鉦宣野火燎紅旌旆動流矢飛鉞

列宿昏扔輪梧轉完抵泣促號縮束封徧奔驚獸  
怪蟲積山阜標輕狗鵲同虎賁朝廷昨夜羽書催  
鐵衣千隊轟如雷漢墉西山疊鼓急霜磧衰榆落  
照摧度水須是陷重圍輕身引弩皆神機策勲飲  
至尋常事願早饒歌奏凱歸蕩子慷慨欲起舞不  
記家中少婦苦門前綠苔行跡稀閒房寂寞向誰  
語佳期遼濶參與商懷音傾耳徒延佇奩鏡塵封  
金翠暗蓬首怕結青絲縷帳中蘭燭光還冥長夜  
絲絲擁虛景夢到玉關不得成披衣更望天河影

道山堂集

七言古

十

楊花篇

江南三月天氣和楊花饒春春漸過榮盈細逐韶  
風發飛來獨院撲簾多誰家芳樹亂銷魂萬點輕  
纖瀟瀟翻珠琲玉屑斷續出田田穿入長短垣昨

夜桃片紛然落紅綃剪破吳刀碧今日青條又吐  
烟綠陰到處成帷幕漫天舞雪中縷露井雕欄  
任拋擲羅袖花裙承不著弓韉踏遍無痕跡此時  
行人路正迷長亭古道餘霏萎天涯人遠無絲見  
惟有楊花相對悲楊花相對自嬌態黃鸝葉底聲  
同碎闌珊春事已若斯怕見梁間雙燕隊更愁香  
夢渾無據枕函暗逐楊花去指點當年離別時畫  
橋會上蘭舟渡

古鏡篇

道山堂集

七言古

十一

石黛沉埋精氣堅歲時久長不記年神物呵護未  
淹沒天上蟾蜍秋月圓圓月色相本皎潔雖遇塵  
壚尚自全白旃刮磨金膏塗漸見菱花出水鮮萬  
象玲瓏空碧裏淡潭微波含漪漣疑是異物無勞  
境曾在儋溪崖窟前又疑天寶進真龍吐霧與雲  
勢盤旋玉匣開時鸞影迴珠臺挂起錦光懸正氣  
飛騰邪性伏駭散野魅并胡祆君不見人間肺臟  
如百川閭沕那知姮與姤胡不取之照重淵

讀節在上人蠶茶經賦贈

風雅以降有靈均遭時闇亂幽思頻身被放逐不  
忍去感辭投淚常哀叩依經立義離騷作規諷比  
興體格新宓妃城女非詭怪崑崙流沙豈滅泥班  
生未免妾婦見露才揚已殊失倫節公守道如主  
壁鞿羈繩束無跳躑甘心萎絕固不辭舊美揭車  
衆香積落筆更看剗巨鰲擲地琅琅響金石赤字  
奇形响嶮碑芸樓松檟龜龍迹御氣會從八極游  
袖華直奪三閭魄聞公昔日佩吳鉤金絡連錢青  
驄蹂飛塵翠葢綺霞照錦帶珠袍麗日浮促尊客

道山堂集

七言古

五

試葡萄酒弄絃夜奏楊柳謳曠目便能扼彫虎長  
拳還欲縛貪鷺陸沉漸次流光換弱蘿巨蔓蔽蓬  
丘摩尼彈指領上取淨花慧沼從中吐澄心空澹  
映青谿妙義連綿種繁圖還將平子兩都才竟作  
遠公廬阜主敬亭山上峰巒高飛錫凌空到吳土  
青松綠篠甘露香曉月霜林開法鼓秋風岸草白  
蓮塘冷牕欲泣還欲舞石磐虎阜講臺浮門前江  
舸迴山塢

毘陵晤毛燕山

五湖烟水江南綠菱芒凌亂棲寒鳥渡口始停蘭  
陵丹相逢沙白蘆花秋故人經別多難後銅駝荆  
棘馬蹄蹂戰鼓雷轟戎柝哀玲玲金鐵關河吼西  
風殘葉離亭飛帶甲餘生那回首遺簪敝履棄菰  
蒲圻壁枯崖逐猥狹黃歇提封依舊廬箬巾藤帶  
歸東吳賣藥修琴人事少灌園種黍聊自娛漁簖  
南浦挂幽草棋聲閒院落高梧志和築室回軒巷  
老聃至關道德書君隱田園戢鱗羽我向流落恒  
山路他鄉玉笛紫塞愁族烟斷磧黃塵暮萍沱橋

道山堂集

七言古

五

邊水潺湲此地不見蕭王渡雪花瀾漫鴈長征濁  
河萬里停雲顧詎意秋夢過南塘美人娟娟佩琅  
璫藍輿過訪蓬蒿徑清尊錦席敘暄涼青楓日落  
吳洲暗談天說劍何其長垂絲白髮柳條細共把  
黃花惜晚香回憶當年海潮發伏波銅鼓軍壘列  
緋袍初映荔子紅翠管銀罌甘露泄前後牙旗閃  
鵠亭彩毫判牒如流決鵝鵝翔翔翡翠浮爛柯洞  
石題碑碣爾時梅關息埃烽高峽咸聞未央鐘廣  
南春色來江間花雨松臺烟霧濃蜃嶼波恬珠景

湧水晶簾外尉陀封貢道始通迴熨刺半壁依然  
連竿邛迄今物態幾迴薄舊日賓朋皆零落諫官  
洗鉢七條衣白毫光裏搖鈴鐸寥寥老樹覆茅茨  
劫燒餘灰散丘壑如我兩人更有幾相守賤貧亦  
不惡世事真如團扇輕風塵掠眼心暗驚亡羊遍  
覓成何用一任闌珊無所營瘦瓢細掠芙蓉水子  
夜新翻明月箏南樓笑噤傾懷抱且聽鳴嚶和友  
聲

阮郎行

道山堂集

七言古

古

花臺虎阜芳霏節羅綺紅塵飛蛺蝶草樹山阿問  
酒樓遊絲簾外暄光揭阮郎學得昆丘鳴吹笙杳  
靄宮商迭清歌直上繩青雲海湧峰前迴白雪我  
問阮郎家何處百花巷口堆紅葉可憐辛苦撥金  
槽轉喉擊碎珊瑚缺日向街頭博十錢一闌涼州  
更淒咽纏綿疊破似有情協律新聲與誰說君不  
見柯亭竹椽稱奇絕不遇知音空消歇

清明林武林邀同鄭肇修王平叔潛夫弟遊

虎阜

闔閭城外春光媚落花飄蕩河橋水東風畫鷁振  
柁開萋萋綠草蘸涯渌金堤酒幔吹香塵紛淪玉  
勒賣花市佳人踏青臨春渠冰統綸絮耀桃李珊  
瑚寶髻鴉翎翻芳洲遺落珠璣珥青松虎冢川之  
隈停橈迴曲尋山址貝塔精光日華散千人磐石  
奔蠟螳吳人信巫爭賽神豐肴酌醴肆筵几綵旂  
仙軼巡街陌贊殿呵喝儼堂陸林壑繁稠絲管催  
巖椒遠岸夕陽紫風流詞翰足周游羽巵參錯如  
流駛歸舟月渚動微寒柳陰燈火千門裏

道山堂集

七言古

五

千尺雪

林巒亂淥清光薄天空虛籟銀河落逢逢鼉鼓出  
竄篠填填雷椎響激駁今古如斯不斷流翻渦挂  
壁寒如秋烟杪時帶滄溟色山水聲長猿鳥幽

潛夫弟案頭見黃處安臨歐王法帖作爲此

歌

古今書法誰獨絕抽毫點墨難剽竊人工不敵天  
工奇筆劃無如心劃捷黃君體勢變化生霜輝錦  
字松烟潑緩案急挑輕重勻翹首放尾長短協

胎照月蟬蛛懸玉繩馬陣繁星列蛇蟬舒翼勢欲  
翔黑鴈時立青山廼薙葉垂枝曉露鮮離離若穎  
連陌啜伊昔右軍習衆碑昭陵玉匣藏眞帖卽看  
信本更遒勁妙法亦曾傳八訣黃君意匠似有神  
方圓流止任點綴隻腕能翻兩古人直抉毫芒按  
筋節如此精渺世希有盥手開卷爽眉睫琅函隱  
躍彩色迸珍襲勿使蟲蠹齧

黃鶯

蠶生樵熟柳條嫋初辭幽谷翔空早仙籍新製麻

道山堂集

七言古

六

姑衣睨睨輕姿學嬌小弄吭乍轉山陽笛斷續間  
關出寥渺疎星零落滴漏殘霏露細微紅樹杪玉  
門人遠夢中歸數聲叫破珠櫳曉

咏燕

生來窮島學消搖烟波迢遞度清遼山川不知幾  
道里橫天上下憑奔颿憶昔東風衝絮飛依依楊  
柳舒柔條我時望氣傍簷入歌管嘹亮諧咸韶玉  
樓朱閣半虛空高覺綺翼霞錦翹洞房寶帳新芙  
蓉雲霧披靡吹紫綃玳瑁鈎垂漾簾影文杏雕梁

彩色描那知滄桑忽翻覆白珩注碎黃金銷粉  
走蒼鼠繡戶網蟪蛄智井莠苦綠荒臺茨棘膠銀  
屏翠幄無消息舊壘空窠生寂寥我今漂露何所  
依穿花落水魂黯消東西顧盼思森茫街泥慘悽  
聲曉曉高門廣厦何時無豈能俛仰同鶴鷄夢裡  
依稀見王謝烏衣舊巷時輕翻何年腰鍊刈黃蒿  
平地突兀盡拱高院落籠光復見招

襄城紀異歌

崇禎之季妖字起羣盜延蔓如螻螳名都大邑縱

道山堂集

七言古

七

鯨鯢高墩短塹走蛇稀五城十城無饑鴟昏昏一  
色萬餘里氛沴直通卑門橋雒陽金谷生荆杞頽  
昌斤埃燧火連潢池攪亂蛟龍水大帥擁纛振犀  
渠見賊不敢瞪目視鼓鼙音啞譙聲暗空使至尊  
思拊髀牙璋鉄騎自逍遙三川處處無完壘維時  
關西李將軍劍纓絳髮誓斷指七尺超踣躍馬出  
雙背直上無轉徙願將一戰掃攬槍不惜賂命報  
天子汝州轉戰賊勢湧援師不至孤軍抵中丞汪  
公亦赴難五千義兵同日死陰風慘澹猿猱呌寒

雲摧天白日紫西向再拜睢陽同海島徒屬田橫  
比將軍有子稱隱君孤蹤卓品出塵滓浩氣沛然  
灑入溟渤彷彿停與鵠峙絕學上接濂洛傳窮源  
直探孔顏髓白社董威百結衣歌頌原生還施履  
徵求使者日相催除書屢下黃詔紙膏肓不換游  
巖服蒙面竟覆姜肱被每念亡父戰場時中懷哽  
咽常出涕重趼出關抵襄原淚血招魂虔禱祀帝  
告巫陽使反身魂兮歸來馮筵几吏人慕義勒貞  
珉鬼聲號切落霜丹青嶙閃忽四野飛觸體磷磷

道山堂集

七言古

六

皆壯士豈是游魂能怪異要之仁孝格神鬼義林  
鬱鬱列松楸百年俎豆留芳軌吁嗟乎闖賊甲申  
潰京師將帥蒙恩誰寢兇殉烈獨有寧武軍忠誠  
奕奕照青史國家養士欲何爲忍看離黍宮門裏

贈唐君知

霜漂林昏地曠折緲馬崎嶇駿蹄蹙野潦浸淫崩  
巨河鵠鵠占斷蛟龍穴鈞甕明月照丹丘逋客往  
往居編列寂寥窮巷卧孤雲皓首不肯低顏頡唐  
君守道如握瑜蒼蒼高松抱根株江左門第四王

謝緋衣赤棒何時無卻爲洗耳寒泓酒巾履條然  
寄五湖鸞翰恥同凡鳥逝紉蘭自與軒于殊我今  
訪君白板扉處士星芒隱少微紅顏疑是羲皇人  
洞谷雲液桃花肥櫻筍蔬藪雞黍俱馥馥芳莖玉  
塵揮柴關苔綠花陰轉舍北籬東無是非

送謝穉升之真定

舊年吳閶月正秋與君相逢在虎丘今年對酌毘  
陵城春雨潞潞烏鵲愁江南三月桑陰薄海棠嬌  
媚桃花媚油壁青驄絡繹飛君今卻厭江南樂江

道山堂集

七言古

五

汜綠烟春水滿帆檣日落川光移黃河白浪高如  
屋夕風冥冥岸草迷吹沙白晝陰霾路廢壘殘堞  
幾回顧修坂人從遠坡出亂莖還聞蹇驢怒草市  
旗亭村酤陳荻簾土銑皆灰塵晨雞欲舞前綬動  
箬帽棕鞋曉露勻問君驅馳何所以白首征蓬猶  
未已君言直北有故人繡節旌袍綬紫層崖徧  
結恒山雲汪洋噴沫潯沱水前者曾分幕府金而  
今再作蒹葭倚念君疇昔氣如虹腰裏朱閑搖花  
鬢先世威名著行省橫梁賦詩稱巨公琳瑯寶樹

神禾發樵軒佳句長城工群升有負詭名山食桂

檻五噫歌唱出關東可憐處處霜林杪倉皇擇木

傷窮鳥籠門雖是羨李膺荊州豈久依劉表吁嗟

謝子舊袂還翹首耳熱仰天頻擗缶河朔黃雲石

磧迴寒日慘慘倚山阜廣川城邊訪賣漿望諸墓

下問屠狗君不見中山軟血越石翁枕戈待旦憂

思焚

文游臺歌

莘老抗疏至尊前熙寧直排青苗錢舒州仙觀乞

道山堂集

七言古

手

歸田元祐黨籍還牽連太虛豪雋如飛仙黃樓作

賦名早闢淮海情思灑百川樂府新聲被管絃定

國客遊泗水邊吹笛飲酒乘月旋謫監濱州何屯

邇窮經著書探幽玄文忠發迹峨眉巔立朝大節

殊貞堅元氣淋漓千百篇放浪嶺海墨猶鮮四君

相值湖水旋滌滌盤渦明珠圓接袂登高凌八埏

雄譚揮塵如璣璫彩筆飛空氣象縣日蒸雲爛迴

中天嗟乎人物風流自昔年朋來盍簪非偶然銅

雀章臺安足傳

七言律

黃藥拜葉文忠像

寂歷空山一老臣諸峰侍立對垂紳東林壇坫儀

刑遠元子封章草奏頻赤舄三朝高劍履皂輪兩

次上星辰誰知落葉疎鐘裏重見當年衰繡身

遊黃藥和葉文忠韻

得法曾推選佛場耳聾一舉播諸方前峰翠欲供

多寶苦藥材堪佐藥王列祖鉗鎚窠日落千年眼

目舌頭長蒼茫海岸觀無極錦纜須收遠去航

道山堂集

七言律

二

絳節分來幾折盤五雲層疊望中寬莖粘青草琳

宮敞雪點紅爐碧嶂寒著意策筇渾未穩擬心踏

地渺無端懸崖撒手誰堪任千仞危巔自在看

三

教指紛淪意不窮龍章猶帶御樓風珍藏雖有千

函在簡點都成半字空臨濟昔經三棒痛石門今

接一燈紅要知佛法無多子欲擊西來又向東

四

若箇當關透識陰風光別頂嘯孤岑石盂無底攢  
空立岩乳生香沒罇尋獅子張牙平地吼龍王聽  
法古潭沉低眉欲問安心處內外中間不見心

懷陳喬生

抗顏久罷青蒲草醉眼還欹白鷺巾劉向原爲漢  
諫議陶潛自是晉遺民火雲迢遞石門路海嶠迷  
濛桃樹春遙望少微星正隱休嫌江介有垂綸

洛陽橋

溫陵東北長橋上風景依稀洛下過中日旗亭開

道山堂集

七言律

二

估市靈湖雲島泛滄波石虹隱跨龍龜窟畫堞還  
棲鳥雀窠多少行人忘地險古碑猶勒萬安歌

同安縣

亂後初傳驛路通輪山寂寂見青空千家樓閣茅  
蒿裏三市鄼闌瓦礫中嶼帶蜃蛟乘海日葉鳴松  
栝響秋蟲荒城悲角同邊塞風獵旌旗夕照紅

夏鷺峰分綠齋

倦向平林入杳冥蟲絲挂戶晝常扃秋來院落寒  
蛩號雨過藤梢小逕青草榻陰涼飛鳥盡畫欄靜

情動花鈴爲誰分得庭前綠數點芭蕉醉未醒

飲夏爾穆漫園和壁上韻

躡草幽尋到竹根主人高致自軒軒望空但見羣  
峰小習靜方知古佛尊雲陣色侵青史案薜帷香  
射菊花魂却貪雞黍歸來晚霜葉成堆已滿園

永安卽事

竹枝新葉叫黃鸝幾曲重灣汎碧谿谿漁浦人來懸  
釣網桃花雨過濕春莢舟行危石忘灘險水漲寒  
沙與岸齊更入柵欄最淡處千盤如黛亂峰西

道山堂集

七言律

三

西湖禊飲

桃花欲盡晚春天獨板芳時向碧漣天際游絲朱  
檻外峰頭疊影羽觴前平臯草色籠烟黛畫舫歌  
聲咽管絃最是羣公懽賞日風流不讓永和年

和林介庵移舫西湖

汎湖非是厭江干江色湖光一樣看雉影參差蘆  
荻裏佛燈明滅水雲端綠塍面對諸峰靜淺浪風  
隨片葉安一自放生持半偈臨流且莫理漁竿

二

小舟清課意如何廿載歸來一短蓑變態久經滌  
上影人情且問水中莎凌風不減滄洲興學道還  
同刻曲歌爲憶豐湖雲島下朱轡曾似布帆過

石鑑和尚自丹霞至長慶開堂

雷峰頂上日初曉關聽新鶯眼已聲潑墨早知儒  
術誤抽身便識世緣空嶺封猿洞看飛錫水急龍  
灘好落蓬扭碎蒲團無坐處花香鳥語盡家風

二

一條鐵板任西東化作刀鋒大地逢法塹從來推

道山堂集 七言律

四

嶺表天花今日雨閩中連珠筋斗翻霄漢流水琴  
音出古桐瓦箇警鈴搖不住博山宗匠許誰同

得澹歸上人書

故人遙寄嶺南書舌底青蓮香氣餘惠遠能開山  
上社辛毗曾引帝前裾桂陽花發迎甘露石洞猿  
啼聽木魚聞道丹霞銀漢接可憐舊苑已丘墟

橫路望林侍御故宅

先生廷杖還山日海畔沙田自結廬千壁峰巒來  
院落四時花氣撲階除墻開高塹青窺漢橋隱長

虹綠蒲梁一自滄茫移故岸荒榛哀整野麋居

百舌

花林動搖春欲歸枝頭零落紅雨飛一舌間關叫  
殘月衆音連絡流金嶽忽逢新燕雲崖至更對晚  
鶯朝露稀腸斷塞鴻征客遠聲聲何故入羅帷

妙峰寺和林涵齋韻

山春透迤緩步登洞門關鎖坐禪僧參差石齒生  
幽草巉絕峰陰覆綠藤虛唄噓香淡院磬寒江秋  
雨夜船燈窮參直悟西來旨墜葉林柯月半稜

道山堂集 七言律

五

二

丹梯梵宇渺雲蹤作體迎尊五體恭碧澈寒光看  
過鷗陰廊蕭瑟聽吟蜚幽蹊古梵清泉冷粉殿文  
梁翠影重日坐蓮花珠網裡管絃如沸咽長松

方聲木西園雙鶴

比翼猶如雙玉立叢密池館珠欄干更舒月羽冰  
穀舞豈識籠檻稻梁食裴回塘均景自寂懸思滄  
溟意欲搏琴曲數聲頻往復清唳恐驚霜夜寒

洪江訪曹溪廬約同北遊

高人幽隱水之湄路過千峰下竹籬卧雪最長摩  
詰畫趨庭原有石倉詩村前早霧迷桑柘江微清  
風卷釣絲知爾名山願未了相逢共訂五臺期

過黃河

長淮一望衆流渾蹀躞洪濤勢若奔禹貢祗今歸  
砥柱河圖何處識乾坤輓漕無數危橋下風雨欲  
來秋岸昏浩歎不須窮九曲已看天險出崑崙

張秋鎮

充東都會棘梁高近市橋頭且息篙危堞中流分

道山堂集

七言律

六

兩岸青天一線走千艘黃花晚色餘霜露鴈平  
沙惜羽毛短袷西風蕭瑟甚小帘颭處望村膠

廬州中秋

玉繩勻淨鏡華生肥水巢湖汎灩明過客尚看金  
斗氣老漁不見夜竿聲臨枝驚鵲亭上匝戶陰  
蟲咽咽鳴千里相隨惟此月秋光蕭颯倍多情

太行遇雪

攀崖初上千盤路流霰俄成六尺冰疊壁連雲寒  
皓皓窮陰蔽霧碧層層虛疑複嶺開梅塢已見青

山作劍稜準擬驅車下晉水肌膚應與貌姑爾

西安上元日

漢室宮門化白蒿春風誰逞五陵豪星橋夜景銀  
河轉酒市歌聲朔管高花散章臺成寶篋月明  
水數秋毫征鞍惆悵長安道燈火依稀照二毛

寒食過雒陽

去歲慢亭逢上巳今年寒食向三川剪桐封土惟  
衰草入洛春流仍舊灋新柳猶然思向日廢宮何  
事更藏烟一聞闔語半城市孤客泫然故國牽

道山堂集

七言律

七

天津早秋

孤城水市冷梧楸颼颼西風古渡頭千舳牙檣菱  
影亂一聲木葉海門秋嚴更粉堞悲清魚鳴月偕  
樓起暮謳惟有蕭條萬里客滄波斷岸使人愁

春日過華州

關中廣沃與天橫借得東風送曉征少華青峰連  
太嶽弘農古地拱西京郊原草色秦田路烟火衙  
頭社鼓聲却憶杜陵州解處朱衣玉几更生情

潯沱河

蒼茫古道盡黃埃問渡滹沱夕照催設險最雄河朔地分流原自鴈門來故人有約開尊待秋水無聲隔岸遙此處蕭王曾策馬祇今塵跡滿寒隈

真定懷古四首

叱咤重幹誰敢儔帳中喋血冠軍頭湛船人備三朝飽破敵功從九戰收楚國赴軍多死士轅門伏膝盡諸侯昔年壁壘今荒草河水悠悠西北流

二

淮陰新受築臺榮此日東行氣倍橫問道草山漢

道山堂集

七言律

八

騎伏詭謀馳壁趙旗更傳餐准會今朝食背水伴輪陘口兵白骨可憐添上積王孫國士已成名

三

饑鷹風起欲凌霄解過條籠不可招鄴下馳師開魏郡中山建國定燕朝冠軍虛負英雄恨朔漠終思故土飄七十老人尚殺賊智囊叩底有餘驕

四

成德一軍驍悍甚百年跋扈實堪哀承宗屢掠幽滄地庭奏羞稱將帥才傳命中璫馳驛出行營元

老罷兵回猶誇衛國當朝日河朔郊迎制使來

寧晉西寺

瘦陶城裏客來稀晚晚殘陽散夕霏餘景晴川饒鶯逐微紅秋漢亂鴉歸小橋珠檻搖潭鏡暮磬清聲出竹扉少婦搗衣還未罷臨流尚坐曲塘西

黃梁夢

墟里悲蕭日乍曛驅車還過蓬萊宮疎林小鳥經霜濕方沼殘荷墜粉紅紫府仙胎皆土木神丹金甌半虛空今朝夜宿邯鄲市只恐黃梁在夢中

道山堂集

七言律

九

天亮弟自高陽來真定

肌骨衝寒大茂來匣琴響泣朔風哀青鞋布襪還稱健饑管銀毫未作灰麥飯淒涼亭畔水中山潦倒雪前杯故園窮臘遙相憶此日梅花已盡開

送天亮弟還高陽

白晝沉陰驛騎疲黃榆野戍亂雲披杜門早已推周黨擊筑還能弔漸離落日關河岐路濶白頭兄弟夢魂期塵沙北望孤城上額頊祠前有所思

有懷道山園林

茅堂林麓白雲端鳥石峰來谷口橫月暈虛檐侵  
畫幌蔭陰曲徑繁朱干古榕森竦參天立寶塔崢  
嶸蘸水國春色南園芳草綠幾回坎珂負青巒

十二

當牕紫靄對蒼岑步屨亭臯爽氣淡澆圃多爲名  
菊種環山半是老梅陰寒飈出穴窺新栗戲鳥將  
雛到晚林靜坐小齋清簾上一天風雨聽松吟

三

馮高眺望迥孤青景物森森思不停烟火萬家開

道山堂集 七言律

十

井里原疇千頃見郊垌霜畦新灌春蔬茁石几高  
眠竹戶扇更欲濠梁頻遣典綠波吹動半池萍

四

名山第一自崢嶸記昔芸窓鐸研磨彩筆敢言千  
氣象朱纓久已挂藤蘿自傷王粲棲遲賦長愧堯  
夫安樂窩酒幔河橋風雪夜年年清夢滿庭莎

毘陵卽事

城南一曲蓼花灣果市街頭竹院閒枕熱每常聞  
法鼓履行從未見青山延陵古廟人烟裏隋土蒙

宮草樹間惟有吳歛聲宛轉雲中拾得紫簫還

陸西侯招同周梓庵白雲渡看龍舟時又五

月四日

鳧影蘆香水面多重聞鼙鼓疊清河神蛟氣激翻  
濤勢黃雀風來起棹歌翠羽牙旗蘋裏出朱顏細  
葛岸頭過高春斜日催歸興逗浦微涼醉欲醺

贈鄭素居

子真谷口足幽貞方畝爲宮只數楹但有鮑焦三  
日菜不須妻護五侯鯖藏書架列朱衣秘施佛家

道山堂集 七言律

十一

傳長者名蟬蛻塵中殊暢適此心原自澹無營

和鄭桐庵乙卯元旦

欲挽頽流不涉波休論八十易蹉跎逢萌帶盜幽  
居早劉向傳經著述多吳苑烟濃花夾路錦帆春  
到柳垂河年年此日常稱健蠻觸何心闕小螺

吳門遇伯騶叔

昔年房子古城頭倏忽離筵四易秋不謂驅轅南  
冀路更同貫酒錦帆遊哀時度信多新句落魄馮  
驩惜刪綴莫羨將軍書記選馬征總爲稻梁謀

訪顧云美

蹢躅閒尋仲蔚宅到廳細讀茂陵書門前振札參  
差過池畔芙蓉爛熳舒草徑最宜來鶴雀江村只  
合老樵漁還誇白虎亭邊塔常伴幽樓水竹居

虎阜中秋晤陶東籬適余有京口之行留此  
志別

琴臺燈火石磬浮潘榭相逢古寺樓半夜松陰吳  
塚月數聲歌板海峰秋江濱岸腳同漂泊菊醴蘭  
樽暫勸酬惆悵版橋揮手日何時更得燭華遊

道山堂集 七言律

三

林天友別駕惠酒

江頭水圯似漢濱野外禪關竹作鄰極眺黃雲多  
遠鴈翻疑滄海有窮鱗忽來吳下梅花酒便當榮  
陽土窟春却笑金華山北日射洪寒綠轉傷神

和澹歸上人旅貧八首

秋稿春華雨不妨暄涼終歲早相忘堆塵短劍吟  
無倦覆壁空瓢舌尚強只有江蘆當錦薦更將墨  
甲作銀章河侯貨粟徒勞頓羸馬長鳴幾欲僵

二

支離淡悔昔年非無用猶如櫟百圍伍相市中聊  
自慰仰宣樓上更思歸斷編蛙蠹千行字殘縷懸  
鵲百結衣吳渚紫菱秋岸近摘來且療六時饑

三

曠蕩胸開四瀆尊趨起不肯向侯門百年感慨情  
安極半夜蕭寥枕未溫風浪世成瞿峽路虎狼人  
滿石壕村天涯白髮驚時序何日能酬國士恩

四

守道無營與古齊南金北毳賤如泥九天殘夢思

道山堂集 七言律

三

京關萬里寒霜動鼓鞀桂檝遍移臨極浦芒鞋偏  
愛踏荒蹊蓬驅未止憐窮子三尺孤琴到處攜

五

玳筵歌管可憐生不敵香尊碧澗羨舊嶺隔時虛  
杖策硯田幾歲誤春耕停雲延佇懷陶令索酒倡  
狂識步兵誰說壯心零落盡星辰夜望獨關情

六

偌大乾坤一散人須看現在卽閒身車輪軋軋殊  
無狀江海茫茫何處津草葉尚能知日夕藥鐺猶

自記君臣原生履決高音遠惟有孤雲識我貧

七

乍聞促織感年華搖颺秋霖濕桂花補屋豈能忘  
故壘傍枝及早護新芽遨遊吳楚更懷古飄泊東  
甬便作家荒餒不堪思辟穀安期可有棗如瓜

八

廿年世事未曾諳何事客吾捫蝨談且守散材辭  
匠斲莫求芳餌學飼食烟霞隨意雲山共芋栗無  
收雀鼠慚持鉢竟同僧乞食歸來高卧一茅庵

道山堂集 七言律

古

臘月二日

雪霽低檐玉筍流梁谿臘月聽鳴鳩應知江縣春  
將動長傍真壇客正悠細簡折錦煨芋栗閒看短  
壑簇龍蚪逢迎倒屣誰堪問釣水韓生未解憂

二

寒風颯拉驛橋迷舊國無繇走尺牒冷氣幸除蟲  
豸窟幽居似逐水雲蹊枯枰飛角著猶在老柏經  
霜志未低梢葉儘能消日夕朱黃部帙更新題

三

九龍山色照層城茗葉新泉客思清襍被追隨惟  
短策樓臺蕭瑟只疎櫺斷蓬孤棹何時已白鴈寒  
鷗到處迎且喜江南蝦菜賤忘歸少伯五湖情

四

紅樓猶見柘枝塵脆管柔絲舞榭陳節槩是邦推  
季子敖遊何處訪春申亂烟門外滄江遠暝磬風  
前小閣頻奔走天涯餘白氎忽驚歲晚臘醅新

第二泉

甘讓中冷第一名蒙泉石穴本來清傳聲忽見青

道山堂集 七言律

五

雲濕抱甕應看玉露傾欲焙松枝供茗葉早隨蘭  
棹入江城飄蓬剩有文園渴且試當年陸羽評

懷黃處安

自別馬卿稱病日烟艸霜渚漫留連青燈殘穗寒  
宵逼白首疎星客淚懸鄙俗偶因違叔度新詩常  
自憶庭堅溪雲遙隔吳門水短簿祠前雪正翩

懷周梓庵

長征拍水鴈呼羣結袂曾看雉尾雲何意滄江翻  
改岸至今皓首始逢君寒鳥夢集甘泉樹白鷺沒

橫楚水濱回憶夕郎批救日西風灑淚不堪聞

二

五雲烟靄曉光舒  
帶畫溪邊高士廬  
草廛早栽蔣  
翮竹秋風長飽季  
鷹魚伏迎抗諫封  
章在阮籍窮  
途客與疎見後那  
堪常悵望白蘋江  
館漫躊躇

送張超然之京口訪賢牧上人

三冬水涸滯江關  
欲挽扁舟上瀨艱

時河乾陸行落日

斷郵愁馬首白沙  
澗岸失漁灣芙蓉  
樓畔魚龍合  
鐵甕城邊鴈鷺還  
此日披星訪石隱  
孝然草舍萬

道山堂集 七言律

七

重山

贈惲孫庵

長劍崆峒倚向誰  
何妨含笑自揩頤  
彫殘風月惟  
濛濛愚弄山川屬  
粉兒獨枕竹陰臨  
草榻預栽菊  
種遍東籬相逢却  
憶開關事腸斷鱸  
香曉仗時

二

孝標詞藻號書淫  
更有凌寒古柏心  
文武經時調  
異藥媚娟終日理  
閑琴淡山自此存  
微蕨濁世應  
須乞砭鍼長戴墊  
巾還隱几始知城  
市即雲林

三

幽徑春生衆草黃  
閉門何事絕人羣  
袁宏竟築庭  
中土弘景還邀嶺  
上雲非是猿窮悲  
失木多因豹  
隱欲成文可憐六  
合相知少青史閒  
評對隙驥

四

白首荷衣似鶴形  
分明南極老人星  
天留危石凌  
千壑戶卷清猗灑  
八溟閒學青山窠  
雀頂更從邪  
舍問風鈴半輪壁  
月千江白翻倒空  
中一淨餅

登文遊臺

道山堂集 七言律

七

高丘樓觀散香煤  
淮海風烟春漲迴  
杖屨脩然初  
出浦菰蒲淡處獨  
登臺諸公綵筆晴  
霞麗五嶽荒  
祠水鶴來甕社玲  
瓏千頃白夜光恍  
惚莫相猜

二

中天浮碧接雲冥  
石臼神居入望青  
蚌穴鳧陂連  
水寨蘆人漁子隱  
沙汀舳艫過影隨  
飛鳥城郭斜  
陽落遠坳茵席祇  
今惟綠草宋朝文  
藻此孤亭

秦郵城樓

高樓粉堞午陰遲  
森森平湖巨浸迷  
鰓鯉忽來移

岸谷桑麻是處淨琉璃戰圖舊入秦淮水築版倉  
張吳會旗南望蕪城邦漲滿豫州擊楫幾迴思

二

大閱牙旗部伍分袞堂卮酒陣鞞聞海山節制增  
邊戍承楚張皇立水軍門鎗幾時空戰壘城鴉每  
口渡江雲官河楊柳增惆悵鐵笛前川起夕曛

迭秀上人住持樂善庵

枝筇長與故山違洗足隨緣乞食歸鞭草誅榛置  
蘭若畫地漫天落箭機松堂時聽牛笛響竹廊更

道山堂集

七言律

本

見村烟飛色空不識滄桑切莫道閩川有是非

懷高澹游和林天友韻

烟樹濛濛故苑間枳籬棘舍晝常關蘭茝滿徑繁  
香逆蜻蛚吟秋短榻閒角里避人何處問穹窿米  
藥幾時還平生蕭瑟無他事聊賦哀時似子山

二

灌園種樹獨看書宛在伊人水竹居苔上桑翁應  
識陸南州高士總推徐尊菰遺典風埃落部帙關  
心禮法疎匝地桐陰霜月遍幅巾蕭灑自如如

三

抹水拖雲擲管翻清譚揮塵逸思存落茄雅擅元  
章體妙理還稱衛玠言羣柄金徽搖玉几一坊綠  
草占柴門相逢却悔經過少南望楓橋欲遶魂

四

禱散曾同老畫師亭亭不肯學依隨名高管樂身  
還退腕有山川事亦奇楓葉霜黃江路冷蘆花秋  
滿錦帆遲何時重訂雲霞約寶璐明珠看陸離

黃處安郎枏季自閩來迎處安歸贈別二首

道山堂集

七言律

九

間關爾足訪庭闈膝下相逢世所希都道山川成  
異域却從荊棘出重圍幾年逋客思桑土足處清  
溪有釣磯此日葉舟歸夢近莫愁世事與心違

二

去年準挈青春伴今歲君歸我未歸鄉國那堪征  
戰苦驛程況值路人稀神鷹終欲寒空去怒馬還  
能颯杏飛回首虎丘絲管裏一均晴綠正芳菲

和黃波民過黃處安山樓夜話兼敘別思四

首

雙髻相看白髮何錦裘金玦夢中過見愁南國戈  
鋌滿不禁春來雨雪多商洛好招芝谷伴狙狝堪  
作竹溪歌慢亭峰上松篁路羨早歸山訪薜蘿

二

倦翮終思入舊林悽悽衰鳳學閒吟吹簫作伴商  
音促采藥相攜草露侵白舫紅亭春岸綠寒猿古  
木故山淡遙看斥堠仙關去宛在伊人水曲尋

三

車帷零落付埃塵澤畔逡巡倍愴神誰作劍歌迴

道山堂集 七言律

三

易水祇令郢客和陽春三山夜月明孤嶂千里寒  
潮起白蘋回憶江南楊柳色蘇臺尚有未歸人

四

刀環明月望征烟幾載春光歲序遷吳楚烟花留  
勝槩江山詞客應前緣斜陽遠墅新鶯喚急瀨寒  
谿白鷺眠飛槩劍城知漸近牽衣遶勝更欣然

七言絕句

贈鼓山爲霖和尚二首

芳巒峰高花霧淡石門宮闕鎖空林惟有白雲天  
漢上蔽虧起滅總無心

兩鉉金環雷電鳴瓦礫摩尼甚處呈百千微細無  
絲盡喝水巖邊噓一聲

西湖訪草庵和尚二首

竹隱蘿軒柳委墀水光半頃葦聲吹門前只見略  
約在度人無數誰能知

道山堂集 七言絕

一

槌椎龍象翻多事圈檻稱猿亦枉然試看臚臚湖  
上月蚌珠桂影自洞漩

別靈谷上人二首

松崖寶鐸護香輪畫拱珊瑚臺鹿苑春入寺未淡還  
出寺陌塵長愧坐禪人

歷歷晨雞與暮鐘圓珠七尺見機鋒應知前路寒  
溪雪夢在洪江第一峰

妙峰遇雪晚上人自芙蓉至二首

雪公度嶺過西家懸河口說滿恒沙試問芙蓉開

幾朵曾似空園須曼花

仰倒曾經解木毬袖衣抖擻自風流如今請罷鉗

鉗話微月籠杉萬壑幽

閨詞三十首

香閣妖閒洛影翩曲房椒壁一爐烟水晶簾外遲

長日白馬驪駒何處邊

柳葉輕烟澹澹容月灣空翠鎖雙峰刀環心折因

愁蹙螺黛蛾黃一半慵

幽恨盈盈未肯降金卮玉怨冷春缸青天最黯不

道山堂集 七言絕

堪訴惟有焚香繡佛幢

芙蓉幕裏曉霜融十二闌干日色紅貼鬢呵花撩

百遍含愁且入綠楊叢

巫岫重重結翠嵐空從森森望江潭可憐昨夜漁

陽夢未得分明鵲語喃

山鳥水泉悲伯玉蕭關藹藹泣劉雲只因慧性偏

多事蹙損滿湘裙摺紋

幾回戲謔百花傍珍重相於芍藥將一自辜蘭征

戍後開函怕兄雙明璫

朱戶魚銀玉漏高自嗔自嘯自煎熬紅牋記注相

思字猶恐鴟鵂似賊牢

十里飄零黃柳花畫橋烟暝片雲遮迴思繫馬郵

亭處斜日西黃起絳霞

四時總被好花嘲懶把青峽問六爻撥盡燈煤金

剪落欹針唾縷向誰拋

記昔當年教鳳簫便將雙翼欲冲霄君今領取龍

驤印不及鞋幫繡雀嬌

輕衫羅襪入西園綠徑掠衣霧縠翻栩栩蝶不知人

道山堂集 七言絕

意緒翩翩雙影欲銷魂

梨花雨過叫黃鸝新壘還看燕作泥葦地關心推

不去長河界斷玉關西

翠翰油車綠竹坡夾道齊唱踏青歌病倦請辭諸

女伴閒煞雙尖紅錦鞵

瘦盡纖腰緩帶圓茫茫青鳥信音稀七襄宛轉迴

文錦紋杆聲殘氣力微

空庭皓質鶴翎梳一樹朱纓照綺疏畫舸滄江俱

不見鞦韆院洛午陰初

鴛鴦牒上姓名借誓重丘山豈戲俳誰使分開南  
北路繡鞍玉勒自天涯

斜立倚門望歸津紅暈梨頰粉未勻酒廬雖在無  
醺醉不見當時傭保人

撼撼寒風卷畫樓西墻駁鮮更清幽空閨細聽莎  
雞泣瑤井淡淡桐葉秋

齋身中筇三生約寥落音徽萬里程何似幽蟲階  
草際唧唧時有和鳴聲

露堤霜渚隔萬山月榭花臺成等閒香肩欹舁久

道山堂集

七言絕

四

凝盼鬱金堂側淚潛潛

落槐秋颯嘆凋零網軒飛動雨中鈴幾陣涼生織  
手怯箇取蠟蛸翡翠屏

雕籠鸚鵡短長吟玉鎖珠條未稱心安得搏風起

北塞遍尋遠水與遙岑

同心結似兔絲藤不怨人間怨赤繩斷送黃昏已

無數辜負龍盤半炷燈

展譙夜夜度更籤屈數分離費指尖縱使氤氳鬱

蘭麝爭奈清簾如刀鎌

畫廊響屐倩人扶軟玉懶隨一捻軀蕩漾衣纓仙  
佩近自憐孤影落艷觥

枳瘤小枕珊瑚簌玳瑁文牀巧鏤剗那得心情長  
宴息睡時長憶澣衣衫

百鍊菱花掩玉臺貝宮海底走珠胎紫蘭葉滿送  
南浦蓮落青房尚未回

湘血鵲魂錦障寒裂紉斷曲與誰歡舉頭雲母牕  
前月冷浸篴篥不忍彈

君是中原游俠兒鹿盧寶劍向邊陲隴頭雪片知

道山堂集

七言絕

五

多少還似珠簷月出時

明妃曲四首

永巷沉埋窈窕姿漢宮春樹亂烏悲君王不自選

顏色按圖早已失娥眉

渭橋一別燕釵移馬駝雪路陰山迷忽聽霜鞞秋

塞遠曾如鵲鵲觀前時

欽眉久已辭蘭殿事後徒勞殺畫工絕代佳人等

閒去翠華金屋空玲瓏

回首中條翠岫沉蕭關淚點更噓啼翩翩聊寄西

羌怨樂府流傳知妾心

題唐若營一竹園

孤翠亭亭敵雪霜  
白花風影美質當  
昂藏不作相  
妃淚欲截長竿釣玉璫

題伯駟叔溪山無盡圖

絕壑門前萬木紛  
書籤藥臼未曾焚  
何時共作青春伴  
更訪溪湄數白雲

和唐良士悼歌姬紅於八首 有引

唐子良士華胃瑤琨名邦  
僑胥擅詞賦而

道山堂集 七言絕

木

叶鏗鏘買娉婷而教歌舞  
有侍姬名紅於者姑射清風  
高丘崢嶸氣灼華香  
穆色暎朱霞穠豔脂浮容欺  
標電並紅藥以堦翻借丹楓而  
露濕亭溪試輕越之姿桂旗恣  
赴洛之態秋泓迎曼睪濤捲新  
鈞細綺露微尖蓮開綵縹緲遠  
峰于臻首貼鬢呵花蘸文穀于  
龍綃揚塵迴雪雁簪敲鳳竹唱  
鷓鴣而淥水流漸麟帶壓鸞簪  
翔鴻鵠而空雲縹渺牙籤玉帙  
竊傍藜燈春蛸秋蛇時

臨柿葉春含翡翠盤旋錦步之園夜卜蘭

缸噴鬪屠蘇之盞斯寶瑟之擅塲莊姝之

領袖矣夫何乍見捧心旋驚落帶質矣蕙

摧慘然瓊折歌停金谷霓衣忽委梁埃鏡

黯西樓粧籠徒留粉葢良士情種填膺哀

思掩噎漲蛟宮之珠淚合浦難還愁隴樹

之寒烟北邙空弔蟾歸冰魄想竊藥以何

期焉跨蓬壺欲叩扉而無路爰作薤露之

歌聊訴吹簫之痛撫衿惻惻憾遣律纏絲彼

道山堂集 七言絕

七

吟樊素于飛絮長悲駱馬之辭送紅線于  
扁舟永抱采菱之怨豈足方其離憂寫茲  
幽恨者哉余因和詩八首而爲之序

授調抽絃玉板催穿雲裂石乍成灰淒涼明月西

園夜無復歌聲扇後來

華燭晨霞總一般風摧電碎忽闌珊殘春落盡桃

花片斷鼓零筇不忍看

攤書說偈擅能文更會臨池做右軍記得六如亭

下路綠毛么鳳泣朝雲

楚水巫峰入窈冥  
鳳樓烟鎖罷風鈴  
玉人湘管皆成恨  
金盃應隨塚草青

錦隊花殘一片紅  
釵文釧影散簾櫳  
卻辭文伴生天去  
蘭麝香翻五采虹

桂檣霜燈映影移  
芸牕香閣兩相宜  
祇今零落書籤亂  
不見當時舊雪兒

院落魚鰕湛露繁  
蓮花宵漏斗橫昏  
應知冉冉花梢下  
環珮魂歸笑語溫

誰把填河作斷橋  
冷灰難續篆香消  
凝君瀟灑揚

道山堂集

七言絕

八

旌日再囑東川獻玉簫

詩餘

小令

西江月 私語

綺苑初飛蛺蝶沙汀乍繫扁舟  
杏花新雨畫樓西  
錯憶夢中紅袖  
品罷玉簫尙暖  
調他笑眼還羞  
酒闌燈地月籠鉤  
背解羅襦時候

又 白鷺

戲渚參差玉嘴浮  
湍次第霜毛荒葭溪畔一羣飛  
雪點青山欲曉  
垂頂絲絲不亂穿  
雲肅肅爭高

道山堂集

詩餘

半蒿秋水碧連天一陣銀河月綰

陽臺夢 彈琴

紫倪裊裊珠簾捲  
孤桐指下徽聲粲  
幽蘭綠水思悠悠  
誤入離鸞怨  
調比蘿鶯喚  
絡繹風絲休斷

秋風夜雨近瀟湘  
窈女應長歎

好事近 春雨

珠串壓重檐  
貼耳長廊相續一徑香魂方吐  
見梅枝新沐  
青冥爲甚響淅淅  
著意催銀竹  
林下如連三峽忽然生衆綠

夜行船 本意

寒江菰葉涼蟾上捲秋濤青簾白舫玉人千里寒  
浦三更今夜淒其情況 遠天漁火明簪網似數  
點疎星搖漾霜前蓮粉橋畔楓聲一片浮光洗滌

點絳脣 走馬

寶蹬飛敲香塵襯屨雙尖茜柳橋灞岸墮髻隨風  
顫 減沒蘭筋流汗浮金鈿雲裾亂停鞍欲倦將

息桃花院

柳梢青 本意

道山堂集 詩餘

密葉長莖萬條千縷車蓋停停張緒絲絲王恭濯  
濯絕似卿卿 章臺幾度凋零空目斷吳山楚汀  
翠黛灣灣宮腰細細誰惜惺惺

誤佳期 本意

珠露薔薇新沐畫幙高燒銀燭曲廊掩掩響模糊  
可是風敲竹 海誓作刀槍繡口成酖毒迢迢河  
鼓玉繩迴依舊空房宿

雨中花 本意

忽地雷聲天上翻起松濤柳浪粉蝶偷潛黃鸝坐

濕百和香風颺 惟有海棠偏異樣一隊胭脂無

恙珠淚倩花垂紅點千行懶揭芙蓉障

又 贈古峰上人

枯樹巖邊覓路試說誰今誰古別頂雲中妙高海  
上截斷人來處 落鴈紫駝何足數自有通霄平  
步漫摸月扳藤踏向峰頭直上千峰去

踏莎行 夜譙

几列銀簧燈垂金藕微波暗送仙裙縵疎簾搖漾  
夜如珠高樓月影催蓮漏 乍落金鈿還鬆寶扣

道山堂集 詩餘

香塵舞罷紅羅袖生來怯弱受郎憐那堪更罰荷  
荷酒

又 照水

消瘦人兒臨鸞畏縮只疑菱鏡多愁蹙景陽粧罷  
奪春輝鳴璫轉袖長洲曲 水荇牽風金鱗戲濕  
鬢雲斜墜釵痕綠如何絕代有雙身瀟湘影裏桃

花浴

浪淘沙 憶昔

酬酢眼波中驀地相逢仙姿初出蕊珠宮一捻身

材輕似策慣帶英雄 檀板與還濃流水溶溶樓  
桃小曲遶簾櫳無那玉樓連漏歇別騎倥傯

虞美人 本意

漢軍垓下重圍匝倉卒移香榻重瞳叱咤爲誰誇  
醉看鸞幃飛雪撥紅牙 悲歌泣下提刀起慷慨  
垂青史沛人亦會解風流落得廁中瘡藥一函囚

青門引 美人

淺黛明花院恰似漢宮飛燕斜轉闌干香步遲粧  
成羅襪欲待陳王見 飛魂縹渺疑驚鴈嬾展金

道山堂集 詩餘

蟲絮釵魚錢玉鏡鵲啼珠編入巫山傳

惜分飛 本意

畫舸風斜青草岸料峭孤寒一片待把愁城竄玉  
釵恩重難回轉 雙燕忙忙檣語亂不解生人隔  
斷懸想西樓畔香喉此日停歌扇

添字昭君怨 本意

不禁冽風沙塞冷浸阿嬌珠璫單于夜雪射生歸  
揭羅幃 那日玉鞍輕別淚點尚留紅頰篴篴彈

罷憶河津是三秦

武陵春 贈三非和尚

身石凌霄籠古殿危壁倚青雲擁褐安居獨閉門  
丘木長桐孫 林簇花宮歸鳥外斜月挂松筠緝  
薛袈裟浣濯新將法與何人

桃源憶故人 讀書

纖纖玉指翻細縹簾外風枝清悄揭過牙籤多少  
一陣脂香縹 畫屏閒几微吟了惟有洛神賦好  
不學男兒潦倒偷描登科稿

尋芳草 荔枝

道山堂集 詩餘

絳雪水晶溶不盡丹華醺郁朱顏偏種團圓福蘭  
氣風吹靄 南海路漫漫空望斷雕盤紅玉待雲  
時飛騎芳塵簇譜入長生曲

醉花陰 櫻桃

最先百果呈朱實萬顆調崖密英靄絳脣開點綴  
勻團銀漢繁星集 鶯含紅蕊流香液薦寢思波  
滴此日漫嘗新玉筍金盤却憶前消息

海棠春 紅梅

暗香恰與吳妃近出落處酡顏微逗絳雪掛春絲

影入寒塘瘦 百花頭上標孤秀  
真色相肯隨人 後含笑醉紅潮繡  
頰彤雲覆

錦堂春 贈味禪上人

任他烹龍飲鼠爭如蠶甕餘鹽  
踢翻冷甕殘鍋去 辛苦爲誰甜  
莫說聚沙兒戲當前卽是瞿曇服  
松不讓醍醐美請看普明龕

浪淘沙 村居

流水接奔潮小小紅橋應無馬跡  
到蕪臯籬下曲 踰聽犬吠門外歸  
燕日曝與風綠斗大茅椒肉

道山堂集 詩餘

六

生脾裏老無聊新綠南園扶杖看  
雨甲烟苗

詩餘

中調

天仙子

閨情

風月場難容謔詭縛不來飛  
淚兩翅城頭盡角數 聲哀神似  
醉腸如刺借取燈光焚錦字  
銀漢澄 清新月霽今夜想無  
雲雨翳依然獨自倚空牀最  
不分傷心處兀地閃人殘夢裏

撲蝴蝶

贈隱者

翁髯修林仄徑餘霜藥闌歷千  
峰竹策環山址但

道山堂集 詩餘

七

看塢內閒雲果是乾坤一指危  
窠木末人在藤花裏 山厨並沒  
登俎餉我惟松子倒海懸河不  
是 人間字烟迷幽嶺輕蕙風落  
香堦細毳好闌槐安 穴蟻

又 歸家

鵲報蹺蹊忽地簾前送花驄門  
外寶絡青絲鞋看 來今日重  
懽記得前宵在夢喊地呼天賜  
下吹簫 夙不經幾許淒共不  
顯郎珍重郎非無信此際 知  
情種花陰玉盃同斟天帶蟾珠  
再捧打疊郎懷

飽擁

蕙蘭芳引 七夕

百尺鍼樓纖指動向天爭巧乞得巧來時偏會絮  
煩招惱關心甚事頻望箇鵲橋傾倒想黃姑此夕  
那管人間啼笑 簷角疎星麗譙戍鼓幾多虛杳  
便一刻懽娛也合夢魂清曉問誰學得長生殿悄  
背著人魅地生生相保

傳言玉女 焚香

寶燄金猊斜上黃雲一穗珠屏翠障看乍開蘭蕙

道山堂集 詩餘

八

嶧桐閒理恰是離魂孤淚氤氲院落數聲清徵  
小榻清幽隻影孤畫簾閉重添龍餅試芳臍沉水  
莫教烟燼受似牽絲引緯空房功課捨他何事

錦帳春 偶題

萬卷空存千言無當值不得寸鍼白棒嘆長年泚  
澣老紙張兒薄倖不須提唱 怕月窮廬悲風細  
巷夢不到犀舟虎帳枉稱銖兼論兩且愁來把酒  
釣魚竿上

兩同心 有懷

楓葉清霜吳閨秋暮想玲瓏法部宮商似天上花  
卿暗度依稀見搖曳霞衣夢魂飛去 那日凌晨波  
開步蓮蒿輕顧嘆孤樓空鎖松筠殢人情青苔滿  
路只剩得陌上芳塵那堪錯悞

漁家傲 本意

渚清沙白晴川路游鱗鼓浪真堪數錦片江山閒  
裏度行樂處荆條竿上盈車取 青箬輕舟如細  
羽橫吹小笛斜陽暮天半孟婆愁欲怒休前去短  
帆卸卻蘆灣住

道山堂集 詩餘

九

感皇恩 本意

與漂驟升華谷風虎嘯驤首高衢抒懷抱九開知  
已西序叨稱周寶草茅何福分天恩到 退食客  
容趨朝草草衰職從來能補少許身何在愧乏南  
金持報望宮門日曙肝腸繞

西施 本意

春溪如畫水溶溶鶯轉杏村中浣紗織手倦無語  
對東風試問佳人何事將心捧愁黛鎖雙峰 屬  
錢血淚胥山下館娃歌舞方濃還聽得虛廊步屐

響璫待向湖光淡處看浮碧一派洞庭紅

風入松 本意

含星漏月翠離塵尾拂長枝濤聲漫捲雲幢上  
是幽林乍奏笙篴除却蒼髯老叟眼前勝友還誰  
龍攀虎跋谷中噫遍側樹陰移青巒碧澗憑空  
撼見鱗文幾陣斜飛自是參天蔽日何妨雨撼雷  
靡

御街行 劍池

青殘翠禿流泓注昂宿潛金虎蒼茫鐵色幾千年

道山堂集 詩餘

試問干將何處闔闔劃石祖龍勒馬化作寒烟去  
轆轤修綆懸冰素似聽靈湫語鞭神役鬼劈重  
淵只作噴霜吹露霸氣山川講壇花雨誰識輸贏  
路

愁春未醒 無題

殊隣舊伏列國輸平念椎牛饗士幾人鞬臂是書  
生釐贍封茅消息何曾到管城淒涼此際繼袍殘  
屨麥餅菁羹搔首天庭幾回高望顯氣清英但  
青蒼不知何處空費叮嚀歲月銷磨惟知閱史與

繡經還偷暇日問津陟嶽犯露乘星

道山堂集 詩餘

詩餘

長調

齊天樂 曉起

房櫳弄曉羅帷敞風動半簾疎竹乍卸香衾旋開  
斗帳新軟一團紅玉金盆盥沃看秋水微波芙蓉  
初浴三尺巫雲朦朧似對遠山綠 愁來慵見面  
目只鏡臺嘶共時常親熟螺黛輕拖彩雲細整難  
展眉兒雙顰心頭踟躕且收拾香奩脂膏殘覆強  
試鮫綃瘦身軀一朶

道山堂集 詩餘

七

鳳凰臺上憶吹簫 偶題

谷口孤雲江濱亂葉閒心漫付沙鷗試拋殘碁局  
細整針鈎今昔誰人知己惟有箇向邛堪遊還思  
省莫嗟猿檻不及鷹鞮 休休是非何在悔龍門  
金櫃季野陽秋且暗尋茅洞寄興滄洲龍舻憂懼  
不管經營事只在糟丘任他說暮鷺晨風半豹全  
牛

滿江紅 壽黃處安

桃面霜眉隨處是竹中藤帶猶記得銀鞍走鐵金

門長承清夢依稀宮漏滴咽流尚向長河捫捫  
鞋踏破遍名山堪瀟灑 蛇蚓現蘭亭格烟霧掃

樊南派總詞源三峽自然天籟孤琴調湧海峰尖  
寒鐔光照魚鴈色看生公石上紫霞浮紅雲緩

絳都春 咏馬

西風寒緊看安排薌粒將嘶還懶不辨妍媸與衆  
齊名空騎蹇隙駒近矣閒牽絆遮莫似瓦鷄陶犬  
淒涼夜半無心翹首去窺河漢 堪歎凡胎庸碌  
倒疾馳善走錦韉組纂且自渾同遍地昏盲誰青

道山堂集 詩餘

七

眼也曾說奔虹跳淵龍支選慶雲無散最憐潦倒  
埃塵倚輶吳坂

沁園春 閨憶

烟鎖銀屏夢斷瑤徽萬斛牢愁憶題柱才雄備看  
珠麝封侯念切莫捫髀騶一別淒其高岑遠水不  
覺迢迢數十秋閒蒲點簪寄來芳訊字字荆璆  
邇來偏愛清幽儘掩著重門獨倚樓最刺人心坎  
雨淋風暗引人思路花密香稠拭淚難乾加餐無  
力何時飛鏡大刀頭且閒取錦屏繡帖補綴寒裘

蘇武慢 閨憶

繡閣幽閒香欄靜悄冷落門前芳草紅粧枕畔  
翠屏中不見當初哄笑頻來錦鯉浪擲霞箋枉按  
蕭郎詞藻最堪憐梅花一曲拋却何心撥調恨  
生來婉若游龍柔如弱蕙偏自臨風嫵儀較書燈  
下說劍奩前悔殺憐才顛倒冷暖難憑高低不就  
鎮日幾回煩惱無如學耳蓬頭厮守登徒同老

念奴嬌 壽鄭素居

瓊樓天際望慢亭絲屋勝如文梓籬落河濱蘆荻

道山堂集 詩餘

十

滿如此清光誰比且混漁樵休談管樂歌頌拖殘  
履一番甲子幾處江山無異憶昔輝煌燹玉絡  
繹輻輳焉奕鳴珂里金谷銅駝安在也止有一堆  
荆杞疎簾琴牀蕭齋茗椀閒說維摩義綯衣明月  
年年花下長醉

漢宮春 九日

挈榼登高嘆筇鞋藤杖尚滯三吳望遍江南幾度  
衰柳寒梧白衣誰是向東隣濁酒堪沽西風急葉  
鳴如筑蕭蕭飛過江湖此日兼葭霜滿似艱難

潦倒白鬢扶疎暗度年華算似雲轍馳途故鄉門  
巷忽無端心坎糝糊須拋卻及時作樂醉看帝女  
花敷

瑤花 題伯喈叔即官雪霽圖祝壽

霧濛林屋雪泚支硎正崢嶸時序沉吟詩卷費淚  
仙此日勞神酒脯繩牀冷銼滿衣袂清風如棚聽  
爆聲金管初回恰是嘉名初度溪涓數點寒沙  
望白港輕舟江村漁浦哈呀指爪晴嵐染插遙天  
孤峰雲護搗籬暑徑莫辜負邵平瓜圃趁歸期及

道山堂集 詩餘

早青春拚受蘭皋竹塢

萬年權 賀吳香爲壽

律肇林鍾正南訛暑長荷沼芬弗吳苑花明猶是  
舊宮烟月漢日周年未老且棲息雲裾霄謁聊蘭  
點琳札青書庭前風竹聲憂一看來茶鐺釣碣止  
淞江南里飄蕩漁艤放鶴峰高如許清光颺拂縱  
使豐貂雕斧爭敵得澗萍岑樾閒居裏種就龍鱗  
會取柏茂松悅

道山堂集序

三山陳靜機先生殯數月令子  
宗柏兄弟彙集先生遺稿若  
千卷將次第授刻謂余託交  
於先生也素當一言卷末先生  
高文秀德為閩中碩果一旦

云亡僅此數行不致風流頓盡  
其生人感歎何窮乎先生蚤  
歲成進士出宰劇縣政成報滿  
改官言路繼不憲嶺表晉擢  
卿寺直鼎革歸來優游里巷  
之間者五十餘年當先生在

嶺表久為四民愛戴時年七踰  
三十幾四字太平使功名之念  
未銷不難濡足秦裳異用其  
所不足而先生不爾不則以先  
朝直舊易為名高肆志淑人  
亦足附西山之高義而先生又  
不爾淳心道味抱樸含貞收其  
菰茲文章大雅春容言也可思  
歎也可詠有合於古人不怨不  
傷之旨先生寔負甚結廬道  
山之側故前代黃氏之隱居也  
當門石壁數仞所書長句二十

八字雖數百年物刻畫如新先  
意甚安之隨構數條課子孫  
讀書其中破硯殘卷之外無長  
物間一赴里社文酒之會青鞋  
布襪攜朋約手道旁不識其為  
貴人天下賢士大夫足為鄉邦

三

矜式者望必在高言濶步昂首  
軒眉譬如對三代鼎彝正使不  
言而自生人素穆之氣先生真  
可謂一代之典在矣余為諸生  
久始自癸酉每三歲一赴試會  
城從衆人中曾得望見董公

崇相孫公子長嘗公能始而得  
友事者陳道堂曾弗人林守一  
三先生繼王辰溪周公元亮遊  
得交蓮峯郭公孔碩林公及靜  
巖先生昨戊辰弔祭王核園邵  
夫子之喪重來同人脩舉社事

四

檢點舊籍止靜巖先生一人在  
耳今先生又往矣六十年間渾  
如彈指何待令威千年化鶴歸來  
始有城郭人民之心哉殘年望八  
應諸公子之請自幸得序先生  
遺稿仍悔不蚤數月序先生使

先生一見之其發無涯之歎當

不知更何如也

康熙甲戌十月長汀年家同學

弟黎士弘頓首拜識



五

道山堂後集目

卷一

改亭集序

武康沈慎庵元澤兩公崇祀鄉賢錄序

玉融名勝序

林平山集鷗草序

溫麻遊草序

方聲木入名宦序

林似之文集序

黃協光詩序

容庵集序

龔學博詩序

璽庵雜咏序

董漢橋孤山踏月詩序

道山堂集

蓼園詩刪序

上巳連寒食詩序

三山唱和詩序

葉慕廬詩序

翠巖詩集序

井上述古序

送伯騶叔之潮州序

莆陽黃君碩茹蘭亭篆草序

沙子羽江外遊草序

肅雲上人詩集序

鼓山爲霖和尚五十壽序

萱草堂詩序

卷二

黃葉清斯和尚語錄序

西隱寺請鼓山長慶法語序

不染禪師詩集序 白生上人大休堂詩序

林草臣立三合刻和閨怨詩序

錦蕭合集詩序 方烈女詩序

林氏族譜序 劉氏理學八賢詩序

唐君知八十壽序 林總戎壽序

羅尚之壽序 壽何石九十序

趙聖遊壽序 太學孫君壽序

林平山八十壽序 黃處安工部七十壽序

道山堂集

二

韓葵光壽序 林亮臣八十壽序

鄭荆軒六十壽序 嚴志應壽序

施賡白壽序 程母知太孺人壽序

劬庵弟壽序 弟婦鄭孺人壽言

卷三

斗姆宮募脩蘭孟普疏

題慈法華寺覽瓦疏 空虛上人化造靜室疏

募鬱羅臺疏 孟山亭大士亭募緣疏

不敏師建翠巖疏 心鏡尼募化靜室疏

沙峰寺募脩金剛寶像併各殿廡疏

募脩洪山寺疏 募脩洪山橋疏

請梅庵和尚住斗姆宮啓

請樂雪和尚上堂啓 少康論

三案論 于忠肅論

龜錯論 漢太公論

哀猿賦 道山看梅賦

靈壁石賦 靖之弟九如賦

擬孔象賦 瓶庵說

道山堂集

三

卷四

侍御林心宏傳 黃九煙傳

比部鄧緒卿傳 胡將軍傳

林平山傳 唐潔庵傳

黃處安傳 王孝廉傳

鄭元定傳 文學孫受庵傳

舅氏林樂宗傳 文學蔡文新傳

孝廉邵長倩傳 林重槐傳

施烈婦傳 侄婦鄭孺人傳

翁恭人傳

林宜人傳

承德郎工部營繕司主事處安黃公偕配林孺

人墓誌銘

江西臨江府知府日華毛公墓誌銘

周母蔣安人墓誌 力錦溪哀辭

慧默師誦華嚴募香油小引

洪太史徵言小引 蓮華協送別題辭

省心堂血盆會題辭 貢處安三老詩跋

達化上人松石圖題辭

道山堂集

荔枝詩跋

與鼓山爲和尚書

題倪宜甫姑丈小影

卷五 與代言

丁文宗輿頌序

卞撫臺壽序

陳城守壽序

吳閩縣壽序

李君壽序

南平章邑侯壽序

拔貢錄序

高文宗壽序

李邑侯壽序

吳閩縣壽序

季邑侯壽序

田按司壽序

張郡佐壽序

祖都親壽序

高宗師壽序

于分司壽序

又序

道山堂集

張方伯祀名宦序

李君壽序

劉邑侯壽序

張撫臺壽序

邵太淑人壽序

又序

石將軍壽序

傅運司壽序

署候官來別駕壽序

張藩司壽序

何兵尊壽序

馮糧道壽序

姚邑侯徵言引

劉母李恭人序

王總督壽文

候官李邑侯壽序

王郡尊壽序

又序

止

道山堂文集卷一

閩中陳

軾著

宗栢  
宗威  
宗豐  
全輯  
于侯

年姪

湯永寬  
林苗 同校

改亭集序

江左計甫草負盛名天下殆四十年其於今人之  
文雖黃甲乙識精而法嚴歸安文開文在南昌文  
定文待而後不多見也蓋其論今人之文止其駁

道山堂集

文一

一

亂以迄于醇去其險盤以就於平益其峭薄以本  
於厚天下咸重其識而善其法而不知甫草之能  
論今人者由其得力于古人之文其識以博稽述  
覽而後能精其法以神明變化而後能嚴非汪洋  
荒蕩奪朱亂雅者所能與也至于甫草自爲古人  
之文則亦取其所得力者而爲之已矣余過松陵  
見甫草次君希深神采奕奕綽有父風隨舉改亭  
遺集問序于余余得而竟讀焉信乎甫草之能爲  
古人之文其識精法嚴有如此也夫人肆力于文

非無聰明才辨足以取勝而纂組皆最榛蕪塞路

則聰明才辨適足暴行越智緣飾詩書而無禮道

之實柳子厚曰文章士之末也然立言存乎其中

卽末而操其本可十七入甫草之學極深研幾于

古今是非六藝百家大小無不同條貫肌理

解故其爲言辭如蹀躞阿會淶水疾徐抗墜罔

不中節是有聰明才辨博而能化者也夫以王良

造父整齊欽諧周旋若環不若錯且大丙除御棄

策能吹鸛鷄而過鴈蓋法守于無執而識達于

道山堂集

文一

二

無垠今觀斯集則錯且大丙之御也論者以甫草  
雖登賢書而未竟其用無不爲甫草惜然天靳甫  
草以選而不靳甫草以才自古身都通顯而湮滅  
無聞孰謂甫草之文足以信今而傳後者哉昔蔡  
伯喈謂郭林宗匪樵撫華乃尋厥根其甫草之謂  
矣

武康沈煥庵元澤兩公崇祀鄉賢錄序

士大夫策名以來得以主持風節者惟是朝廷耳目之司所以正繩直筆能使臺閣風生奸雄褫魄一言出而國家安危係焉次則身任巖疆鎖鑰邊庭能使枹鼓不聞四郊無警然而直言敢諫之臣天靳之以六年使之不得盡展其剛方之略而捍衛牧圉之臣復不竟其用使之終老於山澤之間後之人景仰前徽未嘗不爲國家惜也武康侍御沈公極庵僉憲沈公元澤皆先輩之震爍特出者

道山堂集

三

也侍御謇諤臺班威稜凜凜有張綱桓典之風至於斷妖書之獄犯權奸之忌主持國是廷議以平僉憲公以書生知兵建績邊陲北平山海屹然保鄣及監軍心杏遼左情形畫如指掌然一則歿於王事一則投閒以老倘二公而得以盡其所欲爲其爲宗社倚毗當何如也沈之先世始盛於六朝宋司空始興公平逆劬之亂命內外勒兵旬日之間無不整辦洎奉詔討賊廣陵受縛爲人臣者盡如司空之戡平禍亂盡忠王室可謂社稷之臣矣

至於荊州舉義以子孟孔明遺訓責蕭道成觀其

言曰寧爲王陵死不爲賈克生豈可以櫟林之穢成敗論人乎若夫名公鉅卿文學之士沈氏之接踵者固不絕也今觀沈氏所編武康鄉賢錄其爲沈氏者什之七八近者闔邑士民又請兩公而尸祝之蓋二公風采著於立朝而爲善於鄉復不可指數宜爲朝野之所觀型而長爲一邑之畏壘也雖然古之祭法所稱郊社山川陵墓都邑厲蜡學

道山堂集

四

社者必其聲實相符行誼允協而後譽重一時聲聞千載所以闡幽表燬風化攸係近者鄉賢之祀濫觴極矣或以子孫之貴顯叨及於祖父之榮或非輿論之所許妄廁於學宮之列使盡如二公者以之血食清廟豈非萬祀所瞻仰哉是爲序

玉融名勝序

名山大川天下之文章也惟其興會偶寄一拳所指一勺所掬皆足分岳瀆之秀而寫風呼谷應之致誰謂天下文章不在一拳一勺之中耶假使志趣不屬雖有靈區奧府殊特嶢絕無以觸其神智卽或捫蘿披翳一至其地遊者趾錯卻似盲引衆盲無怪乎田夫牧豎日與山水遇其與蒙頭墮戶處於闇室無以異也玉融逼處海濱爲閩望邑山川之勝俶詭異狀其所爲古壁丹青神剡天劃參

道山堂集 文

五

互於星橋鳥路側徑飛蘿之下不可勝記余年友郭蓮峰侍御獨能搜考諸勝挾其幽秘近者纂脩誌乘於山川之目尙未詳備因之博採奇蹟廣集名篇凡封內山川叅攷無漏渙若走霧錯若置碁爲玉融名勝志覽斯書者恍如萬壑馳騫百谷盤迴不啻千青霄而舒丹氣而穹穴岷巖莫不效伎奔赴於尺幅之下奚待騁周王之馬跡勤謝公之屐齒躡三峰而知太華之高望香爐而識匡廬之異哉夫剪焚榛蕪拓闢朽壤而見古人經營之勞

崇臺延閣髮塔喜園而見古人創建之大賦嵯峨之百重咏靈山之千仞而見古人鏗鏘留連之意蓮峰之有功於山川非眇也余因走筆叙之

道山堂集 文

六

林平山集鷗草序

古之善寓言者莫如蒙莊其言北溟之魚化而爲鵬怒飛而徙於南溟無非以世界爲遼廓視億萬變態如野馬塵埃故能絕雲氣負青天而莫之天闕是爲逍遙之極平山之言鷗亦猶蒙莊之言鵬也鷗無心而與水上下沆然任性而無患亦猶逍遙而遊於無窮也今觀平山之言皆托之於詩夫言詩似乎有心而所以言詩則在於無心倘以有心言則執爲窠臼據爲藩籬轉換推放俱有不能

道山堂集 文一

七

自由之勢惟感之有心而應之以無心任東西所屈而不得其影響此鷗之所以名也夫鷗或在浦叙或在滄洲或去或來或浮或沒無定跡也言詩者亦若是而已矣平山澹然無競自得其適固想數十年前微纒于冠蓋攀緣于朝陛權征權之權則護佑人爲赤子鑒北寺之禍則嫉奄宦爲僂僂其能息機忘形如鷗也哉或曰鳥獸草木詩所以多識也鳬鴈見於風振鷺見於頌集鷗云者猶得古詩之體云

溫麻遊草序

蓋聞蛙井之見量局方隅牛蹄之涔志安狹畝田夫漁父恒誇豐鎬鄣壯之人丹壁金輝只觀麋兔鴈鴻之影與區易混蕪塗輪跡常窮亥步所以空山落葉江淹生白露之愁翠壑同鑣王勃動浮雲之興雅會難逢應緣非偶粵稽郡城歷考各勝高峯聳峙即官東鎮確開石鼓黃蘗龍潭璠桃鱗穴秘室容千人之座方廣巖空春風開夾岸之花桃溪香噴林薄紛淪巒陰重疊未若溫麻夙稱神異

道山堂集 文一

八

因沿東岱更接雲居天河掛疎石呀豁百重鳥路指金微嵯峨千仞仙踪渺忽宛然緱山白鶴之遺佛號莊嚴儼現金界青蓮之果雲機縈紆煙沙莽互祇林韜轄惟聞鐘磬之聲響日爛斑盡是隨唐之字況有塵尾長稍蒼髯勝友薜華晨結敷舍灼之繁英新雉叢生供書空之妙筆信桶塢以豐翹還參差而布繡及其雲霧殊形陰晴詭狀湧巨壺於青丘飛大鵬於錦嶼斷濤連浪分合無時疏派積流去來非一秦橋煙繞思駕編石之梁漢闕光

橫欲作承槎之客遂聽銅鉦聿來金馬棲丹景以  
發躍登甘泉而就浴因之釜山峙其穹崇盤谷深  
其窟穴宅幽勢阻李愿少飄裾繫袖之客綠絕音  
稀錢起思騷蜺采芝之侶斯瀝碣之蘊麗滄溟之  
變幻者也茲者律中夾鍾時當令節雜樹肝眠衆  
草俏倩則有棕帽水曹芟衣徵士偕東夏之貳侯  
並秦邨之牧伯躡屐曠觀縱酒驚望踰鴻浴而煥  
成章臨颺香而凌窮髮於是弁山負小隱之名孔  
璋擅建安之譽安情醺粹麋尤繪丘壑之形體態

道山堂集

文一

九

瀾漪揚素發魚龍之氣珠液金閨玉林錦肆滸陸  
閣筆應劉韜翰白雪殺木之篇疎雨微雲之句比  
諸門庭滸瀾左思筆札未足爲奇方之玉笛沉香  
太白清平差堪並擬更寄遠情喜探禪悅問一指  
之天龍訪六朝之寶篆枯木巖頭打話自然解縛  
釋粘孤峯頂上相迎何用擎拳豎拂陳糟爛醬條  
化神丹墨汁瓢尊皆成智水黃門摘鼻竟吞甘露  
之飴太史聞香遂証木樨之悟重增公案之疑再  
續高僧之傳僕歌泌孤居拘墟淺識曾染西嶽晴

嵐車脂人谷更步慢亭鐵嶂玉女差肩惟此鰲江  
尚稽馬首願尚隔於蘆根心已馳於嶺曲所幸同  
人與斯勝賞遊張公之洞口彷彿方干過何氏之  
園林留連杜老瑟竿鍾籥俱爲廣樂之陳黼黻陶  
匏盡入昭明之選良得助於江山應珍藏於琬琰  
是爲序

道山堂集

文二

方聲木人名宦序

嘗讀甘棠之詩言召伯循行南國以布王政誌其  
草舍茨止而興勿剪勿拜之思及至子孫經營疆  
理猶曰召公維翰不忘文武受命之烈凡功德之  
及于人者謳思一時而聲聞後禩以知甘棠蔽芾  
非粉飾之所能文也近石翁方公濠梁士民相與  
採溪壑沼沚之毛而俎豆于學宮食曰公之功德  
其及於人也深且久矣蓋公惠心實行絕不雉莧  
驚擊以才術相勝惟以仁義中正之養爲樸茂長

道山堂集

文一

十一

厚之政問民疾苦怛形于色撫循而噢咻之惟恐  
貼危之不去而安樂之未聞封以內若挾纊然諸  
如飭保甲嚴斥濫綜權稅減徭役闡揚節孝賑恤  
貧儒至課督諸生精心品臚彙刊問業一編矜佩  
瞻依奉爲法程公之悉心士庶養而教之衣食之  
恩鼓鐘之澤宜乎中心愾慕感而繼之以泣也公  
以名進士起家大行分校北關所得多知名士嗣  
晉民部鈔關河西總理崇文稅務惠商裕國屢有  
成效及分臬鳳陽惟公經濟大才敷歷中外始終

一節耳考公先世墓岩公任上蔡以賢能稱父廣

嚴公藝林宗工蜚聲膠序義方之訓肅若朝典洎  
公掾制科諄諄誥誡以盡忠報主爲念公天性至  
孝辟町之餘胚胎嚴教盡瘁王事無日不切雲樹  
之依屢欲奏請侍養而太翁捐館公倉皇奔歸祭  
葬盡禮更族戚嫺姪有力不逮葬其親者捐資相  
贈其喪推錫類更爲難及公德宇醇茂平易近人  
昔伊川謂明道先生純粹如秋金溫潤如良玉接  
物如春陽入人如時雨行已則主于敬而行以恕

道山堂集

文一

十二

公殆得其心法歟今者鴻儀不再而弓劍易履猶  
留鐘離之國無異峴山之碑桐鄉之祀宜乎甘棠  
重植而明禋不絕焉謹次而書之是爲序

林似之文集序

余與林繕之同賢書得交其弟似之嗣丁丑公車  
還與似之同筆研兩載爾時古學蕪廢操觚家執  
兒圖舊冊句剽字竊遂已標榜名高似之兄弟獨  
能沉酣經史倡明古學銜華佩實在河圖琰琬之  
間望者辟易已而似之亦登丙戌賢書高等私意  
毛錐雖小技經國大業所從出以二子之蘊義生  
風金春石受使之處承明著作之廷謀王斷國其  
精華睥睨莫可遏抑卽至時危勢蹙亦能迴巨浸

道山堂集

卷二

序

拯胥溺摧柱於天荒日晏之餘况以簪笏舊業數  
代之元僚碩德比於帶礪公侯倘襲郇國之餘烈  
承青箱之懿訓高曾規矩代有傳人豈特陽夏風  
流築室清山凌煙末裔雅擅西崑已哉余憶爲令  
時繕之貽余書曰祖士雅虞忠肅本書生也爾其  
勉之余之庸駑大失良友之望而繕之所期許抑  
何壯也追陵谷變遷繕之卒於嶺南越十餘年而  
似之亦赴脩文之名噫天之生才不使之羽儀京  
國進於萋華雖喈之盛顧使之凶折委頓絕琴絃

於淶水傷宿草於黃壚豈不深可悲耶繕之有子  
常輩業已掇第略可釋九京之恫似之有子常向  
亦能讀父書近持其父遺稿問序於余余讀之不  
覺涕泗之遙下也夫以夙昔之稽呂風期致歎於  
芝焚蘭唄者已非朝夕一旦披其遺稿如見其眉  
目夢得之湘江畔頭十郎之逢春畏老安能不動  
故人山陽之感也余因走筆叙之至於文之大雅  
與左馬頗頡世之人有知之者余不復贅

道山堂集

卷二

十四

黃協先詩序

余前後宦粵十年而南海黃子協先余壬午分較所取士也余自辛卯歸閩已二十七年嶺海知交零落殆盡獨協先尚縉墨綬種花甘陵余流寓姑蘇策蹇值北相對握手悲喜交併迴思珠海潮奔花田香噴恍如夢事余憶協先出宰百里將有所用其未足而協先將毋懷歸方寸爲亂拂衣乞休惟恐不足噫榮進一途嗟然衆類即使險塗難御濡首而不恤者有之矣况厚祿故人豈非余之所

道山堂集

卷一

期而乃毅然長往蘆雪菰煙迺其初服何與蓋協先深情至性以爲堪毛義之檄不如回王陽之車此豈可於今人中求之也協先詩藁一帙篤厚深至得風人之旨余獨喜其將母未遑征及晨昏止問北堂安之句彼夫四牡作來諗之歌北山憂靡盬之役其意豈有異乎余馬首且南而協先亦將歸粵聊書數言以叙離別知吾兩人相與有成則在乎澤畔行吟之際矣

容庵集序

恥五莊年翁守秦郵時余過其地見其父老曰吾郵河決以後淮渦四出漂溺田廬無算得莊使君而流移以復賦稅以平不設詭筭不假輟村桑嘉溫克恤患濟留吾儕深歎賈父之來晚也及恥王以憂去諸父老如嬰兒之失哺祖餞追送維舟百餘里似乎恥五之所竭力而謀者在乎吏治而不在于詩之工否也嘗讀漢史公孫弘以博士爲內史汲長孺以中大夫守東海皆以內外兼任惟東

道山堂集

卷二

方朔枚臯等有文學生從之才止以郎中大夫處之而不遷其官遂以文章與政事迥不相及然古者喙賡有誦太史有陳朝廷宗廟聘問宴饗皆賦詩以明志所以登高能賦謂之大夫之材至如東亮鎮武昌據胡床與諸將佐南樓嘯咏千古以爲美談元次山春陵之作少陵序云得結輩十數公參錯天下爲邦伯則萬物吐氣張曲江高達夫皆以詩人而躋大位使爲治者止於簿書期會而已是襄陽好殺者一人而刻燭擊鉢者又一人也

遷臣羈客幽人野老有詩而學士大夫無詩也  
則恥五之有詩固不爲吏治之病也恥五寒慙風  
雨時有詩製錦西學時有詩近自秦郵過京口渡  
錢塘歸里門新什復爾盈帙其流連景物叙權朋  
舊無不曲折以盡其致夫詩以道情也與其過方  
文毋寧過於情然未有情至而文不至者恥五悔  
悔不勝衣溫厚和平得於詩教其爲詩亦如之蓋  
刻礪卓犖胸次若不縛方寸若城壑必不能發爲  
正雅之音惟溫厚和平庶幾風人之旨夫詩者可  
以通之政治而建於天下者也恥五將爲鹿鳴天  
保之詩而不爲板名旻之詩豈獨跌宕騷苑與  
蛙鳴蟲響爭一日之長哉

道山堂

文一

七

獎學博詩序

古者政出於學今之學者未必有政而爲政者未  
必盡出於學余觀唐時文人流落不偶往往受節  
鎮之辟屈首書記以爲進身之階如高達夫李君  
虞輩是也要之經國大業資於技能事功者什之  
一資於文章筆札者什之九論者謂環瑋博辨之  
士非時所貴而聖人之道無益世用則過也況乎  
絃歌舞蹈之地德行道藝之職非華實兼茂以身  
爲教何以成一時之人材耶然成周時司樂成均  
之法有樂德樂語樂舞皆詩也旣而宵雅肄三操  
緦博依詩與樂合矣矣宋安定胡瑗爲國子師率  
諸生雅樂歌詩乙夜乃散諸齋以其間歌詩奏琴  
瑟絃誦之聲徹於中外豈非風雅一道爲教者所  
首重與學博龔君百粵之僑矜也文辭富贍尤長  
於詩其爲詩也不假銀鍊雕鏤而叶自然之條不  
蹈鈎棘傷劇而得大雅之遺故其作人恒本此意  
以達之所以歷羅浮過龍川及絳帳三山皆以詩  
教而詩輒盈篋笥日進於古則知風雅一道實教

道山堂

文一

大

化所由成非徒觚翰遊戲釣譽射聲者比矣今  
博忽動尊軀之興浩然以歸風雅之澤誌於碑碣  
然博學年尚英銳使其出而康國理政必能使舍  
毫吮墨立試於游刃治絲之間豈徒令其飄紳澹  
袂委頓衢巷已哉余將瞻高岡梧桐而重有所期  
矣

道山堂集

卷一

九

聖庵雜咏序

四明林殿與余庚辰同籍京邸一晤近到三山  
始得把臂言帶因出聖庵雜咏併碎筑集示余讀  
之見其詞義嚴正意氣亢壯洵千秋之信史風雅  
之餘篇也昔太史公以屈賈同傳然賈得君逢時  
未爲不過東坡以生不能用漢文爲恨靈均秋蘭  
鬱悵茹蕙掩涕所發憤者不過蔽賢嫉妬之人未  
若南宋謝臯羽鄭南諸君子傷陵谷之變遷念  
故國之飄零呼天搶地如漸離之擊筑如文姬之  
悲笳如秋風之掃葉如寒鳥之嚙林更如執紼  
婦燕釧旣拆鳳操無鳴香沈孤月之魂淚灑湘江  
之竹哀猿斷鴈凄然欲絕故其一吟一嘯皆足以  
繼西山之響而與麥秀之歌此屈賈之所未嘗閱  
歷者也剝之上九曰碩果不食蓋剝盡而能復生  
一陽在上則爲衆陰所載故觀其象有順時而易  
之義殿颺其今時之碩果乎細玩斯集其得於易  
渙矣雖然余與殿颺同謫曲江見其丰采颺發具  
有先憂後樂之志若使主持國是必非煦煦起起

道山堂集

卷一

三

如全軀保妻子之人以賊寇遺君父今乃角巾鹿  
裘隱於蓬蒿一倡三嘆以是爲樂當其長安看花  
分珪綵組豈意其至此哉惟是破淪爲笑吾輩常  
有文之係於綱常名節者不可得而漸滅余數言  
序之以當折柳云

道山堂集

五

董漢橋孤山踏月詩序

余庚辰京邸得晤董漢橋先生時先生以明經奏  
對大廷蒙不次之擢選授部曹及余補東粵令先  
生賦詩贈送情溢乎辭至辛巳先生以漳浦太夫  
子之案株累下獄議者疑爲黨錮復作諸君子獨  
謂主尙明聖斷無部黨逮捕遍戮名士之事讀西  
曹秋思倡和諸篇忠君愛國令人有餘思焉後果  
解網賜環先生之名益高然先生見天下鼎沸憂  
形於色抗疏請纓見阻蜀相及燕京不守先生早

道山堂集

五

溘然逝矣余與耕伯令長過蒲坂登太華傳聞先  
生平日博綜稽古業已包洞典籍刊摘沈秘且披  
誦先生所註杜詩衡論精當直抉蘊奧耕伯善讀  
父書惜乎歿於秣陵今其書不知散落何地人琴  
之感曷能釋然茲先生之孫惟直上人得先生孤  
山踏月詩一紙珍之篋笥余搜玩之餘恍猶目之  
如覲也夫人不可見而有可傳觀其殘篇斷簡得  
其一二而慨然想見其爲人况乎夙昔之所親炙  
者乎上人少年能詩有宗泐梵琦之風庶幾無忝

夢園詩刪序

余嘆乎天下之材而不能爲天下用何多也夫有天下之材而不得經營四隅縱志舒節使天下背風而馳所挾者博而所應者促非材之過也豕苓鷄壅因時爲主鴟目鶴脰隨分而施假非然也御天上升制於鱗鰓培風背負笑於蜩鳩雖橫禮樂而從金版可大有爲而不能不緩珮玦困蓬艾豈遇爲之耶李子山顏早歲登賢書迄今三十餘年彪蔚不得志可謂落落難遇矣人所橫廓六合翱翔入極之日卽山顏飄落一室嘯歌衡門之日而山顏不以爲病也論山顏之人不可不讀山顏之詩觀其間闢入閭麻屨重跡涉刺游舟振蕩山谷至於憂時愛國發爲吟咏不減北征陳陶諸什及其懷抱雌節與道爲交則哀而不傷怨而不怒中情好修而無違尊占貝妄萌希覬之想則尤靖節之餘韵矣山顏於學無所不窺於書無所不讀嘗衡論國史參駁可否古今疑案一言而定而夢園詩刪特其緒餘蓋其積之有本縱若委衣用若簪

巖而澶漫逶迤著之毫楮無所不極其致噫山頭  
豈終以不遇老哉庸詎知吾所謂不遇之非遇耶  
昔王仲淹在隋唐之間見仲長子光隱於河渚仲  
淹曰身逾退道愈進若人知之矣余偃蹇南北不  
能如汾水之曲足以自樂而山顏居然仲長子光  
之婉亞也余序山顏之詩知余兩人之相勉有非  
世俗之所能喻哉

道山堂集

文

五

上巳連寒食詩序

姑洗肇律桐芭始出飛絲薄林時鸚在樹和風習  
習喜淑氣之登晨華晷遲遲欣艷陽之寓目新葉  
弄小錢嫩綠浮珠錦蝶簇香界輕姿膩粉正金人  
捧劍之年仍鄭國招魂之日兼之匝地藏烟沿門  
挿柳縷鷄畫鴨曾傳吉醕之飭采艾握蘭復袂東  
流之水天氣方新誰是長安麗人火禁聿修舊聞司  
烜木鐸攀衣濯手羅浦淑之頰魚玉勒香泥唱竹  
枝之遊女落葉翻風洪流涵積燕語初零鶯波微

道山堂集

文

五

漾可無佳會酬茲幾節爰期同人寅緣北里步屨  
水濱藉草林蒼傲惠連之郊野携朋步山陰之少  
長咸集攬嘉藻於縉川灑香醪於清渚縝沙文之  
餘波信行光之容裔以敖以遊一觴一咏峰巒互  
錯杳藹春山稽阮相將淹留綺席因而遠道思芳  
草之遺芳洲記杜若之賄念切停雲緣慳振腕番  
州寄興魂迷陸賈之祠灼突飛泉霞繞茅焦之宅  
當此盥洗之辰祇有薰葭之望眷言曲水應在濯  
纓湖邊結想清漪或是荔枝洲上孫楚遊吳陵機

入雒遊子三春美人千里昔者金羈蹊蹊空目斷  
於長安池館葱龍悵離群於關外輕舸釣具憶羊  
欣之練裙野水新橋咏士龍之賓閣豈能方斯長  
吟比茲倦念者哉於是文牋展暇縷管摹芳吐靈  
運之清辭踵唐人之逸韻庶繡口盈絢期彷彿於  
花輿巧心如蘭永流傳於贊市云爾

道山堂集

文一

七

三山唱和詩序

聲音之微通乎政治風雅之辭宣之律呂東都開  
酺宴德秀作蒔于之歌刺史苦徵求次山發春陵  
之咏惟我荅翁季候玉符各班梁谿間氣紅藥翻  
階早拜紫薇之閣朱輪應宿偏垂晝日之簾雨潤  
梅溪檀山永留棠蔭熟流渤海蛋島盡息鯨波行  
陟東臺仙掖之司暫寄螺女鰲峯之跡遇境與思  
感物觸緒杼軸俱本性情氣格直追古昔煙縹雲  
樹攬之中懷風雨錫鳴傳之毫楮鸞鳴鳳嘯無非  
刻篆流丹玉振蘭搖皆是裁絢湛翠青鏤寶附拈  
來吹龍腦之香滿牒魚牋揮就灑芙蓉之粉遇野  
王於溪側縹緲柯亭操雲和於圓丘縈迴綠水燕  
公得江山之助修撰繼雅頌之體指日陪未央之  
巡幸給尚書之筆扎升諸西清東序之間編爲帝  
京龍池之什淮西紀碑聖德猷頌惟茲唱和之作  
應爲廣賜之徵已

道山堂集

文一

七

葉慕廬詩集序

余棲息林壑因於蓬艾荒山不徑罕接賓客自分  
埴井之蛙茫然無見楚黃慕廬葉公惠而枉駕念  
菰蘆散人猥承長者折節下交不遺管蒯竊以隨  
鷄鵩煽喜公之發吾覆也公前理劍溪嘗從棠蔭  
之下飫其膏雨素絲之操肺石之仁猶奕奕碑碣  
間近以需次卽署泝遊閩海晤接之頃出慕廬諸  
集及新詩一帙示余披而讀之矜爲帳中之秘蓋  
其思理函而節簇成如山水清音噌吰響答于巖

道山堂集

文一

三

巖遂谷之間又如解牛之技嚮然駘然自合桑林  
之舞又如師文鼓琴雖師曠清角鄒衍吹律將孰  
管而從其後也夫詩之正變不一而所就之工拙  
亦殊論者以詩本自然非雕繪刻畫所能就古者  
塗歌巷謠婦人女子皆可被之箎瑟似已倘抱質  
遺文無事淹洽則是虫豸蚓駭可比琴箏并服繩  
非妄稱黼黻得乎少陵博極羣書稱爲詩史其採  
摭用事卽老儒博士句鉤字索莫能究其津涯且  
其尊崇六朝謂李白之詩方之陰鏗庾鮑又曰頗

學陰何苦用心是知詩者天資學力未有不相須  
而成者也公乎尹劬達取諸性情而爲詩牢籠萬  
態波瀾雲詭沉酣于古人之詩而不依傍籛落能  
自爲古人之詩蓋非均堂泛芥徒工顰悅者所敢  
頡頏矣公指日勲名在日月之傍應給尚書筆札  
令作淮西之碑聖德之頌庶幾卷阿十章再賡于  
今也已

道山堂集

文一

三

翠巖集詩序

蔡子中旦志趣超邁讀書負奇氣恥爲幹材小儒  
字櫛句比稱絕帖括中常抽思寄懷工於爲詩顧  
謙遜自牧喜與長者遊每是正黃處庵謝青門諸  
前輩以余之老拙亦與疑義與析之列昔少陵壯  
遊篇之脫畧小時輩交結皆老蒼當時少陵剛腸  
嫉惡固已氣剛屈賈目短曹劉乃惓惓于老蒼不  
置是必有深意在也中旦經營慘澹選辭就班業  
勸凡人之病而入古人之室今人備耳剽目挾其  
一知半見自以爲足假使起子安伯玉於今日糊  
名易書不至于嫚罵不止其實爲精爲備爲工爲  
否茫然無辨何異斥鷃井蛙之見乎讀翠岩集鏗  
鏘應節居然風流蘊藉而余又取其虛心善下以  
爲作詩之準夫志約而業彌繁心損而名愈邵凡  
事皆然不但以詩矣

道山堂集

文一

三

井上述古序

朱晦翁曰讀書義理已融會胸中而不看史書致  
治亂理猶跛塘之水已漏而不決以溉田張南軒  
曰觀史工夫要當考其治亂興亡之所以然察其  
是非邪正至于幾微節目與夫疑似取舍之間尤  
當三復夫人而不讀史如處闇室蒙頭墜戶目瞠  
口噤珪石莫辨卽讀之而尋行數墨衆說互相詰  
難而能求其理以鏡其是非則似是而非者亦將  
眩惑中心而無以自主與面牆何異古人言看文

道山堂集

文一

三

字須如猛將用兵鏖戰一陣如酷吏治獄推切到  
底此尚論良法也處安博學嗜古自首不倦著玉  
井述古詩八十二則以示勸懲昭法戒至精且切  
余慨詩自三百篇以降大約緣情綺靡雖爛若縉  
繡淒若繁絃不過樂府之新聲梨園之法曲惟杜  
陵一出愛君悼時追躡騷雅居然詩史今處安以  
庾鮑之才宜遷固之旨博採古人叅以己意昔司  
馬光資治通鑑成宋神宗序之曰典型之總會冊  
牘之淵林今觀井上之詩何以異是凡人之著書

也非折衷于古人取信于來禩則美矣而不傳傳之而不久處安已逝而讀其咏歌諸什如聞其咳唾如見其衣冠信乎傳而可久已

道山堂集

文一

三

送伯騶叔之潮州序

余叔伯騶以撫軍啟事將赴選曹乃於菊月擔登嶺外遊尉陀之國意者明珠翠羽之奇畢象沉檀之美有所歆羨於中歟抑或於羅浮見山之高於珠江見水之深且豐湖之左有子瞻之堤焉錦石之下有陸大夫之蹟焉至於岡州崖門危巖斷嶼爲驚濤駭浪之區則又古駢躋地也今昔之感諒必有觸於中而爲是遊者詢其所以則曰將有事於潮州潮之太守林公係其故人將過而訪焉吾

道山堂集

文一

三

聞潮州之爲政也元公之謚著於河東吳資之諺遍於巴郡不是過也入其地而觀其俗其已除舊而布新去澆而從厚可知也潮與漳接壤潮安則漳安漳安而八閩始安今者吾閩斥堠無警鈴柝不鳴未可謂太守保郭之力止於一潮而於閩無與也以故人之分符侯甸能使庶物蕃殖嘉譽風馳行將誌其德教觀其顏色以爲光寵豈與夫侯人屬吏同僮僕於彤幃鏡吹之下哉昔昌黎爲潮州刺史上表云過海口下惡水濤瀾壯猛難計程

翔颺風鰐魚禍患不測唐時百粵雖隸職方而  
官其地者率以逃遼遼為嫌今也文物繁麗與  
中土無異夫太守有昌黎之才而無憂皇驚悸之  
苦得以從容燕衍而盡其所長宜叔之樂與太守  
遊也雖然今之言遊者亦約畧可見矣當其蕭條  
閨處青苔黃非鷄鳴風雨之時及居堂皇之  
上而事與心違或投刺而躊躇或造膝而次且欲  
求此賡彼和無論情不可必而勢將有所不能及  
今吾叔與太守以文章相信而以行誼交勉是必

道山堂集

文一

三

相從雲霧高縱乘樽抗禮於東野倒屣于仲宣雖  
以旌麾赫奕書策稠濁之日而鍼芥之投知其必  
有合也余讀少陵之贈蕭二十使君曰監河受貸  
粟一起轍中斯裴施州曰苦寒贈我青羔裘  
以少陵之風調可空一世尚不忘鏤骨酸辛銀鈎  
錦袖之感今吾叔之行也其不悠悠於方寸豈減  
於少陵者乎吾知太守將解樹之不服也於是詣  
公賦詩以贈其行而余為之序

莆陽黃君碩如蘭亭篆草叙

昔秦同書文丞相李斯作蒼頡篇蔡邕云龜文刻  
列櫛比龍鱗李陽冰云某意在古篆于天地山川  
得方圓流峙之象斯知龍文鳥跡敷折毫茫未可  
以易言也然秦廢古文更用八體四曰摹印謂施  
于印璽而鐵工遂流行于世莆陽黃碩子所  
著篆草一帙皆其汲古而為之而神明變化不拘  
于古蓋古人之為此一事也非苟而已為之而必  
極其精鈎之而極其深孔子曰用志不分乃疑于  
神碩子有刀鐸養生之術而兼運斤成風之妙得  
於心而應於手碩子亦不知其所以然也然碩子  
生閭閻之後年方大壯神思迸發風度儼爽已自  
異于恒流雖此見長而雅人深致可披讀而  
得之矣

道山堂集

文一

三

沙子羽江外遊草序

今夫鸞鶴學飛決起榆枋高不過丈尺不至則控於地由其淺見渺聞不知世界之大若乃處於閨室伏於席門葦簷之下至於通邑大都闔隍障隧曲臺藻殿之美文樓華梁之飾茫茫乎其無所覩也況於碧海扶桑外吸四溟之奇氣窮靈胥之異態者千余友沙子羽少年醞藉有太史遊名山大川之志遂僦舟車之粵之浙更入於南山象郡文身跣足之鄉覽百川之勝極滌洗之思其所以

道山堂集卷二

三

助益神智弘長學問遂浩然其有得也以故所歷風景塗次懷人輒觸發之於詩夫必有子羽之詩而後方可爲子羽之詩匏巴之鼓不在於繁絲崑丘之鳴匪溷於子羽意致濺遠在孤竹雲和之間誠足與風雅之林者也子羽精制舉業爲諸生祭酒異日擢上第遊京國入對承明卽以江外篇爲左券可矣

嘯雲上人詩集序

洪覺範曰百川不竭爲道日益水落石出爲道日損天下損者可益益者可損必執何者爲益何者爲損不幾眼中著屑乎默照邪神如沙不能和羹影不能赴節泥牛枯椿祇是虛僞作態卽使轟然寫金石入絲竹之行善巧如許綴旒通身敗闕未法蘭靜無一是處唯其洞徹總持包括精峭剗除諸法蕭然無動乃至逐照而流隨用而往以梵師而爲佳士以僧伽而爲才人以金粟珠藏而爲寬

道山堂集卷二

三

裳羽衣之曲同是猷若敷演在世諦中放光動地也嘯雲禪師利根上智具超宗之器少年精進而以餘力觸發於詩觀其揮灑自如見境而非撫實悟理而非掠取非詩也無非神也昔貫休苦節峻行有西嶽詩集中峰博洽經史作文未嘗構思文字之緣尊宿所不能免今以嘯雲之詩當獅子之音可乎游戲自在余有以觀其所至矣

鼓山爲霖和尚五十壽序

嘗讀法華如來壽量品知世尊成佛以來甚大久遠壽命無量阿僧祇劫常住不滅辟諸世界抹爲微塵一塵一劫猶不能盡況甲子耶不退菩薩不能思惟較計知其限量况凡小耶然其大旨則開近跡顯遠本令有常住之心則有常住之身常住之妙心不滅則常土之真身常存非世之頌禱所得而似爾大禪師霽公和尚夙植德本乘願再來繼席鼓山播揚宗教接青洞之傳演壽昌之派

道山堂集

文一

三九

飛聖箭而鐵破三關據劣則而峰高羣岫發大機顯大用觀其折旋俯仰動靜語默無非金剛寶劍觀面全提真能於無念中作佛無祖中作祖也邇來諸方知識如不開口便喝入門便棒然不過打野樵弄虛頭指東劃西千說萬說却與盲脩瞎鍊相將而入火坑何異甚者售塵拂爲納路謀出世若壘斷宗門種草剗地盡矣若師者秉金剛心爲末法主卓然獨立挽回頽風直令見者獲益聞者起信豈非末法之津梁當時之藥石哉頌而

導之諸祖當其易逆而挽之師適當其難蓋師度人之志方殷而揀世之心獨苦善哉永老人之言曰一髮欲存千聖脉此心能有幾人知是師之心卽永老人之心卽千聖相傳之心然則佛祖之慧命其係於師一人者至弘且重也師不假戈戟不設藩籬而卷舒隨時權實任用以無上義闡明直指以唯心淨土勸人念佛使知禪淨二者隨其性之所近無不殊途同歸至於脩天台之懺法而事不廢舉百丈之清規而令必行莊嚴殿宇納四衆

道山堂集

文一

四

於菩提之場放舍生靈致羣生於仁壽之域昔永明壽禪師秉單傳之統而圓會教乘篤脩萬行師實有之茲以復月二日值師誕辰諸縉紳先生命余一言以當申祝然余之從學於師也無張拙河沙之句殊屈志於石霜乏會會勘婆之機竟逡巡於雪竇余言何足重師也惟師春秋方富法乳滂流佩心印而登祖位卽爲如來常住之心入幻界而示幻相卽爲如來常住之身種種說法教化衆生作末法大光明幢卽爲如來之甚大久遠常住

而不滅也余因誦法華壽量品以爲師祝云

道山堂集

文

聖

萱草堂詩序

夫人身罹薄祐丁陽九之會而能燕衍鼓歌不失  
風人之致斯其如川之源如山之富所稱哀哇動  
埃塵急觸盪幽默庶幾近之矣張子瞻吾鄉奇士  
也與予交最密其嘉言懿行爲人所欽仰者俱不  
贅亡何賁志而逝予心甚憾近又與其惟壑遊出  
所藏遺稿讀之一唱三歎如見吾子瞻焉昔白樂  
天經柴桑過栗里思其人訪其宅嘗曰只見籬下  
菊但餘墟中煙每逢姓陶人使我心依然夫村落  
山川動人寤歎留連不能已况乎門第宛然風流  
猶在者哉書此感愴如讀五柳傳而目想心摹何  
以異斯

道山堂集

文

聖

道山堂集卷二

閩中陳 軾著

宗栢  
男宗咸 仝輯  
于侯

年姪

林 茵

年家姻晚生黃鶯來

仝校

黃檗清和尚語錄序

曹溪語南嶽云西天般若多羅識汝足下一馬  
駒自後什加唱法龔公知識齋集焉山云百丈得  
大機黃檗得大用然百丈謂黃檗知過於師方堪

道山堂集

文二

一

傳授且云山下大蟲老漢親遭一口當時父子之  
相信確知其直下承當所以放憨賣笑險譚瀾翻  
皆真實義之所敷演非以法門眼目同諸戲論也  
蓋洪州建樹利竿代有尊宿近者法幢且及於也  
車指舫日出扶桑之國皆聞梵鼓黃檗一宗在今  
日爲尤盛而吾鄉祖庭則有清斯大和尚出世其  
間師心地光明慧珠圓映早已蹴踏須彌吸吞溟  
海及其擔荷大法則照用兼收賓主歷然絡絡索  
索辨才無碍捧喝交馳雷轟雲湧惟其廣攝信解

之門提覺筏而渡迷津以施藥味而草木皆香以

昔者南有遁遠北有弘肇嗣是清涼永明輩多於

世諦文字而得三昧近如紫栢憨山能於常寂光

中奏五英大招之樂讀師之文將駕古德而上之

矣雖然末法日敝魔外亂行鷄過新羅尚誇好手

擊塗毒而大地俱動者也今讀捷鏑告衆以及詩

偈芒砀進奔咳唾盡出箭鋒鞭影撈籠接引卽其

一言片語有擒有縱無非爲衆生解粘釋縛豈非

諸佛祖之所護念而能河傾漢注如是之不竭哉

道山堂集

文二

二

更有一種孤皞偷心未盡便欲支撐法界如刻人  
糞作旃檀形非得師全提正令痛下針砭而附疣  
增瘤何時割斷請以是集告之諸方庶知黃檗大  
用全不作山澤癩鬼家活計其有魔寐側出睹杲  
日而不歛跡者未之聞也

西隱寺請黃檗鼓山長慶法語序

恒沙世界盡寶王刹箇箇方足圓頂運用堂堂  
是敗壞的赤肉團俱作無位真人不淨的蟻螂無  
非紫磨金色只因水牯牛未獲獼猴不死把陽燄  
空拳當作真實視這大事因緣爲五濁惡世最奇  
怪事饒他吒吒吵吵粧神弄鬼都無着脚處就是  
遇明眼人要與他抽釘拔楔解粘釋縛却也喚不  
回頭誰作良馬見鞭影而行因此種草剷除無限  
風光當面錯過忽爾臘月三十到日作甚折合古

道山堂集 文二

三

德云如落湯螃蟹相似豈不信然今西隱寺主廣  
植善根大作佛事諸善友信心堅固不昧因果十  
載以來共歛淨財收骸放生今冬大懺更設香飯  
供佛及僧又以人天小乘如箭射虚空要作無住  
相布施特請黃檗鼓山長慶三大老舉揚宗乘咸  
願自認迷頭同歸寶所三大老有權有用能殺能  
活皆是本色盤珠機輪走遍毫無滲漏又如海天  
秋月到處圓明又如霹靂一聲直破腦門山河大  
地一齊迸裂又如虛空中翻箇筋斗令露柱燈籠

點頭微笑假使威音那畔父母未生以前尚覓不  
得三大老蹤跡處諸善友嚮他并露請於火光中  
作舞一週則知三大老放光動地向無事甲裏覓  
他不得向有事甲裏覓他不得若要窮他蹤跡尋  
箇着落所在倒不如劈開佛面打碎觸體置鍋設  
竈炮煮牛馬入泥入水撈漉魚蝦也省得許多思  
量卜度小子造這法語饑餐飽眠便作法讀便不  
作法讀不覺呵呵大笑曰三大老老婆心大切者  
段葛藤何時了也

道山堂集 文二

四

不染禪師詩集序

儒者之說詩也以四始六義爲詩之宗如商之起予賜之知來皆是悟入處佛教則諸佛菩薩梵貝讚誦皆有唱偈而古德圓通遊戲多有吟咏之什然其言則救度繫縛發明指要非若熏習於文字攀緣於名句至於國風之淫靡小雅之怨誹皆空界所不設也如曰晝律較韻爲法王所禁將必掉頭卷舌障礙於寥廓枯槁之鄉儼伺顛預如鈍鐵相似不幾塞斷咽喉反致墜坑落塹乎鼓山不染

道山堂集

文二

五

禪師誠辯才之尤者也余參叩累日見其戒力堅定內外瑩徹洵爲大乘種草因出霜葉吟一葦集示余余披而讀之無非詩也即無非禪也盖有心有境而後有詩使執何者爲心何者爲境心與境分便如虛空釘橛惟心與境如一機一見皆無邊際法如燈取影如手指月兔起鶻逝無有踪跡遂至獅音振播非野干所得而擬昔雪山甄陶女歌聲柔軟五百仙人皆心逸不自持何嘗作世諦語言觀也余讀支遁八關之詩野室掘藥俱身外之

句劉魯得送慧則法師云禪客學禪兼學文出心初似無心雲禪不爲詩病詩何嘗爲禪病哉不染師上根學道能以詩句作佛事信筆點綴不落見聞知解吾取其心境之一如以爲詩中之禪若以攢花簇錦纏綿惻愴與於風雅之林尤不染之所不屑也

道山堂集

文二

六

白生上人大休堂詩序

昔襄州慈照禪師僧問深山巖崖中佛法師曰奇怪石頭形似虎火燒松樹勢如龍明州雪竇禪師嘗曰太湖三萬六千頃月在波心說向誰蓋由古德勘破機緣劈空窠臼觸境生心非心非境真體無滯應用無窮丫角白頭林木花開皆有寶劍當風之妙若從語言紙墨上尋討早已差錯了也白生禪師潛心學道歷有年所近遜踪削跡駐錫蔚山高踞曲盤床吟咏不輟遂有大休堂山居詩一

道山堂集 卷二

十

百七韻示余余聞澧州嘗言學人觸身有滯蓋爲因他數量作解所以聽不聞聲見不超色讀師諸咏無非聲也不見其聲無非色也不見其色殆遠追寒山叶契石屋者與慨自魔外橫行聲響交煽榮名養利恬不知恥非不升堂說法雷誦雲轟然橫說豎說不過蚍蜉撼樹而已孰如師兀守林莽清淨本然適得寂照虛空之義請以是詩爲箭鋒鞭影可也

林草臣立三合刻和閑怨詩序

慨自殷雷懷歸伯埒執爰雉飛下上瞻望日月鷄棲日夕憂思饑渴闢幽隱極於風詩追綠草被堦陳思發攬衣之感清風動帷茂先寄柑枕之傷王融朝鏡春衣擬辭於古意太白巫山淩水做體於楚騷自此輾轅井上翡翠帷前工白紵之詞訴長門之怨莫不纏綿斐亶窮態盡變豈非摘梅覓燕細貼其柔情迴月吟蟲備形諸篇什者哉近傳閑怨七言近體限以名數十八字林草臣妹丈偕

道山堂集 卷二

八

林立三廣文各和前韻夫限數勻適則無牽合之病押韻渾成庶免字貧之謂二子含宮吐商投袂赴節漾影波瀾諧聲金石信乎文人無所不有也更草臣和燕諸什音節瀏亮深得咏物之體昔盧諶賦曰來如隼擊去若鳬泄亦如是之雅情深致矣

錦簫合集序

摩金擊石和平節八卦之風奏鼓機金清越脩九  
成之雅鈞天既杳煩手隨興龍門餘響繞梁聲始  
韓娥伊雉閒遊擬鳳吹鳴子晉以至雪袖迴腰梨  
園按部後庭玉樹清風披結綺之樓霓裳羽衣明  
月入宜春之院香綽之畫耳堪聽龜年之造律無  
悞轉喉較勝於車子聞樂致嘆於何散皆足揚絲  
竹之波而吐宮徵之序吾鄉大江之濱方山之下  
青翠翠嶸突來一派春聲古渡橫橋吹散半川朱

道山堂集

文二

九

黛美張緒之當年喜潘令之正少同洗馬之風流  
比沈郎之消瘦柔蝶曼絲碧桃磯面乍習吳歛輕  
拈顧曲細腰曼聯隨白紵以傳情迴疑飄彩赴危  
絃而弄影瑤天清嘯長笛應落誰家空谷噴泉遊  
魚悉皆出聽于是孤村永夜時唱伊州銀燭青樽  
頻歌金縷遂有騷人觸緒勝友抽毫倣作洛神之  
賦競傳火鳳之詞讀歌雪之聯翻亮文星之萃集  
僕自蠅朽質喜傍名花覩茲懽娛之地何必少壯  
之時聊弁簡端以供勝賞云爾

方烈女詩序

夫人象天地之粹膚含岳瀆之靈淑莫不欲躬際  
平遠風扇休和同萬物之宣暢就晨夕以燕娛無  
如康衢罕值險塗難御遲蹇而道乃伸時危而節  
始見所以仇牧碎首王燭縊樹弘演納肝龔勝推  
印首陽採薇之句文山正氣之歌名燦簡編無不  
爭壯其忠志切艱難未始不憫其遇況乎綽約柔  
情綃薄質朝霞夜月之間殘香剩粉之下升冕  
不加其身詩書罕進其側而能蹈成仁取義之智

道山堂集

文三

十

無垂鬟低黛之容彼翰藻如流聞之卻步而鬚眉  
如戟見之心顫矣吾郡福唐方正宋許同里張可  
育初從繫纆尚遲合奄有適報殤女不求活恐死  
三年捐軀一旦由鍾心而結憤嘉好難辨甘殞身  
而不辭浮塵若寄交頸觸相思之樹每致恨於韓  
憑孤丘與葛藟之悲輒見稱於高允於是纓綽之  
徒紳佩之士共披蘭蘭之箋齊投錦心之口竊比  
風詩以光彤史庶幾英氣上千雲霓義聲永鏤金  
石云

林氏族譜序

禮曰因睦以合族人之有宗猶衣服之冠冕木木之本源不可廢也昔晉謝混與族子靈運瞻晦烏衣宴飲風流獎勸千古榮之然陶淵明遇長沙公於潯陽乃云昭穆既遠已爲路人不勝同源分流之悲何遜贈秣陵兄弟則有所思不見遜若胡秦之嘆豈非合者之易離親者之漸疎乎族之有譜所以紀根系庇枝葉實爲友順之資非是而闕畧不舉棄德曠宗莫此爲甚三山林氏夙稱右族自

道山堂集

文一

十

宋文節公在孝宗朝官至朝列大夫時龍大淵會覲以潛邸恩倖怙寵擅權文節與劉翥以名儒薦對論及二人改知永福縣後以大臣推舉召還館職適張說攀緣親屬擢拜樞府命下文節獨不在賀吏部謝廓然以會覲薦除殿中侍御史命從中出文節付還詞頭其介特不阿之性固已燭然于君子小人之辨至于參究理學得程氏之傳朱考亭稱爲談道極其精微夫正人君子名節高于天下者其福澤必綿亘于子孫堂構之勤豐芑之貽

不亦披圖而慨然懷其盛美與前者邑宰用禮公既有舊譜今文學亮臣復取而增修之其在福爲一派泉爲一派統緒繼承井然不紊令覽者興尊祖敬宗之思焉林氏昆裔繁衍人材輩出簪笏甘棠取孫謀而光大之其推廓於茲譜也可計日俟矣

道山堂集

文二

主

劉氏理學八賢傳序

道學之名天下萬世之所共仰也而禁道學之名天下萬世之所共詆也宋陳公輔首禁伊川之學初意不過忌尹焞之進用遂創爲高視濶步之說而不知貽羞青史永爲名教戮人其後奸檜初從游酢之學及宗程氏者多黜和議遂反噬以圖快意至於侂冑柄國慶元諸奸復鼓誅議比大儒於優人指喫菜爲妖術籍記黨人共一百六人當時論者是孔孟而非程朱其實狐嘯犬吠彼不知孔

道山堂集

卷三

孟烏知程朱哉閩中由楊龜山載道而南諸賢輩出庶幾海濱鄒魯而吾鄉劉氏最盛自光祿公聞道學之傳接踵而起者其有入賢或以正學啓沃或以謹論敷陳或澤及於民生或志忘於仕進父子祖孫兄弟自爲師友皆程朱之嫡派而斯道藉以不墜也昔人羨劉氏之盛以壁櫝金花牀堆袍笏揄揚而盛美之然觀諸賢之學問淵源豈徒競功名誇罵奕哉大抵宋之道學抑於權相而諸君子篤信之淡不以富貴利達爲念故於仁義忠孝

之實人欲天理之辨卓然有以自信是抑之而愈章者也今劉梅心牧守撫其諸祖行實編爲一帙庶幾先刑具在不特使後裔動法古繩先之思而一邦之人愈切高山景行之慕矣余特援筆而爲之序

道山堂集

卷三

壽唐君知八十序

毘陵唐君知嘗謂余曰吾閱年已久四方之人挾  
轂而至者未嘗不與之遊而生平相信惟澹歸與  
爾而已雖然澹歸世出世間受佛付囑燃法燈於  
嶺南機緣相待在山河世界之外其懽喜讚歎也  
固宜如余者窮厄偃蹇樸魯無文君知乃與之而  
結深交何也吾知之矣人情之相值各以類召使  
其情或不同則必短我而慕我矣君知廓然高邁  
世莫爲侶局趣俛首而無獵纓舉袂振臂作力之

道山堂集

文一

十五

態與余之黯黯困餒頽然自放者相爲近似宜其  
情之無不投而言之無不中也唐爲毘陵右族改  
步後家多隱者而君知其倡也蓋其平日常慕王  
鼎翁謝臯羽之爲人今積之數十年而其志不改  
則其爲鼎翁臯羽不信然歟夫天地陰陽之氣紛  
葩壞麗其在明堂清廟則紀之鼎彝垂之琖琬時  
而金銷石泐草爛木腐則有一種派清之致在乎  
殘山剩水之間不與世代爲存亡古之所謂遺民  
宿老是也如我知知殆其人耶君知有子君嘗嚴

菽飲水承慳無替大者父能仗節而不恒怯渙  
以敗一時之節父不求名而不荒亂攀附以徇天  
下之名若營之孝得于天性而濟以深識非第致  
愛致慈所能盡其義君知之義方可不謂廣焉余  
別君知參辰阻隔未知合并何時而君知適當礪  
溪待訪之年余以數言寄祝知余惓惓之情非鐘  
鼓酒醴之所能喻云

道山堂集

文二

六

壽林總戎序

今夫人之有才而不適於用也非不適於用由於無意於用之而因以自匿也夫使裾佩襜褕襲委垂而令其韞鍔介冑機駭蚤軼則固不能然而有排捷陷陷之才而不得其排捷陷陷之用乃使之草衣芟裳伏於簷戶與漏之下則無以遂其志之所樂而極其心之所欲得然而至於自匿者聽鉦鼓而不顧見吹號而若避與夫平日擊槊試劍與目語難絕不相類何其苟媮歲月而無馳騁中

道山堂集

文一

七

原之思乎亦其意固有在而非戰爭格鬪之士所能識也若林將軍所謂官之而不屈淹之而不就者也余于將軍居南客之列在者損棄田間嘗過其村見其丘原繡錯桑柘稠密江流遶迴雲濤鬱起而延首巖谷則有方山南向聳峙五虎諸峯鈎爪踞牙詩曰奮厥虎臣瞰如虢虎疑有俊傑出乎其間而將軍以榻笏世裔挺生茲地前者推轂而出早以頗收自況今則懸重束馬鞅鞅之服置而不用霸陵醉尉不知有將軍者三十年於茲矣將

軍恬然自得惟經萊晦趨刈穫與田夫野老量雨較晴時而鼓笛養神秘香饗客行歌林莽其樂陶陶雖饒管樓船百校羅列莫有踰於此也甚矣將軍之善於自匿也近者寅卯之歲物色屢及而卒以得脫豈非自匿之效與吾慨世之眇識者役於其名而不察成敗可否之數則烜赫之勢適為蕞憂增戚之具而無當于可用之實如將軍者策之熟矣雖然將軍之不用非其終于不用也余于將軍之覽揆也以一言為祝昔馬文淵年六十餘據鞍矍鑠以擊武溪自効趙翁孫年七十餘馳至金城圍上方畧將軍得無意乎請為引滿相勸以鼓餘勇將軍以為然否

道山堂集

文一

十八

羅尚之壽序

天下光明俊偉之才皆受成於天者也天與之乘隙立庸使天下無蠹瘥昏墊之患烏獸蟲蛾咸得其所如古之風后力牧位至將相是也次則不圭組而榮不旂旆而貴不鍤爨勤鼎而尊乃使之盤跚於近島洲渚之側曠逸於青松翠蔓之下而一時之犁老童孺莫不歌咏其德其在一鄉一邑與其在天下無以異也沙邑羅君尚之余心儀之久矣君器識淵宏材略浩博其果教奮揚之槩見者

道山堂集

卷

辟易每歎世人嗶呼遂巡翦翦拘拘往往視笑柔聲約束委頓於衢巷之間所持不過甕盎盆缶之細而不適於用前者推轂而出早以頗牧自况然以君之才自謂尊俎函丈制勝千里當取封侯如寄耳乃一旦懸車束馬釋韎韐而不用聽鉦鼓而不顧與夫平日擊梨試劍噴目語難絕不相類何其苟媮歲月而無馳驅中原之思霸陵醉尉豈復知有舊將軍乎亦其意固有在而非踴躍張投石超距之士所能識也君謝戎幕歸田里適其村

落丘墟阡陌榛蕪君招集流亡勸課農桑浚溝渠

治墮壓給牛種脩鑿鍾歸之者如流水昔開皇勅河西百姓立堡營田積穀國以富強君繼不獲上克國金城之畧獻重華振武之策然一人躬耕負耒衆咸效之則經濟大業何不在夏耨秋刈中也君農隙之餘訓習武備井伍聯絡居然并衛會山寇竊發剽掠縣治君遣百十人馳援之潢池之衆倏爾潰散城內外安堵如故君之干城禦侮豈必在乘高伐鼓築壇而拜哉然其見聞里閭者其效

道山堂集

卷

章章如此蓋君捧檄而辭戢翼而退素甘蠶以娛老母不俟循陔而望雲也且也藥欄花畦種種間適紛紅駭綠香氣蒼勃抗月檻於清瀾臨風榭於林莽而濠梁之遊習池之興趣復不減時而鼓笛賽神飴香饗客羔羊朋酒其樂陶陶雖饒管笳吹百校羅列莫有踰於此矣更置學官以勸子弟捐金錢以贍貧乏里有勃谿諍語驚相告曰無令君知世方期君以大用而君乃自比於河上之丈人蘇門之高士非賢者而能如是乎春王某日仰公

花甲之周諸親串侑爵歌詩以祈純嘏余從九仙  
烏石湖太史之溪流瞻瀝峰之勝氣謹掇數言以  
當祝釐焉

道山堂集

卷三

七

壽何君九十序

菊月十有七日爲何君懸弧之辰蓋再歲而毫期  
至矣里閭中所稱鮐背兒齒如何君者不數見也  
鮐背兒齒而其身康疆若少壯之年如何君者亦  
不數見也余謂人之有大年者上之極洪流而陟  
崇丘經二儀而跨六合鴻功顯號垂於無窮如古  
之宿德元老天下倚爲安危次則有德於鄉而瞭  
然於一方之利病恤苗穰患赴之如飴一人先而  
衆稟其成一言出而人被其澤未可謂側陋之下

道山堂集

卷三

七

無所補益於時也昔恩公年九十能移朔東雍南  
之山唐且年九十餘尙能西說秦王令出兵以救  
魏假使思不能窮幽贖明不能燭久遠鈎繩曲中  
無與於輪桶之數雖以英劭之年而不適於用惟  
其大智閒閒謀慮卓越則追車赴馬何如設精神  
而夾嫌疑之爲有當乎今觀年高而適用莫如何  
君何君儻多材饒於幹濟當其早歲林楚石曹  
能始二先生常器重之及讀書未遇自謂挾兔園  
之冊濡首嘔心無所見長遂躡屐遠游甲季子之

高風過漸離之故里慨然有愷乎其人既而習積  
著理鹽萊以爲海王之令非法蔑以無法則如無  
柁之舟必至於浸淫潰決而莫之禁何君指畫其  
中多所可否不碌碌因人成事諸如叩關蠲課及  
免歷年積逋更條陳陸運請復竈戶賈人咸獲其  
利日者客兵佔住民居何君扶杖率衆力籲當事  
呼號之聲見者動容數里之人得寧幹止與有勞  
焉何君之勇於任事如此豈與夫軟顏皓鬢之流  
徒爾早迴日薄如蒲柳之望秋而以舍飴弄孫銷

道山堂集

卷二

三

磨其歲月哉雖然何君少壯以來五十餘年目不  
覩旌旗之色耳不聞枹鼓之聲不知有挾矛游徼  
之騎從而過其處也不知有五陵六郡之雄從而  
戍其地也其時筦絃比戶廬井晏然今也金魚玉  
佩非復昔時之人矣鼓鐘絲肉非復昔時之音矣  
緘縻局鑰盡爲魚爛土崩者比比矣高臺凋榭化  
爲牛溲馬渤者比比矣何君於此日閱歷既深而  
其悲歌益壯每與余商榷往古談及豐鎬遺亭一  
一記憶不差銖黍夫古者徵人考獻必訪求於遺

老以何君之見聞精確倘有元王之往誌元先  
代之舊文豈非佐良吏採撫所不逮哉何君如鑠  
猶昔余獨以年高而適用者期之夫亦年以人重  
云爾敬書之以爲祝

道山堂集

卷二

三

趙聖遊序

余襟友趙君聖遊生長華胄恂恂若孺子無日器  
隙突綺靡倨侮之習早歲爲諸生窮日夜獎歲紀  
以勤苦力學爲事及數踏省門不第退隱村落清  
湍脩竹解頰寓目咭咭吁吁與古爲徒丘陵林麓  
之下愉樂極矣晚年更渡錢塘過楊子登克鎮而  
望魯國陟太行而訪姑射近復揭舲肝水鄆陽之  
地其所得於山川者興會不淺也聖遊工於詩所  
著有西遊集歷覽寄託深得風人之致蓋聖遊大

道山堂集

卷

五

王父晉公以名進士御主詞壇時與太倉諸公  
相頡頏而吳明卿先生爲之師王父抒赤公父子  
厚公皆以詩名晉峰之有聖遊亦猶膳部之有少  
陵也少陵之詩自陷賊至行在中更郵秦梓閬雲  
安變巫艱難百折大約亂離居多今聖遊所歷之  
境無異於少陵宜乎詩之屢進而未已也余游宦  
時聖遊衣服車馬甚都所居厚棟大梁燹庭高門  
與余同余兩人皆以不善治生艱饑靡藥詭詭仲  
仲常有窶人之歎然迴思數年以來升沉進塞

不一其轍見夫儲得委積  
足名倂而取災何如余兩人鶉居  
患與聖遊覽揆適其脩禊之日余以數言爲侑知  
余非祝釐之虛詞也

道山堂集

卷

五

大學孫君壽序

吾郡孫氏遷自中牟名家世胄金玉應繼之京  
晉江右瑯琊之有王太康之有謝也蓋孫氏自甲  
科射策起家茂宰外則赤幢曲蓋弼教作人內則  
右省左掖正言司諫珪重組翼烏奕於時而其子  
第通明儔爽胚胎前烈譜青箱之業而耽絲竹之  
音不啻烏衣故里豈非地闊品望有以使之然與  
若君則尤其杰出者矣君奇偉魁岸頎然玉立早  
歲濡首仙翰蜚譽膠庠韜芒穎砥圭角歷有年所

道山堂集

卷二

而朝章國故與夫成敗治忽平日承辟咎之訓漸  
漬於諸父之所講求者已詳且熟雖遇合之數尚  
有所待然臨位從政即可信之於挾冊鼓篋之日  
蓋其辨敏肅給素所蓄積然也彼夫鸞鳩之奮飛  
突至榆枋之上不過丈尺之高而培風負天其勢  
固已不同君之學擅曼腴衍適於世用其培風之  
勢而垂天之翼耶吾觀輕材小生徂常習陋執其  
鬼園故紙以求勝於世與之談天下之務則屈折  
齟齬而不能達其視大學曰大遠矣君咕嗶之服

道山堂集

卷二

聞以餘力旁及鹽筴歛散出入皆有條理上依之  
以爲政下守之以爲法不徒以射贏牟息爲能夫  
潤下作鹹著於箕範而管氏伐芻薪計鍾釜以富  
強東海未可謂之末計君留心經濟助益邦賦使  
其掌太府之貨賄受司會之考成平準天下亦猶  
是焉君脩之於家即可治之於國異時廟堂之上  
端拜而議不能傲之所不知而輕之所未試知其  
經籍史歌辛伊邇其爲嘉賓式燕也如質劑而取  
之矣况父子踵武而興孫氏餘烈依依如昨也小  
春某日適君皇覽之辰余則叙其家世之顯翼與  
君之可大用於時者以申祝嘏之義益信舊門長  
德風流彌邵傳曰公侯子孫必復其始以余言微  
之

祥平山八十壽序

康熙甲子歲菊月四日余同年平山姻翁林公恒  
渭水載車之年公歌鹿鳴爲天啓甲子至是一周  
里人榮之先是余家大司空亦以嘉靖甲子賢書  
復逢歌鹿之期然司空時遇休明官列上卿元僚  
碩德恩禮始終而公以甲科異等奏對平臺剔歷  
未久板蕩見告家鄉烽火笳鼓未息當飄風卷簾  
之辰而能蟬脫乎塵壘願養其性情視世態之苑  
植物候之賾涼不以動其心是司空爲其易而公

道山堂集

卷九

爲其難也人之出處隱顯雖所就各殊惟敦龐純  
固全乎天之所受而食報因之夫靈木立於千仞  
條暢碩蕃蒲柳之質不得而益者以其根抵厚而  
傲然獨存也公德性和易不爲峭險谿刻之習而  
能毅然自斷不爲世俗之所惑明季士大夫競立  
門戶倡爲東林復社之說公所宦游興越之間正  
援引聲氣之地公以爲甘陵之部元祐之碑非盛  
世所宜有也屹然中立無所攀附使公而柄用必  
能消水火之戢杜朋黨之禍何至恩牛怨李之

歟未已哉公權關武林惠商恤民勞績最著時有

織造中使橫恃威福挾制有司公獨抗不爲禮祕  
其誼咏入告幾罹不測公處之泊如事究得白姑  
藉財賦之鄉目爲瀕地公不以爲意先旋里門性  
之恬讓人所莫及以公素絲之操嚙齧之德不吐  
不茹足以矢卷阿而揚王休無何鍾簴忽改公不  
應辟召逕跡丘園不異潯陽廬阜之間其爲遠東  
之管寧與陳留之范滂與翹翹車乘畏我友朋公  
計之決矣時或導情宣鬱抒之詩文盈縮溢帙滄

道山堂集

卷九

泓潢濠古人窮愁著書良有以也公配翁恭人白  
首齊眉尤稱盛事而舞綵於階前者左圖右史濟  
濟成列且四世矣公之福澤尙未有艾而余畧叙  
本末以當祝釐未敢溢一辭也

黃處菴工部七十序

吾友黃處菴以今年小春十一日爲七袞覽揆之辰諸親友以祝釐之辭屬余余不敢辭余時昔與處菴同朝在中原荆棘之時處菴振纓奮袖發憤上書似少陵天寶末獻三禮賦以文章遇主知更念國家數十年水火之變在於柄用者重門戶不念君父報私仇不思國恤以致神州陸沈海宇糜爛不可復問及召對文華痛切盡言天子爲之改容泊晉西掖掌絲綸旋擢冬曹主事員外郎當時

道山堂集

三

以英壯之年質有文武倘若設壇具禮使之磨盾草檄叫諸夏而號八荒豈不足回天運於將旦祖士稚之中流擊楫虞彬甫之采石部分本書生事也惟是長材短馭未得竟行其志迨至邦國殄瘁麥秀興歌處菴毀車束馬匿曜殺景如漆園逍遙濮水之上夏侯湛贊莊生曰垂釣一壑取戒儆牛望風寄心托志清流處菴之謂與處菴忘情圭組益肆力於文章凡夫金版玉匱理紈怪牒莫不窮其要渺故捫札含毫鬱雲霞之情而備雅頌之體

道山堂集

三

其文出經入史在龍門扶風之間詩則五言古本於漢魏七言古近體本於盛唐淳潔含蓄灑而有則蓋確知詩之源流利病而不爲輪材諷說之所易遂能去其癥結歸於雝喈嘗遊齊魯吳越之邦所至人爭傾慕莫不結縞紵之懽會寓虎丘僧舍曹秋岳侍郎秣陵紀伯紫過訪皆有詩曹云怪底衰年多快遇滄浪剩有濯纓人紀云蒼家白石無塵跡不問千人問一人其爲時流見推如此且其精通書法如逸少學習衆碑得城池刀弞之法又如歐陽率更之書森然武庫矛戟故能雲鬱蟬揚鸞驚鵲及晚年學益進此又處菴之遊戲自在博該衆有者也處菴天性篤孝奉其父母始終竭力至於白首孺慕不衰生平慷慨然諾見人困阨引手摺植惟恐後時在東粵計脫縣令陳宗正於重圍出河源馬侯心於囚獄在婁東解黃門張牧庵之讐釋憾於杯酒之間或挺身赴難或婉言動聽皆苦心熱血謀而獲濟此豈腐儒小生目窮於前堵而足極於四隅者所得而顛顚與今處菴已爲

四代祖上壽之日綵衣紛疊福澤之盛未有已也  
余特畧叙其大概以當封人之獻云

道山堂集

卷三

三

韓彞光壽序

儒者正心修身以及齊家治國平天下要而言之  
曰體用用而無體猶無幹之駕無柁之舟然未有  
全體具備而不達諸用者所以明體適用謂之大  
人之學故夫覽洪波之容裔乘風而迴瀾者其源  
遠也負千仞之瓌奇修條而拂漢者其根濳也取  
火於燧採珠於淵理固然矣余於韓君彞光徵之  
君早歲純精藝苑閭中肆外久著雕龍之譽壬子  
登賢書其文金春玉夏膾炙人口淵通之餘溢爲

道山堂集

卷二

三

經濟則學廣而材博識濳而慮長猶望充鑣而見  
靈嶽之高遊滄溟而知千里之濶嘗嘆章句小儒  
飄紳襜袂委頓衢巷及其卑棲倪咏同於雞鶩所  
持不過養益盆缶之細而不適於世務則怫然曰  
吾不忍爲也以故遇事慷慨風生恤人之蓄惡人  
之病旁皇曲折赴之惟恐不及雖極人情之疑難  
畏蒞而不敢前者毅然任之而不爲衆人之所撓  
蓋其至誠惻怛出於天性以仁人之心而爲豪俠  
之行至於生平恂恂孝友克謹門內而撫古通今

舉凡國計民生創革治亂之數無不瞭若指掌實而見諸施行夫選蔭不可使俛厥施不可使仰質有所限也蚓廉蟻信而拘謹繩墨者曲士之行也經方致遠而勝任愉快者通人之能也余謂國家之隆替視乎人材尹說且與世不常有誠得其人而百度尙未熙庶民尙未乂者未之前聞若君者豈宜以巖穴老乎余以天下之所禱祀而求者不能捨是而他有所屬矣茲以臘月十有六日爲君覽揆之辰諸嫺戚命余一言爲修盟倡余畧叙君

道山堂集 卷二

三

明體近用之學以當祝釐君指日敷奏明試出而圖太平興絕業當世必有非常之格以待非常之人誠能福國佑民以壽一身者壽天下樂只係艾余載賡南山以記德音可也是爲序

林亮臣入袞壽序 代

嘗讀宋史孝宗朝閣中林文節先生耿介不阿適曾覲黨謝廓然除殿中侍御史文節繳還詞頭直聲振天下慷慨慕之丁卯秋余典試閩闈所舉士林子允棫卽文節之裔孫因得悉其家世知理學名臣流澤未泯焉林爲三山望閥簪笏甘棠後先濟美而文學亮臣公則允棫父也公少穎異順然玉立祖鳴泉公父以初公以孝友德行爲鄉大賓公辟咻之餘佩服庭訓篤志綈緇華茹質偕叔

道山堂集 卷二

三

同瞻廟切文莪事之如父俱食餼庠序爲諸生祭酒雖嗣宗仲容不是過也辛卯鄉闈鑒賞于介庵李公以湓額未售然公修身俟命怨尤未釋生平學問重在敬天惟是日用常行實際工夫不涉逃虛守空之說巫師邪術一切屏絕昔周濂溪之學具于太極一圖其言中正仁義渾然全體而靜者常爲主張橫渠以不愧屋漏爲無忝存心養性爲匪懈公明且真修深得二氏之旨若夫天性純孝生勤甘毳祭潔苾芬雕至白首孺慕不倦堂弟德

卿客粵遣弟哲卿聞關迎歸同居其幾堂弟姪婦  
未婚守節延至其家優禮奉養待諸叔獲寬和有  
恩擇交古處縞帶之懽不輕一諾所與遊者皆束  
修厲行之士原配趙孺人鵲鳴傲戒夙稱婉孌繼  
木孺人肅雍女士撫教前子允楊恩勤備至蓋公  
潛心好學樂不爲疲凡夫金匱石室山徑海島諸  
書罔不窮其要渺公自以才華精妙南溟之嗣無  
難扶搖而上而華門攻苦不能一試其技于風檐  
棘垣之下天或留其意以有待固眉山之明允也

道山堂集

文二

三

今長君允楊舉于鄉指日飲譙曲江酬公素志長  
孫某食餼郡庠閭中肆外俱爲清廟偉器次君某  
與文孫數人在堂濟濟會孫含飴慶流四代殆如  
萬石君不言躬行子孫咸至大位者歟茲以季春  
念九日爲公入袞覽揆之辰偕木孺人稱雙壽諸  
親屬以公原籍中州與余有梓里之誼命余一言  
以當祝釐余聞至當之謂德百順之爲福德者福  
之基福者德之致公福德兼隆從此與洛中之會  
授石壁之書龍光湛露煜耀里閭余且望濟濱而識紫氣所聚云

鄭荆軒六十壽序

昔箕子陳洪範自身之視聽言貌思極至于天人  
之際稽之卜筮驗之庶徵無所不備雖大道不言  
符應而理有攸著誠有必形詩言受命長而弗祿  
康純嘏爾常歸之豈弟君子以知福享盈成非偶  
然也如福唐荆軒鄭公洵足述焉公系白石望族  
世代簪紱大王父濱鄒公篤學勵行爲儒林祭酒  
父翼文公抱道自守學者多宗之舉大夫子四公  
其季也公天性友恭事諸兄至謹髫年失怙常依

道山堂集

文一

三

諸兄教誡辟咎之前時相左右閨門雍睦應太史  
之占事母至孝偕配林孺人晨昏定省敬承罔懈  
五舉胡氏曰德有本故其行不窮孝弟者德之本  
與夫孝悌爲萬事之根抵苟其篤念同氣無忝所  
生率倫察則變化錯綜所從肇矣公早歲蜚聲膠  
序屢試前茅及升進國學名溢橋門生平端慤惻  
厚抱真守璞嘗嘆世人以虛蕩爲華而賤名檢以  
放蕩爲通而狹節信以苟得爲貴而鄙居正語則  
提提翩翩容則侃侃達今鈞巧榮利軒奕白胡則

鄙之而不爲質實而溫文秉道而樂義充乎其躬  
而冲冲若不盈也粹乎其履瑩而靡有玷也引繩  
切墨韞韞道術其殆無忝儒宗者矣公繼諸兄之  
後總持家政蕭規曹隨罔有失墜事家嫂如母仲  
叔嫂亦如之有馬援不冠不入之風撫諸鶴子思  
勤備至咸依朝夕不忍別爰以居公行誼至誠親  
黨無間一邦誦義而況其一家乎配林孺人生長  
名家夙嫻內則鍾郝家法傳習有素服勞辟績以  
致其勤潔治蘋藻以章其敬敦睦妯娌以昭其和

道山堂集

文二

三

簡飭僕御以著其法俾公束修砥德內助與有力  
焉夫物無傷其根人無斲其真真全者昌根培者  
長精不滑於機智則有餘蓄而於見道也明氣不  
奪於誘慕則有餘力而於敦倫也固公兢兢遵聖  
軌守公令涵濡砥礪漸漬以往皆壽徵也公丈夫  
子五俱英上駿發鸞停鵠峙光大顯庸方未有艾  
老稱重積易言餘慶壽考禔福知公之善習餘也  
己季夏某日適公六袞覽揆之辰偕林孺人稱雙  
壽諸嬭戚登堂介觥命余一言以當祝釐余謂公

年方耳順精神愷豫行將抒明體適用之學而建  
殿邦匡國之猷偕諸郎策名天府騁足高衢余將  
歌南山之什與鹿鳴蓼蕭並賡可耳

道山堂集

文二

三

嚴志應壽序

福唐江陰望極海島鴻漱縹緲滄溟莫測其間寬  
霧之所掩蕩蛟蜃之所迴薄奇氣縕結遂有非常  
豪傑挺生其際而文章節義風流未改亦其地靈  
人傑互相感召有以使之然也若我志應嚴公其  
特出者矣公少聰警博學能文祖春字公伯祖元  
台公俱蜚聲贊序父維周公嗜古力學前庚午闈  
爲主司嘆賞俛得而失遂中副車第一公與兄給  
諫白海公明府志特公同執經於維周公之門一

道山堂集

文一

序

室尹晤交爲師友戊子兵荒游臻偕伯仲牽牛服  
賈以供甘旨奔走之餘講誦不輟嗣伯兄志樂列  
名府庠而公隨爲建甌諸生歷試優等公自以才  
思英妙南溟之翩無難扶提而上柰坎壈數跌不  
能一試其技于風簷寸晷之下始知天之所靳因  
而大其報者必有在也公仁心質行兼長幹濟汪  
陰調遷產之丁耗里胥詭弊復造舊額賦去而籍  
尚存公爲力請有司三蠲其二俾通里不以僅存  
之丁論無告之僉人咸德之且族中子姓散處四

方通戶通課株累縣居甲乙莫辨公代爲總理釐  
正冊籍俾免追呼之苦公力居多蓋公視躬正已  
切繩合矩不踰尺度砥礪行節捧如圭璧罔敢隕  
玷遇人困阨急病讓藥惟恐不及惠窮贈乏無有  
吝惜而大者在于尊祖敬宗建立先祠以追堂構  
燕詒之澤遂卜地烏石之南拮据卒瘡輸與聿新  
崇階廣除有嚴有翼不憚傾橐爲宗族倡嘗讀楚  
茨之詩其言藝黍稷而往蒸嘗皇先祖而格神保  
妥侑介福公殆無忝于世祿大夫之後與配翁孺

道山堂集

文一

序

人系本六桂九世蟬聯生長名閥夙嫻內則寢門  
寂若環佩穆然至于脈賢育德以女士而兼明師  
令妻壽母于公實相與有成焉公課督家庭義方  
有則閨門之內肅若朝典長君常安次君常拔俱  
雅材英邵一時推爲僑胥而常拔高擢庚午鄉闈  
傳臚試策指日可俟餘俱現偉皆國器諸孫森森  
立竹瑤環瑜珥羅列階戶昔蘇明允崛起眉山歐  
陽永叔稱爲賈誼劉向之流乃不得志于有司而  
大小二蘓用科第顯爲世名臣從來積學之報不

于其身于其子孫公與眉山豈有異哉茲嘉平廿  
有六日乃公懸弧之旦諸戚蒞命余一言爲修盟  
先余惟易曰自天祐之吉無不利惟公履信思順  
協乎天人宜其休嘉戩穀福澤攸長余畧貢蕪詞  
以當封人之祝云

道山堂集

文二

聖士

施慶白壽序

從來人才之生多本家世苗裔堂構自古記之蓋  
國有長久之計先于樹人而家有百年之貽本于  
種德所以淵源之遠有開必先如黃河之水溢爲  
濫觴泰山之雲起白屑寸而植幹克生必原其式  
穀之澤以爲佑賢燾後之本況乎景福之徵朱顏  
華髮時方未艾里社親黨躬逢盛事者予孝廉施  
能繼積學稽古卹華佩實向會肄業余家余竊心  
儀之及舉丁卯賢書第二人聲譽大振而不知左

道山堂集

文一

聖三

右梓里悉皆廢白太翁之教云茲以某月某日爲  
太翁初度之辰家列長筵鄉推祭酒怵舞滿堂盟  
洗相接庶幾東榮西序笙歌告備之遺諸戚屬命  
余續述行誼以當祝釐余不敢辭謹按太翁生平  
懷德握醇履仁蹈義箴銘徧于戶牖言動具有典  
型孝友嫺睦其天性也五峯胡氏曰德有本故其  
行不窮孝弟德之本也太翁侍養二親晨昏菽水  
躬任其率不以諉及諸昆喪祭大事竭誠致敬務  
盡其禮而後已季弟早世婚嫁撫育如其已出太

翁率獎厚與天性克盡百行之根抵由斯以立矣  
且其悃悃無華勤儉有則常有良士瞿瞿之意間  
嘗物色儒雅傾接名流良朋益友倒屣不倦常謂  
締歡蘭蒨涵濡麗澤講習之功不可忽也過南窓  
而聞吟晤輒爲色喜篝燈相對勸勉勤渠幸康君  
揆藻春華掉鞅菰苑散帙延帷之際教澤攸存諸  
孫橫經藉史燕翼詒謀惟此絃誦加之意而已賢  
配柔孺人柔孺令善流徽彤管尾勉輔相稱良助  
焉聞之受命長而弗祿康純嘏爾常歸之豈弟君

道山堂集

卷二

壽

子箕子陳洪範自身之視聽言貌極于天人之際  
稽之卜筮驗之庶徵無所不備太翁年功德尊足  
以被歌誦而衍箕疇指日孝廉君蜚聲瓊讌匡國  
殿邦以綸綍之賁當盤水之奉召雲者龍命律者  
呂請進蓼蕭而賡南山可乎

程母鄭太孺人壽序

蓋聞禮先陰教易重家人在昔筐筥與歌濯溉授  
職閨門之細事婦孺之微勞莫不播之篋紵著在  
禮典况乎肅祇明惠柔孺靜專居陳箴圖動循珩  
珮實爲振賢啟後之本宜乎協氣鬱蒸叶爲頤祥  
而川至方增天休駢集也若程母鄭太孺人洵足  
述焉程自慎庵公入閩金鰲登小科名烏奕太孺  
人爲南陽望族生長名閭鍾郝禮法其所夙嫻余  
友太僕碧洲公偕孝廉滄洲湛園俱與太孺人昆  
李爲余盛稱太孺人之賢而且仁若櫛髮編貝不  
可勝紀茲當六月廿二日適其九袞設帨之辰諸  
戚屬登堂稱觴命余言以申祝釐余謂太孺人康  
強壽考膺受戩穀此其致之自天而非人之所爲  
也人之待太孺人也烏頭雙闕已耳文駟彤軒已  
耳天之待太孺人也以多福以壽考以多賢子孫  
白首高堂優游燕喜譬如景星慶雲長在天地之  
間夫景星慶雲一見再見天下咸以爲吉祥善事  
而况長在天地之間乎太孺人平昔趾不踰序言

道山堂集

卷二

聖五

不越間敬事姑婢孝養不懈及克相贊勸公拮据卒瘞卮匏同心無忘鷄鳴昧旦之儆典祀蒸禴五齊百遘罔不供課藏獲稽畝鐘鎗釜米鹽罔弗飭至于教誨式穀家庭之內肅若朝典二丈夫子服膺慈教遂能光大前業仰燕翼詒謀祇承勿替諸孫瑰璋俊姿咸稱國器長者好學能文少者理環瑜珥翩翩皆腰褭騏驎之材語云月明則星輝川澄則珠潤指日後先翺翔顯聲實于時蓋此有所浥卽彼有所注太孺人福澤綿亘未有艾也獨仰

道山堂集 卷一

四

太孺人歷年彌永守德彌堅近者人代之榮枯世事之循環滄海桑田之更換不知凡幾而太孺人巍然屹然于深閨秘闥之中蘭增蕙背之上貌若加少氣若加充恬乎其若嬰兒脩然其若神仙實於人間世曠絕希有千萬人而僅覩者矣不徒圖畫形管之足慕也夫桃李之華以日計葉以月計柯以歲計惟徂徠新甫之松凌霜侵雪閱千秋而未始改柯易葉頌太孺人者其在蒼麟翠寶磊砢千丈之際乎余託葭莩之

木望三山佳氣殆不啻躬膝席而舞蹈也

勸庵弟壽序

從弟勸庵嘉平四日爲懸弧之辰年六十有五矣余長弟七歲馬齒亦同此日顧念余通籍仕宦適陵谷變遷中歷坎壈長爲山澤之癯而弟身安縈掖蟬脫塵壒之表享有田園鄉社之樂觀世界苑枯得失不以動其心何其志氣超曠儵然自適也莊生曰平易恬淡則憂患不能入故其德全而神不虧弟之謂歟弟爲伯父汀生公第三子汀生公經明行修規矩重矩疊鄉邦之士推爲先生長者詳

道山堂集 卷一

四七

載郡縣誌中丈夫子四弟及希古文夫熙從金昆玉友孝敬一堂譔然善也弟少穎異頽然玉立及讀書未遇自謂讀兔園之冊嚙首嚙心無所見長遂從辟咄之前畫理家事汀生公雅負經濟才尤諳計然修備知物范蠡擇入任時之法然一本于仁義非弟廢著鬻財而已弟堂構之肯守茲勿墜生平忍嗜欲損玩好非租稅所出弗衣食嘗嘆世俗日偷茅鷄相鼠習爲固然非不驅良乘堅狹斜馳逐衣裘楚曹風所以刺蟬蛸也弟惟惻惻無

率勤儉有則皆有良士瞿瞿之意氣平而躁釋行  
安而節和然本柱下之奇雖得北叟之晚福願神  
在運可以養生可以延年弟其庶幾於道者也至  
于撫教諸姪義方備至或升成均或登賢序鸞翔  
鵠峙咸著僑肸之譽行將染彤管吐洪輝珥韶簪  
笏指日可竣諸孫會繞膝舒鴈行列今者希耨耨  
臚左右彩舞諸姪因乞余言以當祝釐余惟行蒿  
之詩其言會孫酒醴以祈黃耆既醉之詩則曰登  
爾女士從以孫子弟高明昭則景命有僕引釐詩

道山堂集 文二

哭

考介福所歸余則歌行韋既醉以申頌詩之

弟婦鄭孺人壽言

坤之六二以无成有終爲義蓋內則之職無所用  
其聰明才辨惟是日用行習必勤必慎其事不外  
草蟲阜螽之微烹醢紉績之細極之足以名頑祥  
而光彤史余家自叔祖母邵氏以節孝聞當其攜  
遺孤於風雨飄搖之際集蓼嘗藥備極艱難今者  
子孫蕃衍家業日隆推原所自蓋鄭孺人節孝之  
報云若余弟鄭孺人則邵之冢孫婦也鄭八世科  
名爲吾閭望閭孺人生長名家幼嫻閨範年二十

道山堂集 文二

哭

歸五從弟鄧孺人在堂晨昏起居日承色笑及奉  
公姑亦如之五從少余一歲幼同師傅憑依講肄  
互相劇切者一十五年五從志嗜學比於董生  
之下帷數十年如一日孺人刀尺之聲與南牕吟  
唔相諷沓也至於督課諸子焚膏繼晷夜分乃已  
昔薛拙之毋通經史善屬文授經諸子楊甦之毋  
訓導有方長善文辭與弟凝凌皆有名古之文人  
雋士得於姆教居多誰謂古今人不相及哉諸姪  
江如漢如濟如俱攻苦力學蜚聲廣序洪如諸姪

能文皆得孺人和九晝夜之教指日顯庸光大殆  
未有艾此皆孺人之大節可爲世之法程者也至  
於平昔清儉自持惟茹蔬糲服縫紵綺縞粉墨不  
供篋笥又好習勞苦先人而作後人而息天性惠  
愛常憐貧乏不吝解推德之厚者流光自遠不佞  
然歟茲小春十有八口適孺人設帨之辰諸親串  
繪瑤池圖以祝余畧叙數言爲脩盥先爰作贊曰  
喬松聳拔擢秀華叢雲和一曲瑤水溶溶仙槎縹  
緲霞佩星幢侍立雙成總領玉童琴霄弄影海屋  
光融鶴顏千歲逍遙無窮

道山堂集

序

道山堂文集卷三

閩中陳 軾著

宗栢  
宗成  
宗豐  
全輯  
于侯

年姪湯永寬

同校

愚姪 祈廣

斗姆宮募修蘭孟普度疏

蓋聞華閩瑤臺彈指卽清涼之界霞幢珠絡隨時  
皆應化之緣寶字琅書開金繩之覺路曇花貝葉  
止苦海之洪濤音響橫生雖耆婆莫知觸體之處

道山 集

文三

十

鐵輪輯會惟慈氏能攝憐惡之形慨自葛藤種種  
業識沉沉泡影認爲真每入地獄如箭射神針無  
處着不辦堂室是家珍五欲瘡痍長衆生之煩惱  
八風波蕩縱陽談之空華毛孔裏堆就荆榛莫識  
倒樹枯藤之路木棚中安排傀儡半皆披枷帶鎖  
之人生死牽連祗爲命根未斷雖雄構扇總因魔  
種難降蕩子無歸雖針剗而莫入修民成隊欲訶  
訶以何從孤秋蛇神充斥多於麻草刀山劍樹剗  
割族於魚鱗須知時時坑阱刻刻危巖誰能熱腸

中打箇冷戰更會峻坂上策着神鞭會得的鑊湯  
爐炭偏能遊刃真箇是入水不濡入火不熱會不  
得的斗斛權衡枉作浮漚真箇是下梢不得搔痒  
無施曹瞞疑塚林甫移床不過枕中長夜石氏珊  
瑚王家水碓止是風裏遊絲嘆容顏憔悴蓬蒿枉  
費了珠襦玉柙銷粉黛淒涼錦席生撒下寶瑟雲  
瑤傳粉薰香結果日琉璃易脆拔山舉鼎到頭來  
魯縞難穿嚼糞趨炎衫增黑業搥胸跌脚悔盡機  
關所以宿莽陰崖聞悲風之獵獵寒烟蔓草飛冷

蓮山集 文三

二

火之熒熒沉淪若此哀愁如斯近有海嶠顛連閩  
方轉關甫當兵燹之餘適值凋殘之後髮創荒野  
寢徙卒於鋒鏑血戰黃沙挫英雄於劍下色黯旌  
旆烽迷壁壘腥風野戍嘯哀猿狖之聲枯骨河邊  
彷彿閭幃之夢極目郊原傷心鞞鼓茲有斗姆宮  
某禪師弘設誓願廣結善緣議於七月中旬脩舉  
蘭孟大會誦梁皇寶懺之法闡瑜珈施食之文收  
攝六根見爐香之乍繞投誠三寶噴瓶水以初澄  
利需三有道被羣生悟蕉沫之虛幻現樓閣之莊

嚴笑嘻嘻打破疑團盡一路仙都佛國赤剝剝解  
開皮袋逼大千繡蓋金幡庶幾羅刹阿旁變成好  
漢將見泥犁沸尿化作香檀嚙不了的鐵丸悉溶  
雪片掙不開的餓眼忽睹燈光法雨滂沱永斷輪  
迴之相潮音完滿悉登解脫之門念道岸之不遠  
信佛法之非遙願發善信之淨財助成勝舉斯廣  
慈悲之法會指度迷津

蓮山集 文三

三

題募法華寺甃瓦疏

六印禪師十年前買草鞋重趼數千里去齊魯過  
中山訪其故人余遇於秋水僧舍談笑而別余聞  
師平日天性灑落雖在潛流嘗傾身結客匍匐於  
悉難引援於困阨其爲故人而來則友朋之樂可  
知也師曰吾願有進焉故人之貴者日在鮮衣靡  
食雕輪華轂志氣盈滿吾不能益其所無而增其  
所歎惟有勸之布施以破其慳貪使之植福於將  
來吾之所以爲朋友者如是而已遂以興復法華

道山集

文三

四

請得其捐贈携之以歸余聞之而歎曰有是哉師  
之爲功勤而用意遠也吾慨世之遊人役役奔走  
日困於雨淋日曬重岡複嶺之中不過乞其醪醴  
芻豢之餘酒腴醉飽不知詬恥其去蒙袂嗟來者  
何異師特以故人之所與而作佛事則受者不私  
於已而與者得以積其無窮之福庶乎師利他之  
意卽所以報友朋之義也雖然古今工作之繁所  
稱翠帷紅壁青瑣赤墀趙之叢臺楚之章華阿房  
之雲閣銅雀之層樓無不極持引執杖之智窮西

偏東序之奇久之化爲焦土轉爲墟落令人過其  
地有荆棘蔓草之悲何如者山鵲苑而薩埵來遊  
髮塔喜園而香蓮布筏足以鳴驚嶺之鐘演寶地  
之教者乎余讀曹能始先生募興法華寺疏云甃  
江周溪之上有山昂首於道左曰鼉頭山之下有  
叢林曰法華蓋創自宋之元祐萬曆初頽廢殿宇  
雖圯而寶相猶新經火不毀雖雨不泥里人異之  
當時石倉議興迄今六十餘年而始落成師之有  
功祇林不旣鉅與今者輪奐已新甃瓦未就已成  
千仞之勢不無一簣之虧願諸善友發歡喜心俾  
師功行圓滿庶幾天龍窟宅長垂震旦而刹竿道  
場永鎮海邦矣

道山堂集

文三

五

空雲上人化造靜室疏

余友劉爾南爲余道空雲師棲心法窟志意專固  
師江右人客於闕既不爲客而受菩薩戒爲僧且  
二十餘年矣余曰師昔既爲客何以忽然而爲僧  
師之爲僧果否有勝於爲客若使思量分別爲僧  
之時有異於爲客之時則爲客之身與爲僧之身  
非有二身亦非二相貌余以爲山河大地皆客也  
山河大地之人皆客也山河大地之僧亦無非客  
也師之爲客可名爲僧師之爲僧仍可名之爲客

道山堂集 卷三

六

昔阿若憍陳如悟客塵二字成果豈非有得於不  
住之義與爾南曰師近欲構靜室於烏石山下意  
蓋有所住云余曰有所住者無所住者也不住名  
客住名主人若使思量分別何者爲主何者是客  
已落第二義了也世人鈍根小智便着見解如歸  
精舍祇見伽藍小大之見既橫於中去住之形復  
亂於外局限方隅不能推廣以無所依附之遽廬  
孰爲不能暫捨之鄉井遂至焚巢焚處而莫之省  
所以者何迷物爲已認客作主故誠了達斯義而

得其不住之妙根塵俱非客主亦忘無有動也安  
得有靜無有三千大千也安有一室哉無論伽藍  
前途不遑安處之爲客也即使獨處山林寂然閒  
居亦客也五欲自娛貪着世樂之爲客也即使旃  
檀供養五體投地亦客也無明闇蔽客也即使坐  
跏趺叅話頭忽然霹靂地一聲亦客也閻浮提中朽  
故火宅客也即使九品淨土安知其非客也爾南  
曰唯唯余知住而不住之義矣因請師造立靜室  
謀諸同志不日成之

道山堂集 卷三

七

募禮鬱羅臺疏

盧師鬱羅臺說曰森羅萬象謂之曰鬱天帝天真  
聚息其中謂之曰鬱羅又曰人心最靈可以配上  
天之靈則知心者立於形之先而得乎天之真是  
必逍遙無爲世間之名實不入無視無聽而後萬  
物炊累豈非淵乎其居濇乎其清者乎不則拉拔  
莽蕩將以嗜欲薄其天機斲鋸繩墨春春多故以  
高飛遠舉之資而自同於蟲豸以超越清淑之氣  
而甘混於鴟鵂無怪乎去天日遠而元始之妙不

道山堂集

卷三

八

可得而見也至於道家之言臺與彌勒之樓閣宣  
尼之宮牆同義原乎臺之所由起玲瓏洞達不待  
斤斲刀削而成碧玉黃金不假丹雘塗飾而美以  
爲階級之難而清寧平易恒若有餘以爲登陟之  
易而解垢同異種種鑽鑿反跂望之而不能至惟  
取最靈之心而澄若止水於以造斯臺也直彈指  
頃耳若言脩持之法務先清淨其心一香一華至  
教所寓上者存心觀想次者至誠唱讚至色相光  
卽在現前盧師言之最詳今道山某師發心齋肅

依法頂禮當其莊嚴壇宇鐘鼓震動烏石片地無  
數浮丘亦浪往來其中安知嶙穴桃塢非崆峒訪  
道之區哉諸正信願出淨財以襄勝事可也

道山堂集

卷三

九

孟山寺大士亭募緣疏

觀世音菩薩名徧十方然於聲音不言聞而言觀  
緣納聲爲聞達理爲觀所達之理必托音聲以彰  
性法華普門品云十方諸國土無刹不現身蓋  
其身成三十二應入諸國土令無量衆生共得成  
就所以或慈或威或定或慧皆自圓通而出是其  
妙德非思議所到也今人多生鈍根甘爲魔民如  
耳聾人聽蕭韶之音了不相入何異迷頭却走獨  
不思聞性人人本有乎西來大士亭舊有古蹟孟

道山堂集

卷三

十

山寺住持海進師發心修葺近於亭後新建大殿  
供養大士以便遠近瞻禮業已誅鋤草莽蕪除瓦  
礫但棟艸因緣功方一簣翬飛焉葦尙遲有待切  
本寺前佛國山左鳳凰山將軍山右象山後營怡  
山崇巒列岫攢翠拱抱地當西郊四達之衝摩肩  
設擊紅塵夾路若使利竿法幢冉冉旗亭之側令  
停驂解鞍生歡喜心師之功誠鉅矣或曰世俗凡  
夫一入溪山無人之處皆能了別自性及至闔市  
其靜全非然世人但取境靜其實於已聞性絲毫

不覺倘得圓通之旨則知動靜一如喧寂同體安  
知盡出塵花非現身說法之場乎大士有言能令  
人捨身珍寶求我哀愍願諸善信同耕福田以助  
大成庶有裨於慈悲之教云

道山堂集

卷三

十一

不敏師建翠巖靜室疏

蘭庭厭俗道樹開一林之花驚嶺樓真慧日皎重  
輪之移虛明吟風空山作響蘿洞依石壁長聞幽  
徑疎鐘香龕扼翠微頓現迷川寶筏緣因一莖之  
青艸方拈遂使萬古之化城聿煥茲者不敏禪師  
發心神光右傍建造翠巖蘭若庶幾晏坐白雲飽  
餐甘露地結菩荈萬福蓮華紺宇起苔侵標榜數  
聲松籟石門淡所願布金長者正信優婆各撒珍  
珠永資香界功非淺渺福不唐捐謹疏

道山堂集 卷三

三

心鏡尼募化淨室疏

舍利弗問天女曰何以不轉女身女曰我從十三  
年來求女人相不可得後天女以神通力令舍利  
弗變爲女身則知男女本無有相惟視之爲軀殼  
拘之於目前以憂幻泡影指爲實相遂於男女而  
有分別卽尊者如舍利弗尚有人我之見何況其  
他也般若種子衆生無二如謂脩道見性男人能  
之而女人不能何以女子入定文殊盡梵天之力  
而不能出菴提遮女能了然於生死之義蓋天下

道山堂集 卷三

三

無智與愚無聖與凡無男與女皆成佛之人若煩  
惱未化結轡未除蘊湯鑪炭自救不瞻雖鬚眉如  
戟曾蠅螟之不若使閨闔柔婉之質攝境安心瘡  
疣解脫白毫相光卽在彈指之頃而鬚眉丈夫望  
之如空中之鵲界外之仙曷敢踵其後武哉寶誌  
大師大乘讚曰若悟上乘至真不假分別男女此  
至論也比丘尼心鏡師正信出家歷有年所近欲  
建置草庵焚修住淨庶幾攀緣空寂六度功成昔  
瀉山時吾郡有鄭十三娘到大瀉禮拜瀉問這個

師甚麼處住鄭云南臺江邊住今師尚在後初庵  
院得無自南臺來耶願諸善信各發檀施以副師  
一葦青艸之意異日舉似羅山十三娘天花錦上  
再見於茲誰曰不然

道山堂集

文二

十四

妙峯寺募修金剛寶像并各殿廡疏

吾郡洪塘匯衆流以歸於海其間往返潮汐浩乎  
無際而踞其上者則有妙峯峯上俯瞰大江情態  
非一少陵云色借瀟湘聲驅滬澗差足擬其形似  
視乎堀井之龜規也而自通者亦可以望洋而逐  
矣山中有寺古名剎也靈谷師住靜數十年於茲  
昔龐蘊問馬祖曰不與萬法侶者是甚麼人祖曰  
待汝一口汲盡西江水卽向汝道師於此處參勘  
得透萬丈洪濤只作一勺觀天地梯米毫末丘山  
可以槩論也師嘗拈一葦青草創建法堂併前後  
殿宇皆增新輪奐惟是金剛寶相及諸殿廡尚未  
修舉不無功虧一簣望諸檀那各發信心俾師一  
念圓滿從此將金剛王寶劍截斷葛藤方顯妙峯  
作用不落瞞頂影響也

道山堂集

文三

五

募修洪山寺疏

吾郡由馬渚而南分派爲二自北而東者歷岳山  
南至於洪山萬安江口卽在其地危峯峻嶺飛如  
鳥翅遠崖疊嶺簇似魚鱗仰聳俯臨不啻矚星河  
而披雲島至於大江崩沛靈潮往復匯川納流則  
衆壑咸歸馮濤鼓怒則百籟俱奏若其風檣江燕  
隨波上下石湍激濯錦之文菰渚聽鳴榔之曲蓋  
曠然大觀也江之橫流則有石梁駕虹浮電清湍  
瀉影擬授屐於文成應題書於飛騎然而衝險阻

道山堂集 文三

十六

流乘空跨岸褰裳不涉濟川之功鉅焉橋旁有寺  
余少時常至其地見夫糾縷金層雕光鏤綵寶樹  
依林芳蓮湧座當其只響清妙鍾聲鞞鞫與漁歌  
樵唱相爲交錯洵足長泛慧舟弘資法力兵燹以  
來耆山鵠苑淪爲灌莽向之聖容神蹟龍象經行  
者已化劫灰餘燼不可復識矣嘯雲上人少年精  
進深山學道寄錫妙峯近見江干故址斷碑遺礎  
不勝陵谷遷移之感期欲剪剔葳蕤荒蕪除瓦礫以  
興復爲已任觀師之一念勇猛而碧耀顏飛翬葉

其有日耶蓋寺之不可不復者有二寺之勝在於

橋懸磴以濟車徒隨建刹以示寶筏橋與寺相須  
而有按橋之水門二十餘處其七門當衝流善崩  
今橋之傾圯已極其半論者謂橋之未復何有於  
寺然寺之成壞亦與橋爲廢興而寺之工力較省  
於橋易者旣成則其難者將不召而自集其宜復  
一也琉璃寶地調御闍教所以托勝因而資彼岸  
若瑯瑤已就隨喜者衆風塵過客停驂解鞍得游  
息之所而正信布捨亦油然而生或訪賢而動少  
游之興或利濟而留渭水之名寺後而橋亦舉矣  
其宜復一也師之爲寺也亦所以爲橋也願諸大  
人長德併及善信各出淨財俾師勇猛一念克底  
於成福如恒沙不可爲譬喻者

道山堂集 文三

十七

募脩洪山橋疏

竊聞星文瀉漢鎮嶮道以安瀾月色凌空向清渾而抱影會真駕鶴茅君傳句曲之名浮渭牽牛秦代建咸陽之業立埭丁卯京口藉以轉輸治道陜西河湟因之制勝昇仙乘駟馬之車黃石授穀城之秘以至崇華表而望陽侯跨長津而連絕澗鳥鵲堪填鴈鴻欲度莫不結構於川流斐回於岬曲况夫萬民利濟攸關王政脩舉最急薄國僑之滌洧方杜預之平津者哉吾郡之西有洪山者初由

道山堂集

文三

馬濟歷于崑山發源攸長奔流更廣雲霞遠照海濤鷗鳥近遊洲渚其折而爲大江則紅浪蔽日白波捲霧漱澗舍潮聽榜歌於天際空濛噴雪懸釣網於荻洲中有石橋爲輪蹄絡繹之區郵符要衝之地前者兵燹之餘傾圯將半後雖苟且補葺復爾不戒於火今者葦竿無施車徒莫展行人惕息履險瀕危祇有望洋之歎誰爲鞭石之謀諸善信等偶觸善根思張寶筏將欲移鐵鑠於玉川護石梁於金堰補漏缺而復完俾久遠而無患但工用

浩繁應資人力而因緣輻輳更仗檀心所願遍撒珍珠共成砥柱積細微之香屑便作長堤竭涓滴之勺波遂流廣澤庶虹連斷岬不驚鳬鴈之聲而龍伏長欄隱照蒹葭之色浮梁跨淥水以臨流懸磬聲金湯而永固矣

道山堂集

文三

五

請梅庵和尚住斗姆宮啓

後以圓音隨處蒲振法鼓於人間寶藏大家擎揚  
明珠於袖裏沒孔鉅打開活路千丈澄潭無縫塔  
現出真身一輪孤月花雨香飛山川色喜恭惟和  
尚濟北風光天童眼目吞栗棘蓬似泥牛吼月步  
踏毘盧頂門揣虛空骨如木馬嘶風坐開彌勒樓  
閣煽紅爐之寶燄慣會銷鑪成金炮藥地之奇方  
更能尋針作砭毛錐舉似包括精粗白棒縱橫刮  
磨凡聖獅子臨而野于卻步秉正令之總持鎮鄒

道山堂集

文三

三

利而魑魅潛踪鑿金剛之淬鐔茲者斗姆道場實  
爲城南勝景石林古壁瑠瑯臺影射諸峯蘿徑青松  
雲壑陰鳴衆籟樂檻光映萬家在煙樹之中磴道  
盤空四面見閒雲之入念今榛穢未除急請法幢  
高豎與志雲從勝緣霧會宗教激揚出世竿飛高  
峻轟人天圍繞環鄉曲奏大平歌惟冀光臨主席  
弓任虔仰傾心

請樂說和尚上堂

後以慧日弘開寶燄光垂於震旦法音廣布巨筏  
遍度於人間諦觀慈父之慈須振法王之法幢幡  
高揭龍象騰騰恭惟樂公大老和尚滙源蘆嶽樹  
幟丹霞當甚難希有之時持魔強法弱之會棒喝  
交加鉗錘俱脩誠所爲梅檀一枝香偏由旬而倚  
蘭之香臭俱屏摩祗片藥力治蟲豸而饑蛇之毒  
蟄悉除洵末法之津梁而摩尼之朗耀者也某等  
多生猥質宿世鈍根幸植勝緣願聞針砭後願香

道山堂集

文三

三

雲徧覆甘露畢雷導輦破聲令敗穀焦芽邀其餘  
潤因指見月俾一知半見認所依歸齊心上啓

少康論

古之稱中興者自少康始也念祖宗之緒其志在於自強觀天下之變其謀又在於能忍是故潛形戢翼其始若有所甚難一旦奮而有爲則一出而成功於天下羿之取天下者以其強有力也改夏爲窮據九鼎而有之是無湯武之資而有莽操之實也洪荒以來艱難草昧聖人無利天下之心至於地平天成遂有南面之樂因以天下爲利篡弑之禍羿首開之然而力足以勝天雖有賢智不能

道山堂集

卷三

三

與之抗故以仲康之時胤侯徂征羲和申大司馬之法而不敢加兵於羿至於寒浞殺羿是又一羿也羿止拒太康於河浞遂弑相於帝丘芒芒禹迹至此不可問矣少康逃於有虞非有大河東南之地也一成一旅非有六師之衆也官爲庖正非有肇位四海之藉也仲康不能移問罪之師少康遂得著克復之烈則其深謀秘計足以勝之也語曰能布其德而兆其謀況乎靡鬻諸臣同處困苦之中以君父爲重而以討賊爲職而其子季杼復有

英武之姿者哉漢之光武與少康同新莽椒酒之弑劉崇翟義劉快等數舉兵而不得遂及春陵發跡而王邑王尋百萬之兵殪於須臾寒浞帝丘之弑會塗山之萬國不聞有義旗之舉及二斟興師雖以過澆之強圉而克殄元凶如反諸掌亦因其時也夫強有力足以勝天遂以爲天之可恃而天卒不可得而勝惟因其時以合乎天而已雖然越之無餘少康之庶子也其後勾踐屈首於吳苦身焦思飲食嘗膽卒能報會稽之恥其猶有少康之

道山堂集

卷三

三

遺風與

三案論

國家之朋黨釀於人主之一念所積而成一念稍有過差舉朝因之以爲是非非生而奸惡起謀公之人與營私之人雜亂交煽不幸而有激之者爭之愈甚救之愈難而朋黨之禍遂至於不可解則三案是也挺擊之案涉於國戚王之衆盡力推究不遺餘力神宗豈不瞭然於中獨以帷闥之際有難言者若株連枝蔓則國法驟伸而上情必拂青宮可護而骨肉轉猜所以慈寧召見亦望以調

道山堂集

文三

三十四

停之說責之諸臣當時戮張差殲奸監法如是止矣若必以燕啄皇孫爪抱空蔓宣揚其事何如置之不論不議而其釁漸弭也紅丸之案始於崔文昇投利下之藥至於李可灼駕言金丹其實病體已劇庸醫殺人罪固難逭况萬乘之尊乎乃李攀龍則曰文昇素爲鄭氏腹心魏大中曰投劑益疾非崔文昇之意固鄭養性之意也則又併張差爲一事矣責方從哲以不嘗藥者固無失春秋之義而直指養性爲弑逆者實出曖昧之辭亦攻擊者

深文之過也移宮之案當時熹宗阻於煖閣王安給之以出選侍名還者三又請即日登極不允揣選侍之意或者恃阿保爲勲勞擁九重爲威福亦未可知而忽加以武氏專制之名恐無以服其心然移宮理之正也楊漣曰移宮自移宮隆禮自隆禮此至論也大抵魏忠賢之殺人借三案以爲刀鋸而小人之諂附則借三案以爲功名遂使神宗一念之差貽害無窮卒之延熹逮捕磨滂下北寺之獄紹聖朋奸惇卞肆羅織之文東林何罪而罹斯酷然國之元氣亦以傷矣人主鑒於朋黨之禍惟正心以正朝廷可也

道山堂集

文三

三五

于忠肅論

凡人臣任天下之重者存乎勇察天下之形者存乎智智勇二者缺一不可也當土木之變百官殿殺馬順於朝堂忠肅攬王衣而籍罪首鎮定於倉卒之中處置於片言之下業以身膺社稷而不辭非智勇素具而能之乎承平日久戎務廢弛忠肅爲本兵練營伍造戰器選將徵兵人有固志也先長驅京闕朝論紛紛有倡爲南遷之說者忠肅抗言京師天下根本萬不可動調度戰守機宜悉協

道山堂集 文三

三

卒使鐘簾不驚宗社如故忠肅之力也英皇北狩也先挾以爲奇非忠肅倡社稷爲重君爲輕之說則彼愈挾而我愈蹙彼愈恟喝而我愈惴惴焉莫必其命夫宋構偷安南渡今日請二聖明日請二聖卑辭厚幣適足貽羞萬禩而二聖卒不得復將欲取之必固與之忠肅計之熟矣古稱社稷之臣忠肅其人也議者以爲易儲之舉雖始黃琬而諸臣將順不少會議之時忠肅與王直不過相顧胎愕而不能貸章綸鍾同於獄善乎楊集之言曰公

等國家柱石坐享嵩高如清議何使當時忠肅出

死力以爭以皇儲爲必不可易則憲宗之東官既不可挫而奪門之變亦無自而生意者骨肉之際有所難言者乎抑或知其言之必不見聽而姑爲遲迴觀望以俟之乎猶是景皇不念天倫貪膺大寶角弓之釁有所自來致使奸人乘隙升屋而觀天象持兵而薄南宮讀史者所以歎宋穆舍馮之難而懷燭影斧聲之恨也於忠肅乎何尤至於英皇以夤夜登臺爲得計論功行賞多於麻革功臣

道山堂集 文三

三

就戮如棄難鼠勢所必然忠肅臨刑陰霾蔽天朶耳外燄騰地而慟而曹石之輩卒不免於禍天道好還不益信歟然忠肅非智勇兼全烏能功垂一代聲施後世者哉

鼂錯論

凡敵之所仇者皆其忠於我者也戕敵之仇而快其欲冀釋怨解爭以爲乞憐之計不知自視惟怯適足爲敵之所輕漢景帝之誅鼂錯是也校尉鄧公曰吳以誅錯爲名其意不在錯也錯患諸侯疆大不可計故請削之以尊京師萬世之利也計畫始行卒就大戮內杜忠臣之口外爲諸侯報仇臣竊爲陛下不取也噫鄧公惜乎事後之言耳人主當天下擾亂宜示之以鎮靜處之以周慎最患者

道山堂集

文三

倉皇無措求以媚敵夫敵豈可媚乎使媚之而可以息兵安民猶不憚爲之然媚之而愈驕抱薪救火斷斷如也袁盎與錯不善屏人私語適中其陷害之謀亦其矚景帝之無能故謀得行嗣後亞夫將兵破吳楚軍使當時無誅錯之事則有戡禍亂之實而無殺忠臣之名豈非萬全之策哉明靖難之師以齊黃爲解遜國不過謫之而已旣而復召惟是遜國無任將之智九江堅子無堅壁持重之略且文皇天授英武又非吳濞憊老強項之比故

至於敗然不殺齊黃非爲失策未可以成敗論也雖然景帝忌刻少恩固其天性亞夫以諸廷尉死皇后太子以無罪廢彼有功之人與夫帷房骨肉之親尙且如此何況乎錯論者謂漢文景擬於成康毋乃非其倫與

道山堂集

文三

漢太公論

嘗讀史至漢高帝伐楚入彭城項籍還破漢軍以漢太公呂后歸未嘗不歎高帝之失策也當高帝定三秦發關中兵收三河士以伐楚所須者謀臣戰士也太公一恇怯老人而已爲高帝計者宜置之居守以待四方之平乃使之馳驅戎馬之間奔走行陳之際及楚軍一入不能脫太公於難雖自以數十騎遁去然於天性有不忍言者矣羽置太公祖上示以欲烹高帝曰必欲烹而翁分我一杯

道山堂集

卷三

漢帝王之言豈宜如是夫太公無陵母伏劍之雄而先與酈生掉舌之禍假使項伯之言不聽高帝雖卽位汜水南面而王天下其以貽終身之憾豈少哉且也有天下與有其親孰重古之人尚有竊負遵海不忍其親之徇於法而其父子敵何其視天下重而輕視其親無怪乎宋構之殘忍接踵於後世也論者曰分羹之說高帝亦逆知羽之不能烹項伯之必能救若愚索之彼且居之以爲奇不如示之以緩爲可有可無之物彼以爲無足

重輕而反冒不義之名其勢尙可以徐爲之解此亦高帝無可如何之計耳嗣是楚與漢約中分天下始歸太公父子由是得全然以天子父而微倖於萬一不可知之數勢亦岌岌矣更可議者高帝五年二月卽皇帝位六年五月始尊太公爲太上皇以秦之強暴更號皇帝卽追莊襄爲太上皇漢之尊號乃至卽位踰年之久其不及秦遠甚未有不爲天子而其父乃在不論不議之列孝子尊親固如是乎其後五日一朝不過循定省之虛文以致家令有人主拜人臣之說擁彗還門名分倒置諒高帝亦必慙然不安者何可以爲天下萬世法也然則高帝之處太公者殆未善也

道山堂集

卷三

哀猿賦

順治庚寅春三月沅洲貢一猿黑而通臂  
貢使歸猿忽淚下哀鳴數聲而絕

伊南國之異產俯荆澗以修潛隱巖陲而凌嶠崎  
通鬱律而陟危岵陰谷之寒煙飲翠阜之青嵐  
齒舊金翹弄重雲而駢駢擺擺茂飢依喬木而耗  
耗鄙徂山之獲獲異東都之狡兔含亂草之蕭蕭  
步擢嶺曲挂黃藤之楚楚影落松尖周穆南巡君  
子可變越王道遇劍術能參或全生以用奇亦遜

道山堂集 文三

三

跡而彌耽詎知跋蹇竟成黔驢之麗更值坎陷還  
作羝羊之觸虞人張羅前後要遮勁卒列皆左右  
洵旭唐陂雷厲絕阮焱族力詘驚憚智窮警後設  
籠置檻就縛受梏踰川越嶂浮航駕舳遂泛洞庭  
歷蓬池涉漁陽抵上谷悲薊苑之寒冽痛玉河之  
涸渡念帝鄉之非願惜故壑之難復使者言旋中  
情若割迢迢萬里夢隨銅驛河橋噉噉三聲腸斷  
武陵夜月溯沅水而沾襟望龍標而哽咽懷楚峽  
而裴回帳郢路而懸絕似田鵲之流血兮始發憤

於羈孤比鈞斲而叫落彈兮戀故巢於蒼梧不得  
如度關之秋鴈兮空目斷於瀟湘之浦衡陽之廬  
吟筇發兮嘹唳變徵鳴兮秋歎彈神曲而唱哀絃  
兮翻白浪而起鶉鵒淚盈兮潛潛魂歸兮烏鳥終  
當化遼東之鶴兮集華表而返城隅

道山堂集 文三

三

道山看梅賦

飄風既發荔挺始出撫懷愔愔感運慘怛斥繁霜  
而迎雲鄉鼓微陽而乘黍律亂葉聲咽寒臯迴晷  
景移炎服况苒櫛比鞠鞠烽煙昱昱寒茄冰裂瑀  
弓雪漉野昏塵合遠圖連穹帳之營鷹疾草枯馳  
獵北河源之曲塞鴻北來朔馬南牧黯淡川原陰  
沉巖谷顧茲道山路瀛洲之勝烏石稱桃塢之奇  
羌笛愁生度隴頭之新調漢宮粧罷點瘦嶺之上  
枝疑玉莖而獻質懸青鏡而含漪弄嬌姿而斌媚

道山堂集 文三

三

倚弱帶而垂菲脫粉脂而結秀凌桃杏以生輝溜  
真珠之餘潤集翠羽之叢棲矜濯濯之素豔吐酸  
醎之瓊麤懸霰布於層巒射旭景於青隄若夫漏  
泄春光參差林趾植根繁陰有條亞歲鶯語未來  
鶯膝初起瘦容颺菁逸態颺繞落粉抽絲懷靈抱  
異開萍逐潯纖素絡緯香勝醅醖色浮抹麗爰携  
勝友旣芳辰翔霄翮盪海垠坐松際以裴回挹良  
序之靈氛憐早花之嬌婉嗅清客之薰芬於是雅  
興勃會懽情霞舉俯瞰長江眺望平楚對吟意而

餘埃塹酌金卮而催羯鼓仰浩漢以鴻飛忘羽檄  
之旁午憶壽陽花曆之年詞何遜兔園之句醉嚙  
幡而載嗽日冉冉其將莫辭日萌華宜惠萬籟動  
兮遠峯重沓雲物章兮曉曉必蕭乍開眴而傍嶽  
兮點酥聚笑先百花而特出兮鉛華不御孤骨迥  
兮抗志寥廓據危巔而盡四矚兮荒壘窮郊北風  
捲兮惟茲城隅如黃河之積塞外之戍兮流連稽  
諸聊永日兮

道山堂集 文三

三

靈壁石賦

姑蘇徐子用王小軒儿上有靈壁石蒼翠  
可愛余覽而賦以贈之

原夫觸潤雲根藹茜泱盈肇絮含凝土核胚胎托  
始朶祗散菱影於冰華浯溪鏡澈披鱗文於磊質  
真觀松移注萍翳而弄羽衣霖霖舞零陵之燕超  
翠微而排金距翹鳴飛建德之鷄斯皆膏輿之異  
產積塊之奇姿矣若夫孕瑞虹州棲靈楚澤清音  
並美孤桐采色更齊爰翟鸞填壚以呈形咀磬山

道山堂集 文三

美

而挺實廉稜今如彈鋒鏑清越今如叩瓊瑰元氣  
氛氤兮合藹蓄乎風雷縵理斌駁今宰剝蝕於莓  
苔鑒堅貞之性兮歷年歲而不潰豈同乎宋人之  
寶兮惟瓦甃之與偕當其色映戶帷輝騰玉案丹  
字難傳煙痕彌繁翠縷霞連碧清水渙分蓮勢之  
參差侵錦紋之明爛涵月魄之光芒瀉花陰之凌  
亂何異訪羊角於青城歸支機於天漢哉

靖之弟九如賦

伊太簇之應律欣柳穉之始榮肇春王之二日綴  
椒花以頌銘惟我靖之大弟芝秀瓊華日角珠庭  
摘漢菱濤織朝霞於仙杼攢柯垂蔭聳剛木於理  
楨允矣黼衣繡裳之製洵稱虬幡輪茵之英昔時  
跡奮龍門名登天府方賈生入雒之年擅王褒俊  
才之譽盛輓杭莊長瀾豐注偕棣萼以翔翔食野  
萃而呼侶及試軒綬遂膺圭組集難雉於中牟撫  
桐音於單父覽清流而中宿淵澄香遍禺山之峽

道山堂集 文三

至七

倚長城而南越煙息化洽尉陀之土輿誦勒於貞  
珉黍苗沛其膏雨旋賦懷縣之畏簡書願思舊鄉  
史學彭澤之恥折腰歸來田浦寄志江湖寓情林  
淑高致籠霄飛談卷霧蓋前有作室底法以貽燕  
翼之休其河汾之講授乎爲鄉塾之所儀型繼有  
吹簫式好以著蘭暉之美信睢陽之義烈也爲朝  
宁之所旌叙先訓丕昭家聲彌著而吾弟方且長  
嘯於蘿門游息於春塢步香山之醉吟訪子陵於  
釣渚茲者值東風之煦物都青雲之千日枹鼓不

聞朋酒斯舉考鼓伐鐘流商刻羽相與賡南山之  
章繪天保之句余瞻彼芳辰慶茲佳遇爰作歌曰  
初歲元祚吉日良兮英蔭林蒼翠鬱而映玉樽兮  
薜華菱彩晨鏡之朝發兮戩穀罄宜受百祿兮令  
德壽豈悠且長兮繩繩蟄蟄琳瑯而列階阼兮願  
期爾以西京之閭綺晉室之東山兮

道山堂集 文三

三

擬孔象賦

聖王者定大介於樂內撫外綏陸警水愕雲迴金  
統震銅鼓於牂牁地接苴蘭噉石羅於濮洛比櫛  
屯營行枚表貉平洱海而服烏蒙靖滇池而命莊  
躋天竺倒戈扶南受縛獲異獸於臨衝舞赤干而  
奉朔於是毛羣之英貢輸閩南山之美而內闕  
廷林邑之拜揚禮儀卒嫺新都之祖道樂部堪聽  
卑駟餘之鹵鈍薄犀兕之罕櫻凌蒼熊之猛慙疾  
赤豹之贈瞪分大官之祿精肅端門之威稜茲乃

道山堂集 文三

三九

網繼構質蕃衍流潢火長羸而當暑日纏畢而正  
陽金絡纏頭再睹齒牙之利搖精微漢重瞻星宿  
之芒爰結苞符既博而碩甫出胚胎寢大而昌斯  
蓋羣生長養之盛節九重茂對之餘慶昔衛風歌  
駉牝之衆周南咏騶虞之祥差足賢颺德化比擬  
時康豈特如巨春老鹿點綴芙蓉之景元狩白麟  
裴回雍時之傍者哉維時雲蹕遙臨鳳展肅衛迎  
仙仗而奮翹感宸衷而忻慰被亭育於不言仰生  
成於無地蓋文甲翠羽僅足獻娛而珠琛絕費未

堪修瑞信茲生物之奇允稱上國之貴鑒燧尾之  
患期永銷乎甲兵重焚身之防忌溺情於貨賄協  
利見之芳時佐昇平之良會觀其骨幹定於少成  
氣格軼於羣類筋力強勁已具最負之材顧盼瓌  
璋更識馴良之意異日噬吸吐風雲之形巍義壯  
官闕之勢長濡聖澤何芻蕘之非恩日覲至尊雖  
繫維其何媿臣叨陪侍從謹執筆於螭頭快遇休  
徵聊矢音於蟲豸云爾

道山堂集

文三

四

瓶庵說

天下器之所設皆道之所寓非形而上者如此而  
形而下者又如彼也古人立象以盡意假物以明  
義往往罕譬而得其寄托之所存如箴銘及於盤  
盂是也長洲吳子雨岑自號瓶庵蓋見乎天下之  
是非好醜其觸於心而發之口者不可勝詰及至  
神越氣散則外重而內拙不免於以身徇物而况  
談談善諍貽唇亡齒寒之誚乎無譽無訛與時俱  
化雨岑殆有取焉故引鄭公之說而以瓶自况也  
莊生曰兩喜必多溢美之言兩惡必多溢惡之言  
凡溢之類皆妄瓶者所以持滿而止溢也試以水  
喻之水之在江海也澶漫靡迤盤渦谷轉而下所  
終極使其貯之於瓶則靜一而無滄決之患瓶與  
江海則必有分矣然非其性也苟得其性之所然  
則江海之安流與其在瓶無以異也瓶雖小物而  
有廣大之義惟至言去言者足以語此使天地不  
閉賢人不隱而括囊如故非大易之言矣瓶可守  
也而不可執也則又瓶庵之說也

道山堂集

文三

望

道山堂文集卷四

開中陳 軾著

男宗成 宗豐 全輯  
于侯

年姪

林茵

全校

年家姻晚生黃鶯來

侍御林心宏傳

林公諱汝翁字大歲號心宏福清上邳人也中萬曆丙午鄉試謁選日裏漢高祖臨其寓曰吾乃沛公也遂得沛縣令居恒慷慨自負好談兵事及任

道山堂集 文四

沛時承平日久捍衛守禦之具封疆之吏多束高閣公脩城堞置火器簡兵仗日率鄉勇而訓練之有笑其迂疎而非所急者亡何山東妖賊徐鴻儒以白蓮教惑衆號召數十萬陷鄆城鉅野鄒滕各處攻沛城堅不能入公躬擐甲胄督率鄉勇臨陳對壘七戰皆捷擒賊無算奪回鄉民男女數萬人叙平妖功臧俸行取授四川道御史公甫衣豸繡卽以矯枉董直激濁揚清爲已任適熹廟時逆璫魏忠賢竊弄威福總憲楊應山上二十四大罪公

隨草疏直糾以日食甘露爲喻且言其矯殺王安

及貴人祿妃之事疏留中未發忠賢怒之甚其黨

曹進傳國興假命搶掠挾制坊官公執而笞之遂

歸罪忠賢叅其私庇小璫旨下革職廷杖一百先

是屯田卽中萬熹疏劾忠賢旨下杖燹午門外羣

閹閹至燹寓猝之而出辱毆於道未受杖而斃公

恐其亦如燹例也因見大璫數百各持克器攻圍

公宅遂踰垣而走從鄰人屋上偃卧一晝夜次日

潛出都門投揭蓮化軍門鄧漢自請詣獄令其代

道山堂集 文四

二

矣各道藩雲翼等疏救不聽已而被杖創甚幾斃

蓋公與葉文忠相國同里忠賢欲借之以傾文忠

自是首揆之席不暇爓矣公之進退關係於君子

小人之消長如此公削籍爲民詭言脚癢深自韜

匿嗣是緹騎四出諸建言者皆所不免獨公不罹

於難崇禎改元始復原職十四年起公瓊州道副

使然未能大用公也遂怏怏乞休歸公素好興作

居家自築城堡鑿池造橋園林中備四時花木之

美又以海墘不可耕設法建閘以防海水之入斥

鹵之地皆爲沃壤其經畫類如此鼎革後起兵田  
間攻圍縣治戰敗被獲自經於獄外史氏曰崇禎  
登極忤璫諸賢宜相次引用適烏程當國入載其  
後揆席相繼多其衣鉢主爵者遂以公爲福清黨  
人沉淪十餘年始登啓事及宜興柄用稍召還東  
林諸賢僅補公以外臬使當時以公曉暢知兵授  
以疆場之重未必遂無所補無如臧文敬賢必不  
可挽即使拜爵升庸而長才錮於海外弘畧試於  
蠻荒深可惜也然公始櫻批鱗之禍終蹈成仁之  
節司獄發憤則爲陽球之拊髀東郡亢抒則爲翟  
義之弄兵豈非善始善終附編簡以不朽哉

道山堂集

文四

三

黃九煙傳

黃周星號九煙金陵人也父黃老向執役國子監  
家素貧有楚黃孝廉周逢泰客寓金陵結納四方  
名士買秦淮名妓爲妾妾生女賄收生媼易一子  
以爲己出是爲九煙卽黃老所生次子也九煙穎  
異絕羣入歲能文時有神童之目孝廉所延塾師  
皆不當其意以故天性倨侮常有藐易一世之意  
崇禎登極考選貢入國雍癸酉中北闈鄉試而逢  
泰他妾生二子矣有老僕者九煙素愛重之私語

道山堂集

文四

四

九煙曰主非周家所生乃得之金陵媼者也九煙  
心識之及公車往來金陵留連咨訪久而未得一  
日與諸狎客在黃老隣舍喧呼劇飲忽聞老者歎  
息歛噓之聲座客爲之不樂九煙遣僕譙讓之僕  
曰彼老者有一子而天見主面龐酷似其子是以  
悲也九煙聞而感動密遣人詰之老者曰吾某年  
月日尙舉一子卽鬻他姓踪跡未卜也九煙計其  
所生年與相符合曰此爲吾父無疑也遂私往黃  
老家拜跪涕泣呼之曰父黃老初不敢信詳述始

末而天倫乃合九煙秘不令人知未幾母亡庚辰  
舉進士繼逢泰亡九煙終三年喪葬其父母畢告  
周氏二弟及諸宗族曰吾受周氏恩撫實黃姓也  
但周氏有子而黃氏無子不得不復姓以承黃氏  
宗祧嗣上疏改姓仍以周名示不忘本也因迎黃  
老奉養遂金陵家焉九煙初仕戶部主事適中原  
鼎沸二京淪沒麻鞋入閩授禮科給事中仙霞不  
守九煙落拓無依漂泊嘉禾松江之間以賣文爲  
活九煙之文伉爽奇肆出入唐宋諸大家自傳記

道山堂集 文

五

詩賦以至詞曲詩餘翰墨篆刻無不各極其妙但  
時俗日下混琪樹於葦蕘等巴淪於雲門重貨賄  
而輕文章僅足糊口幸已戊午歲有薦其博學弘  
詞於朝者當事促之應辟九煙投井中而死外史  
氏曰余與九煙同官諫垣亂離後別三十餘載乃  
得晤於吳閭相對扼腕輒爲泣下九煙爲余文作  
序撫今追昔情見乎詞今九煙有薛方之行而復  
蹈龔勝之節賢者守義非流俗所測也易代以來  
已踰四紀而岷疆仗節之士尙伉慨激烈死而無

悔蓋朽枿敗腐更能蒸出芝菌以爲異瑞豈可令  
其電滅蹊逝湮沒弗章哉

道山堂集 文

六

比部鄧緒卿傳

余與比部鄧緒卿同寓粵嶠五載辛卯歸里門比鄰而居晨夕出入無不與偕迨後室廬播遷緒卿卜築村落而余以貧窶走食四方驛亭野戍時動莫雲春樹之思今春倦翮始返見吾緒卿則已老且癯矣初意扶藜籬薄晚因依何緒卿遂溘然逝也諸子君遂等囑余爲傳按緒卿諱爾縝別號晦庵先世自光州入閩宋淳佑間族始大始祖介以解元進士起家累傳至廣文忠以明經爲饒平

道山堂集

七

教諭子遷嘉靖戊子同弟煒舉於鄉仕至嘉興府判實生觀察翠屏公原岳萬曆壬辰進士歷任廣東典試雲南督學所著有西樓集行世寧州守周生公其長子也生緒卿少岐嶷年十三補弟子員學使者何半莪先生錄試上等食餼郡庠二十三登庚午賢書爲望族星聚以丙子介從以已卯同上公車一門之中自爲師友亦彬彬一時之盛也緒卿風骨稜稜伉爽直上大宗伯還初馬公曾任給諫與吾鄉漳浦相國相友善後爲黨人誹詆

兩下詔獄幾中清流之禍而緒卿乃其愛婿凡時政之得失人材之當否莫不互相辯折知其肺腑之發有鍼芥之合矣乙酉以徵辟擢刑部河南司主事是時國難方殷時局草創不以驚擊毛舉爲能一切以寬厚治之鉅帑析楊措而不用及至佐劉瓊海兼署僑萬諸州復試新興令勞徠安集不以荒遠鄙夷其人民然而登車叱馭非其志也遂解組歸旣而藩封駐省遂移之遂勝里竹嶼蓋祖居也緒卿生長都會而丘壑之興尤其所長蓋擁

道山堂集

八

牙藏盛騶從非城闔喧阗不足顯其烏奕若使有道之士肆志鴻冥則東阡西陌灌畦汲井視夫紛淪薄領朱殷其輪者不以彼易此也噫嘻吾以緒卿爲邦之壽考世之遺民而今不可得而見劫灰之餘老成凋謝迴翔今昔能無慟哉外史氏曰緒卿曾在新州與強宗構難詆毀排竿幾陷不測當時同事俱縮頭頓足畏懦不敢進余力護之得脫緒卿以此德余回憶執手江潯劇飲中流今已隙駒奄忽陵谷變易不可問矣然緒卿自粵歸橐裝

枵然數十年來安貧樂道有如一日靖節之高卧  
北窓其在斯乎其在斯乎

道山堂集

文四

九

胡將軍傳

胡將軍諱上琛號席公福州右衛指揮使始祖胡  
巴兒從明太祖定天下有功賜鐵券世襲祖龍陽  
博學善文辭所著有詹詹言集父爵毋田氏有娠  
三月而父亡後生將軍龍陽摩其頂曰吾家一綫  
實繫於爾爾其勉之蓋胡氏自巴兒以下二十七  
世皆單傳云將軍性聰警出就外傳田氏以二僮  
俱記誦有所遺忘則撻二僮二僮听夕趨督將軍  
學日益進年十六秉筆研替襲前職將軍念吾乃

道山堂集

文四

十

勲裔既不能屈首受書當先鋒塵陣批亢擣虛爲  
天子征不讓自以氣質文弱因取鐵石之具日夜  
試練始之力不敵一人者既而力且百倍更矧弓  
矢控弦以往有飲羽之能將軍學武乃大進惜當  
時無有設壇而禮之者丙子己卯兩舉武闈毋田  
氏治家嚴整鈴柝肅然獻婦功饗賓客凡祿餼所  
入悉歸閭內將軍不與聞焉將軍所知惟定省之  
禮而已甲申寇陷燕京將軍慟哭旬月不絕乙酉  
唐邸立授金吾脩宿衛從駕劍津清兵將逼駕晝

夜走臨汀時欲微服入虔諭止諸扈蹕者禁旅稍  
稍潰去將軍至中道度無如何遂步行南還時永  
陽巨姓募兵開道攻破城邑以迎清師禁旅之亡  
者經過其地盡縛而殲之將軍僞爲卜者爲居停  
所物色將獻之渠帥有陳細八陳閨一農之豪者  
力止之遂駕一小舟曰公須亟渡少頃而邏者至  
矣將軍渡江得脫與之壺二人笑而不受將軍以  
此德二人深也既至福州諸生齊巽中翰張汾等  
起義兵立帥府將軍與焉戈父函鎧家所有者悉

道山堂集

文四

十一

以給軍旣而見所主事者率皆迂闊文儒所統衆  
亡紀律不可恃於是將軍死志決矣將軍妾劉氏  
名蕙有殊色十五從將軍時年十八爲將軍所素  
昵將軍一日私與劉氏訣曰清兵不日至吾其死  
矣劉氏曰君死忠妾死義一也君果死妾當從之  
將軍聞之驩甚又懼劉之給已也數詰之無異辭  
是時密議始定將軍告其母率妻子往鄉避兵而  
獨與劉氏偕清兵入城陷將軍命劉氏煮藥訖着  
公服拜天地家廟坐於中堂劉氏右坐取藥先飲

大將軍飲劉氏一飲而瞑將軍似作痛良久乃死  
劉氏面微暈容色妍麗如睡足狀見者皆以爲異  
云是日曹能始先生諱學佺城東人趙宗仁皆自  
經死後數日齊巽等爲永陽兵所獲戮於市外史  
氏曰將軍事母至孝其母歸日常見將軍日侍其  
側形容笑語不異平時蓋至性之人身亡而性不  
滅也劉氏以幼弱閨幃從容就義終已之節以成  
夫之名嗚呼不可及已

道山堂集

文四

主

林平山傳

臬副林公諱日光字開鴻號平山原籍福清某里遷會城大王父某公王父某公明經博士後先師幄與父東里公俱精曲臺之業余輯郡乘有三世經學傳即公先世也公少英異成童時即能文章篤志紉緇洽聞疆記抽鋒擢穎超然出類年二十以儒士舉天啓甲子鄉試主司顧瑞屏先生評其文如河漢而無極崇禎庚辰始舉進士是時天子念中原鼎沸博咨方畧策試後拔四十人召對文

道山堂集

文四

三

華殿公侃侃條對稱旨擢上第公以寒賤書生初衣未釋卽上閭闔登紫閣敷陳忠讜聲所欲言詢異數也及拜工部主事權南新開艾蠶剔弊蠲煩滌苛待諸估人如哺赤子政行而稅辦商感其仁國益其賦暇則集諸生儒校論文數每月考課品藻甲乙越固多才受公教化薰陶莫不咏德造歌壽考焉秋滿晉蘇州太守吳門與武林咫尺叱馭旦夕可至平江素稱佳麗油壁青驄樓船簫鼓雜選鞦韆於篁陰水濱之際宦斯土者無不侈爲壯

遊公處之漠然迺祖妣太夫人病篤返駕里門省視移補江右南康公之辭羶薌茸淡泊者類多如此然公性至直從不脂韋滑澤以媚悅要路中貴人行部至浙考覈糧餉撫院藩臬以下奉命惟謹公獨與之抗縞紵弗修酒漿弗設瑞怒未有以報也因陪京初政瑞勢大張遂羅織劾公罷職迫直指使者白公寃狀奏入而金陵已不守矣公忠厚長者恂恂然若不勝衣屨而捐介廉隅爲山嶽之所不能撼明季黨部日盛士大夫據壘樹幟互相

道山堂集

文四

古

排擊吳越聲氣聯絡尤爲黨人淵藪公子然孤立絕不依籬傍戶以故秩僅平進無顯等超拜之格泊唐藩繼統止側陞蒼梧副使而已鼎革後杜門不出衙泌自娛嘯咏賦詩瑰邁高古在樊南長慶之間晚年更著四書戴經解說詮釋大全及傳註訓迪後學功又宏鉅八十餘精力強健手不釋卷夜分繕閱尤見燈火熒熒云子六人存三人孫十人曾孫十一人諸子若孫或升成均或入庠序商樊周鼎玉樹重疊皆廊廟之上珍也卒年八十四

外史氏曰洪範九五福一日考終命若君者洵所  
爲考終者也公委贊入朝年未強仕使席泰交履  
平運無難躋列公卿如文潞公宿德元老班宰相  
上乃玉步忽改歷數十年高尚其事名曰遺民身  
隱而道彌彰未可謂不幸也史稱管寧名行高潔  
望之若不可及卽之熙熙和易年八十四公其幼  
安之流與余忝同籍且附朱陳之好謹撫其本末  
而爲之傳

道山堂集

文四

五

唐潔庵傳

唐諱獻拘字君知號潔庵昆陵人也世居臨淮自  
伯誠公始遷兗陵子平樂公舉建文進士蟬聯不  
絕而少司馬荆川襄文公舉會試第一文章經濟  
最爲顯著潔庵祖重庵公卽襄文弟也與父履薄  
公俱諸生潔庵性警敏精舉子業廿三入膠庠丁  
卯補弟子饒連踏省門不第當時衣白紵先生內  
弟吳方之進士皆心服其文而乃見擯於有司甲  
申國變聞天子死社稷涕泗滂沱不復作身家想

道山堂集

清

十六

南都冊立江左溺於宴安貨賂成習潔庵入都褻  
褻而走清兵渡江潔庵絕意仕進需次應舉明經  
棄如敝屣常遊鄴下過淇水望銅雀臺及藩邸故  
宮徘徊良久不勝黍離之感焉平生師事徐勿齋  
先生守其遺訓罔敢失墜每見古今忠義之士見  
危授命斧鑕如茹者輒慨慕不已見有改節易行  
蒙詬無恥者嘗不絕口潛歸大師嘗贈詩云劉阿  
罵人人不恨毘陵唐大亦如斯唐史稱陸鴻漸聞  
人善若在已見有過者規切至忤人朋友燕處意

有所行人疑其多與其潔庵之謂與潔庵身爲世家望族明洪武至崇禎元魁踵武共二十人皆恬于功名急于道德吾惟守一己之節以無忝于先人而已子字肩孫三人年入十六而卒外史氏曰士之懷琬琰就煨塵抱棟幹困溝壑者可勝道哉然君子進退必以其正節之所在雖顛崙岱不吾壓也其視委靡輒熟偷生自私者相去遠矣潔庵自潔其身隱然係古今名教之重身雖隱而道彌尊庶乎涅而不緇也已

道山堂集

文四

十七

黃處安傳

黃公諱晉良字朗伯處安其別號也世居閩縣鼓山之蓮村大父仙洲公登嘉靖癸酉榜仕雲南建水州守父楚白公仁心惠質慨有大節子三而公其季也公少聰警沉酣經史卿華佩實在河圖琬琰之間與仲兄翰伯掉鞅文壇蜚聲庠序時人比之雲間二陸云數踏省門未售困于蓬艾時值中原鼎沸公振纓奮袖發憤上書似甘少陵天寶末獻三禮賦以文章受主知更念國家數十年水

道山堂集

文四

太

火之燬在于柄用者重門戶不念君父報私仇不思國恤以致神州陸沉不可復問及召對痛切盡言遂晉西掖掌綸諸轉冬曹主事員外郎時公以英壯之年質有文武倘若設壇具禮磨盾草檄叫諸夏而號入荒尚可措枉于天荒日晏之餘惟是長材短馭未得竟行其志迨至陵谷變遷麥秀興咏公遂毀車束馬匿曜發景如漆園逍遙濮水之上夏侯湛贊莊生曰垂釣一竿取戒犧牛望鳳尚心托志清流公之謂歟公忘情圭組益肆力于文

章凡夫金版玉匱理也怪牒莫不窮其要渺窮年  
繼晷燈熒耿耿若其敷權典謨勾稽掌故置身壇  
宇之上取古今其下而計其是非不差銖黍其文  
閎中肆外憂憂五陳言之務去思理幽而節簇成  
佈紙疾書橫見側出如遊碧海扶桑之外收四漢  
之奇氣窮靈胥之異態不能悉其津涯詩則追大  
雅宗盛唐淳潔含蓄麗而有則蓋確知詩之源流  
利病而不爲軀材諷說之所易遂能去其癥結歸  
于離暗非若時輩矜蟲魚拾香草駢枝儷葉取青

道山堂集

文四

九

燒白而已晚年更著井上述古八十二則寓勸懲  
昭法戒數百代國家興亡人品得失較若列眉功  
獨鉅云至于書法絕倫鳥跡壁書夏銘秦刻莫不  
細究及與酣筆落風雨作于行間鬼神役其指臂  
下躡羲獻上挹斯邕鐫碑雕石佳本流傳斯誠魚  
頑鳥謂足以補造化之工不過遊戲之餘技耳公  
天性篤孝生事死葬自首孺慕不衰嘗嘆世人玉  
表而珉中梔言而蠟貌斥而不爲惟平心質行與  
人相親遇有困阨急病譏笑趨走恐後在東粵計

脫縣令陳宗正于重圍在河源出馬侯心於囚服  
在東解黃門張敕庵杯酒釋憾視世之懼怯委  
頓視人緩急輕若鴻毛大相逕庭矣公疾革年七  
十五子四文章經濟蔚爲國華諸孫八多列膠宮  
餘俱岐嶷特出曾孫四森森立竹皆能振公之業  
而光大其閭者也余與公在昔同朝知公有經營  
四方之志未竟其用及脫腕因依鷄豚同社還念  
酒後耳熱劇談未已絕琴絃於淶水傷宿草于黃  
壚能無故人山陽之感哉遂次其生平而爲之傳

道山堂集

文四

三

外史氏曰天下俊偉之才宜與之乘隙立庸鏖  
勒鼎而使之盤踞曠逸于青松翠蔓之下蓋有所  
用之也公不過一老遺民耳而鉛槧之勤著述之  
富氣宇之峻使人望如高岫層巖而不可梯接殆  
河上之丈人蘿門之高士乎易曰龍德而隱余無  
以測之矣

王孝廉傳

孝廉王侯慶字吉卿號麟山候官人先世自太原以宦遊卜居三山代有顯者父應禎郡諸生籍籍有文名中萬曆己酉副車長詩歌古文辭晚年與曹能始周五溪諸先輩結社倡和推爲詞壇祭酒舉三子孝廉其季也孝廉弱不好弄周規折矩不苟訾笑壯補弟子員爲文尙樸茂不爲軋苗傾險之習人咸重之曰此言行相符而人如其文者也家素貧教授生徒得脯修以養其親隣不戒於火

道山堂集 文四

三

孝廉視囊橐不顧獨抱主與宗祖遺像負老親而逃後里舍皆墟孝廉居存其半人以爲孝感所致屋有南廂乃諸親朋爲孝廉釀金構築孝廉以已產分讓二兄古者李孟元紡績自給薛包獨取荒敗殆無以過師棺未塋經營安窆以免暴露昏夜遇道傍少婦正色相拒勸勉而還其姑至若捐貲而助婢之婚假貸而贖人之女種種善行未易悉數也慨自道學衰涼風化弊薄蜉蝣之羽致飾於表蒙桃達之容貽譏於城闕非不飄紳襜袂則各

倭父而羹倫未叙天性多歡甚至重負賄部廉潔

錐刀之未刺刺不休視人緩急輕若鴻毛聞孝廉之風亦可以少媿矣前朝郡縣大夫及藩臬御史臺推舉孝廉榮以棹楔薦之於朝迨行社學之令延孝廉爲興賢社師孝廉躬體力行啓迪蒙士被其教者濟濟然入孝出悌罔敢跼踰等大教始於比閭設於州鄉本於家塾黨庠州序以達於王國鄉學者教化之始也今使天下之鄉學而皆有孝廉爲之師則三德六藝之法可復也鼎革初有

道山堂集 文五

三

司薦孝廉授程鄉令孝廉辭不赴逾年寇亂兵荒殍餓載道孝廉設法全活饑而死者謀爲欽葬計八十餘人蓋陰行善必有後云孝廉旣不樂仕進當事委之講釋六諭孝廉曰吾雖不能出而有爲倘藉此宣教一方此余志也因實心舉行遍歷鄉校所著訓解皆切中人情一郡之父老子弟靡然而從之如是者十餘年及鐫刻成書當事作序稱贊蓋孝廉生平之操足以起衰扶頽雖未能施之於事而實托之於言其大節有足錄焉抑聞孝廉

之舉始自西漢如蕭望之薛宣黃霸張敞等以孝廉補長丞王吉京房師丹孟嘉等皆舉孝廉爲郎所以漢世雖重賢良方正諸科而得人之盛莫如孝廉隋唐而後始有進士明經等科自是天下之人皆馳騁於記問帖括而鄉舉里選之舊漸不可復教化之壞豈非文墨小技爲之階哉以孝廉之言符其實而使之以縫掖老余不能無世代升降之感矣孝廉卒年七十有八子二云云余忝姻戚聊撫其行實而爲之傳外史氏曰攷古周禮地官

道山堂集

文四

三十三

有黨正有州長黨正卽一黨之師也州正卽一州之師也明洪武初詔立社學優給廩餼猶有州黨遺意如余所稱孝廉爲州黨之師服道守義依於惻幅道古昔而稱先王衣冠劍佩洵足繫人思哉

鄭元定傳

余父先太僕早世同襟連袂者三人而鄭君元定年尙少於余雖余視之爲丈人行不啻如曹耦之相得也十餘年間諸姨丈相繼凋謝而君康強健飯羹饌猶昔不意於小春某日無疾而逝夫以錢起之哭曹鈞輒興殘陽鄰笛之悲休文之傷謝朓每作尺璧何完之恨彼締懽蘭茝尙如斯之追悼不已而况誼屬親串尊並父列者哉諸表孔野等囑余爲傳余謹按鄭君諱啓燁字元定別號止庵

道山堂集

文四

三十四

先世自訓公由榮陽入閩之莆田數傳至樂山公由福唐遷三山再傳至顓齋公正崇公俱覃心理學君卽正崇公之冢嗣也弱不好弄日誦數千言於曲臺之學尤爲專門名家甫冠補弟子員余外王父昆明長石鼓林公博洽鴻儒掉鞅藝苑諸後進昕夕追隨無不以文藝互相剗切故同門僚婿皆有文章之譽而君以少年英異廁其間嬌客玉潤無與爲比外王父嘗器重之叔懋芳與君年齒相若族祖計部康賢公延之維摩室肄業懋芳琴

西擬元爲江右楊惟節先生所取士君甲午闈牘  
爲主司歎賞僥得而失蓋文人之不得意往往麗  
淚江離向隅逢華所以十年獻賦空憑吊於滄江  
千里傷心轉留連於花陌無嫌失勢未嘗不以生  
事蹉跎妾之時命也君勿失母躋踊哭泣人如骨  
立正崇公春秋高孝養無關及歿喪祭如禮因慨  
世俗日以儉薄捷捷翩翩習爲固然甚者驅良乘  
堅狹斜馳逐衣裳楚楚詩人所以刺蜉蝣也正崇  
公輻輳無華勤儉有則常有良士瞿瞿之意君步

道山堂集

文四

三五

武先刑敵裘羸馬不以爲嫌至於應接酬酢款洽  
備至平日忼慨然諾會以千金貸友朋之意豈非  
豐拙中節者與夫殖德樹行不以隱顯爲屈伸苟  
其履仁蹈義無不合於繩墨環堵之中居然有先  
民大雅之遺彼夫香車繡轂戟門衣仗豈足以語  
此也君可謂信道篤而自守嚴矣余稔其行實特  
詳姑爲叙次俾後之誌碣有所採焉外史氏曰古  
人掃門隱几白首陶然散帙遙帷之際至教攸有  
不必煜燿於榮利也公言行坊表不僭不貳雖棲

息蓬蒿而志致蓋遠以之貽燕后昆是必種樹謝  
庭折薪藩室溫恭棣棣厥族以昌天之美報信有  
之矣嗚呼其可傳也已

道山堂集

文四

三六

文學孫受庵傳

余與同籍給諫孫鶴林結朱陳之好而受庵則給諫猶子也余辛卯家居常與給諫過受庵之虛飲酒懽哈嘗憶西園別墅受庵治圃時藥日致賓客余與給諫及鄭如水司空葉霞浦翰苑鄧緒卿北邵輩移晷卜夜作十日遊風亭月榭紅菖青漪其足供輞川之興而適濠濮之觀者屢矣今者老成宿素漸次凋落光晷易逝欲如昔日之獻酬宴笑其可得哉余奔馳南北倦歸里門受庵訪余欣然

道山堂集

文四

七

道故而不擬天奪受庵之速也謹接受庵諱元祉字既受受庵其別號也先世河南中牟人明初有諱市者仕閩爲僉憲遂家焉僉憲數傳至義齋以厚德顯義齋生岳峰治易有聲岳峰長子進士知縣贈中憲舍中公仲贈給諫做儂公季奉政毓亭公文學德園卽做儂公第二子與學憲鳳林公及重卿驚林爲從兄弟與給諫鶴林爲胞兄弟德園經學操行恂恂儒者配胡孺人生受庵岐嶷不凡胡孺人疾篤受庵甫十歲餘搏顙出血跪求良醫

及失恃哀痛踰跽如成人年十八受知督學虬瞻葛公補弟子員少年俛俯今昔有遷史名山大川之志遂從給諫渡錢塘過闔閭訪葛塢之遺踪問館娃之故趾因而策河濟抵上谷與給諫裴回京闕每以國是人才爲念當其總轡馳驅攬衣蹣跼未嘗不悲宗周之隕而歎叫呼楮柱之無人追玉步忽改給諫毀車掛冠抗志浮雲而受庵進取之意亦以緩矣受庵事父至孝德園晚歲時與一二知友文酒相過其義之餘資贍無乏上壽之日考

道山堂集

文四

三

鐘伐鼓絲肉迭奏縹緗玉軸輝映堂上親串之侑爵歌詩者以雲霧集受庵希韞鞠脰絲舞蹁跹家庭之樂雖蟬佩龜組不與易也亡何德園捐館舍附身附棺備極盡善生平先人後己人有緩急傾囊倒屣惟恐不及大者至數千金焚焚棄責不以爲意蓋受庵經濟極博明於積著閒以餘力小試鹽筴不問貴算因其自然視乎筐篋之智相去遠甚然數起數蹶任運而已暮年以來棲心法典演若迷頭忽然解悟臨終日方寸不亂此其證也外

史氏日記曰君子恭敬樽節退讓以明禮若蒿峭  
輕佻與物爲競其人不足多也受庵諫焉自牧粥  
若無能其與人也常嘆然有以自下詩曰溫溫恭  
人其是之謂與

道山堂集

卷四

三九

舅氏林樂宗傳

余讀王虞石先輩作學博林公翼廷碑記言崇禎  
丙子歲龍巖大饑公署邑篆憂觀世有大士指示  
邑後屏山可以救人公至其處啓發地孔果有米  
粒湧出活數千人余觀古所載神農時雨粟倉頡  
造書而天雨粟漢建武陳留雨粟蔽地視穀形若  
棗而黑宣帝地節雨粟史不絕書然未有自地湧  
出者或者地之功不讓於天以大士之力不可思  
議湧出米粒亦無有異也學博者余之外伯祖而

道山堂集

卷五

辛

岳宗舅氏卽學博之子也學博任壽寧龍巖二邑  
遷於清漳則舅氏與偕舅氏潛心力學籍甚膠庠  
與郡邑之學者昕夕講究以求無負於學博之教  
其時邵邑之學者於學博則師也舅氏則友也鼎  
革以後舅氏決志終隱時而乘犢山藪扶藤野外  
華條以當璇室翠葉以代綺牕忽見茅茨曖曖有  
人則海濱隱者在焉卿有力役勾稽身董其事自  
遷海令行地狹而賦不足人散而差愈繁起徒役  
者無論歲之上下地之燼惡愁歎之聲比戶皆然

舅氏以一老書生伙助其間遮道痛哭訴於上官  
役以得蠲至今絳縣之老得免城杞舅氏有德於  
鄉不既深與且也末俗澆訛尊祖敬宗之義不講  
無以觀孝而惇讓舅氏念鄉井遷徙大宗之祠夷  
於灌莽因議創建擇地清遠里軍山之麓崇階廣  
除有嚴有翼子孫宗老得以勤趨踰莫疊犖夫人  
當瓊尾之時所亟者廬井之安而已然幹止未遑  
而先謀及於祖先可謂得本計矣余稽逕江爲福  
唐右族冠蓋相望絡繹不絕余猶及見侍御心宏  
道山堂集 文四 三

公抗疏忤璫切諫天子孤立之禍以王守澄仇士  
良爲比風采凜凜與應山諸公齊名幸其杖而未  
死後以殉節聞嗣是省垣雙城公主試東省有歐  
陽得人之譽以舅氏之長德懿行必有繼是而起  
者余因喜而爲之傳

陳母黃孺人七十壽序 代

嘗讀晉二受茲介福于其王母象日以中正也知  
憂勤之能獲福中正之可居尊而母範昭焉夫閨  
禕之中多鍾秀異往往爲士大夫之所不逮而名  
門巨閥素嫺禮教代有淑媛尤稱燕翼詒謀之盛  
所以景其家傳而崔盧世牒垂于國史攷其內徽  
而鍾郝禮法著之典型庶令德宜昭而福澤無窮  
也以余所聞三山陳母黃孺人洵足述矣孺人爲  
太史坤翁黃公女坤翁文章老宿起衰百代天下

道山堂集 文四

三

膾炙佩服不啻捧球璧而就礪冶殘膏剩馥猶足  
沾潤後學余父孝廉公素侍國丈執弟子禮有年  
稔知孺人家教皆本遵矩之輝而分花磚之影者  
至婉孌貞慧出于性成長適以學克效公鷄鳴昧  
旦琴瑟允諧敬事舅姑備極誠孝迨克效公捐館  
孺人甘荼茹苦柏舟中河兩髦自誓撫子紫巖俾  
勿墜其家聲和丸畫荻誨迪不倦昔揚張之母訓  
道有方薛播母通經史善屬文授經其子孺人兼  
之以故紫巖南廳呻吟與機杼之聲相雜香壬子

紫巖擢高第上春官孺人力也余父曾遊晉安與  
紫巖結編紉之懽爲余言紫巖韞道術思緒雲  
霧非時輩可匹爲觀其文如五河吐流泉源如一  
泓澗研瞻固稱一代之絕心竊向往之余聞紫巖  
讀書西園草廬門外常有長者車轍孺人截髮款  
賓以成士行之名非尋常所及也且念父太史公  
久觀金陵謀運歸里計營窳窳以慰先靈待外家  
諸子恩意周篤可謂賢矣孺人以女士而兼明師  
紫巖乘時展采南溟之嗣無難扶搖而上諸孫森

道山堂集

文四

三

森立竹或晉成均或升黌序餘俱瑤環瑜珥蔚爲  
國禎指日袍笏滿床聯袂帝室文駟彫軒珩璜  
翟庶幾申錫無疆流徽彤管起居八座非其券與  
仲夏十有四日爲孺人設帨之辰余忝通家世好  
聊進蕪辭以申祝嘏請賡魯頌燕喜受祉以爲壽  
母之徵

文學蔡又新傳

明代兵制自京師皆都達於郡縣皆設衛所以開  
國有功者令其子孫襲替無事勸課屯田有事征  
伐則徵調養兵數百萬無仰食縣官之費法至善  
也其後承平日久法令弛勲舊子弟目不識行  
陳之色口不言擊刺之術猶疥癬之病恣其芻豢  
以養擁腫之四肢而卒以不振一旦臨敵縮頭股  
栗如驅羊禦狼柔脆選懦如婦人孺子乃至弱甲  
瑣卒曾不能壺篲之挈論者至此所以撫山河而

道山堂集

文四

三

有餘恫也吾郡蔡又新所謂世胄而有魁杰崛宕  
之氣者也又新諱在新別號未極其先濟陽人始  
祖肅公明初從信國公湯和畧定閩地用軍功賜  
鉄券世襲福州右衛百戶居候官五鳳山之陽嗣  
是族漸繁盛名其地曰蔡家林旋遷井關之龍山  
歷五代至會泉公役以功績進階武畧將軍加秩  
正千戶蔡氏以戎事起家帕首袴鞬勿墜先業而  
已至會泉公始通儒行博涉經史以及內典道書  
無不挾其精與前莆陽林龍江先生所著有三教

正宗統論其言老氏先天地生與釋氏最上一乘  
儒言上天之載同一指歸會泉公盡得其傳郡中  
人稱爲三教先生云子二人長韞啓承襲次卽又  
新也又新少而穎異好讀書尤喜擊劍騎射時神  
廟之季專尙文藝又新濡首窮經竟陵鍾伯敬學  
使深加賞識爲諸生祭酒禪見洽聞益加淬勵及  
中原多故蝸蟻沸羹自嘆帖括無用有橫襟獵纓  
翹然勃然之意每欲設方畧試鋒刃馳驟疆場扞  
衛社稷獨以時未見知吟潭樵悴鬱鬱庠序間坐

道山堂集 文四

三

視天地慘黜神州陸沉而莫之恤然其忼慨激烈  
未嘗不中夜起舞也甲申變後建城垣之議畫戰  
守之策爲桑梓計深遠當事時用其言至於選舉  
勤王徵辟甫下而灰劫適值壞屋漏丹已不可收  
拾時而撫几抱床縱酒竟夕或呼或嘯或泣或歌  
庸人俗嫗聞者駭愕有異僧石田者慕其高義握  
手對談如平生懽嘗繪曲阜隆中彭澤汾陽四像  
於前而以已附其後所著有薪膽紀畧等書多自  
焚燬僅存逸稿數篇愁思要渺繁聲入破讀者等

之天問卜居焉噫嘻艸澤之下不乏人傑世胄之  
家非無智勇然用之不盡其才而有才者不盡其  
用遂使志節之士悲憤憂兀扼腕於鐘簴之莫復  
當時必有執其咎者矣余與又新之子日就善因  
次其行畧而爲之傳

道山堂集 文四

三

孝廉邵長倩傳

孝廉邵長倩先生諱景文居候官之雲程村早歲為諸生試輒冠軍嘉禾譚几同景陵鍾伯敬嘗奇其文當時郡有得水藥珠二社掉鞅文壇先生與焉同儕皆知名士乘時騁發大者建油幢開幕府次亦吟花磚備瑣闥獨先生困躓不遇擁臯比為人師諸弟子鼓篋孫業負牆而立者數百人蓋其時制舉之文因鵠射侯往往摹擬俗尚以嘗主司而先生視之如蠅聲蚓竅以為此塗澤之學雖拾

道山堂集 文四

手五

青紫無益也故其文為古人之文與時不合至丙戌始舉於鄉為余年友劉九一所取士然未閱月而霞關不守宗社為墟先生不升庸於休明之日而獨策名於板蕩之時豈非天哉先生歛歔結轡一意長往遂隱於尤溪懷忠抱義歿身而已焉長公元子與余少時為筆研交鼎革後棄諸生不應制舉先生志也次叔子與余同遊吳地命余為傳聊志其大畧云外史氏曰先生為諸生祭酒歷有年所其識鑒往往奇中余第蓮石總角時以塾課

就正先生於稠人中拔置第一決其必售後蓮石以二十二歲領雲間守報以千金鄉人爭羨之然先生晚而遇遇而未竟其志乃能行歌采薇鋟心操行於天荒地圻之餘功雖不見而節則可尚懷先生者殆與西臺慟哭同日而語可也

道山堂集 文四

美

林重槐傳

林雲經 號重槐。岡縣尚幹人。生平樸茂醇謹。稱爲長者。目不識官府。足不履城市。力田治穡。累霜露。冒寒暑。至老不休。不知有綺縞錦繡之奉。聲色輿馬之資。用能食其力。豐其產。蓋隱然有幽人之風。而遊無懷葛天之世焉。俗之靡也。相競以刀。雖相傾以城府。舍本逐末。務華遺根。浸淫橫決。莫知所止。尊卑少長之節。漸以陵遲。惟力是視。公平心曲。當以義爲利。不事貨殖。而衣食有餘。甲申以

道山堂集

文四

七

至乙未。兵燹踵至。廬舍盡燬。公經營版築。幹止以復壑荒蕪。鑿池沼。祖業盡興。余外父以見公天性仁厚。公禮而敬之。待如良朋益友。念尊祖敬宗人倫大事。創建宗祠。蒸嘗不懈。嘗讀楚茨之詩。其言饗祀妥侑。洛神保而報介福。俾子孫勿替引之。蓋林氏代著閭閻。科名蟬聯。公敦本合族。庶幾無忝大夫世祿之裔焉。公居鄉正大。率先勵俗。族有聞諍立爲剖決。至于禁私宰。靖奸盜。人奉其法。凜于三尺。自是惡化爲淑。桔變爲良。舊陵詭譎不令而

自止。警誡訓迪。不遺餘力。族人之望公如蒼松翠柏。立于羣卉中。而莫不敬悅也。公更倡舉義學。延

請名師教子與族文運。丕振壽考。作人之澤。于茲爲盛。蓋公之盛德善事。不可枚述。而余竊觀其大者。老成典型。其在斯乎。公年八十。忽爾騎箕。遠近聞者。無不感愴悲慟。公男永挺。高朗練達。次永聞。博學能文。季子諸孫。森森立竹。皆能光大其間云。外史氏曰。余讀史傳所載隱君子。如荷鋤挽車者。流津津談之。若推而加諸鐘鼎旂常之上。卽漢號

道山堂集

文四

七

近古其取士以孝悌力田爲科。而唐制褒高年耄耄。耄而上。以次受刺史司馬。使公而遇漢唐之時。名位何多讓哉。然德之厚者。流光必遠。余以微燕翼之詒矣。

施烈婦傳

昔彭城劉氏其夫渤海封卓以事見法劉氏憤歎而終北魏高允爲作讚曰人之處世孰不厚生心存于義所重則輕蓋義者緼結則爲貞駿發則爲烈其事起於草蟲阜螽之微蒿簪蓬戶之細而極之可以正兩儀而光日月則閨閣之行足以砥節而勵俗要歸於義而已余所聞施氏畢志殞身大概與彭城同氏福清龍田人名菊宋父良猷邑諸生氏生丁亥九月故名菊又名椒乞以其借乞他

道山堂集

文四

三九

氏受而外之也遇歲母吳氏卒庶母蕭氏撫之九歲父卒號泣如成人見者掩涕年十八歸鄭肇恭事翁姑至孝姑病日夜侍湯藥衣不解帶卒則盡哀九年春翁象乾有江右之行歲暮未歸語其夫曰老父遠處他省視問缺然於心何安肇恭然其言甲寅二月買舟入南昌侍奉左右至七月十一日娶於兵難乙卯二月六日翁遁歸氏得夫信殉節之志已決初八日侵晨給女出閉戶自經死年二十九葬於閩縣之玉洞山噫嘻人之未死也以

有待也以有爲也氏僅存幼女無託孤之責伏處柩內無復仇之理無所待也無所爲也以杞梁莒役之哭當韓憑合抱之悲氏之大義盡矣而世之愛惜其身二三其行者聞之而有警夫

道山堂集

文四

四

孀婦鄭孺人傳

余叔伯熊自塞外歸偕婦氏隱於溪渭有家孫昌喬天發孫婦鄭氏隨於次日自經以殉按鄭氏名瑄宋鄭廣文梓之侄女孫也早孤母丘氏撫二女而氏居長九歲入塾知書性淳謹不妄顰笑十入歸昌喬昌喬病刲股和糜以進及昌喬亡而從夫九原也僅踰六時而已獨計氏以閨禱弱息無見聞擴克師友陶淑之力而能達於大節則其得於天性也厚且伉儷未久年力未深乃從一而終直

道山堂集 文四

聖

行不顧絕無濡忍異懦姑緩旦夕之意則其成仁也速而赴義也勇此蓋鬚眉丈夫望而却步而人倫之大藉之以不滅也邑之大夫親臨祭奠爲誦旌表其閭云外史氏曰余讀家乘知節孝秦氏之賢卽叔父伯熊母也秦以小星側微提携二孤於襁褓之中歷試諸艱有功於宗枋甚重今鄭氏以烈聞是存孤與處節嬰杵之所就不同而其志則一也信吾家之多賢媛哉

婦恭人傳

翁恭人禮唐瑟江人憲副林平山之配也平山舉天啓甲子孝廉公車歸始結褵焉平山爲孝廉十五年恭人篝燈佐讀黽勉有加及庚辰報上第恭人謙抑自下無貴倨之態權稅武林恭人追隨官署以清慎相勗平山廣陵置妾恭人推誠相與恩及小星詩稱后妃無嫉妬之心喻以樛木下垂而葛藟自繁而繫以其有逮下之仁也板蕩之季時事日非恭人與平山蒿目而憂不啻漆室之歎葵

道山堂集 文四

聖

緯之恤迨宗社既屋平山就徵不赴恭人曰縞衣綦巾聊樂我貞此我志也與子偕隱爾其勉之恭人持躬整肅婉而能順閨門之內不苟言笑敬其翁姑洗腆以時晨夕不懈小而盥盥井臼大而燕饗祭祀小心周慎罔敢不飭至於旨蓄以教勤害辭以教儉其天性也閱歷滄桑當漂搖風雨之辰而能撙括家事不致隕落內外奉其規模莫敢映輪嬉譁以越教令若其係抱提携教誨式穀諸子若孫或登成均或升庠序皆恂恂質行博綜圖史

南總之聲呶暗不絕。今且曾孫濟濟舒鴈行列。甚  
衍爲極盛焉。夫洪範五福。起於河雉。凡人所得於  
天。有一不備。不足以頌純嘏。而稱履祥。恭人距於  
歸之歲。已六十。春秋受珩璜。禕之錫。而遂鹿門。  
賓於之樂。始而爲婦。旣而爲母。爲祖母。爲曾祖母。  
年躋八十。而諸福悉備。此豈人間恒有之數乎。今  
以初秋。遽爾生天。音容雖不可卽。而福澤之所貽  
遠矣。余忝姻婭。素聞其行實。援筆而爲之傳。

道山堂集

文四

四三

林宜人傳

林宜人者。余友蔡方山之室也。其父武舉。以賢雄  
於方山。父陟。贈公中崇禎辛未進士官。至嶺北  
一蔡宜人作嬪於蔡爾時。百兩之將。笄珣之飾。極  
其綉麗。而翁方珥貂佩印。控制一方。宜人視之若  
無有也。方山喜義俠。結賓客。盡毀其家。宜人毫無  
恡惜。陟。贈公歿於王事時。方鼎革。方山奔馳東粵。  
嘯聚亡命。攻破信宜。電白諸縣。歸則潛匿山海之  
間。自成一旅。吏詰捕之。意宜人竄諸親識家。一日

道山堂集

文四

四三

數徙如是者二十餘年。宜人性至孝。而孝最奇。姑  
病篤。刲股以進。而姑病愈。母病篤。隔二百里以外。  
刲肝寄之。比至而母已死。姑之生母之死。雖不由  
於人力。而宜人之心。則已盡矣。夫人臣當國家傾  
覆之際。而能肝腦塗地。不有其身。於大義已殫。孔  
明不能必漢祚之復。張許不能必睢陽之存。豈可  
以事之濟否。而計其利鈍哉。宜人結褵數載。卽屏  
葷食。遍誦經咒。房園之內。日作佛事。爲方山娶妾  
鄭氏。流離之日。與鄭偕。依慈氏如苦行頭陀。而精

勤過之更若善友追隨無着天親再出也迨方山  
 浮海不就棄刀弩散徒衆歸誠清朝宜人始入居  
 城郭宜人父爲方山林累斃於獄方山持節井陘  
 宜人拜辭父壠自刳其臂焚燒以祭慟哭而化於  
 地良久乃蘇見者皆爲歎噓泣下妾鄭氏卒於武  
 林宜人經紀其喪歲時思慕不已及至恒陽官舍  
 方山多置賸侍皆善待之方山晚年始舉一子非  
 宜人穆木之貽安能使宗祏不墜乎方山以其佐  
 佛取所習內典付之一炬宜人一一刺血錄寫爲  
 道山堂集

道山堂集

聖

方山懺悔壬午歲某日病革猶喃喃念佛不置云  
 外史氏曰余所聞見如林宜人者殆仁孝之至者  
 也宜人忘其身體殘其髮膚適與不敢毀傷之意  
 合世端拘墟聖人之訓濡忍護惜甚至愛其身而  
 辱其親其蒙如於天下後世者豈少哉至於仁至  
 則恩著恩著則爭民原其推誠逮下宜與爰斯朱  
 虎之拜讓元公之孫膚並例而觀余將以宜人而  
 風世之服章縫而佩紳綬者非特以示彤管之美  
 也

承德郎工部管繕司主事處安黃公偕配林

恭人墓誌銘

余偃蹇歸田與工部黃公處安風晨月夕晚晚相  
 依庶幾昌黎所云鄉社田園之樂而今處安竟奄  
 然其逝矣杜陵哭李常侍云斯人不重見將老  
 失知一代風流之盡今古同悲豈特如柳州之  
 惜元龍義山之傷潯水哉辛未某月某日公與林  
 恭人合葬于石鼓之源子農等謂知公者莫如余  
 也問銘於余余何敢辭謹按公狀公諱晉良字朗  
 伯處安其別號也世居石鼓之蓮村九世祖梓材  
 公洪武間以賢良方正徵辟爲澄邁尹多善政子  
 素庵公以詩文著與高漫士林子羽林琴樂齊名  
 五傳至梅臺公教授益府教授公生建水州守奉  
 直大夫仙洲公奉直公生封承德郎楚白公公卽  
 楚白公第三子也少聰警沉酣經史博極羣書與  
 兄翰伯公掉鞅藝苑同鑣齊軫時人比之雲間二  
 陸云十九爲諸生試輒冠軍狀貌魁偉兼擅穿楊  
 貼鳥之能時督學郭公之奇科試公與翰伯連矢

道山堂集

聖

破的福寧州守揭公重熙在座共相嘆賞會大中  
承奉檄勅王揭公進曰非二黃生不可趣見大悅  
以三千人屬焉公曰伯也材乞先驅驅良有老父  
母不得離左右也于是翰伯獨將三千人守闔山  
防江及大帥汝逃翰伯整全師歸闔嘔血數升而  
絕公嘉惜不已閩方擁立唐邸公因嘆國家號咷  
求賢不得一當發憤上書如天寶末獻三禮賦以  
求自效召對闕廷極言國家朋黨之禍因言統兵  
馭將之非人練兵措餉之無術多觸忌諱止擢中

道山堂集

文四

聖

書舍人旋陞工部營繕司主事噫以公英壯之年  
質有文武倘若設壇具禮使之建高牙樹大纛祖  
士雅中流擊楫虞彬甫米石部分公何難爲奈長  
材短駁用非所宜迨麥秀興歌玉步忽改而公遜  
世之志自此益決昔陸通負釜饒食桂櫨姚平仲  
乘青驢隱青城山公其人也公忘情珪組益肆力  
于文章凡夫金版玉匱瑤璫怪牒莫不窮其要渺  
移年繼晷燈檠耿耿擗札含毫鬱雲霞之情備雅  
頌之體其文出入龍門扶風之間詩五言古本于

漢魏七言古近體本于盛唐確知詩之源流利病  
而不爲軀材諷說之所易遂能去其癥結歸于離  
峭非若時輩矜蟲魚拾香草駢枝儼葉取青婉白  
而已嘗遊齊魯吳越之邦所至人爭傾慕莫不結  
綰約之懽會寓虎丘山寺鴛水曹秋岳侍郎秣陵  
紀伯紫過訪曹云怪底衰年多快遇滄波剩有滌  
纓人紀云蒼涼白石無塵跡不問千人問一人其  
爲時流見推如此公尤精研天人理數之學得黃  
石齋先生易象正三易洞機諸書究其精微益曉

道山堂集

文四

哭

然平陂往復之理晚年留心史學著述古八十二  
則原情如瑩鏡之照形斷事如老吏之讞獄不勸  
懲昭法戒補前史所不逮洵萬世之龜鑑也公書  
法絕倫烏跡壁書夏銘秦刻靡不貫徹胸中及興  
酣筆落風雨作於行間鬼神役其指臂鐫碑雕石  
隄本流傳斯誠魚頭鳥頭足以補造化之工不過  
遊戲餘技耳公天性至孝陳太孺人疾侍床簣衣  
不解帶者數月先工部微疾須得清曠之地公擇  
室以居有樓臺池館竹木之勝足以娛目先工部

致公力襄喪事一以家禮爲準及扶先工部視歸  
與陳太安人合葬作恭紀葬事詩以志痛云予覺  
卜居玉井舊里公喜曰此先大夫清宦所貽吾生  
長于斯流入他姓今得還之若見先大夫音容實  
爲幸也尊祖敬宗至是始慨然矣論公慷慨大節  
敬人之難濡首不恤在粵脫陳宗正之險出馬侯  
心于獄在吳海艘侵擾有司羅織多所保全吳人  
德之公苦心熱血能釋憾于杯酒談笑之頃非如  
瑾戶與突目極四隅者所能辦也先一月吟絕句

道山堂集

文四

哭

云麥秋紅日上三竿萬里歸程旌旆間任是晚山  
如意好揮鞭直指向長安其脫畧世故去來自如  
深得朝聞夕可之義疾革日命列闕里諸聖賢像  
令子孫焚香肅拜仍俯伏叩首後始告逝公配林  
安人文學壺丘公林諱登瀛之女茶陵守方壺公  
諱紹用之孫女也素嫻內則生長名門習鍾郝家  
法陳太安人大司馬之後家方鼎盛諸姻戚眷屬  
過從必委安人經理安人進退有度得姑惟心必  
孝必謹稱良助焉封安人卒年三十三丁卯農等

營葬虛其中爲公壽域今于 月 日始合葬焉  
銘曰世之遺民國之耆耄攷史訂經綱羅萬有篤  
志丘樊忘情藻綬胸無芥蒂雲夢八九荷歟淑媛  
琴瑟爲友紫詰榮綸紛疊塚阜畢如之丘永銘不  
朽

道山堂集

文四

手

江西臨江府知府日華毛公墓誌銘

中憲大夫毛公諱之儒字伯元號日華宜興人也祖伯山籍毘陵移居城西之瑯玕村世習儒業數傳至霽峯爲郡諸生卽封刑科給事中贈南京戶部四川司主事是也霽峯生四子而公爲長弱冠時焚香自誓願此心如日之光華因自號曰日華濡首力學每一屬文根據理要窮其窟宅更博涉諸家旁通賦咏二十七登已酉賢書嘗與介弟禹門公一室自爲師友雖窮居時每以立朝大節互

道山堂集

文四

至

相勸勉及禹門公捷兩閣拜言官適魏璫方焰抗疏直陳遣戍平陽時北寺獄起閹兒媼子附和朋黨齟齬正人前經譴謫者旋復被逮貫械絡繹檻車四出其爲喬固之收者比比矣禹門公竄跡他方不欲以身徇宵小公遂棄妻子與弟偕逃瀕危亡蹈險阻棣萼之間急難相濟而天下之白晝嗔狐馮依婦寺者聞其風槩未有不愧悔於見睨之日也璫禍既解公謁選銓曹補宿松廣文流寇衝突皖江且薄城下或曰師儒之職可無死守盡先

遷去公曰文廟祭器非吾責乎登陴固禦與城存

亡乃吾分也賊至被執以利刃加頸者三流血數斗賊以爲已死也置之賊去後蘇事載宿松縣志中嗟乎使公當此時高蹈遠引以封疆爲非我責雖得全生而大義已隳惟堅必死之志而復有能生之路則忠節已盡身全而名益高蓋公之必死者人也而所以不死者天也尋陞北雍學正轉南京戶部四川司主事遇覃恩詔封三代擢臨江守公按部時獻賊荼毒全楚袁吉諸郡望風披靡

道山堂集

文四

至

公曰吾爲學博尚不畏賊今剖符專郡官爲守相而顧逡巡異怯耶日集士民練鄉勇修火器守禦之具無一不備封內安堵無震鄰之恐未幾以時事漸不可爲遂拂衣歸時主爵已推荆南節使而公歸志已決諸父老扳轅卧轍不能挽也改步以來公閉戶匿跡不入公府家素貧布衣蔬食寧澹自奉暇時則竹塢棋枰逸聲交錯西園部帙散軸禮視人間可歌可愕忽榮忽落不以擾其心豈非今時之碩果與所著有慶餘集數卷晚年留心

法喜甚有悟入易簣日默持金剛經將帛裹指醢  
墨大書如前生事端坐而化公之定力深矣銘曰  
濯足清流置身峯嶽嬰守孤城誅僇不惜深練靖  
共良二千石規趨矩步脫然塵沕遯跡丘園先民  
遺佚相彼幽局卜云其吉變世追求以光紹邁

道山堂集 文四

五三

周毋蔣安人墓誌銘

余與給諫周梓庵同舉進士余早孤余母林太淑  
人含辛飲蓼脩極艱難而梓庵二尊人身都榮顯  
及見其子之成名梓庵受主知拜言官而余止循  
例補令時主爵越次授余北平遷安梓庵特疏叅  
糾余得改選東粵就近迎養少遂將毋之私梓庵  
之德於吾毋也至矣今計通籍之時滄桑幾易余  
與梓庵邂逅升次梓庵以其毋蔣安人墓銘命余  
一言顧念梓庵有德於吾毋則梓庵之毋猶吾毋

道山堂集 文四

五五

也余爲屬筆愀乎有餘恫焉謹按周毋蔣安人昆  
陵人父悟爲九侯後裔居滿湖西之惻猶僥於貴  
族大而繁安人年十八彤管多則不嫺習歸廷  
尉公秉操塞淵爲嬪之則翁太事公令太康廷尉  
公歸娶僦居常郡未幾太傅公拂衣還與曹太夫  
人居梁溪安人曰晨昏定省禮也有子若婦遠隔  
百里不能視問寒煖親捧檠勺於心安乎遂偕廷  
尉公移錫山之東里依焉太夫人治家嚴謹稍一  
不當則拂然不樂安人敬共齋肅昕夕不倦太夫

人且愉愉一室矣思媚周姜京室之婦此之謂與  
安人早歲卽能動引古禮明於上下少長之義有  
如此迨太傅與太夫人不豫獨安人與廷尉公侍  
左右嘗湯藥既逝奉遺命仍歸舊廬初艱於舉子  
勸廷尉公納妾生子醇儒安人旋生梓庵後先僅  
隔一月蓋天下之理成於相濟而病於相軋固有  
推讓之臣則水火之禍可以不作家無嫉妬之婦  
則禎祥之事由此而生所以讀詩至樛木之能逮  
下而知周道之興也廷尉公好遊足跡遍天下安

道山堂集 文四

五

人拮据操家家且貧女紅自給值歲饑儉訓守之  
外家雖羸不輕旬貸二子就外傳勤勞訓誡廷尉  
公客歸而二子學已就迨廷尉公掌誥綸扉服勞  
王事安人經營家政不貽內顧憂平生食無重味  
衣不再浣至供蘋蘩洽百禮則情文脩至相國挹  
齋公之夫人爲其如別駕聖因公之宜人爲其理  
家庭之間和好無間有協恭之誼焉丁卯梓庵年  
二十六登賢書庚辰掄魁南宮天子御文華召對  
稱旨特授禮科事中安人迎養入都諄諄告戒

日爾受天子之知爲朝廷諫官慎毋唯諾以傷體  
梓直以姑名梓庵侃侃指陳條奏數十上皆見採  
納安人教之也時寇氛日急建勳大帥日糜金錢  
殊無屯綏之志兵弱而餉益調梓庵卿命督江南  
餉奉安人歸里安人論以時事孔棘宜速饋運以  
資敵愾然東南民力亦可念也梓安督率有司歲  
鑑如額而民亦不病安人以柔弱閤閤目不見尺  
素之文耳不聞嘆息之聲而國家之利樊閤左之  
疾苦無不熟悉而周知可謂識大體矣壬午蒙恩

道山堂集 文四

五

襲封廷尉公亦奉使而南輜輶帷帳服朱紱一  
門貴盛古未有也甲申之變廷尉公年近八旬傷  
銅駝之荆棘痛鼎湖之莫追憤恚以致安人哀毀  
欲絕越二年而卒年八十有一云先是梓庵擇地  
於高遙數年而遷於暇山與廷尉公合又十餘載  
形家仍以此地宜再卜也復與廷尉公收塋於某  
山爲之銘銘曰誕華宗之澄粹兮合經典之弘深  
釐爾女士兮景命攸欽廣墳與以施教兮建省闈  
而進規箴蕙問川流兮藻質神散璫珩蔚容兮陸

露抽陰望佳城之鬱鬱兮受介福而永德音

道口堂集 文四

五七

力錦溪哀辭

余少時與力錦溪同受業方汝典老師之門當時鼓篋樂羣殆百餘人輒推錦溪衆中僑胖所謂凌風之鶴千里之馭駿也錦溪博古專勤朱黃盈帙恥爲輕材小儒字句櫛比學日益殖而所如不偶終于蓬艾唐史曰士懷琰琬就煨塵抱棟幹困溝壑者可勝道哉錦溪歆歆結轡蕭蕭然環堵下帷講授以資膏火若噓枯吹生爲溫飽計非其志也追不得已姑從變計勉就錢穀之役遂絕意進取惟課桑麻治生產非租稅弗衣食久之田廬視昔有加而粗糲布衣不改吾素焉天性至孝父疾侍藥衣不解帶日不交睫父思啖非時果對天號泣忽得所遺以進有古人泣竹之異母鄭太孺人之卒也哀痛骨立得腦瀉瘳血病三年繼母王太孺人鄭太孺人相繼亡執喪有禮竭誠致敬期無憾而後卽安生平忼慨好施急病讓藥拯人危難無有德色還遊宦之視而代理其遺負憐裁缺之滯而亟恤其饑寒諸如橫逆羅織亡命圖賴不惜捐橐

道山堂集 文四

五八

以解其困鄉閭爲力役所累憫人不息則賜恤之  
內外族戚婚嫁死喪無不勉力扶助洵勇于爲義  
不求人知者也甲寅逆變遭阱陷獄怡然安命得  
處憂患之道至其兼綜該博白首不倦篋中之書  
丹鉛錯互篝燈之下伸紙點墨不知老之將至所  
著閩山勝概六卷洞天便覽一卷教誨諸子義方  
有則辟咎之前皆爲令器長君子俊暨子僑子侃  
子侗俱蜚聲蟻序子修尤雅劭能文次君子儼以  
明經候選縣尹諸孫俱清廟明堂之器蔚爲國植

道山堂集

文四

五九

蓋先河後海禮不忘始從此高大其門創業可繼  
有基乃能厚墉肯構由于作室理固然矣詩曰教  
誨爾子式穀似之錦溪之謂歟晚年推舉德行登  
于賓筵郡大夫式廬而請倣古三物賓興之典惟  
錦溪醇和粹美庶幾三代之英揖讓聖人之門闥  
橋觀者咸以爲有道君子名稱其實也丙寅八月  
二十七日忽爾捐館嗟此哲人瞻望典型不可卽  
矣昔樂天之哭微之不忘文章卓犖之稱義山之  
叩司戶尚多春雪黃陵之感醴酒空堂挂劍識樹

况乎傷心于故人悲涼於逝水者哉乃爲其辭曰  
繁星色正今觀麗天之寒芒有美一人兮婉如清  
揚文成瓊琚今行合珪璋冷聞強記兮橫帙縹緗  
射劉蕡之策兮未伸光陰萬丈之長玉在珉而弗  
售兮未掩抑以韜光泓泌樂饑兮終凱且康仁心  
爲質兮逮昆蟲其勿傷任恤三黨兮沛澤淋浪捐  
資解橐兮視財賄如毫茫躬惻惻兮稟先民之  
表坊茹荼蓼而自甘兮履變如常詒謀燕翼兮無  
魏義方畢萬之後必大兮覽麟鳳而翺翔篤材長

道山堂集

文四

六

養今譬之喬木自拱把至于棟梁源流淮演今起  
大川之汪洋保世滋大兮積善餘慶表厥宅里今  
讎于上庠皤皤黃髮兮壽考儀型于一鄉徵惇史  
而推壹行兮桃李不言而自芳胡天不弔兮降此  
鞠殃乘化而盡兮葆和以藏秋風急兮霜露淒淒  
渺渺兮攬八荒維洪範之考終兮膺五福而相當  
絲綸重疊兮冊書輝煌馬鬣榮旌兮宜熾而昌

慧默師誦華嚴募香油小引

世出世間之人如菌菰之在沃土紐房細的生於淤泥不壞色相次則堅忍戒幢當揀林木交應清淨蕭閒之地出於三都九達之外而后可以息紛呶而證心印倘脩持方始動曰游戲神通惟我自任姑置之漚坊酒肆魁創市屠中以陶汰其凡情其不爲魔民盲子者幾希矣慧默禪師原寄跡於道山祠廟忽爾猛省疾入石鼓山中誓明已事此卽淨穢之介而旃檀蜚螭之分也入山數月更欲

道山堂集

文四

空

諷誦華嚴願力可不謂弘夫華嚴廣博浩汗望之如百谷之王重溟窮髮莫可紀極所以爲教中之海師之發心諷誦覺善財童子入莊嚴藏見無量百千諸妙樓閣直在一彈指頃也昔圭峰得清涼國師華嚴疏爲衆講說遂有人斷臂酬恩以弘大教天台曰佛初成道爲上根菩薩說華嚴雲棲曰老鼠唧唧一部華嚴經師到鐘鼓寂時試掩卷尋思豈必聽夜摩之偈登毘盧之堂而屑屑於梵貝之喃喃哉雖然師之諷誦是亦功德之所起也願

諸善信量助香油其所裨益非小云

道山堂集

文四

空

馮太史微言小引

吳門馮太史學漢播穫孝格神祇天子門生彩筆  
煥騰庭燎玉皇案吏紅蘭香噴花磚用資作史之  
長揮毫秘府莫遂陳情之表抱慟終天遂看麻衣  
暫辭紫閣更以贈公遠遊幕溘逝海濱不憚風  
餐亟扶旅襯因之藹足江郎疾馳柘浦斷郵殘堞  
曾經百戰山川號咷哀猿祇益千行涕淚況乎鏡  
歌倡凱騎士過而路斷行人鐵陣移營樓櫓連而  
河無舟子月明茅店稀聞雞犬之聲露濕板橋只

道山堂集

文四

六五

見旌旆之影從此登馬鞍踰御口奔塔嶺走羅灘  
峻壁崇岡危沙險岸風雨驟至衣衫在泥淖之中  
饑渴如飢囊橐無餘糧之積及抵驂鸞始謀駕鶴  
過箭孔以驚魂渡大洲而駭魄漸泊困關隨臨古  
縣訪遺蹟於縫人覓先靈於廢刹類垣埋宿艸悵  
燐火之飛燐落日射空棺悲秋原之慘淡痛几杖  
而無從望巫咸而莫訴既傷陟謁之心因賦蓼莪  
之什似孫綽之思過庭摧肝剖髓如仲宣之咏烈  
考類賦流波凡我同人誰無至性幸大賢之至止

瞻道範之非遥與抽班馬之奇思庶開閱會之懿  
行將見移孝作忠畫省載蓋臣之烈而居今垂後  
儒林傳令子之名

道山堂集

文四

六五

龔學博送別詩題辭

達川玉輅泰離別於朱絃飛旌桂輅湖纏綿於芳  
草臨南津以揚舠曳輕虹而倚匣戀滄波而辭講  
幄宛爾開鷗守場霍而罷朝衣杳然黃鵠因之金  
鷄染霧傾鸚鵡之餘杯極浦停臚寄瓊瑤之逸響  
莫不淚灑紅亭魂隨古驛而况雅化誌於苜盤椒  
聲著於槐市者哉惟我學博龔先生金城萃秀甘  
露濡仁髦士攸宜琴瑟笙鏞悉皆佛樂作人壽考  
梗栢杞梓盡獲裁成矜式著樂城之訓勸綬傳興

道山堂集

文四

空五

國之風隋珠加磨瑩之益荆璞發採琢之榮柰以  
宋室歐魯忽爲漢時張邠俸買青田興同秋葉思  
欲結芳杉嶺夢移石辭之班負笈桃源歸泛江波  
之淥結鳳水之遺綸尋鱣溪之舊艇平湖曙日吟  
庾信解纜之詞庭雨空塔綬何遯罷酒之什好音  
起於臨岐霄漢時爲回首凡茲僚友以及生徒吟  
望烟霞心馳羽翰低徊洲渚目斷輶軒隨風而拍  
苦言臨川而結悲情指河宿而占少微中夜見眞  
人之氣撫焦桐而思白雪清風懷流水之音余素

依屨間末板雲鳥觀茲頻水半壁載函丈之風流  
鼓篋歌詩誦膠宮之芳澤聊貢鄙詞少當祖適用  
抒春風灞水之思并誌柳色河橋之感云爾

道山堂集

文四

空

省心堂血盆會題辭

昔那叱折骨還父折肉還母然後現本身爲父母  
說法驚崛摩羅聽信外道欲殺母取指佛以天跟  
觀之說以不住之義遂卽棄刀投佛黃梅成童時  
隨母乞食曹溪樵採鬻薪以養母有謂釋氏出家  
取父母而空之非也吾儒讀宛鳩之篇憂傷明發  
慨然有想於其人卽此一點靈性與世尊在叨利  
天爲母說法其意則同可知鞠育之懷世尊從摩  
耶腹中未嘗斷滅假使桀鷲叛亂之夫戕害天性

這山堂集

文四

卷七

以脫畧人世爲高輒曰吾亟去父母者將以了清  
淨歸正覺是入於蘄湯爐炭而不知反者也省心  
堂諸法侶皈依菩提做維摩之行闢黃面之教侶  
舉血盆緊誠拜誦此孝之徵也夫人生所難值者  
莫如父母之年終天憤恨無以自解乃旣得其年  
而又玩愒怠棄晨昏缺然求其愉婉柔順以得父  
母之權者蓋亦少矣諸法侶以地獄血池之戒爲  
此凜凜無論過去現在而必爲其母祈免意蓋直  
切此卽宛鳩明發之心誰無北堂有不念母難而

憶其痛楚闢乳哺而恤其恩勤者乎願力而行之  
以勸其鄉之人卽以勸天下之人可也

這山堂集

文四

卷七

黃處菴三老詩題跋

昔魏應墟咏陌上三叟一日內中嫗貌醜一日量腹節所受一日夜卧不覆首噫抑何言之淺也夫老而可傳者莫如德能古者衛武九十尚作懿戒之詩伏生九十餘漢孝文使晁錯往受尚書豈徒誇河圖之流星羨絳縣之甲子乎今讀處菴所作吾鄉三老詩每每稱其德能贊颺其生平之所長則其年與人俱傳矣三老精神強固杖履倏然覽其志趣尚能作唐且之詞說騁楚丘之遠謀後進小生不及也處菴品藻文物敬重船背情見乎詞書曰尚猷詢茲黃髮則罔所愆其三老之謂乎

蓮山堂集 文四

六九

達化上人松石圖題辭

佛家空諸所有以四大爲泡影所重者佛之慧命慧命一續則實相無相正法不壞道家所謂傳薪卽佛所謂法輪常轉也但這道理父母已生以後與父母未生以前有何分別若於此處參勘得過則祭真歸元便自灑灑落落所謂未出母胎度人已畢豈虛說哉達化禪師年當大衍於此道既有悟入平日敲鍾打鼓唱偈拈香俱可任意縱橫蕩然無礙自不沉淪生老虛過年歲今日中秋佳境提起因地根由卽知色身有形有影便可悟法性不青不黃菩提煩惱似月當空本一如也若必以喬松巖石爲師介祝此養生導氣者之所爲師當進竿頭而奕然笑矣

蓮山堂集 文四

七

荔枝詩跋

圖經載荔枝閩中第一歐陽永叔咏水晶之九孔  
稚圭指火中之寶仙人羅襦見稱于東坡舌頭甘  
路嘆美于子昂天下尤異之物非維高人點綴難  
丹矧明璫絕類無儔祇供玳筵綺繡曷足當上賞  
哉慎翁禹公修綆汲古鑲管寧新乃以皇華餘暇  
流覽山川吸泉思湧吹簫風生因賦荔枝詩四韻  
窮物體之要渺極風人之深致洵羽流錦節樂部  
蓮鐘也物因人以傳信然

山堂集 文四

七

與鼓山爲霖和尚書

久別旂竿已十餘載翁爲饑寒俗緣所累奔走南  
北只見一團重擔載不起放不下好似撞壁暗漢  
頭穿額破近始歸鄉并年已衰邁於心身安居平  
等性智猶如隔膜峭望和尚金針妙手刮翳去迷  
微倖向無孔鐵椎尋箇消息而芳巖峰前未得躬  
親宗旨誰爲提挈擬演耶今維師退院以後法席  
久虛雖和尚隨地接引刹刹神通而興聖道場四  
衆霧集豈可令祖庭寂寂不見鑪鞴刀峯之大機  
大用也茲特修短扎虔懇致請後祈寶錫早臨不  
特弟窮老之年得親法座而一切學人莫不喜得  
一識一棒以爲入道之階庶幾石鼓塗毒宗風再  
振矣

山心集

文四

七

題倪儀甫姑丈小影

嘯傲王侯箕踞林表脫塵瑱而不滓抱琴書以自  
娛視乎逐巧點妍嘔噀奔走者遠甚束皙云全素  
履于丘園背纓綬而長逸其是之謂歟

道山堂集 文四

七

道山堂文集卷五 俱代言

閩中陳 軾著

男 宗栢  
宗威 全輯  
于侯

丁學道與頌序

古者治化之成被其感者恒託之歌咏以形容其  
美如蔽蒂甘棠塵剪伐之戒芃芃黍苗述原隰之  
勤至於阜麓之章豈第作人而祝以景福思齊之  
章譽髦斯士而歸於德造蓋其浸漬於風俗而興  
起於人心足以和金石而播莞絃莫不推其所由

道山堂集 文五

以誌膏澤勤苦之恩焉翁丁老公祖董學入閩教  
化之行業已彪炳海陬矣吾閩變亂以來巾卷羽  
箭委諸榛莽及次第削平亂不作衿佩鏘鏘始  
復絃誦之舊近者威靈肆訖震疊扶桑摧朽拉枯  
瓊島面內而明德服遠集泮林而懷好音崱藉文  
教誕敷以宣肆夏允保之烈公以鑿坡宿望出而  
掄材品地優崇墻宇重峻其持衡則鎔鈞於六經  
根抵於傳註肅韶鄭衛貞淫以別如升東嶽而知  
衆山之剗巍浮滄海而知江湖之惡沱也而時之

卑陋媮媮取青婉白工爲柔曼之聲者既已衰止而軋苗骹骹之習亦復返而依於昨斯盛世之元首出矣夫炎帝之試百草也草根樹皮敗行厚息以至鼠肝蟲臂無不驗其剛柔升伏寒陽平毒之理而爲之調劑巧工之制木也大若舟航柱樑小若楫楔脩若欄欂短若朱儒枅櫨莫不相其方員曲直斤斲斧削以適於用公造就人材簡擇而差次之亦如是而已而且介而不阿潔而不澤華門圭竇之子皆得拔茅連茹而慶彙征論者謂本朝

道山堂集

文五

二

四十年來董學之任首推公第一云蓋公生長江右則爲歐陽公而師師吾閩則爲常觀察是真無忝風化之任者也今上敦尚經術崇儒重道以公之倡明正學入膺股肱心膂仰佐禮樂休和之盛天下自此觀其化咸豈特閩海一方忭舞於彤蟾曲蓋之下哉茲者薦紳縫掖相率吟諷出於中之誠然而動於情之不能已非敢貢諛以媚其上庶幾備輶軒之採焉

十哲臺書序

竊嘗名臣挺生功德顯庸惟得天地淳龐純固之氣具天縱出類之姿上結主知下符民望而能成天下之大名萃天下之大美繁禔茂祉申錫無疆其忠勤才美顯名福履之盛蓋天心之所篤祐如此其隆也在易大有之上九自天祐之吉无不利言人臣際大有之世居上位而信順協乎天人天實純佑命之矣翁下公老祖臺奉簡命陞擢福建宣撫按部以來綏邦屢豐幹止懷樂海濫偏戶

道山堂集

文五

三

婦衍子嬉熙熙然若登春臺而吹暖律仲春十有三日爲公覽揆之辰八閩巷居屢次山谷村落權忻是藻頓首鈴閣之下諸縉紳躋堂介觥命予一言以常祝釐予不文不敢辭予惟采芑宣玉之所來威也曰方叔元老克壯其猶古聖王命閭制勝必如元老其人然後成顯允之烈而奏師中之績故其駿功之所著定流諸金石播之雅歌公家世元臣接踵夾日月於東朝永河山於帶礪豫章之木十國璫璣之寶九襲几周之士不顯亦世此之

謂也太翁總督公簡制雲貴牂牁滇國勲振荒微  
鉞彘鐃鼎勒諸策書諸昆歷踐清華聯登膺仕公  
從辟呬之餘胚胎治績能顯揚而光大之起家前  
中二千石廉敏慈惠膏雨普化治行第一如漢吳  
公文翁黃次公龔少卿等委署離司剔奸詰弊通  
商裕國甘棠勿剪著於謠頌公治治恩厚大有功  
德於海濱及分麾山左隨晉藩臬明刑弼教旬宣  
係釐歷著勞勩今者開府八閩建威銷萌屹然鎮  
鑰寶閩人之幸也公此馭下車蒐乘選將軍容翁

道山堂集

文五

四

習指畫山川燎如指掌治戈船建旂旄勒部伍儲  
糗糧河陽壁壘煥然一新固已輕裘緩帶叶師中  
之吉矣撫茲瀕海赤子初離湯火提携哺乳如入  
其家而代爲謀凡以好惡同民不出帷闥而安樂  
之與其跼苦之必恤一時之望恩待命者不謁而  
得其所欲念閩人情窳偷薄險健成習舞文之徒  
譸張章合嘗試棘木之下公開誠勸諭磨以禍福  
一時翻然改悟洗心滌慮咸感泣而去蓋公仁心  
實行特厭世之網罟亟疾以爲威而循循焉和平

簡易益若穆風斯誠豈第君子民之攸暨者哉由  
是統率所司賦有常經耗羨永杜役有常法驛驛  
自息奉行之吏無不潔已奉公以稱上旨從此教  
化漸摩凡茲衆庶遊於光天化日之下沐膏澤而  
咏勤苦寧有既哉抑余閱萬年之頌本於邦基天  
壽之休迪於保乂天啓清祚燕翼方新基而乂之  
寶肇自公而基由樂只乂歸平格惟公兼馮余謹  
綴蕪詞以當封人之祝云爾

道山堂集

文五

五

陳城守壽序

今上誕隆駿命河嶽懷柔專藉師中貞吉鈴固封疆肅清海表以襄懿德時夏之烈而拜天子萬年之休念茲八閩僻處遐陬近者臺灣島外悉獻版圖脫劍釋鞬斥壤弛警而福州爲咽喉重地惟籌謀綏馭制勝萬全而後建威銷萌久要長治端攸賴焉城守翁陳公以元戎之勲寄扞衛之重其茂德鴻功聞之人亦既歌而頌之禱而祠之矣公符傳黃石靈應雷泉夙負決勝運籌之畧更擅鈞

道山堂集 文五

六

援臨衝之策乘機制變用兵如神然以嶽錫閣中擁樊川霸水之奇地靈人傑交相輝映余觀自古名將莫盛三秦如漢馬文淵趙翁孫班仲升晉杜元凱唐李藥師李西平宋韓良臣等功名福澤千古莫比嘗讀小戎伐收叙其車馬之備與夫鏤磨交張之美而知秦風之強也公初起家兩浙進勦逆賊所向摧枯拉朽擒馘無算隨擢督戎駐鎮平陽維時叛藩反側發難於閩公之爲浙也懷震隣之憂拒燎原之勢不憚先鋒鏖陣排捷隨屬及至

血戰風號塵長掃公之爲浙也實以爲閩也朝廷特簡公福州以公有大造於閩而能附其衆也公受事以來訓練士卒河陽壁壘煥然一新尤念福州八閩根本綢繆未雨時厯桑土之謀諸所守禦無不備具夫兵與民不相習也公飭兵以衛民俾保其廬井寧其幹止而紀律申嚴持幢夾戟不敢與齊民抗則兵與民漸相習而民不知兵非節制有方而能如是之安靖無擾乎上臺廉公長才委署海壇福寧兩鎮環海戍卒惴威懷仁海濱父

道山堂集 文五

七

老望其車騎瞻戀不能已公九載勤勞名播遐荒荷皇上宣召陛見溫文宣諭每興拊髀頗牧之思指日晉爵通侯釐圭錫卣勲業顯融未有艾也嘉平廿有六日值公覽揆之辰懸壺聚標相與慶於伍巷居廛次相與歌於野諸縉紳及成均庠序沐浴太平感公膏雨更澍命予一言以當祝釐余畧叙公之勲績及功德之在人者稍伸躋堂之義庶幾天壽平格藉此爲純嘏之徵若誌大椿而讀龍嶠乃頌禱諛詞何敢以當封人之祝哉是爲序

吳興縣志序

從來康國理政錫福庶氓必有中和豈弟之德篤  
叙無疆而後以經術潤飾吏治蒸民允殖化行俗  
美下邑之衆戴之如日月愛之如父母臺萊之歌  
兕觥之誼往往登之聲詩以誌其盛此治之所以  
隆也平陵蓬翁吳侯以名制科蒞吾閭邑下車以  
來閭左謳吟權聲湧合茲以仲春廿有九日爲侯  
嶽錫之辰諸太學命余一言以當祝釐余不敢辭  
余惟侯名列蕊恩班齊玉笋其文貫穿百家閭中

道山堂集

文五

肆外有昌黎起衰百代之思天下膾炙佩服不啻  
捧球塵而就礪治及以文教敷爲政事明體適用  
悉本平日治經生時所諳練而曉暢者也閭爲省  
會劇邑應接旁午簿書填委拜跼俯仰之勞徵索  
供億之衆日不遑給敝敝焉縈帶輿馬之下紛淪  
文牒之中公弘濟自任肆應不窮操縱咸宜細大  
就理夫騏驎之力勝重負引巨輻行千里於一日  
之頃函牛之鼎實以千鈞和薑桂者數石公之經  
方致遠何以異是條鞭賦歛時務所重然胥鄧坑

法臺害滋多公悉力勾稽清釐飛酒隱匿之弊  
熟知民間利病田土沃澆戶口登耗之數嘉登江  
左兩尚歷年朦混爲之一清至於催科之中寓撫  
字之意用一緩二諷然軫念薄其筮筭省其誅求  
斷理獄訟其詳其慎不鈎距以附例不移情以就  
律爰書一出人以爲神考校童試鑑衡精當前列  
多入黌序更愛惜士類古田諸生踰期黜革力白  
學憲爲其開復侯仁心質行多如此類余讀兩漢  
循良傳良吏最著厘厘數人皆刺史郡國守相也

道山堂集

文五

以今稱者獨王渙劉寵孟嘗劉矩重恢止矣攷其  
所爲治狀則發奸摘伏簡除煩苛耕織種牧皆有  
條章無甚殊絕也當時百姓歌頌之璽書褒美之  
稱爲神君况如侯忠誠固結精通於民豈不赫然  
盛美哉蓋公伯父太守公恤刑入閩平反得情全  
活者衆于公德澤崇菱猶新太翁子蒼公篤學醇  
儒貽謀盡善偕長兄象樞公大雅博瞻俱著有詩  
文行世祖母沈太孺人貞節撫孤垂光誌乘侯之  
學問淵源猶渾河之有星宿江漢之有岷嶓取火

於燧採珠於淵理固然已侯指日治行第一名入  
諫垣爲侍從之臣從此晉卿貳秉鈞軸以壽一方  
者壽天下天壽平格祈之以得艾廢之以萬福非  
特海陬忻舞已也余敬掇蕪詞以當封人之祝云

道山堂集

文五

李君 壽序

國家慎選閭外首需將帥之材而擇將而任不在  
乎披堅執銳行營居陳之日也既試之他事以視  
其長置之繁劇之地以竟其用而敵王愾建國功  
顯允大猷已具於斯此奇俊英杰所以召推轂之  
求興拊髀之思也 翁李公慷慨從戎多謀善斷  
制勝御人綽有方畧洵將帥登壇之選矣公早歲  
側儻自任嘗鄙章句小儒無裨實用因習孫吳之  
學當事委任總戎畀以軍政時鎮閩將軍伯知其

道山堂集

文五

才委管

蓋時當太平無事斥埃弛警索

弓臥鼓惟是經理郵符流通舟楫且軍機翕忽勢  
若呼吸非幹理長材安能勝任愉快公受事措置  
調度得宜旣乃倦勤請代將軍伯如失左右手復  
數徵召強起林臯再蒞拓浦迄今六載百務脩舉  
更待下有恩撫恤備至至於四郊間有竊發力請  
當事傳檄詰捕百姓帖然安堵無恙雖封疆固圉  
公不以杆禦守土諉非我責而綢繆桑土籌謀隄  
防至詳且悉人咸感之公智慮深沈謀見高遠與

之璧盡古今成敗得失之際沛然若谷之應響至  
於斷制機事譬之干將莫邪刺犀兕截危鴈往往  
中窾若乃周人之懲救人之厄憊病讓癸無有畏  
阻公誠足任天下之事者哉元配林夫人柔嘉淑  
嫺素習姆教嘗讀葛覃之詩見其思而能勤富而  
能儉讀采芣之詩見其誠而勿貳敬而不渝及其  
勉勉同心雞鳴靜好教誨孫子橫經籍史一室之  
內聲出金石今與公稱雙壽焉長君 升名國  
子司鐸典教勸綬有法聯綴二第指日可竣諸姪

道山堂集 文五

及諸坦腹成均譽序俱乘時而展承諸孫堂前玉  
樹森森立竹公昌大之福當未有量也茲以孟夏  
望日爲公嶽錫之辰諸親串登堂介祝命予一言  
爲修盟先予聞壽者受也戢穀之宜視乎其所自  
受公勲庸日茂爲龍爲光他日如趙管平上金城  
方畧平定西羌無如老臣周召虎承命經營拜手  
天子萬壽誠國家之福而桑梓之慶也請歌蓼蕭  
南山以爲公壽

南平章邑侯壽序

嘗讀幽風之詩躋公堂稱兕觥期於萬壽無疆讀  
有臺之詩祝君子萬壽極於黃耇保艾頌其德音  
曰民之父母古者上下推誠相孚達於燕饗之節  
而竭於朋酒之誠無非致其尊親形之歌咏而已  
池陽 公章侯豈第令德徧暨下邑菊月 日爲  
侯懸弧之辰花巖雲峽權聲湧合余年友黃宮柱  
俱侯同籍兩家子弟修盟申祝庶幾乎頌禱之義  
也因請余言以張之余謂立政敷教如範之有模

道山堂集 文五

範之有度明體以達用轉本以肇末天下致治未  
有不本於學者也侯秋浦名碩飲讌曲江其文貫  
穿百家閎中肆外有起衰百代之思天下膾炙佩  
服不啻捧珪璋而就礪治經術吏治相爲表裏文  
章之效彰彰可觀已侯恂恂質行絕無爬搔煖語  
朴擊毛舉之色而政之所及如風之噬谷泉之注  
澮下里之衆懷若挾纊不假赫赫之聲而大體已  
得矣侯下車甫兩月見夫洞幽察隱亭平歸於仁  
恕則獄獄之良也羣弊剔蠹掾吏凜若神明則御

下之明也。煦育與咻周咨，惟恐不及。則字人之慈也。視躬律已，冰心皦然，不溜則節操之堅也。侯之爲治，不肅而成，不嚴而洽，不教戒而遵，其風猷使其漸次休養，需之歲月之久，庶幾婦衍子嬉，康阜復見。久道化成，豈足喻哉？蓋公先世出太傅，仔鈞後由閩遷吳，惟居池陽爲最著。沿歷宋明，簪綬聯指，不勝屈累世篤厚，咸稱長者。太翁高才，積學授經，講道不異河汾。侯辟珥之前，推爲治譜，固已裕如。長郎早領賢書，餘俱尉爲國楨，取火於燧，採

道山堂集

文五

十四

珠於淵，理固然也。余謹按傳記所載，名臣列卿，其間勲業聞望，炳燦史策者，多於縣令。爲發軔卓茂封侯，豈非其始基耶？聞之劍州有神物焉，起自豐城，至延津而化爲龍，侯過化於茲，自此而神受不測，爲霖爲雨，以福佑衆區，壽一身而壽天下。余將進平格之詞以獻。

拔貢錄序

今上誕敷文德，勸學修禮，闡濂雒開閩之教，以風勵天下。特加意辟雍，首善之地，進秀才異等，輒以名聞，務令四方儒雅，霧會京師。古稱雅吹擊磬，乙夜乃罷冠帶，綰紳圍橋門而觀聽，未若如是彬彬盛美也。二十五年復舉明經之士，貢於大廷，以重成均之典。余視學八閩，恪遵功令，錄人以獻，竊惟閩省海濱，與區風推鄒魯，江山秀傑，之氣烟島奔湧之奇，鬱爲文章，實人才之淵藪。余校文持衡，茲

道山堂集

文五

十五

初有加，雖不敢叨歐陽得士之譽，而采金昆吾，剖璞荆山，庶幾書貢璣組，詩咏隰桑焉。然余之與諸士遇者，文也。諸士之所以自期，余之所以期於諸士者，不但以文也。太學之設，教以六藝，而必先以三德。三行春誦夏絃之餘，使之見大節踐大義，朝夕服習，無非治天下國家之道，以備公卿大夫百執事之選。董江都曰：太學者，賢士之所關也。教化之原本也。諸士蘊韜道菽，拔茅彙征，行將排閭闔，步玉躡蹕，聯結軌於康衢，璠璣垂光於廊廟，洵足

爲省雅鼓篋之光矣今諸士躬逢盛典因爲叙其  
名次載其里居年齒弁及宗黨譜系類編成帙其  
序於余余無以益諸士也聞之赤神五色必生車  
轅之丘郊數一角用中黃鐘之律諸士抽鋒擢穎  
爲國禎瑞願以同升之雅出而乂民佑辟潤色太  
平余得藉乎無忝於以人事君之義實有厚望焉  
諸士勉之

道山堂集

文五

六

高文宗壽序

文教之興自濂洛關西續綫聲緒吾閩以山海海  
濱比隆中土遂有海濱鄒魯之稱良以作興倡導  
侍乎原道真儒明經術以正人心而後振衰起敝  
用襄一代文明之治夫文章之行於世也猶日月  
星辰之行於天也雲漢爲章而作人之澤永於壽  
考所以豈第君子而福祿歸焉春王三日爲膠東  
翁高公嶽錫之辰諸縉紳躋堂稱觥命余言以  
申祝釐余不敢辭余惟鎬京辟雍建於豐芑而伊

道山堂集

文五

七

濯以著所以國家者定之後臥鼓橐弓始重學校  
闢撥亂反正甫脫尉堦鈴鐸之警而復鼓篋宵雅  
之舊此政懿德肆夏之秋也公督視學政條教科  
指章程一出如風之噓草木之注川矣公山左名  
碩高掇上第初掌綸閣總司清要文章詞誥式光  
禁職出典粵閩共推東箭藻鑑得人海內早已傾  
服迨晉西曹而治獄廷平轉稼部而度支詳慎洪  
名雅望久隆京省今上特用之於閩其所以爲閩  
計至深遠也文章隆替關乎氣運若微影而察形

惟使聞風澡滌一返於法卽擬議變化以盡其才  
不言法而法自合故雖鞭霆掣電絕景超塵不過  
同化工之肖形而無奇袤靡流之習公之程士取  
其才法之兼而已譬之場氏取材無非素植陶師  
簡器皆其成模彼擁腫牽曲皆竄淫巧之倫歛迹  
而遁蓋公有淵澄岳立之標而用以羔羊素絲之  
節苞苴不入脂膏真潤玉鑑冰壺孤潔無比伊尹  
之任也藉于瞻曰其素所不屑者足以取信於天  
下公之謂矣公惟嚴一介以砥廉隅以故革門寒

道山堂集

文五

六

峻其臺連茹卽至決拾韜鈴之子咸精心蒐採使  
之踴躍功名之會惟清故公洪纖大小品題所以  
咸當也蓋公度量弘博器識淵通溫文爾雅有古  
大臣赤烏几几之風指日如漢少傅桓榮陳其車  
馬印綬以示稽古之力從此而晉亮弼秉國鈞萬  
年之頌本於邦基平格之休廼於係久景命有僕  
允襄戢穀聲宜之盛豈特一方祝福已耶聞之壽  
者恒久之辭世之最恒久者莫過儒者之道而道  
所以恒久者祇此至誠無息而已公成已成勸合

於至誠此卽悠久之義而壽之徵也是爲序

道山堂集

文五

十九

李邑侯壽序

侯官吾閩之劇邑也當省會之衝而爲之綰綬得最重地惟以肆應之才敷循良之治寬猛合宜緩急中窾至於政行化洽於民情則久而愈習於吏事則久而益精父老子弟愛而戴之不啻萬彙之迎和風黍苗之被膏雨其爲鼓壺潤澤蓋難以形容盡也山左 翁李侯臨蒞茲邑以約禔躬以嚴御下以安靜節愛和民以實心實事綱繆封疆以真誠禮意延接士大夫剔歷久而望實隆從來循

道山堂集

文五

三

吏未有出其右者侯邑兼併懷安賦稅甲於諸縣版籍繁重吏緣爲姦侯苦心精核按其戶丁事產飛詭那移自此永杜胥攢束手抱牘奉法至其絮令催徵省其筆管緩其追呼數年召致天和閭里豐稔標豚蹄斗酒相勞惟祈於山陬海澨之間以故惟正無缺侯之賜也徭役之興起於軍旅地方寧謐役猶未已侯一意樽節與之休息一邑無大東之嘆兩造盈庭片言立折雖有疑難之獄談笑平亭從容而遣之人皆輸服聞邑時乏令長侯餘

力兼理雖未代庖而左右經營胥胥不辭更勸課多士每月有考親加詳臨差次高下不啻紫畿關門羣空冀北歲科童子試嚴加揀擇號稱得人夫办遊斧剖犀燃燭照擅明斷者皆所優爲至於一喜一怒皆得其劑不競不綽要歸於平寧特才之爾殊其藹然忠厚家視官子視民之實心有幽可以信神明而顯可以信氓隸宜其操縱得當人情感悅實侯本來真誠之作用矣夾鍾四日爲侯懸弧之旦諸縉紳命予言以當蹟堂之義予聞節美初蠶占扶桑之結繭辰傳獻種咏后稷之來年侯際茲盛景桃樹始華慶五福之介履平格之寶異時爲霖爲雨潤澤寰宇凡在含生悉受其賜豈特區區海濱所得私有侯哉余且歌蓼蕭壽考之詩以爲侯佑國揚休之券是爲序

道山堂集

文五

三

吳閭縣壽序

吾鄉閭屬首邑省會綰數重地出政敷教爲百城之所師表是必以經術潤飾吏事剛柔寬猛劑錯成治以惠羣生而風有位蓋批大郤導大窾拔經肯綮因其固然而後躊躇滿志遊刃而有餘夫駢駢駢之乘一日而致千里而駕蹇不能入畝北海之鵬搏扶搖拿角而上而斥鷃不陵桑榆則利鈍大小之殊也平陵 吳侯以名制科出宰茲邑植花製錦士庶欽仰風裁久矣侯學問淵濶表宇

道山堂集 文五

三

高遠一登仕版明體適用中外咸宜精明振刷之令率作於上忠孝惻怛之意灌輸於下受事以來仁心質行次第修舉民如觀青旻遊藻日不啻挾纘之溫黍苗之潤也侯真誠真豁毫無矯飾臨民蒞衆洞然如見肺腑豐蔀之隱無不畢達拆獄如射覆扶隱如列眉兩造盈庭數語立剖人人自謂不冤勾稽案牘及一切爰書如其平日治經生家言咄嗟立辨維百務叢委宴坐談笑而決之得其環中以應無窮豈非手觸肩倚合於桑林之舞乎

今之爲吏者大率曉曉皎皎毛鷲以明高鉤距以示威侯則不嚮長不炫名絕遠凝脂束濕之術惟視躬束已安靖無擾薄其摑撻省其誅求冲澹粹穆之容使就之者心傾望之者知爲仁人君子至於催科之中寓撫字之指農夫曾孫負牛車以供惟正無敢後時及按籍以核賦絜令以協法辨任施舍胥鄣罔敢高下其手念徭役之困加意樽節汲泉獲薪自此不作邑之大者無如賦役賦役一清而治無不舉矣至於行履畝追徵之法嚴尼僧

道山堂集 文五

三

銅女之禁纖悉皆以爲民而嶄然不淄尤凜羔羊素絲之節觀侯新政而耳目滌濯物情大乎如此使其撫循之久則淪肌浹髓利賴當何如哉夾鍾二日爲侯嶽錫之辰諸縉紳躋堂稱觥命予言以當祝釐余惟樂只父母之歌萬年無疆之頌大約爲有功德於民者言耳侯功德在民歌舞尸祝者且千萬年從此而進無疆豈虛語哉侯指日治行第一達於天庭行將晉陟青瑣府槐棘以爲循吏之勳不特一方私祝已也予且舉藁蕭壽豈之

章與南山益廣可乎是爲序

道山堂集 文五

二十

李邑侯碑記

從來朝廷張官置吏無論事之難易職之煩簡要以愛民爲本臨川吳氏曰縣之於民最近令之福惠所及最速程子曰一命之士苟存心於愛物於人必有所濟召信臣選上蔡長惟視民如赤子程伯淳作令常於座右書視民如傷以自愧厲所以黥首作頌式昭德聲凡茲士民襁老携幼惴惴而懷恩願願而戀德相與援衡軒而若失鐫金石而不忘也惟我錫山蔡翁李侯真無忝父母之任矣

道山堂集 文五

三五

侯以名制科初授西掖不啻常衮文采瞻蔚譽重一時紅藥翻階允稱綸閣顧以右垣灑翰所掌者書命煥然文章而已不如擁軒綬紱紫綬及民切而奏效易也因請改縣令得吾閩之閩清長溪輻員狹薄侯不鄙棄其人民拊循噢咻不遺餘力惟科之中常寓撫字勾稽出入胥鄧束手悉杜挪移詭寄諸弊追徵設法勸輸有方省其鞭笞薄其摺持常賦之外不濫毫末農夫曾孫負牛車以供惟正無敢踰時前任之積逋鄉宦之加徵不憚墊贖

以完公事苦心補救尤人所難平理訟獄其難其  
慎不聞峻文濫憲以毛舉察察爲能而譁張牽合  
關誣舞文不令而自止及嚴考校禁冒籍振興士  
類成就者衆蓋侯之爲政如春風之解溫夏雨之  
解暘騶虞不殺之仁伸偃起甦廬井嬉遊若瞻青  
旻而捧藻日吾閩臺灣海窟伏戎盤踞島嶼仗朝  
廷威靈樓船破浪逋寇剪除椎結之區悉爲郡縣  
當事廉侯才移調諸羅良以地方初定親民之官  
非得文武備足不能牧圉而禦衆侯捍衛守土斥

道山堂集

文五

三

侯無警建威銷萌聲如磐石至於撫有蠻方愛民  
如子猶之長溪也侯學問淹洽貫綜百氏文方賈  
董詩逼錢劉薄牒之暇嘯咏不輟當如顧山陰畫  
日垂簾門堵閒寂其在海外條議著作文字規畫  
洞悉地方利病更爲周詳甲子分關所拔皆知名  
士有歐陽得人之譽常與博士弟子校論文藝差  
次甲乙入其門者如登元禮之舟而入河汾之室  
興賢育才於茲爲盛焉雖然天下之勢莫不始於  
小而成於巨嶮嶮嶢嶢起於培塿勢固然也觀侯

之治此一方者而天下之理無不備觀其一方之  
治此數端者而天下之端無不貫按古傳記所載  
名臣列卿其以勲業聞望煥耀當時者多於縣令  
爲發軔侯指日經綸雷雨弘濟案區閩人嘉賴未  
有艾也茲侯讀禮服闋詣闕候補裴橐蕭然不能  
供脂車之費諸士民醵金投櫃以佐行李命余畧  
叙公政治勸諸貞珉以垂不朽云

道山堂集

文五

三

田按司壽序

觀察使雖居外服其於察吏持憲視內御史臺特重蓋云一方吏民所表率拊循惟仁心爲質剛不吐而柔不如庶幾稱平允焉今上誕敷文德敷行肆赦布告天下好生之德洽於人心一時遵奉風旨無不丕敷簡孚以襄協中之治若山左介翁田老公祖觀察入閩洵足統率百司而克舉廉訪之任者也公青齊間氣卓然名碩所著文章周情孔思式型海內至於正已待物明體適用其容粹然

道山堂集

文五

天

其氣冲然其議論井然其辭受取與介然其臨對下吏延接士大夫溫然秩然人之望之如登泰岱臨溟渤不啻型範著蔡之在前而瞿然顧化也初試花封以治行第一入召清華尋陟秋曹忝綜刑制詳照如神出而鎖鑰五溪及監河朔三郡撫馭綏靖屹然南北係部不啻召虎旬宣畢公保釐今之臬吾閩也閩當兵燹之後俗漸窳訥訟繁起公解煩滌苛與之休息絕無刻削爬搔之概慈愛天性盎然而出山海之間壤瘠民貧易於犯法得

公履育而嶢嶢之如萬彙之迎和風黍苗之被膏雨也昔張釋之及於廷尉無冤民而民自謂不冤曹平陽師齊蓋公善治國而國不知所治公受嘉師而監刑刑雷電合章方之古人何多讓焉公聞望日隆謠頌不絕指日建牙開府用秦膚功從此宅揆彤闈平章當軸對揚王休拜手萬年不特海濱父老還禱於遐荒窮濱之下也仲呂夏月爲公懸弧之辰諸縉紳登堂介祝命余言以當稱觴余聞之易曰天地之大德曰生程子曰藹平若春陽之溫汎乎若醴酒之醇臨川吳氏曰天地生物之心曰仁惟天地之壽最久仁如天地凡溫和溫良寬洪重厚皆壽徵也公之學問以仁爲本而仁者必壽理有固然南山之言壽也康成以爲人君能得賢者置之於位則可以爲邦家基本享壽考之福公樂只萬壽此儒道之光社稷之慶豈予所能榆揚哉是爲序

道山堂集

文五

三九

張郡佐詩序

從來明德之世有開必先苗裔堂構自古記之傳  
曰公侯子孫必復其始夫以中外山川之鬱積培  
養一代之人材惟藉式穀之貽用衍流根之澤所  
以元老世臣之家多鍾承休濟美之彥聯袂而起  
此亦國運所繫非特家聲然矣郡司馬勣翁張公  
祖承太翁撫軍公餘烈按部三山治聲燭然始信  
渾河本於星宿江漢歸於岷嶓理不誣焉公胞伯  
父總制公兼轄閩服峴山遺愛碑石猶新諸昆五  
人或晉二千石或出宰百里或次補郡丞袍笏重  
積不啻東都袁楊西周尹吉公其仲氏也公天性  
易直仁心爲質惟是朴茂長厚非如世之亟疾苛  
察相高以射聲而釣譽者爲把其氣度盎然如玉  
恂恂若不勝衣屨及出其穎鏘截犀兕而刺鴻鵠  
弘濶泥應無有阻畏豈非仁義中正之效與公所  
理者旗兵禁旅之衆分遣戍守與諸道之兵不同  
必嚴治紀律使不敢犯務令兵與民習而民不知  
兵公爲平其闕諍禁其侵凌擐甲執銳不能與齊

道山堂集 文五

三

民枕境內爲之帖然且聽斷平恕協於情法解煩  
滌苛全活無算兩臺監司凡百大猷及可疑難決  
者咸以相屬平允之稱衆皆攝服然公才敏學博  
上搜六經旁括百氏淹洽融貫凡諸政治一一本  
於經術文章幹濟非鄙弁所及至於懸魚之操飲  
泉之誠冰蘖自矢古稱一介不取與誠足任天下  
之重焉公端方清品恢廓長猷指日登陟六卿爲  
名公碩輔建大勳名以著聞於時則其風流人物  
所以耀區夏而垂典冊者蓋未艾矣茲以端陽三  
日爲公懸弧之吉諸縉紳躋堂介觥命余言以爲  
祝釐問之綈賓叶律節屆天中集綵繪貢鏤帖所  
以揚景風迎地臘也公應斗南之期適鳴咽之候  
弗祿係艾與日俱永余咏豈弟壽豈以當蓼蕭零  
露之徵可乎

道山堂集 文五

主

祖都統詩序

今上懿德肆夏河嶽懷柔聲敘翺洽光於有載屬  
在閩陬脫劍釋鞬亭堠弛警尤以邊隅重地係邦  
善後務期得人於是分遣禁衛之族譚練亭禦爰  
簡命大臣偕太將軍統理鈐轄用褒定之烈而  
遼左都統 翁祖公膺茲重寄數年以來綢繆未  
雨永寧疆圉其所以經營吾閩者至渙且遠也公  
以鷹揚之才當禦侮之任帷中講論如儒先生而  
學問廣博舉凡朝廷大政及星曆輿地屯田河渠

道山堂集 文五

三

諸書無不遍曉昔晉侯作三軍謀元帥趙衰曰卻  
欒說禮樂而敦詩書琴瑟遵爲將軍秦置五經博士  
軍中與諸生雅歌投壺公文武爲憲儼然輕裘緩  
帶之風庶幾近之其鎮閩也勤蒐狩申紀律簡罷  
械整旗旄嚴鈴拆原脯餼河陽壁壘渙然一新以  
故三軍之士懷其挾纘之恩而悍其節制之嚴兵  
與民習而民不知兵閩左寧謐不聞脂韋芻秣之  
費供億徵索之煩婦衍子嬉歌咏大平公之賜焉  
余讀常武之詩言周宣平淮浦謂內史皇父命程

伯休父爲司馬使之左右陳行部伍整肅始成飛

翰江漢之功公殆旣歆旣戒惠此南國者與公年  
少從龍出師黔楚行間歷著勞績至今牂牁羅施  
鄂渚雍川之地不啻伏波碑石長鎮充南蓋公閱  
閩崇隆名臣接踵夾日月於東朝永公侯於帶礪  
蟬聯鵲起如豫章之木十圍璠璣之寶九襲詩曰  
凡周之士不顯亦世公家世之謂也公胞兄觀察  
公明刑弼教本蘓公之敬獄行定國之仁恕與人  
尸祝俎豆學官嫡姪雅才英邵循聲大著至於繼

道山堂集 文五

三

制公綏靖南陲及巖使公惠商愛民皆有功德於  
閩而公今按部海濱爲一路福星何閩人之幸也  
茲以季春一日爲公覽揆之辰諸縉紳孝廉明經  
命余一言以申祝釐余聞天鍾名世必予以耆艾  
昌大之福休又有邦公勳業顯燦戩戩咸宜它時  
如趙充國上金城方畧郭汾陽中書二十四考翼  
輔玉室以福綏一方者福綏天下匪特海濱歌舞  
已也余畧貢蕪詞竊比於躋堂之義云

高宗師壽亭

國家文武並重而教養之法亦無異術禮曰受成於學出征反釋奠於學詩曰集於泮林懷我好音唐宋知求將之要視進士科增置武舉遂得郭子儀狄青冷狐挺等然異人傑士飲氣拔術以赴功名之會非得延攬在上求材若渴安能驅天下之英雄入於彀中哉山左翁高公稽古淵通網羅百代當其飲譙曲江業已名傾海內矣初晉西掖紅藥翻堦出而論秀粵閩精心蒐採皆梗楠杞梓

道山堂集

文五

三十四

之材人有陸宣公歐陽永叔之稱洎擢西曹詳決如神及遷祿部金穀出納雅望隆於朝右近膺簡命督學八閩公秉衡司鑑揀無選珠殆如伯樂執轡追電之跡皆收匠石運斤千霄之姿自出模範成工丹雘篠簜資於格羽士之從之如填之在甄風之噬谷也公介守謹嚴杜苞苴却竿牘徑實不開黃緣屏息視李勉之投犀珍姚察之著麻蒲更為過之昔子與氏謂伊尹一介不取與爲其任天下之重夫超冲澹之表者不可涸以塵垢凝瑤璣

凡質者不可雜以疵垢公之清特洵足爲造士之本矣往者學校之司專留心文藝而拙鋒擢穎多受知遇之榮至於抗強馳突則鄙之爲不足尙殊不知朝廷兼設是科非罷免置之夫薄疆場之彥也法宮帷幄之中未嘗一日不思頗生也公矢公矢慎茲勅有加華門寒峻無不慶彙征欣利見凡決拾韜鈴踴躍思奮公之造就人材於茲爲盛云茲以春王三日爲公嶽錫之辰諸士念公教澤躋堂稱觥命余一言以申祝釐余聞之莫莢方新始

道山堂集

文五

三十五

和初布所以施慶惠暢閭澤也公壽考作人匡扶泰運若元善之長萬物舒景漸長弗祿彌永公身方旭日率諸士爲朝陽之鳳雛雖喈喈媚天子使異日三壽作朋更進黃髮台背之歌可也是爲序

于分公司壽序

國家精求民瘼特重外僚碩輔名卿往往輩出非特均勞出入國有常經亦以才閥則堅知練則老剔歷自久體望攸隆所以文學飭治廉謹有法守素絲之節而居之以平具遊刃之能而一以想斯誠升庸建勲之本而考祥助順之徵也蘭秋二日適 翁于公祖覽揆之辰諸估人咸溪膏黍懋比甘棠離欣鳬藻願獻千秋之觴命余言以當封祝余請質實言之公罷繼純明學問廣博而其大

道山堂集

文五

三

度弘遠有古大臣几几赤舄之風如喬山高嶽未嘗有意自高而登假者仰企焉如和風曠日未嘗有意迎人而披拂者自就焉公之蒞閩也其心惠以和其政勤以敏其法嚴以正其治安以順吾閩土壤狹瘠海王之利不逮他省兼以諸估人流離瑣尾瘡痍未帖公以時喚咻止其呻吟擗其痛痒不啻父兄之於子弟諸估人望之以爲和風以爲冬日以爲萬頃之波以爲鴻鈞布物元氣周流各以其量斟酌飽滿於其中而不自覺也至於戒贖

賑禁公費而人服其清趨幫運完正課而人服其

勤杜夾帶止私販而人服其令朱考亭曰古人察理精密持身整肅其意則以愛人爲本及施之於政事便須有綱紀文章關防禁約截然而不可犯公之嘉惠於商豈非藹然忠厚而仁人長者非武健束濕之術所可彷彿萬一歟蓋公治行卓越剔歷有素前掌綸閣如常衮文采瞻蔚譽重一時伯佐菰城謫思未戾今者仁明著化敷爲通商惠民之績指日璽書褒異晉擢台階參鉉秉鉞以壽一身者壽天下匪特海陬歌舞已也余聞之董子曰壽者售也功與德行於可久者壽亦售於可久樂只之詩曰樂只無疆闕官之詩曰既多受祉黃髮兒齒亦取其功德而歌頌之已余廣之以當祝釐可乎

道山堂集

文五

三七

千分司壽序

天生光明俊偉之才出而謀王斷國佑辟又民必其度量弘遠曉暢時務卽任以一方之賦式而歛散出入經國大計無不寓焉昔宋李文靖江淮轉運立法寬民范文正西漢鹽官捍堤衛民其後俱登釣軸煨燼史策所以潤下作鹹調劑盡善而經方致遠之畧已具於此也燕京 翁于公祖理吾閩之嵯司業已化洽而治舉矣公學問淹洽品望高峻起家西掖典管綸閣李巨山文章宿老張曲

道山堂集 文五

三

江一代詞宗不啻過之佐郡霄川仁愛廉謹藪人思之崇菱勿剪泊治閩嵯諸務釐舉吾閩幅員儉而賦入少視淮右兩浙如大海勺水然而疏而無隔通而無滯則裕賦理財之法均也省其疾苦撫其痛癢則救菑恤患之政均也止其透越祛其流弊則詰奸防隱之令切也公實心實政出其經濟緒餘卽能爲吾閩貽數百年之利視西路而稽查惟勤理東路而追徵得法省耗羨而廉隅自飭臧贖暖而繁苦盡蠲閩商資素涼薄非有巨商大賈

衛頓爲民之官魚類爲若應舉不振公待如青

不待董戒之令偵捕之科諸佔人之望恩待命者果乎如放諸春沛乎如泳諸澤勸業樂事不調而得其所欲豈非恩高而德厚歟公風流縉藉度越時流簿牒之暇吟咏勿輟蓄古法書名畫花卉罷玩以自娛適晝日垂簾門堦閒寂非第如文俗之吏排衙頭押紙尾縈帶於車塵馬足之下已公治行稱最已達彤廷指日晉擢大僚佑相有那顯融之烈殆未有艾茲以蘭秋三日爲公嶽錫之辰諸

道山堂集 文五

三

縉紳躋堂介觥命余言以當祝釐余與公京邸締交有年忝在宇下義不敢辭余聞南山之言壽也日樂只君子邦家之基樂只君子遐不作嘯康成以爲人君能得賢者置之於位則可以爲邦家基本乎保艾之福公以名儒嚮用基莫大焉而本之以樂只善其用矣其恒久也其無疆也此儒術之光社稷之慶寧獨以公私哉余畧叙公治行以申封祝若云吉甫清風余則何敢

張方伯祀名宦序

昔晉羊祜鎮襄陽登峴山東臨漢水嘗手植晉栢  
柯幹如錢當時與從事鄒湛遠望浩歎湛以羊公  
令望當與山俱載後襄人感泣爲之立碑唐孟浩  
然有詩云羊公碑尚在讀罷一沾襟始知直道在  
於人心其人與名並傳不朽不可以湮沒無聞徒  
資浩歎也前遺左 翁張公分憲福州仁政聞澤  
閩人歌思久而不忘不啻襄人之思羊公墜淚之  
碑今且再見矣諸紳等額請崇祀名宦社而覆

道山堂集

文五

罕

之命余一言譽序公之本末以當椒其余謹按公  
受天間氣命世偉人潔練靖其通達國體洵孝友  
之君陳文武之吉甫初授南曹風采嚴正銓叙廉  
平如田郎題程明允山公明雅邁時典劇司績業  
已望隆朝右矣嗣分臬福州以剛正率屬而以惠  
和御衆省會人民稠雜干阪時警公建威銷萌綰  
軍民重籌籌謀總馭綱繆未雨諸如嚴保甲明徵  
候繕牧園根本之地肇如磐石閩俗窳劣闢諍訟  
訟嘗訊棘末之十公悉行禁止武健之風漸以衰

愈更詰奸禦暴摘發如神吏民所上罪狀輒按坐

就法之大者以儆其餘郡縣大夫譏成爰書輒平

友之以故無滯獄亦無冤民所治驛傳清澄扣剋

節省徭役俾置郵傳命葛屨履霜可以不作然破

觚爲園斷雕爲橫仁心質行益然而出若挹穆風

而覆慶雲也至於養育人材菁莪雅化被於髦士

優禮士大夫折節不倦有赤舄几几之度迨公遷

轉以去吾閩不能遂借恂之願徒切衮衣之思公

自此儲憲黔中方岳西粵位愈高而績愈茂分陝

道山堂集

文五

罕

未幾而身騎箕尾吾閩欲爲東人我邁而不可得

也今者宣撫公開府八閩政教乎洽肅清海表爲

公蘭玉之暉方將陟岡瞻望而人民之衆黍苗膏

雨安能置諸懷乎吾觀韓魏公所歷諸大鎮張忠

定公在蜀百姓皆繪像以事公何多讓焉聞之禮

崇明祀神享至誠尸祝之舉所以貽馨香示明信

也茲者蒸禋大典從於先師實生芹藻之光而永

頌宮之澤庶幾風澤長存而頌聲不泯云爾是爲

序

李君 壽序

自昔投鉞登壇流勳名於史策其人類濶達俊偉不拘常格及請纓破浪奔走禦侮國家緩急藉以倚辦非如明經帖括執三寸之管踟躕於繩墨者所能及也詩曰肅肅兔置公侯干城書述文武亦云有熊羆之士不二心之臣惟不二心而後可爲干城天下之需將材豈不亟哉若三山翁李公余心儀之久矣余向諸生時就試棘闈倚公居停公不以尋常目余因與訂金蘭之契結縈紉之懽

道山堂集 文五

聖

及余遊寓拓浦謁公鈴閣之上左右鞭弭更稱莫逆蓋公出宋忠定之後元祖少司馬富翁公高祖外翰勉齋公曾祖邛州太守徐峰公蟬聯不絕再傳敬宇公生公昆仲有三公其次也公天性易直而沈雄儒儒多大量常耻章句小儒硯顏桑聲與人俯仰於天下事無所重輕因習孫吳之學當事奇其才授以元戎之寄古之任將者試之以五材律之以五慎有投鉞之儀有分閫之任凡以尊重其人而需委用責成之功也鎮閩將軍伯識拔公

以拓浦瘴政海屬八閩孔道庶務驛驛公措置

咸宜輒加器重將軍伯帝室懿親功震海澨而所推轂首先及公公誠負鷹揚之姿而勒當事拊髀之想者哉既乃息勞引避而綜理周備竟無有出公右者旋復徵召數四不得已再蒞拓浦今已六載待下寬厚恩撫如家人及臨諸百姓撫循慈謨民之愛之如醇醪之醉而挾纊之溫也城內外未靖萑苻時警公力請同事飭保甲嚴詰捕商晝寢奸弭變之法網繆未雨至詳且悉以故地方寧謐

道山堂集 文五

聖

皆賴其力以公捍衛之績肆應之能左宜右有指揮如意使其臨戎制敵宣克壯之猷而秉文武之憲無難經營四方勒名麟閣歐陽修曰得之以爲大將此一人之伎勇乃萬人之選而又粗知變通因擇智謀以輔之以爲萬人之將可也公之勳業洵不可量矣元配林夫人賢明慈惠素嫻內則典祀蒸禴五齊百籩罔弗其課臧獲積祿鐘米鹽錡釜罔弗飭督教子姪南應呬唔與機紡之聲相錯長郎承華幼年早爲學博授經北面耆名宿老拜

伏願丈業已徵其大用胞姪及諸坦腹或進成均  
或登賢序俊才英邵諸孫岐嶷不凡瑾瑜珥皆  
稱國楨公之福澤方綿綿而未有已也茲以仲夏  
望日乃公覽揆之辰諸屬員受公厚恩走尺牒京  
邸命余一言以當祝釐余忝附末契略叙公本末  
聊貢蕪言敬展侑觴之獻若工長生之頌修金石  
之文非所以壽公也是爲序

道山堂集

文五

四首

劉邑侯壽序

今上緝熙光明照燭萬里不越階序遐陬荒徼皆  
得周知而先嚮意親民之吏蓋周其地則愛其民  
愛其民尤重其撫綏此民者所以循良重望往往  
入爲大僚顯爲名臣功業章章不僭譟最爲不朽  
此卽漢詔張官置吏皆以爲民意也臨汝沈翁劉  
侯洵稱循良之最者矣侯中州名碩飲譙曲江鴻  
文大雅業已膾炙海內余謂文章與政治相爲表  
裏惟朔中彪外綜貫百氏經世大業無不從窮理  
中出紫陽曰胸中義理明從此量度事物自然泛  
應曲當侯讀書窮理左宜右有由其明體適用早  
豫於稽古之年也侯邑省會綰綬幾務旁午最稱  
難治宰茲邑者惟是俛首朱墨之間左律右牒簡  
文書按筦鑰羣吏環擁鴈門以進拘迫齟齬縈帶  
於輿馬之下困且不勝者什之九侯則於戴星出  
入之中不失單父彈琴之致以逸行勞雖難亦易  
以靜制動雖煩亦簡夫馭驥之力荷重任引巨轡  
直行千里於一日之頃兩牛之鼎實以千鈞和莖

道山堂集

文五

四首

枯者數石始適其烹飪之能匡濟之資誠勝任而  
愉快焉侯撫茲編氓若父母之於子坦於中形於  
色入公之庭冷然若聞南薰而解慍不啻續之挾  
而醇醴之醉已而名諸長老詢民疾苦恂然嫗始  
惟恐傷匹夫匹婦之心一切政令賦役鰥然必  
推擇至當然後便宜施行訟者過無問細大必根  
黑白約繩墨質成者原宥執法者伏辜人人帖服  
謝去卒無後言及披圖正籍辨任施舍苦心精核  
吏胥鄭長不敢高下其手追徵之令寬期會省鞭

道山堂集

文五

四六

筆寫撫字於催科農夫曾孫負牛車以供惟正無  
敢後時校試童子搜採異才揀無遺珠諸凡興革  
大政次第釐舉候下車治狀大約淵淳岳立之操  
羔羊素絲之節遊刃穀轉之才粹之以仁義中正  
之心達之爲模茂長厚之政使其漸靡濡漬設施  
寧有量數候前宰南皮剔蠹防奸彈災治盜課士  
弛刑八載甘棠途歌巷舞今者駕輕就熟仁心質  
行特舉而措之耳侯家學淵源金舂玉應高王父  
夔菴公佐守龐西曾王父元景公歷任虹州鄮陽

太翁木次公典郡西京侯承辟岬之餘取前嶽而  
光大之猶渾河之宗星宿江漢之歸岷嶓更叔父  
澄庵公現宰姑熟簪紱之盛代稱巨閥以侯之承  
先啓後沿行第一指日奏績形庭晉陟崇階如卓  
茂三公故事可翹首而待已茲以季秋九日爲侯  
嶽錫之吉諸縉紳命余一言以當躋堂之義余聞  
神倉儲穀毛毯呈祥惟三壽作朋之期值萬寶告  
成之候際茲佳節介福攸集詩曰樂只君子萬壽  
無疆請磨之以申祝嘏

道山堂集

文五

四七

張撫臺壽序

今天下郡國星羅猶古五等之邦中丞其連帥也比於分陝非周召莫任所以國家仗鉞受服錯置方隅極選一時之望用張九牧之寄當一面而制咽喉疆圉洵倚賴焉吾閩兵革初寧遠近磐伏臺澎新附幅員漸廣雖僻處海澨北門管鑰未易言也遼左大中丞翁張老公祖宣撫吾閩鴻功茂德漸摩濡漬非一日矣孟冬十有七日爲公攬揆之辰貌貅侍幕寮案登堂奏吉甫之燕喜歌方叔

道山堂集

文五

四十一

之壯猷交賀鈴閣之下諸縉紳惟忻覓藻躋堂介觥命余言以申祝釐余謂古之大臣以身膺社稷之寄必其文經武緯互相爲用始能尊俎函丈之間拆衝千里及其福民佑衆昌大壽豈之報恒必歸之公明體適用張弛競綵允協至則其冲和粹穆之度淵沈與衍之猷洞豁開朗之識凡在公之宇下者皆若型範著蔡之在前而瞿然向化如墮山喬嶽未嘗有意自高而登假者仰企焉如和風暄日未嘗有意近人而披拂者暉就焉吾閩當底

定之餘籌謀綏馭所以扶持而安全之無所不至去徭役之煩而罷其驛驛禁兵士之擾而寧其幹止杜雜派之苦而主伯亞旅保其蓋藏嚴紀律之條而懸壺聚櫛俾其節制疏文網以省株連崇學校以伸士氣恤凋敝以甦商賈興利剔蠹不可殫書吾閩沐浴汪澤不啻萬彙之迎和風黍苗之被膏雨也更公推誠愛物與天地同量惻怛至性盎然於中惟以行仁爲本朱紫陽曰仁是天地生我底意藹乎若春暘之溫汎乎若醴酒之醇公洞然

道山堂集

卷五

四十九

無我八方俱在帷闥之內何況吾閩歟公家世巨閩珥貂置笏金蓋重積方伯公分憲會城建威銷萌尸祝學官同於畏壘太守公叅佐清漳署理守相賴川渤海治行莫比皆公昆季後先輝映而公曾建節興泉適當大軍捷伐調度機宜俾環海蕩平震疊扶桑之外捷書奏凱與有勤勞今者開府八閩策久安長治之謨綢繆系土吾鄉從此永享太平公之功德殆與前芳並高蟬女同溪矣諸縉紳之壽公也誠愛結於中心非以貢諛也余觀世

之言壽者多引蓬海瑤池容成偓佺諸神仙者流  
凡此皆公身有之無待余言惟是國家大計當賴  
鴻鉅而公春秋方盛行將入秉鈞軸累考中書使  
造福海內則勲烈所披罔不止於南國而其爲壽  
亦不止於公之一身宗社靈長之慶實式憑之此  
余之所爲公祝者哉是爲序

道山堂集

文五

辛

邵太淑人壽序

今夫覽洪波之容裔乘風而擅瀾者其源遠也負  
千仞之瓌奇修條而拂漢者其根溪也惟源遠則  
流長根深則枝茂所以勲名寫奕流燦古今必推  
究所自以明顯庸之有本蓋國之興也天生名碩  
以輔天休單厚之盛家之興也天生壽母以凝燕  
喜純嘏之休其佑相於有家與有邦一也恒陽  
翁王公以二千石福綬吾郡自闔閭道塗以至溪  
山窮谷之編氓頌公戴公者如出一口而邇聲祥  
之由皆邵太夫人之教云太夫人姚江盛族聖善  
中和道齊師氏作嬪名門芬芳錡釜太翁以容嘉  
秩宗望隆宗伯嗣晉納言卿士惟月允稱喉舌之  
任太夫人實左右之若其德比琰琬訓配圖史飭  
躬準矩具有壺範惟以恭儉肅祇寬仁慈惠爲則  
諸如飭齊簪以供烝禴脫簪珥以贍貧乏勤恩恤  
以御臧獲宗黨里連無不稱頌其大者和九蜚莪  
訓導有方長方伯公宜績保釐屏藩嶺嶠先觀察  
吾閩明刑弼教愷澤翔洽桐鄉遺愛尸祝泮宮次

道山堂集

文五

辛

太守公澤練靖其悉本辟暉之餘敷爲治譴服官  
臨政大者斧剗小者絲櫛不抗不隨不吐不茹吏  
遵其職民樂其業治化之隆比於潁川渤海人謂  
太守公福民佑衆如置赤子於懷飲食而噢咻之  
而不知被服母教得於紡車玉雪之下者爲已深  
也太夫人在恒陽時勉太守公以勤勞王事爲念  
而太守公孝敬至誠四牡來諗無日不切雲樹之  
驥乞身歸養意甚懇惻而邦人環擁遮道請留始  
勉狗就在夫移孝作忠古有明訓况太夫人之所

道山堂集 文五

五

諄諄勸誨與菊月十六日適太夫人設悅之辰諸  
縉紳馳尺牒京邸命余一言以申祝釐余謂賢母  
之愛其子也示以代終之德勗以從王之義而不  
在於撫摩姑息之仁而孝子之事其親也顯身立  
名無忝所生能以受之帷闥者達之位署而不在  
問寢視膳偃僂色笑之文今太守公以治行第一  
晉擢榮階長孫樞部公望重南省諸孫等文章彪  
炳冲翼雲路綵衣紛疊以龍光湛露當盤水之奉  
太夫人文駟雕軒珎璜翟席幾申錫無疆流徽

形會矣異日起居八座當以余言徵之

道山堂集 文五

五

壽王母邵太夫人序

聞之名材之生必依喬嶂簡珠之蘊不在滌流從來哲父之興由本娠賢之德所以古稱母師良云胎教蓋圖頌之風珩璜之訓母儀克舉臣道具焉合章時發遂爲從王者所必資非徒以辟咎提誨爲能事也夫考鍾慶之原而得其所自生論式穀之功而歸於所由致先河後海義有取爾余於恒陽王太夫人徵之太夫人福郡太守翁王公母也秉性安貞束身祇肅夙以姚江閭閻作煢名家

道山堂集

文五

五內

在御靜好環佩穆然事太翁納言公出入殿陛首公體國左右輔相雞鳴昧旦與有勞焉慈和藹及媼御靜顯化諸閭禕因是種玉藍田飼鳳飽於琅玕滄海珠胎纖鮫麗於雲漢理固然也長方伯公尹釐五嶺先任吾閩觀察清風茂節邦人尸而祝之不啻峴山之碑桐鄉之祀次太守公仁心賢行務以近民不爲鋒鏑威稜以啁噉當世察理獄訟其難其慎以慈公之式敬行曼倩之無冤大者論泰小者發遣有剝裁而無擊斷衆稱明允其治賦

也察覈惟正杜革侵漁福清瀕海初役半屬荒蕪田去而賦猶存不憚躬行履畝一一釐正里胥無敢因沿詭弊高下其手浮額盡捐人得寧其家室較試儒童親詣棘院寒畯悉拔揀無遺珠大比入闈條陳廣額以便進取太守公處繁劇之地惟以育才福衆爲念其待諸百姓如置赤子之懷飲食噢咻憂勤不倦民之漸摩於其治相與擁而戴之猶魚之依乎水焉之棲乎木低徊而不能自己者也近以無妄株累百姓遮擁請額罷市三日簞食

道山堂集

文五

五五

壺漿絡繹道路朝廷聞之特賜還職以慰輿望此皆太夫人教也昔孔子稱子產爲衆人之母後之誦良太守者有召父杜母之名太守公佩服慈教以爲規則而字人之譜不外是矣菊月十六日乃太夫人設輓之辰太守公偕樞部諸孫繩繩振振望雲遙拜三山諸縉紳等羣相忙舞命余蕪詞以佐太守公觴爵之餘余不敢辭余謂古之爲祝者以著教而達情於禮則然若合一國之人以奉其親合一國人之歡忻愛樂以娛其親則情至而詞

信始知渾溢周浹導和迓祉於以所無疆而錫純  
嘏非僅尋常之歌頌矣是爲序

道山堂集

文五

五十六

石將軍壽序

稽古建國親侯永於帶礪而頌述功德必推本所  
生以稱上天篤祐之意蒸民之詩曰保茲天子生  
仲山甫天生名臣以爲社稷必與以光大顯懿之  
業壽豈聲宜之福以翼保定而凝戢穀非徒侈頌  
祝之文也今上誕隆駿命四隩讐服八閩僻處遐  
陬亭障弛警綬邦屢豐而經營庶定惟文武壯猷  
是賴焉元勳憲翁石公奉簡命擢福建將軍鎮制  
閩土一時閭左咸拜手相慶曰公之來也爲召公

道山堂集

文五

五十七

虎爲裴公度此其時也按部之日嚴號令定營伍  
警鈴柝勤訓練河陽壁壘煥然一新夫民之與兵  
其勢難一今使雲屯魚麗之師與出作入息之倫  
其其廬里同其井閭民與兵習而民不知兵此必  
有教戒以先之而法制以御之也安民和衆實爲  
制勝之本閩省變亂以後魚賴鴻磐瘡痍未復公  
捍災禦患謀所以扶持而安全之者無所不至自  
是士帖於伍民安其居宅爾宅畋爾田有幹有年  
綏邦屢豐公鎖鑰一方膺瀕海安危之寄而能推

廣惠和綢繆未雨俾江漢朝宗悉靖鯨海之波威  
名肆訖震疊扶桑之外豈非八閩藉以久安長治  
哉公握符闔外得師中丈人之吉而齊之以武令  
之以文恂恂儒雅折節士大夫雍容有禮古者郤  
穀說禮樂而敦詩書漢祭遵置五經博士與諸生  
雅歌投壺不是過焉公世代勤勞叅預佐命銘書  
太常又以威曉腹心藩衛王室公不矜閥閱謙恭  
大度居然赤舄几几之風初任中山繼鎮武林淖  
沱之河風篁之嶺至今碑碣苔漬猶新洵澤與螺

道山堂集 文五

五十八

女同溪功與旗鼓金高矣昔李衛公撫慰嶺表統  
兵兩廵所過問民疾苦延見長老宣布天子恩意  
遠近帖服庶幾近之與茲當暢月六日爲公覽揆  
之辰命余一言以申祝嘏余觀古之稱壽者必取  
喻於山岳於松栢山岳之時至於配天松栢之青  
貫四時歷千載天祚斯世必鍾特靈出類之奇而  
膺淳固敦龐之福曰壽考曰元老曰諄茲黃髮斯  
人也天地之心也川岳之氣也渾淪磅礴含陰吐  
陽而後集祉凝休慶流奕禩公以平格之修翊天

係之治余所瞻頌者汾陽而後一人而已謹盥手  
而爲之序

道山堂集

文五

五十九

傅運司壽序

蓋聞人才之生國之元氣天降時雨則山川効其  
能國產賢材則宗社受其慶所以聖王注念疆土  
寤寐俊傑願得環材任重之人以建經營告成之  
烈其在詩曰之屏之翰先曰君子樂胥受天之祐  
斯知康國理政錫福庶民天保鑒宜莫不資之則  
集美凝休非侈爲夸詡之文也中州 翁傅老公  
祖以轉運使者總理閩省小春 日爲公懸弧之  
旦諸縉紳躋堂介觥命余言以申祝嘏余按公名

道山堂集

文五

六

家世胄金春玉應如西周之尹吉東都之袁楊先  
世大司馬莊毅公元老壯猷名在國史其家學淵  
源先河後海五世之旨並於正卿公珪璋特達策  
名清時並諸昆季旬宣係釐諸子姪輩爲別乘縣  
令珪重組襲後先輝映鳴珂里巷古未有也昔伊  
尹佐時阿衡而伊陟復相大戊呂望爲周尚父而  
呂伋爲天子虎賁世表東海公非其流亞歟公清  
節鉅望督餉筦樞夙著勞勩晉二千石東魯漢東  
甘棠勿剪治行爲天下第一旋奉簡命以轉運使

道山堂集

文五

六

者按部八閩朱幢玉節比之藩岳事權專而體統  
肅通商惠民經國大計實倚賴焉闕壞瘠薄非有  
巨商大賈倚賴焉氏之徒富擬王者兵燹以後資  
本薄然鴻鰥魚鱗疾窩如仇前此之弊皆由旁壙  
積壓客反爲主輸一年之課行數年之壙費多而  
課愈滯公惟督行正額杜絕帶銷昔日之閑壓者  
今已行如流水兼以省耗羨減贖賤禁私販嚴查  
掣種種善法次第舉行蓋學問者經濟所從出夫  
以逐末之衆所持者筐篋之智公綏墜剔蠹開源  
節流使一本於仁義非有明德平天下之學安能  
經理盡善如此哉迨且署理臬受嘉師而監祥刑  
其難其慎識諸大獄參於情法淡得用辟厭中之  
義解煩滌苛行以平恕明允之譽衆咸稱之公左  
宜右有理煩治劇應於從容燕衍之餘以公之謀  
猷膚敏宜其左右禁闥夾侍殿廷膺三錫之榮光  
佐八荒之壽域非但海隅禱祝矣余因諸縉紳之  
請略述公之政治功德在人者以當封人之頌云

署候官來別駕序

蓋聞有治世之才必其罷足以受而後可以應無窮才之用也有地罷之受也無方夫七羽扶起及槍榆枋而控於地若有培風之勢則負大而圖南濱惟罷博才優無論時之難易事之大小而皆可以立辨舉陶矢謨言人之德至於有九然爲諸侯大夫而熙浚明亮采之載得其一即可爲家國之用而論及九德之全非具其兼量不足以當之如建州別駕翁來老公祖洵所爲罷博才優而全

道山堂集

文五

六十一

德俱備也公學問淵博仁澤翔洽其容粹然其氣冲然其議論井然其辭受取與介然其臨對下民延接士大夫溫然肅然人咸以公爲長者別乘上游勾糧剔弊弭盜詰奸業已化格黎甿聲騰遠邇矣上臺廉公治狀委篆惠安循良之績頌聲四起近以候官乏令復借才于公撫而治之公下車以來平賦役入聽斷飭吏胥謹筭鑰約已愛人華華拊循順而導之仁心爲質盎然而出且專劇解琴不以擁腫執掌亂其志從容燕衍安坐琴臺之上

若鼓陽春白雪之曲而無繁絃無促節何其游

有餘而手觸足履合於桑林之舞耶余觀世之論吏治者率岐煩簡爲兩途以爲簡宜鎮靜煩宜振奮不相謀也候邑之戶口賦稅異於他縣簿書勾攝之擾山積蠅集不可謂不煩矣公不動聲色事就理其治煩也猶治簡也而效乃更捷公可謂浚於治者也昔薛珏治三州皆書上考謂治楚以簡肅治硤以廉著治陳以肅著公蓋兼用之者簡以蒞事廉以視躬肅以鎮懾皆吏之善軌也而要

道山堂集

文五

六十二

之非肅無以成簡非廉無以成肅公之飲冰茹蘗皜然不滓此所以能成其安靜之治哉蓋公王父太僕澤蘭公清風亮節彪炳前代起家候官仁政誕敷遺愛之思勒於碑碣公紹述前烈於先世遇化之地胚胎治譜以勵名業宜其德意浹洽而都鄙山澤若挾纊之溫而膏雨之潤矣茲復月念三日爲公覽揆之辰諸縉紳命予一言以申祝嘏余讀南山之詩曰樂只君子萬壽無疆又讀蓼蕭之詩曰其德不爽壽考不忘斯知樂只之歌譽處之

美祈以侑艾祝以萬福非徒揚厲之辭而已公裕  
喉舌之猷具舟楫之望指日入侍紫闥輔聖天子  
天保單厚億萬斯年余敬颺其盛以徵平格之頌  
云

道山堂集 文五 六五

張藩司壽序

藩伯之制秩視六卿卽古連帥以旬宣屏翰爲職  
當其儼然領袖表儀羣吏一方之綱紀係焉夫衆  
山之列峙非不崔嵬聳立及其興雲致霧應星紀  
而奠地維則必歸之五岳藩伯以方岳稱蓋其重  
也遼左介翁張老公祖保釐吾閩諸政傳舉推明  
聖天子安民之惠致於海隅亦旣治濬而化洽矣  
余謂大儒之學博通經術在乎致知以格物明體  
以適用惟知之明則推乎天地萬物之大而無所  
不盡才之充則任乎天下國家之重足以宰制羣  
品役使衆彙無所往而不當洪範言沈潛高明必  
有待乎剛柔之克而後歸於平康臯陶謨言人之  
九德彰厥有常其爲諸侯大夫而熙浚明亮采之  
載者固自大小多寡之不同得其一皆可以爲治  
公殆兼而有之者也方乎其外未嘗止而不行也  
介乎其中未嘗劇而難適也動乎其則而動出於  
有恒也藏乎其深而藏蘊於善應也周官取善能  
敬正法辨而冠之以廉羔羊素絲有位所尙公則

道山堂集 文五 六五

苞苴不入，眈眈明而防範，肅不以錙銖苟然自愛。而潤其操諸如草常例，禁耗羨躬行廉潔，以風庶司公之清也。錢穀之任，欽散出入均節，匪易吾聞。何者？軍興悉索，敝賦不足供用，多取給於協助。奸胥緣以爲奸，以致簿書紊亂，侵沒虧損，不可勝詰。公加意綜覈，窮其蠹弊，從前積習，爲之洗除。公之明也，總成百司書策，填委蠶起，旁午日不暇給。公朝稽夕攷，早夜不怠，銀毫判牒，捷如流水，批卻中窾，迎刃而解，抱牘而進者，羣趨於前，而公綽如公。

道山堂集

文五

李六

之勤也。蓋公器組精醇，度量閎濶，人之望之如麟鳳之遊於郊，而周爰商鼎之陳於前，至其敷教章治，臨茲編氓，不嚴而肅，不煦而親，殫心畢力，綢繆其罅漏，而綏輯其凋殘，如登春臺，而就冬日，然公以制科碩望，建麾三秦，與會之地，繕邊圉，司積儲，歷有成效，秉憲西粵，明刑弼教，如定國之不寬釋之，持平今者，屏藩海澨，功德之大，固已淺滄溟而卑卑矣。後月三日，爲公覽揆之辰，諸縉紳命余一言以申躋堂之祝。余聞仲冬南極之始，黃鐘

以系，嘯動萬物，所以贊陽滯宣地惠也。公剛德方亨，不啻五臺書瑞，當推筴踐長之候，適值維嶽錫畀之時，受福瀲灩，偕圭景而金永，指日景命有僕輔天休，升恒之治，非特閭所得私有公也。詩曰：三壽作朋，如岡如陵，請歌之以爲公壽。

道山堂集

文五

李七

何兵導壽序

國家吏治綜自郡邑而統以監司其義於察吏詰  
姦平賦斷獄諸封疆之政無所不舉而方隅之異  
勢民俗之異宜阨塞要害之異地必其練而周於  
務循形測委建威銷萌可以久安而長治詩言仲  
山甫之德柔嘉維則而天子是若明命使賦是其  
四方爰發皆天監而昭假之者矣長淮梅翁何老  
公祖奉朝廷簡命按節閩方洵海濱倚爲鎮鑰者  
也余聞古之人臣佑辟乂民莫不經術閑淡通達

道山堂集 文五

六十八

國體要在宅心仁恕以德惠爲敷政之本故鋒鏑  
威稜爲治若束濕其術近於刻濫惟寬文法疎網  
畧仁心質行盎然而出而吏安其職民樂其業其  
所擬諸心措諸事發揮於政治皆仁恕之效也公  
不抗不隨不吐不茹仁心爲質而張弛文武適合  
其宜固已具肩弘任鉅之資而得大公至正之體  
省會根本重地人民稠雜難於稽察公嚴保甲之  
法明徵候申夜禁止賭博防奸於未然止邪於未  
形儆古比閭族黨之令而敦風俗齊教化四境帖

然閭俗喜聞諍講張章合嘗試棘木之下公解頰

滌苛無事淡其文致多其科指杜誣扳省株累系  
於情法之中微爾辭而蔽爾訟淡得用辟厥中之  
旨爰書一出人服其神明無不以爲仁人長者定  
國釋之復出也公氣和而色溫質直而用圓獨以  
豈弟樂易之性與百姓相撻拊而摩切而人之聽  
政於公也亦若醉醇醪而神解以去郵驛之政甘  
其侵蠹而弊以清節其力役而民不瘁及署巖司  
念估人瘦竭緩催徵以蕪重困減常例以布寬惠

道山堂集 文五

六十九

嚴私 貶以清弊源振衰扶懸如痼瘕之在躬至  
于省鞭撻寬追呼如哺棄嬰如濡涸轍湛恩汪濊  
膏雨無量蓋公有利濟萬物之思而懷一夫不獲  
之慮功德在人隨處而是也公始題興建甌右文  
興學識獄明晰斷適觀回閩變効力行間特推紹興  
守保障榮陽無震隣之恐全城繕圍治功第一嗣  
移古雙化比文翁大鹿香孤永鐫碑碣然公剔歷  
諸郡咸以吏治而兼文章風雅所被名士多出其  
門長公碩學偉抱瓊奇年似早登賢者指日飲譔

江屈指可俟茲以復月三日爲公覽揆之辰諸  
縉紳命余一言以申祝釐余謂公應景命之期值  
邦家之橫天則畀之獄則錫之俾壽而臧惟公有  
焉余讀南山之什次於魚麗之篇其言曰樂只君  
子邦家之光及期以萬壽祈以黃耇保艾而歸本  
於德音今公化孚政洽被於謠俗其爲德音聲問  
丕播矣公不次晉擢佑相有邦蓼蕭燕笑與天侑  
並廣其以余言徵之

道山堂集

文五

七十

馮糧道壽序

從來文章政治相爲表裏所以明體啓運裔裔皇  
皇周家獲收經術之效自古及今以文人出爲純  
臣良輔者不可勝指如唐之張九齡陸贄韓愈等  
宋之韓琦富弼范仲淹呂祖謙等明之宋濂王守  
仁等皆文章彪炳煥耀史冊昔張方平言惟道義  
積於中精華發於外以文取人所謂叩諸外而質  
其中之蘊也今上崇儒重道加意文學闡明濂洛  
關閩之教以勵四方而尤注意制科名卿大僚皆  
引通經學古與之謀王體斷國論卽遠而外條亦  
取學問淹博剔歷史事以備股肱心膂之任以是  
知選建良法未有不由右文之治也鴈門翁馮  
老公祖以三晉名制科進秩吾閩叅藩糧儲海甌  
之民懼忙晷藻歌來莫者遍四境矣公碩儒重望  
飲譙曲江其文名穿百家閭中肆外有起衰百代  
之思常於餘暇雍容歌嘯跌宕騷花振藻殺華引  
商刻羽登高能賦遂成正始之音因以歌咏雅清  
含毫於簿牒留神於會計無非比物觸類之所寄

道山堂集

文五

七十二

也公所司者糧餉租賦出入實殷且繁公以庶民之心目討軍實而申儆之倉庾之積散有期收支之登耗有準版圖之增減有序戎籍之在曠有稽糧軍之日月有考綜覈釐剔夙弊盡祛昔鄧侯鎮關中撫百姓給餽運不絕寇恂守河內收穀四百萬斛以給軍輦車轉駕轉輸若流公豈以海隅積貯爲瑣屑之務與公前者督蜀學校適當兵革之後巾卷羽簪委諸榛莽自公按部始復絃誦之舊集泮林而懷好音岷峨江漢景物聿新以河汾之

道山堂集

文五

七三

教席振文翁之雅化作人壽考爲極盛焉公世代巨閥王父熙宇公以萬曆庚子第二人高擢巍科篤學力行蒸禪學官太翁秋水公東粵方伯前歷藩臬如名虎之旬宣畢公之係釐繕圖弭寇勳垂國史至於傳世詩文足以鞭笞班馬陵爍元白蓋明德之世有開必先書稱堂構播穫作畚與菑先河後海功爲獨鉅傳曰子之能仕父教之忠公紹弓冶之業於辟珥之餘宜其淵源之有自也更介弟翰苑公金馬直廬銀花院勝連轡登朝翁山賦

轍豈能出其右乎茲嘉平十有二日爲公懸弧之辰諸縉紳踵堂介祝命余一言爲脩盟先余聞三光五嶽氣合則人材挺生高山大川神降而名世間出古人崇重賢臣原本於神天而歸功於五嶽若此其極也公應期景節匡時亮采天則畀之猷則錫之俾壽而臧惟公有焉從此歷考中書晉陟平格輔聖天子億萬斯年余敬颺其盛以當臺萊之頌焉

道山堂集

文五

七三

姚邑侯徵言引

竊惟我鼓岫清風傳單父之音鬱鬱榕陰慈蔭  
慰召公之樹觀鳳凰之集境丹詔亟下中都隨焉  
鵲以擁車夾道遮留好時佇集輿人之頌永鐫良  
令之碑恭惟崧翁老父臺濠融氷柱峻拔斗杓白  
嶽珠簾散作河陽花色黃山仙竈煉成勾漏丹砂  
少年負三公之望大度非百里之才試新硎於錯  
節理盤結於夢絲氣扇春風郊回溫而雉雉堂懸  
秋月金頻冷而魚游當竹馬懽迎之日正海邦多

道山堂集 文五

七四

壘之時錦韃懸弓給千軍之屏屨鐵衣佩璫供萬  
隊之牲牢採柁木而造樓船馳驅峻嶺捐俸錢而  
市名馬飼秣屯雲累建勞績用佐膚功旣而耕犁  
雨足弦誦風行正籍邵農胥鄧因之束手緩徵章  
美貢賦自爾樂輸咨休介以來牟服耕合耦慶魯  
孫之多稼被畛微原凡屢豐年孰非神君之賜惟  
茲殘庶實賴仁者以全泊乎獄稱平允達肺石以  
無冤法號寬仁置桁楊於不用本釋之之持平識  
于門之必大而且造士美於菁莪作人昭於雲漢

伯樂執轡追電之跡皆收匠石運斤于霄之材自  
出由政事而兼文章以父母而兼師保更新公署  
鳴馨鼓以赴功脩建學宮率子衿而鼓篋湛恩溥  
矣仁聲爛焉茲者晉秩貳守榮遷江右叩關河內  
願借恂以無從拒轍平陽欲攀劉而莫遂人歌袁  
衣廳垂甘露所期卹雨沾苗萊庭植柏流連篇什  
比田疇子弟之懷思宜播樂章借葦簫函詩而奏  
雅共抒下里之吟以備太史之採則一言垂於金  
石而片字重於琅玕矣謹啓

道山堂集 文五

七五

劉母李恭人序

蓋聞禮先陰教易重家人在昔篋莒潞濯閨門之  
細事婦孺之微勞莫不著之詩歌播之筦絃而其  
大者福家佑國珎珎瑤之閒足以徵顯庸之本  
非特圖畫形管之足美也余觀劉母李恭人洵可  
以風矣恭人燕冀右族德性婉嫕道齊師氏嬪於  
名門芬芳綺筵遼左 翁劉公以前朝勳裔嫻戎  
事明方畧及版命本朝著績行間馳驅粵閩任折  
衝而壯敵愾屢建奇功恭人左右輔相交與有成

道山堂集 文五

七六

不啻斬王抱鼓焉泊賦柏舟慈幃教範以相夫者  
誨子勗勞匪倦長君 綽有父風以魁梧奇偉  
之姿裕濟世匡時之畧協贊油幕足以當干城之  
任而膺閭外之寄其所以紹適先業繼融而光大  
之者殆未有艾也今且四代孫曾瑤環瑜珥列於  
階前異日文駟雕軒起居八座斯可謂德門之盛  
美峻閭之流徽矣茲以季春 日為恭人設悅之  
辰諸親屬命余一言為脩盟先余聞公父文伯之  
母敬姜勤於穆伯之祀因訓以上下之業勞逸之

辭曰榮公之母申國夫人教家有法其子和寒渥  
暑不敢脫巾襪以侍左右史策稱之夫樹則千人  
享有令名久於其身而久於子孫斯為之壽德以  
召慶慶必歸之考德知祥恭人之緝熙純嘏比之  
敬姜申國均為朝家植福矣余因舉是以為祝登  
云

道山堂集

六五

七

王總督壽文

今上誕隆駿命河嶽懷柔威德肆訖震疊扶桑之外八閩海濱暨於臺灣幅員遼闊咸隸職方尤念係釐善後亟須得人爰疇咨卿士特簡翁王公總制八閩永綏遠服余嘗讀江漢之詩經營告成則旬宣受命辟四方而徹疆土又讀烝民之詩以喉舌賦政於外東方之役不得已而遣之公膺茲寵命卽召公山甫之任也公度量弘博學問淵源前者執筆螭頭從容講幄之廷探挾策府之秘及

道山堂集

文五

七八

晉擢東閣早負宅揆重望旋以文武經緯宣撫兩浙其茂德洪功浙之人旣歌而頌之禱而祠之矣及按部吾閩而閩之人沐膏澤而咏勤苦猶之浙也閩甫脫兵革雖枹鼓無警而魚類鴻鰭皆所在見告公推誠勤恤如哺棄嬰如濡涸輟撫摩鞠係不啻入其家而代爲謀始閩之人苦於徭役郵符日下驛騷不息掾吏之屬徵索溢額因緣爲姦賄資餽牽屏履輟輟比戶轉給趣相告匱公首先禁飭躬行節省弛征已責自是大東不作民始爰居爰

處爰笑爰語病者以起垢者以搔含蓼抱疾者脩爾手足舉而元氣復也軍興以來畸重兵力抱布貿絲見攪於市公中嚴紀律犯者無赦卒伍帖於尺籍而持幢夾戟不敢與齊民抗昔廬舍之駐兵者奉文給還遷延因循累歲不決公刻期清理民得以寧幹止而祀茲芬政之害者無不除也利者無不舉也若夫持已率屬表正影從百僚奉法莫不凜練靖共無敢薑薑不飾以干吏議而剔蠹馭黠若鈔稂莠能使豺狼震懼譴亂衰止豈待詔簡

道山堂集

文五

七九

而察析楊而攝與蓋公剛柔又克張弛合宜不動聲色而細大就理且其靡照所及不越階序而四選之卽部屋之隱無不洞燭以故同民好惡不謁而得其所欲山藪林麓絕壤窮裔之人皆擊轅撫壤歌頌太平公之功德遠播如此自茲以往漸靡濡漬遊於光天化日之下當何如矣公異日膺平格之隆進中書之考釐圭錫卣輔聖天子億萬斯年以福綏一方者福綏天下天保釐宜未有艾也茲以春王十有四日爲公嶽錫之辰諸縉紳受公

樾蔭命余一言以當祝嘏余畧貢蕪辭竊比於瞻  
堂之義云是爲序

候官李邑侯壽序

國家因人以致治因地以簡能地有難易大小之  
不同而人得其宜則治蓋水之積厚則負大舟而  
無杯水坳堂之患風之積厚則負大翼而有培風  
青天之勢古今遺大投艱必藉弘濟長才辨敏肅  
給而後可勝任而愉快夫以庖丁之技批郢導欸  
以無厚而人有間遂至躊躇滿志恢乎其有餘地  
況於爲治者乎吾閩候官蓋劇邑也自公翁李侯  
按臨茲土邑之人咸謂神君不置云侯三晉望族

先世纂述前賢闢明西銘仁孝之旨及著家訓玄  
誠諸書侯紹理學淵源繩武有自蓋立政敷教如  
范之有模範之有度必明體以達用躋本以肇末  
天下之治未有不由於學者也侯以明經射策初  
筮山左小試聊城及攝清源仁風汪濊都鄙山澤  
式歌且舞里誼巷頌連章累帙遂轉繁劇福綏閩  
壤來莫之歌有由來矣侯邑書策稠濁期會旁午  
拜跪俯仰之勞徵索供億之衆冗夢填委日不遑  
給惟是俛首朱墨左律右牒繁帶輿馬之下況乎

形勢之所格，繁文法之所拘，學未有不智力盡索者也。侯肆應不窮，絲比髮櫛，細大悉理，念則壤之賦，非可罷滅，嘗使征督，後於綬，輯用一緩二惠，心藹然至於鄧長胥，攢悉力勾稽，邵農正籍，浮詭屏息，及其聽詞察貌，推誠辨折，不在乎鈞籍以見察，鞭箠以示威，與夫急疾恆驚，以示能而明允之號，無以過焉。暇則進博士弟子，較試文苑，品藻甲乙，鑒無匿影，揀無遺珠，咏思齊而思無歇，興賢育材，於茲爲盛。夫聖門爲宰，或以鳴琴，或以折獄，而漢

道山堂集 文五

三

之循吏，與學，經田，恒樹治盜，得其一端，皆足垂光史冊，而侯之體用，咸備如此，豈非文章經術之效與？夾鍾四，即僎侯，擢錫之展，諸縉紳受侯厚比，命余一言，爲僎，蓋先余畧叙侯之治蹟，以當躋堂之義。侯指中以治行第二，膺不次之擢，從此功德顯庸，以壽一身者，壽天下，非特海隅編戶歌臺萊咏樂只也。世書曰：天壽平格，敎以余言，徵之。

王郡尊壽序

攷古刺史守相理官，又民專郡之權，比於列岳，漢詔曰：太守爲吏民之本，所以敎化之行，如風之噬谷，泉之注澮，昔潁川黃霸，召爲廷尉，北海朱邑入，滎大司農，漢世良吏，於茲爲盛。今上加意吏治，崇獎廉平，與漢重刺史守相同。恒陽諒翁王公，奉簡命，剖符晉安，吾閩之歌來莫者，已遍海隅矣。余惟立教，敷政由體，以及用，鐫木以聲末，必令德豈窮仁心爲質，而後建之綱紀，樹之風聲，公德足以昭

道山堂集 文五

三

馨香惠足以濟民，立持重足以鎮躁，禦奸雅量足以茹物，納流定力足以肩弘，任鉅沈幾足以見微，知著治當省會之衝，應酬旁午，書策稠濁，其煩且難，倍於他郡。公絲比髮櫛，細大就理，以靜制動，以簡御煩，批大卻導，大窾恢恢，乎其有餘地也。閩俗喜聞諄舞文之徒，講張牽合，嘗試棘木之下，公明察如神，待以平恕，無事澆其文致，多其科指，而泰於情法之中，微爾辭而蔽爾訟，淡得用辟厥中之義，武健之風，漸以衰息，校童子試品藻，甲乙，揀無

遺珠作人壽考衆咸頌之至於虛心延訪謙已下人汪汪大度藹若春溫望之者如玉映孤峰雲涵萬頃莫能測其高深吾閩之人沐膏澤而咏勤苦莫不嘖嘖曰新朝定鼎以來太守之治行第一未有踰公者也蓋公累代閩閩甲於畿輔先世相繼瓊筵續著中外太翁銀臺公從龍入館閣及典納言望重喉舌伯兄方伯公曾任閩臬峴石猶新公承辟珥之餘胚胎前業推治譜而光大之前者分猷佐郡譽溢四明茲爲吾閩福星專郡一方宜其

道山堂集 文五

八

爲二千石之最矣幸月十日爲公嶽錫之辰省郡諸孝廉命余一言爲脩壘先余惟讀南山之什次於魚麗之篇其言曰樂只君子邦家之光復期之以萬壽祝之以保艾而歸本於德音今公化乎政治其爲德音渙且至焉余用抒蕪辭以副躋堂之義

王郡尊壽序

天生一代名碩具特異山類之奇得造化淳厚純固之氣而後澤被編氓慶流宗社然莫不澡練靖其宣仁敦教以爲集祉凝庥之本所以臺萊之歌兜觥之誼往往登之聲詩以紀其盛則羣奉其德音而願期於壽豈者亦以致其尊親之戴而已仲夏初旬爲恒陽諒翁王公覽揆之辰公膏雨普訖容休無疆諸屬治郡邑囑聲湧合山颿海滋同時慶讚省會諸縉紳以燕喜之時效躋堂之義徵余

道山堂集 文五

金

以言余不敢辭余正古者吏治首重循良二千石高第多爲宰相所以去穢露冕賜三公服以章有德然攷班固循吏傳如吳公文翁黃次公龔少卿等或以興學或以溉田或以種樹或以治盜得其一端皆足勒之史策信乎治效之可睹未有不錄於今而傳於後也公名家世胄珪重組襲烏奕於時先世科甲射策相繼登朝剔歷中外如召虎之旬宣畢公之保釐太翁望著銀臺出納惟允伯兄方伯公建臬閩省甘棠未泯公紹述前烈接踵青

箱不啻焉衣故里然公自任郡東一麾山守即  
以又民佑國者繩武而元宗豈非地閭品型有以  
使之然歟公令德豈弟仁心爲質至其由體達用  
競練張弛適協其宜猶望充鎮而識靈嶽之高遊  
滄溟而知千里之潤省會幾務繁雜日不暇給公  
左宜右有澹若無事抽毫判牒決如流水不啻庖  
丁解牛手觸足履合於桑林之舞恢恢游刃綽有  
餘地若夫察理獄訟不用峻文濺憲務爲束濕之  
治而持平協中其言其慎爰書一山人服其神校

道山堂集

文五

六

童子試振拔寒畯銜鑒惟精更以汪汪之度凡  
之容溫文和易寬大有體與人諷誦咸謂本朝開  
國省郡太守惟公爲第一云公應景邵之運植邦  
家之楨指日綸扉內召入拜三公宅端揆而求國  
成天壽平格惟公有焉匪特海隅一方忭舞於彤  
幘曲蓋之下也余敬颺其盛以當封人之祝

道山堂詩集

卷一 五言古

題姜勉中學在思嗜軒 壽秋庵姪  
長慶晤慧則上人 送昌式姪北上  
題畫爲九峰別山和尚壽  
佛浴日梅庵和尚上堂 贈朱長儒  
贈黃可範 題林洞友畫像六十韻  
嘯雲上人寄贈新詩次韻荅之四首  
辛酉至後久旱不雨 輓施烈女  
送別林天友 送陳伯昭北上  
遊九仙觀 七夕詞  
重九日道山南陽祠雅集和黃處菴張肥園  
陳紫巖諸子二首  
壽爲霖和尚 贈皎然上人  
贈王汝言 送景雪禪師之廬山棲賢寺  
壽坤安叔祖  
立夏後一日社集荔水莊邀楚黃蔭慕廬部  
曹和黃處安

壽鄭友 題高施二節母

送李蓉洲 壽湛苑叔七十

壽姚虹草 來澤蘭名宦詩

九日閒居和陶韻 題羅浮景壽意

喜晤陶東籬

題吳開士見山亭坐月圖兼祝壽

松陵晤余不遠二首 送甘尚卿北上

七言古

翁劍士秘泉歌 賀鄭甥入泮

目錄

道山堂集

咏光孝 松風堂 贈黃藥清斯和尚

元宵觀採茶出塞諸雜劇有感

壽法可上人 送潛夫弟之高明任

送鄭文甫北上 寄昌季姪毓寧廣文

清明日林靖庵黃處安祝林天友壽兼別顧

梁汾 壽李元仲 贈王道林

鄭門雙節壽詩 雨後雅集謝青門宅

家龍季子盤邀集長慶禪寺勝荔分得笑字

送鄧君旦之任南平兼祝壽

壽劉友 送鄧維清

卷二 五言律

週藝圃訪笑勉中學在兄弟二首

甘陵訪黃協先適其乞休歸粵作此記別首

和鄭鞠思戶部祝壽 送友人北上二首

西園九日碧桃紅梅盛開和姪昌義序

集林立軒池亭和黃處安二首

立冬日邵蓉園招飲賞菊橘二首

小春二日諸公宴集山園和黃處安二首

目錄

道山堂集

贈伏陽道者住持冲虛二首

送別顧菴清二首 雜感二首

贈蔡中旦移居二首 辛酉除夕六首

仲春三日顧梁汾招集道山書院因見謝斗

生爲梁汾擬古寫照及讀二少年壁上新

詩和黃處安二首

秋日林天友招集道山書院四首

贈九仙觀石總通道士二首

朝輿姪新建南陽宗祠原係少卿一水公遊

山草廬故址作詩以美之四首

冬日同黃處安謝青門蔡中旦湛花叔訪林

克薄克千兄弟賞梅花二首

訪惟靜和尚舍利壑二首

初夏集莊恥五容園時杜鵬尚未謝二首

立秋後二日黃處安招集荔水莊看蓮午後

微雨分得齋字陶字二首

贈張惟奎 壽王友二首

七言律

目錄

道山堂集

四

同徐雁庵黃九煙趙巨公錢均厝過奚學在

齋頭小飲和雁庵韻

壽沈聖符八十 和李山頽六十自歎四首

雪灘村居和徐雁庵韻

壽林振衣都閩二首

寄崇安藍素先二首 九日登高二首

壽衛公叔二首 移居第一山房四首

晉安懷古二首 上元日長樂臺觀燈

和嘯雲上人知足韻 送友人北上

春日訪友山樓 仲秋山園梨花感興二首

和吳庶常咏其祖諤齋大中丞崇祀名宦二首

壽林平山四首 和黃處安移居二首

九日登隣霄臺和塵上韻

贈何天衢閩戎二首 歲暮久雨

庚申除夕四首 辛酉元旦四首

元旦次日久雨初晴二首

送莊恥五赴選二首 壽林靜庵二首

重九日二首 讀王友人豫章新詩賦贈二首

目錄

道山堂集

五

辛酉長至二首 寓吳氏鹿園二首

清音洞 石門寺訪如幻上人遇二首

玉泉寺二首 中巖寶華寺 後巖寺

壽吳他山七十 鼇江懷古二首

壽郭蓮峰 大生姪自山中遷還玉尺樓居

和黃處安二首

和黃處安咏其先生所遺宋硯二首

和曾詒庵半圃社集卽事二首

登禺峰樓望城中三山二首

壽林常薰二首 咏吳讓公樂真閣題畫二首

贈林士詹母舅之湖陽

和阮二涉白壽三首

異木上人住持神光二首

喜晤林殿颺大行次韻四首

秋江紅葉二首 壽謝青門 壽韓燹光

飲王爾玉嵩山艸堂時梅花盛開

春日訪了然上人二首

林靖庵招全葉慕廬黃處安謝青門王爾玉

目錄

道山堂集

六

莊恥五張肥園楊汾巷道山祠雅集二首

全楚黃葉慕廬飲王爾玉嵩山艸堂二首

七夕烏石山雅集立秋前一日

別橋李嚴止峰之粵和原韻二首

別臧喟亭之粵二首 壽黃寵公八十

別葉慕廬歸黃州四首 和其學書院詩四首

花朝後一日 送友人遊福安

壽韓燹光兼慰榮旋 修稷連寒食

和上已連寒食有懷仍次唐人是日有懷京

雜韻二首 送春和唐人韻

過徐幔亭故宅 漾樓和原韻

九日登高和唐李頎韻 送友歸甘樵

和陳子晉移居 賀廸臣弟入泮

卷三 五言排律

咏道山亭 李筠仙齋頭賞雪毯

贈奇玉學博 謝卒章甫櫻桃

寄林郎山別駕 咏朱郡守張浚脩壽堂

壽許青嶼七十 壽王鷗江

目錄

道山堂集

七

壽馬友七十 贈林武林潮州守 贈友

五言絕句

題畫 春日二首 送友人入幕二首

七言絕句

過資聖寺二首 偶感二首 山中雜興八首

送龔學博歸潮州四首 贈歌者四首

兼葭堂賞蓮花四首 贈潘友三首

送余不遠回將樂二首

四言

壽為霖和尚

卷四 詩餘

長調

桂枝香 吳門夜舫 蕓子晉歌曲

又贈何鄂生為余畫老衲跌坐小像

賀新郎 西湖和辛稼軒韻 醉蓬萊 越王臺懷古

玉漏遲 過李忠定墓 燭影搖紅 飲莊邸五兄

蕓武慢 讀史 又莊椿歲 林恬庵雙壽

金浮圖 秋思 齊天樂 春雨 又春雪

目錄

道山堂

八

又春晴 遠佛閣 浴佛日 大聖樂 少室

又曹溪 又百丈 又南泉 又黃蘗

又趙州 又臨濟 又德山 又雪峰

又雲門 夏初臨 端午 南浦 競渡

惜黃花慢 人似黃花瘦 解連環 黃鸝

霜葉飛 秋鴈 南浦 顧梁紛為友吳漢槎入

水龍吟 贈吳奇生 望湘人 贈胡晉卿

菩薩蠻 雪居淨室訪幻智上人

水龍吟 秋江落楓 沁園春 壽林殿

雙頭蓮 壽林平山 金明池 飲友人園亭

晝錦堂 壽鄭瞻亭 莊椿歲 壽

應天長 祝壽 金菊對芙蓉 贈行

瑞鶴仙 壽方母 雨霖鈴 送楊少庵之齊

漢宮春 壽方母 沁園春 送何辨齋

漢宮春 寄何永安 滿庭芳 賀建州守

又賀入泮 意難忘 賀名宦

金菊對芙蓉 贈友 千秋歲 祝壽

滿庭芳 賀崇祀鄉賢 意難忘 送姚君之廣

目錄

道山堂

九

應天長 壽詞 八聲甘州 送別

滿庭芳 壽金母 鳳樓春 送行

歸朝歡 送陸義庵 滿江紅 義興周王廟

卷五 詩餘

少令

踏莎行 泛舟 又別意 憶秦娥 集松陵

書院賞菊 虞美人 梁溪顧梁汾客松陵

而別 又吳香為後作如詞諸友索和

點絳脣 題友罷足小像 又梨花

南鄉子 春閨 眼兒媚 本意

少年遊 美人簪 玉蝴蝶 咏蝶 瓦如雙蝶狀

中調

風入松 題畫 柳初新 庚申元旦

江神子 題畫 魚遊春水 題顧茂倫雪灘釣

蘓幕遮 有德 臨江仙 題袁重其負母看花

洞仙歌 曉夢如農給諫 婆羅門引 贈僮聖

解佩鈴 題畫 蕙蘭芳引 月夜

師師令 行經太華 一枝花 送友人學

目錄

道

十

灰萊蕪 和柳耆卿秋夜韻 過瀾歌 贈瞿雲

華胥引 題畫 又壽邵朗霞

意難忘 題畫 品令 題竹林七賢

一枝花 醉中戲作和辛稼軒韻

洞仙歌 題林舒庵小像 撲蝴蝶 咏蝶

鵲踏花翻 題龔學博送別圖 錦纏道 送韓

之日本 錦帳春 送廖友赴京

婆羅門引 拈花微笑圖壽長庚雲機上人

玉人歌 題潘友小像 錦纏道 賀學使名宦

鳳凰閣 壽姚將軍 望江南 曉起

目錄

詞

三

道山堂詩集卷一

閩中陳

執著

男宗威全輯  
于侯

年姪湯永寬

同校

愚姪 祈廣

五言古

題姜勉中學在思曙軒

黃門挺奇節誓與龍逢侔生還荷戟歸清瀾宛淚  
流山河後非故浩志鬱林丘迹跡闔閭城逃名古

道  
五言古

長洲結廬治丘樊繁芳繁陰翳抱鋤藝棗樹斐斐

素華拙哲人既云往手澤今尚留賢哉二令嗣愴

慕追前脩閒咏裴我篇莫解終天愁攀枝有餘恫

凄然霜露秋我過東萊家獨愛林塘幽青桐微風

吹倒影波文浮俯檻臨方治足資濠濮遊輕霏散

新絮聚鳥方嚶吻孤鶴步煙葦忘形同野鷗捫苔

歷前軒儼然見貽謀吳市懷門卒東陵憶故侯忠

孝本天性作述洵可求春風沂水上千載以爲雋

壽秋庵侄

吾宗推英又碩人咏俛俛姪節步高衢搏風拭毛

羽紫電與雄鋒神識窮今古帷帟藉脂膏戎旃得

良輔樓船蔽海日五壘開蓮府虹影隨鏡管鶴翼

急鉦鼓柳色青油幕篇翰皆藻斧偉矣建安才草

檄落如雨三月驚未稀桃花發平圃走馬過射堂

泛醴藏春塢遊讌祝東皇歲歲連香縷

長慶晤慧則上人

丹霞建浮幢凡聖同露電刮破名相滯詰取本來  
面賣弄數十年張口並架箭其地多龍象盡是佛

道  
五言古

場選嶺南菩提種性無邪見師在壚鞞中承當

分半院麻鞋到長慶寶花飛一片余訪瞻堂來哺

我伊蒲饌相對話五羊今古滄桑變城郭半已非

故老誰堪晤師昔總弁時適余擁花縣年少學河

陽徵召乘駟傳剎那白髮稀得無心驚鷗觀河出

宿然日月難虛遣若比當時人頗似靈光殿老苦

聞法遲藉師指方便

送昌式侄北上

桐芭始舒華紅杏已焯約河干遠行人舉袂向京

洛矯矯東漢津高翔雲光廓北山辭丘樊結軒出  
漆薄惟爾仲容賢志氣凌六幕炳靈逸思奔詞理  
照金腰先世累荆笏按踵重臺閣紹述藉後章大  
冶鎮耶躍辟雍講堂開文舞鼓夏簫圖橋恣觀聽  
學業益窮錯玉絳垂龍文更爲吐霜鏐從此步單  
圭辛勤問民瘼

題畫爲九峰別山和尚壽

大道無遮欄世界少揀擇心血破沙盆說法點頭  
石波羅五丈竿祇記井蛙窄泥牛與枯椿聖解亦

道

三言古

三

何益三月天氣清芬間堆紅白風和鳥聲柔日暄  
草木圻廻思母胎時畢竟誰主客冷眼笑調達庭  
前長樹柏撒手須懸崖九峰如列戟俯視衆山小  
萬態攢几席

浴佛日梅庵和尚上堂

南詭氣欲來四月甫建畢西周甲寅歲蓮華湧地  
溢摩耶右脇生忽見捧雙膝瑞草尚未顯明星亦  
未出空手指天地萬法從何一雲門會定亂天下  
太平日所以道山側薰風間鼓瑟此道不掠虛毛

雖作用密苦心障狂瀾上劑救痼疾娑羅脫皮膚  
林中現真實佛法少人情實劍懸丈室四路葛藤  
斷計較誰得失一座斗姆宮彈指成兜率異香室  
際飛隨處聞婆律

贈朱長孺

素蜺浮清漢勁風響榮木抗節蓬蘆廬美人倚脩  
竹長夢漆園蝶竟牧巢父猿匠氏不得材牙曠不  
能錄會味先泰餘餘槩盈萬軸吹生噓枯朽應物  
摘疑伏離堅并合共恣談頻往復卷頤戢幽諦擊

道

三言古

四

扣如灼卜細者入虹曉大者窮地腹五經藉指南  
閭沕忽雪燈名山信可藏高奇出空谷

贈黃可範

出門九載餘彈指成醜老宿烏懷舊枝長風返窮  
島朋儕如晨星林麓半枯槁兵革尚未息榛棘復  
駢抱訪君南城隅顏色更黝好自是古遺民鴻冥  
漢綺皓藤杖手自扶歡笑忘懊惱二月新蝶飛清  
池長寒藻桃花百和香袖附落似掃對君坐蒼苔  
方寸俱傾倒把酌玩春長醉眼向羲皇

題林洞友畫像六十二韻

疇昔學文藝鼓瑟互相資羣彥俱騰起爭獻囊中  
錐爾能折異同說古解人頤長風滅冰玉蒼吳拂  
英隄少瑜夢青鏤中郎書好辭築場樹壁壘建旗  
開螯旗光氣日相射辰景媚新輝碌碌卑儕偶餘  
子當籍靡飛揚更暖扈折蘭雲霧揮因之戀攜手  
意氣疏素微蘭茝自芳馥托根俯丹漪白雪輪心  
膽雅律絕依草是時方升平千里罷霜霽遊儵沫  
大澤宿鳥棲會枝活皮迴海藻息岬醉江籬眾工

道山堂集 五言古

五

說鰲鯉隴畔安耕壟壟壑刁斗寂街陌簫笳吹文  
章既矜貴尺跡達綸閣噓噏勢馭奮軼態結現姿  
楊馬並馳聘終濯若嬰兒我忝金閨籍爾尙困汚  
泥蹇飛各分翼寒榮頓異時神龍伏重淵哀鳳常  
苦儼蹙蹙瘁長坂誰與駕皇驪憔悴百感生凄然  
秋士悲蓬翟守牢落瑩臆傷鬱伊薰園猶泥勉江  
筆尙華離深幃脩蕙質采女隱容璣君顏仍渥丹  
鴉鬢儼纁纁詎意時局換荆蔓長山蹊薜帶本自  
然我亦遂初衣門少接輿車翟公事已非縹緲茅

茨側長與鹿豕依落惟嘯歌觀星應少微君始  
集生徒訓詁纂書帷北面擬河汾六經藉釋疑因  
材隨高下叩擊皆應機卻似須彌頂升座鳴健椎  
海堦戰鼓動閭左匪才遺劍鏃遶野出箭括隨林  
霏挾彈走黃雀躍馬引曼姬井廬化焦土豺虎清  
書嬉烽煙繞遂谷笳角度寒陴奄忽數載餘君始  
携智歸聊從故山下行行采薇薇覆椽刈榛棘鑿  
甕近殘崎小婦供粉墨大婦奉盤匱君其理幽素  
休論世事違吟煥遠買虫鼠盡焚絲義和迅如

道山堂集 五言古

六

駛彭聃壽有期古之濟南生治書作明師嵩山讀  
周易養生餌松芝桑柘尋舊侶殷勤執酒卮脫輶  
黃公壚懽噉無耶羈丁丁咏伐木竊可被風詩君  
子重一謬哲人輕五茶試賦淪淪浪興傾心箕頽淅  
投趾臨香渚浩瀚憑春浙鷺鷥枕席間蒹葭一望  
迷窮通任所舛慎勿問龜著

嘯雲上人寄贈新詩次韻答之

宵然自嘯嗒久已忘湛憂驚花轉眼易倏忽過麥  
秋我念物外侶達生出世流所思常莫釋縹緲在

三五

近聞携杖屨不住妙峰山去去十餘里古德有禪  
關翠木蔽幽榻山雲散復還江濱月影墜清光如

披顏

披顏見月影江流自古今石戶傍江臯法鼓虛堂  
深纖滓既不畱空有併無心龕居多薜荔消息在

長林

不厭牽詩句優游文字場詞意比冰雪講論歷暄  
涼卽此其佛智豈止湯休長法雨廬阿際將聞不

道山堂集 五言古

二方

辛酉至後久旱不雨

是歲值亢陽造化失繩矩冰凝木落時沸如鬱焦  
釜時時搖白團神志苦將窳山嶽繁雲與金石爍  
成土橋鳥停浦淑藻日曬焚圃蚊蚋圍飛蚊蝶  
空中舞負檐役不均歛錢急官府禾黍旣枯槁海  
堦猶叢鼓山中試茗枕無由浮碧乳每思淵中泉  
傳聲濕如雨

輓施烈女

桃李喻同庖死生托齊契大義粲然明未許雲  
暄寒松鬱千尋女貞勝蘭蕙黃鶴旣少雙井水波  
不繼弱并度空幃皎皎歷三歲中夜忽殞身斷火  
無轉瞬就死殊從容氣節何踔厲衣帶聖賢書聞  
者皆流涕早視世間人六公皆與隸

送別林天友

使君貳昆城格共守官職輓清納程秭屢度黃河  
北金錢省數萬只欲恤民力茂苑與松陵治辦御  
糾繆簿牒有餘閑閑忘誠自得十年不得調耳棠

道山堂集 五言古

遍地植釋位歸故園戢羽暫鷗息宗老皆懽迎村  
落問溝洫涕泣念二人窵窵謀孔亟負土動羣鳥  
白鹿止其側鬱鬱華韞堂佳氣日蕃殖簪綬先世  
餘門閭比通德忽爾嘔驪駒前谿焰秋色蕭蕭露  
傾枝迨迨鴈奮翼艱鉅豈得辭致遠先器識勉爾  
事馳驅據素定王國

送陳伯昭北上

板閭宜駿賞賢善應旌叙所以從政才照灼如列  
炬况值賈傳年治安策盈枋玉琯鳴紫霄黃鐘振

飛虞龍文初出墊鳳來方軒舉省柁清江潯柳柳  
蘼蓬渚翹首赴京洛行將扞牧罔勉矣念民生因  
之報朝寧

遊九仙觀

積翠冠中天峰勢連巖極振衣杖崇岡晴嵐染巖  
谷俯視峻阻小衆山袖如覆丹甕封古壇青磴接  
蒼麓天苑壯清昊闔覽窮海陸磅礴碧漢低爐香  
氣鬱郁仙宅鐘磬落秀蘭帝房錄地靈秘奇脫窈  
崇星斗覆洞府樓宇靈羣魔應扶服神光燭金榜

道山堂集 五言古

元始灼朱目虹梁觀棟象闕晃旒蕭虬水涌玉  
壺藻井冷可掬紫虛迎清吹松風轉謾謾簷鈴弄  
餘響鏗鏘似琴筑羽人棲至寂孤深謝垢蹟上藥  
貯空庭餉客脩野飯涼生百尺上爐暑少炎燠竟  
日於山際如承甘露沈

七夕詞

月弦照戶牖砧聲響屏幃白露圓如珠雕鵲河邊  
飛萬里天津碧雙星永夜暉今夕停七襄靚粧試  
綺衣玉輪盡輪動雲幄懽懽情依誰知迴軫急蕭然

下舊機

重九日道山南陽祠雅集和黃處庵張杞園

陳紫巖諸子

絳葉飛不已西風轉蕭蕭城山川停戰鼓野屨城南  
隙褰衣蒼翠側羣英聚劍爲天界清氣高琴樽挂  
雲席慨想入蓬萊爲憶南豐客斯文誠不朽永勒  
烏山石跋首鴻鴈天細覓真人核龍沙揔泡影戲  
馬亦陳跡俯檻萬象懸山靈恣遊劇涼松變秋岑  
疎林微雲白桑落在眼中陶令醉宜適滔滔望滄

道山堂集 五言古

溟更覺天地窄

清霜淨天宇颼颼響山曲原野光爛碎遠川煙水  
綠寒蟬依林木輕暖散前鴈開堂舒疏襟山容如  
燕玉谿舒接餘翠卷簾圖畫足采采黃金花尙未  
展膏沃近寺碧苔深鐘磬時斷續清秋憐鶴髮殊  
信日月促不知筋力異且覆杯中渌朋儕結勝會  
禮數少羈束山光晚多態空巖更欣矚孤亭澹夕  
暉歸陰尙餘緜

壽爲霖和尙

喝水波濤險汪洋四顧津逆風勒把舵珍重舉千

鈞

用永和尙  
付囑句一高坐曲盡牀任運樂天真抽釘與拔

楔分明立主賓大聲振曉啞密智破微塵礎椎策

白落瓶拂雨花勻繭足自建溪離山十餘春丹蘓

施堯率青草一莖頻妙諦註華嚴法海度漂淪近

回石鼓座山川喜更新還鄉歌一曲昇平遍海濱

婦孺布金錢龍象盡響臻齊讚無量壽長生轉法

輪摩耶母腹中會度億萬人須知法幢久毫端悟

正因

道山堂集

五言古

贈皎然上人

憶與道林會桐華小院幽相對臨棋局獵獵竹聲

柔老夫走萬里遠別十餘秋近聞白石門移錫道

山周金刹青巒側香廚花影留山腰官閣迥一覽

衆翠稠冷泉冽可飲奔注無停流應同雪山水旃

檀供白牛願作何願契微塵悟海漚

贈王汝言

吾友振衣褐所畏近榮利解印携琴往尺蠖養天

粹晴沙昆鴈遊香風花萼醉鐘聲應虛谷林木浮

雲吹白首趣不減時復卿情思常與老農話歲歲

問禾穗

送景雪禪師之廬山棲賢寺

荒草頭邊路一望黑如漆暗室具雙眸毫光現堯

幸大用翻空劫說法超平質毘盧頭顱上虛空若

膠慄雲師俊衲子利根罕疇匹生來已踣跳微悟

如蠶軼大鵬勢欲飛不同鳥雀啣嗤笑法門中大

半盲聾質眼與瞠睛指晃還道覓魑魅坐道場

誰能張目叱弟子欲得珠驚峰巖成密假使無導

道山堂集

五言古

三

師譬若處闍室廬山南斗傍穹岫高舉釋徐君列

仙館婉女撫琴瑟中有虎溪人清氣燭慧日雪峰

水毳輓雲巖獅子出真味知醒睡聞香識婆律准

辦草屨錢重趺隨兩膝腰包歷煙水豈憚風雨颺

德雲應不見善財參叩畢

壽坤安叔祖

尙寶大王父源發崑崙水時年八十一尙舉丈夫

子是爲坤安公早歲稱疎峙與余同學堂博涉歷

百代籍籍先京兆受囑情不已復與先定遠友恭

篤倫理其脆必分憂不常間視作室壯虹梁庭  
庶極華詭公乃耽藝苑精氣耀長昇時勢值坎壈  
功名如散庭衡泌自賦詩餘音出清泚今年古稀  
餘青松凝素髓脩禊本良辰佳興涉溱洧綠草方  
連延桃花結紅綺漱石杏壇中駢陰蔽林址小子  
進一觴願祝錢鏐比

立夏後一日社集荔水莊邀楚黃葉慕廬部

曹和黃處安

長羸值芳序麥秋時始涼嫩柳綴繁翠新筠散疎

道山堂集 五言古

七

篁微風結餘簪林籟鳴珠鍠石徑連長蔓曙日起  
晴光清渠萍溜合濠濮足相當荷葉似車蓋次第  
舒綠裳迎來金埒騎情思溢蕭湘早吟宋玉賦曾  
裁召伯棠高文一何綺小儒安敢方脫畧少拘束  
班荆林蒼傍敷衽論前藻雄談移官商管樂救時  
客未厭山野狂纏綿鬱紆軫遙情盼霞莊清琴淥  
水曲林塘漸夕陽

壽鄭友

吾郡通德里名義何疎肅昔年識履聲朱門接華

轂君才比干將淬礪蛟龍伏束皙辨竹簡平一記  
桓穆選續屈時異雄心局入幅靈翼未冲雲浩志  
渺孤鶩伏策從幕府奇謀若恭卜銀毫判文牒斷  
獄衆咸服神思湧泉流下筆又手速以斯負經濟  
琅玕盡披腹落素風颺曠懷凌四隩茲值南呂  
律恰遇懸弧祝青女吐明景秋陽堅百穀勉爾咬  
白心列星開影木

題施高二節母

融邑孝義里正氣盡海垠余友白漁翁殉節爲完

道山堂集 五言古

七

人宗有兩節毋凝霜徹秋旻婦姑守寒幃苦志忍  
酸辛京蛩泣夜月脩白度蕭辰教誨丈夫子英槩  
遺衆倫長稱博雅名鏘然鳴韶鈞弘文雲霞蔚讀  
書正等身達官願式廬名流爭望塵繫惟慈訓力  
鬱爲清廟珍彤史誌不朽足以愧簪紳

送李葵洲

南交騁丹轡鬱律雲泉溢淥水泛輕航晨川風櫓  
疾神君爲城表玉姿比瓚瑟樞峰翠黛橫絕岳微  
波謐雷封擁軒綏耳露如紅蜜垂簾門堦開時試

江郎筆應聽爲于歌治行洵第一忽爾言將離慈  
母空繞膝願君開幕府朱榮耀海日庶慰父老情  
惠和遍蓬室

壽湛苑叔七十

叔氏襟初潛今入耆舊傳觀頤養正吉福綏饒錫  
美大德信普淖避名恥嚮街銷愁近晚香賞時采  
黃鉤舍飴弄諸孫綠野堂前宴素交與齊契頓空  
人我見合睦重天倫隔鄰和四援明信自章潔行  
潦誠可薦壯歲歌鹿萃委贊事北面神明良大夫

道山堂集

五言古

五

華轂臨赤縣旋鳴宓子琴種花蒲芳甸官鑑無溢  
餘饒中塵常徧忠勤撫殘黎生平寒未變湯海勒  
碑碣名字猶倩藉辛苦爲黎元不合卽投傳陶令  
彭澤歸拂衣辭帳殿撥擲自幽異俯仰寓英盼秋  
浦蕩白鷗花艤頻繾綣昏俗如亂髮濁世蟻螭轉  
吾道輕璣璣非習尙專白選消長戲俳場榮林水迴  
湓坦懷任攘詢超然離網胃已矢煙霞期不省蒨  
蘆纏渺視肉食徒只坐井中見腰包遊汾晉山川  
恣曼衍安樂當高車荷衣鄙服袂茹草差可飽莫

間蠻觸戰憶昔童嬉時直至加冠弁晨夕余追隨

濡首攻筆硯時對聖賢語舉目矚萬卷麟次傍名

鑄金石聲朗練宵映挾天藻妙思織黃絹風泉湧

白雲美材鬱東箭文軸馳子昂蘊籍愛虛絢盛節

勢奔壯道眞更操鍊儔輩學脩辭少年多不賤倏

忽成滄桑暑影泡飛電余更早投簪久謝金閨彥

江海悵飄零逸翮漸飛倦惟有至性親白首還眷

戀叔氏杖履健日長如添線舊幕結枳籬呢喃烏

衣燕輪扁尚斲輪楚丘裘帶便人月霜紈濕疎雨

道山堂集

五言古

六

秋聲顛時值覽揆日德育雅獨擅耄耄鐘異伐鼓佳  
氣臨竹院瑤圖光炯碎鶯簧音百轉綺筵具肴核  
仙家麟脯饌一幅松石圖親串皆雷竹小子咏南  
山願爲舉禪先

壽姚虹草

龍眠推勝地望閣啓冠纓瑤圃多琪樹繁星綴玉  
衡華年方入雒草木盡知名花萼聯珠集神仙素  
虎斬中朝資柱礎別榻暫干旌膏雨流輿誦仁風  
被海濤丹霞開皂蓋甌治潤香杭輝赫家傳舊祥

光惠氣清探春迎嫩柳命曉報初驚願獻開陵頌  
編氓曝背情

來澤蘭名宦詩

餘暨太僕公光徽被九區舊傳毛玠節典劇皆良  
謨昔爲侯官羊太史望雙鳬鞭篴俱不用牛車上  
歲租藥石療殘瘠醇醪解饑飢冷然如秋月湛然  
比玉壺鼓鐘鳴東序薪樵盛文儒余家先京兆叶  
契情相孚問民所疾苦時時勤咨諏余時初黃童  
尙見騶從呼余友理皖城與公稱友于後進附譜

道山堂集 五言古

七

未仰照常步趨哲人雖云邈天下欽範模簪笏遺  
甘棠渥水起騰駒別乘遐荒貴題輿祖德敷海陬  
一何幸重見雨露濡公名自不朽貞碑草木紆畏  
壘薦蘋藻恰與桐鄉俱應續循吏傳功德永鏤鏤  
九日閒居和陶韻

菊茱蕭索候安居足懷生霜氣衿袖間冷然厭時  
名秋牕漁影過南山菊畔明哀蟬動林景清瑟雜  
砧聲寒英始獻節白髮苦衰齡龍沙宴難再戲馬  
臺易傾絳葉馮風下香萸浥露榮酹酌發浩歌可

以移我情放志凌八紘懶慢本相成

題羅浮景壽意

衡岳稱佐命桂樹番禺東石樓夜見月一點滄海  
紅鈞天響谷口綵蝶飛洞中聳勢高華霍盤趾吸  
雲虹春光上翠微蓬壺喚仙風長生授神丹雙燕  
常騰空應有青精飯相期綠髮翁

喜晤陶東籬

憶在吳閶市明月正娟好蒹葭頗倚玉權如免戲  
藻忽別十載餘晤對樹懷抱爾因冠蓋客乘幢飛

道山堂集 五言古

六

羽葆神麾沛珠雨儉歲得良稻今是旂常人殊快  
彈冠早雅聽還驚聲不知雙鬢皤  
題吳開士見山亭坐月圖兼祝壽

踐苔如朝霜皓然懸林趾堅罌聖峻嶒叢薄列新  
雉讀書有深致逍遙極百氏觸賞聊縱觀景曜餘  
光起童冠時步偕亭閣開儵詭因之吸寶文更聞  
餌星髓蓬萊有神仙長生留燕屐

松陵晤余不遠

陰涸寒雲升鷺鳥張疾羽長橋臨禹頊零落橋邊

樹笠澤波光懸煙沙自莽五百嶺更哀吟晚晚歲  
云莫瑤雪淪簾隙綬綬舞還注焦光既閉門哀安  
更僵卧桂棹蘭陵來皎潔照幽素玩世忘俗傲平  
心息鼎怒危言和天倪履道常坦步來往往任自然  
隨緣得所住

余君有餘地往往思戰場日臨三尺局二敵始相  
當合圍勢自猛苦關力猶強差池同鴈舞徘徊似  
鶴翔攻劫豈在律放舍亦無方有時墮塞夾瓠子  
少隄防邊鄙敵數入縱寇在中央紛挐衆無援荷

道山堂集 五言古

十九

貪尋敗亡余君翻輟然仗劍不肯降猶異桑榆收  
寧爲覆亂傷以此觀倚伏勝負可相忘不達善基  
以此嘲之

送甘尚卿北上

暮塵草初長百華投早春平沙對晴岬汀洲廻綠  
津腰裏霜蹄勁和風政弭塵河梁垂柳色玉管送  
行人祖帳歌白雪川煙起浮蘋余也忝未春夙昔  
聞韶鈞荷篠江渙間矜疎望躍鱗木鷄誇素羽戢  
鳳鳴芳晨隋珠携在袖景風賞自甄三省簪裾列  
千章錦繡純指日彤廷策賢良比鄰詵

七言古

翁劍士秘泉歌

長谿神仙之海嶠無數峻崢嶸與岬峭高士幽潛桐  
履飛掉頭偏向青雲叫往來霍林洞口開時聞鐘  
鼓空中妙結茆藤村逼蒼嶺平蒼綠草澹煙照養  
鷄抱犢復何求閒望東臯更舒嘯步屨山前石罅  
邊玉漿湧出如霜漂似入羅浮初卓錫淙淙南嶺  
發神竅昔時湮沒無人識數尺寒水隱蒸藿一經  
陸羽品臨時恰與楊子中冷肖靈芽掇罷鑿金鼎

道山堂集

七言古

一

白花浮光眼欲笑陽崖白屋樂嬉嬉松聲蘋沫連  
珠跳兩腋清風習習來盧仝七碗與同調素壽珍  
重火前春裁葭未許丹丘誚

賀鄭初入泮

吾甥風神如鶴峙珠玉在側差足擬龍文虎春羅  
心胸月光雲影浮蘭蕤憶昔太僕坐南省司輿管  
劇睢鳩裏流氛披猖犯京闕號咷氣盡無完壘結  
纓觸柱竟擊斝指生殉節常山比白虹燭天烈日  
昏光氣熊熊照青史今知簪笏有甘棠方信亢宗

屬孺子強項堪傳清白名家聲應繼梁公美豐蔭  
隨蟠尺寸株窮源首泝崑崙水卽看發軔起青藜  
院榜銀花自此始

咏光孝寺松風堂

寶地琉璃射芳甸脩林隱隱寒鐘轉城南不異雲  
巖深紅旛中天照庭院磊砢擢秀千仞條布葉凌  
霜更惹倩翠蓋離離鶴翅翔清風設謾秋聲顫丞  
相去國如冥鴻撐支天地無全功捲簾獨坐上方  
界可憐身在洞霄宮古殿塵墟龍象泣諸龕寂歷

道山堂集

七言古

二

障綠空安禪開却經綸手唱貝收回盡瘁躬會憶  
當時章五上王室安危全倚仗涕泗原經動帝容  
中興早排和議妄河北河東復料理勤王忼慨意  
氣壯募兵十萬集車騎巡幸京都指日望誰知媒  
孽有汪黃乞身罷歸頻海鄉窮年棲息聽談經就  
嶺愁猿悵恨長偃蓋陰陰留塵尾疎琴冷冷半爐  
香何時扶得花幢影移植高枝鳳沼傍

贈黃集清斯和尚

末法橫張魔外幔俳優戲場恣凌亂枯魴橋所有

何奇盲瞽瞎悟互唱讚獲湯爇燖炭如林業根誰  
把葫蘆換利竿倒却等尋常衆生正信同魚爛惟  
師建鼓斥狂禪洞然大千夜將旦善巧方便作導  
師林殺榮名利養漢後覩踞座見神通鱗鱗狐狸  
盡奔竄現身應化非偶然狂瀾巨浸頂堤埠醫王  
發藥視溫涼隨方療病絕疑難能令眯目刮金篦  
復使迷頭出冷汗念昔山下有大蟲采菌踪跡無  
崖岬不是無禪祇無師一角袈裟掩地看萬丈龍  
潭徹底清五雲山色明如粲祖恩深重後人知千

道山堂集

七言古

三

聖一絲方不斷

元宵觀採茶出塞諸雜劇有感

百花吐夜關組麗雲母重疊開火齊衆星燦燦如  
連珠皓月無須愁五翳臨衢集會隊成行金石奔  
飛絲竹暖時向煙霞泛枕花盈筐採摘卷零帶廣  
黛輕黃別樣描清香茶茸飄羅袂又見明姬出漢  
宮手撫絃執欲出涕曲中怨恨倩誰知惱斷穹廡  
設毬爛銀鞍玉勒忽廻翔舞劍跳丸轉蹕厲劍器  
瀏漓舞公孫高臺蹴踘盡迷離龍盤鬼月綺茵清

氤氳霧裏恣淫喬君不見閭閻爨火稀  
鶉衣尙自輸井稅

壽法可上人

長歲輝赫初暄新離披萬品閭浮濱  
芙渠閃施敷奇葩  
甘瓜朱李如星陳上邇摩耶方出胎  
七步周行現法身沐浴尼連攪河水畢鉢樹下逢天神  
豈知未離樊率時一片婆心早度人  
始信獨尊天上下大智光明達八垠  
吾師亦降純乾月一聲因地種良因  
夙昔勘明無相法日與黃面久相親  
白雲

道山堂集 七言古

四

西來堆竹戶萬峰雜沓飛海濤  
推拂錚錚壓衆賢刮磨精猶何艱辛  
湏知佛恩欲報難一切緣起那有真  
假龍飲鼠總猴批弄線拈絲盡幻塵  
惟有向上無退轉歷歷分明辨主賓  
慶快青天與紅日等閒憎伏諸波旬  
吾師應期梅雨熟依稀雪山無四鄰  
焦煙乍曝炎州蒲滴滴層冰灑落頻

送潛夫弟之高明任

天南蒼鬱漲溟海時會翡翠關  
文彩尉陀自昔控羣蠻山村野市遺民在  
題壁曾經陸賈祠息侯尙

樹將軍墨青楓岬畔荔子丹  
枕柳亭下重雲轂吾家遍地多甘棠  
華轂軒綵草木香浪水籍籍先京兆  
接龍橋邊尸祝長泊余初筮古春州  
復叨觀察高峽傍十稔風塵遲嶺嶠  
却認端州是故鄉爾領花封應列宿  
恰向百粵問耆舊炎方喜得良大夫  
神君特出諸城右橫浦雄關叱馭樓  
大庾峰尖白猿吼舊站旂幢捧檄飛  
紅榴爛熳開如繡荒畝斷隴四郊寒  
連年征戍徵輸繁郵傳匆匆符牒促  
應知生聚戰餘難春陵詩思風堪採  
惻怛真情一例

道山堂集 七言古

五

看但得循良能保障魚苗海氣始安瀾  
四會聲名頴川比崇班蒼佩蘭臺裏  
東林壇玷藉主盟一代正人山嶽峙  
而今紹適有光嶽始信繼戎屬孫子  
殷勤早植萊公栢翩翩竹馬環江浹

送鄭文甫北上

上苑鶯花三月天滄江早上木蘭船  
郎都合奏軒轅律龍馬還騰翠鳩川  
森森青條點林薄鏘鏘細響鳴繁絃  
中和樂職王褒句甘泉作賦子雲篇  
虎頭洲上笙歌發題過平康絲紙箋  
曲江分賜紅綾

餘政是糝徑楊花。憶昔韶州嶺表時。執手分別  
豐湖邊。故人露草青。高路得見郎君喜。欲願君不  
見吾郡孫子長。父子慈恩姓氏傳。而今寥闊七十  
載。衣鉢相傳非偶然。

寄昌李侄。既寧廣丈。

白鶴廻翔欲凌雲。黃華舊壘度紅曛。苜蓿盤中清  
且潔。香氣宛如芝。木薑草履曳聲舊。門第畫省重  
重勒功勳。羨爾傳家擅璚瑰。日行千里誇蘭筋。廣  
文官冷槐宮肅。講幄風高玉屑紛。願比九齡興國

道山堂集 七言古

六

日曲江事業空人羣

清明日林靖庵黃處安祝林天友壽兼別顧

梁汾

芳薈丰茸珊瑚柯。小池春水浮雲蘿。槐火新煙停  
宿雨。時鶯離合如迴波。參差絳棗照花樹。置觴薦  
壽擎靈龜。使君頗厭繁華興。暫掛清江白鷺蓑。野  
王疆記無不有。氣掃六合吞蠶池。青草依微憶吳  
苑。其奈驪駒白玉珂。飄絲屢薄桃李園。諸公新韻  
擬羊何。海棠乍放桐華發。蠟屐巾車寄興多。

壽李元仲

古之義士長貧賤。運去物改爲遺民。苞稂寐歎念  
京周匪風。匪車何酸辛。天經地義藉不泯。刺水殘  
山容一身天子不得友。諸侯不得臣。我觀溪山之  
奧區。黃連紫氣冠七閩。翠華山色明如黛。靈隱窪  
樽洞似銀。杖頭閒踏白雲煙。冥鴻遠舉凌高旻。石  
嵌泉冷花前醉。紫巖青澗無纖塵。著書千萬帙。文  
藻鬱玢幽。腦膈流雅頌。鏘然鳴韶韻。妙抱密雕  
細。素含毫落紙如輪囷。神經怪譎藏靈府。著作源

道山堂集 七言古

七

流凌古人扶鳩適。當釣渭年皓髮。龐眉自在春青

史。應編高士傳。室遠人遐勞我神。

贈土通林

慧山東峰挺霄夢。茂林斐雲鬱華薄。江左青箱理  
舊緘。文章家麗金艘。余昔執經豐湖長。飽飲循  
聲多煜燿。同披棘院點丹鉛。一尊秋月費吟噓。及  
聞曲江飛白虹。烈氣轟轟照碧落。時余忝竊在下  
僚。素仰孤忠冠六幕。使君早承辟。叫餘光大前徽  
求。矩矱矜從楚。皖領槐市蕪湖經。義割昏膜溫麻

近喜馭軒綏宓子鳴琴若鼓箏佇看璽書褒

參翊黃圖增式廓

鄭門雙節壽詩

吾郡接踵多賢媛清節往往疎星漢松筠素性美  
可傳聲名落紙珠璣粲荷與鄭門莫太君郊翼遺  
孤劬宵旦程嬰原爲宜孟忠譬諸委裘植不亂未  
忍娶婦先葬親孝行鄉閭共擊讚人生大義先百  
行夢我感誦情難道天道不可知芝焚復蕙歎有  
婦張孺人苦志嚙冰炭學姑無不爲木葉同斷腕

道山堂集 七言古

八

溫清侍高堂甘毳惟几案紡車辟績撫二呱成人  
操觚弄柔翰焚燈風雨閃南牕霜幃絞紵聲相絆  
長君少負濟世資廉棱高峻似魁岸藝圃牙籤正  
等身早歲利賓遊虎觀大鵬圖南舒動翮佇爲家  
國儲楨幹煢煢兩姑嫜一身膺多難心比百鍊剛  
志竝日月貫昔時聽搖今堂構煌然丹雘成輪奐  
殷勤作始貽奕葉福綏綿亘壽無算崇臺棹楔表  
德徽考鐘伐鼓列絲綬丈夫鬚眉拜下風舉此足  
以愧雌嫺

雨後雅集謝青門宅

昨朝天意蘊羣萌飄花潤石煙曳鳴中晴露霖雲  
掩映垆外懽呼有田更興居未須占易卦作歌欲  
報東長生今日宿霧忽已洗物華暄氣欣相并林  
樾繡繡千株翠寥寥遶天迴清英皎日初旭振陽  
暉揭來青綺懸庭檻鹿巾蒸杖尋芳甸涼風蕭颯  
葛衣輕東山招我寶樹堂香蒲樽壘肝膈傾負綠  
直待晚霞出四座微誰各寫情

家龍季子榮邀集長應禪寺劈荔分得笑字

道山堂集 七言古

九

朱光杲杲如洪燎乘幽出郭恣舒嘯福地金繩托  
勝因重岡北面起崇峭無數煙嵐靄崑崙崑崙  
目青翠照窮岫洩雪翳復吐繡栢畫拱疎光曜深  
殿突兀衆香聞林葉鳴蟬按清調紅熒幡影中天  
颺問津彼岬寄蘿葛丹霞老人法乳深步步雪山  
皆草料時見座下二龍象況有淵雲擅墨妙麗藻  
方逢休上人翻身飭斗更踣跳盡日追陪竹院中  
綠陰庭靜細雀叫維時荔子已成丹絳片神漿火  
齊焦臙脂掌中甘露傾閩南異果誰能肖昔年迴

方貢珍奇只有荔枝傳密詔漢武碧桃不足誇  
入長生姬子笑祇今顏色年年有紅塵一騎空憑  
弔我輩幸值衰亂餘烽燧近已銷亭徽飽餐水盤  
白水晶山野經綸付魚釣諸公衮衮管葛才匡時  
綢繆佐廟廟賸有餘功半日閒偏向招提供逸眺  
憂玉敲金各見長蘊藉風流稱雅卻擬將新作過  
黃初不比蠅聲並蚓竅微陽俄驚風雨來詰朝再  
訂青尊約

送鄧君旦之任南平兼祝壽

道山堂集 七言古

芳洲素瀨煙鱗疾挂席谿光轉明瑟沙岬風生絳  
帳秋白露瀾瀾濕琴帙昔年簞業在番禺北面橫  
經大雅儒繼述文章著槐市蘓湖遺訓古爲徒君  
今亟上紅蘭渡九峰天柱指可數魯國諸生侍講  
帷一時桃李成香塢况君階下有權奇好辭聲價  
長烏絲震燦大名冠京雒鳴珂門巷復緜纒壯月  
繩河無點翳蟻珠巧綴稱佳麗爲君高誦南山篇  
舉觴更祝大椿歲

壽劉友

希風蘊義植靈根芝草有根醴有源咄彼蠅營與  
蠶縛考槃築室慕黃軒瓣香迴向法王前皈依妙  
湛不動尊金田香界隨地湧鐘聲浩浩度朝昏一  
色一香者三昧婆心熱血護祇園更得永明雲棲  
法二老宗風其露門通身踣跳木人笑四衢衝突  
石牛奔何曾擬著壽者相此心天地共長存

送鄧惟庸北上

道山堂集 七言古

竹嶼森翠如嶰谷篠簜猗猗出林麓梧桐今有鳳  
凰棲山川蜿蜒生清淑篤志紛紜著洽聞思緒雲  
騫凌濤陸早歲扶搖上京國冀北空羣策高足余  
憶五十四年前曾陪爾祖歌萃鹿世代滄桑幾閱  
更歸然靈光堪捧腹幸觀君赴曲江讌摘髭領下  
何其速名家不少紅綾餞公侯之始自此復

道山堂詩集卷二

宗栢

國中陳

軾著

易宗威

全輯

五言律

于侯

過藝圃訪姜勉中學在兄弟

步屨鱗諸里西園碧水潯石拳成小嶼葦岬接長  
林茅室煙嵐合雲房花木深客星曾卜隱幽壑有  
遺簪

花尊臨爽塏風雅二難并鎧仗孤臣淚杯棬孝子  
情魚亭分鶴影聽節聽鴈聲更問南曹話淒然念

道山堂集 五言律

友生

謂如瀕吏部也

其陵訪黃協先適其乞休歸養作此記別

長河秋色裏葦岬細蛩喧碧草雙豐社殘編別墅  
村風流懷縣北絃韻武城存園露當塔白頻頻問  
酒尊

訪友關河遠官衙燕鵲鳴披襟燒晝燭坐漏聽寒  
簌莊舄吟方苦元卿興自悠天心留薜蘿肥逕復  
何求

簾影飄陰聞寒鴉集訟堂垂官能遠俗將母不忘

鄉竟畏王陽道孤存陸氏莊知交寥落甚清夢到

桃柳

爲問花田路炎荒轉戰頻離經久別衰白始相  
親不分嚶聲唱還侵馬首塵莫忘征鴈遠書疏及  
江津

和鄭翰思戶部祝壽

昔年同嶺外戡鼓夢中過橫槊君猶勁垂綸我已  
歸長才需管樂清省重陰何此日蘇臺上吹笙樂  
事多

道山堂集 五言律

送友人北上

離家戎馬日遠嶼落紅噀嘯咤會輕依英雄早逸  
羣寒江初鴈放秋岬暮蟬聞挾彈回鞍處長鞭指  
朔雲

煙艤灘聲激河橋別意悠射會開石弩結客看吳  
鉤古驛霜容澹清砧月影留他鄉應罷戰玉笛莫  
生愁

西園九日紅梅碧桃盛開和任昌義二首 有

涼葉雨下素簷尚颺步屨西園眺覽衰林

曲岬疎籬想竹欄之琴韻寒煙荒草聽蘆  
治之蛙聲乃有低徊絳雪髣髴瑤臺憐南  
國之長春奇葩繡繡遇未垂之餘景晚夢  
鮮榮啟金萼千庚嶺舒新采於綏山丹藹  
擎露粉靨凝香殘夢西風忽作霓裳之舞  
蕭辰暮序竟同羯鼓之催橫笛短簫唱柏  
梁於金谷截肪刷玉散星緯於璇璣萬木  
悲吟微聞暗麝一天顚顚恰值芳魂鸚鵡  
喚花苞非關蝶翻蜂聚河陽署錦隊豈假

道山堂集

五言律

三

柳陌杏街倚荷亭而貢媚綴露井以含光  
斯菊月之奇觀而杪秋之勝事者也西園  
主人續廣平之賦倣西苑之遊歌以五言  
闌茲雙美愚不揣效顰以誌海濱佳話云  
粉零紅褪日蕭瑟到秋深誰意經霜樹翻成結綺  
心朱顏含宿露月影度清砧不待黃鸝語新花已  
滿林

黃花休作妬馥馥盡芳蕤似向孤山種曾從鄴下  
移落鴻驚曉豔青女避幽姿獨有西園賞陽春一

曲吹

集林立軒池亭和黃處安

秋葉鳴梭日晴光上九旻驚隨花影浴人立板橋  
踐曲沼魚依藻寒鐘寺作鄰木連猶發蕊裏露澹  
紅勻  
爲尋彭澤菊新析盡黃金碎影浮杯擎繁香滿客  
衿牕雲披散帙林蔦助芳陰綠水名園寂虛檐嶼  
色侵

立冬日邵蓉園招飲賞橘

道山堂集

五言律

四

僻徑隱城市柴關香氣稠應憐雲夢樹常帶洞庭  
秋寒景移商律清尊盡白頭郎茲方沼內托興在  
滄洲  
南山臨戶牖朱實有便姍結翠寒苞重籠煙小院  
燐老來宜舊話身退令長年猶見幔亭宴會孫盛  
事傳  
蓉翁出共會孫陪坐

小春二日諸公安集山園和黃處安

清風開閣待鳴雀噪山樊長簾朱絃靜新詩玉露  
繁煙凝脩竹塢客飽鷹鶩餐不厭吾廬寂時時過

席門

淹留欣竟日通壑落香氛  
藤影分棋陣牀頭起甕  
雲禮疎成阮籍莊美愧崔羣  
安得如曇曠籠鶴報  
右軍

贈伏陽道者住持冲虛

吾郡伏陽子辭榮早挂冠  
脩眞勞杵石鍊藥得琅  
玕聚土花千朶流光指一彈  
現身茲福地都付衆  
生看

舊時黃霸井大地盡黃金  
遺蛻雖無見丹臺尙可

道山堂集

五言律

五

尋虛聲傳錦舌紫氣出長林  
鉛汞初成日西峰片

月侵

送別顧施潛

海邦迎頓繚蘭氣浴芳流元  
歎琴書遠溼陽草疏  
畱高軒方促膝長浪忽攀舟  
南浦晨川急新春雨  
雪浮

文壇矜作述風雅寄輕郵  
去棹嶺梅發歸驂岸柳  
柔清尊遲谷口英槩壯神州  
若到趨庭日言余只  
敝裘

雜感

時序屢迴薄寒爐漫撥灰  
花窠堆馬埒越組照輿  
臺海曲軍麾滿村樓夜柝  
哀心憐杼柚幾日得  
歡咳

園井新蒲綠酸辛半草萊  
健兒頻作叱租吏日相  
催嬌俗金三品消愁酒一  
杯雲雷屯未解詰屈尙  
煙埃

贈蔡中旦移居

三徑初開日籬門貯月瓢  
牙籤隨亂帙竹榻暖微

道山堂集

五言律

六

霄卜築喬林映開簾燕影  
招應知衡泌樂無用更

塗椒

高士耽幽癖深居絕叫囂  
波瀾生几席翡翠集陵  
苔赤甲方移杜鰻牛可訪  
焦尙餘抱朴術金匱著  
書饒

辛酉除夕

春來方五日歲舊自今朝  
天已更囊策時初離北  
枵兩寒宜衣褐厨飽幸炊  
彫自笑管寧帽年年對  
客驕

嗣紀須明曙長筵竟夕熒蚶魚藏秘冊寒鳥憇空  
亭瀨石依巖谷咀花引歲齡懽呼傳火市偏照老  
人星

羲卦今過一漸看日月新贊同孤鶴皓心與白雪  
親琅史翻銀漏青袍黃酒緒來朝百卉發又是一  
年春

熙攘如蟻蝨紛紛一側看指困誰魯肅主鑄任鍾  
官迅暑催流電衰顏仗紫丹崢嶸聽蟬蛸園竹欲

檀樂

道山堂集 五言律

七

壬戌元旦

蟄振青塗啟梯榮柳作陰開軒但一鵬飛霧霽千  
嶽顏闔門仍固哀安雪自深協風來舊幕欄戶學  
虛吟

海錯迴綸入汪洋禁網寬提筐捕月蛤沽酒醉天  
爵閒坐烏皮几頻欹翠葉冠邇來多雨澤春至老  
農懽

天臘勾芒轉關河息燧烽曼辭推太史寡欲學何  
顓吹律能噓谷排雲更盪胸梅花開正遍樹樹盡

龍鬆

華門清課暇椒酌到縹窵有意尋蹊徑無心問  
司發徽彈寶瑟突思引枯棋絲勝年年換編蓬志  
未移

仲春三日顧梁汾招集道山書院因見謝斗  
生爲梁汾擬古寫照及讀二少年壁上新  
詩和黃處安

屹岿考亭廟名園半嶺存 舊係半嶺園 彥先疑赴維文

舉正開尊賓主東南美春山草木芑清談叢桂下

道山堂集 五言律

八

生意到離根

僧繇稱妙手原有點睛長今古皆堪匹風花自作  
香青山來坐榻新調協幽簧何意紅顏者論交屬  
老蒼

社日林天友招集道山書院

雅集燕初臨階庭塔影深晴曛舒秀嶺英蒞翳中  
林細蝶參差舞遊禽下上音宜春堪共酌潦倒短  
長吟

海潯烽埃歇卜稼祝禾因詎擬粉榆會翻多湖海

人高臺宜鼎石白首惜良辰爲愛山莊景頻歆焉

角巾

欄戶日華敷塙陰起曙烏岫容長綯麗客袂正紛  
吾簷鵲鳴朱院江魚入筍厨登臨鵲杖健索笑摘

花鬚

陣陣東風曳相將步紫苔鶯梭翻柳線蟻酥漱仙  
醅坐雜漁樵話人誇庾謝才綠茵芳草遍排闥白  
雲來

贈九仙觀石德通道士

道山堂集 五言律

九

萬石家風舊金壇道訣眞鳳雛丹穴出鶴影白雲  
親禁藥開瑤水香圍斷苦輪訪君青島路萍荔引

山茵

兄弟成仙易鼇峰勝境留牙籤翻秘牒玉局侍朱  
旒冷甃寒泉滴長松翠幄稠風箏鳴殿角掃地卧  
青牛

朝輿姪新建南陽宗祠原係少卿一水公道

山草廬故址作詩以美之

卿月承金掌歸田半畝餘可憐廢吏隱僅得草廬

居戎馬長叢棘名山悵負岨誰能追祖德重整舊

階除

燁赫家聲遠恩波錦帕重介珪傳累葉薌氣上諸  
峰對岍平沙鷺空山古寺鐘丹青憶遺老盛代幾  
人逢

昔年誇谷口今作大宗祠禮樂永冠舊春秋饗侑  
宜畫梁來燕雀高構藉弓箕韋杜城南地悠然劍  
履思

創建功誠鉅山光積翠深青岑連鳥翅幽壑薄城

道山堂集 五言律

十

陰祖笏堆牀永蘭羞薦俎歆公侯宜復始作述凜  
遺簪

冬日同黃處庵謝青門蔡中且湛苑叔訪林

克溥克千兄弟賞梅花

幽巷尋清客花陰香正濃微紅方沃日弱挺更凌  
冬紙帳餘湍動書籤翠影重雪牕兄與弟才調擬  
鸞龍

琴聲出壤室二陸悉珠胎盆盎遊魚樂階除啁雀  
來芳林臨綺薄小几淨零埃客醉香醪嫩狂吟更

閣開

訪惟諍和尚舍利室

石鼓盤紆徑青林半壑分  
尋梅披嶂影憑檻望江  
氛籟向諸天寂音從空谷  
開始知聲色外義諦自  
離羣

與師同甲子各有未生前  
念我塵勞日皆師禪定  
年嶺松舒繡薄山磬發清  
煙扣擊鉏鍾落滔滔智  
慧泉

初夏集莊耻五容園時杜鵑尚未謝

道山堂集

五言律

十一

失夏迎脩景蒼蒼綠一園  
叢筍連桂櫟遲日捧花  
根茶藹方全漏山雲任吐  
吞應多庾謝客巒影落  
青尊

玉友猶爛熳無數麗星繁  
赤玉璫琴軫空山謝豹  
魂嫩紅糊紫電剪綵薄軫  
軒未覺檀心減猶留脂  
浣痕

立秋後二日黃處安招集荔水庄看蓮午後

微雨分得齋字陶字

蟾響動高齋荷香近水涯  
新秋炎未謝衰鬢與還

佳池雨花間隰林篁鳥語  
啾風來羣木杪休厭酒  
如淮

羣公銷暑日適興似觀濠  
白雪敲松韻雄譚落塵  
毛紅葉交葉密玉漱細蛙  
嘈爽氣虛堂起披襟散  
鬱陶

贈張惟奎

里巷通名舊賢聲見仲容  
鏡中神鏡巧肘後秘書  
封觀色如周廣精思比胤  
宗多君救世術事業一

筇從

道山堂集

五言律

主

壽王友

蕭杓金鏗上自昔五陵豪  
推手彈寒笛垂條醉綠  
緣白頭扶杖穩狂性寄懷  
高還似少年日清風落  
塵毛

曾孫稱壽讌却進幔亭觴  
階長新蘭茁集棲舊燕  
梁罵人成董史諸物近蒙  
莊但願携佳醞時時喚  
客嘗

七言律

同徐臞庵黃九煙趙且公錢均厓過姜學在  
齋頭小飲和臞庵韻

霜日荷池叫蓼蟲相逢恰俱古壺公試看白衿名  
流在遙憶黃門隔代中鶴跡幽林頻度磴松陰滿  
院欲吟風分明吳苑桃源路上橫琴雅調同

壽沈聖符八十

俊厨月旦重諸生黨籍曾高漢室名  
郊屋籬根紅樹老漁潭江畔釣舟橫  
松林新月侵春草笠澤閒

道山堂集 七言

雲落酒瑤南極老人星正爛礮溪應有玉璫迎

和李山顏六十自歎

吳江楓葉正飄零白衿相逢眼倍青  
墨石未遑勤瓦卜東方無用著鴉經  
松筠擁護千函帙蒸杖周游一草亭  
浩劫餘灰存素髮幽棲長藉北山靈  
鷺鵬上下任逍遙獨立高竿百尺標  
虹跨長橋迷極浦雲開笠澤擁迴潮  
文章垂暮江關動杯酒論交塊壘消  
共掇黃花籬下醉晚香偏向雪霜驕  
隱居早已著潛夫鴈渚鷗汀自在娛  
但使清如三

徑在不妨貧似一錫無車中自是衰時鳳塔下偏  
多汗血駒攏膝持頰塵世外應知抱道與天符  
昔年度嶺不謀家萍鹿歌聲遶翠華  
波瀾官門悲蔓棘塵封劍氣暗銅花  
陣開奇正惟棋局人在滄浪有釣車  
出入五湖煙水裏對君疑是泛仙槎

雪灘村居和徐臞庵韻

江靜橋橫問道庵東園可有徑三三一柯玉斧成  
樵話數卷新詩作雅南古廟依稀莎草近澄潭上  
下釣綸堪五湖宜與高人共 橋邊有爲到菰蒲一三高祠

道山堂集 七言

駐蹕

壽林振衣都閩

桑弧此日試桃弧澗水金山入畫圖  
鎖院姓名連二第中原財賦重三吳  
星經寶校飛天駟日暖登旗拂曙烏  
鄴相關中輪轉易應知萬斛接雲龍  
倚劍長關早棄繻曉風畫角領魚符  
五茸草色鳴金勒三泖湖光醉玉壺  
鈴閣繡圍霜氣肅綠弓白羽雪花鋪  
南山一曲歌聲沸挾纘軍中動地呼

寄崇安藍素先

洞口閒香長杜蘅荷衣數片御風輕蕭蕭落葉  
櫺下澹澹微雲篋筒生木末一巢懸淡渚溪流九  
曲泛孤篷十年未問維摩病蘆荻秋深夢想傾  
六時淨業結伽佉無恙青山帶薜蘿紫綈紅袖清  
譙少石經珠像暮鐘多差肩玉女留梨頰牽荇潭  
魚出水梭惟有更衣臺上月蟲沙人世任婆娑

九日登高

去歲登高河朔地東歸今日是新豐偶鋤草徑方  
謀築回想車塵任轉蓬遠水層崖青眼落衰蕪寒

道山堂集

三

葉夕陽紅誰教牧馬天南路却似蕭蕭玉塞中  
天氣初晴風力微參軍帽落事全非平原縱獵韓  
盧勁瀚海嚴關蜃蛤稀濡露林臯聞鶴渡涼雲秋  
影傍鴻飛餐英本是延年術白首猶堪把鞠衣

壽衛公叔

青編曾借鐵函留瘦頰丹心據上流搦筆只容雲  
覆几畫灰剩有雪盈頭寒燈花穗遲殘局小艇菰  
蘆隱故侯家世相韓休更問長生且學赤松遊  
方遠憶昔馳京洛玉勒香車事已違白露蕭蕭侵

素壁西風嫋嫋度寒磯蓀牀踞傲頻繙卷芟服蹕  
躡早授衣飲醴采芝煙客慣何妨長茹北山薇

移居第一山房

茅棟松軒翳碧苔古今幾度白駒催一山氣接烏  
峰石二塔光生長樂臺宿鳥方欣晴日動青巒還  
喜主人來更誇何遜楊州興香噴枝頭見早梅  
嶺徑嶢嶢最上層雲端木杪見峻嶒投林喜似凌  
霄鶴擁褐閒如退院僧掉尾當看新澗水種瓜何  
意舊東陵一瓢樹上粗安穩白雪青巖興更增

道山堂集

四

栩栩無心夢蝶胥薛幃常對一牀書重林曉露侵  
衣桁登巘青蘿拂草廬籬竹蕭疎隨意綠鄰鐘聲  
轡入牕虛華門畫掩來賓少却似鴻濛鹿麋居  
虛空簾牖近蒼垠雨後晴山鵲影翻時值干戈偏  
養拙性耽丘壑厭聞喧花間曬藥香生砌石上彈  
琴雲出門讀史有時功課罷右軍一味更娛孫

晉安懷古

止戈堂上沸如雷會見斬王飲至回威武樓船誰  
轉戰景炎官殿只塵灰五雲虛閣仙踪幻半畝方

塘劍影迴惟有龍峰千仞上朝朝青翠傍山開

三清臺閣碧雲椽龍惱諸香寶鼎然誰意大還丹  
未就致令太上像空懸歸郎夢熟紅紗裏春燕思

深畫棟前觀察版圖何處是屏山芳草尚芊綿

上元日長樂臺觀燈

只聽四隅鳴社鼓不知百里動霜聲漫誇殿上長  
春曲欲取懷中明月梯遠燒疑從天外落危峰似  
向塔前低馮高極目浮雲淨千炬光芒照杖藜  
和嘯雲上人知足韻

道山堂集 七言律

五

浮幢華藏一眞身不是乘虛關勝人卧棘投鍼空  
作力餒魚飼雀未傷貧瘦瓢勺水隨緣滿幽谷枯  
椿自在春精進政當年少日浪花住處即知津

送友人北上

青莎白舫望如何千里煙波送客過閭嶺榴紅如  
芍藥吳江菱影似纖羅蕭條關塞餘殘壘轉戰山  
川乍枕戈自是刺船多忼慨河橋尊酒淚痕多

春日訪友人山樓

遲遲春日到華叢縱目山樓寄興同叔寶瑩如珠

出匣沈郎清似月停空爐前香茗消閒畫檻外繁  
花向綺牕惟有海棠偏作妬紅英半落綠雲中

仲秋山園梨花盛開

玉顏澹漱吐幽姿偏喜秋風葉下時豈有黃鸝啣  
落絮却如亂蝶舞會枝叢林晚帶能欺雪獨院新  
粧不畫脂迴望孤輪河漢上一團珠滿占巖陲  
淒淒風露濕簷牙且把梨花伴桂花悔向玉盤誇  
箭谷翻從明月泛仙查蟬鳴木杪香初散兔上天  
中影未賒清白自知難比並冰魂秋嶠澹煙斜

道山堂集 七言律

六

和吳庶常咏其祖諤齋大中丞崇祀名宦  
儒雅風流重昔時鑄鐫鐘篋載芳規校管部曲留  
儒務魯國諸生起寤思刻石講堂師氏法垂名大  
鎮魏公祠治城帥節餘衣帶恍徬襄州墮淚碑  
憂國勞民盡瘁魂灰樓參佐幾人存榕陰日沃繁  
花滿溪語煙深古木昏簪笏甘棠懷舊業禁闌彫  
管識淵源鸞臺相代尋常事繩武欣看祖德敦

壽林平山

屈指京華四十秋軟裘快馬曲江頭浮名我已輕

槐螳適意君還狎水鷗  
湛露凝庭河宿爛涼蟬遶  
樹管絃悠况兼並蒂芙蓉  
發偕隱還看霜葉稠  
平臺問茗尙初衣絳闕承  
恩露未晞石鼓湖邊迎  
皂蓋錦帆徑畔望春暉  
誰將碧柳開葦徑只見幽  
人下釣磯禾黍油殘夢在  
桃源漁父莫教違  
西峰雪牖冷雲深馳突彎  
弓塞馬侵蓬蔚蘭陂聞  
畫角成亭烽火逼長林  
縱然羆兕橫行日不亂蛟  
螭偃卧心白眼任他騎士  
過冷然石榻自虛吟  
褰裳久已慕黃軒半在城  
西半在村澤際鷗鷺飛

道山堂集 七言律

七

草舍林中鷓鴣噪丘樊  
奇花盤谷神仙現老樹  
樾峰鐵幹存

平山常  
遊梅溪

秉耒儘堪延歲月不須再訪石

山源

風條雨葉見秋稜  
菊圃霜深晚色增  
鑑水臨池推賀老  
北山讀易擬孫登  
歌隨羸女顏如雪  
宴列曾孫酒似澆  
自是玉京多勝會  
一堂誰舞卽迦陵

和黃處安移居

小築幽棲秋草閒  
書籤藥匱未敢刪  
似遷赤甲東屯日  
更訪浮陽谷口閒  
掃徑張琴寒杵急  
褰幃試

墨白雲還從來石隱能成癖  
不待移文有北山

古巷城南仲蔚家  
當牕新竹綠筠斜  
侵霜不厭雙蓬鬢  
遶舍還栽並蒂花  
座上蟻浮頻醉客  
江頭潮落九迴車  
近聞笳鼓聲初偃  
草榻應無煙霧遮

九日登降霄臺和壁上韻

紅亭酒幔幾時消  
只見天高度碧寥  
皂帽却從絳葉落  
袂衣更傍白雲飄  
秋畦稼長東南陌  
人跡霜深大小橋  
白足煙岑多勝槩  
山椒繫馬欲籠霄

贈何天衢閩戎

道山堂集 七言律

八

雙伏龍蟠應待時  
將軍進退恰相宜  
霸陵醉尉休輕叱  
定遠通侯會有期  
錦韉弓寒馳朔馬  
柳營月皎照朱旗  
知君本是金壇客  
大別山頭間氣垂  
韜鈴上將石公書  
醉眼曾乘小鹿車  
武庫論兵多妙畫  
廣場破陣未生疎  
蘆中噉雪千秋意  
韜裏敲金百鍊餘  
况是霍童碑頌在  
扶筇爭望佩金魚

歲暮久雨

歲晚青塗已漸過  
深湍激澗灑巖阿  
四時灰琯循環易  
半畝畦蔬灌漑多  
竹葉銷寒如燎火  
松林奔

濕似飛梭野人早辨椒花頌閒倚風前舞綠蓑

庚申除夕

數樹紅梅浣濯鮮臘寒匝月雨風天亭亭峻址扶  
藜濕寂寂青山坐榻穿茅徑每來千壑影升鉛時  
染百家編漫言新賦如麻竹酒脯酬勞有謫仙  
近聞白氣干天象野老昏昏只醉眠斗酒團圓秋  
稻熟家人笑語燭花偏公侯甲第朱門幻勝負人  
間博塞旋開倚綠廳聞瀑竹爐中商陸待餘年  
草咽絲煩任舞筵羨魚何必苦臨淵早知鳩性能

道山堂集 七言律

九

呼雨不記龜梁欲濟川謀得火山良夜放携將鐵  
硯錦文鐫春來種竹須千箇密篠長竿碧玉椽  
居山不用買山錢蠟屐巾車自在綠蓑策已過周  
易卦松心未負歲寒年皂衣偃子俳人局祿閣青  
蒸老杖煙換取桃符蓬葦戶長林先設百花毡

辛酉元旦

柏銘初進玉莖醅石鼓遙岑密霧堆黃潦奔飛浮  
石壁繁聲滴瀝注亭臺芸香繡史閒挑蠹皓首衝  
泥爲看梅儘日山莊無客到小欄杆外嶺雲迴

淋鈴相續似瀟瀟楸枰喂寒任我眞蟄戶始開思  
解凍林枝含濕漸偷新一簾疎榻聞幽籟十畝青  
山長綠筠松樹鶴窠茅屋下春光只在竹皮巾  
天山成選標爻靈有杵高懸處士星覽鏡自憐雙  
鬢白開簾長傍一山青草衣盡是峰巒影懶性寧  
分鷗鷺形新韭春盤循舊俗手披玉宇誦黃庭  
鄉生吹律始昭陽只把長竿當笏梁松下浪花穿  
石亂丘中雪調引琴簫且看彭澤來三徑無用靈  
均作九章籬犬塲鷄生意足山翁情性近羲皇

道山堂集 七言律

十

乾清選侍出宮門烹廟辛年政改元稚歲頗能開  
國史老民猶會憶前論主張社稷虛羣策叫號遑  
疆振五原獨有山閒功課在種瓜親自灌南園

元旦次日久雨初晴

連峰衆壑捲長雲石路初開錦繡文翠陌新烟浮  
霽色平沙遠浦落香氣坐隅裊裊林陰曙灌木關  
關鳥語聞處處綠絲垂細柳托根尙自愛朝曛  
飛簾已自寢神鞭萬象昭回此日鮮青綺獨來奔  
瀑去烹微方展鬱華連疎林桑柘開青岬藻鏡雲

端掛碧天遲日徐看筋力健扶筇頂占馬蹄先

送莊恥五赴選

長日汀洲錦纜牽桃紅嫩色艷陽天清湖駕渚波  
流淥重障排雲鳥影翩鐵馬絳旗傳虎節玉除丹  
陛拜鶯遷念余白首漁竿客遙指河梁細柳邊  
擁傳邇溝宜節聞甘棠勿剪楚江濱昔年露冕開  
珠甕今日鳴鈴度朔雲遠騎遊絲方颺舞畫輪芳  
卉共繽紛應知千里青春岍極目蘅皋送落曛

壽林靜庵

道山堂集 七言律

七

金壇笳鼓雜歌吟平仲深山曉夢醒閒煞木牛斜  
谷道敲成鐵板白雲亭間關鶯語來花逕歷亂魚  
簪作劒翎醉尉霸陵休叱侮少微早伴老人星  
闔閭城下幸相從鶴市鷄陂遠寺鐘縱酒欲不震  
澤水開鐙常傍虎丘松歸來幽巷無喧轍合耦荒  
翁有老農歲歲蔣山碑碣在秦淮明月聽華封

重九日

山中無日不登高偏到深秋氣槩豪開汲清泉堪  
灌圃只餘白髮可簪蒿輕颺颺颺吹繁葉遠海濛

濛起素濤留取陶潛籬下菊一羣香艷冠花曹

一天霜鴈過寒臯晴霽山川對繼袍節候每驚人  
易老杖藜還喜興如惛飽看稚子擎殘帙獨少山  
妻紡落毛戲馬興亡徒積恨不如斗酒更持螯  
讀王友人豫章新詩賦贈二首

仲宣才調重當年碧嶂重疊盡白銷輕撼隨潮驚  
嘹鴈羣林結暝噪鳴蟬魚龍潛嘯長谿險關塞蕭  
條冷戍連攆得滕王高閣賦錦囊裝束百花驕  
江臯遊客弄青莎千里風煙白雪歌樵曲橋邊流

道山堂集 七言律

七

水淥鬱孤臺上白雲多平川漠漠迴湍咽宿莽離  
離振策過獨怪開襟郊店月苦思偏欲擬陰何

辛酉長至

久烘猶然氣鬱攸中天朗月似搔頭非關慣習炎  
蒸你幸免新裁粹白裘緹室未湏噓暖律山農何  
計祝來楚近聞瀚海樓船上爭欲衝潮取傲侯  
針刺從無錦繡投岍容山意洗閒愁時看野燒雲  
霞烘獨對柴門几杖幽入夜星辰多拱北守關將  
士尚鳴菰篋閒誰似漁樵者重疊兒孫互勸酬

寓吳氏鹿園

當欄雲影擁書堂移坐花陰肅氣涼  
荔樹夕陽開  
啁雀莎碧秋杪更鳴蜩紅魚儘日穿萍過碧沼連  
朝積雨長地近海門煙月冷西風蕭颯起寒霜  
南國江城玉露寒林間落木未全乾菊籬隱隱含  
英露梨實垂垂懸水圓紅葉作花來鴈影錦鬢上  
髻鬪鷄冠名園況是鳴珂地遺笏甘棠片石看  
英石係襄惠督粵所貽

清音洞

道山堂集

七言律

三

臨流積石激湍鳴素瀨  
澗天外聲水確逆奔如  
噴雪洞門悄坐似聞箏  
擬同井渫堪逃俗便識  
瀟名欲濯纓誰使冷長  
不斷一泓端欲勝蓬瀛

石門寺訪如幻上人遇

靈宅嵌空黃葉堆羣巒  
奔峭寺門開錫鉢虛掛  
長

林間玉洞環扁宿霧迴  
宋代衣冠餘石馬  
山下李茂溪墓

梵王官殿半蒼苔  
寺近被殿  
五臺約伴盤跏坐  
繚白紫

青四望來

一徑青蕪鳥雀嘈  
萬山秋盡冷風號  
泉流古澗雙

魚躍鸞列危峰五馬高  
客袂排雲穿薜荔嵐光積  
翠傍林阜洞門一擊空中響  
塗毒天然建鼓磬

玉泉寺

城西晴日過平疇  
碧漢穿雲最上頭  
法乳欲來緣石棧  
丹梯隨接到林丘  
半天笙瑟風篁亂  
絕磴瑤珞水雪瀟  
野袷獨行尋法侶  
皎然詩思本名流  
真源懸坎出重幽  
磴折冷冷玉屑浮  
空谷月明秋色皎  
孤桐風瀉葉聲悠  
兩峰拖黛垂殘照  
半日貪緣得勝遊  
香刹簷鈴花雨散  
應須鶴里問根由  
唐獨

道山堂集

七言律

古

覺禪師  
鶴里人

中巖寶華寺

亂石蜂攢萬態俱  
長江帆影逐飛鷺  
安居塔上慈雲護  
天柱峰前碧漢孤  
虛洞牕開懸地牖  
寶巖花發落山隅  
古鐘一動清羣籟  
許證三生髻裏珠

後巖寺

樵響深林久徑斜  
攬裳紆嶺度煙霞  
叢菁古木盤甍欹  
羣峭空巖列齒牙  
石種蟠桃留勝果  
洞垂雪乳掛清窪  
一僧七十如嬰孺  
閒看芙蓉紅白花

壽吳他山七十

絳繡紫綬舊中台紫麟清流海水隈薙草移花皆

事業開壇埽葉盡風雷時臨短榻看龍卧他翁住龍卧山

閒坐清渠待鷺迴沙嶼煙波蓬蒿近還期老蚌捧

珠來

龍江懷古二首

李彌遜號筠溪以忤秦檜和議罷歸隱居濂

湖有擬一泛舟追范蠡詩

妖狐當路日昏霏屈辱仇讐似啞瘖直筆難回當

道山堂集七言律

五

宁意北轅空弔老臣心三生石上看花霧萬頃煙

中狎水禽當日泛舟追少伯五湖風景費長吟

鄭思肖號所南

社稷淪亡未肯休畫蘭無土爲誰憂山川有夢孤

臣淚所南詩惟夢宋山川禾黍興歌故國愁智井鐵函留史

牒寢園玉椀只荒丘蘇臺浪跡題寒菊長望天南

泣楚囚

壽郭蓮峰

春秋兩度附苗憑四十年來幾友朋王素原爲真

御史邵平本是舊東陵駉笙載酒花間曲鼓櫓隨

風海上淩蕩史若編高士傳商山遺逸有同稱

大生任自山中選還玉尺樓居和黃處安

何處谿山載舫來一條玉尺赤虹開巾車舊業留

書篋琴瑟餘音出草萊關塞初停亭障戍階庭數

舉掌中杯紺臚素髮還稱健似秦梅峰鐵笛回

西平頻壁正英年簞業會拖玉嶺煙海外文章浮

岳嶼炎荒尊酒共雲天佩魚未遂題華省避繳猶

堪慕昔賢幾許滄桑人不改相逢應識火中蓮

道山堂集七言律

六

和黃處庵咏其先人所遺宋硯

雷電舒光壁水浮嫺皇剩石小池頭摘星會說端

谿種錫土應誇卽墨侯落翰風搖袞露滑拖煙雲

曳錦波流珍藏每憶趨庭日力穡還看播穫收

几筵灑掃讀遺經阿護光華素篋扁鵲味祗堪題

白雪臨池恰好寫黃庭紅絲胞絡神工巧巨璞羅

紋禹鑿靈乍得新詩凌彩筆披吟如見子西銘

和曾訥庵半圃社集卽事

脩篁布席餞春還稽阮風期對酒閒丘壑情深宜

老圖賓朋座滿比香蘭莫林愁雨虛檐下深巷幽  
倚古樹琴我愛廬陵經史富應多詩賦動江關  
燕雛午暮喜新栖簇蝶枝頭羽夢迷籬枳開園脩  
古梗江魚入饌作金蠶竹叢招隱多蘿薜霧眼尋  
花半杖藜嚶唱不煩喧磻戶一林步履欲衝泥

登嵩峰樓望城中三山

旭日馮軒縱目長綺疏樓檻倚青蒼星纏牛女開  
崖嶠劍梯雲霓落井疆絢麗晴煙丹嶽合玲瓏玉  
樹洞門香躍龍霸業山川在曾說神仙捧寶王

道山堂集 七言律

七

雲屯紫蓋句光浮四境清和正麥秋歐冶城頭連  
翠壑南溟海畔結炎洲喧囂闔閭榕陰滿寂閒山  
阿戰鼓收響舉三峰襟帶出影分醺醺唱觥籌

壽林常薰

吹葭已過日長舒暫爾徜徉御策車院磬塔光山  
畔條林風月影枕前書嶧桐自足抽清角金鐵猶  
然射辟問知是韋經傳亞相一杯先祝碩人居  
憶昔紅顏結小襦大年詩賦古爲徒雄詞旋綴朱  
衣格浩氣閒披赤縣圖銀管彩毫新著述紫車

省舊紆謨編蓬不數席姑酌巾拂餘香覆鴈壺

咏吳讓公樂真閣題畫和家叔峰

欹岑側畔白雲隈橫黛浮巔削影來麋鹿應尋張  
氏宅鷗鷺常伴子陵臺林軒籠檜花窠密谿閣清  
虛翠幕開傾洞風塵原不管西樓金谷莫相猜  
峭嶠迴環遠近山五湖煙水幾重灣巖陰不徑扶  
藤險江曲寒沙落溜潺羣木幽香堪入榻諸峰晚  
照似披顏思公胸跡生涯薄南嶺樵歌任往還  
柳陰極浦抱琴遊劇藥歸來野渡頭溪鳥數聲蒲

道山堂集 七言律

大

裨出雲帆十幅玉虹流浮家終載鷗夷去黃鵠偏  
從綺李求日在畫屏春色裏讀騷更欲做前脩

贈林士省母舅之潮陽

荷香缺影散朱芬白坂轡車起隼雲溟漲水鄉浮  
蛋現岵巒翠嶺老猿聞鳳山思繞巖中樹蠻瘴煙  
停海上軍此去若逢賢太守整襟細讀鱣魚文

和阮二陟自壽

望眼鶯花自解愁風塵瀕洞任膠流軟紅柔綠芳  
菲競銀燭春星爛燮遊已辦負簾過小園願將翫

管比長矛游絲罽羅卷戶舞弄東風卒未休  
成績何須紀太常人情偏向澹中嘗塞笳乍掩  
鴻集海成初停野老狂木枕癭瓢生意逐史屏  
室記書長君家舊有胡麻飯好佐花前九醞觴  
鬢髮碧柳愛春遲社燕江花共一時宣子長林常  
好易嗣宗青眼似觀棋守貧無慮還生蠍坐策難  
言更逐麋回憶生身勞震夙閉關細讀白華詩

異木上人住持神光

竿木隨身到處宜還家如洗笑無錐傾湫倒嶽螭

道山堂集

七言律

九

龍種弄爪張牙獅子兒古鏡有靈光閃閃青山無  
恙草離離香浮茶熟重叅叩蕭槭西風葉下時  
吾家京兆護鷄園香草枯來豎祖旂誰意桑田翻  
劫海平填馬矢積山門一燈嗣續紅輪轉半院承  
當坐席溫楮柱傾頽良不易藉師賜倒破沙盆

喜晤林殿颺大行次韻四首

四十年來禁蘂春相逢鬢雪古遺民寒鳥曲枿心  
還穩剩水殘山眼倍親緯逼少微纏紫洛影炭巨  
闕隱青鱗河源遙憶乘槎使淚滴銅駝蔓草塵

自隨絲仗傍花衢南院東牆噩夢俱玉筍曾題宗  
閔榜銀袍只換管寧襦山河劫內枯朽度日月空  
中駿馬驅無恙靈光堪一笑酒醕應拜汝南壺  
誰將往蹟問桑田長向欽崖側畧前谷口藏身宜  
自放仙人辭漢已多年武陵正好栽桃樹湖曲還  
傳賦剡川却羨炎方來杖屨輪囷肝膽薄雲天

金峨赤董控扶桑落落晨星燭夜光鳳翽狐鳴憑  
往復鷗飛鷗笑任低昂玉魚秋老冬青樹旄節霜  
深北海羊野老喜逢同調話振衣千仞傲穹蒼

道山堂集

七言律

三

秋江紅葉

烟波淼淼曉霞丹夾岬長林霜樹寒白浪斜分金  
鉤影青葢巧映彩雲端星星漁火飄紅焰片片珊  
瑚下急湍嘹鴈數聲湖水落枝頭絳色汎紅竿  
白藕花殘遠岬隈紅光斜映碧潏潏潏潏飛彩綃  
脂雨目爛流蕤火齊堆紫蓼灘邊金粉墜游鱗隊  
裏錦雲田芙蓉秋水長天濶一抹寒蕪曉黛開

壽謝青門

啼髮長吟思不禁沉沉紫閣共芳陰鵬翁鵲服滄

洲客冰扣珠排梓瑟音賸有陽秋垂信史還餘青  
眼寄松心請看獻種中和節又是春風煙水潯

壽韓而光

梅影衝寒染絳霏開尊絲竹醉紅鹽瑩心人比璿  
瑰玉繡口篇多冰雪文自是救時稱管樂更看流  
盼起風雲年年百卉欣春至齊慶神仙目綠筋

飲王爾玉嵩山草堂時梅花盛開

寒葩纖露玉生煙濯濯瓊粧態欲仙錯鳥山扉宜  
永日坐花林蒼好開筵閉門久著潛夫論結會多

道山堂集 七言律

主

從維社年摩詰輞川圖畫足應當題咏益州箋

春日訪了然上人

辨才衮衮貯心宵妙理鏤鏤盡箭鋒自是澈公居  
越水敢言摩詰過青龍臨牕常潑千行墨鋤徑新  
栽數尺松春鳥喚晴階草綠纖塵脫落便超宗  
文章祖德鬱蘭芽妙喜原生解飯家白拂餅中搖  
海嶽陶輪掌內擲洹沙閒庭花氣香雲護遲日風  
光碧草斜相對同心稱白社重煩香積紫茸茶

林靖庵招企葉慕蘆黃處庵謝青門王爾玉

莊恥五張肥園楊浴庵道山祠雅集

徽國祠堂迥淡寥嶺雲如黛起山腰遠岑紫抱煙  
嵐合晴日登臨物色饒石塔鋒稜超紫極榴花閃  
葩醉紅潮柴車肯許携佳醞毛玘清風磊塊澆  
閩天楚水賦蒼葭鄴下論詩屬大家老倚杖藜吟  
勿倦笑迎騶唱興交加參差榕影人煙舊潦倒尊  
前燕語譁上客風流依海畔一林花鳥校餘華

全楚黃葉慕蘆飲王爾玉嵩山草堂

五月微吹黃雀風榕陰森秀薄清穹鵬聲始動方

道山堂集 七言律

主

長至蓮藥初成尚淺紅別墅輞川詩思遍東臯  
酒醉鄉同况逢南郡西陵客好取餘杯盛碧筒  
座擁青山作翡翠名園幽蔭疊會枝竹陰搖綠清  
颺動鳥影翻林玳席移炎日正宜河朔飲高文恰  
讀楚騷辭當前太室嵩山上不異吹笙伊洛時

七夕烏石山雅集立秋前一日

嶺坳一半在煙蘿青女明朝到竹坡淺漢雲輶飛  
北汴金鉤月影返陽戈鳳校暗擲驚秋近牛渚方  
逢載酒過一水盈盈橋鵲遠烏山何處是天河

別攜李巖止峰之粵和原韻

山齋飛雨落空枰忽聽驪駒嘹唳鴈驚釣澤客星明  
七里臨邛著策定三生蠻荒五嶺孤猿嘯鳥道千  
峰古樹平驛路蒼蒼黃葉蒲可能迴首憶鳴嚶  
名並鄒枚早著書瑩光水鏡作方諸秋聲懷友情  
難已焉砧題崖興自如同調只疑人似玉放歌莫  
歎食無魚羅浮路近丹砂在好覓仙踪下板車

別臧喟亭之粵

荔子丹時色未摧殊方正喜皂旗來每探海嶠披

道山堂集 七言律

三

雲宿更踏藤陰訪友迴乍動箬溪臨畫戟旋飛鳥  
石識仙才清砧霜蒲離筵別折柳愁深曲岬隈  
今代風流李杜壇瀧紅沙市醉吟看水中蜃影迎  
車駐嶺外秋英供夕餐尊酒論心憐落木河梁老  
幔帳前灘枕柳樹下休濡滯當寧還期策治安  
壽黃龍公八十

徵君本自千頃陂幾經雪霜松栢姿雖然寒江釣  
綸日仍是紅顏小襦時滄浪白髮多逸興疎離菊  
花採芳茲杖藜看雪清秋健階前躡跚何歲癸

別葉慕廬歸黃州 次原韻

石林才望重神州漫向炎荒溯舊遊人憶深恩還  
勒頌地停轉戰足銷愁遍招好友琴樽滿爲愛名  
山苔蘚幽會喜旌麾移白日行厨竹裏數攀留  
江山麗藻昔曾聞儒雅吾師迥出羣湖海一帆能  
作客文章三楚應推君學窮猶猶諸家別詞辨源  
流衆派分况有長才希管樂佇成五色結雕雲  
海濱黃菊逐秋開一曲驪歌照酒杯雲夢新傳神  
女賦甘棠舊說召公裁夕陽古道移舟疾南浦離  
思倚鴈裁莫戀樊山邠老釀鋒車直北玉鞭催  
洞庭驛路暮雲驅疎雨兼葭與未孤遠水前村聞  
落木白蘋秋鴈悵寒蕪殿中補袞惟人杰江介垂  
綸有老夫朝覲從容宜室名片鱗曾慰草茅無

和共學書院詩

海濱吹角絳雲開接袞鏘鏘蒲草萊翠帶投壺偏  
作賦畫熊問俗更憐才芄芄棫樸忝徒盛賦職驚  
聲色笑來白鹿鵝湖追遠蹟城西絲管日相催  
倡敘同心大道弘鵬鵠紫柱照熬燈韓歐此日人

道山堂集 七言律

三

文萃房杜他時相業與秀峴滋蘭香草潤瑤階  
玉曙霞蒸應知霄漢天章近羽翰扶搖欲化鵬  
延禮名儒冠一時九齡文陣自雄師從教徵夢能  
鍤筆未許傳心止得皮篋筆架成鄉衍碣避園聲  
微董生帷當年觀察人重見追步元和姓氏隨  
觀聽橋門不乏賢曾經教胄虎闥傳經管江漢宜  
釐瓚指顧山川數舉鞭滄海樓舡停轉戰炎荒風  
雅藹孤騫作人壽考思無極捧讀瑤篇玉塵前

花朝後一日

道山堂集 七言律

五

百和香開蝶夢橫昨朝爛熳霧中看卽空卽色花  
皆放非雨非晴節尙寒穠棟階前初施發新筍山  
上正檀欒青達四知今過半羯鼓無須樂部繁

送友人遊福

嶺上行雲似曉鬟翩翩裴帶幾廻灣青春作伴新  
知好法曲復涼落調閒柳葉舒晴看戲蝶筍輿入  
徑盡名山長溪風景眞如畫莫戀桃花澗水潺

壽韓燁光兼慰榮旋

仙差穿浪日遙迴瀉影云云島樹堆海外文章

屢氣客中劍鳥走珠胎長生就訪崆峒訣漱色  
閑官閣梅應是盛名推北斗釣臺晴雪醉蘭酌

脩稷連寒食

水謠何曾引曲環弄晴嬌景日披顏濁醪泛飲客  
還醉斗室藏煙畫自閒蝶翅拖香過屋角春陰垂  
柳舞風鬟小牕飽嗽桃花粥步踏青鞵第一山

和上已連寒食有懷仍次唐人是日有懷京

雜韻

京雒華林去路遙山間久不問登朝時逢冷節藏

道山堂集 七言律

五

煙舊水泛浮危酌醴饒脩竹鶯聲翻巧舌晴沙鷺  
影過平橋花田渤海風光別解稷應同在此朝  
山光四盼盡空青被袂臨川傍水萍共道蘭皋寒  
短褐曾傳風笛送離亭齊州罷柝堪行樂羣嶺聞  
援可慣經雙節同人共欣賞攀緣無異步殊旌

送春和唐人韵

策杖西園白板扉萋萋芳草百花稀相邀白社人  
初集爲饒東皇春欲歸倚樹殘鶯催皓髮窺簷乳  
燕歸烏衣青樽酌別垂楊下翠滑紅肥繞夢飛

謝 你帳亭故宅

高士南州梁父吟新詩三世重  
鷄林藥欄已逐江河換書幌  
曾經劍刃侵仙蹟空壇留寶篆  
龜峰浮黛照芳陰祇今蘭若香  
煙裊蘿徑惟聞鐘磬音  
相傳佳句過黃初式禮當年  
長者居吹落山風仙樂散  
夢殘春草雪歌餘移餅方  
酒楊枝水貯筭誰傳  
鄴架書策杖蓮官青嶂下  
正宜說偈念真如

漾樓和原韵

鬱律參差列嶂開物華新  
霽盡昭回銷鋒已罷千

道山堂集

七言律

七

家析步屨如登百尺臺  
廣陌飛秧盈綠野中天積  
翠引行杯畫屏南望雙  
旗鼓海國金湯霸業來

九日登高和唐李頎韵

休言高士占南州登陟  
如同射鴈樓蓬徑長林  
霜葉滿青山小浦菊花  
秋杖藜舉處宜乘興桑  
落開時不問愁摘徧茱  
萸堪捧篋冷風天漢任  
樛流

送友歸甘櫟

徘徊岐路白雲濤一曲  
驪歌盼隔臯村磧孤煙  
連徐徑潭光落日照珠  
袍紅稀白別榴花色香  
撥

敲鳳尾槽寒水浮瓜時節  
好把君香袖意如偕

和陳子晉移居

十載芳鄰歲月遷南村晨  
夕素心前近移喬木尋  
常事不異茅齋八九椽  
河影山光臨淨几書堂  
藥竈伴寒甕新巢語燕  
隨時定猶是楊雄解嘲  
年

賀迪臣第入泮

類沼清池爛熳遊每聞  
雷雨起龍湫雲汀迢遞  
翔孤鶴藜杖光芒徹九  
丘合浦危科前甲子比  
曹鍾武舊春秋老夫傾  
耳聽鳴鹿看爾來年北  
去舟

道山堂集

七言律

七

道山堂詩集卷三

閩中陳 軾著

男宗成全輯  
宗豐全輯  
于侯

五言排律

咏道山亭

地鎮標南軸神居接上清霞峰天半出篁路礪中  
迎叠磴魚鱗比窮崖隼翼橫迢迢臨紫極綸爛鏤  
丹英霧掃扶桑現瀾澄碧海平猿吟驚谷吹鶴下  
傍霄行林蒼紫陰密丘原衆色明陰晴時竟狀濃

道山堂集 五言排律

一

綠畫新成麗颺走蒼徑薜蘿翳素霓溝塍紛綺陌  
露樹綴珠纓翠嶺多芝朮滄江碎水晶長虹駕島  
跡空竇起松聲煙穴屯螺髻瑤梯倚玉衡曾鬱凌  
日觀絕巘逼蓬瀛虛宇探金策青童度紫笙腔峒  
堪訪道靈欸欲趨程恰與九仙對獨尊別塢名三  
山推巨擘百雉跨危城豐樂瑯琊美窪樽峴石榮  
登高思作賦望古有餘情

李筠仙齋頭賞雪毬

選勝南樓上便娟縞帶堆清姿憐冷艷皓魄山分

埃夢入姑山雪香偷庾嶺梅粉痕含露潤紈素倚

雲裁聚笑敷霜彩翻英結月臺垂陰偏濯濯綴景

自枚枚最怕胭脂浣無煩桃杏猜藥官仙作伴金

谷蝶爲媒爛熳遊絲骨歲稔素影來應前飛電布

堦下鬱瘳現異骨疑珠圓前身應鶴胎銀河翔鸞

舞玉帳曉鸞催陽氣行時令嬌娃鬪白苔蔥籠新

幄密佳麗勝幢開照日難銷質描容未染願疎簾

方蕩漾暖律足歡咳白髮看花霧閒情寄酒杯風

光還斌媚冠蓋不追陪春苑團圓起毬塲賭賽回

道山堂集 五言排律

二

豈須紅撥動蹴鞠落金鉞

贈何奇玉學博

梅花東閣盛嘯傲萬枝橫得句高平賦繡書太乙

精澤宮開羽籥璧水奉橋衡儒術懷瑜重晨光衣

錦行桓榮饒溫藉張緒占時名雪幢衣冠古水盤

昔著清集鵠方食黠歸馬政銷兵狙豆明師訓藉

湖太學程樂城矜式遠興國勸綏成在泮箴銘列

諸齋琴瑟鳴緇帷深杏坐陵泚長莪菁虎觀需才

急還期達九閭

謝李章甫惠櫻桃

天際繁絲舞名園樹影叢瓊草初爛耀丹實白蒙  
龍色借珊瑚豔光分火齊烘乍疑金彈粒還匹拓  
支紅彫飾忻朝日華菲欲倚風彤雲深院落珠露  
密苞籠六氣調和正三春醞釀融滴塔飛錦撒綴  
果匝林棼鶴頂鈎簾碎霞光彩筆通繡幃燃絳蠟  
翠戶湧晴虹香醪醺醺貴真珠鏡月同續紛仙禁  
種爛熳水晶宮嫩質璿星列神漿鳳食克名傳崖  
蜜美盤貯赤瑛空芳氣迷遊蝶醅容近醉翁一枝

道山堂集

五言排律

三

驚國色數顆識天工玉筍思西掖清都擬綺蔥感  
君持贈意清供膳餽中

寄林郎山別駕

天柱王官谷仙人姑射居揚幡重展驥露冕更題  
輿清况秋庭鶴繁香蠹字魚星廻搖劍佩霜絮動  
林於輪輓關中粟克盈河內儲射堂圖史列蓮幕  
管絃舒桑柘連諸邑花陰遍比閭河山停戰伐槍  
鏑省追胥鏡吹隨符傳銀毫判爰書股肱勞季布  
慰論傲相如沂海誼碑日江州泉石餘休源施別

楊黃霸詔高車定取紗籠護還期鈞軸譽異才且  
鎖鑰峻品美璠璵念我方歌泌無緣再曳裾神飛  
大禹甸夢繞有唐墟名世當徵召新恩應拜除望  
君伊呂業出入承明廬

咏宋郡守張浚者壽堂

經畧中原志塞帷海國陲閒看陶侃甕新舞老萊  
衣束帶拖朱紱焚書馥玉蕤南陔孝子什陟屺蓋  
臣思牙纛堂皇重綰衣閨閤宜紡車方軋戛蕭鼓  
正迷離琬琰彤章誌笄珈女士師攀輿迎素髮朱

道山堂集

五言排律

四

戶照麗者雅樂雲門奏晴軒霧縠披絳帷慈室笑  
勝豔寶花奇華月還當盛長松會有期紫書紅旭  
近蘭綺曉風漪王母池如碧麻姑酒若怡冶城歌  
名杜娉教萬年垂

壽許青嶼七十

太史源流遠高陽風氣淳夫椒排峻極震澤耀朱  
垠捧檄皇華啓承家祖武振晉公槐樹植寶氏桂  
叢頻鄂渚迴龍節熊湘奏鳳綽鎮南會憶杜降嶽  
始生巾幘影分縹快鸞音下錦茵芸香詞綯爛歲

秘宇璘彬早負聲名行克上國珍銓傳清禁  
鞭指曲江春司度稽圖版均輸協土均超遷膺特  
簡榮寵冠羣倫宜譜青箱客還簪白筆臣繡衣隨  
赤捧蒼佩重長紳屈草摺丹陛纁裳侍紫宸鵬容  
持鯁直隼擊歷忠純烏府雄班壯松廳正色伸星  
輶過隴月霜氣凜秋旻絕寒原煥殊方渥種馴  
花輓迎七貴馳轡定三秦誰意刻川曲寧甘彭澤  
貧雪中宜酌醴江介學垂緒霧隱南山豹淵潛東  
海鱗素琴鳴壤室尺組掛河濱方共開鵬泛何妨

道山堂集

五言排律

五

醉尉噴時鋤荒徑草常撥故鄉蓐步履山川遍班  
荆枿白親膺門多接客鄭驛每留賓綠筆葦花夢  
魚牋玉屑塵宣城原雅麗開府自清新白首猶吟  
望奇編應表甄波文連綺轂衝夏合韶鈞更了維  
摩義深知般若身木樨香正發甘露味還眞說偈  
隨竿影明心悟正因吹幡歸本性渡後指迷津兼  
且裁文梓偏能喻斲輪輝煌稱鼎鼐奕奕顯嶙峋  
巧匠資丹雘中林藉荷薪鸚秋同宴鹿蟾影共靈  
魏興國儀型肅蘇湖經義醇孔顏留講帳臯禹打

經綸帝里三雍重奎章萬帙陳采芹環碧沼鼓鼉  
動祥麟珠顆紅光閃蘭芽翠色勻芻蕘看濟濟螽  
羽頌洗洗桐葉題嬌客羊轅號玉人薇垣魚作佩  
蓮藥燭如銀蒲長青苔消鶯鳴細柳辰繁蕤舒谷  
口翺翠弄江潯黍律葭初轉桑弧月在寅砂成脩  
葛藥株老記莊椿曲奏催花鼓香披瀝酒巾稊種  
方啓發草木始茁榛綠野芳陰麗華堂景福臻楚  
丘還少壯機汜尙逡巡翳渚欣英蒼丹谿度絳晨  
尊生精作液頤養志疑神用里衣冠偉羅城郵馬

道山堂集

五言排律

六

詢海販顛白叟僂拜自南閩

壽王鷗江

鳳曆肇長景鶯黃報上春輶軒浮旭彩蘿薜引山  
茵枳落栽蔬徑煙霞望海濱初從彭澤隱遂與鹿  
門親藻句雕雲色鴻辭躍漢津芬香泛蕙草脩白  
瀉泉紳自是川含璞應稱嶽降神波瀾干氣象花  
月資清真藜杖臨丹墜朱顏浮絳晨矜看蒲葢召  
未許久垂綸

壽馬友七十

鄉評稱大雅蘭夏正懸絳帳家聲盛披風世系  
殊淳脩邦共式願志古爲徒竹影浮金鉞榴花閃  
曙烏經綸依藻野昭誓契黃符麗彩朱義榮丹綺  
江景敷喬松凝素髓渥水出名駒階阨開彤史珥  
環鑑寶跼青尊流皓髮銀蠟照清臚珂里旗峰舊  
應傳百歲俱

鄉前輩林旗峰  
先生百四歲

贈林武林潮州守

朝家推柱礎宗鄰望驂驪漾月瑩金鑑排雲起翠  
蚪茂明前譜系白下舊風流卧轍經滇國栽棠遍

道山堂集 五言排律

七

介丘浩懷希管樂膂力富春秋橫槊鳴笳徹臨軍  
借箸籌傳馳巴蜀檄詔諭尉陀版龍影蟻珠照龍  
宮島日浮銘鏤資上策仗鉞暢鴻猷海郭成阜路  
南荒控地喉百蠻迎繡服五嶺建金甌長孺淮陽  
重望之馮翊留熊幡從露冕星緯應連球雄鎮開  
帷帟祥徵被井疇疎簾看剖竹導吏唱鳴騶旌節  
廻炎水綸書播遠猶分珪良刺史典郡古諸侯惠  
化惟勤恤循聲自淑郵榕陰千葉秀荔樹衆香稠  
海色侵衣袞山花拂劍緜潔方圭贊品貴比珊瑚

鉤浩蕩風潮潤晴光瘴厲收雅詞宜律呂逸韻自

彌彪鄰架懸蓮幕麟符擁碧油治名威草木詩思

過元劉馭黠豺狼惴施仁雨雪澆輕徑謀杼柚平

賦省誅求時泰停銷燧年豐宴蒲筍化行嘉穀殖

威震赭衣偷用鎖關河勝頻分閭閻憂滄江停轉

戰葦簫譜洪庥伐棘扶榮木憐毛惜反裘東湖跨

勝蹟韓廟景前脩蛟蜃同飛鶩鯨螭狎信鷗翼黃

光赤漢召畢美成周村靜替鴻集童嬉抱犢遊歷

清虞愿石嘯咏庾公樓鱣徙波濤捲鳳樓巖洞幽

道山堂集 五言排律

入

射堂千校肅鈴閣萬煙浮風俗存淳朴樽養釋歎  
嗽弛張歸正直寬猛協剛柔歲歲膏迎黍恢恢办  
解牛御屏名姓錄官署鶴琴倚鼓吹彤幃貴中和  
佳興適作藩堪表率爲政本殊尤煦育陽春脚權  
呼里巷謳延賓逢鄭驛置榻憶南州客醉銅鑪落  
書成鴈陣悠鹿隨期帝賚虎拜對王休佇待恩  
曉三公正黑頭

贈友

祈年升令節佳氣溢林阜奎宿垂文藻瓊材萃譽

髦先河推澤遠維嶽咏崧高門地誇人瑞才華  
月毫緒經還讀史繼畧每焚膏詞譜者卿最詩  
禹錫豪穿林排竹徑抱甕灌花曹積架鄴書富延  
賓鄭驛勞陶情惟種菊莊意在觀濠子政燃藜杖  
趙宗長鳳毛陽春開麗景懽懽進水桃自是青箱  
客應衣玉殿袍

道山堂集 五言排律

九

五言絕句

題畫

蒼林蒼兕吼嵒峯入空濛承殿雲端上愚公野谷  
中

春日

碧草濃煙徑緋桃長絳峽雛鶯方匝樹呼客醉瓊  
蘓

軟風花下立來往傍英蕤筆寫芭蕉翠小櫻欲吐  
時

道山堂集 五言絕句

十

送友入幕

讀得等身書胸中貯壁魚可憐高渤海尙自傍歌  
舒

不識乘驄貴殷勤佐七輿風霜凌短褐紙尾在軒  
渠

七言絕句

過資聖寺

半嶺屯煙翳落暉綠沈萬箇籜龍飛濕衣空翠長  
雲卧央皆蒼茫宿鳥聳

微風林樾度盤紆錯互仄疇與芋區石棧煙中見  
佛火只看山衲入雲呼

偶感

岼木懸根手可攀強將歌笑學靡顏金鈎芳餌成  
何用枉起波瀾激翠管

道山堂集 七言絕句

鷲翰如何作鳳鳴貪尋鬚骨掌漁征誰無指禿肩  
顏日枯汁難將更解醒

山中雜興

拾穗行歌作老農山中塔影起雙峰漂零已是滄  
浪客末契無由托李邕

紫鳳天吳鬬鸞蕙清風何似管寧禱山條紫莢焚  
絲出常見春花集曙烏

神龜端策揔離披空望騷人作楚辭自顧已非時  
筆匹但追箕穎已多時

鹿門久誌龐公傳幽冀難逢袁紹杯琴酒悠悠心藉  
葛慕盤桓倚樹待鷺來

縱是翔飛過百層無如抱表與懷繩翹翹車乘今  
何慕自信終須畏友朋

朗誦莊生機社篇遠看鷓鴣下平田畫棚盆益奇  
花列曲枅新芭映日鮮

緝翟編扉潦露蒸夢中不復辨淄澠英雄射弩瀕  
回首鷓鴣還看健筆凌

呼僮時煮雪坑茶椽燭更深結絳葩月轉勾欄移  
道山堂集 七言絕句

柳穗遙看江火閃魚叉

送龔學博歸潮州

鈎臺山上漲雲岑孤劍光芒落漢陰莫誦長沙飛  
鵬句一庭桃李翳長林

鴻辭寶冊曉皇墳講論時披冰雪文今日口碑鐫  
壁沼始知北面是河汾

勳業權時付酒槍分明梧下一先生山川滿眼樞  
花照南浦悠悠意轉榮

玉軫離徽不忍彈雲山曉瘦鹿皮冠鳳凰溪畔魚

竿在來往長波與峻嶒

贈歌者

星臚月貌閃椒庭舞鳳歌鸞入杳冥蘭炷清香銀  
燭夜始知振木比秦青

雛鶯匝樹唱聲婆緩踏輕挑皺淥波仙樂雲林新  
調出羅衫葉葉關銀鵝

月轉勾欄響未收啼湘夢峽壁春流叢霄恰有元

卿賞複澗松聲得趣幽

燈前傳曲卽移情逸韻神風落酒鎗夜笑缸花迎

道山堂集

七言絕句

三

玉律清綿細霽霧煙弄

蒹葭堂賞蓮花

纖柯容與舞巴俞照日紅英鬪火珠出水亭亭清

沼滿一羣蛺蝶醉花鬚

紫微芬馥降香嬰齒蓀凌波旭露橫莫是佳人南

陌上豔紅颺閃逐風輕

遠出塵泥君子花鏡湖一曲季真家青山朝暮團

圓登玉淑金塘襯落霞

蒹葭堂上掛微綃靜客風期卷黛嬌無數夜光浮

水荇懸星飛過小紅橋

嗽荔

丹剝爲衣似火熒離離朱實綴繁星明璫顆顆未  
膚潤崖蜜天然勝醪醕

南土芳林最上姿金盤甘露比蘭蕤茜羅囊裏珠  
琲現絳片燈前引曼姬

贈別清友

春歸未久送君行綠岸紅亭驪唱聲此去西湖荷  
葉滿一灣紅藕倍牽情

和太白韻

道山堂集

七言絕句

四

經年作客不知愁汀鷺衝潮一葉舟應憶月明林

杪立雙雙塔影上山樓

潘令河陽正少年名花醉倚綠牕前摘芳勞葉知

何日定賦蒹葭白雪篇

以上和規會韻

送余不遠回將樂

吹簫吳市昔同遊十載相逢北寺頭來日荔枝尚

滿樹去時玉露不勝愁

征塵率爾促歸舟颯颯蘆花八月秋爲訪商山隱

用里青巖古洞玉華詩

壽為霖和尚

博山宗風另則峰前天龍見指歸宗豎拳護摩尼  
珠乘般若船巧續慧命正智昭然念茲末劫魔外  
蓋纏謊竊統要高踞法筵盜禪埽教嗜名附癩惟  
藉明師斯道仔肩鏟除邪種如障百川刀輪劍葉  
湧出青蓮仕世福德遍滿大千其壽無量普利人  
天

道山堂集 四言長句

五

道山堂詩集卷四

閩中陳 軾著

男宗成 全輯  
于侯

年姪湯永寬

同校

恩姪 祈廣

詩餘

長調

桂枝香 吳門夜舫聽蘇子晉歌曲

丰神綺粲看簇馬衣香畫船宵譙爛熳繁絃遞奏

道山堂集 詩餘長調

六

暗催銀箭行雲一駐流鶯轉分明絕調移衡漢亮

如粲鏡婉如梓瑟清如水蘭 飄白雪纍纍珠貫

波翻子夜月搖丹扇唱徹娉樓水榭藕塘花畝名

高茂苑才孤擅聽雪調客心繚亂莫非伊洛當年

子晉鳳鳴重見

又 贈何鄧生為余畫老衲跌坐小像

蘭皋蕙畝羨挾彈章臺濯如春柳况是僧繇絕技

虎頭高手冥思慘淡經營久醺銀毫霧披雲就書

生少小誰知賣弄許多奇構 堪歎我忍尤攘詢

只好逃禪長掛昏晝獨向雙峰挂衲湛然無垢蒲  
團似鐵君知否劈虛空筆端揮帚果然一座桐華  
滿院讓咱消受

賀新郎 西湖和辛稼軒韻

寒溜連青野激飛湍閒鷺戲浴隨波上下春草浮  
光蕪畛滿誰遣東風欲嫁是一幅鍾陵佳畫蒲稗  
茫茫濠渚興綠堤邊且繫垂楊馬幽賞愜意傾寫

魚莊蟹舍江湖社碧潏熒斜吞半郭夕陽霏也

昔日後庭游宴處複道玉欄花榭更寶炬輝煌芳

道山堂集

詩餘長調

七

夜誰料空傳亡國話水晶宮荒齋牽纏者今古恨  
遍函裏

醉蓬萊

越王臺懷古

漲江流如碧蒼莽長空九霄雲翮鳥喙遺風應承  
家開國鞭撻強秦推殘下相受漢家金策佑舳舻  
沿漁骨零亂只餘寒菽 當日垂緡白龍誰孽尺  
木潜形河津鏃跡秋水明川只有細鱸圓鯽古廟  
殘陰荒臺疎影對海門潮汐霸業虛花雄圖夢謎  
冷然冰釋

玉漏遲

過李忠定墓

戈船宣澤沸安排枋子乘空飛擊壘堆門盡是  
太師花石爭奈三關北棄傾帝座青城淒戚嗟去  
國寧江路斷長沙風急 欣看僕射趨朝只三月  
綸扉洞霄閒客錦繡中原久作冷灰殘液今日大  
嘉山下亂峰皐荒墳數尺東幸日車前淚痕猶滴  
燭影搖紅 飲莊貺五兄弟客園

道山堂集

詩餘長調

十八

高會船背連翩潞公新譜 護藥栽蔬灌畦鑿隧  
宜芳圃巡簷索笑興偏長零亂梅花舞應是文章  
史庫二梁併錦心詩句賓朋雲集玉液金漿急觴  
無數

蘇武慢

讀史

襁褓劬勞掖庭下賤巧黠當年無比椒除日麗寶  
帳香生聖女分明從婢千層殿開一曲琵琶浪說  
無愁天子最堪憐明月長安果中強鄰奸計 還  
詫異玉嘴飛鷹重轡走狗皆署郡君名字華林村

落藍縷衣衫願作早田院主珠黛方勻新粧未就  
吩咐攻城姑候竄高梁橋畔倉皇粉鏡猶然閒理

又

結綺珠簾臨春寶檻自是神仙宮觀裙釵學士圍  
閣文章鎮日新歌頻按都官畫省僕射黃扉只伴  
後庭芳譙醉模糊不辨朝昏木杵任投江岬天  
降下輕粧霧髻角昧秋波宛似漢宮飛燕諸司啓  
奏百道封章膝下雙雙批判石子降幡景陽廢井  
都付一聲長歎奈齊公蒙面青溪不令阿麼窺見

道山堂集 詩餘長調

十九

莊椿歲 林恬庵雙壽

長林湛露輕盈碧天雲鴈色色起黃花籬下寒藤  
石畔時披香吹更叶宮商韻陵僭隱芙蓉雙蒂問  
叩叩覺路指上丹經蓬萊仙史當日傳龜襲紫  
掌文昌烏衣門第東園巾櫛丹崖樓閣無慚先志  
白首滄洲龐眉谷口長留空翠杖頭問數卷黃庭  
得句還題紅紙

金浮圖 秋思

看鵲鴈成行作侶飛過西樓倏移華漢白鱗鱗一

片晴雲漫搖落長年懶把雙龍金剪剛是黃花當

面霜容傲骨不管人長歎心如繭陰蟲戚戚涼

葉蕭蕭百籟寒宵轉衰桐古井閒庭院浮煙動牖

簾影屏風顫爭奈淚滿橫波關情杼軸悶把霜紈

按

齊天樂 春雨

淒淒淒淒如琴羽鎮日金屏無曙坐濕柔楊沾濡  
粉蝶空惱一庭芳樹依稀湘浦更鴛瓦虹橋珠璣  
亂舞神女朦朧花鈿落楚峰何處纖絺殊覺涼

道山堂集 詩餘長調

三十

樊將蘭煙麝焰稍供寒具散漫萍光嗟峨雲色管  
取花啼鶯想搖黃點素似鳴杼鮫宮飄絲網戶枉  
費柔腸倩梅魂作主

又 春雪

粧樓拖粉璇粧貌飛花與梅爭蛟清影寒光玉顏  
冰鏡却似月明孤嶠開簾迥眺只江浪風毛怎知  
昏曉金勒香車空辜負有誰知道紅欄珠箔細  
舞應當庭暗鶴離襪長嘯洛水仙姿章臺柳絮耽  
悞眼前花鳥池塘新綠銀礫平鋪舞枝風標那得

煙開併長愁痛掃

又 春晴

南樓曙色迎初旭芳霽正浮金屋長日重門沉酣  
繡榻強起差排琴筑芬香鬱郁且裝束羅裙蕭湘  
六幅柳綻桃枝闌干外宛如新沐 尋思何處閒  
遣只笙歌畫舫酒香茶熟千丈遊絲一叢雛鳥賺  
殺青苔芳躅短長亭畔待紅杏斜陽唱歸華轂碧  
草如茵鞋幫粘嫩綠

遶佛閣 浴佛日

道山堂集 詩餘長調

三

時逢賢劫金蓮捧足非是兒戲懷抱靈異摩耶右  
脇從容指天地周行顧視當日賣弄許多宗旨棒  
頭誰是佛恩難報虧雲門狗子 應牖聞呼喚子  
夜天人叉手至鞭馬踰城宮門同敞屣看畢鉢枝  
頭雲景紛起諸魔引避這一點明星廓然三昧生  
前具有如來智

大聖樂 少室

香至王家多羅法乳打開疑團藏妙藥跨水逢羊  
直泛重溟瑤島滄海瀾漫般若燈光初閃爍將震

且如同竺國看空煩詔請人天小果那識機關

嵩山寂俏長坐壁上摩娑鎮日閒把文章藤葛凡  
名聖號一槩平刪五葉花開九年功就慈嶺翩翩  
隻屨還歸何處這頭頭碎啄只剩空棺

又 曹溪

滿室毫光神人灌露算來希奇聽市上數句金剛  
便是黃梅心印嵩少金枝獼猴利根真種子確坊  
裏何妨且待時懸絲慧命三更暗室悄悄傳衣  
潯陽古驛渡口看把檣飛檣江岸移漸南旋庚嶺

道山堂集 詩餘長調

三

叮嚀行者何故癡迷善惡非真諸緣屏息勘破源  
頭同一師因緣到見風旛往復踢倒須彌

又 百丈

小小何知便看此佛與人無殊為甚的野鴨羣飛  
便扭鼻頭游戲啞謎模糊悲喜任他閒擺弄昨朝  
事明明觸馬駒振威一喝耳聾三日雪點紅爐  
大雄嶺峻巖峭還喚醒生身墜野狐只攀緣放捨  
雲開日出卽是如如 盡神通掀開法要粉碎銀  
山拍手呼還奇特聞鼓聲吃飯笑破圓顛

又南泉

郢匠規模現前遊戲頓然忘筌擔板漢勘透關頭  
只把沙彌回互拍背敲肩靈利道人今不見已生  
日誰將鼻孔穿灰圍丈室觸着門開兩字蒼天  
株花如夢相似便好向庭前指牡丹揔澄潭寒影  
霜天月落夜半空懸破鼓休搥牯牛知有海裏汪  
洋筋斗翻東西望正猫兒打哄剪滅何難

又黃檗

閒氣闌南大乘法器額隆如珠京洛上乞食長吟

道山堂集 詩餘長調

三

虧着棘扉神嫗指引迷途來自大雄聞虎嘯遭一  
口還看老漢呼開田築地磨刀擇菜何細何麤  
從他世界如許向長老身材這裏居美宰官飯禮  
安名唱諾心印門徒挂錫西川浮盃章水萬里香  
花隨處鋪無師也是何人猜着毒藥醍醐

又趙州

有主沙彌伏惟和尚早知根因嵩嶽裏納戒琉璃  
回望三更曉月打散塵氛探水東西無一滴看隻  
箭南泉命中真齋筵胡餅庭前栢樹總是家珍

分明萬法何處單剩得衫兒重七觔這鎮州蘿蔔  
滑州捉鬼壓倒波旬摘盡楊花撲開孟鉢一草能  
成丈六身隨方便任繩床折骨只繫殘薪

又臨濟

邢氏曹州出塵超俗慣能猜疑將几案天下橫行  
坐斷舌頭去在百世明師石火電光何處覓笑黃  
檗無言射的奇重關直透龍生鳳子衝破琉璃  
金剛寶劍觀露便喝着誰能窺白窺看禪牀擒住  
塔頭袖拂機用隨宜取髓敲骨論賓說主隻眼開

道山堂集 詩餘長調

三

人一小兒還提起婆心三度似打蒿枝

又德山

西蜀闍黎精窮律藏貫通諸經呈伎倆註釋金剛  
擔起青龍章句認作宗乘婆子遭陽先等待請上  
座當時點那心龍潭滅燭法堂舉火無影無形  
孤峰頂上演法盤結着茆庵搖警鈴總眼中無佛  
庭前沒祖舌底鋒生馬嘴驢唇花針毒箭罵盡諸  
方說鬼神攀緣斷這終無一法救取溝坑

又雪峰

襁褓間鐘幡花設像輒爲懼忻米盆覆就決因緣  
恰是鼉山逢雪開破迷雲大教播揚非淺易頂目  
已胸襟絕點塵猶猴古鏡長蛇鼉鼻賣弄喉唇  
百花春至誰見拋大地還從打鼓開論洗頭胡跪  
閉門救火密室傳薪叫月泥牛嘶風木馬四顧松  
山草木曠機鋒巧將木毬輟出洩漏真身

又雲門

轆轤秦時掩門損足從茲窮叅寄一則傳語堂頭  
請把鐵枷推脫契合方堪麻布又加三尺竹將兩

道山堂集

詩余長調

五

句蒼天戲劇談尙書草草語言文字祇是髡鉗

分明靈樹法眼便行脚牽牛早已諧虧前知尊宿

人天眼目廣主開函踣跳湏彌藏身鼻孔如許神

通在背尖開齋鼓只七條咬破笑煞優曇

夏初臨 端午

霖潦初晴景風乍起麥涼餘氣猶侵鷓鴣多情舌  
頭慵嘆新音休題萱草着心只雙尖蹙損遙岑河  
濱彩鷁畫橋戰鼓喧動遊禽 蘭湯初浴香散羅  
衿臂絲方結色壓浮金桃門朱索低徊滿院桐陰

採艾拈簪獻明璫洛浦銷沉更難禁柳塘蛙部曲  
學虛吟

南浦 競渡

湖西鏡管掉歌聲吹散閒鷗無數芙蓉小楫引控  
壁長流偏是赤螭奔霧掛飛盧噴鬣舞芳洲把錦  
標高揭論功行賞談笑奪封侯 可見大夫千祀  
楚湘魂無處不長留看那竿頭蜺暈來挽似輕轡  
血首蒼蒼還作力輪麻定一局紋枰分明是五月  
江城魚鳥喜同遊

道山堂集

詩余長調

五

惜黃花慢 人似黃花瘦

寒月棲檐悄空庭霜滿影落秋蟾翠輦長鎖彩毫  
未展帶圍寬褪茶飯慵沾新苑移花何處問浮香  
近半捲珠簾且細探金精洛媛一槩平叅 銷魂  
蹙損難堪歎西風寒栗病體頻添自憐龐影惜開  
菱鏡暗拋粉膩狼籍水奩倚將籬下尋清伴更無  
意綠蛾紅酣費指尖倚闌心事誰語

解連環 黃鸝

清絃寫嘯慣芳辰棲托華林佳句辭舊谷翻翰博

風乍拂柳衝花輕拖眼腕百尺垂絲紫煙裏疊疊  
珠貫似嚼徵含商弄曲羌兒細吹蘆管 間關東

方欲旦傍花枝裊裊綠肥紅綻只是着意東皇把  
曙色晴光聽伊調喚巧按笙簧最愛是新篁池館  
問誰憐錦屏初曉玉關夢斷

霜葉飛 秋鴈

塞門寒峭漸飛過衡陽幾重雲嶠關山雨雪慣會  
經一路傷衰草是何日稻梁堪飽江南水濶蘆洲  
杳見明滅斜陽頻顧影蕭蕭浦渚落霞相照 珍

道山堂集 詩八調

七

重早避虞機弱軀輕翰况是長空天縹清絃夜月  
等閒同伴白汀紅蓼憶海漲蒼茫夢渺洞庭秋色  
年年好最堪憐妻其處汾水歌辭上林書耗

南浦 顧梁汾爲友吳漢槎入閩歸而送別

毵毵綠柳掛長堤行憶染晴煙領取烏峰片石縹  
瞥引星紈海曲喜聞白雪恰倉庚聲碎杏花天柰  
驪歌唱徹吳潮楚瀨吹動木蘭船 只爲故人塞  
外譜伊涼金縷調流傳此去論文尊酒京雒撫朱  
絃須是管鮑情重也高樓明月巧連娟望河梁混

滾春潭青草正芊綿

水龍吟 贈吳奇生

柴門一帶藤梢密叢秋色寒煙照石欄點筆竹陰  
調瑟冷然長嘯茂穢持鉏溉花抱甕忘情簪髮任  
霜封果實籬開菊圃閒目送飛鴻矯 濠濮儘堪  
寄興哺金魚坐臨清沼胡牀理事香堦支策宛然  
綺皓丹橘黃柑菜根松葉且供餐飽課兒曹螢燈  
雪滿書聲林杪

望湘人 贈胡晉卿

詩八調

七

步寒蕪村橋草蔓雙屏分明蔣翊三徑茵室鷄鳴  
椒園雀噪日午山庄人靜商洛道遙蘇門樓導居  
然幽屏笑相迎鬢髮緝瞳只見神峰標映 須信  
英雄本性論射鵰搏虎據鞍猶勁切玉昆吾鏑  
上芙蓉弄穎金鈴羯鼓綠情紅意爛熳一庭花影  
菊籬畔潦倒青尊暢好剡谿佳興

菩薩蠻慢 雲石淨室訪幻智上人

雲紆石棧過青樞林深吹來香瓣落泉奔嫋嫋餘  
音點丹崖翠壑素湍如練十尺青松無數煙波凌

亂步老髦天末宜觀扶桑蜃樓奇幻 等待夕陽  
將倦忽短筇破衲歸來庭院疑阿難重出夙慧因  
緣應洗器文殊服勞執爨婦相逢只聽風鈴細  
轉縱辨才扣關妙鍵纍纍珠貫

水龍吟 秋江落楓

一天濛濛浮煙西風搖曳迎香吹華林芳景朱顏  
絳采清漣潏戲沙渚熒煌休猜薄倖落英零蒂看  
漁舟依泊蘆花牽惹似金谷珊瑚碎 一望玻璃  
千頃任縱橫霞光綺靡脂乍染鮫綃方剪影隨

詩餘

波委錦浪如山虹梁以索巧排紅隊忽飛來菰擁  
羣攢是一片彤雲馥

沁園春 寄林殿

節近蘭亭早辦青鞋桃源放歌芳林秀木幽離薛  
荔仙眷瑤葉映帶雲阿阮籍謀身孫登被髮只有  
松心不改柯休提起沙塢曠海手障長河 迴思  
往日鳴珂看勒馬長安公舉多奈蟲絲蛛粉紫纏  
玉關星移物換悵望銅龍海峽山孤蛟門風順好  
把閒心向補陀扶鳩健 正盟尋鶴社瑟倚雲和

雙頭蓮 壽林平山

秋老菰蘆正香清東籬噴成花霧鹿羊初步算甲  
子重來芳年如親恰遇偕隱同心伴鳳晨鸞暮真  
佳侶歲歲青尊堂前引商流羽 憶昔金殿爐傳  
荷形延名問鴻辭高吐檐紅行部歌吹遍武林煙  
樹只爲世事滄桑任逍遙林淑誇風月高據胡牀  
一羣綵舞

金明池 飲友人園亭

謝墅登臨陶鑪瀟灑一日旣香欲笑看躍起風流  
如舊綠叢裏 拈花對時曉院落芳陰見蒲徑  
無數樹蘿垂萬聽脩竹鶯啼粉牆蜂語幾許春光  
斷開 小苑海棠紅裊宛似粉黛臨牕錦幃催曉  
魂畔絳霞乍暗馮檻處臙脂初燃念賓朋遲日幸  
情儘縱酒高歌玉山傾倒

畫錦堂 壽鄭瞻亭

綈室吹灰黃鐘屆節琅霜飛滿芳筵道是當年仙  
公五柳投閒留得琴聲花譜在夫椒山上口碑鐫  
霞光綸千丈鼉峰影浮朱閣含煙 名篇元櫛集

王粲賦錦堂逸思清綿一曲屏山香焚銀燭長然  
爛班絲舞階前立文章賈董鉢衣傳良宵永好看  
翩翩絳雪九轉成仙

莊椿歲 祝壽

濯枝新雨初晴南樓歌嘯飛金屑彤幃日麗朱幃  
花擁清心似雪綏寧海甸棠棣傳碑芄苗未歇喜  
紅榴照眼正抱犢山村安瀾魚鰈 恒嶽中山佳  
氣諸青箱千秋名閔頤川集鳳淮陰集鹿覆甌天  
關賜蔭風涼涼簾畫永仙筵方設黑頭公身履星

詩全 調

辰應與三台齊列

應天長 祝壽

旭旦朱明候正荷氣天香綠池輝萼芳宴蓬萊靈  
藥丹傳連幕恩音流海國遍天地剗開昏膜棠蔭  
蒲下里笙歌時聞清籥 晉水誇名閔論賜鼎樞  
金計功垂爵昔日褰帷會見穎川神雀鹽梅推治  
譜依舊是青箱家學虹光現五色雲高影浮鈴閣  
金菊對芙蓉 贈行

淮海名流楚州偉品鴻音響動關河看爐香身惹

鸞佩聲和九重宮殿排闥闥正微風燕雀頻過皇  
華靡豔如絲六轡霞嶺盤吃 最喜烏石嶺峨遇  
軒車留覽點綴松蘿况佳朋勝侶白雪高歌綠荷  
開後秋江冷恰疎林驟唱鳴珂問期宜室恩承湛  
露影近天阿

瑞鶴仙 壽廖震生

丹書飛紫軸正爛熳桃紅花光釀郁笙歌頻按曲  
喜華堂清譙高燒蘭燭承家韓穆見玉樹三珠葉  
沃步蟾宮鴈字聯鑣歲作萊衣舞祝 歡穀同心

詩全 長調

手

舉案簾影房櫳婆娑雙福瑤環重疊鞠脰恭韓相  
續風飄翠栢雲迴青鳥彷彿蓬萊仙錄記年年岸  
柳初柔脩篁新淥

雨霖鈴 送楊汾庵之齊趙

木蘭帆疾柳絲煙岸春水凝碧離亭風笛清切曉  
歌驟唱衝潮飛驛孤劍長披錦帶跼蹐金勒念  
故人暮角寒山河橋悵望灞陵側 迷蒙霰雪耶  
耶磧更平原渤海晴雲壁遙岑孤渚遊遍題味處  
望篇名什獲助江山無非是江淹花筆途路青思

烏嚶嚶願整歸鞭急

漢宮春 壽方母

雪滿寒梅看水簾香暖玉珮霞裙黃裳叶吉安貞  
直配坤隅珠胎滄海鯨綃織錦繡雲鋪奩鏡裏翻  
翩黃髮畫堂笑舞軒渠 劬勞筭簞堪念但載衣  
朱芾慶大門間還是功編女史彤管曾書珩璜著  
訓表芬芳栢秀松腴他日定起居八座恰迎文駟  
雕輿

沁園春 送何辨齋

道山堂集 壽方母

黃蘗山中霞蒸雲綺恰遇軒綬正值過河陽千枝  
競秀羅張殿陛雙鳥南飛五斗腰輕歸來情遍誰  
料草鱸鑿夢思攀轅日似遮車烏鵲永記豐碑

會聞東閣鳳池畱下這平章辟咄時更接軫同輿  
雅傳花萼金昆玉友奏叶填筵蓮燭餘光畫簾初  
捲堂上還開綠野屏旅蘆裏看煙汀白鳥故國鱸  
肥

漢宮春 寄何永安

來莫儒歌喜絳霞製錦鳬舄如天奇花滌縣芭忝

曹閬南瀝琴聲嘹亮階庭靜流冰澶漫簾陰外耕  
欄如畫溪光一帶青山 處處細吹葦籥想耕犁  
雨足絃誦風閒惟是清心映月玉瑩冰寒郊溫雉  
响遍雲巖棠蔭碑鐫鶯遷早蘭臺瑣闥身惹御爐  
煙

滿庭香 賀建州守

竹使朱幡祥徵畫鹿現前甘雨隨車曲江風雅瓊  
宴耀華裾只見前溪香滿蓮花上岫紫雲舒恰宜  
布中和樂職謳頌沸郊墟 兜觥同介祝公堂躋

道山堂集 壽方母

彼此屋樞娛况是清澄越石煙霧先驅恰遇三公  
入拜依稀鮑爰漢時俱願化日汾陽看壽廿四進  
中書

又 賀人泮

三峽詞源長川東注依稀吐鳳吞珠曲江讌會祖  
德重天衢恰是先河後海汪洋起湖泮坤輿遙迤  
邐百年燕翼繩武只編蒲一論白羊車上鸞停鵲  
峙玉樹風俱雖是泮林碧照暫遊戲借徑飛鳥管  
他日撫胸抵掌鳴劍志伊吾

意難忘 賀名宦

勿剪思棠念明刑辟教膏雨遐荒好生詳十議約  
法守三章炎火熄淫祀亡兼轄紫薇堂誰料身騎  
箕尾淚濕滄浪 會聞白簡凝霜指鷹鵠鵬鶚橫  
榻南牀冀寧鈴鑰壯江右保釐長詩禮在過庭傍  
重披豸繡光潔蘋蘩邦人畏壘永祀桐鄉

金菊對芙蓉 贈友

把臂林臯披雲撥霧星橋斗柄頻移忽睹晴黃髮  
歲月交馳却稱玉面青筠杖恰磻溪授夢時捭膝

道山堂集 詩餘長調

三五

指頤錦囊新句欸段相隨 更擅探微畫師儘芭

蕉雪裏六馬塵飛慷慨風流增意氣度清商推奏

涼伊香山白老輞水玉維

千秋歲 祝壽

珥貂重積衣袂聯皇極映花磚持簪筆沙堤新寶  
馬青簡垂奎畫堪榮美鴈行競爽鸞龍翼 玉樹  
琅玕波鳳閣珠璣側桃李滿參苓集洪濤凌海表  
雅調聞柯笛頻舞絳摩娑老子看銅狄

滿庭芳 賀祀鄉賢

蘊義生風劬躬薰後燕貽雅擅良模睦嫻任恤孤  
節首廉隅門推通德天賜典鳳閣名難方信是介  
圭璞玉申命賁黃墟 鍾離歌頌沸承家匡國操  
比冰壺三徑堂開綠野寄逸興清沼魚鳧堪羨  
宮牆俎豆繼述播芳敷

意難忘 送姚君之廣信

岐壁藤花雲巖石室挺生懷縣風流梁國救時清  
聖早著芳州香遍蟠桃塢琴聲颯颯韻偏悠喜海  
戍初停戰鼓抱犢嬉遊 檣影動樞影蘸盼使君

道山堂集 詩餘長調

三五

憶蓋珠勒鳴騶宛似元紘好時鵲擁行輶遙想都

陽江路煙波起處屢凝眸青苔漬碑陰斑駁姓氏

長留

應天長 壽詞

圓荷香氣展正南陸朱羲土圭長日涼閣清池筵  
列琅玕仙液升平歌保定叶瑞應鳳芝龍不梅吹  
靜細柳風清高舒蓮帶 環海波濤掩便遠留遙  
濱羽千來格原仗良籌腹笥盡皆黃石麒麟圖畫  
就席上賞鼎銘鏞勒最好走嶽錫生中聳隆喬陟

八聲甘州 送別

依依南浦路上西樓望遠去帆迷問浪生葦岬影  
翻沙瀨幾處蘭漪況是鶯聲欲老春色又將歸孤劍  
中流吼青草寒谿記取趨庭辟咤堂前立說  
禮論詩簾陰間寂畫靜吏人稀望廬峰石室琪樹  
露華滋還誇勝雲居煙霧明月湫渚

滿庭芳 壽金母

令節陽生夾鐘叶律繁陰密華叢雙星紫塞長白  
擁巍峰曾記羔羊退食同毚勉砥節清公琴雙奏

道山堂集 詩餘長調

毛

蘋繁式序箕帚仰高風 汾漆美膝下奇花異卉  
葉附枝從看燕喜鳴鹿先聲桂馥蘭紅他日起居  
八座慈幃上翟茀新封還遙望紵綸早降鳳馭出  
關東

鳳樓春 送行

海嶠仰峩帷仁豎茅茨誦清漪極寬鹽錢不機宜  
恩意飲比瓊飴忽覩衮衣車馬驟誰與慰流離  
太湖滄重更諸嬖墮隆專郡風噓泉潤晉陵春色  
芬麗治行吳公星辰曳履綸扉三山棠茇長載

豐碑

歸朝歡 送陸義庵

携得紅蘭宮錦覆聳立南溟看鳳唼梗楠杞梓成  
陰綬行盡入英雄鼓飛泉鳴玉瀨波瀾霽  
繡鹿辛歌宣公永叔無出持衡右 史學原推珏  
馬手詞賦陳思才八斗丹經綠帙蒲緹緗洋碣  
篇羅星宿旗鼓山容秀前迎彩鸞泐光透喜皇華  
鴈陣帆飛正是陽春候

滿江紅 義興周王廟

道山堂集 詩餘長調

毛

毒害何來笑父老癡駭冤苦念當日和時豐歲恁  
般憂懼白額威能行百獸長橋噓會與雲雨湏翻  
身勤讀陸家書尋章句 綱紀重中丞府彈章貴  
烏臺疏任桐封親戚寧愁疆禦將帥非才空嶺嶺  
前鋒受制功難舉歎英雄止博廟門高蘋繁古

道山堂詩集卷五

閩中陳斌

著

男

宗栢  
宗威  
宗豐  
于侯

全輯

詩餘

小令

踏莎行

泛舟

嫩影微波霞粧星屬橫塘一曲風煙咽汀長花滿  
水鄰鄰可憐獨上芙蓉櫂 菱葉迷離銀濤決滌  
交交鷓鴣浮還沒意中人面隔瀟湘綠髮還對嵐

道山堂集 詩餘小令

三九

光潑

又別意

鴛瓦霜華蓮房露液譙樓鼉鼓飛疾嚶嚶角  
曙鷄鳴早是征人牽馬出 恨展珠簾綠慘瑤席  
牽裾攬帶渾無力相思正與柳條新長楊夾道可

門側

憶秦娥

集松陵吳懷唐書畫屋賞著

青尊列黃花笑傲陽春節陽春節延華駐彩雲羅  
煙抹 畫簾碎影搖寒月 冰毫濡翰飛紅雪飛紅

雪東南賓主錦鈎珠條

虞美人

梁溪顧梁汾客金陵紫庭女史夜訪  
信宿而別

畫橋雀舫停江渚爲問檀郎處芳洲執手夜潮生  
傍着蘆衣月下更分明 明朝又是輕離煙水  
應滙鬱姑蘇臺畔騁驂驪記取金鞭斜指舊紅  
又 吳香爲復作妬詞諸友索和明之

蕩舟行樂青莎曲獨占鴛鴦宿落釵鬢倚郎肩  
但覺星河好夜珮環翩 粉屏香帕相偎抱只怕  
人知道長橋悄悄楚雲屯妬殺暹鐘促漏枕中聞

道山堂集 詩餘小令

四十

點絳脣

題友濯足小像

彼脰無毛茫茫重繭何時已不如休矣箕踞晴川  
裏 觸目滄浪孺子行歌地臨清沁寒裳投趾竟  
比巢由耳

又 梨花

珍重金鈴桃夭杏媚曾相續襯紅槎綠那花如  
玉 籠月幽姿偏向東風簇披芳穠冰魂新霽悄  
度屏山曲

南鄉子

春閨

憔悴笑歌顏霍霍菱花照  
班青雀空庭相對舞  
生煙桃李花開覆井欄  
悄步動星紈茜袖香裙

出洛川金縷新詞吟未歇  
閒關小院黃鸝雜管絃

眼兒嬌 本意

秋濤澹歛擅清臚一對藥  
宮珠晶光曼睽畫簾仰  
覩不慣模糊淚痕容易滴  
衣袂心事半秋歔爲  
誰長夜雙瞳炯炯莫解羅襦

少年遊 美人看

九和楊葉試星弓合德遠  
山峰翠羽方開新蛾欲

道山堂集 詩餘小令

望一

繭鈿黛幾時慵連娟如畫  
曉粧融初月掛高穹  
憂喜何曾笑顰不敢幽意  
兩彎中

玉蝴蝶 咏端硯如雙蝶狀

念生成古端溪寶劍切來  
泥鳳子掛羅紋參差翠  
鬣飛雙雙翻彩筆對對逐  
輪糜小幌試輕姿紫  
莊夢覺遲

中調

風入松 題畫

楓林紅葉點山茨明月紙  
牕移蟬風鶴露涼亭下  
憶兼葭夢寄江籬待整瘦  
尊茗枕共拈扇日清辭  
蕭蕭蘆荻泛滿漪渡口片  
帆飛煙汀白鳥寒光  
照望滄洲一帶湫潛人世  
知心有幾柴門好扣雙  
扉

柳初新 庚申元旦

世事相填惟是忍不待更  
央詹尹花畦藥臼鷄啼

道山堂集 詩餘中調

望一

豚棚乘有寶書玉軫且任  
春來嘲販須却避一堆  
螻蛄早識潯陽遺隱久忘  
懷楚辭天問抽梢竹  
種闌香梅影全向東君索  
韻此日椒盤花醕一般  
兒繁華芳訊

江神子 題畫

青林葱翠散芳煙帳平川  
戲輕鏈枯棋對面彈子  
落花毬柳眼松梢香閣畔  
綠水政澄鮮江潮吹  
登畫欄前聽潺湲洗珠淵  
平蕪瀉浪人渡板橋邊  
一帶長堤斷也看鷺浴並  
鷗眠

魚遊春水 題顧茂倫雪影釣叟圖

澹影垂虹照沽酒罷河橋雪漂莎裳沾濕獨向寒  
蓬寄傲清汀歷落搖文潏小艖蒼茫迷遠嶠幾度  
衝潮綠蒲紅蓼短笛斜吹新調唱徹湖山天籟  
杳看那笠澤煙波雲遮霧駁一星銓火流螢過萬  
頃江田孤鶩鴛鴦片葉飄然筆牀茶竈

蘇幕遮 有憶

綠揚天芳草路繡戶璇閨記得凌波步一自驚簫  
新譜誤碎珮叢鈴竟逐湘雲暮雀釵遙駕枕如

道山堂集 詩餘中調

望三

淺笑低鬟隔斷花間語縹緲浮槎牛斗渚弱水蓬  
山冷落裴航杵

臨江仙 題袁重其負母看花園

槃勺堂中親捧罷壻前紅綠方然鶯聲蝶影鬬便  
姍人從花裏望眼似霧中看不待攀輿軒輊疊  
劬勞止有雙肩誰將花下駐長年陰晴時未定憂  
喜裏還牽

洞仙歌 輓姜如農給諫

畫堂抗草爲中書阿匿叩請朱雲尙方劍血累朝

衣宮闕夢荷戟思深堪念銅駝悲未歇且理絲

緡漫向江頭逐葭葢棺方論定一片清縑如雪  
豈隨人濡染成就箇孤忠高塚上萬古敬亭山月  
明雲歛

婆羅門引 贈僧聖子之晉陽

趙州粧束風流不惜草屨錢舉頭無數蒼天逢箇  
路窮山盡試着一鞭先覷誰人賣弄鼓笛彈絃  
花明草芊渚曲上路河邊有文殊化相姑射生蓮  
街頭布袋解開時萬法此中宣到家日忘却蹄筌

道山堂集 詩餘中調

望

解佩令 題畫

黃昏閒院諸峰暮影檜煙深數聲金磬明月如霜  
照圓顱鵲窠珠頂悄空林颺颺穿徑香山鐘牒  
青龍蟬靜醉醉扶藤碧崖崎嶇剝啄風高可喚起小  
龕禪定喜相過澗泉清茗

蕙蘭芳引 月夜

鵲鑑新輝看澗淺薄帷穿透念兔杵蟾河無補素  
蛾孤瘦紅簾綺幕似水國海旅江留雪臂驚寒慄  
閃倚燈檠圖繡闌寶雕輪嬾珠濯影長推清漏

虛暈微雲應照塞垣烽候香茫清海濛朧金岫待

夢來遍覓玉門花綬

師師令 行經太華

神功鑄就應洪鑪鼓燦連天黛色向青冥排峭仞  
森森稜角合是三峰霄漢上任霞張雲逸崎嶇  
西鎮拖芒嶠間羽人仙落卜師酒母有無間只見  
那翠微寥廓漢時秦關誰凭鑰河水仍浮洛

一枝花 送友人入粵

莎磧重雲接嶺微青林曾過津亭猿秋吟虛籟盼

道山堂集 詩餘中調

望

里樹枕榔卽是天南界攬轡休驚駭算題魅叢中  
無數翠毛珠琲歎往日惜陰官廨連蹇功何在  
草蕭蕭晉代山河改只陸賈城邊屈嶼猶澎湃近  
說軍書解越秀西樵乘清興淋漓感慨

瓜菜菹 和柳耆卿秋夜韻

月照東墀馬欄甚意味青楓葉勁颼吹地蟲思動  
嚶嚶聲碎操悲風暗數離鴻漏長祇堪滴淚博  
山燎燼金柈轉還無寐霜樹縞木蘭香細移階側  
望薄雲空自傳遞夢難飛只在魚鰕院底淒然盤

迷帳裏

過瀾歌 贈嘯雲上人

峰頂上籟鳴鳥嘒關鎖禪局發黠雲崖深洞絕開  
冗直待林枯川涸剩有香山痛開放日一榻松煙  
渾似夢惠休詩思遠擺弄才鋒錦泉全漏名家  
凌沈宋試問生前文字空時語言斷處依舊是台  
盤無縫師閉關妙峰三年

華胥引 題畫

重岑疊壑高堂天開揭來千仞氣結青冥空濛點

道山堂集 詩餘中調

望

蕩乘虛牝試看蓬閣華巔峻嶻連雲陣采藥長生  
是處真源堪問鳥路難攀睇碧落參差飛隼輕  
舟驚櫂悄聽嶺猿聲近又見煙沙斷岬長颿風緊  
谷口亭臯武陵香氣猶噴

又 壽邵朗霞

高牙門第劍閣風清庭前綠樹鳳舉鴻軒芳埃爽  
氣排芋路想他緯緝牽絲比涌泉垂露拂羽浮金  
雪隱煙起鶴素南陸長薰嗅荷香綠陰脩渚飲  
同河朔不數玉漿虬脯好是梅峰吹笛鬱華仙侶

含景蒼梧葉，衰蘆似青組。

意難忘 題畫

桑陌芳辰有鈿車，香擁袞袞飛塵桃花含淺笑，柳  
眼寄微顰。驚乍囀草成茵，見翠綴紅勻。夕照時殘  
霞深水，吹散遊人。投林鳥影紛淪，遍山莊闌寂  
明月爲鄰。燕歌喧壑，暮牧唱入村，頻升皎鏡走靈  
旒。孤魄上高旻，杖屨歸柴局。雪縞小睡，藤輪

品令 題竹林七賢

放誕忘羈束，生成這風流。福奇辭斐曄，閒情散蕩

道山堂集 詩餘中調

七

撥開塵俗，晉代江山都付酒杯醺醺。密竿脩竹  
素篁，盡新倚綠，眼前無數，擗龍總作名人。館谷杞  
袂長林，鎮日清談相續。

一枝花 醉中戲作和辛稼軒韻

金彈拋隨手，瓊醪頻沾口。陸離寶劍氣冠牛斗，更  
步障華燈，豔裔黃昏後。歌扇迴翔久，便青鏡紅裙  
算爾書生，怎有偏倚仗松鱗枯皺。自畫猶蓬首  
抱寒藤，好覓王倪友。聽趙瑟吳謳，推得更闌否。且  
堽堤邊柳，金馬無期，不怕道河東使酒。

洞仙歌 題林靜庵小像

當年氣槩，指彎弓飛羽，附鞋爭先眼如炬。向白鷺  
洲前橫槩，題詩催柳浪，明月秦淮來去。英雄還  
未老，逃入初禪貝葉，喃喃落花雨。更清宵銀蟾醉  
取千杯，醺醺度迢迢，誰鼓但楚尾吳頭，行樂處省  
多少紛挐，倦蛇藤鼠。

撲蝴蝶 咏蝶

橘種根因蛻，化成雙羽。青春選特地，輕來去。只因  
一點芳心，走遍紅堦綠塢，慣愛新拖珠粉。花間步

道山堂集 詩餘中調

吳

枝頭竟日閒，嗅偏向蕙蕤舞。畫樓穿過影落香  
猶度。魂消暗麝，千里動惹晴絲，萬縷應伴鶯儔燕  
侶。

鵲踏花翻 題龔學博送別圖

竹葉開尊，榴花擁路，瘴雲柳色催離。袂分明帳設  
扶風，干戈羽箭雅歌，曾沸橋門水蒲。關落月亂蟬  
吟，雪霽出岫清猿淚。休擬昔日魯齋，素雅臨淵  
且自投竿餌。試聽風笛紅亭青青，四馬嘶向空林  
際。殘更驛樹晚涼生，巾車冉冉人千里。

錦纏道 送韓葵光之日本

蓬渚長欄一葉香  
浮文鷗且你提秦皇碣石勒  
澗瀚海磨崖迹只望滄溟高浪涵天碧  
越玉律風融五幾瞬息棹歌悠細  
笔仙笛問扶桑樹法云赤城閃爍  
笑揖延霄客

錦帳春 送廖友赴京

燕領儒生紅翎霜鏃迷草樹  
丹檣江曲細柳營常山陣  
淮陰符蒲腹無慚推轂  
袁粲孤忠侍中舊血荷殊寵  
千秋信錄闕庭前燕薊路看  
金壇將種

道山堂集 詩餘中調

四元

八州雄督

婆羅門引 拈花微笑圖詩長慶雲機上人

白毫金相秋光猶帶月輪輝  
寶珠清淨摩尼試看靈山唱  
演勘破未生時海幢親法乳  
冷煖會知賣弄鹽醯縫金縷  
只傳衣豈肯爐邊設竈土上加  
泥無多風景生意足剩有舊伽  
梨這纔是黃面青

玉人歌 題潘友小像

輕雲謫染簾嶺濃陰西湖煙黛  
雒陽擲果早貯盈

車載海濱本是神仙派忽地來珠彩好珍重綠髮  
龍駒培風鵬背錦句奚囊似  
是陽夏文章龍門風聚斗酒微  
醺醉墨淋漓灑青山巧借金韉  
客竹籟吟秋噫看丹青一幅一  
沐芳蒞

錦纏道 賀學使名宦

醉李驚湖川嶽早鍾師表擁  
旂帷一輪孤嶠嶧山桐響諧新  
調薪樞芄芄朗分蘭綰論星析  
棧鸞晴牕檢點絳紗中雪園冰  
繞遍海陬桃李成陰樹烏山畏  
壘香氣升蘋藻

道山堂集 詩餘中調

辛

鳳凰閣 壽姚將軍

嶽生推京兆藥師方畧雅歌細  
按徹遶幕看那星門倚劍風動  
金鐲昏霧掃去天海角早梅飛  
雪錦片花磚照灼詩書几上橫  
冰梨果考中書應是汾陽如昨  
畱名姓高標麟閣

道山堂集書後

明末清初侯官陳軾所著詩詞散文初刻者曰道山堂集詩詞一卷文一卷每卷首首行標道山堂集第二行署閩中陳軾靜機著詩按體排纂附以詩餘文按說論序誌表記編次冠以黃周星序蓋軾所自刻者其目錄作道山堂前集詩目道山堂前集文目者其後人刻後集時所加也故字體與正文不同後刻者曰道山堂詩集五卷前三卷分類詩後二卷詩餘曰道山堂文集五卷前四卷分類文卷五皆壽序頌序之類首頁首行下有小字俱代言三字每卷

首頁第二三行之間署閩中陳軾著男字柏宗咸宗豐于侯同輯冠以黎姚曾序序云軾歿後其子宗柏兄弟所刻也四庫提要云道山堂前集四卷後集七卷又云是編前集文一卷詩三卷詩餘附之後集文二卷詩三卷詩餘二卷福建通志藝文志亦云前集四卷後集七卷皆誤應作前集二卷後集十卷

四庫提要云軾前明崇禎進士入國朝官至廣西蒼梧道通志文苑傳列陳軾于明代採黎序中語云由知縣入為御史歷廣西蒼梧道參議解組

歸葬道山故居著書一室以終不提入清後事而在藝文志中加按語云官廣西在明末詳託素齋集改託素齋集中有關於陳軾者僅道山堂序一篇即文苑傳所引者文殊含混全闕明詩傳云由南海縣擢御史桂王時官蒼梧道而榕城紀聞載有順治己亥陳軾往招安國姓事闕于陳軾之出處殊令人疑莫能明槌按道山堂集卷四比部鄧緒卿傳云余與比部鄧緒卿同屬粵嶠五載辛卯歸里門辛卯為清順治八年是年明桂王走廣南清兵于前一年庚寅臨桂林桂王走南寧軾云在粵五載由庚寅上溯五

年為順治三年丙戌是年隆武亡桂王立于肇慶明年改元永曆道山堂集卷四黃九煙傳云九煙初仕戶部主事通中原鼎沸二京淪沒麻鞋入閩投禮科給事中又云余與九煙同官諫垣九煙序道山堂集亦云乙酉秋板蕩開闢崎嶇嶺海余乃復得與靜機相見於榕城榕城靜機家鄉也余時以羈勒至短褐麻鞋惟悴枯槁而靜機顧獨踴躍飛揚意氣軒舉余睹之若若有失也乙復得追隨後座左右擊珥未逾期而板蕩又見告矣則陳軾為御史乃隆武時事也軾于崇禎庚辰十三年第進士至甲申十七年明亡

僅四年。在四年中。絕不能由知縣內擢御史。復外放。監司根據上述。則軾在崇禎朝。官知縣。隆武朝。擢御史。隆武亡。至粵。永曆朝。官蒼梧道。迨永曆走。廣南。就未扈從。始歸里。斑斑可攷。

歸里後事。僅見于榕城紀聞。順治己亥十六年云。

巡撫固山併三司主議。令鄉紳前往招安國姓。有原任廣東道陳軾。同生員林芝草。林叔器三人。貪功。往任其事。再至未果。部院李率泰以通賊罪之。

監禁候旨。

庚子十七年云。

自己亥七月三十日大風雨後。早至本年四月。各鄉田荒大半。引舊例。放出前往招安海兵鄉紳陳軾。林芝草。林叔器。

辛丑十八年云。

招安海外鄉紳陳軾。林芝草。林叔器已放。上本批。審七月十三日復監候。

按往招鄭成功事。陳軾出于被迫乎。抑別有恢復之意乎。觀李率泰加以通海之罪。及通山堂文集所載。諸抗清事蹟。知軾固抱不泰之痛者。其再入獄。何時獲釋。無可攷。而軾與九煙丁已（康熙十六年）晤于吳。

門則兩人在序傳中所自言者。黎序謂軾優游里巷。己已卒于福州。是為考終之驗。

紀聞云。貪功往招安。黎序云。當先生在嶺表久。為四氏愛戴。時年纔踰三十。又四守太平。使功名之念未銷。不難滿足。寔蒙冀用其所不足。而先生不爾。不則以先朝通舊。易為名高。肆志傲文。亦足附西山之高義。而先生又不爾。觀此。則軾不獨不以遺老自居。且與喪節賣國之周亮工盤桓。見黎序。故往招國姓事。即以被迫論。亦軾或有以自取者矣。紀聞作者隱其名。為海外散人。乃一極愛國之士。目軾此舉為貪。

功也固宜。

明末閩文多未雅馴。甚者腫臃決裂。次亦謠說做岸。以為高漳浦泉上面先生之大節。彪炳寰區。世共仰矣。其文磊砢而晦澀。有非末學所能測其高深者。若曹能始。謝在杭。徐興公。曾非人。諸人之文。或駢散不分。或格局卑弱。均未脫明末習氣。通山堂文雖未深厚。而清婉和雅。有如四庫提要所云者。不愧一時作者之翹楚矣。其尤可貴者。傳誌諸篇。皆有開明本史實。如林心宏。黃九煙。鄧緒卿。胡將軍諸傳。參靖公。黃處安。毛日華諸誌。趙止安墓表等。足見明清之際。

吾族抗清同仇敵愾之烈與夫中原板蕩民不聊生之憤而尤于明之遺臣抱滄桑之感者三致意焉處文字獄正熾之時其指詞委婉具見深衷讀其文然後知軾實有心人也道山堂集埋晦幾三百年世罕知者今福建師範學院圖書館忽得此書吾幸而獲讀故表而出之

黎序稱軾優遊里巷之間者五十年閩中錄則謂優遊里巷五十餘年日事著作有續牡丹亭一書文詩詩餘各若干卷按黎序謂軾死于康熙二十八年己巳距順治八年辛卯歸里僅三十八年軾死年七

十三歲上溯五十年為明崇禎十二年軾二十三歲正在計偕北上獵取科名安得云優遊里巷乎序又云先生在嶺表時四字太平以瀕于滅亡之崇禎末年為太平皆臨文失檢之大者軾有傳奇黃序亦言之其名為續牡丹亭則賴閩中錄而始著有無刻本待攷世未見此書惜哉

一九六一年辛丑四月

永安黃曾樾跋

道山堂前集四卷後集七卷

福建建寧縣採進本

國朝陳軾撰軾字靜機侯官人前明崇禎庚辰進士

入

國朝官至廣西蒼梧道是編前集文一卷詩三卷詩

餘附之後集文一卷詩三卷詩餘二卷軾詩文皆

清婉和雅特未深厚七言古體亦多未諧音節益

非其所長

石雲居詩集七卷詞一卷

〔清〕陳名夏撰

北京圖書館藏清初刻本

附《四庫全書總目·石雲居士

集十五卷詩七卷》提要

石雲居詩集目錄卷之一

五言律

淮上移家至高郵州中

贈周元服

元服爲奕品第一

贈中山主人范華陽

贈兄子寶多

過荆溪謝戴上詔諸同年

過靈谷寺歸

門人董象三送我北行至單縣

石雲居

五言律

楊滙一偕至單縣送歸徐州爲子卜一野居

過曹縣安陵主人匿他舍作此

圯橋懷古

贈東明陳生

崔鎮夜坐示友

宿遷詢東路可行遂發郟城將見蔣楚珍兵憲

發樂城

兩過新樂觀題公署者有述

琉璃河觀壁間舊題有感

顧修遠唐采臣撰孝廉試期送歸梁谿

麻城劉聖初至曾爲書其家傳

吳見末史子佩伙文止諸君下第

次石庵過奕詩二首

試得程其相卷志喜

過謝寤雲都督

送金孝廉歸姑蘇

寄湯道未先生

吳中周子靜至言懷

不雲若  
詩集  
五言律  
目錄

伏枕久送二林兄

送方吉偶令獲鹿次姚若侯年兄韻六首

前步行東明再過有感

趙州觀宋如園先生書

寄王德庵

姚劉兩太史至我樓中初月二首

謝寤雲馬蹶折其齒適被命放還示二詩我率

爾和之二首

李舒章來詢報國寺旌詢雲間同學諸子

謝寤雲書報風雨頽其屋兼示新詩

袁雅儒將軍來牛首山爲予卜先世兆域

館中朝雪時有喪子之戚

泗上單臣素來長安館中夜坐

送袁雅儒守備

送單臣素歸泗上

館居漫題二首

署中落葉

李舒章中翰以親喪未歸有人言賦此慰之四

不雲若  
詩集  
五言律  
目錄

首

思劉雪筠客死景陵

徐固城過五雲堂談邑中倡亂事

寄覺浪老人

寄呂霖生居長干石門限兼詢雪葉諸禪丈

贈友人娶妾

金聲弟至長安

王覺斯宗伯招飲卽贈二首

送謝寤雲歸里

史裕民先生居禪寺二十年

生日以病不赴席諸先生再招謝之

與卓心一編修對月

送弟金聲歸江南二首

送周子靜太守

子靜亭南

喜兒掖臣將至長安

送回姓州守

其相館丈過我得江字

泰州徐慎履至日豐潤移任長沙

石雲居詩集

五言律

四

哭李舒亭中翰

懷江南禪寺諸友

二十四日

勉掖兒

與其相編修談星命

成青壇諸同年遊西山歸過我談其勝二首

喜雨

喜晴

雨中張玄卿過話

生日思親墓

狄文止過我

家書至

王覺斯先生爲家舅書晉帖時將歸江南

慰袁雅儒將軍

元昭給假卜親兆志喜

送張慎初歸里

丁亥除夕慰張慎初沈元子二首

贈湯道未太常

石雲居詩集

五言律

五

曹子顧過訪卽贈

王覺斯先生爲叔氏作書二首

喜若侯年兄典試山東旋

獨坐

除夕

除夕同默公

元旦早朝

程其相移家長安志喜

公車多被盜

送默公通州

慰金豈凡司馬時有喪子之痛

喜張玄卿至二首

為九兄延師

過呂錫蔡禪居得其詩讀之錫聲適至

王子陶作司馬青衫傳奇二首

清江藩進也二首

南應有枸杞鮮好異常採而食之

又與默公

五雲居  
詩集  
五言律  
目錄

六

騎馬

先驅馬至河堤遲友不至

獨行

穆白章任子至

得爾公書

送張中柱泛海

恩釋入部

其相夜坐

送王生

卽事二首

沈君過我

張慎初

吳伯揆附太史舟還嘉禾

新安門人王生至

孫北海惠藥

雪下次潘進也韻

約默公為雪詩

除夕同默公進也玄卿慎初諸子

五雲居  
詩集  
五言律  
目錄

七

除夕思親

默公至偶成

送王在新入館司農

送宇亮南歸同張完真中丞二首

移居與劉潛柱年兄奕

夜宿弘濟寺

客至

除夕思親墓

與袁君飲仁壽寺

寄沈眉生徵君

送周元亮方伯南歸過廣陵

慰王我涵大將軍

太姥山送袁雅儒

晴日

覽鏡見白髮

過麻城管家寨爲夏姓戚者詠二首

岡始道中

渡河宿張店

石雲居  
詩集

五言律  
目錄

八

曲周觀半舫先生獄中示孫卷愴然而作四首

贈紫城許德長

拜張年伯慕有感

立春人日見雪二首

真定諸子從予學

見萬茂先榜書

歐潭始得舟行

見霜

荅俞善長

寄詢閻大

與默公

送王宗伯祀秦蜀諸山

家居卽事

過孝升構花欄

贈王調梅戶部

館中雨贈陳生洲前輩

贈范勳部二首

憶王清遠

石雲居  
詩集

五言律  
目錄

九

張子任邳州守

送趙侍御之蘇州

八月望後大風館中寒甚二首

龍吟澗託言相地家醉人詢我青囊諸書

聞街鼓

邑子來

雨後

有感

六兒生

心田招同宿院長飲聞歌有作

寄黃明野

答張完真

七夕

過湯道末園中

仁壽寺樓上

宋懷文姚若侯過我因書仲長統樂志論

寄王覺斯以招飲不赴

與友人

五言律  
詩集

五言律  
目錄

十

蔣赤臣甚近夜一過問

同周農父張慎初過赤臣所

於野園送德軒方伯兄南行

魯碧山過我談塞上

張慎初病嘲之

偶詠

寄劉慧玉生日

過曹子敘學士所聞歌

南廳

山石峭起成帷寬廣畝餘洞有隙可入寒以石

成桃源矣

慰慎初

與友談吏治

聞徐岡城死家眷來都有感

程其相奉詔還

呂長音奉詔江南還朝有述

夜讀劉年丈携酒過小雪

得東鄉艾子書

五言律  
詩集

五言律  
目錄

十一

二十四日夜呈四舅父

張聚子彭哲人兩孝廉至爲竟日談

松亭客無相問者

高大將軍至松亭

石亭去石峯

湯君謨孝廉過我

吳見未登第

吳見未登第一詩代東

李文孫告子歸漢陽予止之詰朝登第喜爲一

詩

王館丈來松亭

史枚公至枚公爲史侯家

送周子靜使君之青州六首

送農父人豫章二首

何明瑞明經試第一

虞文學擬親長安

再贈虞文學

雨中懷鄧元昭蔣虎臣諸子

石雲居  
詩集

五言律  
目錄

十二

送陶繩伯孝廉母喪歸里

讀熊少宰集

贈石癡子

王君蘭過我

寄狄秋水水部

輓胡泌水三首

趙侍御過我

鄧叔奇文學以詩文見示

劉潛柱過我

送王芝三歸江南

出城到舊居遇劉潛柱給諫孫孝則中翰

至日郊壇陪祀

贈陳百千

湖上

雨後

夜宿玉堂

白燕堂有引二首

雨來隆長寺

石雲居  
詩集

五言律  
目錄

十三

問王子雲居廬山

楊弘景沈元子偕予留寺中卽贈

彭芮兩表弟來松亭謝家卽事

石雲居詩集卷之一

芝山陳名夏著

五言律

淮上移家至高郵州中

我自淮南曲移家近廣川紅衣秋未落白鳥曉爭前  
岸騎馳征檄風帆灌鹵田荒荒幾茅屋都不似當年

贈周元服元服爲奕弟一

誰許同芳樹逢君老歲華橋移千里頌桂發小山花  
賭墅應畱蹟持柯不問家瘦生真有道何處聞龍蛇

石雲居  
詩集  
卷之一

贈中山主人范華陽

山行誰好我有主號華陽紅葉紛招袖青州湧計觴  
鷄鳴諸地氣雁過老秋光松菊猶開徑田園總未荒

贈兄子寶多

誰是占星處吾家百尺樓浮雲江上態明月秣陵秋  
有翼搏羊角無心傲虎頭叔癡仍似昔相對賦滄州

過荆溪謝戴上詔諸同年

寒水如林靜啼鳥夜不喧愧非乘興客肯負結交恩  
玉女臨潭影銅官障石門悠悠橋上履劒氣至今存

過靈谷寺歸

山雲荒作雪戒我僕夫歸小隱方傳臘溪寒未授衣  
斧斤衰草木鷄犬散村扉十里松門好音投空谷稀

門人董象三送我北行至單縣

問業方童子流離歲月深一朝通姓氏猶識舊聲音  
張禹傳施易行冲備狄獲琴臺彈可和願見古人心

楊滙一偕至單縣送歸徐州爲予卜一野居

何意玄亭客猶懷絳帳來曳裾辭幕府招手問琴臺  
春雪融城濕天風縱騎回卜居因送子預擬酌鄰杯

石雲居  
詩集  
卷之一

過曹縣安陵主人匿他舍作此

停車如谷口投我足音希道路疑明月風塵賤素衣  
問奇誰載酒看竹不開扉自愧三陳傳占星動少微

圮橋懷古

頻夢圮橋水春來曳履東誰從赤松子不見黃石公  
麥浪連淮澤商顏帶漢風如何孤館夜能不咏英雄

贈東明陳生

吾家傳令德子復似元龍結客多湖海論功在鼎鐘  
不爲生產計肯羨徹侯封絡緯停婆婦憂時列野烽

崔鎮夜坐示友

河上寒如此應憐同舍生村荒多破甕風苦半昏檠  
書以窮愁著名由怨毒成幽燕慷慨地漫作不平鳴  
宿遷詢東路可行遂發郟城將見蔣楚珍兵憲  
爲問驅車路應隨老馬行空囊猶避賊絮帽亦稱兵  
錦柳遲春綠巖雲入望平憶臨郟子國使節擁高城  
發樂城

朝起皚皚雪先驅陌上塵疎林藏板屋征鼓出輿人  
花蹤行馬跡風翻宿鳥林悲歌多古道到此喜農春

石雲居

卷之一

三

兩過新樂觀題公署者有述

城郭兩作客每咏貴卿題木石經吹雪龍蛇競印泥  
驚鳥猶有曲旋馬亦堪棲定夜聞鐘鼓鄉心逐遠迷  
琉璃河觀壁間舊題有感

絳繹到征塵予途舊館人幾番忤作草每見獨傷神  
忍訴懷逃楚締交感泣秦仇深荼苦日猶未乞歸身  
顧修遠唐采臣悞孝廉試期送歸梁谿

藉爾千霄劍來爲入座珍畏途遲馬策棘院悞驚春  
玄霧方窺半青雲僅隔旬梁谿歸獨立莫擬是沉淪

麻城劉聖初至曾爲書其家傳

容有叩門者云爲楚故人相看奇服改忽使舊交新  
作傳何須米論交似飲醇采風江漢上蘭芷結芳鄰  
吳見末史子佩狄文止諸君下第

素擬多愁賦况逢花信闌上林枝未借下第路尤難  
戰國希耕牧流離減飯餐言歸重握手易水忽增寒  
次石庵過奕詩

自予行萬里何忍說忘情風雨惟朋友星辰况弟兄  
移文分鶴怨待詔共鷗鳴無限田園事偏輸縱石枰

石雲居

卷之一

四

其二

伯仲吾家勝相看誠怨仇江淹空有恨平子漫言愁  
短髮問青鏡強顏敝黑裘聊將松石響坐隱至新秋  
試得程其相卷志喜

洵是龍眠客觀時但閉門嗣宗絕臧否叔度有淵源  
射策凌雲氣編書照火垣鳳池清切地曲學戒公孫  
過謝寤雲都督

招我過潭府天風滿谷聲品書停落子讀雅續由庚  
睥睨東方騎超搖南郭生要津遊更減相見擬班荆

送金孝廉歸姑蘇

綠樹初成葢歸人帶野雲豈須貽錦繡真可贈龍文  
日色迷誰賦天鷄辨不羣河流青鵠舫仙望莫如君  
寄湯道木先生

靚靚滯風塵誰知海外人舟行南北極教異釋玄身  
六合猶堪論十洲尚可隣漢廷太史令定曆正星辰  
吳中周子靜至言懷

捷戶募林阜還車我不勞忽傳采苓子來聽倚蘭操  
梳篳從時廢僮僕畏客豪相迎真故舊猶不賤功曹

不雲居

卷之一

五

伏枕久送二林兄

倦懷憑獨臥強起惜離羣書寄三秋水官分五色雲  
槐堂尋鳥篆瓊席布鴻文莫訝公孫老經明佐相君  
送方吉偶令獲鹿次姚若侯年兄韻

自負知君早看花逐好風應躋芸閣上反隸簿書中  
騎馬猶儒素隨車有化工肯令循吏傳不與穎川同  
其二

爲儒不爲吏安用讀書人雅奏春生樹仙風履絕塵  
盤餐供赤子佩帶感王臣莫謂花封小徧生天上春

其三

秣馬恒山郡懷人夢未安西峯浮作黛大道曲如盤  
莫厭烹鮮鼎誰能穩釣竿商歌應作相吟轍路湯湯  
其四

仙舄飛北斗送子倚闌干蔓草當門刈名花種野寬  
歲時平社宰飲食進農官好鳥翔庭下匡牀書自攤  
其五

騶從今朝發遲遲爲惜羣雖叨三輔地仍望太行雲  
星十占郎位兒童逐使君循良真足恃息戰謝將軍

不雲居

卷之一

六

其六

長安誰謂遠祖道卽鄉關欲折垂楊贈思君聽鶴閑  
訟稀文不害吟發管須班好寄民謠曲雙魚起病顏  
前步行東明再過有感

徒步關河雪傷心歲月更再來春樹裏已見桺條生  
驛路迂鷄屋風帘隔雉城依稀懷壯縣報道是東明  
趙州觀宋如園先生書

擁傳來平棘寒帷沒水流題書鴻是戲懸覽馬頻留  
種樹宜春圃開花近水樓人家離亂後猶說廣平侯

寄王德庵

春驛剩餘寒驅來行路難欲從君執手豈爲我彈冠  
恭敬同桑梓容與佩芷蘭都亭車馬過相憶不成歡  
姚劉兩太史至我樓中初月

樓中過二妙溪語夜窻虛豈有斜封墨惟懷正字書  
東方饑欲死上客出無車明月城頭起光輝願似初  
其二

誰設邀賓騎仍留過客車安危公等在出處我何如  
江渚遵鴻雁秋風感旋好白頭無棄置看報長卿書

石雲若

卷之一

七

謝寤雲馬蹶折其齒適被命放還示二詩我率

爾和之

雨久繁憂集吟君墮馬歌空羣猶有失切恨已無多  
李耳柔爲誠張蒼老更配休官如野逸玄術叩如何  
其二

山河煩指畫嬰鏢幾人存老不翔雲步寒將嗽石根  
唇訛真是態舌在湯同論沒齒君恩重驪駒已在門  
李舒章來詢報國寺就詢雲間同學諸子

問子趨京國猶疑行路難不辭當赤日已得住青壇

巢鶴松多怪吟龍樹更寒翩翩同學侶誰作故人看  
謝寤雲書報風雨頽其屋兼示新詩

誰似君同病猶頽風雨軒哭黔薪泣火麥漂日遲餐  
未厭池塘夢先成屋漏痕新詩秋夜月愁絕不堪論  
袁雅儒將軍來牛首山爲予卜先世兆域

偶輟翹關戲來爲天闕遊青囊識龍耳紫氣自牛頭  
能使山川語當茲木葉秋芒鞋如鵲舉萬里倚雲流  
館中朝雪時有喪子之戚

虛庭初積雪朝起印鵲行未許同高臥何如事遠征

石雲若

卷之一

八

凝寒生戟樹舞絮窺雕楹更痛新殤子延陵禮未成  
泗上單臣素來長安館中夜坐

浮雲生漢里游子慕燕臺尚有官如客相逢數舉杯  
六書侵雪蘭孤劒落寒梅每咏琅玕贈問愁今夜開  
送袁雅儒守備

少壯憐文采今操幾石弓留侯如女貌叔子帶儒風  
入幕眞爲客籌時不負公滿庭知姓氏蚤晚節旄榮  
送單臣素歸泗上

玉署交霜雪蕭蕭短騎歸關河溪野望車馬雜塵飛

素素心相贈朱絃手更揮南陽高尚往漁父問津

館居湯題

我已廿如水朝來不蔽風名山宜著史虛谷漸成翁  
蝦羊寒爐火烹葵廢酒筒守貧誰更密投分古人中

其二

若比瀛洲勝寒風動遠波魚龍今寂寞仙子正婆娑  
奕罷鳴凡鳥書成愛衆鵲此身常負愧但不減山阿  
署中落葉

朝來馳馬去我意盼庭柯獨坐臨風處深秋落葉多

石雲居

卷之一

九

書床曾積柿石檻正牽蘿靜者觀無極悠然發浩歌

李舒章中翰以親喪未歸有人言賦此慰之

獨慕雲間鶴偏留患難餘平生當上坐文學在中書  
搔首悲談虎傷心泣寄魚書君歸未得誓墓久成廬

其二

君生不得志父死敢言歸國士從黃閣山人着白衣  
官鳥驚共集樞馬怯難肥捧檄能辭檄陳情泣頌違

其三

只擬相憐衆何期積毀來蛾眉真絕世駿骨反成駘

千里風吹樹孤身雪滿臺有官饑欲死漫作絕裾猜

其四

悲風朝不息疑是涉江初共有思親淚兼聞逐客書  
滄桑當幾變豺虎正看除天地吾徒在客人備毀譽

思劉雪筠客死景陵

良友成飄絮沾裳只念君幾年魂夢隔真是死生分  
賣藥歌朝露紉蘭泣暮雲況予離亂後尤痛老修文

徐固城過五雲堂談邑中倡亂事

茶苦誰相慰蘭交一再過所言離亂事但有故鄉多

石雲居

卷之一

十

持挺橫青豈撰九痛蓼莪若能逢漢令壯士設三科

寄覺浪老人

藉爾作長林冷冷發妙音雨花萬松頂智慧六朝深  
江月時來照秋聲何處尋天親住蘭若應念未安心

寄呂霖生居長干石門限兼詢雪葉諸禪丈

有客來南國幽棲花雨香石門原是鐵秋葉淡初黃  
聽梵同僧飯行吟選佛場遠公招入社念我白雲長

贈友人娶妾

豈有金爲屋應憐玉是人徐娘雖老去絳秀正家貧

良夜三星燭明河白羽輪凌雲司馬氏意氣白頭新  
金聲弟至長安

常疑消息遠忽到泛河流慰我家如故蕪田稻未收  
宦貧難減食客病易悲秋兄弟天涯見母吟桂老愁  
王覺斯宗伯招飲卽贈

便擬園林飲花茵不待筵論文登大雅稽古著先鞭  
擬有天台降知從玉筍傳日來瞻斗宿此會應當年  
其二

尚有王夫子文章屬眼青能窮天上酉似鑿蜀門丁

石雲居

卷之一

十一

醉我開醇酒逢人贈德星寄身寥廓表不羨五侯鯖  
送謝寤雲歸里

只如歸里客莫作逐臣看雲樹供虛籟沙棠載側冠  
謝家山漸近齊俗路何難秋日真圖畫忘機衆鳥寬

史裕民先生居禪寺二十年

誰似長年樹童童立雪深有人候累葉選佛客空林  
鄭里黃巾避陶公白社尋門前橫古渡鷗鳥不關心  
生日以病不赴席諸先生再招謝之

我生真是累多病更難除何敢邀嘉旨仍來慰索居

尚書懸北斗學士列中書數鵲溪相念交游世莫如  
與卓心一編修對月

忽來金馬客共作渚鴻吟草木多黃落音書久陸沉  
馬蹄秋水潤蝸角戰雲深一片長安月蕭條萬古心  
送弟金聲歸江南

日有征人山何堪送子歸濃雲將作雪薄絮不成衣  
馬首瞻殘堞鷄聲度草扉此心同客路未得采山薇  
其二

蓬戶歡朝暮誰能挾策旋巨魚偏縱壑好鳥不投弦

石雲居

卷之一

十二

蒙有平安字官無贈送錢臨岐語不盡但囑守荒田  
送周子靜太守子靜

名郡稱周服看君綰綬行油車高特賜神鵲卽能鳴  
既貴甘粗糲爲廉惡送迎十年聞衆教慎莫負平生

喜兒掖臣將至長安

朔雲愁客路漸喜近桑乾愛汝常加膝成人未醺冠  
鄉書千里發征騎相見無他問松門落淚看  
送同姓州守

風發鳴騶去吾家贈一言愛人非夏日入境有春暄

耕鐵除田弗揮絃。儘野餐。獨行棠樹下。無處遇盤根。

其相館丈過我得江字

陽節過君履。從容問北窓。論書看戲海。作賦漫傳江。  
絳帳誰居末。黃童未可雙。梅花移白屋。清絕不相降。

泰州徐慎履至自豐潤移任長沙

病懶疎門鎖。傳名茂宰來。郎星初傍斗。子月又移梅。  
珠玉揮絃奏。圖書載騎回。長沙應借汝。卑濕自今開。

哭李舒章中翰

白馬悲鳴處。朱絃斷絕時。總因才子盡。不見建安詩。

石雲居  
詩集

卷之一

十三

鴻草埋溪雪。龍泉泣故帷。修文天上召。多是李家兒。

懷江南禪寺諸友

燒燭當深夜。浮博憶舊年。石門依佛地。雪履聚寒瓊。  
肉食真堪鄙。清齋自可憐。今番生太瘦。高咏不成眠。

二十四日

一年當此日。臘祭析勞薪。隨俗陳巫史。無言泣鬼神。  
嘉平傳帝學。黃白待仙真。湖海能除未。翻憐歲事新。

勉掖兒

我已功名悞。蹉跎媿壯夫。望兒能學道。與古實爲徒。

莫讀金銀字。應觀山海圖。垂雲摩造化。豈肯集枋榆。

與其相編修談星命

秋窓遠俗駕。君挾枕中書。當世皆星斗。私心問太虛。  
簾垂嚴氏老。筮卜楚人餘。若有無涯智。行藏只自如。

成青壇諸同年遊西山歸過我談其勝

怪不驅塵馬。相逢說好山。翠微連紫蓋。石磴渺雲間。  
中使猶松栢。桑門尚往還。來青樓莫上。愁見野花斑。

其二

尚有看雲處。飛塵不到山。樓臺盤御府。金玉瘞人間。

石雲居  
詩集

卷之一

十四

泉沸松根瘦。鷄鳴草壑閒。只疑秦漢客。未斷問津灣。

喜雨

積塵風不掃。毒熱雨初涼。綽約水綃子。爲歡藿食郎。  
驗生滋種樹。灑潤薄沾裳。若肯呼天目。兒童乏水羊。

喜晴

人意皆如是。新流莫載塗。果然鋪曉日。不使坭金車。  
火令將秋息。雲根共野舒。有年關國政。此後豈勝書。

雨中張玄卿過話

何必聞家信。君過聽雨牕。居官同絳帳。謀野憶滄江。

亂種淳于穀精修居士幢幾多塵俗累終是不能降  
生曰思親墓

蚤歲親庭祝懸弧志四方及今徒捧檄不敢學稱觴  
馬齒增窮餓魚腸廢慨慷今朝松栢樹遙睇正蒼蒼  
伏文止過我

譽子過鄉曲惠來歡我心秋清妍筆扎官冷比山林  
半菽餐堪飽三年袖有金何時懷使節補上道州吟  
家書至

鄉信防秋滯到來增我思虎冠行市上鴻羽漸天涯  
石雲居 卷之一 十五

水溢栽種陸山饑采藿黎猶然書樂志揮筆謝公池  
王覺斯先生爲家舅書晉帖時將歸江南

疑是仙人過憑虛贈白雲天瓢驚兔穎玉筋戲鴻羣  
詩老兼摩詰書神比右軍渭陽行李薄添得送窮文

慰袁雅儒將軍

我料君艱食淒淒苦一官勞心飛濕酸落木助清寒  
刀筆門如市金錢氣若蘭但持廉士藁何易說登壇  
元昭給假卜親兆志喜

誰謂君門遠還瞻帝座通陳情歸梓里收淚拜卅宮

莫治家生產先求氣鬱葱鹿馴松不觸蚤晚應三公  
送張慎初歸里

妙道生余色歸途切爾心最憐三月草總是一時吟  
白日驪駒動黃塵野馬溪梓桑真足敬種杏願成林  
丁亥除夕慰張慎初沈元子

猶記兒童日年除侍老親更承傳臘鼓敲戶折山薪  
且學家人禮何知要路津忽然成老大自愧濫朝紳  
其二

客從鄉里至慰我索居情湖海身難隱陰陽節已更  
石雲居 卷之一 十六

漸增牛馬齒徒負鷺鷥名一夜愁成老明朝白髮生  
贈湯道未太常

莊生六合外騶衍九神州自有先生至如同瀛海遊  
跳九分日月落葉定春秋溪蜺窺天管徒驚博望侯

曹子顧過訪卽贈

傳有江東客來投亂後書玄文應吐鳳青史舊焚魚  
須借上林樹難驅下澤車看君生羽翼顧盼動金廬  
王覺斯先生爲叔氏作書

初聽來公履仍爲叔作書看碑笥臥久拭几梅旬餘

墨潘猶成竹毫端若縱魚不知馬巷客何以獨華子

其二

肯讓公卿貴仍多爾汝交揮毫真獨步狂草漫相嘲  
此日成河朔何人送酒看定須金易字變服到僧巢  
喜若侯年見典試山東旋

携有盈車贖孤行烽火中先驅希負弩間走避彎弓  
落日沙昏雨荒塘烏泣風豈知文弱子總不畏途窮  
獨坐

獨坐如溪隱何知撲面塵友生皆問字童僕漸安貧

石雲居  
詩集

卷之一

十七

愛酒陶元亮逃名鄭子真豈殊山吏部猶待乞閒身

除夕

數恐流光邁紅燒白髮多不知人慷慨翻似舞婆娑  
賓客皆吾里盤餐酌叵羅只憐此夕去獻歲又如何

除夕同默公

桃符初在戶竹葉正宜尊同客懷龍杖殘年惜鶴軒  
墻頭呼過侃座上醉留髡如此當除夕混忘少弟昆

元旦早朝

寶曆春正月通圭介萬方鷄鳴猶爛斗象舞爲來王

紫帽揮雲錦黃旗引戟郎老臣三頓首願祝治垂裳

程其相移家長安志喜

太史官爲宅何知生產貧闔家依闕下脫粟待嘉賓  
寶豈是牛衣泣應看象服新春來燈火樹移住錦城  
郊

公車多被盜

頻問南來信系乾路若何公車猶載贖豪客不銷戈  
欲乞長安米偏逢戈者羅載師增戍鼓袖手舞婆娑

送默公通州

石雲居  
詩集

卷之一

十八

春雪融官道征衫試薄游豈非燕趙地仍是帝王州

獵騎衝沙暗巢烏掠水浮采風頻寄我或有富民侯

慰金豈凡司馬時有喪子之痛

何以傷心事春來與我同佳兒成死別薄命怨途窮

真是過駒隙無山號聖童老年爲父母盼盼夢魂中

喜張玄卿至

小隱歌春廡難驅老馬行一朝如水署重晤棄繻生  
塵雨沾書麓紛華謝履聲幾番良友賦久不向人鳴

其二

一遇張平子能令愁思開定儀分玉軸作賦冠金臺  
暮蘭名相似如雄薦可裁百年興禮樂親見魯生來

爲九兒延師

拙宦無家事開蒙減愛心經傳惟老宿教誨在沈溪  
嚴父何容杖佳兒貴捨陰德星先世見此日少黃金  
過呂錫馨禪居得其詩讀之錫馨適至

騎馬垂陰樹尋君到石堂鼠行疎佛火虫蝕見禪荒  
偶坐花飛簾高吟雪滿梁欵門驚野服不似少年場  
王子陶作司馬青衫傳奇

石雲居

卷之一

十九

誰使青衫淚年年著客流南岡佳子弟北地集名謳  
豈獨悲商婦仍同笑故侯琵琶千古曲莫指在江州

其二

秋半流雲處歌飄駐短車巧移山谷響填作亂離書  
燕語樓樓晚腸啼化蜀餘至今秋瑟瑟蘆荻影寒漁

清江藩進也

霜雪下河干游從不畏難慕仙非秘戲求友結神丹  
老更聰明出貧偏夢寐安淹留同隱者竟似小山寒

其二

這道貽魚素何如跋跬來相知無許史所契是宗雷  
滄海黃金變丹房絳戶開神仙多伴侶欲語在寒梅

南牕有枸杞鮮好異常採而食之

天市桃符換南牕壽草存紅鮮得枸杞依傍在龍門  
真是方平饌何殊君子餐靜觀當採藥談笑躡雲根

又與默公

歲事歡人意何妨徹夜吟兒童爭作隊衢路更如林  
伐鼓催春樹飛花艷斗心君來遭遇好禮樂待朝簪

騎馬

石雲居

卷之一

二十

騎馬天門晚搖搖憶夜書幾行分亥豕有字食仙魚  
路過韓京兆帷開董仲舒通衢成委巷多半是柴車  
先驅馬至河堤遲友不至

豈敢着先鞭幽思古道前車聲纔過耳人跡正摩肩  
春到壇松靜花因岸柳鮮兩公遲不至願望相君船  
獨行

兼有林泉勝悠然我獨行春魚猶減飯衿鳥漸調聲  
醒酒安奇石浮舟亂網萍偶吟青草畔只在謝公城  
穆白章任子至

望知旅食久過我說窮愁官况粗相似人情未可求  
短衣蒙雨雪長缺怒公侯猶有生平慕重登百尺樓  
得爾公書

不見懷魚素何期遠道來狂奴仍有態名士豈無才  
言自藏山好家從避地回南州徐孺子辟召莫須催

送張中柱泛海

蒙詔驅山駕診予泛海便蛇龍雖闕窟豺虎尚行田  
石浪衝千里魚風拜隔年登州城下渡總是北來船

恩釋入部

石雲居 卷之一

二十一

石雲居 卷之一

二十二

有詔中書省憐臣積毀來虎行寧在市蚊聚不成雷  
天澤蘇春草卿雲映上臺殿廷仍曳股益愧是庸才

其相夜坐

喜有文星至從容問老夫東方徒食粟南郭濫吹竽  
薄宦寒如水荒庭月似珠幾年離索苦今夜對君無

送王生

不忍良朋去其如歲暮何羣山天畫雪遠樹鳥行波  
東道存瓜李西賓製芰荷逢迎非昔日獨往聽吳歌

卽事

益信移家苦翻如行路難烏啼峯日曉人立十星關  
滑拙窮山斧吹噓笑宰官讀詩何所見中有臥袁安  
其二

未即燒山葉應難沃釜塵火猶當曲突飯亦少勞薪  
稚子呼寒破蒼頭怨富鄰行歌吾自荅尚有亂離人

沈君過我

自喜居田野饑驅到國門逢人毋說劬過我且問尊  
陶令腰難折張儀舌尚存敬亭雲可贈肯望貴游恩

張慎初

石雲居 卷之一

二十二

以子青囊術何難壽世人長桑垣可見本草註偏真  
水火分丹宅陰陽候絳津府醫無補益老幼望車輪

吳伯揆附太史舟還嘉禾

誰可遜君去飄然及暮秋袖中懷我字河上附仙舟  
纔拭風塵目仍登煙雨樓凌雲歌絕調乘興到滄州

新安門人王生至

良晤真如夢孤身風雨來抱書貧作賈好我信無財  
子弟瑯琊貴公卿邸第閒忘情遊物外何異託宗雷

孫北海惠藥

良藥惟良友秋清惠我深  
伯休無二價思藐秘千金  
漸滌文園渴能移居士吟  
老來猶健佻不畏客來尋

雪下次潘進也韻

我未能高臥同人手一編  
臘殘飛積雪歲始應豐年  
披氈人難得乘舟客自旋  
結交須此輩不必遇神仙

約默公爲雪詩

紅棠初作詠薄暮亂飛花  
虛室生明月天街愛白華  
馬行泥錦濕鷄啄石衣斜  
何可無君賦梁園只漢家

除夕同默公進也玄卿慎初諸子

石雲居

卷之一

二十三

嘉平餘此夕相對似當年  
白髮非爲老青燈尚有篇  
一家元季在衆客卜醫全  
里社生平好天門更輾然

除夕思親

此夕真何夕悲心總不除  
江煙頽石路野燒響雲墟  
難聽烏啼木仍憐鶴報書  
昔年曾替墓隔絕死生餘

默公至偶成

素雪飛殘歲黃河改舊津  
偶來天下士是我太丘人  
月旦評無悞田園語更真  
夜深燒絳燭雨不厭清貧

送王在新入館司農

誰不居王後翻爲六館生  
田荒修汲綆旅困愛書榮  
遂入司農館非徒下里鳴  
一編撰委宛風雨聽鷄鳴

送宇亮南歸同張完真中丞

客心如鳥翼寒月向南飛  
不市黃金價仍披白雪衣  
書生疎劍術戍鼓亂柴扉  
賴有中丞節能令盜賊稀

其二

里巷如天際我欣君早歸  
學山多閉戶謀野漸忘機  
稅不煩官吏遊能簡布衣  
寒來春酒熱獨酌昨何非

移居與劉潛柱年兄奕

石雲居

卷之一

二十四

未卽瞻衡宇長安又卜居  
晒衣鄰阮舍却老俗班書  
火騎銷冰蘭仙風走蠹魚  
手談當坐隱吾亦愛吾廬

夜宿弘濟寺

似入廬山社重過笑遠公  
鼓鐘聞定夜龍象老虛空  
滄海波皆息黃金地不窮  
天親無住著世上幾人同

客至

日覺墻陰老窻禽似海陽  
翻因烽火信深感故鄉秋  
衰草圍江宅新泥落謝樓  
秦淮歌舞罷月影玩江流

除夕思親墓

老大多傷遇予偏畏要津有官徒索米無日不思尋  
臘祭同千里年除隔二親蕭蕭松栢影泣語未歸身

與袁君飲仁壽寺

久不迎人駕持杯精舍中貴遊貧愈減拙宦巧相同  
沙雨塵青案春寒幔綠甃棲禪遊物外何必問窮通

寄沈眉生徵君

獨憶題詩處南岡一送君名高宜避地身隱不須文  
七里投竿瀨九峯降榻雲仍貽余尺素總是惜離羣  
送周元亮方伯南歸過廣陵

石雲居

卷之一

二十五

征騎騷騷遠思君一再留雖緣朋耐久尤重宦如遊  
天市搜秦漢文場薄應劉廣陵多竹馬仍迂富民侯  
慰王我涵大將軍

幕府逢君日披裘聽雅歌却憐功蓋世竊歎客張羅  
我馬肅猶昔非熊夢若何餽餐動自愛蚤晚聽鳴珂

太姥山送袁雅儒

千里君從我三秋我送君難將滄海淚流作故鄉雲  
覓客通風俗依僧避見聞何時天下士談笑解吾紛

晴日

晴日偏宜客無衣可耐寒漸離當路險且進故人餐  
驥足思千里鷄聲度五盤浮雲終不蔽析木是長安

覽鏡見白髮

我自甘辛苦霜寒任所之忽令顏面改不使衆人知  
豹隱依山霧鴻飛擇水涯向來增白髮今日政相宜  
過麻城竹家寨爲夏姓戚者詠

已陟前山去仍從曲路來到門驚至戚拭涕勸行杯  
世亂予途難村荒衆莫猜慙計資斧何日指金臺  
其二

石雲居

卷之一

二十六

楚諾如金重吳蒙向浪遊姓名深自匿骨肉喜相留  
加飯牛羊暮縫衣鴻雁秋我行頻策足不敢擬虛舟  
固始道中

自愧飄零客朝來踏雪泥壯心同老驥戢羽似連鷄  
怨毒于今甚詩成不敢題遙思上林樹春發許重棲

渡河宿張店

爲避舍沙泉孤臣萬里來網羅非不客名姓幸無猜  
暗渡黃河雪寒燒子夜灰君門如故里傳臘卽春回  
曲周觀半舫先生獄中示孫卷愴然而作

荒塗寒更苦。主我是通家。數世憑風雅。殘冬對雪花。  
何人端下石。有鬼善含沙。曾史名猶毀。呼天更自嗟。

其二

開卷成於邑。看來淚作詩。乃公思鶴唳。似我惜鴻儀。  
新息猶傳誠。僧虔肯廢規。兩家當戶子。孤苦正同時。

其三

河山方極目。愁髮漸成翁。誰見烏頭雪。空憐鴻爪風。  
上書無少女。去國有終童。何日披雲霧。鷄鳴滄海東。

其四

石雲居  
詩集

卷之一

二十七

對君銷永夜。何忍聽悲風。世險蒼蒼怒。孤臣黯黯通。  
龍門傳客趙。膺黨識兒融。偏是流離日。長歌獨渡同。

贈蒙城許德長

我愛高陽子。來爲百里侯。種花銷政虎。候律報春牛。  
刀賣人畊野。琴鳴月照樓。鄰家常借火。薰作太平遊。

拜張年伯墓有感

纔賦長年頌。來過拜棘門。老人星不見。季子劍徒存。  
落月虛傳額。悲風度遠村。定憐今日事。仍是托前恩。

立春人日見雪

曉見恒雲起。青旛舞雪花。土牛宜有歲。綠燕各爲家。  
祖臂聯衢路。歌喉度狹斜。人人當此日。春餅雜芹芽。

其二

每思河朔飲。况復遇辛盤。巷戲黃金勒。花園紫玉團。  
客星同曼倩。人日近長安。最愛嶸州雪。廿分當戶寒。

真定諸子從予學

尚有較書鄰。相招載酒醇。朱絃寧向我。白壁漫投人。  
武庫森玄圃。文昌戴紫宸。談經良不厭。何必結通津。

見萬茂先榜書

石雲居  
詩集

卷之一

二十八

君死維揚日。秋風泣數年。遠行當落木。反得見如椽。  
靈爽干雲漢。文章瘞墓田。若知千里友。過此更深憐。

歐潭始得舟行

獨行六千里。今始一登舟。稍息風塵苦。應如夏屋遊。  
廻溪啼宿鳥。落日飯歸牛。村背圖回吾。何悵暮秋。

見霜

曉起霜如雪。林臯入畫圖。雲飛玄羽鶴。樹遶白頭烏。  
物候全離合。人情半有無。願持招隱服。長揖老農廬。

荅俞善長

何處憑春鯢飛來天末書故人無恙外問我再生餘  
飲水名偏潔登樓氣未除讓君能自貴草野曳輕裾

寄詢閩大

泗上雲初起思君對杖藜上書浮脈次拭劍過棠谿  
所與誰鞭弭孤行况鼓鼙昔年稽古地聞有夜烏棲  
與默公

名士真難得同宗爾最賢布衣交將相文采應星躔  
絳帳扶風學玄書弟子傳吾衰多白髮對坐一欣然  
送王宗伯祀秦蜀諸山

石雲居

卷之一

二十九

連遠塵如馬前旌歷亂青祠官經上時燎火望西亭  
太華連開掌峨嵋雪作屏都爲公所賦使者是文星

家居卽事

高枕真難得行吟又若何種棠揮石土狎燕綴泥窠  
未煑青精飯難畊白玉禾南牕微雨到洒濯舊庭柯

過孝升構花欄

無限名花谷主人相問非偶來尋故舊一往落霏微  
綠滿葡萄玉紅生錦繡園老僮毋久潤暑帶傳鱸歸  
贈王調梅戶部

招我烏衣子都亭有谷音一官錢穀重百里水雲溟  
竟日毋留輶臨風獨愛簪知君明月署滄海對微吟

館中雨贈陳生洲前輩

同爲金市客又接玉堂茵四壁憐飛雨三秋賤要津  
名高因道廣星過識車轅江里稱宗族悠悠較獨親  
贈范勲部

嘉樹列繁陰悠然對子吟明堂吹協律秋水照披襟  
徙倚征鴻健權奇老馬深刻期銷戰伐相結賦雲林  
其二

石雲居

卷之一

三十

何意黃金市偏逢同舍生一朝書滿棟十日味張檠  
肅虎真無伎雕龍總未成與君商著作風雅變新聲

憶王清遠

祖道多車馬君行亦壯哉盤鴉多豹袖飛虎半龍堆  
旌節濃楊柳聲名沸草萊溪居徒遠望都在潞河隈

張子任邳州守

愛有堂如水偏逢客似龍凌雲高海岱倚劍學芙蓉  
馬跡民迎竹鶯歌路隔烽吧橋清靜治重見老人蹤  
送趙侍御之蘇州

送子臨江國新秋馬步工不須仍漢佩自許變吳風  
倚劍青雲動登高白練同肯令旁午使但畏指飛虹  
八月望後大風館中寒甚

正憐秋霽色風起雜雲飛牧馬葡萄盛征鴻稻黍稀  
天涯聞變微帝闕動高睥竊祿寒如此應懷未授衣  
其二

萬里征雲起秋風白日來如何君王署亦似上高臺  
鵲舞翻無定鷄棲漫自猜敢將勁草意獨立待春梅  
龍吟澗託言相地家醉人詢我青囊諸書

石雲居  
詩集

卷之一

三十一

卽恐舟移豎誰知使應星醉人詢國語博物識山經  
管葛隆中臥阮劉市上醒古來多寄託我獨異飄零  
聞街鼓

金鼓喧喧暮千秋尚有鄰土風欣漢壽里社拜天神  
雨歇鋪雲火泥乾踐錦茵關門無所見愧不是閒身  
邑子來

出門良不易遠道訝君來馬足何由策鷄聲幾度催  
土床繁客夢銅鼓亂譙臺翻恐鄉書達憂讒漫舉杯  
雨後

小雨仍聞霽風來薄我帷攤書收異響選筆辨烏絲  
未學南華放甘同名士癡連梁新語燕飲咏與人宜  
有感

驚沙何自起薄暮尚紛紛紫燕棲難定青蠅亂有羣  
杜陵吟破屋江上被浮雲風伯誰能訟天高一聽聞  
六兒生

常憂門戶薄今有六男兒佳客間啼至登堂作喜詩  
弄筆無錯寫題鳳更逢誰我實安天分渾如萬事宜  
心田招同甯院長飲間歌有作

石雲居  
詩集

卷之一

三十二

揆菊宜成飲招子過德門幼安先共席文舉又同尊  
絲竹留雲族衣裳動玉痕何如離下客唱和老人村  
寄黃明野

聞道携筇杖登臨倦未忘老來過白下爲我述青囊  
天闕秋如日江干露變霜囑君能作客強飯住南岡  
荅張完真

百戰臨山左田間不畏兵雅歌真老將緩帶似書生  
輝輝周師動蕭蕭漢馬鳴猶能揮尺素寄問我同聲  
七夕

天上傳今夕秋星渡絳河那知驅鳥鵲亦可免風波  
耕織期無悞悲歡事不訛有人甘守拙獨立盼庭柯

過湯道未園中

偶歇紅塵駕僦夫徑入園高甍飛水注佳樹待風翻  
玩日圖書府占星問閭門逢君十萬里何敢傲方言

仁壽寺樓上

我慕臨雲嶠非山亦上樓金容開象教鳥性悅人游  
甘露翻如雨初衣更耐秋幾時香飯侶添一老滄洲

宋轅文姚若侯過我因書仲長統樂志論

石雲居

卷之一

三十三

客到旋春粟官貧可共餐名山曾有約知己又何難  
陸起龍蛇跡秋高鴻雁翰偶書樂志論朝市與誰看

寄王覺斯以招飲不起

豈有公招飲猶然懶出門病餘搜藥物坐久根  
布局樵爲友攤書蠹莫存陽春兼楚調留作雪中論

與友人

里社人相慕長安更可親清談消酒短褐傲懷珍  
老閱艱難事閒看風馬塵近來無石隱筆扎半言貧

蔣赤臣甚近夜一過問

居停欣密通信步問吾隣言自黃流水分來海上津  
舟輕無盜賊官小易清貧所慕平生友如今一二人

同周農父張慎初過赤臣所

吳人真習語既見喜何如霜滿洞庭橋寒携淮上書  
應門猶舊僕薄宦易安居朋友天涯好皆爲冰雪餘

於野園送德軒方伯兄南行

茅屋客高趾輟車遙遠行官爲方伯右親是相君兄  
寒帛書鴻陣田沙咽馬鳴更愁江上水浩蕩幾時平

象碧山過我談塞上

石雲居

卷之一

三十四

驚有將軍貴能知處士貧買貂披布服瘡馬步通津  
生有封侯相天留養客身一官何擇地塞上亦吾人

張慎初病嘲之

誰不從君藥寒來病亦侵侵苓雖自備枯槁到如今  
老僕供爐火貧交欵道心羣醫應長價莫向伯休尋

偶詠

翻欲遲風雨晴秋亦閉門何人携酒至有客著書存  
湖海遊垂老疎狂賤感恩黃花被徑路獨對自寒溫

寄劉慧玉生日

都喜逢陽節君尤布壽筵賜羹先致母秘枕不求仙  
粟米權劉晏盈虛衍計然有才資世用勤苦得長年

過曹子殺學士所聞歌

問子知尚借子習隱溪唐猶有筆山水豈無琴  
酒伴祠焦革禪徒挈道林吳歌隨意發何必問知音

南題

不敢枕書眠南窓似昔年燈煙成帳墨麓草雜芸編  
懶散從時怪儼寒倍我憐曉來常曝日不許野人偏  
山石峭起成帷寬廣畝餘洞有隙可入寒以石

石雲居

卷之一

三十五

成桃源矣

不信桃源路漁人便可尋我來登太姥忽又得嘉林  
鳥怪峯頭語花流石上心利名多捷徑到此更幽深

慰慎初

水火藏真宅多思百病生若能無我相何必問人情  
雲霧修蛇遠顛崖怪獸鳴尋常間見事劃破老愁城

與友談吏治

每讀循良傳今人遜古人功曹無選擇即吏豈星辰  
拜爵爭言富居官實耻貧朝廷思保障此輩負恩綸

聞徐回城死家眷來都有感

君行成永訣僅返一家人羣盜無天日窮官作鬼神  
夢深秋水岸月苦屋梁塵莫漫悲幽絕從無不死身  
程其相奉詔還

寒日多鄉思君來滿袖昔陽侯頻歲怒大猾幾時除  
藜藿披山谷桑麻落野墟文園著書客渴病似相如  
呂長音奉詔江南還朝有述

尚憶文星遠旌干忽到門幾行天上詔一路

聖人恩驛騎衝山岫寒煙下日村采風流涕處應逢

石雲居

卷之一

三十六

九重尊

夜讀劉年丈携酒過小雪

愛子深夜讀有酒比隣來猶是南山蕨如逢北海杯  
蟄龍眠雪窩炭獸熾寒灰乘興當年客何緣鼓棹迴

得東鄉艾子書

誰似東鄉子流離肯讀書仲淹傳父業司馬續談書  
吾怖猶河漢人驚過府居風雲天不息早晚應飛魚

二十四夜呈四舅父

燭燭聲何寂蕭條此夜中敢因老婦祭相送太虛風

飲食多麤餼役苓未滿籠古人同况味猶不及王通

張聚子彭哲人兩孝廉至爲竟日談

瀨上孝廉船飛來值小年開尊銷竹葉穿火煮天泉  
漿集后入後車携漢牘前忝居密勿地何以薦羣賢

松亭客無相問者

何必尋漁父桃源始問津開門吟鳥熟晏坐開鷄馴  
衣服從王制文章學聖真西山常眺望或有採薇人

高大將軍至松亭

尚有將軍重知予一放人樹萱增樂意疏石代通津

不雲居

卷之一

三十七

書借惟莊老名藏亦主臣相關詢飲食吾道勿言貧

石亭去石峯

何敢耽幽壑君恩早賜閑鳥啼花不去門帶草常開  
延爽來虛籟投杯醉老顏平泉新作賦畏見割愁山

湯君謨孝廉過我

十載論文友重過竟老蒼關心籌飲食好我示周行  
富貴知無術神仙未有方鳥來喧石樹疑是午橋莊

吳見未登第

少壯馳駒隙今番見雁行君猶能奪幟我更出何裝

黃雀依峯樹丹鷄叫石房儘容高臥足漸遠是非場

吳見未登第一詩代柬

君老真如壯公車牘數千揮毫登上第同輩讓先鞭  
梅浦珠移月瓊堂杖吐煙久爲人所重意氣過金錢

李文孫告予歸漢陽予止之詰朝登第喜爲一

詩

期我青顏柳云歸贈弟兄淹留真有益姓氏忽相驚  
春樹遲鞭影官花拂素榮傳流江漢上從此信平生

王館吏來松亭

不雲居

卷之一

三十八

庭樹繁如野何人掠一亭鳥啼初舞絮魚戲偶潛萍  
濁酒生翠醉清風到獨醒陸沉金馬貴惠顧老傳經

史枚公至枚公爲史侯家

君一來都下高談酒數升計然家有術郭解世無能  
意氣輕年少支離笑樂丞經明登上第猶是舊瓶稜

送周子靜使君之青州

驛發濃陰館征塵載道看滌泉初作守攬轡又之官  
昔快吟桑柘旌旄慰考盤青州數千里此後路何難

其二 子靜善書

每愛君操管嘉林坐臥人備兵新下令游宦更驅塵  
嘯諾開蓮幕歡呼動草臣公餘山色好圖取寄來頻

其三

曾共長干社花飛語定隣今番風雨思果是老成人  
青葢濃山館玄花潤海津管年琴與鶴携在幕中賓

其四

晏坐懷知己松亭已到君如携千里杖看到萬重雲  
海鳥鳴桐木隣鷄下石羣何當揮手去輕薄正紛紛

其五

憶吳中池塘之遊

石雲居

卷之一

三十九

載酒山塘世飄然臥紫綃達人居仕宦海上獻風謠  
鳥篆尊前結鶯花雨後調使君仙館客總不厭菟苗

其六

錦鑾遲野外憶坐翠微林僕吏清如画圖書積比金  
塵飛河漢雨棠長里門陰知爾爲廉吏何須激濁吟

送農父入豫章

每思河朔飲忽有豫章行迂怪仙人樹高標孺子城  
西山濃任雨南浦淡流萃真好淹留處隨呼老步兵

其二

君才無不可且作幕中人起檄飛橫草撰籌叱斬  
朝無藩鎮慮客有少微隣若踏匡廬頂游浚洗而塵

何明瑞明經試第一

殿閣明經試居然第一人公孫應任相司馬未爲臣  
傍發驚河漢名高近斗辰布衣文價在今始綰青綸

虞文學探親長安

昔是蓬門杖今登帝里臺風霜仍舊懷抱借金鞵  
益老談天學安貧濟世才望衡相對語襄漢德公來

再贈虞文學

石雲居

卷之一

四十

臥起看雲路推占日有車自非開骨肉豈易踐京華  
旅食良田黍神怡甘谷花公卿推上座莫信是生涯

雨中懷鄧元昭蔣虎臣諸子

不知相見樂一月始凄然况是多風雨何由慰我前  
勞薪黔舊突薄紙漏炎天詩思今來減言愁更幾篇

送陶繩伯孝廉母喪歸里

愛爾貧如我相依只一身天何苦孝子家復喪慈親  
蹇足誰更僕鳩顏漫倚人植松丘墓上觸鹿自相馴

讀熊少宰集

何必論官爵方驚熊豫章著書年未老授簡客  
患難藏燈火親朋泣海桑交情兼至戚展卷意

贈石凝子

日夕懷鄉里流離爾尚存授書家有學安老世無恩  
秋鑑臨洮水樵雲破石門牆東真是隱誰與共溪言

王君蘭過我

疑君仍舊日貴游多及到松亭下真如蓮社過  
供賓暇頗怙聽鳥拂雲歌各有年來病江湖思若何

寄狄秋水水部

石雲居  
詩集  
卷之一

四十一

仙人河上去秋水照天津坐覺宜粗糲閑多狎賤貧  
著書如治地躬版不勞人贈我一端綺溪寒變小春

輓胡泌水

幾日疑風雨原來隕老人一庭寒似谷八袞道爲隣  
久慕王孫達應還玄晏真自君成委蛻此後少安貧

其二

百歲壽常事君何不肯留神完離疾苦發解斷春秋  
汗漫襄城野空虛般若舟但憐行役子惘惘欲何求

其三

每過談星命今年歲在辰豈知揮我淚果已及君身  
著易簾常下修文地有人更聞當易簣語語見天真

趙侍御過我

訝有鳴騶客霜風到面寒蘭臺真妙選栢府重長安  
負弩皆廉吏登車有法冠松亭何足問愛我一加餐

鄭叔奇文學以詩文見示

何嘗有此客過我賞奇文帷下江都相書成楊子雲  
高山桐刻露細草石留驢人物東南志持羔自不羣

劉潛柱過我

石雲居  
詩集  
卷之一

四十二

疲馬臨松谷知爲給諫君流言何自息尊酒且重分  
石老能枯蔓烏馴自倚雲不須王質斧樵破響山羣

送王芝三還江南

多患懷良友君歸霜雪中何妨仍戴笠不復問乘驄  
囊剩鷺羣帖衣兼雁陣風到鄉逢父老爲說夢江東

出城到舊居遇劉潛柱給諫孫孝則中翰

甘向城隅老仍過旋馬門客爲今日主我到一同論  
交久應無諱情溪各有根片時揮手去不願遇乘軒

至日郊壇陪祀

葭應登臺日齋宮望曉暉壇松添雪老燎火切雲  
樂譜青陽曲旄承翠羽衣聖人南陸壽侍從萬騎歸

贈陳百千

愛君持藥物可以起蒼生妙道垣中見神方肘後成  
火鎔凝絳雪石杵乳玄英大隱今方見消搖市上行

湖上

湖上添新事頻過歷翠微鳥啼疎雨歇虹飲斷雲飛  
波闊沈文石山橫結綺衣何緣車馬客都自禁城歸

雨後

石雲居

卷之一

四十三

雨後香林好風吹舞鳥前蒼雲圍十地青樹老諸天  
客問安心法僧叅無字禪若容添懶臥今古更相憐

夜宿玉堂

我自移家後重來又十年石防垂老樹扶落再炊煙  
白燕翻題榜青雲附蠹編少年頻過我珍重玉堂僊

白燕堂

有引

白燕堂者翰林之西白燕來巢因名焉世宗初年  
人文蔚起讀書玉堂皆是備禮樂之選天不愛瑞  
地不愛寶和風慶雲史不絕書醴泉出芝草生禽

鳥感異豐潔毛羽何其盛也今

上雅意右文歷厯顧問親覽多士之文拔其尤者命  
爲侍從宸游西苑與院大臣同叨恩禮豈非寵渥  
詞臣今古同揆與廼禁例不入直居待詔舊屋偶  
詢館中給事諸役求所謂白燕堂幸未頽然于風  
雨中也感而賦之庶常諸君或有爲五七言律者  
率能振藻標鮮彬彬乎盛世之英傑矣易口爲鳴  
在陰其子和之言君臣同德聲音之和應以和也  
以觀于今豈不足以召和而致應乎斯白燕之祥

石雲居

卷之一

四十四

必將有再見者當以諸吉士之詩爲好音也

其一

同舍昔爲郎曾登白燕堂好風吹碧落明月下昭陽  
投簡偏多客然藜更有光近來新社日却憶雪衣裳

其二

真不同凡鳥臨風潔羽齊天花飄素粉海署浣新泥  
遂與梁園賦都爲玉署題弘文今再見定到講堂西

雨來隆長寺

增愁思仍過祇樹林濕螢飛不定餓鼠步相侵

佛火歌雲浪僧鐘微夢沈何須逢智慧只此是安心

聞王子雲居廬山

聞道廬山下悲歌有一人秋風號亂木寒石洗吹塵  
梅谷妻孥老桃源主客真遠公開社後得此似佳鄰

楊弘景沈元子僧子蘭寺中卽贈

不厭伊蒲晚相看老樹東雨飛鐘磬發解悟白頭公  
彭芮兩表弟來松亭詢家卽事

松亭遺一老猶見故鄉人寒雪廉峩獸春冰暖赤鱗

石雲居 卷之二 四十五

盤餐多菜甲交友任參辰稍慰平生望吾廬草木新

疑君老白下迢遞燕臺霜雪破雙履風塵顏百杯

手不釋書卷談何須貨財將爲瞿曇去交結惟宗雷

束第

賜我來東第朝暉傍紫林計功將作匠予直尚方金  
甕采宜松老階虛種藥溪狎人新燕語似識報君心

其二

雨濕看雲下塵揮待月生據吟三徑草窺倚九重城

老未汙田宅思如撤殿楹築臺今又見逸足到長鳴

其三

偏是新晴後蕭蕭到晚林雁雲屯塞字出路釋秋心  
覺與金門近翻如鹿紫溪隨時宜白髮不畏老侵尋

石雲居 卷之二 四十六

石雲居詩集目錄卷之二

七言律

虎丘道開方丈雲子集諸友賦詩予歸金陵

潘完宇携渠過我

金牛洞山行覓先子兆域時同朱鑑先

默公至白門喜賦

長干史枚公李素臣徐武靖諸君下第

賀同里馬玉樓將軍生日

寄蕭中丞越中

石雲居詩集 七言律 目錄

賀狄豫所八十

過洞庭徐象先于豐

過豐見諸友

琉璃河贈友會試

新樂驛次傳霖宇司馬韻

賀王夫人九十壽

玉芝殿諸士對策與閱卷事有述

讀徐庵西先生簾花詩卷即用前韻

許交甫夜過

送溧水王令

徐固城祠部邀過城南野居

過謝寤雲督府二首

送蔣赤城南歸

姚若侯劉潛柱過我當午日二首

姚若侯劉潛柱過我得蕭字

山中張文郁至長安與姚劉二太史賦得齊字

答二林兄

劉旭采過我談往事有感因送之廣文任

石雲居詩集 七言律 目錄

送郭臥侯

送江寧令

送六合婁令

病中口占

贈蕪陰令

寄廣陵友人

東謝寤雲

贈呂修撰

送晉父母之新安任

謝寤雲都督過我二首

輓周建塘二首

生日卽先慈忌日二首

詢胡泌水病

寄熊雪堂

江上別馬章民二首

病中間舒章至喜甚舒章方寓報國寺却寄

得舒章報東云卜居近予

謝寤雲被放約居淮南二首

五雲居  
詩集

七言律  
目錄

三

得蔣虎臣編修書便面喜甚以詩貽之

秋日寤雲過我用雪堂子韻

寤雲惠笋與謝之

送萬敬求學博之桐川爲書二紙

又次寤雲前詩

漫興

中元日雨

又次韻荅寤雲三首

吳雪航侍御自東來晤予病中

若侯來

贈鄧元昭館丈

與單臣素夜坐時有喪子之痛

呂霖生吏部偕至金陵感贈

荅盧紫房侍御有亭祠杜少陵

寄朱南宮父母

與曹使君夜坐新樂驛

寄薇山湖友人二首

王畧庵至長安予聞喪乞歸二首

五雲居  
詩集

七言律  
目錄

四

史次奧至時同王養和醫者

正月十五夜掖兒侍坐

大司成薛師侍親歸里

十五夜與掖兒吟詩時移家淮上

壽衛夫人六十

次朱孟九五雲堂詩

送謝寤雲

豈凡席中晤姜盛兩將軍時王清遠王調梅繼

至

送李梅公歸里二首

寄問楚中諸友

飲劉慧生年丈所同王清遠姚若侯劉潛柱

吳雪航席中卽事

送王鐵山少司空南還

與朱南宮書弟金嚴寄之

過梁眉居先生銀灣

元日詠梅花

過韋祠看海棠次彥升詩二首

五雲岩詩集

七言律目錄

五

過息齋訪豈凡子隣永光寺

王名可來長安應貢試

隣樹

中府護月贈湯道未太常

淮安送王涓來

送若水之燕關

送廖長卿歸楚

賀洪院師生日

雁宕

吳山懷古

默公舉孝廉示掖臣

張恢生久不歸里忽來見於長安

農壇集飲當予生日

送郝仲趙少參之宣城併寄沈氏諸友

送沈元子南歸兼寄泗上諸君二首

寄宋其武代東

默公來長安志喜

聞陳彥升宗伯隨馬却寄

五雲岩詩集

七言律目錄

六

默公謁前輩王覺斯

詩示大兒掖臣時讀書德軒兄署

照元上人卒於途諦先歸武林

壽李庶常祖冊

贈程君九十君以善釀名長安

宋轅文作頌贈我謝之

壽彭位宇八十

夢中讀方密之書有詩覺而紀之

送吳學道雪中

廿四夜與默公分神字三首

贈趙玄樞工部

贈彭子民

刑部質問坐神前

蒙恩釋入城居

送褚顯卿從征

豈九席上同孫北海張蓬玄高岱與觀王覺斯

先生書諸僮歌而紀之

五兒與張桐城聯姻

不雲居  
詩集

七言律  
目錄

七

又寄張桐城

夜坐同醫者診五兒痘

懷方密之

送黃仲霖楚行

送金跋宋年丈下第歸吳江

五月宋文堅來長安喜得人字

十五夜憶五兒

試院書事

五日其相暮至與默公同賦得湖字

送呂正始提學江西

輓李舒章二首

王大哉憲副出關謁平西

送恭順侯吳實宰督漕淮上

十二月送寶樸庵巡江寧

郊壇恭紀

衛台生惠梅樹二株沈元子適至即贈四首

送吳侍御之湖南

楚珍五十初度虎臣適以歸娶假歸寄祝

不雲居  
詩集

七言律  
目錄

八

種桂二首

病中談高唐朱生事卽贈

送朱生歸里

寄朱鑑先書於族弟所

祝張蓬玄先生誕日

送張真人旋里

自詠

送李提學

王安之初任方伯却寄

憶梁眉居銀灣舊遊

金年伯八十壽

賈公夫婦雙壽

初地

鄧元昭館丈于嘉平月惠海棠一株與默公進

也賦堂字

送奉 詔諸臣

同諸君夜步

見傳奇有似予者作此

石雲居

七言律

九

道開上人詠菊花詩寄長安荅其意

張大行黃提學秋工部過我談文

次李萬咸韻

夢董思白先生論文次日孫北海携天馬賦見

示甚異之

李萬咸過我

至日卽事

宋其武書到詢卜地事

十月朔日食與張蓬玄高岱與諸先輩到禮部

救護未刻始歸

沈元子來長安張爾唯戶部過我賦來字

張次先館丈旋里省親賦贈

九日同潘鱗長坐齋中

署中早歸

高岱與大中丞生日贈詩

蔣穆之南歸將爲粵遊送之

袁雅儒至長安補官

壽曹君六十

石雲居

七言律

十

壽張蓬玄時移新第

老舅父來長安口占

祝王君二首

莊玉驄兄弟招我仁壽寺雨至

署中簾樹

蔣真我生日

鳳溪寺贈靜主上人

太姥山下遇方密之怡然別去

夜宿武昌城下乃予舊遊處

入楚北行

朱家寨寄朱孝廉用亭壁鍾伯敬韻

十二月初一日始至同年成青壇第時青壇北行

麻城黃文忠爲予卜

贈成寅天

江海源

立春日贈王清遠中丞

衛台孫侍御爲予寄同朝諸公書

石雲居  
詩集

七言律  
目錄

十一

淮安劉任先同年爲真定守

過真定歲除寄雪堂遂初諸友

故人爲僧寄以詩

至睢州有感

送洪閣師督江南兵有述

菊潭先生觀予紀行詩示嘉什奉荅三首

不及登滕王閣

贈梁玉立年兄

贈朱滄起先生二首

送謝寤雲都督招撫廣西

唐山寄趙問源兼呈成青壇

周農父于秋七月來長安過予

試太學黜公第一

九日小飲與周農父

贈李素臣

送張玄卿歸潁上

春初贈山陰王我涵大將軍

曲周芮令爲予同里

石雲居  
詩集

七言律  
目錄

十二

望梁年伯墓

保定破城李平石將軍歿之

北行路別曲周芮令

成六兄卜齋詠

王慧生中翰

居五雲堂

齋居

部中贈雪堂

贈馬我田吏部

金魚池贈孫北海

調梅將去河西務

金魚池

劉山遁自淮南來

陳心田京兆生日

贈李梅公奉常二首

高柱河竹學江南

姜侍御之江南

送王雪園侍御按浙中

石雲居  
詩集

七言律  
目錄

十三

送趙問源僉事之關中

毛侍御按江南省

孫二如居吏部久

陳侍御督學蘇松

哭張完真總督二首

聖音  
念江南民困有述二首

音下  
斥言利者有述

獨聽

殤女自悼

次農父慰子詩第六女殯近五兒

初雪過飲劉潛柱所同稱弘公實農父四首

過蔡懷真大將軍所

壽蔡奉吾中丞

壽高太宰生日

從洪老師宿翰林院以董宗伯書法見示

夜宿翰林院

周農父應馬我田幕府聘送之

過城外寺

石雲居  
詩集

七言律  
目錄

十四

送宋稱弘馬公實歸里

傳密之太史書兼讀其寄我詩次韻二首

雪朝次韻

邀范甥同諸友來集

卽事

高岱典太宰張蓬玄司空招飲

舅父來長安

讀農父近詩

羽士家宿入廟陪祀

送劉潛柱歸里

觀梅

寺中餞兩使君

送呂長音歸毘陵兼柬楊永如狀元

讀彥升宗伯燕京雜詩

徐州蔣赤臣兄弟

寄閻生

仰川進秋令子成武進士兼逢初度

送虞嚴修同年官高淳廣文

不雲居  
詩集

七言律  
目錄

十五

大司馬金公來持所爲文示我

送張孝廉教諭處州

過清河望西山

孫子任歸里詩以送之子任尊人集留我所

孫二如大中丞下世久矣次君子任歸賦二詩

宋玉叔以詩示我贈之

慰張生

高太宰惠滄酒併食紫蟹謝之

贈左先生

壽大叔父

張爾唯戶部過我送之臨清

壽王夫人

壽祖復宇大將軍

祝湛虛張司馬壽

舍弟歸里以風緩行併書寄諸所知

寄吳篤卿尊親家在盤白山下

河上送李素臣

沈公深彭哲人下第過我松風亭

石雲居  
詩集

七言律  
目錄

十六

送周仍叔讀其所著史論

陶繩伯過我松亭

吳見末來松風亭

松亭贈陶繩伯得京字

送徐元將孝廉還吳

董自立大將軍舉子

送嚴方公

送朱侍御巡漕江上

懷家竹

廿四夜不敢起牛器六親家席賦此爲謝

聞客之南還適符夜夢喜而賦詩

辛卯除夕

壬辰元旦

元旦自詠

過友人家

聞言有感

問孝廉城外寺

石雲拈

七言律  
目錄

十七

李文孫孝廉至

送王涓來孝廉還楚二首

送王涓來用白雪黃金兼詢孫斐臣

賀莊廣文

憶大龍湫

贈史枚公試

何明瑞來談焦山之勝

閒居

湖橋

贈王望如進士望如齋中杏花開

送王心宁還括蒼

祝白毋某孺人七十壽

寄壽吳雪崖

族人以歲荒棄妻子於宣城來長安得先世譜

六冊

中元節獨居松亭

寄李斗南星士

壽華思渠七十

石雲拈

七言律  
目錄

十八

送蔣虎臣省親旋里

送呂甥

祝李鏡月毋孺人壽

賀閻京兆

送王樵雲往浙東

送李晉黃往豫章

登樓

紀伯紫來我松亭

石雲居詩集卷之二

芝山陳名夏著

七言律

虎丘道間方丈雲子集諸友賦詩予歸金陵

揆奇虎阜卽鷄壇燒燭羣遊不畏寒獨我懷香多隔  
歲逢僧說法舊長干江楓半剪沈山雨鈴閣齊搖響  
石湍載得好音吟似雪落花相贈綺千端

潘完宇携琴過我

有客高冠長佩來携琴重奏鳳遊臺似聞維下張衡

石雲居詩集卷之二

賦又動江南庾信哀目送飛鴻臨暮野情移羣鳥喙  
寒梅天涯誰和朱絃曲我不能彈聽幾回

金牛洞山行覓先子兆域時同朱鑑先

衝曉鷄鳴隔曉煙籃輿覓路問安禪青山戀我非今  
日紅樹藏村似昔年不畏悲風尋馬鬣願從晉墓傍  
牛眠相看放客携龍杖千里朝來地上仙

默公至白門喜賦

別後江干戰壘開殺人如草白頭哀誰令重效六朝  
事使我流離萬里來賓石有心傳北海廣微揮涕補

南陔飄零吾黨今方見隔世安能不舉盃

長干史枚公李素臣徐武靖諸君下第

寒宵風雨共張燈難說無營比定僧明月照人猶不  
顧朱絃和客失相應孫山未必過康了玉第何由識  
右丞但讀南華六月息垂雲有翼健飛騰

賀同里馬王樓將軍生日

石屋風胡挾步光斗牛神物正寒芒侯家氏族來銅  
柱天上將軍屬梓桑嶽降懸弧嘉宴集功成倚樹雅  
歌揚乘車何足誇鄉里我識文淵年少場

石雲居詩集卷之二

寄蕭中丞越中

中丞起家大名適相見旋以昆陵守進秩

攬盡浮雲明月來途君河朔進行杯方看駟馬臨吳  
練又到丹鷄盟越臺貴相星垣兼上將中丞節鉞近  
三台峯高南北如青案何日投子幕府開

賀狄豫所八十

遲暮猶看草色青洮湖小隱老人星何妨海上桑田  
變自有雲中瑤瑟聽甲子應添長壽域庚寅無待賦  
騷經德門連袂南山頌長者時驅花外聯  
過洞庭徐象先于豐

倦飛戢翼洞庭歸北地重逢老布衣爲說明年尊國  
杖肯容今夜掩春扉石坪戰閭懷中聖湖海星辰是  
少微我欲移栽八千樹與君橋頌共芳菲

過豐見諸友

疇昔從遊半已非一燈使館照寒輝何人避俗能青  
眼况我驅車尚白衣戲草主臣題姓氏投書遮莫老  
柴扉天涯每憶粉榆社既見難言知我希

琉珣河贈友會試

明堂金石響秋風奏對賢良萬里同壁上願觀旗鼓

石雲居 卷之二

勝人前能舞羽毛豐舊稱龍腹相爲友善妬蛾眉不  
敢工禮樂端家傳太史周南趨侍五雲中

新樂驛次傳霖字司馬韻

孤館圍陰月到偏懷人千里隔風煙結廬但愛陶元  
亮蹈海難言魯仲連夜半鼓鐘鳴幕外雪殘烏鵲傍  
城邊鄉心獨到歌堯里搔首躊躇似舊年

賀王夫人九十壽

柔風瑤草鬱春香壽母筵開頌北堂青鳥正從天上  
至丹鸞尤速帝城旁星占八座娛處舞蘭苗三春樂

歲長象服鸞輿迎色笑袖懷君賜出明光

玉芝殿諸士對策與問卷事有述

待詔芝芳玉笋班尚方筆札賜天顏銅龍日麗罽恩  
動茵馬風嘶壁壘閣博士經明推上第大人賦施見  
神山叨陪咫尺蓬萊觀清淺如今信可攀

讀徐崦西先生簪花詩卷即用前韻

芳樹歌成倚玉堂百年人物付蒼茫但傳筆墨如鴻  
寶始信游從有雁行履接尚書懸北斗花明太史系  
南方春煙綠繞虛臆綠此後同聲和幾章

石雲居 卷之二

許交甫夜過

宵嚴鼓角動河津客坐高談舊比隣老亦如僧除白  
髮閒惟過我酌清醇神魚聚落雷門雪獨鶴高飛海  
上塵玄度相尋成往事重來落落見天真

送溧水王令

青箱舊學客如龍載鶴携琴戶可封東海大風吹百  
里中山千日醉三農花開雉老因疎網棠滿人游正  
倚筇先世度刀今可贈江南秋水照芙蓉

徐岡城祠部邀過城南野居

南州好我近偏墻不飲猶携酒數升借得蓬門芳草  
近又隣秦時落花曾酣歌偏多懷古脫帽疎狂已  
似僧千里蓴湖原有約采供客舫幾人能

過謝寤雲督府

花飛紫陌布陰時開徑呼童手植籬客到應生遲暮  
想交溪重讀贈遺詩老槐繫馬官如寄破壁臨書網  
又垂莫待聳身滄海畔對君如玉我情移

其二

戟門甲觀憶當時小隱王孫住短籬劬棘漸生書帶

石雲居  
詩集

卷之二

五

草籠紗難得布衣詩人皆亂後餘名姓官向貧時惜  
羽儀只此墻東堪避地莫將歸興寄蓴絲

送蔣赤臣南歸

天涯芳草錦羈輕挽繫誰能共此行家在淮南青桂  
賢人歸江左白波鳴汗田穀雨新添種澤國梅風蚤  
祝成聊引勝流同物外檄書又捧到柴荆

姚若侯劉潛柱過我當午日

琴冰芳華照座隅棲遲不問故園蕪都亭誰設青油  
幕道路難投明月珠入眼榴花懸壽艾傾懷角黍間

新蒲頭垂午日絲千縷銷盡干戈賜鏡湖

其二

被褐猶懷照乘珠開襟重對倚城隅自非當世千秋  
鏡頭共仙人九節蒲午日賜羹傳佩劍歲星索米近  
江湖天中新發榴花葉一變春明草色蕪

姚若侯劉潛柱過我得蕭字

幾年風雨總飄搖誰慰孤行賸柳條客是范睢曾變  
姓人知伍相獨吹簫烏啼曠野稀煥火草長平林斷  
採樵何幸相逢皆故舊夜深揮涕說前朝

石雲居  
詩集

卷之二

六

山中張文郁至長安與姚劉二太史賦得齊字  
山中花發漸成蹊石隱移家畏鼓鼙遠道有懷通夢  
寐長安誰謂隔雲泥爲奴季布應投魯養客田文不  
在齊太史若增鉤黨傳西川北海與同攜

荅二林兄

墟里衡茅不忍看尚哲人效雨中冠暮年白髮言愁  
少薄宦青瑣招隱寬笑我江湖徒汗漫遭時鼎革總  
饑寒齋厨寂寞溪山似伯仲吟詩坐臥安

劉旭采過我談往事有感因送之廣文任

索米烹葵近草茅庭闕更酌任無肴廣文知我清猶畏良士如君淡可交念亂山川成對面餘生風雨畏相嘲松滋江上垂帷處定是君平註易交

送郭臥侯

捧檄何如遠道游琴聲獨奏古涼州經過戰壘多秦漢強半蕪城走馬牛地種蒲桃西極曉天清禾黍玉關秋君行自許爲廉吏騎竹趨迎似細侯

送江寧令

塵銷甘樹綠陰浮千騎東方擬徹侯海上風吹天闕

石雲若

卷之二

七

石象宮花照秣陵秋兒童放犢鳴高管父老持豚祝蒲簪此後太平身可遇南岡先賦鳳凰游

送六合婁令

纔賦鶯林控紫騮又持墨綬大江頭好山無數如南國芳樹依然在北樓卽有塵封几案臘還看野獲稻梁秋兒童戲舞爭相報仙鳥飛來百里侯

病中口占

名場宦海兩婆娑強臥經旬客數過似我餘生真是夢若能同病更如何磨崖虎豹號林樾起陸龍蛇怒

海波不用白頭懷宴息年雖未艾已成酖

贈蕪陰令

舊詩  
給諫

南宮白馬玉爲人雅修匡時墨綬新曳履正當山水縣揮絃又踞舞歌塵魚龍有信珠生月桃李無蹊花滿春天上歲星臨百里蕪城誰不待車輪

寄廣陵友人

游踪時弄廣陵潮極目繁華應客招一自干戈銷站履漫憐花夢斷吹簫隋堤當日香生徑謝墅經年月上橋文雅幾人饑不死尚能棲止似鷗鷺

石雲若

卷之二

八

東謝無雲

樓上雲飛憶謝公溪居似有練光通何人對語能驚座幾許閑吟可著筒芟草種葵秋露下懸杆賭墅午陰中若能緩舫休糧鶴穿履行來莫畏風

贈呂修撰

獨執琅玕對紫章臚傳天上近龍光春卿稽古榮車馬太史陳詩效栢梁禁院花開宮賜錦曲江歌遠陌符喬安危此後須公等奏對新成幾萬行

送子父之新安任

桑梓花開竹馬招爲迎仙吏渡江潮天都飛到雙鳬  
馬帝里先傳一鶴謠知我故人金郤暮置兒當戶雨  
隨朝欲觀黃白山蒸海敵暑雲光獻紫綃

謝寤雲都督過我

功高槐里比君公偏憶江南有阿蒙幾日不來詩作  
東一時相見病兼窮蓂苓難備銷膏火厨傳蕭然稱  
素風倚爾池塘青草句補成吏隱臥墻東

其二

初衣已變黑頭公名姓依然數子通每到花間尋執

石雲居  
詩集  
卷之二

九

杖但經觴詠慰飄蓬鶴鳴聲徹江湖外龍戰舟藏風  
雨中謝傳東山猶未臥怪子衰懶不如翁

輓周建塘二首

風塵蒙袂踐京華君獨吞聲慰喪家猶指身宮當斗  
宿更勞簾下卜星槎驚心細酌芳鄰酒招手停看玉  
署花再問老人無恙否如何歲已在龍蛇

其二

驅車不忍過君門携有天涯一酒尊妻子饑寒當日  
語賓朋散盡幾人存但將帷帳習燕帟難取筵尊問

楚魂落月屋梁成遠夢顏色尚寒溫

生日卽先慈忌日

羞言揆覽肅嘉賓正是筑筑背母辰萬里餘生供遠  
祭九原拱木動虛林慈音久隔生如死靈几淚憐病  
又貧已似無家成世外何須資福覓天親

其二

城隅強臥客來希俯仰生初願已違馬齒漸臻徒窮  
祿羊腸歷盡總沾衣難名正則庚寅降空有懸弧四  
十非誰使愁心如寸草淒淒何以報春暉

石雲居  
詩集  
卷之二

十

詢胡泌水病

高節過從問客星幾年零落聚秋萍身居席謁子多  
病誰似飛鴻爾獨醒閉戶西州應託易據梧南郭漸  
忘形比來眠食如何減定是相憐送眼青

寄熊雪堂

西山南浦渺相望中有伊人臥雪堂不信龍蛇其起  
陸肯同燕雀但飛揚雷壇玉劒旌陽術星野珠簾帝  
子安每擬尚平遊五嶽與君婚嫁願成行

江上別馬章民

置書懷袖幾何年相見難分江上筵尚憶時名同杵  
曰爭看人物應星躔素車泣遠猶停岸白露橫江但  
倚船攬袂躊躇明月夜不令賤子獨凄然

其二

霜露初高草欲黃尤驚蛩野繁風樹有人遠道吟秋  
水極目新亭卜夜觴門巷烏衣經幾變江干燕子到  
今長記來慷慨難平事欲向風胡借步光

病中間舒章至喜甚舒章方寓報國寺却寄

臥病思君嬾出關驚傳新刺是雲間海隅羣盜驅除

石雲居

卷之二

十一

未驛路寒官徙倚還定有少年愁白髮誰能今日買  
青山如何相見猶相望遙隔松門第幾灣

得舒章報柬云卜居近予

南窓昨夜燭花明好鳥高簷報友生真有龍門人忽  
至似憐鷄骨病初成江深草閣遲風雨塵起戈林滅  
旆旌間道卜居依闕下素懷無數待秋清

謝寤雲被放約居淮南

名班朝請實潛夫官葉翻令龍虎符帳下藥鞭塵不  
用厓中廝養久同痛長安有詔爲農圃故里無家種

杏蒲但憶淮南青桂樹羣公招隱動驪駒

其二

幾許風流憶謝家暮年把袂聚京華訪書忽至君方  
能臥病經旬我更嗟楚服不須裁薜荔秦風何處咏  
兼葭且行莫作烏棲曲有酒如淮是若耶

得蔣虎臣編修書便面喜甚以詩贈之

朝璽方停見客疎仁風純扇孰華予科名相似輪椽  
筆貢舉先知善草書燕鵲傳江上寺換驚經就化  
人若况兼詞賦凌雲氣當世操觚總不如

石雲居

卷之二

十二

秋日寤雲過我用雪堂子韻

秋清商韻動林柯君過談心肯厭多青草池堂生夢  
寐長江靜練盡漁蓑自能着屐南岡老仍喜圍棋東  
墅歌客似飛鴻吾目送病夫何日到中阿

寤雲惠笋魚謝之

年來聯袂謝東山每飯難忘賤子顏惠我捧龍燒嶠  
谷更叨銀綸出雲間烹葵厨冷真同味割鯉書成病  
未還每欲報君青玉案側身東望到鄉關

送萬敬求學博之桐川爲書二紙

東郭先生聽馬鳴南樓老子緩歌行爲書側理欣相  
贈似伴青醴更有情槐市餘陰資講業荷花閒采入  
盤羹廣文官舍宮牆地聽得鏗然奏樂聲

又次宿雲前詩

程書衰懶盼庭柯投牒如今野思多越有子猷舟載  
雪遶多漁父雨披蓑秋來統扇應須棄客著青衫莫  
聽歌從此移文猿鶴喜故人頭白老山阿

漫興

火雲徙倚候虫吟天末涼風樓上陰三歲河梁悲落

石雲居  
詩集

卷之二

十三

日千年海水幻黃金移家種就淮南樹見客虛懸硯  
北心四十愁多頭白早那堪重聽擣衣砧

中元日雨

陰淋不止爛秋花枝籍仙官濕錦車總爲干戈新鬼  
哭幾年骨肉返魂賒空林象教施香飯霄漢牛津隱  
玉華掩袂獨傷留滯客難言方寸亂如麻

又次韻答宿雲

幕府參軍長萬夫豈同羽檄悞銅符忽因用趙將軍  
老遂有征南新息誣欲隱鑑湖難鵬冠求餐仙鼎少

龍浦同時冉冉趨朝友鴻雁南飛北望孤

其二 期宿雲居金陵

粵遊無索買青山綠吏誰哀老子顏鶴髮但當燒笋  
食羊裘當待釣魚還藍田猛氣休逢尉紅友新書日  
幾班願囑風流江左住烏衣巷近秣陵關

其三

春華零落不成柯年老商丘力更多彥道安能懷布  
帽子陵方許掛煙蓑貫魚維柳周田鼓戴笠逢車越  
里歌幾十年來問仕宦今將掉臂入山阿

石雲居  
詩集

卷之二

十四

吳雪航侍御自東來晤予病中

夾道鳴騶海上來到門朗朗玉山開爲言舒緩齊人  
俗獨許循良漢吏才使者埋輪投印綬孺文按部托  
尊罍願增柱史銅魚檄橫草功成列上台

若侯來

行倦江湖病不除隔朝簪侶念溪居頻來肯慮瓶無  
粟且止毋歌出有車青眼婆娑風雨後白頭撻絃亂  
離餘高懸一榻今方下各出懷中三歲書

贈邵元昭館丈

上林錦樹繡成文，坐對花磚直影分。  
夜讀老人應執火，朝趨太史共占雲。  
說詩匡鼎明經早，鉛槧方言問字勤。  
更藉公孫通掌故，平津賓客漫紛紜。

與單臣素夜坐時有喪子之痛

月色宵寒夢不真，虛窗剪燭白邊巡。  
傷心偏有西河淚，握手還憐南國人。  
滑拙燒殘誰食芋，布衣相對漫思尊。  
無能動子飛騰意，坐看長安車馬塵。

呂霖生吏部偕至金陵感贈

遠道思君策短筇，雲門日日聽疎鐘。  
牽衣共泣顏如

石雲居詩集

卷之二

十五

鵠束髮羞言腹，是龍遲暮美人期。  
不至離憂漁父願，何從鍾陵草木皆非故。  
且種青青三徑松。

荅盧紫房侍御有亭祠杜少陵

朝來風雨抱陳編，漫刺投君更惘然。  
野老有情還俎豆，草堂容膝儼山川。  
支離共許身將隱，鈞黨能令姓莫鐫。  
此後高吟陶謝日，好隨晉宋紀羣賢。

寄朱南宮父母

石屋星流鑄劒鉞，使君騎馬種花旁。  
正當王會風陳史，特應天官位是郎。  
無限紅薇東野縣，幾行春草謝

公塘待看虎冠成，場化養就瘡痍遠戰場。

與曹使君夜坐新樂驛

沙塵徒倚薄雲堆，吹過輕風小幃開。  
花外只宜閒看竹，春前何意又逢梅。  
鄭莊客共飛騎至，郭泰人知掃室來。  
刺史江南腸已斷，不須紅袖捧餘杯。

寄薇山湖友人

青雲相失隔天隅，燒燭虛堂我更孤。  
偏憶客星鉤黨後，正當子月卜居無。  
竹竿嫋嫋能垂老，玉塵霏霏忽自呼。  
細數十年同寄託，如今踪跡讓任奴。

石雲居詩集

卷之二

十六

其二

夜深擁雪著虛無，徙倚難忘舊酒徒。  
天地得君真不變，行藏知我任相殊。  
無衣高唱烏棲曲，披氅橫看漁網圖。  
疇昔淹留生夢寐，錦鱗先到北山隅。

王界庵至長安于閒喪乞歸

投膠飛蓋御河堤，此後雲霄隔路泥。  
洛下盛傳青玉案，襄陽爭唱白銅鞮。  
計能不死豺狼道，行到無言桃李蹊。  
顧我麻衣真是雪，吞聲慟哭夜烏棲。

其二

都亭並騎日開尊意氣凌虛賤報恩但自夜行訶尉  
吏幾人朝起憶王孫幼安絮帽真龍友孺子生芻題  
鳳門君近祥琴聲又輟相看難指白雲村

史次魚至時同王養和醫者

七葉公孫稱府君惠來如對百城書改裝豹袖持羔  
雁漫刺侯門乞給魚世外論交惟橘叟座中知我有  
柴車憂傷此日令人老願向湖干共結廬

正月十五夜掖兒侍坐

愁心無那亂春燈強臥匡牀又不能虛館鷄鳴多失

石雲居  
詩集

卷之二

十七

候隔牆馬跡總如繩兒童依我天真放老大何人門  
戶應說到伍胥懷怨毒尋常縮蝟亦飛騰

大司成薛師侍親歸里

鐘鼓環橋各抱經一時蒼玉佩蘭馨投徒方喜成鴻  
草輟坐如今過鯉庭肯戀黑頭卿相日但娛白髮老  
人星言歸三徑藍輿過花發陽春進醪醅

十五夜與掖兒吟詩時移家淮上

五夜星橋火樹開萬家春酒玉山來偏予寂寞楊雄  
閣與子婆娑郭隗臺幸不破巢還憤愛痛惟陟岵聽

烏哀家人轉傍淮南曲揮涕遙同罷舉杯

壽衛夫人六十

錦里新歌出絳紗赤幢既獲鹿隨車應如秦女能求  
藥更有麻姑屐到家馬過高門懸紫戟烏傳虛閣盛  
雲霞采風倩倩人當戶霜老秋英頌白華

次朱孟九五雲堂詩

玉署晨星散若逢重來遇子雪霜中老人夜照明光  
火太史朝陳正始風敢擬施經傳魯伯還看蔡帳祕  
王充文章未許成餘事鑒得名山宛委通

石雲居  
詩集

卷之二

十八

送謝籍雲

勞心錢遠更初初君獨雲霄縱羽毛亂後孤孫同七  
箸歸來老眼看秋毫鏡湖不賜隨人便桂樹相招小  
隱高何日從容從杖履胡麻飯罷飲山瓢

豈凡席中晤姜盛兩將軍時王清遠王調梅繼

至

置酒都亭奉德車驚看握手死生餘高歌肯厭吳飲  
曲隔代猶懷越絕書射虎藍田當日暮飛鴻白露泣  
秋餘烏衣門第今無恙吹角聲來慰起居

送李梅公歸里

綈紵相投奉後塵，偏當白露送歸人。  
懸車司馬心如石，山谷猶龍氣更真。  
湖海有家多戰後，匡廬漸約暮年隣。  
言愁不盡君先去，何日秋風共采蓴。

其二

東籬無徑問黃花，歸計蕭然天一涯。  
漸喜呼名能應馬，何堪見影爲驚蛇。  
青山落木疎行李，滄海飛塵泛遠槎。  
此後倘逢筇杖侶，莫忘予病老京華。

寄問楚中諸友

石雲居

卷之二

十九

十年曾上武昌樓，望接江花萬里流。  
不畏交遊成黨錮，幾從離亂寄書郵。  
高飛黃鵠仙人侶，遠駕青虬漁父遊。  
笑我自傷同作賦，近來眠食更悲秋。

飲劉慧生年丈所同王清遠姚若侯劉潛柱

朝朝騎馬倦歌筵，愛執清樽布舊氍。  
東道主同鈴索署，西都賓是玉堂仙。  
投書但有加餐飯，設醴仍驚過管絃。  
便可圖成林下飲，山公名在五君前。

吳雪航席中卽事

幾年高唱遏行雲，再遇當筵協律聞。  
豈有紫芝歌地

肺更憐紅友，總仙裙。個人目瞬終無語，優孟衣冠却有文。  
慕閭長卿仍不似，著書徒自渴如焚。

送王鐵山少司空南還

寒日驪駒動薊門，行行且止又重論。  
安危足恃如君少，出處相開幾客存。  
落日河梁悲去國，浮雲天外對離尊。  
移家不畏攜丸起，父老山東感舊恩。

與朱南宮書弟金聲寄之

遠道常懷花下行，使君簾下野雲平。  
敢憑征雁催衣信，一寄烹魚加飯情。  
亂息朱絃調鼓角，寒來玄律協

石雲居

卷之二

二十

農耕莫因百里傷，晉滯良吏風傳到帝城。

過梁眉居先生銀灣

都亭何處問名園，卜築銀灣似野村。  
千雉臨牕占紫蓋，萬騎歸櫪擁黃昏。  
主人案列中山酒，客子柯閑石室門。  
我不勝杯情亦醉，風塵偏此對潺湲。

元日詠梅花

晴雲朝起宴公廷，歸坐南牕臥復醒。  
不使里人歌白雪，正看高士草玄經。  
江城吹管花將舞，上苑揆春葉未青。  
椒酒辛盤今日事，新梅獨立自亭亭。

過韋祠看海棠次彥升詩

馬塵十里路郊村喜近情  
炊共酒尊偏是海棠花欲  
落但逢我輩惜如繁名分上  
苑香爲色品著仙家淡  
不言絕代佳人傾國後莫教  
零亂雨風痕

其二

多少繁華逐暮春年年相見  
似邀賓雖非丞相祠堂  
草猶是風光蜀國人初地  
天花啼宿鳥石床物色淡  
游塵中消善托千秋賞  
贏得清歌歲歲新

過息齋訪豈凡子隣永光寺

石雲居

卷之二

二十一

風塵撲面幾時閑  
安處先生肯閉關  
既是神仙懸鄴  
架不須賓客著  
淮山人稱武庫  
將軍府天動文  
昌貴  
相班卜宅無心  
鄰象教助成吏  
隱鼓鐘間

王名可來長安應貢試

竹樓花院夢依然  
游子衝塵信息傳  
選中明經其白  
壁携來舊物是  
青氍振衣未許  
凌山嶽曳履何  
須避  
貴權酌我墻頭  
無限酒爲談往  
事不成眠

隣樹

風塵何處避炎威  
讓却江千萬樹  
扉偶看鄰家青  
蓋

好似爲我室碧油圍論功上將真堪倚習禮宜尼此

日希朝暮鳥聲啼不徹欲題山谷是耶非

中府護月贈湯道未太常

柴門荒樹不成林伐鼓關闔到夜深  
一代縉紳瞻好  
月千家兒女惡浮陰天文合璧非災異  
人事當秋共  
杵砧刻漏無差太史令靈臺從此過  
禪譙

淮安送王涓來

河上駸駸馬寒君歸徙倚夢淮安  
道途執手人如  
故生死傷心別更難  
叢桂滿山懸秘笈芳蘭有客賦

石雲居

卷之二

二十二

高冠黃河百折飛流處但作尋常世態看

送若水之蕪關

荒程鳴馬度春風不盡言懷尊酒中  
土屋譏防增戍  
鼓茅床休止簡郵筒起家經術非鹽  
鐵薦客閉庭有  
韭菰莫厭宦途冰雪意日招商子過  
江東

送廖長卿歸楚

風雨翻憐綬去輪火雲漸減向秋塵  
悲歌何處逢燕  
客然諾從來重楚人水湖武昌魚可  
食雲蒸夢澤鳥  
爲隣生平妄有名山約對子徒羞未  
隱身

賀洪院師生日

廿谷花開奉老臣，承榮誰不接車茵。  
六星將相人間有，一代公卿此日親。  
南國秋風瞻莫府，北牕曉曙照通津。  
鳳池幸接雙龍武，每到嘉辰祝甫申。

雁宕

環峯天半下飛流，杖倚冰崖洗耳遊。  
圖記名山歸雁宕，翔翔化里得龍湫。  
村花數過錦溪水，野鳥一鳴白露秋。  
不識此中誰氏子，能將佳處傲通侯。

吳山懷古

石雲居 卷之二

二十二

高山獨步客誰招，往事重論但寂寥。  
日暮烏啼吳苑樹，月明人渡洞庭潮。  
千金鑄劍埋龍澗，百代聞歌唱柳條。  
此地兩風仍是昔，響廊香徑讓漁樵。

默公舉孝廉示拔臣

秋風吹動九衢塵，榜下名高走要津。  
十載自憐懷劍客，一時都道讀書人。  
鹿鳴歌闋瞻黃閣，鳳集英多拜紫宸。  
老眼驚看騰尺木，吾兒須是養龍鱗。

張恢生久不歸里忽來見於長安

南岡子弟憶同行，游宦依然一老生。  
肯判雲泥同世

態總憐風水滯，王程忝軍笑。  
入蓮花幕小，宰貧儲首。猶羨不識當年龍腹舉，可如今日見交情。

農壇集飲當子生日

農壇千畝翠華臨，晝敞齋宮響落陰。  
猶見松巢來鶴舞，更憐禾黍咽虫吟。  
蕭條羽客誰朝斗，跌蕩天門當入林。  
此日我生如世外，勞勞車馬漫招尋。

送郝仲趙少參之宣城併寄沈氏諸友

君來日麗滿庭青，雖擁旌旄亦淡如。  
交結不曾持半刺，宦遊仍是愛三餘。  
敬亭雲落澄江練，涇水仙乘赤

石雲居

卷之二

二十四

鯉魚憲府從容銷戰伐，好為貧士借吹嘘。

送沈元子南歸兼寄泗上諸君

清秋慷慨送君歸，仍是江南老布衣。  
中散論文應絕我，右軍聞角漫開扉。  
自充行橐三千牘，肯讓雲門第一機。  
若遇大風臺伴客，傷心何敢怨相非。

其二

三秋此日更難勝，送爾言愁白髮增。  
但數饑寒誰似我，欲求智慧定逢僧。  
黃初自許同公譙，白下何如老茂陵。  
昂首雁行霄漢上，閒雲冉冉落飛矰。

寄宋其武代東

君在田園尚有情寄書朝市慰餘生所言關切因兒  
女若問窮愁是弟兄玉軸圍成南郭隱石枰招向北  
山行怪來使者疑空谷終日無聞車馬聲

默公來長安志喜

側身東望阻龍眠十月楓丹顧我前郭泰獨行知昨  
寓虞翻求友自當年携來布被連床話誰脫金龜當  
酒錢吾老眼中難似子草茅能賦帝京篇

問陳彥升宗伯墮馬却寄

石雲居  
詩集

卷之二

二十五

幾夜霜清月照書問君墮馬病何如公卿悔不登牛  
駕鄉里應當傲澤車行步雖工誰引避識途既老漫  
容與出門蹇產尋常事湖海如今氣已除

默公謁前輩王覺斯

京雒煌煌步後塵飄零亂後故猶新千時自擬公車  
牘交結何知要路津游子憂傷衣日緩騷人惜誦佩  
初紉連朝欲叩青箱學白雪歌來都是春

詩示大兒掖臣時讀書德軒兄署

披衣強作數行書望汝成家一慰予鄉里人途須下

馬尋常客至莫投車少年守口防川潰流寓藏身畏  
府居好向官衙勤閉戶三冬足用近何如

照元上人卒於途諦先歸武林

一僧飛錫死荒途尚有二三平侍者俱久學忘情翻涕  
淚更思逢難累馳驅入山社約成孤夢相墓笳聲隔  
兩都雖是天親非怙化好將舍利傍西湖

壽李庶常祖母

君游金馬頌南陔願以飴孫代老萊福壽夫人猶健  
飯嘉平子婦正持杯板輿樂日當春煖筇杖看花帶

石雲居  
詩集

卷之二

二十六

雪開盡攬詞家堂上祝不須青鳥再飛來

贈程君九十君以善釀名長安

步兵厨後太常生美釀如今讓老程百歲但知酒德  
頌兩朝尚說醉鄉名嚴遵賣卜猶糟粕王烈烹脂剩  
土羹何似墻東真避地青州從事不相爭

宋轅文作頌貽我謝之

大夫作頌穆如風示我周行金玉同自愧堂餐無政  
事敢當物望有清通巨源既老書求代彥輔當時過  
盡容職在天官除吏未莫須紙尾讓徐公

壽彭位字八十

春社懸車慕老成，猥猥南國照花明。丈夫是祖玄經始，枉史爲朋紫氣生。田舍遊行曩壘國，公門睥睨舊天珉。桂叢又喜滋蘭畹，此後稱觴滿帝城。

夢中讀方密之書有詩覺而紀之

夢中涕淚讀君書，又訝揮毫萬死餘。張儉初爲亡命客，陶潛難結避喧廬。妻孥亂後如鴻雁，親舊年來斷鯉魚。落日相看人不見，披衣搔首獨踟蹰。

送吳學道雪中

石雲居

卷之二

二十七

剪水花飛滿大堤，朝驅老馬叩新泥。未將黃竹謠爲獻，誰是陽春曲再題。東郭先生猶敝屣，汝南高士但安棲。偶游方內清相似，門巷何人踏作蹊。

廿四夜與默公分神字

會傳司命絳霄臣，呼吸凌雲帝座親。不爲黃金能駐世，何須白羽始通神。河山極目皆前事，樽酒交歡得幾人。清夜燒燈吾伯仲，青詞猶怨未閉身。

其二

度索山頭桃葉新，小除都是暮年人。越中鷄卜尚求

鬼海上，牛書欲候神。火德盛衰兼午戌，道家清靜守庚申。如今風俗猶祠竈，漫有黃羊作比鄰。

其三

滿街臘鼓鬧鳴春，司命雲中去絕塵。未敢錯書如伏臘，但憑清酌放迎神。何年却老丹砂就，此夜憐余白髮新。若爾所懷無下策，定隨絳幘作王臣。

贈趙玄樞工部

冬官使者簡書崇，盡鶴飛來萬樹紅。帝念屏藩宗子職，臣歌江漢太王風。銅鞮舞雪瞻梁苑，繡柱干雲擬

石雲居

卷之二

二十八

楚宮奕葉天潢今，似舊明光上賞秩。司空

贈彭子民

我識車前照夜光，十城明月遠相望。誰如文舉懷高客，尚有吳公薦雒陽。筆札上言當世事，游從折節丈人行。長安索米今何許，願飽金門執戟郎。

刑部質問坐神前

蓬首傷心拜鬼神，不能成泣怨餘身。象連東海難成友，賈傅長沙又有人。作使家奴欺坐臥，貴強令史費踰巡。夜深寒徹重門月，倚柱無聊是老臣。

蒙恩釋入城居

朝廷不肯死臣愚猶得蒙恩奉拜呼天策上軍容備  
位弘文高館廟潛夫移家有客來相問比屋如今更  
有徒尊酒論心惟數子肯忘明月對寒爐

送褚顯卿從征

學書學劍兩皆成輟草蘭臺事遠征君子六千同教  
士從人十九有毛生手中白羽轉邊勝肘後黃金待  
賊平下馬論功傳露布寄來饒吹漸銷兵

豈凡席上同孫北海張蓬玄高岱與觀王覺斯

李雲希

卷之二

二十九

先生書諸僮歌而紀之

獻歲華燈布綺筵曳裾賓客各欣然豈須再進三千  
履獨羨能書九萬箋代變新聲當亂後時聞古調發  
春前歸來一紀平生會欲賦煌煌京雜篇

五兒與張桐城聯姻

暮年愛子過於婦隔世思親又有孫敢謂寧馨驚老  
姬何期坦腹附高門添丁萬事皆當足種玉三生又  
得婚若使放歸田壘去時時携抱對吟尊

又寄張桐城

君家門第冠桐城不棄當年杵臼情遂使幼兒因月

老爲君半子倚冰清烏羊自昔通鴻信凡鳥如今卜

鳳鳴願比朱陳婚嫁事時呼兒女拜燈檠

夜坐同醫者診五兒痘

雪深幾尺夜漫漫客在吾廬更畏寒週歲小兒偏苦  
藥飲冰老子肯加餐青燈慰飽云無恙白髮蕭條爲  
有官悔不學醫藏句曲山中宰相倚樓看

懷方密之

避地誰能履瘴塵萬行淚下在君身枕鄒欲雨奔烏

石雲希

卷之二

三十

鬼銅柱蒸霞斷紫麟名姓都非詞賦客衣冠還作唱  
歌人定傳聽者多相和不憶髫年舊賤貧

送黃仲霖楚行

幾年韞韞戰城南君獨衡文載百函不肯任書貽吏  
部仍憐有客學瞿曇柳條經雪花飛絮麥隴如煙紫  
剪藍短後仍從江漢去何時風月佐溪談

送金跋宋年丈下第歸吳江

君才豈合困公車名出孫山返舊廬芳草漸生嘶馬  
路荒程難着臂鷹裾少游鄉里猶稱善中散疎狂莫

寄書極目差池新燕語梁間泥墨隔年餘

五月宋文堅來長安喜得人字

火雲赤葉聚將塵短布單衣相見新南國誰能稱隱  
士北方從此有佳人少年弭節蘭皋馬幾歲遺書紫  
海鱗不厭老儒餐半菽天中猶獻鄴侯身

十五夜憶五兒

金吾不禁火山紅徹夜嘈嘈紫陌中偏我傷心因喪  
子不堪墮淚已成翁舞衫夢見吹燈燼新鬼疑來畏  
曉風太上忘情非我輩十年負愧學虛空

石雲居

卷之二

三十一

試院書事

叨從委佩較羣才分席儒珍列上台爲有黃雲初日  
賦如歌明月夜珠來大官饋食傳龍扎太史吟篇和  
鳳臺爲國薦賢今日事狄門桃李到春開

五日其相幕至與默公同賦得湖字

人傳地脈列盤盂有客過從問老夫此日懸符同里  
巷何時競渡學江湖天街車馬喧成暮家學墮篋和  
似初不可坐令佳節醉獨醒詩思近來無

送呂正始提學江西

日淡飛塵送旆旌星遙指豫章程服官平準書初  
上選士公門花更榮白臘腐儒秋水照青雲代客玉  
山行百年繫我維桑梓願借吹噓同舍生

輓李舒章

欲借雄文起病顏如何零落死燕關從今藥籠無侵  
木自昔琴聲斷水山爲將隴西同不遇吟詩供奉幾  
曾還安能化作遼東鶴語我神游滄海間

其二

慕君誰不祝狼狐胡使人憐薦東芻夸父豈緣追日

石雲居

卷之二

三十二

影愚公空有鑿山徒文章不壽悲真宰朋友何年續  
顧厨每過居停成腹痛死生隔絕在天隅

王大哉憲副出關謁平西

雁塞鷄田曳短裾入關不用帛爲書郭恂自昔從都  
護鄭國如今鑿水渠傾蓋邀賓多置騎散金養客少  
歌魚移將旌旆當明月一照江城我卜居

送恭順侯吳實宰督漕淮上

貂蟬果葉盛鳴騶又轄司農飛輓籌招客共歌生桂  
樹煮金有術變滄洲長腰米賤街龍尾短後衣多過

虎頭自是廟謨關重地干城今日借公侯

十二月送竇樸庵巡江寧

都亭馬出踏冰塵惠我江南縱羽輪不用神羊冠可  
畏能令政虎吏皆馴南岡仕宦安門第下里漁樵洽  
比隣總侍繡衣天上客霜寒又似近陽春

郊壇恭紀

霄漢星懸兩薄飛泰壇權火候龍衣連錢苑馬齊金  
勒住陣宮烏屋翠微日景吹葭寒谷煖雲光遶仗羽  
林園侍臣恭賦橫汾祀羣望黃輿紫陌歸

不雲居

卷之二

三十三

詩集

衛台生惠梅樹二株沈元子適至卽贈

風梳雪竇讀殘書漸減塵遊似服初忽有仙人携素  
萼更憐幽獨伴華裾高山倚石清如玉流水揮絃白  
動虛敢擬調梅稱盛事何時移種在吾廬

其二

羣花繡錯避風侵芳樹稜稜立雪深不肯媚人類人  
夢誰爲贈客可相等凝寒天地留玄草吹管陰陽見  
素心貧賤如君真富貴白衣名已勝華簪

其三

京園桃李溯陵秋尚有花開百尺樓怕逐壽陽成艷  
質頭登庾嶺傲名流歲華笛暮木爲骨臘鼓鳴春雪  
滿頭怪道衰安高臥穩定看幾樹不言愁

其四

撫松本愛陶元亮看竹何須王子猷既有一枝成好  
友竟如官閒在揚州鷄羣獨立玄雲羽鴻渚遵飛明  
川流管領春風無限亭不教徒羨上林遊

送吳侍御之湖南

官騎駿駿七十城簡書又向楚江行豈令蔓草同

不雲居

卷之二

三十四

詩集

香草但是聞聲識大聲衡嶽漸傳鴻雁信瀟湘不斷  
雨風情爭看驄馬無相避爲有陽春處處生

楚珍五十初度虎臣適以歸要假歸寄祝

千騎東方上將勲猶耽開徑謝紛紜著書年正同高  
適吹角聲難近右軍頽老三山揮兩袖歸從萬石浣  
中裙門前雲錦占鳴鳳鼓吹携來自五雲

種桂

通明小屋遊遊塵贈我淮南幾樹新早負三秋修月  
斧更憐太岱老天神家無儋石辛爲味座有詩書秀

在隣好咏中庭多桂子不將草木讓幽人

其二

兩次移花擇土宜火雲爲毒老花枝只令童僕勤澆  
水忽有歲鞋又得時寬我愁心異江草呼兒來視比  
庭芝尋常物理皆如此人力能通造化私

病中談高唐朱生事卽贈

倚枕談君便色飛朱家名姓不曾希素知文學爲天  
性反使悲歌佐少微既嫁佳人還破鏡一貧范叔贈  
寒衣當年司馬傳游俠慕義誰能願莫違

石雲居  
詩集

卷之二

三十五

送朱生歸里

山居佳處傲金廬策馬翩翩曳短裾春日相逢聞楚  
詞花期又別寄鄉書腐儒落拓干戈遠高尚扶携姓  
字疎漫佐移文投我輩相將小隱伴樵漁

寄朱鑑先書于族弟所

知君杜陵老躋坂定憶風塵賤子類合是朱絃彈古  
道誰爲青眼買名山牛眠有術公卿動龍臥無心父  
老閒倩爾雁行傳尺素囑加餐飯待余還

祝張蓬玄先生誕日

公登八座我書生翻愧堂餐附裏行岳降甫申應佐  
頌漢多更老不爲榮旋栽幾樹當林曉又買雙柑聽  
鳥鳴當信大年兒戲事黃金滄海看來輕

送張真人旋里

霄宮丹篆擁飛雲新拜龍章應紫氛海上神仙猶吏  
隱山中宰相卽微君采真欲結還丹伴論道能除秘  
祝文冉冉御風携杖去里門父老喜相聞

自詠

只合抽簪老灌園也隨鷓鴣謁君門有官饑餓方春

石雲居  
詩集

卷之二

三十六

送李提學

米佳客過從不置尊瓦上松生花不掃堦前草長鳥  
常喧近來題作山居好日日攤書仔細論

爭傳繡斧動江臯又向諸生采鳳毛筆札尚方先給  
賜文章下里藉甄陶毋令標榜稱名士自許冰壺照  
絲袍庶下歌聲多石隱看君獻賦猗蘭操

王安之初任方伯却寄

出門仗劍憶相看日下除書到紫翰方伯尊爲五等  
爵中書新作大藩官蠶叢秋洗蛾眉月劔閣春生錦

水瀾此後何須歌蜀道紛紛絃管遏雲端

憶梁眉居銀灣舊遊

司農官肯築銀灣坐隱何如大小山幾度招余遊汗  
漫不辭對客聽溪潺手培春草堦前長目送飛鴻天  
際還此日已成今古別讀君遺草不能刪

金年伯八十壽

欲溯江臯問老成狼狐星復到秋明山傳太守同人  
醉坐有神仙是地行海上桑田看幾變花間筇杖正  
初鳴舞衣何似芙蓉佩紫氣重來詔五更

石雲居  
詩集

卷之二

三十七

賈公夫婦雙壽

何處紛紛車騎來高堂良讌自今開公卿執爵歌鍾  
度父母齊年舞袖裁鶴筭雙添進甲子鹿門相倚聽  
南咳不須更種金光草紫海新衣滌幾回

初地

初地何如南省槐音聲好奏鳥飛來不知幾許紅塵  
道讓我全傾白晝杯花種祇園猶帶草菰生古瓦徧  
成苔頻過坐臥翻書帙薄暮須停騎騎催

鄧元昭館丈于嘉平月惠海棠一株與默公進

也賦堂字

春傳太史欲移霜濁酒爲歡已過牆鐘鼓不須催紫  
袖嘉平先許報青陽仙名譜在峨眉月香國花開水  
雪堂莫使佳人悲獨立吾家詞賦正飛揚

送奉 詔諸臣

龍樓日下錦章開獻歲春從使者來北向黃河先獻  
瑞南征朱鷺正如雷 天皇斗建頒金曆闔閭風高  
拂玉臺一扎十行廣大詔何人不進萬年杯

同諸君夜步

石雲居  
詩集

卷之二

三十八

幾年作客畏宵行喜到天街列火城老幼皆經太平  
歲鼓鐘不斷春來聲酒樓扶醉看龍戲錦屋連雲對  
月明衰老似余猶健步不令好景讓諸生

見傳奇有似予者作此

輟淚聞歌落日遲逃虛似我不勝悲怨仇鏢骨人如  
鬼違難全身友是師李燮酒家應自苦趙岐海上幾  
相知經過萬里傷心處定是雍門泣里兒

道開上人詠菊花詩寄長安荅其意

吳楓初落半塘溪中有桑門獨朗吟不是尋常懷白

露却于草木等黃金仙人甘谷猶明目處士東籬更有心知爾贈遺無世味攤書呼我到山林

張大行黃提學伙工部過我談文

金子屹屹竟窮年仍學時人應制篇未有管絃招人  
不困科第笑高眠風高雁落雲中字秋盡藜燒閣  
上煙都是曲江花樣好又爲重說蠹魚仙

次李萬成韻

十年盟會等浮埃誰是崢嶸子建才楚澤但傳鸚鵡  
賦江干空有鳳凰臺黃金結客諸侯死明月投人二

不雲品

三十九

仲來好向暮寒吹玉律陽春一曲落庾梅

夢董思白先生論文次日孫北海携天馬賦見

示甚異之

枯桑野火夢相通隔世驚看白髮翁曾說文場題五  
鳳忽携筆陣戲羣鴻絕交書報知誰氏修禊流傳無  
是公天馬異同君善辨玉堂人物讓江東

李萬成過我

過從歲暮擬登樓君且加餐我敝裘漫似謝莊能賦  
別當知衛玠善言愁佩蘭有客雄風在按劍何人明

月投相印棄來成顧盼著書雖老不曾休

至日卽事

我馬玄黃我僕癯一貧如此笑潛夫安能解綬犂春  
雨漸近吹葭轉地壚紫塞風塵多種菑浮雲道路尚  
疑珠眇子極目生平友偏是年來信息無

宋其武書到詢卜地事

天涯鴻雁亂寒煙鄉里魚鱗到我前墮淚鼎湖成隔  
世傷心風木抱終天涕歌尚有山松在絮酒誰爲孺  
子傳每負生平能相墓何時策杖卜牛眠

石雲居

卷之二

四十

十月朔日食與張蓬玄高岱興諸先輩到禮部

救護未刻始歸

誰將天曉幻中黃碧落吹噓度紫房日食在辛當十  
月官來旁午拜微陽仰舒自悔言災異洛下偏能刻  
短長肯效俗儒因掌故浮雲報罷鼓鐘堂

沈元子來長安張爾唯戶部過我賦來字

長歌久不顧燕臺短後衣成徒步來肯畏天風零蔓  
草且從驛路寄寒梅十年杵臼歡無恙百斗詩篇興  
又裁仲舉榻懸渾憤事目前誰似隱侯才

張次先館丈旋里省親賦贈

玉堂人似客星歸秋暮難勝舊舞衣喜復省親過捧  
檄招來向我共餐薇寒官垂橐無鴻寶河上平沙看  
雁圍好讀陳遵投轄傳莫須意氣逐輕肥

九日同潘麟長坐齋中

采菊東籬事久違索居何異不開扉嘉賓到便吟秋  
水悲几移頻受遠暉刪史百函蟬食字揮毫側理雁  
成圍猶嘲栗里偏邀酒飲我原來是白衣

署中早歸

石雲若

卷之一

四十一

晨煙盡起策驚歸坐老中庭一布衣肯使黃花隨落  
木儘教紫帽對清暉枕中鴻寶無佳客几上移文有  
少微寂寞一經兒讀未傳家何敢望金扉

高岱輿大中丞生日贈詩

銓衡新領大中丞簡要清通我不能佳日漸隨南陸  
至長庚正與北堂應管絃奏出延年曲賓客圖爲曼  
倩稱疲馬懶從湯餅會但將祝頌代青稊

蔣穆之南歸將爲粵遊送之

難將風雪阻君行纔望金陵又粵城年少不甘終落

曉知希何處是求聲東山絲竹成煙雨南海珊瑚出  
甲兵陸賈舊遊金滿橐歸來真過獻書生

袁雅儒至長安補官

吳越白頭曳杖飛又從幕府着戎衣一官爲客清如  
水三載來過靜掩扉不識馬塵何碌碌但思鴻跡自  
依依知君未跨揚州鶴縱唱陽春和者希

壽曹君六十

田園樂日老持筇客遍天街拜紫封甲子有因添海  
屋庚申無待問仙宗稻梁秋實鴻飛渚桂樹山幽鳥

石雲若

卷之二

四十二

蹕踪幾許琳瑯成異響愧將下里對華鐘

壽張蓬玄時移新第

冠蓋如雲總後塵朝參意氣白頭新冬官兩人尚書  
座夏日羣瞻南極人卜宅何妨容駟馬開筵幾處致  
雙麟呼余小友當成頌爲舉崧高甫及申

老舅父來長安口占

年來難得萬金書大火飛塵忽顧予祿不逮親悲子  
舍老猶逢舅話吾廬窮愁但乞長安米賓客誰迎長  
者車真似文園常病渴倦游前後一相如

祝王君

嘉日開尊入桂叢淮南招客五雲中方平自具金盤  
肺子晉頻吹嶽嶺風不使錢刀通意氣尙家經術授  
君公門高此後容車馬漸長青槐一路通

其二

聞聲何必上君堂賦就新詩當羽觴大火爲霖龍起  
澤好音協律鳳鳴岡猶思廷尉文無害莫羨仙人禁  
有方花外小車時過訪幾番重浣紫泥裳

莊玉聰兄弟招我仁壽寺雨至

石雲若

卷之二

四十三

玉堂兄弟懶邀賓爲我過尋蘭若隣惜福不能辭五  
筵言懷真似得三人鳥問鐘磬皆來舞花落榆槐可  
當茵開士幽居容杖履雨催馬策踏泥塵

署中藤樹

三月花生紫翠叢暑高交懣引涼風懷人蔓草當天  
末種紙名山屬剡中屢成廐夫毋繫馬喜看秋葉漸  
吟虫可憐老栢垂雲死剩有朱藤氣鬱蔥

蔣真我生日

吹律秋清對蔚藍東鄰佳日每停驂計然七策方行

五少伯千金婁致三應比封君猶慕義何須開徑得  
溪談都亭祝宴紛如許斗酒仍傳江上柑

鳳溪寺贈靜上人

入山何似鳳溪深開士持筇結勝林世上隨人驚失  
馬堂中無事試來禽雲飛野慢憑虛舞鐘度疎松隔  
水吟我欲逃禪空雜慮笑過蓮社許重尋

太姥山下過方密之愴然別去

世亂藏身行路難高飛黃雀泣秋殘名山僧隱觀滄  
海荒谷人來着白冠婦嫁不知何日近流離相見此

石雲若

卷之二

四十四

時寒天風野燒如碓急吹斷裁雲千萬端

夜宿武昌城下乃于舊遊處

江頭舊日接飛甍亂後重尋路幾層詩徑見神宣夜  
火簾門妻子泣寒水啼殘鳥樹人非故老傍漁舟我  
未能到此吞聲思往事裁書問好長張燈

入楚北行

幾年兵火少人行江北江南一路薪秋水宜消偏湧  
浪荒村欲汲又生塵浮雲甲第烏啼蒲落日陰風鬼  
泣新莫待衡陽回雁信早尋紫塞寄魚鱗

朱家寨寄朱孝廉用亭壁鍾伯敬韻

莫向旁觀怨不平昔年奇服恐相驚  
主人尚有朱家姓奴子難留季布名  
始信山川成世態更憐風雨廢交情  
荒村極望識防少去住翻如挾羽輕

行

五月沙塵旋夢驚到門初日是嘉平  
千戈匿影稀相識杵臼關心泣再生  
黃鵠切雲天際遠白鳥遶樹帝鄉鳴  
看君旌旆還金馬願乞山茨飭草羹

石雲集

卷之二

四十五

麻城黃文忠爲予卜

亂後驚心問楚濱渡河仍見涉江人  
青瑣素有香蘭佩絳帳移來芳樹隣  
招隱西州叅老易放遊東井聚星辰  
爲予細卜生平事總是無求要路津

贈成寅天

德門爭見弟兄難慰我流離值暮寒  
何處干戈非蔓草只君庭樹有崇蘭  
老人夜照青檠火遠道時遶錦繡端  
空慕烏衣江左盛清談猶是滿長干

江海源

赤幢旣獲老方瞳司馬空言無是公  
家在天津多紫氣名藏帝里見玄風  
煮金方術非祠竈煉石神仙正返童  
遇我悉聞真諦訣願從采藥萬山中

立春日贈王清遠中丞

春社人扶發浩歌聲傳蓮幕舞花多  
迢遙裘帶羊開府指畫山川馬伏波  
仰擬登壇傳書閣仍看懸戟盛鳴珂  
野田年少憐黃雀飛傍高雲釋網羅

衍台孫侍御爲予寄同朝諸公書

高牙日動大旗開滿笈稜稜漢使才  
赫輪改衣牽犢

石雲集

卷之二

四十六

往毗牟就宇喜舉來師門早讀虞成學  
帝里誰登郭隗臺千騎諸侯供執事獨  
依青案薦書裁

淮安劉任先同年爲真定守

淮南叢桂浥清醇北地朱檐擁騎新  
招我月明聞古調離家歲暮慰傷神  
杜陵奔走誰爲主王粲流離更幾人  
漢法嘗徵二千石聲名肯減立朝身

過真定歲除寄雪堂遂初諸友

歲闌街鼓醉屠蘇偏我難看家慶圖  
却憶傷心垂死別曾知匿影再生無  
宮雲依舊溪隨輦溝水如今曲

遠都騎馬擊鞭起避客相依風景不相殊

故人爲僧寄以詩

畏途相識舊東陵  
覓路荒荒又擔簦  
自念我翻逃作客  
不如君蚤學爲僧  
披裘猶易占星斗  
高蹈何難避矢矰  
到此有懷揮手去  
白雲飛度數峯眉

至睢州有感

寒山淒絕暮煙斜  
針舊日村原見幾家  
草長市田驚宿雉  
人稀落木亂啼鴉  
畏兵相避真如火  
携友長征未有涯  
風墓中原文獻地  
到來拂面起塵沙

石雲集

卷之二

四十七

送洪閣師督江南兵有述

天街柝木紫雲端  
貴相星兼上將看  
射石伏飛馳野馬  
鳴鏑技擊盡鈴鸞  
何開江海秋來靜  
蚤計車書路漸寬  
幕府檄聞銷戰伐  
功成麟閣重長安

菊潭先生觀子紀行詩示嘉什奉荅

訛言何敢上旗亭  
恐有訛人妬客星  
雙服躊躇援虎穴  
攜囊寄託相龍經  
誰爲關尹能占紫  
卽遇嗣宗漫作青  
遠望幾番臨蜀道  
峨嵋已在翠微屏

其二

泰閣清亭夜來重  
聚戴篋星詩傳司馬  
風塵

跡証就泰軍山海經  
荆棘關東銷太白  
麥苗河北見初青  
經過真定清貧守  
便擬從之聽閣鈴

其三

鴻書宜草蜀西亭  
玉署闌干值斗星  
知我無心工作賦  
何人不愧善談經  
大黃朝射撰九赤  
飛白重臨汗傳青  
從此勒功鐘鼎重  
幾多帶甲釋成丁

不及登滕王閣

高閣臨千宿斗牛  
當年帝子喜淹留  
文章肯讓神仙

石雲集

卷之二

四十八

事風雨偏生湖海秋  
起陸龍蛇潛鐵柱  
憑虛雁鵞下寒流  
飄零漫賦前歌舞  
只尺渾疑是十洲

贈梁王立年兄

嘉日翱翔憶五雲  
隔年烽火不相聞  
到門爲進青丘履  
問字能書白練裙  
江上風煙初對酒  
懷中山岳但論文  
春竿若舞嬰鳴曲  
愛聽芳聲得似君

贈朱滄起先生

玉堂熬火夜來看  
爲讀鴻書照未殘  
教授河汾多將相  
品題京雒重衣冠  
常懷五岳浮雲起  
獨上高樓明

月寒許我東南門下士仰瞻北斗正闌干

其二

古院春陰客到遲好音喜聽獨臨時幾從絳帳爲高第我識蘭陵是老師曉日梧桐棲德羽秋風河漢下流嘶一時人物爭相譽欲問龍門更有誰

送謝審雲都督招撫廣西

幕府文書省戟張灌花只在帝城旁愛看白日仙人局肯問黃金諸子裝虎帳韃橈森武庫魚符鎖鑰屬文昌老成獨挾朝廷微輒對便宜幾萬行

石雲集

卷之二

四十九

唐山寄趙問源兼呈成青瓊

曠野風微莫避塵帝車遙度種花鄰有山今日存唐號懷璧生平憶趙臣湖海未除寧越境艱難不死又依人青雲伯仲稱同好偏似寒吹贈柳春

周農父于秋七月來長安過予

躬耕不肯出龍眠忽漫相逢尺五天張翰引琴因入洛管寧著帽近居燕豆華水發迂行路河鼓星移對客筵莫使虛聲同處士君來真是奏朱絃

試太學默公第一

環橋諸子善談經誰許升堂比德星喜有龍眠騰尺

木何難鯨力破滄溟扶風太守稱高第江夏黃童正

妙齡解輩漫須爭第一才名先已重朝廷

九日小飲與周農父

何處登高望遠暉濁醪小飲客來稀未能荒徑栽黃菊難比山人著白衣隔花笙歌良宴會滿街車馬擁花歸江南老友相逢喜一任秋溪鴻雁飛

贈李素臣

湖田小築敞郵程種樹園花數短楹忽泛仙舟來廣

石雲集

卷之二

五十

陌每能高坐傲公卿秋衣冷帶看山色絮帽寒吹聽雁聲樽酒遲君君未至張燈誰與說平生

送張玄卿歸瀨上

京華旅食日如年君喜淹留煖一瓊歸里翻如離索苦登舟應夢卜居連齊風迢遞當霜露淮水蒼茫接海田瀨上報恩波未息登臨誰許大夫賢

春初贈山陰王我涵大將軍

綵勝初懸飲射堂柔風吹動避寒香六星將相來天上百里賢人聚帝鄉緩帶風流麟閣曉揮毫露布虎

符揚塵驅似遇山陰雪清照懷中過夜光

曲周芮令爲予同里

石屋驚傳王謝堂百年公子種花香我來爲說家無  
恙君獨相聞適有糧倦遊何處才可馬受謗偏能訟  
樂羊朱豹絕交書漫廣躊躇落日咏河梁

望梁年伯墓

飛塵蒙袂日遲遲極望偏生晞露悲逸少有懷先哲  
墓中郎無愧後銘碑然藜累葉未輪盛燼火枯桑白  
雪垂此日車行行更緩隔年猶予賦新詩

石雲書  
詩集

卷之二

五十一

保定破城李孚石將軍死之

孤城鼓角咽相聞獨具衣冠死報君朱鷺欲歌揮落  
日白虹熱視變浮雲裹屍新息益兒女食肉睢陽泣  
逸氛門第隴西今不辱過人忠孝李將軍

北行路別曲周芮令

自喜更生托梓桑逢君負弩大堤旁山雲綽約顏如  
畫野雉飛旋網不張種就名花開錦繡聽來古調奏  
笙簧惠子牽挽行車者沿路燒薪代夜光

成六兄卜齋詠

難求盤谷避風塵獨喜尊開北海鄰舊是高陽佳子  
弟新看小隱擇君臣止魚草就花生夢龍虎文成席  
滿珍博物君平臨蜀肆不勝家學辨紛綸

王慧生中翰

鳳池春曲度卿雲奏響華階煖氣熏名藉五朝丞相  
客懷藏三篋典謨文佩刀璀璨傳先世斐几淋漓識  
右軍恰是晉公書考後紫薇重發又逢君

君五雲堂

切灰到處鑒昆明尚有靈光切鳳城濟世無才沾祿

石雲書  
詩集

卷之二

五十二

米懷人何日共尊羹攤書猶按前朝事奏牘重來同  
舍生松桂千雲相對老青青擎蓋比龍精

齋居

轉戰年來事事更爲郎白髮強勝情五雲鷄犬猶如  
故隔世堂階又獨行樹杪交疏舍雪蓋巢泥故落濕  
書樂東方奏對三千牘莫認詆諆肯脫纓

部中贈雪堂

春禽脫曉隔花聞啓事山公善屬文當世何人歌白  
雪故鄉偏我附青雲采芝久約儼真侶種樹新同橫

草勲堂僕莫辭歡甚得清通名譽不如君

贈馬我田吏部

綳帶相投接席初疎狂願補結交書舊傳大器標銅  
柱肯效鄉人駕澤車水鏡一時方照遠水壺滿座欲  
凌虛誦詩伯仲聞吹和聲入高堂盛舞裾

金魚池贈孫北海

飛蓋西園殿盡煙不如物外聽流泉魚猶知樂來濠  
上鳥亦忘情近席前金石主人簾晝捲辰星賓客袂  
初連平原無恙風雲態沾酒婆娑舊管絃

石雲居  
詩集

卷之二

五十三

調梅將去河西務

頻過虛堂聽遠風送君于役唱驪同星移占是關門  
使水鑒知如河上公班馬蕭蕭衝黍稷棲禽宛宛狎  
澄濛長安更有懷人處奕罷題詩獨草鴻

金魚池

天涯觀止日初遲當路游絲似慢垂紫燕差池呼去  
社紅魚澆酒喚來池翻多勝事因楊叛偏有歌聲似  
竹枝江上王孫多遠望白頭應在草青時

劉山逋自淮南來

攜來芳樹自淮南種就明光照蔚藍遮莫紅雲招素  
手况逢白塵罷清談星辰應客名難隱月旦何人譽  
不慚願北山公求自代報書仕宦只君堪

陳心田京兆生日

百尺樓高齒戟開豫章桑梓識君才應同道廣賢人  
聚肯羨風流京兆來玉燕在梁親紫佩石麟有種候  
青槐嘉辰招我遲明月南極占年夜莫回

贈李梅公奉常

秋槐日靜案無塵念我同袍過比鄰隔世不堪懷往

石雲居  
詩集

卷之二

五十四

事新朝能見幾鄉人天涯紫蓋吹仙仗原廟玄圭進  
燎薪禮樂百年綿最就魯儒原讓太常臣

其二

匡山軫翼聚星初又見君家千里駒仲子應投東里  
佩朗陵爭待仲弓車有時斗酒呼相勞漫計瓢樽縱  
自如極目雁行秋入塞蒼雲到處帶魚書

高柱河督學江南

旌旄子子指江干一片冰心暑亦寒飲馬三軍初作  
合雕龍諸子又彈冠絳臺雲過陽春曲滄海珠生秋

水澗爲堂公門山斗重懷書何敢效邯鄲

姜侍御之江南

蘭臺視草動明光錦履除書繡佩長天上將軍能戰  
伐市中年少漫飛揚登車雷雨收炎暑問俗江湖薦  
滄梁共計救時多俊傑幾人得似我同裳

送王雪國侍御按浙中

送爾秋高霜露繁寒帷到處負橐鞬丹鷄盟會安江  
俗赤黃星芒北海門夫子關西溪夜語孺文部下故  
人樽采風爲獻柔桑落此後扶條是帝恩

石雲居  
詩集

卷之二

五十五

送趙問源僉事之關中

攬帶看投明月珠何堪門外駕驍駒久空冀北黃金  
市新應關西紫氣圖日遠夏雲生畫錦風高秋水濯  
冰壺經過戰壘歌聲北爲報溪恩下虎符

毛侍御按江南省

江上初驚永綸行蘭皋馳馬踏秋聲望風懷綬從今  
解問休援元常道平廉吏可爲矜暮夜清談無事盜  
虛名惠文冠帶神羊影指佞何殊屈軼生

孫二如居吏部久

聞聲未許上蘇門冰雪堂前識斗垣幾部甘陵非叔  
度何時東閣是公孫人從風雨懷巾角我挾江湖對  
酒樽白髮爲郎猶未調老臣隨地報君恩

陳侍御督學蘇松

火流驛路聚山青吹作秋風江上聽自有卿雲飛是  
綽更懸明月照如屏人倫模楷投冰鑑天漢昭回應  
地靈欽愛吳欽成雅奏從前厨顧學橫經

哭張完真總督二首

驚傳新減大官餐數日登堂已蓋棺九死傷心悲不

石雲居  
詩集

卷之二

五十六

盡一生報國事皆難家因幕府推牛破星落營門戰  
馬寒三輔如今多盜賊思君涕淚滿長安

其二

從君執手話傷心猶道憂時託疾深死後方知真告  
我年來惜別到如今黃塵滿地烏啼樹白雪橫空鳥  
失林十月悲風悲未息懷人往矣廢彈琴

聖旨 念江南民困有述二首

江南秋水上河魚猶有人投加賦書欲取屯田當戶  
口更將澤鹵比河渠弘羊何計當時薦御史曾過文

學無我抱杞憂勤補頤聖朝原自慎權輿

肯下 斥言利者有述

幾行寬大布初陽黍谷春生日漸長尚有桓生鹽鐵  
論只須劉晏轉輸方車書一統官山海文命來同蔭  
梓桑刊析秋毫何所用聖明從此策賢良

獨聽

獨聽天風作雪聲吾君此日幸邊城蒲稍戰馬雲中  
立禁苑雄鷹臂上鳴拜舞呼韓從羽獵紛紜更老仰  
龍旌都門官道龍成采忽見金輪照耀行

石雲居

卷之二

五十七

傷女自悼

長安兩度逢風雪骨肉摧心可奈何嬌女不能仍作  
賦新傷欲挽漫成歌既登鬼錄饑寒少若是魂來涕  
淚多衰老僅存餘息在中庭憶汝幾經過

次農父慰子詩第六女嬈近五兒

素雪輕飛屋上霜沈瀾涕下拭寒裳天無老眼貧官  
苦我獨傷心女子喪退食猶疑聞笑語幸衣何處問  
琅璫九原定遇親兄嫂爲說高堂髮已蒼

初雪過飲劉潛柱所同穉弘公實農父

虛亭積雪坐寒瓊好向東鄰費酒錢醉我却令賓是

主談心肯厭日如年吳頭楚尾道家久也老天荒問  
字全莫作尋常同宴會幾番乘興不曾前

其二

寒花欲死十月生白雪紛紛變陽春旋馬門前刻鳥  
獸飛鳥道上遊魚鱗東家沽酒急吹火南園  
去輪河朔平原亦往事此間集聚占星辰

其三

天門辰齒響初冬老健偏聞雪後鐘求友逢君如野

石雲居

卷之二

五十八

鶴讀書懷古是人龍淮山玉樹明仙灶海上冰綃斷  
禹封宜達未能供熾炭詩成叉手正從容

其四

軟紅十丈雪初封小屋通明客履從隨世呼名當應  
馬與君共席久稱龍一寒如此非爲病三白于今應  
在冬學士吟詩淮上水江南處處各愁峯

過蔡懷真大將軍所

馬行不避亂吹沙踟躕過從上將家設几全收金石  
錄園尊旋煮雀龍茶仙人丹室肥瑤草魚父桃源飯

紫麻真有江湖藏帝里却於四座幻雲霞

壽蔡奉梧中丞

將吹煖律變寒風喜到高堂壽巨公姑射山頭冰雪  
好方平席上玉杯同四星執法文無害千日流霞醉  
不窮我敬府君方壯仕能令賓客賦雙瞳

壽高太宰生日

文石同登直玉堂曾從吏部列班行遇公孤矢寧親  
日進我山川祝壽章水鏡照人賢不滯葭灰吹管景  
彌長生平學道無城府此後何須說禁方

石雲居

卷之二

五十九

從洪老師宿翰林院以董宗伯書法見示

雪後花磚上月寒直廬新火對同官携來學士詞宗  
筆可作天門鳳閣看掃室無塵如郭泰權鹽有論識  
桓寬坐溪午夜當清晝錦繡相投第一端

夜宿翰林院

亂後無家借玉堂重過寒月正蒼茫垂陰壽樹巢烏  
鵲潛水虛亭繫驢驢從者尚能依穎士主人何異老  
馮唐自羞借火求鄰舍猶說當年太乙光

周農父應馬我田幕府聘送之

寒日相依暖竹光翩翩幕府挾魚腸馬周才子猶爲

客韓愈文人屢山鄉病足不能騎佩馬短衣真可絕

飛揚爭傳露布何人草東望龍眠道且長

過城外寺

暮雲欲下作村衣下馬重尋野寺扉遇有老僧猶故  
我不知官長是忘機土床宿火燒殘芋霜月懸階敵  
曉暉夜定忽聞禪誦子鐘聲微喚昨來非

送宋釋弘馬公寶歸里

君來惠教里中書盡道荒年煙火疎爲我一官還似

石雲居

卷之二

六十

烏翻令食客歎無魚雪風未過鄰家酒車馬誰喧處

士廬好向池塘春草路高吟相待駕柴車

傅密之太史書兼讀其寄我詩次韻次韻

天未傳書雨雪深淚痕重下短衣襟首山仍是箕山  
節東海終憐北海心稚子遠行捩虎穴孤僧不死有  
人琴當年太姥輕揮手讓爾流離蚤入林

其二

野老江頭哭復吞至今誰是報君恩桐山太史飄零  
處苗穴浮屠方便門富貴百年輪痛苦泥離一日淨

塵根廬林空有黃冠思不及還禪客尚存

雪朝次韻

玉階鐘動似鳴笳新舊官寮總一家已象調來隨仗  
立官烏漸起逐飛斜陛前滴滴雙拳袖闕下轉轉屢  
過車坐得半瓊爲故物又添紫帽滿頭花

邀范甥同諸友來集

空室偷閑據竹床亦招良友白雲鄉當筵屢過墻頭  
河度曲隨宜年少場雪壓空階寒日景火微新炭借  
春陽若傳好客平津館但有公孫脫粟糧

石雲居

卷之二

六十一

卽事

華雲紫蓋拂龍趨甲士齊捧金僕姑至日天皇行間  
道初冬廣莫變寒廬馬嘶冰雪游塵斷草泣兵戈絕  
塞孤臣老未能恭獻賦長楊猶只在西都

高岱與太宰張蓬玄司空招飲

寒庭徙倚憶同裳招我來過夜未央野菜漫須羞肉  
食華燈真覺引杯長兩家子弟皆登榜一派淵源自  
有莊窈窕歌聲多喜氣先教白雪和文章

舅父來長安

卻下重來白露高門庭何似長蓬蒿不能爲舅充行  
李徒有懷人贈綈袍野火枯桑燒兔急湍沙提竹鐵  
龍勞經過艱苦勤歸馬又爲江南慮桔槔

讀農父近詩

龍眠高士臥南牕吟得新詩氣已降大雅一人真應  
雄文萬里練如江座中談笑尊匡鼎床下巡邊拜  
老龍猶喜近來推善病不須曳屐避鄉邦

羽士來宿入廟陪祀

秋星炯炯咽吟蟲簾火微青細雨中應喜聞聲瞻魯

石雲居

卷之二

六十二

壁豈緣間禮宿玄宮妖狐夜泣茹蘆坂健馬羣嘶首  
宿風束帶趨陪吾輩在可無鐘鼓急相攻

送劉潛柱歸里

杜陵野老久吞聲送友仍同泣我生避亂尚能親負  
米有官翻悔誤遺焚龍眠山下秋風早蛟射江頭落  
月明反不同君苦塊苦日從帶鳥作蓬迎

觀梅

朝起誰傳驛使書折來花已到吾廬素能耐冷探春  
蚤翻喜燒薪就日舒賦就廣平江上曲詩成高士雪

中裾停君細酌層巖酒天地蕭蕭有二疏

寺中餞雨使君

爲祖江干兩使星珠宮雅集過都亭比肩意氣從車  
馬抵掌衣冠舊典型小雨報花催作綠暮雲籠樹漸  
成青游閑賓客尋常散伐木春聲不倦聽

送呂長音歸毘陵兼柬楊冰如狀元

金馬門前駕短車言歸南國愛吾廬秋田數畝稻初  
熟紅葉滿山風不除邀客有時來數雁携兒隨意看  
捕魚生平誰能過此樂楊子低頭著何書

石雲居

卷之二

六十三

讀彥升宗伯燕京雜詩

眼中誰作帝京篇宗伯詩成世必傳曾聽歌鐘過戚  
里又看金埒候中消倡家跼履游閑市奴子橫行官  
長前幾載風煙渾不似何人騎馬不相憐

徐州蔣赤臣兄弟

囊書千里下江州相見歡如宿昔游高等孝廉借計  
吏同時文學譽名流風吹戲馬臺前路日照飛鴻河  
上樓莫謂彈冠成往事幾人五月共披裘

寄閻生

聞聲痛哭幾曾休獨往西山荒上頭慙我交情非綺  
帶憐君高蹈未滄州柴桑歲月閑成記襄漢妻孥亂  
不愁只尺僧林天際遠春來猶是雁行秋

仰川進秩令子成武進士兼逢初度

子月寒溪律報春寬探嘉宴集初辰星懸環衛趨丹  
地秩比通侯佩紫紳庭下魚觴初應斗門前馬足漸  
飛塵吾宗自有三陳傳薛鳳荀龍讓老臣

送虞嚴修同年官高淳廣文

我欲從君問較書廣文官冷正新除去家百里游無

石雲居

卷之二

六十四

倦閉戶三冬樂有餘湖草寒凝隣絳雪庭花春暖集  
華裾尼山絲竹生徒業作相虞卿總不如

大司馬金公來持所爲文示我

司馬門前冷似冰閑來操管識師承文章報國須如  
此金玉投人有不能游宦更番平怨毒讀書終自惡  
模稜驅車來問松亭老舊學輸添十載燈

送張孝廉教諭處州

聞聲帝里共彈冠屈首流銓肯宿寒却繫廣文工步  
馬暫停千里漱雲翰括蒼仙府誰先識旣海神仙許

獨看况是躬逢臨太學泮宮芹藻應長安

過清河望西山

秋水如濛過幾橋行人小獵漫相招正看平野荒成  
草又見前林雪似潮橫道成兵鳴白馬短衣願養縱  
黃鵬江南最少今年雨何處生煙有墮樵

孫子任歸里詩以送之予任尊人集留我所

初驚霜白下農村客有歸心到我門爲問遺書留絳  
帳不須還壁報青尊東園榮樹應懷舊北地金臺易  
感恩如子三冬真足用好來座上一相論

石雲居  
詩集

卷之二

六十五

孫二如大中丞下世久矣次君子任歸賦二詩  
老眼松亭避客過寒溪憶友託山阿署門當日猶非  
翟去客何時又見頗三篋芸魚多食字百年松鶴漸  
巢柯墓前誰解延陵劍說到驅車淚更多

其二

虛疑顏色到空梁每領中郎夢見長秋水蘼葭沉別  
賦天風木葉響清商經傳有子升三舍車過何人泣  
一方眇眇獨愁成隔世絕交論廣少年場

宋玉叔以詩示我贈之

誰貽錦繡到松亭開卷能令倦眼醒蠶室馬遷猶在  
史獄中黃霸獲傳經詩成痛哭人皆夢事到艱難鬼  
更靈此後論文吾子健宋家兄弟是文星

慰張生

南山有鳥北山羅白面書生亦礪詞語到披襟翻作  
怨交如投帶半成訛不疑應有還金事班女空勞團  
扇歌忠難前人今可法世情翻覆久如波

高太宰惠汾酒併食紫蟬謝之

久不相從醉濁醪滄州紅友價偏高人情真是中林

石雲居  
詩集

卷之二

六十六

烏世事何如左手螯便與松亭酬笑傲更爲樵谷抱  
兒曹從今識得天官意退食端居念我勞

贈左先生

侯家萬騎獨先登盡護期門任股肱口不言功書有  
受身嘗緩帶座頻升大黃夜中初疑虎太白秋高善  
縱鷹我幸相從來闕下嘉平暖色破層冰

壽大叔父

梁城湖上隱耕鋤布襪青鞋駕鹿車四世一身年及  
層兩朝萬事望傳書閑居杖訪方山社樂志神遊甘

谷圖我老未能從咳唾好憑子報壽公廬

張爾唯戶部過我送之臨清

漢廷文學席應虛官屬司農部玉除江上行田惟索  
筆山東治粟又携書邇來惠我鄉人懷此後思君太  
史深霜白林端高臥起好將寒景一華予

壽王夫人

寒吹陽律變霜楓堂上登歌仙液紅真是瑤池傳鳥  
使來看羨鼎粹麟同持節益老饒孫子樂日縫裳健  
女工文學賢良多祝頌占星婺女在江東

石雲居

卷之二

六十七

壽祖復宇大將軍

戟門樂日又占星花下閑吟健鶴形射石何妨逢醉  
尉論功總不及蕪亭座憐廣袖歌聲緩圖貯名山倦  
眼醒休沐浣裙過萬石歷階有客祝修齡

祝湛虛張司馬壽

柔風初動物華新樂日嘉筵應斗辰曾到石湖歌村  
日歸來子舍種松鱗著書滿案猶藏帳策杖看花可  
當茵庭下鳳毛翔帝里一時爭頌老成人

舍弟歸里以風緩行併書寄諸所知

風吹游子緩行車尚有懷人不盡書南國久成芳草  
怨北山竟使白雲疎庭中榮木當松菊城外佳朋隔  
雁魚日住池塘春夢去欣然重補謝公廬

寄吳篤卿尊親家在盤白山下

春流到處漲溪花策杖頻來燕子斜有客當年同玉  
局何人此日進流霞田疇尚近羣峯鶴門巷何妨兩  
部蛙盡道延陵吳李手推財讓產足傳家

河上送李素臣

河上輕舸怯水程君歸偏憶舊脣楹真如山墅藏安

石雲居

卷之二

六十八

石早有文園待馬卿漁弄殘箏驚墜露鴻飛遺穗變  
寒聲絕交書是尋常事莫向傍人怨不平

沈公溪彭哲人下第過我松風亭

春來辜負上林花慷慨無錢付酒家愛我松風來臥  
石記時穀雨正添芽湖湘薄可燒龍餅秔秣香多過  
麤車不願刺譏同野客讀書遮莫費邊華

送周仍叔讀其所著史論

南岡接席起聲名都下重過更有情我已休官同野  
客君猶落第作書生長干花老僧多識舊社春溪鳥

自鳴真有龍門能著史名山事業讓先成

陶繩伯過我松亭

松下春深鳥學飛客來相和莫知違遂呼石丈當朋  
友欲趁鶯奴歷翠微倦生愧無荷貯酒溪談如有竹  
開扉里門自髮憐交道長者驅車近已希

吳凡未來松風亭

疑君日踏軟紅塵肯跨疲驢問故人事往每談同筆  
硯日來猶憶舊驢蹄微雲到樹占星雨宿鳥翻枝弄  
錦春真是京華如里巷年來離索有此隣

石雲居

卷之二

六九

松亭贈陶繩伯得京字

青林炎暑谷風鳴招得當年同舍生小飲不須醒酒  
石加餐何處采蕨羹亂離歷險游真倦湖海塵飛氣  
漸平何似君家三徑在言歸只我老燕京

送徐元將孝廉還吳

流陰綺樹坐來清送爾南歸鼓再行牘有三千仍曼  
倩客雖十九幾毛生啼花社燕盤紆舞貫柳河魚濟  
刺鳴載酒山塘多問字可能不憶老雲城

董自立大將軍舉子

功高麟閣重延英深念端居指客情占夢共知男子  
瑞試啼應有寧馨名門間高大容車馬湯餅充盤集  
老成老我年來吟伐木啼鶯新奏鳳雛行

送嚴方公

海上旌旄千騎行平陽蒲坂盡知名幽蘭自昔同吾  
佩芳草如今遠爾情才子文章兼吏治使君事業又  
專城好音惠我何由報松下龍鍾聽鳥鳴

送朱侍御巡漕江上

五雲深處集華裾輟草蘭臺奉簡書庭鳥雪吟閒帶

石雲居

卷之二

七十

馬橋烏春暖狎河渠文經刀筆尤無害客有功曹可  
自除幾載桑田真變海待君治粟見吾廬

懷家竹

水田遶屋樹藏門籬落幽篁迸石根解簪自能吟鳳  
曲荒陰真欲長龍孫山中有客來題字林下何人共

舉尊當日錯疑仙谷遠簞簞想亦在吾村

廿四夜不敢赴牛器六親家席賦此爲謝

野蔬清酌奉明神念我流離以後身最長波瀾生在  
友遂令親戚避爲賓獨吟小屋棠花下遲臥深宵栢  
酒頻聞道吳歛稱絕調一時感動座中人

聞客之南還適符夜夢喜而賦詩

淚下滄溟隔死生南歸消息到燕京告予盡是龍眠  
友念予重來魚素情萬里河山憑夢寐一牕風雪對  
燈檠不須策杖如龍從此後音書縮地行

石雲居

卷之二

七十二

辛卯除夕

我生落落到年除不藉屠蘇醉索居宦達自能甘水  
石浮沉展轉惜龍魚光陰暗裏摧雙鬢人事今番畏  
短車燈照殘編供誦讀欲令此夕當三餘

壬辰元旦

雪淨朝天紫陌塵端門貂錦玉拖紳願持物瑞爲嵩  
祝早見天心與歲春三輔道中寧赤子萬年枝上應  
玄津太平有策須當獻年少黃衣是聖人

元旦自詠

春王正月物華舒朔日清光映雪廬自喜小牕開筆  
札漫同上客引鋒車陶然數爵鄉人酒珍重三年懷  
袖書何待知非求放斥只今類老憶樵漁

過友人家

日高信馬問平生據坐尊開酒數行長袖舞多擲玉  
管短衣趨到進金觥將軍出獵逢噴尉丞相居家有  
踐更慣見當場年少事只須談笑破愁城

聞言有感

久識人情附要津索居何敢更求隣一官問我真無

石雲居

卷之二

七十二

術三至生疑自有因顧盼游從成按劍刺譏衰病當  
埋輪聖朝恩德同天地依舊優容老放臣

閩孝廉城外寺

帝鄉富貴老相期偏向天親借一枝縱酒難馴龍性  
在高吟貪看鳥飛時交雖杵臼非同調身是山林有  
所思寂寞著書君輩事虞卿去位尚嫌遲

李文孫孝廉至

漫勞馬足與車塵避客安能避楚人袖裏尚懷黃鶴  
詠眼中誰占上林春雄風自昔思公子香草携來贈

放臣有約數君能適我談經端不厭紛綸

送王洎來孝康還楚

肯羨看花得意遊有懷堂上雪盈頭鳴鶯聲欲呼朋  
友歸燕詩難作獻酬沈宋低昂爭未下盧王前後漫  
相求明朝征騎駸駸遠好擁藏書上竹樓

其二

江上秋風詠露霜都亭相見理征裳自紉長佩滋蘭  
畹誦到高冠倚雪堂年少野田看雀下雀日長春樹漫  
相羊同人稽古榮車馬莫謂君山富有方

石雲居  
詩集

卷之二

七十三

送王洎來用白雪黃金兼詢孫斐臣

官道飛塵伴客心伊人惜別滯春陰文如曉日誰能  
賦書有名山未易尋江漢飛雲如白雪田園種柳漸  
黃金停車若過躬耕者爲說窮愁老更深

賀莊廣文

家世何如萬石君大年引杖看朝暉橐中金少真廉  
吏林下人多拜廣文冰雪自餐甘谷草占星重見老  
人分同時誰不尊眉壽爲頌南山比獻芹

憶大龍湫

忘歸亭上對游龍靈雨飛來千萬峯真有蛟珠流島

石豈無仙液老青松秋生空谷風交響人到寒巖日  
聽鐘落落紅塵三十載何時更得躡雲縱

贈史枚公試

侯家累葉布衣尊垂老長安又拜恩弟子員能登上  
第郎官星已近天門停雲南國應同賦剪燭西廳可  
細論歸里莫須車騎盛今年對策是公孫

何明瑞來談焦山之勝

京口逢君意氣多驅車燕市更如何爲言山有徵君

石雲居  
詩集

卷之二

七十四

鶴却誤書傳道士驚戰壘蕭梁沉日月石堂草木俯  
江河定僧住此渾無恙悔我狂遊託詠歌

閑居

人言雜沓是吾師老至閑來事事宜學道方知居官  
拙看花翻悔去官遲羣兒遶膝啖梨栗舊僕安心種  
豆其惟鵲有巢亭畔樹曉風清聽獨鳴時

湖橋

雨後西湖送曉青盡橋人立翠微屏山沈閣影雲俱  
濕珠走蓮房水不停漁父投竿臨汗漫鳥羣狎語破

蒼溟誰知天漢連金閨博望乘槎是客星

贈王望如進士望如齋中杏花開

我肯逢君君少年開尊都在杏花前一枝爲賦春風  
信隔代重看上苑仙書出名山懷白下官登金榜認  
青瓊誰能更過南園第不讓烏衣馬巷賢

送王心守還括蒼

火塵積雨亂成渠君去仍懷兩袖書不爲投人求薦  
達將同學道問空虛括蒼洞啓仙家錄麗水金生處  
士居舊是烏衣佳子弟肯因仕宦騁高車

石雲居

卷之二

七十五

祝白母某孺人七十壽 十月生辰

長干仕宦泥車塵秋水堂中拜母辰鈞黨僅餘名下  
士通家爭頌太夫人行看池上觴傳鳥坐待麻姑脯  
擗麟十月漸長南陸景初寒花發是陽春

寄壽吳雪崖

中林佳譽動雲霄自友琴書不可招有子妙年揮絲  
筆寧親樂日進青瑤六朝虎寺遊看竹萬里龍江臥  
聽潮願作君家堂上客開尊明月滿秋宵

族人以歲荒棄妻子於宣城來長安得先世譜

六冊

歲荒牛與鬼爲隣轉賣妻孥活此身無可怨言徒欲  
泣問予多難反來親間關風雨穿雙履懷抱源流是  
一人孫子如雲相顧少因君未免悔官貧

中元節獨居松亭

秋風薄我倚松亭碧帶何堪鳥倦聽倚杖老親皆下  
世新殤幼子不趨庭官貧祭祀陳蔬菓僧苦追隨頌  
佛經多病一身南北淚揮來鵲面與鳩形

寄李斗南星士

石雲居

卷之二

七十六

我家瀨上復長安却憶鄉人夢未闌季主真能窮宋  
賈虛中術可銜支干越鄉何用鷄爲社高士依然笠  
是冠何日與君登石屋風胡劍氣倚雲看

壽華恩渠七十

盤白山頭紫嶠懸老人杖履望如仙能爲三語猶辭  
椽但守遺經可當田課雨春犂牽犢飲登場秋穫看  
鴻鵠歌聲金石誰同調自愛人間結大年

送蔣虎臣省親旋里

河上仙舟載六星趨朝數月又趨庭疏爲將父承天

語官許還家註孝經江樹春濃添畫彩野花霜峭健  
秋翎多愁漫作詩兼諷子玉當年座右銘

送呂甥

中書君騎發江南將父因尋到石龕不爲成都爭負  
弩且因蘭若獨停驂壽昌萬里能求母居士三生羨  
有男寂寞松亭頗悵望何時飛錫共潑談

祝李鏡月母孺人壽

客佩長安滿袖書携歸壽母喜何如淮南桂隱家無  
恙海上花開日有餘青島解歌傳紫液丹鷄看舞織

石雲居

卷之二

七十七

華裾新晴襖宴閑絲竹連藤稱觴御板輿

賀閻京兆

樂日金盤進紫霞都人連袂頌高牙不持統扇驅塵  
吏自有油車出漢家六月秋生瑤海樹百年星照滿  
庭花盛時公府須黃髮京兆如今已及瓜

送王樵雲往浙東

天上懷書驛騎行使星先已動江城潮迎上瀨神魚  
靜花發南枝越鳥鳴玉帛會稽來萬國雲璈華頂集  
羣英經過若遇羊裘客爲道無勞變姓名

送李晉黃往豫章

春濃野館動旌旗誰不從君馬上看知是聖人親大  
寶欲令天下似長安老蛟莫戰江湖水高士皆更風  
雨冠負弩道旁真盛事相迎拜手五雲端

登樓

投老何時買得閑登樓徙倚白雲還布衣不問東西  
舍叢桂如生大小山書比銀鈞兼玉筍咏成漢月與  
秦關江南有客來相見肯讓桃源路幾灣

紀伯紫來我松亭

鍾山淮水日相從風雨年來隔幾重忽到坐移花徑  
石仍令唱詠草堂松紅魚未飯浮新水紫燕初飛傍  
巧峯真似六朝僧共語塵心破盡老符籙

石雲居

卷之二

七十八

石雲居詩集目錄卷之三

五言絕句

養菊齋中

中元日思親柩在永慶寺中二首

掖兒思母念之

落葉二首

郊行

沈元子成寶侯新詞三首

爲友人還婦咏

石雲居詩集  
五言絕句  
目錄

藤樹

謝公池四首

東野薔薇詩有石刻

桂林二首

梅下

三茅峰二首

喜客泉

雁山石

樂清嶺

山中

藤下

詠史

夏林宜山堂問歌

泰安寺

龍湫

仙人洞

憶芝山

祈夢堂

石雲居詩集  
五言絕句  
目錄

摩霄嶺二首

瀛州亭

五雲多處

講堂

館中鼎甲房

方中丞生祠在太姥山

屏山寺松二首

題画

南屏山二首

雪中松亭咏四首

養紅巢

送友

石雲居詩集

五言絕句

三

石雲居詩集卷之三

芝山陳名夏著

五言絕

養菊齋中

溪山真在市采菊得良朋亦畏風霜苦花開照一燈

中元日思親柩在永慶寺中

秋虫吟豆野山火借樵隣今夜松門雨蕭蕭只一人

其二

傳道中元節人間事有憑孟蘭供七祖溪恨不爲僧

石雲居詩集

卷之三

掖兒思母念之

燈燭明猶暗虛齋淚更深未能貪睡去長似二郎吟

落葉

高葉紛如雪溪居不掃宜積成霜履下猶見少人知

其二

疑是梁園雪皆如落葉風一時賓客盛未見黑頭公

郊行

我行流水岸仍在亂塵中處處逢牛鶴安能馬步工

沈元子成寶侯新詞

北地嘯傲倚南牕譜得新詞好銅鞮唱大江

其二

偃師徒技藝優孟但衣冠不及長歌泣陽春一曲寒

其三

兄弟封侯相天家肺腑親少時多患難舊說亂離人

爲友人還婦咏

赤繩真是繫白髮願相隨司馬巾情薄猶須婦寄詩

藤樹

並倚成孤立渾如幽谷香呼童持汲綆灌水待朝陽

石雲居  
詩集

卷之三

二

謝公池

我有謝公夢願居謝公池池塘春草發倚杖獨題詩

其二

習隱真吾事如何讓謝公至今池上跡僅有六朝風

其三

誰謂愚公愚移山不能已試看十丈峯聚石成熊耳

其四

獨立千雲際憑虛有是公渾如登泰岱名與丈人同

東野菁薇詩有石刻

官食半俸不廢短長吟留得他山石薇花伴竹梅

桂林

誰許諸三徑朝來踏桂林山禽來還落瑤草比秋心

其二

賴茲草木秀不必愛樓臺花繁能招隱仙人月下來

梅下

雪下人如鳥聞聲近已希偶來林處士花與鶴爭飛

三茅峯

茅山多父老能作使君歌歌以神仙事千年食玉禾

石雲居  
詩集

卷之三

三

其二

茅君乘鶴去眞誥貯三峯有客千回讀天門到幾重

喜客泉

若是山中雪風塵客未來泉聲徒自喜劉阮老天台

其三

陶公真避世俗子莫登樓一鶴鳴松澗呼來半嶺秋

雁山石

既名山是鳥應化石爲龍不住靈巖雨飛花天柱峯

樂清嶺

城煙連翠嶺人語出紅林樵採毋相禁年年秋草綠

山中

灌木鳴黃鳥天峯立白雲應知此中路不讓武夷君

藤下

幾見繁朱葉秋來落我簷山中書柿慣不肯賦楓江

詠史

定秦纔是謗安漢實非忠我敬韋城武能稱陸相公

夏林宜山堂聞歌

赤日不知暑千章夏木清宜山堂上客莫作艷歌行

石雲居

卷之三

四

秦安寺

笑有臨江勢橫波間稻田誰能如倦鳥息羽寺門前

龍湫

山海同根蒂高峯落紫瀾游人衣袂濕都作玉龍看

仙人洞

仙子長無事猶然愛酒隣殘碁留在石看老入山人

憶芝山

不是紫芝草遙思我里山鄉人放牛馬日在白雲間

祈夢堂

傳道唐天姥飛靈結海山如何占吉夢猶似落人間

摩霄嶺

上視星辰直下臨溟渤溪半山作風雨總不到吾林

其二

紫海來朝旭紅林下夕禽仙人多拔宅飛住此山溪

瀛州亭

石龍常注水一派自天河學士來亭上寒光此處多

五雲多處

天受文章客高高見五雲堂階如昨日黎火幾曾焚

石雲居

卷之三

五

講堂

釋褐從諸子升堂見老師渾如鄉里學拜跪習威儀

館中鼎甲房

一榜三人選蒙恩賜讀書藥珠宮未見對此府中居

方中丞生祠在太姥山

荒路圍文石垂岩倚絳顏桐城方叔壯香火福寧山

屏山寺松

山谷多人壽何如道上松老來風雨勢騰起化爲龍

其二

曉日籠高樹紅霞滿翠微山中時信步便欲着僧

題画

遠山青不盡畧見野人家若有溪橋曲則禽戲落花

南屏山

南屏多異響松壑引天風吹斷征人夢山床枕日紅

其二

有僧開堂其地

老僧閑不得反似鑿山徒聚得千人食松門路作衢

雪中松亭咏

吾非不愛石欹側列爲峯素雪忽來集猶然廢酒鐘

石雲居

卷之三

六

其二

巢顛鵲日喜啄雪無纖塵偶一下亭石雜與鳴鷄隣

其三

平泉只如此綠野更如何朝起皚皚色誰能策杖過

其四

樹老寒不死雪來澤其顏陽春生子月此後鳥間關

養紅魚

恣日游泳意紅魚間白魚方知江海物亦且畏冰居

送友

買騎隨風雪無衣念爾寒孤行多橫客竊歎是貧官

盤山

新壇在地山鶴下騎來吹破天門雪何人上博臺

石雲居

卷之三

七

石雲居詩集目錄卷之四

七言絕句

署中詠三首

過龍其相編修齋中見所藏書二首

三月始開梅花宋轅文適來賦詩二首

移居

喜王涓來應鄉舉二首

太姥嚮山呼之有三應殿

哭五兄念臣二首

石雲居詩集  
七言絕句  
目錄

次彭德壁間詩二首

題李培之種桂堂

宿崔鎮

寄趙問源山居

渡河

報國寺松

送友人歸華陽

寄玉堂讀書諸丈二首

石門寺中贈沈元子

詢金豈凡病豈凡園中有井故及之

病中口占三首

龔年伯詩二首

衛台孫大理贈梅二株謝之三首

兄輩以侍衛恩得官勉之

冰上行偶成

寤雲廬馬詩偶題

呂長音納妾戲贈二首

九日袁將軍居仁壽寺

石雲居詩集  
七言絕句  
目錄

長安歌者

燈市

飲羅年兄所同袁將軍二首

賜金有述二首

齋中梅開

張明甫至二首

聞歌二首

聞聶行人信

蛙聲

秋日堂餐

種桂二首

十五夜坐

暑中神卜

王君新娶

寒食

節中

僊姑巖

宿桃店書生索子書為言賊至狀二首

石雲居  
詩集  
七言絕句  
目錄

有感二首

題高二首

寄默公二首

釣舟

借居道人怒

寄匪石叔

寄金殷弟

飲仁壽寺二首

史次奧歸江南二首

偶成

雪中

送楊生還里

王子二首

宇亮來長安述其救饑民事二首

梅花四首

書所見

夜讀王晉江文集二首

寒月懷蒼雪二首

石雲居  
詩集  
七言絕句  
目錄

張司馬惠海棠三首

放居小樓四首

過項老師舊居有感

吳賓門來

元日過玉堂

詢吳賓門病

送王生瓊浪歸漢陽二首

題范中立竹鳥圖

養紅巢於松壩中

吳見未不與館選詩以慰之

聞萬年少信二首

姜開先信二首

題朱蘭嶼先生齋松

左衛柱戚至

觀射後過祖大將軍所聞歌

野錫來

送吳舒赤歸廣陵有感

錢大士費于章進士來松風亭

石雲居

七言絕句

五

東山挾妓

送劉純之歸里二首

壽吳冊

送周幼悅南歸之湖南任六首

柳毓華陳來奕

石雲居詩集卷之四

芝山陳名夏著

七言絕句

晉中詠

水田新島曉堂鳴恐有耕鷹故避行多少催耕江上語但傳文部老書生

其二

未能退食且高眠支枕南牕手一編莫喜閑來真是福又批紙尾到入前

石雲居

卷之四

其三

藤花牆成記之時同金登元為侍郎

百尺朱藤繫馬韉短垣溪護午花房工成合許題年月記取江南兩侍郎

過程其相編修齋中見所藏書

入門那問主人還好詠新詩白晝間多少藏書皆舊物老莊讀盡不求班

其二

蕭然只似野人圖設几陳編是故吾願使紅塵騎馬客共來君室學江湖

三月始開梅花宋懷文適來賦詩

長安方樹爛如霞尚有孤山處士家官舍凝寒無火  
力清和三月始開花

其二

羅浮南望幾人家庾嶺香來照絳紗總恃廣平苗裔  
在春溪爲我賦梅花

發若

卜居未可同漁父移屋誰能責吏人牕紙破來南日  
下雖無火力亦安貧

石雲居 卷之四

喜王涓來應鄉舉

官道塵飛拂袖來牒名誰不讓君才書生原是烏衣  
派今日重登郭隗臺

其二

齊安竹色覆青陰似與柯亭唱好音吹出九苞飛鳳  
羽不同枋鳥共嘉林

太姥鵲山呼之有三應聲

海風吹立乳雲生穹窕空山老石鳴不信能傳天上  
語如何呼便應三聲

哭五兒念臣

滿庭積雪一燈昏膝下吾兒何處魂總是傷心傷不  
盡暮年始痛負親恩

其二

五年都下兩亡兒老眼如何慣別離多少干戈人橫  
死今番併作國殇詩

次彭德璧問詩

落日塵飛塞馬催春風花落幾時開悞人顏色知何  
許都向關山夢裡來

石雲居 卷之四

其二

戍樓鉦鼓亂啼鴉空憶溪閨拜歲華倚筆呻吟都是  
淚征夫何待聽悲笳

題李培之種桂堂

淮南佳樹老秋顏到此應歌大小山何事仙人居住  
棟天香舊出五雲間

宿崔鎮

黃河驛路半柴扉溪夜寒多上布衣只有依風嘶代  
馬明朝踏雪健如飛

寄趙問源山居

萬錢買隱近堯山  
莢莢春秋幾變顏  
我亦欲題王少府  
恐君未即老投閒

渡河

游塵莽莽灌林斜  
前渡春流溪淺沙  
頻望黃山凝素雪  
飛來淩水作雲霞

報國寺松

每思登岱看封樹  
又咏臨流聽勁風  
獨有寺門千尺老  
青青猶似黑頭公

石雲居詩集

卷之四

四

送友人歸華陽

柳絲如髮客江南  
相送情溪百尺潭  
歸語華陽真誥侶  
時時玄鶴下松嵐

寄玉堂讀書諸丈

丹地深嚴落翠微  
花磚未暮客毋歸  
讀書真是雲中館  
時有天鷄似鶴飛

其二

槐花滿地踏秋陰  
衆鳥翻翻比上林  
借得天風吹不歇  
仙人倚筆五雲深

石門寺中贈沈元子

選佛場中賓客家  
隱侯太瘦爲才華  
朝來吟得詩千首  
不向時人乞絳紗

詢金豈凡病豈凡園中有井故及之

驅馬槐庭落晝陰  
問君高臥北牕心  
今年已酌甘泉水  
反比文園渴更深

病中口占

進身何似乞身難  
多病仍沾堂上餐  
怪得東都門外送  
二疏爭作畫圖看

石雲居詩集

卷之四

五

其二

蟻動如牛病耳聰  
蕉陰有鹿幻心膏  
起來誰寄文章好  
頓愈從前頭上風

其三

蕭瑟秋聲我更哀  
四愁詩續萬愁來  
管人抱樹號驅鹿  
親在荒坵夢幾回

龔年伯詩

肥子城來父執書  
白衣蒼狗怨何如  
真令瀨上人難讀  
昨是吹簫楚伍胥

其二

悲風千里幾行書痛哭無家尚倚闌有子再生他不問從來患難結交疎

衛台孫大理贈梅二株謝之

問我虛堂種樹宜大廈嶺上有南枝世人交爲黃金死何似花開白雪時

其二

物華清艷畏人知獨立寒風遠夢時怪道衛公偏贈我一枝欵折寄憑誰

石雲若

卷之四

六

其三

月明如水浸林寒玉樹亭亭氣若蘭不是羅浮親入夢幾人能作美人看

兒輩以侍衛恩得官勉之

還衛先成十二星更同州牧姓書屏莫嘆官小公卿子不見諸生老一經

冰上行偶成

畏逐飛塵送馬蹄車行真可踏冰泥尋常不信滄桑事一日風吹水作堤

宿雲墮馬詩偶題

杜陵詩興王司直墮馬仍同隼校書今日先生馬脫背輸他折足佩金魚

呂長音納妾戲贈二首

昨夜寒燈花藥開小星應傷月明來當年題得虛儲卷始信文章可作媒

其二

緒秀初從飄騎建紫簫又貼翠花鈿三生纖就驚詩譜自有金針暗裏傳

石雲若

卷之四

七

九日袁將軍居仁壽寺

戟門虎帳未推君坐對黃花到眼曛不合僧廟多大樹高吟不語是將軍

長安歌者

青眼高歌何處看梨園子弟在長安幾千墮淚尋常盡相見欣然酌玉盤

燈市

一路飛塵上市樓昔年燈火醉人遊章臺雖有張京兆到此應知繞扇秋

飲難年兄所同袁將軍

繁花如繡落春紗官舍過逢小隱家不使貴人同下  
簪將軍當日帶雲霞

其二

率爾相歡賓客佳江鱸河魴一尊開通家稚子今相  
見離亂能中萬死來

賜金有述

司農堂上詔宣名蓋賜朱提拜手行臣有窮愁今更  
甚頭言蜀稅浮蒼生

石雲居 卷之四

其二

聖人魁柄立中央臣子何能拜寵光若是金錢心不  
愧依然計較囊中裝

齋中梅開

寒火吹噓占早春移來雪屋亦紛綸只疑未得飛花  
信偏愛南牕我輩人

張明甫至

棄冠藜杖老行吟戶外那聞車馬音但憶故人貧似  
昔相逢只當入山溪

其二

肯種黃金市上行躡衣振履見平生公孫沒有逢人  
怒若是君來定有情

問歌

翠屏錦閣出紅妝彼美能歌似故鄉多少纒頭教拍  
板新聲改換斷人腸

其二

數爵呼來錦襦玉人爭入少年場舊曾譜得琵琶  
曲使我青衫淚幾行

石雲居 卷之四

問聶行人信

少年科第如君少鬼伯相驅可奈何垂死寄書門下  
士幾間茅屋幾人過

蛙聲

鵲井橋邊鼓吹行月來照我玉蟾鳴江村香稻黃海  
雨不厭池塘有此聲

秋日堂餐

風來庭樹爲傳秋坐食堂中借箸籌但願分符無俗  
吏農家處處作耕牛

種桂

不畏寒風翻畏日既宜高谷又宜堂仙人桂棟真難  
見欲使淮南到北方

其二

陶令賦歸荒徑菊杜陵詩愛草堂松吾今亦種青青  
桐月落三門桂子重

十五夜坐

星街人語醉屠蘇偏我燒燈泣坐隅不信火山紅十  
里始當明月夜來珠

石雲若

卷之四

十

署中神卜

高堂如水客如龍官牘揮毫第幾封獨對神前看卜  
語何時恩許老歸農

王君新娶

鳳鳴有曲管絃新吹動紅紗照玉人女誠大家先拜  
母更能揀作敬如賓

寒食

春寒戛火散輕煙鷄聞鶯啼百五天此日江淮初放  
柳好將新綠插門前

館中

昔年供奉直金廬樹老秋陰我索居竟日烏呼幽谷  
似開應臨徧右軍書

促姑嚴

天風日日輕雲鬢白鹿隨車自往還不是歲星親帝  
座那知青鳥到人間

宿桃店書生索予書為言賊至狀

青帘幾處客經過喜有蓬門長薜蘿舊是書生當亂  
後猶尋側理記行歌

石雲若

卷之四

十一

其二

深夜燒燈說亂離沙風吹作戰場悲獨憐鷄骨成孤  
坐不忍重問過雁時

有感

敗軍司馬復端兵一路紛紜卒踐更從此中原無赤  
子荷鋤多死荷戈生

其二 百姓幸為兵  
以避兵擾

千里偏無豪客驚亂餘百姓學為兵詩人每苦城南  
戰此日逍遙河上行

題畫

誰許揮絃共賞音高山流水漫招尋如今倩得王摩詰畫到幽篁館更深

其二

買得名山種木宜有人高臥起來遲天鷄叫破蒼煙曲點綴柴門傷水涯

寄默公

田間野草漸除燒君去何須適樂郊門外間奇人屢至著書自解子雲嘲

石雲居

卷之四

十二

其二

淮南賓客盡神仙桂樹叢生爛紫煙誰似吾家金玉後獨成鴻寶北牕前

釣舟

詩卷如何拂釣竿煙波無限渺予看分明西塞山前客不脫蓑衣戴窮冠

借居逢人怒

長卿四壁漫搥觚借得棲枝快老夫牛屋懶移逢吏怒如今更畏霍家奴

寄匪石叔

薄遊雖下息吾蘆朝起看雲夕灌蔬此樂人間隨處有却令我望寄來書

寄金聲弟

雁鴻秋到幾行鳴人事相關是弟兄此日江南香稻發學官悔不學躬耕

飲仁壽寺

衝塵羣集飲招提良宴如君洛下齊何待西園貴公子一時飛蓋進玻璃

石雲居

卷之四

十三

其二

每思小飲逢秋日但到僧家是勝場不信今番仁壽寺羣賢爭入遠公堂

史次魚歸江南

離家寄得幾回書慷慨聲多不肯居歸去逢迎江上柳垂條處處是吾廬

其二

短裾破腹謁金華欲借吹噓起落花噴殺霸陵多衛尉故侯子弟溧陽家

偶成

東郭先生猶敝履  
汝南高士但安棲  
偶游方內清相  
似門巷何人踏作蹊

雪中

剪水花飛滿大堤  
朝驅饑馬印新泥  
未將黃竹謠爲  
獻誰是陽春曲再題

送楊生還里

歲歲行騎歷風塵  
望到江南颿鼓春  
堂上白頭惟大  
父安能輕作未歸人

石雲居

卷之四

十四

王子

彈箏合唱古梁州  
滿座都令似醉侯  
天上飛雲今日  
駐曲終捲去萬山秋

其二

雪壓寒亭助月華  
酒籌夜度撥琵琶  
延年兄弟今方  
見不讓新聲出漢家

宇亮來長安述其救饑民事

一庭霽色破寒陰  
客到迢然話更深  
救得里中人不  
死荒年尚少亂離心

其二

讓產已知兄弟好  
分金又識友朋真  
一生爲善如何  
樂不羨長安要路津

梅花

花發無蹊開小隱  
不將薪火助銀缸  
欲開但待朝陽  
至海上飛來縵絡幢

其二

蜀質吳妝弄曉寒  
花花葉葉鬱金盤  
應同天上瓊瑤  
藥莫作人間春睡看

石雲居

卷之四

十五

其三

摩詰有詩題左掖  
杜陵無句到昭陽  
休將艷色方貞  
幹讓却仙人百和香

其四

避寒猶惜淺籠紗  
真有幽牕欲語花  
每恨長安多火  
力妖嬈先到五侯家

書所見

馬上誰云是百官  
柴車相通且盤桓  
美人莫下飛塵  
裏薄命紅顏白眼看

夜讀王晉江文集

隣家絃管變新聲我獨張燈分外明  
爲有晉江王氏集毘陵讀後一書生

其二

清源山上王參政未老休官只著書  
若論我年過半百翻令猿鶴笑幽居

寒月懷蒼雪

十年官舍憶支山山上伊人似雪顏  
向我長吟時擊杜只疑天籟發雲間

石雲居

卷之四

十六

其二

我與桐山到法林遠公無酒亦關心  
交游徧識長安貴不及天親何句溪

張司馬惠海棠

洛陽花木不曾寒寒夜新棠秉燭看  
真是佳人常獨立肯教顏色媚長安

其二

浣花溪上客無詩仙譜留名手自移  
但與早梅成好友一枝紅萼破寒遲

其三

入家宿火代春光臘月花開讓海棠  
司馬憑車慙種樹分將白雪絳衣裳

放居小樓

小樓儘可作書倉每日研硃千百行  
猶是兒時從外傳鷄鳴何母索衣裳

其二

城中丘壑如城外世路風波任世情  
幾百千年高尚者讀書安有不平鳴

石雲居

卷之四

十七

其三

尚書兩幅荆關筆文學三篇李杜詩  
茗枕盛來冰水滑清寒徹骨政相宜

其四

新雨時過洗石峯客疑老栢却如松  
青青不改銅盤色免使時人學畫龍

過項老師舊居有感

昔年束帶謁師門寒日來過老眼昏  
翻借軟塵高十丈暮迷車馬似柴村

吳賓門來

客病京華逢歲暮我無囊橐助交新過從勉出愁中語不問相知有幾人

元日過玉堂

朝參猶未領諸臣沐手樞衣拜聖人最喜雪晴塵不到玉堂无雀語初春

詢吳賓門病

延陵君子善觀風留滯周南太史同好著長業神異傳反令妙道失余公

石雲居詩集卷之四

十八

送王生瓊浪歸漢陽

端門百步試書生太史論文爾奏名歸去里門勞惠顧松亭愧不是蓴羹

其二

科頭箕踞懶成真漢上仍來問字人草草爲君書便面不知誰障道中塵

題范中立竹鳥圖

拂拂龍孫綠滿隅閑尋芳樹鳥相呼何人画出桃源路真有高峯冒雪圖

養紅魚於松磴中

藏鱗小甌不成渠移到松潭好自如若使人同江海闊何須樵悴泣枯魚

吳見求不與館選詩以慰之

漢家待詔老公孫對策哀然動至尊今日君才當少壯如何不入相公門

問萬年少信

纔到新秋思惘然問君下世更相憐淮南桂樹多謬折不見人間書畫船

石雲居詩集卷之四

十九

其二

卜居公路學神仙王子山頭秋草煙不信當年鴻寶術眼前誰是孝廉船

姜開先信

塞上歸來臥廣陵病中好客酒三升思君強健持筇杖好圖江天斗笠僧

其二

黃金如土氣如雲垂老家貧幾信君官至叅知官不薄蓋棺只許作修文

題朱蘭嶠先生畫松

玉堂學士愛松風，千尺爲林起壑中。  
何待圖龍飛破壁，天台寒木廣陵東。

左衛杜威至

於庸關外雪飛寒，騎馬邀人骨肉看。  
兄弟亂離猶半在，十年消息到桑乾。

觀射後過祖大將軍所聞歌

射堂矯箭羽如飛，驅馬仍從上將歸。  
開宴紅妝堆錦繡，聞歌白雪落青衣。

石雲居 卷之四

二十

野鴿來

高樓書帙散春陰，獨坐凌虛我自吟。  
何客能題凡鳥至，簾前野鴿共幽心。

送吳舒赤歸廣陵有感

青野蕺蕪翠欲飛，柳條拂地駐春暉。  
廣陵逐客言歸去，不似長安老布衣。

錢大士費于章進士來松風亭

燕投春社掠人飛，花結初陰近石肥。  
我已無心車馬客，門前鳴道綠羅衣。

東山挾妓

謝公山在石頭城，雲樹還留絲竹聲。  
當日從游真勝事，美人何以不知名。

送劉純之歸里

悲心難寫駕松舟，君著麻衣返故丘。  
示我潁川陳氏筆，偶然畫出萬山秋。

其二

大官米餼一囊錢，破屋清齋智者前。  
好去六朝僧共語，不須閒殺夜行船。

石雲居 卷之四

二十一

壽吳母

南陸初長進紫霞，金盤美膳是諸華。  
麻姑三見滄桑事，青鳥先傳池上花。

送周幼悅南歸之湖南任

白袷單衣隱繡袍，書生名姓作官曹。  
不須更畏湖南遠，意氣終過金錯刀。

其二

霜風刮面送行裝，鼠噉殘書馬少糧。  
如此清貧爲縣父，郴州應比是桐鄉。

其三

故人揮手奏新絃雅雅魚魚子月天携得歌聲兼伴  
鶴臺堂飛出動如煙

其四

聞道征人未解衣干戈何似散春暉神君一試鳴琴  
曲縱有撥尤歸不歸

其五

天下一家通楚貢車書萬里格苗民永寧正是衡州  
地鴻雁來時第幾聲

石雲居  
詩集

卷之四

二十二

其六

種花到處是河陽父老爭攜竹馬郎望得平陵仙令  
至隨車甘雨頌公堂

柳毓華陳來奕

霜老峯前樹更青一杆落子鳥呼應東山當日閉絲  
竹恐不如今客在庭

石雲居詩集目錄卷之五

史詩

申屠嘉

公孫弘

魏相二首

丙吉二首

伏

宋弘

沈

石雲居  
詩集

史詩  
目錄

韋彪

第五倫

袁安

黃燮

何克二首

魏徵四首

王珪

馬周

郝處俊

魏元忠

沈公論

李公昉

宋琪

呂蒙正

張齊賢

呂端

李沆

向敏中

石雲居  
詩集  
目錄

畢士安

寇萊公四首

王旦三首

李昉二首

王魯

杜祁公二首

范文正公三首

石雲居詩集卷之五

芝山陳名夏著

史詩

申屠嘉

府坐能為檄召通并臣頓首畏申公門無私謁朝廷  
重初作材官便不同

公孫弘

牧豕家貧四十餘老來對策歲起除自開東閣招賢  
後再似公孫脫粟無

石雲居  
詩集  
卷之五

魏相

弱翁學易舉賢良光祿貽書好自藏白去副封名實  
核數條買董舊時章

其二

四方水旱輒先聞御史中丞輔政勤欲選明經通月  
令兼典協律薦龔君

丙吉

保養曾孫擇女徒閉門拒使活無辜夏侯太傅談陰  
德元帝時人始上書

其二

不爲汙茵驅馭吏却過御史案邊人道逢牛喘勤勤問方是調和鼎鼐臣

伏

九世傳經伏惠公富平羣盜願降同司徒但奏行鄉飲不問傳名在海東

宋弘

得俸分發九族人鼓琴桓子謝辭頻屏風內顧難諧事不棄糟糠是老臣

石雲居 卷之五

二

沈

父娶長妻子果長尚書佳吏典封章母年八十扶升殿貴寵司徒少章行

韋彪

世爲宰相又儒宗蕭霍功臣勸繼封疏順陰陽思木訥韋卿清儉幾人從

第五倫

赤眉銅馬築營樓變姓名爲王伯齊每讀詔書稱聖主外家馬寶數封題

袁安

府門不入速平冤朝會公卿流涕言道上書生猶葬地上公累世後稱袁

黃瓊

江夏黃童子是瓊誰云處士盜虛聲司空不肯阿梁與老疾猶申報國情

何充

廣尾指床呼次道臨朝正色絕私恩沙門供給糜如許學佛緣何近酒尊

石雲居 卷之五

三

其二

宿懸殿上爲臨軒宜勅因辭頌佛言爾雅猶然讀未熟彭蠡錯認作螯尊

魏徵

玄成但願作良臣十漸真如一鑑明不是遠東功未就御書碑碣墮榛荆

其二

貞觀刑措比成周嫵媚如公老乞休但惜德業曾不貲金良匠正相投

其三

積翠池頭賦叔孫飛山宮作諫書存親解佩刀相贈  
後如何忘却布衣論

其四

輟殿為營親相居衡山公主從乘與強令視婦家人  
禮及到停婚少諫書

王珪

諫官入閣美人來誰授宮中曲幾回陛下負臣臣不  
負王公標見相公才

石雲居 卷之五

馬周

賓王為客教臣言四輩敦趨謁帝前雖是為肩膊上  
速佳兒裴馬並稱賢

郝處俊

甌山公子讀書勤國史監修載見聞武后臨朝曾極  
諫論功應與狄公分

魏元忠

太學從游撰九州昌宗參對為伊周謫居高要同燕  
國直到神龍衣錦遊

沈倫

成都歸後只圖書治第何須縱馬車開國太康沈相  
國文加恭惠便何如

李昉

上曰何如唐太宗箴規微誦舞詞中小官薦進知王  
旦何以兼知東岱封

宋琪

先知落部熟山川屯戍緣邊重在燕多幸老民真可  
幸人間五福一身全

石雲居 卷之五

呂蒙正

參政朝堂指姓名相公器量薦書生貧知客子親知  
姪夾袋中間分外明

張齊賢

東鄉樹幟走井師安撫涇原罷相時歸作晉公莊裏  
客活人陰德有天神

呂端

公公大事不糊塗密吏親傳笏上書內侍繼思方鎖  
其宗殿上正嵩呼

李沆

風度端凝是貴人客來不用語言頻相公廳事容旋  
馬無地樓臺作比隣

向敏中

飛白親書向與張臨江傳舍却金鄉新除僕射門闌  
以官職應傳大耐方

畢士安

江湖雖屬寇萊公誰薦賢臣達聖聰宰相原來須宿  
德誦經人請幸江東

石雲居 卷之五

寇準

屏間恰好遇高瓊衛士趨從御蓋行飲博惟呼如謝  
傳東山以後北京城

其二

北門鎖鑰比中書豈有樓臺壯起居縱遇眼丁南宮  
日蒸羊縱博事何如

其三

張詠傳書魏野詩門生名姓却難知假饒公聽辭官  
策也少雷州竹笋祠

其四

文靖原來是聖人早知丁謂一邪臣雷州拒絕公何  
晚不若相看送去輪

王旦

親捧天書丞相差汾陰泰岱亂如麻美珠賜與妻孥  
共火備何勞問沈家

其二

三槐果是應三公雖歷凌霄自不同師德包容真盛  
德帝前每獨薦駱翁

石雲居 卷之五

其三

草堂水竹盛東郊清苦行吟醉濁醪寄語故人王相  
國赤松好伴莫辭遙

李昉

囊中小冊備兵糧墨水金盂走大王有客鄧餘從忠  
難司空仍老鄧侯鄉

其二

嫁女誰知相國賢孫公作婿事堪傳史書讀到梁鴻  
配又有甘貧李氏篇

王曾

有宋三元王孝先立朝正色倚名賢山陵事斥丁丞相方信居停實敢言

宰相云云非細事宸妃斥服是安劉陝西却用龍圖老猶悔元規藥晚投

杜

二州百姓早攀留一人中書內降收清畏人知真盛德錫巖十卷不須求

不盡品  
詩集

其二

英宗初對復神宗將相高年文潞公九老香山同洛社至今猶在畫圖中

范仲淹

龍圖老子實知兵通市營田青澗城二府條封疏十事西邊何待相君行

其二

監司勾罷有知軍六丈如同李相君張載爲儒青是弱泰山又有秀才聞

其三

洛陽不肯治園林吳下猶傳建學心買得良田數千畝義莊真勝積黃金

卷之五

九

不雲居詩集目錄卷之六

五言古

哭張二岑

廣平懷宋文貞

夜坐走筆贈劉潛柱年兄二首

霧雪行

平河橋別階六

成魯公惠兵扇書報以詩

又送上雪園侍御

下雲居  
詩集

五言古  
目錄

成青壇諸兄弟至送贈二首

紀夢

五姪令滕陽以詩爲贈

五子詠

滇南唐大宋

桐山方密之

沛縣閻古古

吳江沈元子

滇南蒼雪

送趙丙三歸蘭谿

貴人行

署中藤樹得堦成無恙記之

藤下

同人集古藤樹率贈以言四首

題壽圖

畫松

夢朱希醇求一白衣

贈王郎

下雲居  
詩集

五言古  
目錄

署吟

梁上燕

齊魯行

夢東坡居士告以執筆法

送友黃山白鶴峰仍用太白韻

憶昔

憶大龍湫

擬陶徵君飲酒二十首三首

贈韓聖秋

樓居三首

芝山子索居松亭雪積峰石映窓寒甚偶讀道  
州詩和其韻思太古

隴上嘆

頌處士

賤士吟

效乃曲

去鄉悲

詩翁典

五言古  
詩集

三

農臣怨

謝大龜

古遺嘆

下客証

西洋湯道未先生來

送周勿悅勿悅子同邑爲諸生有聲明經選人

長安院部諸先生閱其文置高等遇矣及謁

選乃得郴州之永興寧勿悅意不能不快快

過我松亭詩以慰之於其行遂書

懷方張沈梅四子

送弟還家

憶昔至龍游

贈彭人喘

隆長寺老僧用正韻

五言古  
詩集

四

石雲居詩集卷之六

芝山陳名夏著

五言古

哭張二空

昔日哭君父今來又哭君  
兩世樹成墓誰爲讀遺文  
空堂生燕麥總恨悲流雲  
凄凄閨中素離緒何紛紛  
雖哉名世才摧折渺莫聞  
車輪日展轉揮涕薦芳芹  
廣平懷宋文貞

鶴鳴聞九臯鳳儀翔千仞  
古道動遐矚言念宋公瑛

石雲居詩集卷之六

策仕奮直聲崇名邁倫等  
輔政有同心率發成魏丙  
偉哉教燕國達麻兩以勁  
春風見梅花公賦誰可並  
驛騎野雲飛跋足寄微悃

夜坐走筆贈劉潛柱竿兄

執手倚雲側蒼佩凌玄霜  
讌歌懸玉筍交德問明堂  
朝聞海波飛鯨噬皆摧傷  
我逃太蛇顛君卧大雄傍  
金接面目黧黑無輝光  
相見常嘆息悲風搖衆芳  
當戶荒乳子流宕看征裳

其二

征裳捧游子長夜何漫漫  
顧我槐里門虛坐衆星寒  
各有玄兆哭涕下如洗  
瀾飄搖大堤柳緒結千萬端  
上林未借棲梟音欺鳳  
鸞啼嗟惜佩劍神物遇不難

霽雪行

戎登啓事堂小吏來甚都  
云開平津閣待以英傑居  
騎馬入史院高日照城衢  
閉戶覽新義良朋靜以娛  
暗中索名士詭遇道所無  
橐筆記蚤朝待漏立斯須  
庭賦對西山間齊見黃  
姬孰者居上第情深兼貌股  
一掃徐庾習遂驅晉宋  
燕老氣橫無故幽谷聲相呼

石雲居詩集卷之六

一人懸是非多士分榮枯  
大言怖河漢俯仰睨秦胡  
抗志古大家異巧奪公輸  
星宿羅心胸知勇過萬夫  
春風扇芳林羣植歸化  
鑪國初文藻發日月偕征徂  
大雅既可作佳言破方隅  
願振黃鵠翼凌厲騰寰區  
魏操月旦評亦醜大小  
巫偉哉有道鄰慎母和者孤

平河橋別階六

江南與淮浦相識不相違  
伯仲非人合兄弟何難爲  
移家就山陽常聽塤篪吹  
兩家堂上樹願種青桂枝  
上有倚雲蓋下有招隱園  
八公大小山隱隱見我眉

一朝逐石星，爵爵長相思。貽我幼兒食，慰我家人饑。  
情深不能別，行行平河涯。菰蒲老秋容，漁罾傍湖垂。  
霜露日以下，遠人望以遲。携手天地間，不如救本支。  
德星照今古，策足翔鴻儀。

成魯公惠我扇畫報以詩

東南明月光，西北高樓陰。光陰交綺疏，晶晶照華簪。  
平津盛賓客，如何來故人。英妙忽通謁，惠我嘉樹林。  
秋容淡原野，遠水涵星辰。置之懷袖中，披拂多令名。  
何以報明德，側身撫龍精。華土日拂拭，安知枯與榮。

石雲居

卷之六

三

龜勉策高足，願爾翔青雲。門牆止通德，道義洽三陳。  
努力振閭閻，浮薄何足鄰。愧乏瓊瑤報，方古作交箴。  
又送王雪岡侍御

秣馬蒞秋節，肅將新簡書。清晨發帝京，載馳越江隅。  
澄清夙所尚，懷印投前車。繼食驚鳥擊，振臂蒼鷹徒。  
誰曰任政良，銀艾紛如組。剪茲蔓草叢，靜治海波舒。  
匪類既弗殖，誰復荒田廬。蹴踏避清霜，安集游嘉魚。  
執法比歲星，鎮撫民所愉。

成青壇諸兄弟至送贈

瞻彼梧桐岡，鳳鳴高所托。莽莽江海涯，鴻飛解束縛。  
賤子逢世難，踴躍避贈繳。河北有崇丘，倚與青雲閣。  
平津子弟賢，加餐我無忤。同年復同心，同心訂前諾。  
魯城朱家居，北海孔生幕。樵梓發春榮，肺腑足娛樂。  
時重金錯刀，予懷救民瘼。

其二

嗷嗷雄鷄鳴，蕭蕭耿河星。展轉不成寐，披衣視天明。  
我生何不幸，罹此憂患并。肌骨日摧頽，道路悲酸辛。  
畏人勝畏虎，虎豹性可馴。人情盛貪毒，熾火及孤臣。

石雲居

卷之六

四

幸有君子堂，側足相周親。邈哉阿河梁，假以冲天紳。  
公子贈縞帶，子產紱紵衾。孔程束帛義，管邴共席榮。

紀夢

秋風寒入戶，擁衾勞心神。迢迢夢子舍，旭日如車輪。  
炙而有餘光，一變飛揚塵。嗟予久薄祜，藐違白髮親。  
音書滯烽火，遼瀾無芳鄰。或致造化憐，枯桑復含春。  
假以昇海曙，蓬徑來車茵。天明聊具述，志喜詢同人。  
五姪令滕陽以詩為贈

山東冠帶國百里井田圖，猶子比諸侯。老眼望以舒。

瘠瘵愛探九赤子一何愚  
燕吏人不為乃使公門狙  
誅求散鷄豚寡婦停機杼  
野曠熾青燐山深橫僕姑  
天子愛此方選士承簡書  
勉旃效慈母少壯歸田廬  
贈汝以一言黃金勿有餘

五子詠

滇南唐大宋

蒼山不可極英特應地符  
弱冠託豪素足跡凌寰區  
旁皇恣冥探諧笑歸吾廬  
豈怨知者寡淮閘道有餘  
桐山方密之

五子詠

五子詠

五

方生天下士踔厲青雲端  
猗猗秋揮衆言河漢下飛湍  
宣籍匹金石文陸相盤桓  
一朝黃鶴舉飛翮傷羽翰

沛縣閻古古

歌臺大風起兒童吟樂章  
逶迤數千紀作者稱登堂  
正聲破淫哇取材齊栢梁  
男兒意氣重醉卧多憂傷

吳江沈元子

布衣頗不賤視我隱侯裔  
三隄暗能誦貴游爭交知  
山川助貧婁乃欲安蒿藜  
歲暮長安道著書新滿帷

滇南蒼雪

側聞演象教乃在吳門山  
日夕詠四始策足開心顏  
家喻一萬里天空鳥飛還  
同予念唐子慘澹禪燈間

送趙丙三歸蘭谿

溯從蘭谿水維舟見平生  
抗顏彼富貴欣與我同行  
執經侍兩丈戢慮同心旌  
後期逢世難肺腑交日輕  
君能矢金石憐予名姓更  
童僕數過門一一進菜羹  
七載雙魚潤今年踏幽并  
囊錢何所求來視有餘情  
四壁空山海寒燈相與清  
送爾歸越里不如事躬耕  
薄田充國稅飯牛食草鳴  
鷄登板屋巔烏呼旭日機

五子詠

五子詠

六

身隱多文彩幽客投瑤璫  
多忠自茲釋笑彼徒忤忤  
柯山在目前對弈芙蓉城  
肯假仙人遊曳杖聞秋聲

貴人行

長安多貴人人人意相得  
握手附青雲拊心指白日  
都亭接錦茵徵召促半席  
惟恐人語先惟恐我禮失  
結好嬰津路矜誇盛童力  
買名賢豪間遲回顧顏色  
管鮑義分金雷陳交似漆  
自謂古人俱時流何足德  
一朝事變更真偽遂懸隔  
親者日以疎相逢不相識  
故人在井中同輩翻下石  
夷惠既易稱芝蘭皆咬葉

惟恐未絕交惟恐掛黨籍有人發正聲耳語當閑置  
初笑孫嵩愚再惡馮唐直金玉滿行觴又進堂中客  
旁觀鄙且羞之子猶不飭莫爲責沈詩莫嘲炙手熱  
人情反覆然何必沾胸臆翟公妄書門田甲不須斥  
朝趨暮則歸陰陽買人習陶令傲南窓達人返初節  
猿鶴相舟還摩鹿馴奔軼山居深更深袖雲兼戴笠  
爲語風塵人莫須詢緩急

署中藤樹得靖成無恙記之

有吳延陵子來登冰玉堂讀書政多暇種樹羅羣芳

石雲居

卷之六

七

披圖愛刻溪朱藤映午房歷年冰雪食意氣摩青蒼  
初與曲欄齊其後日尺長倚倚大君子糾曲逾剛方  
我來一見之漸爲兒童戕將折作馬箠根芟日以傷  
何以俾不壞不如誰藩牆週圍多瓦石采取塗丹黃  
一朝百堵興翼然屏屋梁豈惟養草木抑可蓄書倉  
春夏花不歇蔚蔚枝相當玄雪洒沙塵獨卧同人傍  
幸甚發斯詠勉旃周身防

藤下

我來坐嘉樹蔚蔚青雲枝鳥鳴古簷下火雲當晝移

側身望林谷寥廓誰能棲照人冰雪堂乃見樾木垂  
濃陰偏赤葉特以告心知

同人集古藤樹率贈以言

邀我冰雪堂鬱然嘉樹林虬龍蟠古莽蒼蒼生廣陰  
矯步二三千攬帶面同心恩義良不薄肺腑托華簪

其二

華簪慨谷風棄捐不復道周席盛馨香願茲結靜好  
四時更代謝懷書以終老上言松柏操下言除蔓草

其三

蔓草濡多露戒行行獨遲慷慨引大義苦匏羞當時  
男兒貴榮名山谷驅采芝芳風躡天衢留侯是吾師

其四

吾師義報韓運籌勝千里未央不置酒敢從赤松子  
俯仰祝聖人乾坤雪仇耻努力東徵驅功成然後已

題壽圖

淮南大小山青桂成幽叢方平金玉盤香氣凌大風  
尋常不一見迺思東方翁東方食桃七游戲黃金闕  
庶哉一囊錢執戟矐矐日逢迎在簡編千載圖神仙

石雲居

卷之六

八

幸甚見遺老玉署同舟旋雅志高名節談經正衡決  
道德爲膏腴顏色皎如雪疲馬當安車步步遊天衢  
道旁執禮恭作止何容與竹溪不爲逸樂谷何須立  
國有老成人應詔尚方食

畫松

知君無一事學畫紙上松松老松毛下拾取丹房紅  
熊蟠結松子安期瓜棗同日畫三四株枝葉皆成龍  
掃除閑閑氣好登玉女峰

夢朱希醇求一白衣

石雲居

卷之六

九

里門有知己朱君喜追隨少年伯文學歲暮青囊師  
與我策筇杖凌絕萬山陞拏舟水雲淵脫粟翻雪匙  
集聚鐵門寺念君貧且饑謂君山澤癯多金非所宜  
君時嘆我言恐與薄命期抗手來京國詢君何所爲  
忽聞登龜錄靡繇薦蒲葵擾擾夢耕牧哲士遯光儀  
豈云友情薄生死成乖離關河變雲黑飄搖畏路岐  
秋清風雨夜蕭蕭寒書幃游神無恐怖乃忽見所知  
識是杵臼交朱君無所疑我驚君雖死正欲一問之  
君忽若踈逖似欲從此辭管鮑貧賤交范張約不移

與君同世外何必來遲遲君始向我哀白衣顧相遺  
涕泣范叔寒諾此不敢欺委曲兼陳說倏忽風輪馳  
日月阻幽谷鬼神限顧願既能越千里胡以頃刻麾  
雲氣浮列缺星精騎尾箕天上賦玉樓地下遊漢陂  
慎莫體干戈容嗟復涕洟我作夢君詩君死其勿悲

贈王郎

日暮鍵我戶燃薪驅薄寒童子來相呼二妙追陪款  
濁酒三四升陳徽羅玉盤座有玉郎歌歌聲遏雲端  
一歌漁父曲再歌行路難杳渺細如髮宛轉氣如蘭

石雲居

卷之六

十

聞者皆有情墮淚不能乾緱山子晉笙橫空結樓觀  
百泉孫登嘯曼聲鳴鳳鸞之子亦仙人游戲來長安  
大雅良在茲年少何足觀聽我酬以詩請君一再彈

署吟

平明騎赤馬云是署中客門者喝道迎堂階始投策  
古屋橫裴几入座有同席威儀舊老成縱橫辨儒釋  
有時據榻眠有時掃秋葉陳案多簿書手批兼口答  
不肯稍濡留堂餐三子食飢罷各歸來轍古歌寧一

梁上燕

案上燕雙飛飛集我居徘徊不欲去野泥何卒瘁  
十日成一壘風雨無所虞四雛育其中朝夕顧以哺  
童子忽乖劣舉帚相戲娛墮巢雛且驚呼聲當座隅  
我見重悲苦何以全區區庭中有舊巢完固更安舒  
升淨納四雛以待燕與俱老燕得食返茫茫非舊廬  
遶屋傾其子旁皇爲稿枯雛始一發聲老燕喜而呼  
得雛萬事足雄雌爭赴趨物情欣再生安養姑徐徐  
羽毛日長成高鳴恣所如願比雙黃鵠凌風游太虛

齊魯行

石雲居

卷之六

十一

齊魯文學鄉今爲烟火墟荒地數百里四顧少人徒  
作苦亂山顛依倚潛陂湖荆棘蔽土樓鳩形稍厯居  
積薪甌罄粟朝餐不及脯恐恐官府卒來責數歲租  
赤手不得完涕泣緩斯須所以敢爲賊反得窺城隅  
初逐行客臂再襲大吏珠焚舟棚倉米奪衣候河渠  
不畏土著兵河上皆徐徐不畏出銳師偵知先跳驅  
兵至恣殺掠滅賊計則無百姓仰天號願與亂者俱  
粲粲天子臣胡不恤彼都符節權旁觀庶吏豈不如  
若能減嗜好種蔬食自娛若能清訟獄隨地行單車

若能禁爪牙帟冠歸佃漁若能廢誅求農桑遠屋廬  
有司致太平前人足良圖欽哉事一人寬大恩有餘  
屏上書百官賢者賜高車陳詩當涕泣念亂當遇予  
道州十數輩守令布要區萬物各吐氣干戈變康衢  
驅賊出我境併使隣邑徂田畝各飯牛赤子爭耕鋤  
且須聽此詩慎勿慕華腴

夢東坡居士告以執筆法

予少游白下日過許子家見其精八法爛爛生雲霞  
此後遇則理狂草相驚誇願與古人俱筆到力不加

石雲居

卷之六

十二

荏苒三十年雙眼昏如花興會託毫素偃側多跛斜  
誠懸貴心正僧虔質無瑕何由臻堂奧小技譏秋蛇  
天恩賜我閒區宅隣高牙林鳥呼晨夕峰石連楂枒  
關門座不掃希逢賓客佳登樓覽法書悠然度歲華  
深夜夢蘓子幅巾高履鞢揖予登上座指揮紛且葩  
告予握柔管聚指法不差中運兩邊鋒天真簇春芽  
老勢翻勁軍健鬬旁谷嗟法冠整國容一綵釣河槎  
予拜領斯語遽然天一涯東坡百代師文章衆所誇  
豈念予放斥翩翻來蓬麻歡好相慰詔謂如弟子芭

不若人棄置夢寐音勿遐反覆紀以詩莫問長者車

送友黃山白鶴峰仍用太白韻

望望明河水緜縹海上峰圖經一披掌陸地城芙蓉  
鴻濛烹玉雪玉女巢雲松俗子牽婚嫁高尚成仙蹤  
有客策竹杖躡履相過逢蓬蒿招素手天門歷幾重  
聞歌度簞嶺餐霞汲金井仙人翩翩來金盤肅以整  
棄田滄海東神著宿雲鼓峰名三十六白鶴鳴虛空  
我效李太白送爾騰飛虹

憶昔

石雲居 卷之六

十三

憶昔渡石賴鏡水羅異珎夾岷人烟出草木經千春  
翠微冒衆鳥榮潛振潛鱗涇渠濬源泉紫海澄天津  
一乘魚子魴曲入飛磷磷如臨滄浪水照我頭上巾  
晦明今古幻顏色顏風塵

憶大龍湫

海峰吹山骨天瓢酌龍涎帷石翳雲杪飛流下錦泉  
垂射春絲縷懸著紫衣湔健或闢雷霆捷如風馬旋  
青標縹溜渠白浮芝玉田衆客曳竹杖吹洙何新鮮  
龍性罕與友憶在香爐顛驚落河漢雨斟酌瓊霞烟

擬陶徵君飲酒二十首

其二

少壯秉耒耨尚樂天任所之中道成乖違子子遠役時  
虎豹向我啼山川險在茲翻復變蒼素不若居謗疑  
古人悟斯理有酒手自持

其三

彭澤振芳躅采菊見南山悠然羣動息矢爲漁父言  
有時卧高枕自謂養皇天太常雖清丞寄託誰與傳

其四

石雲居 卷之六

十四

長安盛車騎紛紛飾厥情雖有趨藥業難還趨利名  
卓哉醉鄉子頽放以全生賢達忘寵辱得失何足驚  
所以與古友浩然觀生成

贈韓聖秋

疇昔慕之子文學東西京雲漢不可接涇流波以清  
願言攬帶交握手蜚華英川梁渺睽阻南岡路不平  
矯翼橫四海求友求同聲都亭盛交戟布衣懷完名  
噬肯念衰老駟馬來我亭贈我京雒篇煌煌徒屏營  
笑彼結客場儒者抱遺經

樓居

貧日寡所慕今古浮雲馳  
拔除屋上草勿使零露垂  
莠麥去根極鳥雀安棲枝  
高樓騁遠望薄廬有光輝  
不敢怨留滯放逐適所宜

其二

林鳥不遐棄晨起鳴石巖  
音聲既和平俯仰來我前  
飲啄適天性儔侶何翩翩  
息影越河漢毛羽生雲烟  
怨毒無所驚捐網謝少年

其三

石雲居 卷之六

十五

柯山有樵客來願長安居  
黑白布新壘勝負欣自如  
國手爛仙斧妙道聞婦姑  
人間開玉局豈爲戲猪奴  
幸甚言我思天地爲蘧廬

芝山子索居松亭雪積峰  
石映窓寒甚偶讀道

州詩和其韻思太古

粵稽羲軒庭聖德何數愉  
老死無鬭爭淳樸安智愚  
上和三光精下俯萬里圖  
胚胎化靡極昭哉大象初  
秦漢繁征戰日月相征徂  
吁嗟我生後人皆知有餘

隴上嘆

登高盼流雲如車亦如馬  
人物何參差迴風紛且下

朝爲金張家暮成田野舍  
世態已如斯秋風變炎夏  
金石不堅牢榮名益虛假  
所思桃源中漢魏不知者

頌處士

我有宿昔友深棲巖谷中  
躬耕惟父子餽食無君公  
策杖投雲霧濯足臨澗東  
有時致我書挈酒道不同  
所言非激烈萬仞生芙蓉  
攬衣願與俱留滯悲吾窮

賤士吟

朝廷下明詔求賢拔其儲  
擔簦走長安上策不見收

石雲居 卷之六

十六

旅食何艱難童僕何足羞  
知勇亦蹇產金盡無所謀  
錢刀勝意氣瘦落歸樊丘  
發憤棄時名著書散窮愁

欽乃曲

江海水未息乃聞欽乃聲  
長年狎波濤擊楫如陸行  
掀翔見雲族濛濛星光明  
萬頃臨中流太虛鑑秋清  
豈不罹傾覆周慎無所驚  
請君聽我歌漁父良有情

去鄉悲

太陽下大荒不照長征人  
妻妾復妻妾蕩子滿面塵  
鄉里一爲別辜負非一身  
塞垣北風勁吹木枯爲薪

暖火日以寒頭白懷早春虎豹蹲霜雪飢鳥號其隣

耆翁興

有人壽百歲老顏日以育不見輕薄兒堅貞比松木  
白鶴巢高雲青胎長瑞玉一切成土直至人漢無欲  
何必棄良朋枯槁並貪黷元化任自然隨緣返初服  
農臣怨

嗟彼江南農勞生抑何苦赤日暴肌膚淡忽當風雨  
寒暑慘在心悠悠莫可數大半賠官糧難穀償債主  
秋收不登場啼號各在戶誰作流民圖我欲贈縑素

石渠居  
卷之六

十七

謝大邑

靈龜壽千歲伏著千百莖上有瑞雲飛食氣探玄英  
聖人制神物鑄刻休咎形季主猶在市君平又談經  
我生多磊砢願一聞獨醒不如楚江寶告我遊滄溟

古遺嘆

田婦忘其簪泣思不能已何況天下士惡言日在耳  
不疑竟償金曲逆豈徒羨奪蜂慈父猜纖杼智母起  
古來謗書多惟恃心如水井泥不飛塵天雲仍覆倚  
請聽古遺歌所遺滿青史

下客謹

逐客困且辱下客殊不然入門少珠玉被褐復且穿  
駭言驚眾寶以致叢咎愆高堂賢主人引手終見憐  
忠信涉風波仁義耽遺編願一獻廣廷臻福億萬年  
下客而賈者羣客爭嗤之置下座主人賞其有  
希世珍乃更徵召異于羣客廣南常紀其事故  
有謹

西洋湯道末先生來

一日兩命駕過我松亭前執手慰老顏不若人相憐

石渠居  
卷之六

十八

滄海十萬里來任天官篇占象見端委告君憂未然  
忠愛性不移直諫意益堅買誼遇漢文治安書可傳  
公爲太史令洛下誠並賢翻愧嚙昔交勢利多板緣  
願從學道術寡營成大年

送周幼悅幼悅予同邑爲諸生有聲明經選入

長安院邵諸先生閱其文置高等遇矣及謁選  
乃得郴州之永興○幼悅意不能不快快遇我  
松亭詩以慰之於其行遂書

吾聞豪傑士仕宦隨所之卓然成政績老幼頌一辭

文翁能化蜀 柳州人有師 願願周生良 往蒞湖南涯  
日望蒼梧雲 高峰連九疑 遠行載鵲糧 勿畏我僕饑  
赤子方鳩鵲 父母歌在茲

懷方張沈梅四子

山上青桐枝 歷歲落風雨 斲之揮吳絃 音聲迷太始  
繁音亦小絃 陋質何足數 君子擇所交 金石堅以固  
緬懷我良朋 風波各岐路 龍眠方子賢 棄家天末去  
歸來編華嚴 安心一緇布 芭山文學儒 研前過還固  
經術既專家 肯游亦罕遇 宣城一沈子 釣臺請聞譽

石雲居

卷之六

十九

蘭溪習深隱 有司不能煩 衍生司馬喬 高言衆驚怖  
有目亦自盲 有文皆可睹 四子天下英 各向山林住  
敦懷抗塵俗 矯節發淵慮 念我流離人 慰言尚如故  
安得駕青虬 與之策雲步 相思在伊人 不肯改綠素  
比附龍門枝 息陰有佳樹 何時愜我心 葢茅息羣悞

送弟還家

宿昔事遊歷 弟輩皆童子 歸家不知迎 但自飽餅餌  
云胡十餘年 老成足欣喜 徒步來長安 荼苦甘如薺  
已曉護春鳩 又識鋤馬齒 服習靜者言 富貴洗其耳

翹望梁成湖 征騎鞭益駛 所攜敝衣裳 更不羞行李  
塵鞅一月餘 垂橐入鄉里 兄弟邀與言 何日發京邸  
念我老未歸 憂傷各不已 珍重敦天倫 古人敬桑梓

憶昔至龍游

昔我陟海隅 乃遊太末地 鶴橋墮雲渺 柴荆故人至  
相見慰飄泊 破衣沾涕淚 所痛失鄉里 小隱何時遂  
田父疑我行 又逐飛鳥隊 傷哉白髮心 有懷不成寐

贈彭人瑞

我家奉安里 與君爲至親 少從曾祖母 數數過前隣

石雲居

卷之六

二十

始見君之父 華鮮馳車輪 繼見君 始生門戶日以新  
眉目漆如畫 溫克通嘉賓 讀書蒙世德 將擬爲王臣  
世路忽傾仄 干戈起瀕濱 君旣喪祖父 又失同氣倫  
棄產走四方 避吏繫其身 遨遊陝華頂 觀海飛天津  
潛返巴山曲 有婦成婚姻 饑寒更辛苦 躊躇無愬申  
懷我長安道 賣卜歷數旬 一見松亭下 涕淚盈衣巾  
問其家所有 飄然成墮薪 出門不得已 不若求故人  
我視君如弟 慰勞勿復陳 我爲祖母憐 外家君又貧  
豈不念本始 渺然同越秦 相依來玉堂 日見車幃麟

老樹歷多歲，蒼瓦漸成茵。白燕飛不返，瀛州涸雙鱗。  
時序既遷換，但喜連星辰。讀書盛英傑，禮度皆駿奔。  
與君發遠想，今古分冬春。酌酒待詔，願富貴何足  
珍。不飲吟我詩，努力書諸紳。

隆長寺老僧用正韻

精藍列堂廡，絮除塵不飛。問士老益智，健力驅羣迷。  
落波熱松火，客來供蔬薇。能傳方等教，亦解向上機。  
形容生敬悟，梵頌得聖梯。經行絕疲卧，稍服補衲衣。  
寒苦更無侶，招我一解頤。風雨葺濕甌，朝陽鋪樹圍。

石雲居 卷之六

習觀有進長天地和因依

石雲居詩集目錄卷之七

七言古

成青瑣種竹歌二首

黃金臺

行路難答姚若侯年兄

幾年行

過成年兄所

飲董天來年兄

劉阮仙司成過我

石雲居 七言古 目錄

明月歌

聞項眉雪言海市作詩紀之

渡黃河

固始道

鐵柱引次空同先生詩

福寧州城外卽事慰袁生

太姥山下風沙篇別方密之北行

征南行

由新安至龍游袁雅儒所

福寧州九潭

太姥山多奇峰

渡海遇大風

遇方密之于太姥山下贈予金

鐵柱宮予族人環居生未

閒歌行

陽春歌行

讀梁玉立年兄詩喜贈

用子瞻我似老牛鞭不動詩贈彭孝廉

石雲居

七言古  
目錄

歸來篇

周農父病足愈卽駕車訪友

初雪行與農父

寄方鹿起

觀閩鵝島

老馬行

汪雨若惠新茶

美人

結交行贈雪堂

南來行

我昔行寄密之

贈李舒章

閩難行

昔年行

秋夜行

送謝寤雲先生招撫廣西

館閣行

梁虞氏行

石雲居

七言古  
目錄

秋風行

七歌七首

初至家

吳御史

江南曲送呂甥

石雲居詩集卷之七

芝山陳名夏著

七言古

成青壇種竹歌

君不見岱山松童童老蒼秦人封君不見楚曉蘭游  
閉公子藏葉替獨有淇園竹蕭蕭君子容君今種之  
提玉節友爲鳴鳳孫爲龍日華杲杲臨寒冬此君直  
上雲霄峰幾人乘興車來從

其二

石雲居  
詩集  
卷之七

倚雲穿石天地根比鄰斧斤不到門渭川千畝發胸  
臆青風獨立長兒孫主人未是灌園人如何吟嘯隨  
天真嶠谷柯亭今再見高歌白雪兼陽春

黃金臺

飛沙漫原野驅馬落日來哭兀見荒丘云是黃金臺  
燕昭築臺師郭隗樂生破齊何雄哉吁嗟易水去不  
遠荆卿歌聲白日晚燕昭報怨齊城摧燕册報怨漢  
人返

行路難若姚若侯年兄

蔡順拾樵富饒烟豪客遺粟步不前不如吸風飲露  
緱山嶺鮑焦死壤泉賢者譏謂抱木眠不如委蛇精  
景藏龍淵海鬼射人能控弦肌膚鏤中紛成舞侯奴  
專作使校尉無鮑宣一身忍詢歷九坂家人不顧蕪  
園田

幾年行

幾年不見風吹沙一朝震盪天宇斜日車亂翻行不  
得可憐騎馬歸冰衙如登萬仞罡風起側身望之虛  
無裏大海波瀾八面間魚龍漬沫蒸成市直深燒燭

石雲居  
詩集  
卷之七

煖餘薪交游半是悲風人願使窗禽早啼旭捷收少  
女清無塵

過成年兄所

佳公子作尚書郎三年不見何茫茫薤露一曲登君  
堂君如有知心以傷龍蛇起陸舟爲梁天地反覆滄  
變桑願比延陵來墓傍助君劍氣飛星芒吁嗟成君  
何慨慷生能慕義死復常春風離別多戰場東西出  
人如參商胡爲怛化摧車行

飲董天來年兄

十日不出馬漸肥衙風瑟瑟下黃幃我不能飲諸客  
醉看君數過牆頭醵窮通得失成今昨不如聽樂聞  
寂寞白衣蒼狗眼中塵竹林諸賢皆可作吏部陶陶  
步兵家劉生領酒真足誇有人送到陶彭澤婆娑不  
負東籬舊日祠焦革太常是清衙巾山一千日仙  
人倚滌管生華生官大理習懷曠達應如此

陶阮詩司成過我

幾日寒窗清不聞同子先生騎馬來谷嗟相見龍臺  
栗擾擾誰爲避債臺丈夫有骨不肯辱平原有客爭

石雲居 卷之七

顏色如今士賤呼馬牛往往低頭拜奴僕如狼如虎  
日候門可憐數月無嘉賓楚人然諾雖足重爲友散  
盡床頭金吁嗟世人結交何足憑不若燕昭買駿  
其名

明月歌

明月皎然墮地光譙城擊柝聲飄揚欲眠不眠思故  
鄉夢歸千里川無梁安得矯然黃鵠翔飛飛直到長  
干旁長干宰樹拱親喪蘇衣苴杖來帝鄉許汝掃樹  
鹿不傷蕭放墓側烏何祥昔賢如此予懷懷傳德家

枯催肝腸有宅一區粟一囊賤子欲死病卧床旬  
不知紀酒漿孫能孝祖天一方低頭豚豚沾衣裳

開項眉雪言海市作詩紀之

鴛湖項生名家子過我纔談觀海市不見海市三十  
年一時同見張刺史青天夕照下歸墟雲霞哭抹鋪  
城門蓋起壯旗鳳羽低昂人物驅龍車開闔門開  
聽帝語高樓閣紛無數馮夷靜浪天吳柔紫泥如  
鏡流若掌沃焦土厚堆平沙風輕楊柳爭迴斜燕子  
飛飛剪不斷妙手畫出神仙家海上神仙不可見關

石雲居 卷之七

風玄圃人爭羨秦皇漢武恣搜求老聃作勢成官殿  
天闔地軸闢干戈城郭如故人不多大壑不滿亦不  
竭精衛填土成坡陀方平三見變桑田方士迂怪索  
幽燕忽然側身五都父風波都息野馬懸願爲黃鶴  
凌風去 不知聞爲君喜作海市行海水不  
飛無長征

渡黃河

黃河慘淡冰解寒黑雲卷各奔龍湍過客頻語黃河  
千東西折盡千萬婦公無渡河我欲渡干戈

長安

固始道

簪筮走避矢矰野田雉叫兔且騰寒風白骨橫溝  
膝百里呼人人莫應行子束腰食水水凍僵強起吁  
良朋

鐵柱引次空同先生詩

我家豫章張之南昔有真人標鐵柱鐵柱連江井不  
枯歲歲秋風濯寒露英華特起赤董精鎮彼老蛟飛  
老樹偉哉旌陽真福星俎豆千年識其處嶽巖毒物

石雲居  
詩集  
卷之七

五

奔江濤潛施鎖鑰誰爲勞黃堂湛母授劍術仙班王  
闕森森高迎神送神相放懸朱旌丹旄紛飄搖我往  
從之驚世變寒砧不忍聞鄉縣

福寧州城外卽事慰袁生

書生携我城外山童僕舉火何其難流螢入戶光自  
照蟋蟀在床鳴不闢予家旣破牛馬走世上饑寒無  
不有何人共此患難中與君且醉重陽酒孔融旣逝  
賓客希丈夫熟視何所爲素秋零落邑不瘁紛紛輕  
薄皆小兒我欲歌聽者疑我重泣如縷縈以此嘆息

無古道千載相思在管鮑

太姥山下風沙篇別方密之北行

海上悲風沙作堆荒荒遇子頗爲開畏人不及言兒  
女亡命何由居草萊髮猶上指鬚半白但願求方煮  
白石煮石不得求金難一時執手當歲夕

征南行

征南將軍道上行觀者如堵壯且驚我亦策馬一相  
送願言天下歌太平太平不見二十載沿路小民幾  
家在健馬莖草千萬斤豆米供億真艱辛江南有人

石雲居  
詩集  
卷之七

六

念赤子一片降帆石頭始

由新安至龍游袁雅儒所

新安天都奔海波旣行且止畏張羅側望龍游多岩  
柯中有伊人嘯且歌相逢握手家不顧拜母而去逃  
山阿

福寧州九渾

福寧九渾瀑布垂仙人邀我青玉陂武陵谷口舟子  
誰楓樹蕭蕭村東籬又聞太姥天外立拄杖如龍行  
勿遲

太姥山多奇峰

太姥山高天可捫  
摩霄吸露探雲根  
石崖問蒼老僧  
言海風吹立疊嶂  
尊愛觀扶桑擁飛彈  
翩翩披髮遊天門

渡海遇大風

海水汨沒河漢翻  
蛇龍吐涎白晝昏  
我乘小舫風所吞  
觸盪如舞驚飄魂  
海神何怒流離子  
吁嗟不死欲報恩

遇方密之于太姥山下贈予金

石雲居詩集

卷之七

七

龍眠方子獨身走山下  
遇之真不偶天涯  
兒女仍在否  
不能相問躊躇久  
方子出金置袖中  
萬里相思看北斗

鐵柱官子族人環居生未

豫章仙人挾龍精  
彈蛟淵底鐵柱生  
陰陽爲炭火黃鑄  
須臾根幹連海城  
墮米百斛騰山骨  
反令饑客長歌行

聞歌行

聞歌意氣何飛揚  
千年楚調真擅場  
絲管新聲遺屋

梁知音有人按宮商  
卿相黃金蒙俗調  
一朝忽遇韓娥行  
願乞鼻聲發長嘯  
陽春花發樂未央

陽春歌行

驅車門外潑寒風  
有人招我高堂中  
肯酒饒魚歌吟發  
一唱三嘆過瞽工  
昔年戰場半死喪  
如何尚與何戡同  
衣冠抵掌竭情狀  
側身如視雲滿空  
人生有情皆嘆息  
不能對此持酒筒  
下里優人多氣色  
忽聞高調應卑躬  
南陸既至陽節舒  
合歡和自聞闔宮大地  
冰雪牛馬走須臾  
百草揚春容  
我今作歌傳歌者  
願

石雲居詩集

卷之八

八

爲太平一老翁

讀梁玉立年兄詩喜贈

我讀君詩詩百篇  
窮愁益工真復然  
方平再見蔡經宅  
字字滄海堆桑田  
波浪方高塵不息  
居人行入爭於邑  
懷古如登太白山  
送人直至河梁立  
冥鴻整羽空霞標  
天鵝睥睨非蓬蒿  
達人一視發金石  
商聲吹出荷蘭操

用子瞻我似老牛鞭不動詩贈彭孝廉

我似老牛鞭不動  
廢畊守櫪顏且重  
君如健馬踏空

鹿肯與鷲爭縱送子雲弟子有侯巴蔣翽徑開延  
二仲五月淹留幾度來沽酒隣家釐杯瓊飲者雖醒  
眠如狂賢者容人腹如洞君試一官短衣去且看百  
畝深叻種老親倚杖隨衣裾稚子候門兼僕從馬未  
玄黃僕未指盤有盤餐賓與共大器崢嶸應晚成神  
物陸離當世用江南好復寄雙魚莫使中郎勞遠夢  
歸來篇

君不見淵明紀載漁父圖棹入武陵逢屋廬山人出  
揮其鷄黍兒童父老爭相呼自言避秦不知漢魏晉

石雲居

卷之七

九

以來何理亂桃花千歲老春秋石門劃破天青半尼  
山絲竹魯衣冠幾家婚嫁初平安老幼不作長城卒  
朝暮何知心計官客來相見山中喜友如乍見安期  
子行行款曲送將歸路轉溪回猶不止須臾蒼霧滿  
巔崖漁父掉頭門不開南陽劉君邀再往不知鷄犬  
從何來漁父悔恨滄浪曲浮家泛宅無榮辱何如久  
住此中山翱翔萬里雙黃鶴

周農父病足愈卽駕車訪友

桐山周子蹇其足一月臥床始平復晨起策杖僮手

扶略可步行馳廣屋豈緣曳復貴人前杵臼知交繁  
心腹自憐劇病難索居朝晡夕火攤方書長安尚有  
旅食者倦遊司馬羞吾虛急相慰勞吟滿壁恨不多  
金暖寒日生平大笑程鄭家堂中不貴文章客結交  
盡是高村生名士之中君老成灌夫使氣真不學孟  
公傾生多不平不如與君飲醇酒藏否不令掛在口  
魯國童子黃微君今人亦見古人友吁嗟今古不同  
時周生周生當世師我今一唱周生句此道今人和  
者誰

石雲居

卷之七

十

初雪行與農父

天風吹下西山草紛紛白盡黃塵道長安柴米價初  
昂有客憂傷顏色老借問憂傷客謂誰桐城周子知  
名早周子挾策叩燕關車馬填門塵不掃戚院甲第  
既摧頽公卿氣力皆枯槁我友低頭倚北窗不若文  
章一娛好衙官謁宋不單行浮艷徐廣何足道吁嗟  
與我此馬行坐臥寒威玄髮編緱山水雪淨聰明峨  
嵒天半飛蓬葆玄晏先生嬾應人山陰高士耽懷抱  
綽約流雲自白衣權家熾火如行潦與君大笑天地

聞不信南山留綺皓

寄方鹿起

雪風颭颭吹萬里我有相思不能已  
伊人天末寒無裘欲行不行破雙履  
蒼梧山中泣暮猿馬平道上堆墟烟恨不歸地爲神仙挈登聞閣天門前

觀關鵠鳥

長安關鳥如關鵠開籠振羽爭雄飛  
健者用口兼用足弱者垂羽故飛飛將軍健兒手馴鳥散場縱視分馳道勝負如此只尋常紛紛憂樂添懷抱勸君看破

石雲居詩集卷之七

冷海田雲中車馬何新創秦皇征漢事征鞍亦同汗漫求神仙與君且醉中山酒三萬六千真耐久相逢不醉欲何爲古來賢達皆酒友君不見淵明歸來辭有田種秫堪爲師又不見劉伶酒德頌婦勸頽然傾百甕蝸角蠅頭何足求高飛黃鶴陵滄洲

老馬行

我有淮南赤毛馬騎來側身燕臺下雙蹄蹴踏連錢花綠耳照耀黃金價青絲錦鞍躍路旁鳴珂蹀影何昂藏秋風骨健春幫長主人跨去纔相當良馬自昔

比龍性不與諸奴恣馳騁曹霸爲師弟子韓善貌騏驎氣深穩從余出入多歲年馬髮半白額其有官貧不能買塞騎但隨老馬行如眠筋力雖衰識前路不忍棄置桃山樹鞭策久委垂口韁行行且止玉堂去主人多病雙眼昏朝朝勉強登天門我馬玄黃適如是退休願適江南村臣力不足如老馬乞恩放歸山谷好飼馬餘齒一長鳴嘶風猶念長安道

汪雨若惠新茶

芝山居士病雙目曉起看花看不足臨窓展讀古人

石雲居詩集卷之七

十二

書帛皆欲睡支童僕新安汪子知我交爲致旗槍勝龍膏色白而香同煩渚建安以下徒唵唵我戒老僕汲湖水置之甕中漱吾齒先燒活水置石甕甕眼老湯然後已盧生七枕不倦斟王濛如愛酒數升冷冷入口清風生御虛直上九萬里側身十二芙蓉城方平剖石得石髓蔡經還家逢老姬上界仙人致瓊漿胡麻泛入桃源去我坐松亭忽得之汪生汪生真我師懷人放逐交耐久此心但看紫茗春風時

美人

將軍開塞車騎多綺筵各進金巨羅舞衣雜選綺  
波賓客意氣如山河青樓美人出纖手持杯不勝起  
為壽春缸倒傾若醉侯華燭爛燭花移籌游子強為  
歡笑語數爵婆娑歌欲舞老來感慨知何許不若糟  
丘狎相與歸來乘馬聽城鼓明朝拉伴聞歌去

結交行贈雪堂

杜甫許身比夔稷懷心反覆塵生棘昌黎慷慨握手  
歡紛紛怨毒爭傾亥君不見熊雪堂持符占歲星拒  
賊百萬猶談經名譽清通達天子品題且且常書

石雲居 卷之七

十三

屏好子倡和如伯叔蕭朱玉貢嗔時俗天衢廣袂攬  
清都珍匣青萍寶結綠却笑旁人怨不平惠風吹來  
同舍生曲學直叱公孫子挺身願作名公卿冰鑑堂  
前樹千尺繁花陰滿虬龍憂嫫媿洞府麗玄熊關中  
丞相圖書冊熊雪堂君莫歌知我希亦莫學婁子為  
執仇大義日月俱束修努力相持扶走能乾乾操米  
雪高鶯芳樹春來呼

南來行

南來商賈集如麻平陵消息風吹沙如何不得為公

千秋堂屹立天河斜小蛩啾啾鳴屋角飛蛾熠燿  
惟慕天長地濶相見難物候夷傷淚時落

我昔行寄密之

我昔步走君乘車海邊執手立斯須盡言不得衡海  
清君從何處藏鴻毛吁嗟乎各有萬里相呼號可憐  
天地空吾曹一日不見三秋高

贈李舒章

君不見李孝伯陳情古今泣孝子喪親不得歸敢不  
委身伴朝夕我來下拜麻衣人肝腸一日摧車輪君

石雲居 卷之七

十四

且勿悲家道貧紛紛富貴委路塵

鬪鷄行

玉署雞栖在屋秋陰的歷啼聲高呼雛家  
愧我不如紀消子隣鷄牽引爭馳觸春秋季氏芥雞  
羽郇子金距橫關心采采女子兩國隙却如鬪鷄鳴  
怒深吁嗟鷄乎具五德玄冠丹采朝陽色胡不聳  
比鳳鳴區區戰勝非鵬息薄暮牛羊自下來鷄胡  
戰吟蒼苔各令解去平怨毒東方紫陌晨光催

廿年行

李家老嫗八十年昔年見我何翩翩今番我見顏色  
驚龍鍾雙淚流如泉念我流離真可憐父子隔絕江  
南天我但吞聲不敢哭一寸心空愁萬斛孔融能救  
張儉亡朱家肯令髡奴辱古人不作棲無枝乘車駕  
馬登銓司自慚不及山吏部鬼神莫夜知關西老嫗  
掩啼復大笑君能甘苦嘗茶蓼天際秋風冷要津蕭  
蕭直是山中人

秋夜行

細雨牆陰虫語切客子張燈徒太息太息天寒未授

石雲居

卷之七

十五

衣旅葵燕麥家鄉饑一年寥落無一字夜聽孤兒寡  
婦啼啼時不顧我傷悲側身望望江南扉恨不如王  
子喬雙鳬來往蒼雲高恨不如張果老騎驢千里遊  
中條松舟檣楫寫心勞依風代馬馳蘭皋吁嗟我遺  
逢程璜與唐玟蔡趙亦英雄流離人不見再生徒倚  
瀛州亭盍簪重上光明殿如何鴻雁南去多鯉魚北  
來素書變獨坐翻疑秋病深長安鼓角聲沉沉天涯  
接續斷復續聽我凄然一夜吟

送謝寤雲先生招撫廣西

天上將軍年既老獨居府中無一事車馬路希百  
索但有幽人來問字朔車鄉架繡胸懷落筆如神風  
雨至幽燕健關推前轂不敵君家青案牘閉門深湛  
子雲思武庫征南憑指揮祭公雅歌祭叔子裘帶垂  
對之辟塵到海水心照入驅襪穢瘦馬行步何其工  
一童赤足貧猶耐秋風習習響霜枰招徠國手觀輪  
贏爲歡不羨爛柯子金門大隱閒無爭好客墻頭買  
濁酒頽然數爵高談生自言少小將十萬九邊要害  
經縱橫不肯黃金媚公卿封侯上賞竟未成懸車飽

石雲居

卷之七

十六

食大官米至今反覆留餘齒義師發憤誅逆李臣子  
皆當報以死忍貽遺人後至誅隻身願招千萬里鬼  
子岩名古思田八寨聲勢相牽連大征費金久不服  
君持尺一驅車前幕府無勞倩馬周健兒不設携蒼  
頭率土大義昭日月至誠曉諭臣何求修名徒倚將  
軍樹囊書廓落徃徃路秋來瀾瀾白露遙馬鳴落日  
風蕭蕭爲君置酒一相送聽我十八橫吹高樓鼓願  
貯真可用功成談笑吹鴻毛管平方畧無情驕者計  
元老意氣凌雲霄

詩行

詩閣冷虛南北窓秋風瑟瑟鐘曉撞小鳥入簾初  
影汗書硯爭相降客披舊貂拂鷄帚獨卷古人來座  
右告我無事展青箱莫將堯舜為塵垢莊列放言不  
足陳巾幗則名害厥身古今我愛楊子雲默好深思  
誰可倫誰可倫作太玄仕宦如寂寞鳳凰吐瑞縹也  
疾當日只如此荆公子固皆能傳吁嗟乎丈夫何為  
一日不讀書區區富與貴不如禿毫鉛槧之腐儒

梁虞氏行

石雲居 卷之七

十七

大梁有富人軒軒號虞氏金錢充屋間僮僕百千指  
華樓高起大道邊飛鳥朝度翔紫烟置酒設樂歡無  
極擊鼓名客酒十千乃有都亭游俠者相隨六博怡  
臺前明瓊射中兩榆魚飛鳶適墮腐鼠下羣客乃謂  
主慢人訕辱發憤殘其身操戈向彼掠其貨矢志滅  
絕為等倫吁嗟虞氏愚有財盛自娛一朝天厚誅  
笑喪厥軀君不見守財積金殺奴輩難厭足君不見  
鄧家錢饑死無人憐當時靡侈鄙清門何不散財分  
弟昆當時華腴傾長安何不市義如馮驩君且聽我

虞氏歌雖有巨萬今如何

秋風行

溽暑不可忍縹緲秋風來客住五雲堂微尚記徘徊  
槐花滿地結槐子青陰布席南窓開譬如權貴勢熏  
灼我所見之風索索昔日流汗車馬馳殺人睚眦空  
爾為此番熱手變成雪狡謀零落蒼生悅素衣綰帶  
踏金秋蓬蒿不斷吹芳烈有時良友坐堂前獨醺脫  
粟長安仙暮夜無金惡賓遠蕭蕭禿髮形影憐買  
百卷書且讀朝來爽氣秋咆咆縮縮懷黃鶴縱青霄長

石雲居 卷之七

十八

視白魚吞赤線自從避難憂以忤那復能堪戰火能  
昔人悲秋比鐵馬我獨愛秋老樹下蟋蟀遠牆鳴不  
休好鳥無心戲臺榭蕭森不羨青門瓜翺翔不羨金  
臺價尋常富貴比炎塵獨喜秋林恣風雅君不見金  
張許史門朝朝鐘鼓連黃昏賓客失勢不復往繁華  
如華今何存君不見石家金谷蠟代薪年年瓦礫  
青燐他人流涎要路津丈夫處世重賤貧嗚呼丈夫  
處世重賤貧

七歌

吁嗟逢難逃里門掩泣見父數朝喜携杖追隨問安  
否此後困窮甘若旨我父愛兒死裡生惟恐遨遊出  
鄉里赤烏昏噪喧短孤兒走萬山老父矣嗚呼一歌  
兮歌聲長孤身寒凍天未央

其二

母死之日兒所生不見母兮泣如霰我母下世抑何  
苦倉皇出走披素練推心且匿江湖間畏有旁人識  
其面父生母死不相顧萬里哀啼幾無線途窮欲覓  
棲身難但思我母陰相眷嗚呼二歌兮歌聲悲悲莫

石雲居  
詩集

卷之七

十九

悲兮遭死離

其三

有妹有妹天一方兒女羅列寒無裳中有孀居更悽  
惻九原白髮牽肝腸我歸鳩鵲人不識女弟爭來淚  
沾臆痛母不見見阿兄至親相關傍衣食嗚呼三歌  
兮歌轉哀天涯隔絕悲風來

其四

有子有子幼稍嚙大父堂前雙兒童避難欲托齊鮑  
氏宛轉懷母歸蒿蓬遠夢携兒渡燕北一歲不開生

死憶恐遭羅網及孤雛振翮欲飛飛不得嗚呼四歌  
兮歌未闌恨不通身挾羽翰

其五

廣通鎮上湯彥仍龍游山中一袁生皆能縱舍亡命  
客義高日月凌英豪兩家必至遭羅織破巢之下無  
消息霜天月苦刮骨寒又爲良朋無罪側嗚呼五歌  
兮歌五轉天地雖更愁不變

其六

居室如斗席如冰火流不寐促織鳴石頭組練降帆

石雲居  
詩集

卷之七

二十

出奸人之雄初噤聲蚊負成雷蠅恣汁雲霧蒸蒸白  
日匿我生何爲遭怨仇蘇張傾危竟成習嗚呼六歌  
兮歌不停歌成獨流無人聽

其七

丈夫生何罹此煩冤苦秋肺不堪食堪數江南童僕  
信義微失勢掉頭要津去我望好音來者稀鯉魚尺  
半能天飛烹魚素書無所得跂予翹首江南涯  
嗚呼七歌兮歌未能勉強加餐徒辭爵

初至家

我生之後何不辰赤眉青犢紛如塵遂垢千里逃江濱不願偷息虧王臣言歸白髮喜再見稚子涕泣來遶身

吳御史

茶馬御史歸長安我一見之授我餐爲言皇天有老眼不同世態徒漫漫且沽鄰家竹葉酒再展尚書太華友一卷橫掃十丈蓮秦漢諸山皆在手旁觀叱咤白雪高齊入青冥墮天匏挹之數勺腹已果文章玉頃如波濤御史詢我近何事閉戶著書猶不已腹中

石雲居詩集

卷之七

二十一

不見王君公不浣衣裳破雙履百泉嘯發嵩嶽尊尺書招致遊天門坐公十日陳太古屈宋以後何足論

江南曲送呂甥

秋水長橫塘稻葉間蓮芳游子紅塵道安能不早歸故鄉提書篋土屋青旆垂卽愁風作冷布袍希見欺莫爲遊俠者翩翩過洛下有白頭鮑長皆聽車馬

石雲居詞集卷之八

芝山陳名夏著

詞

聲聲慢

石顏老客雪寒衣浮塵不上松亭玉屑珠光平白占斷山青高臥朝來晏起無箇事嘯詠誰聽牽松友拂流溪幽磻看破滄溟總道繁華如夢漫空雲霧當吹我微醒姑射山頭仙人著甚丁寧輸他烹芝食隨騎玉龍一點黃庭枕鴻寶戴鵲冠白髮星星

石雲居

卷之八

石雲居士集十五卷詩七卷

江蘇巡撫  
採進本

國朝陳名夏撰名夏字百史溧陽人前明崇禎癸未進士授翰林院編修入

國朝官至大學士緣事伏誅此集卷首有名夏順治三年自序而集中賀成青瑤冢宰序稱順治九年則集成之後又有所增續矣集中祭其師項煜文歷稱煜之智與煜之忠又云吾師不死於讐而死於賊殊乖公論厥後歸命國朝棄瑕錄用復以怙權罹法

御製人臣警心錄卽爲名夏所作至今爲鑒其立身蓋不足稱特以當時著作商榷典制足資考核故遺集流布尙在人間今亦姑存其目而並辨其顛倒是非之失俾來者無惑焉



ZW 21101000574754